



*Del' Opera di Giovanni di
Chenasco.*

ANTONI
 SVCCOVI
 SOCIETATE
 VIA VITA
 ETERNA
 Iconibus illustrat
 per Joannem A
 Holwerf
 AMSTERDAMI
 Apud Joannem I
 1704

Vol. 1. Icones 2.
 Icones

D. O. M.

REGI REGVM;

E T

REGINÆ CÆLORVM

B. VIRGINI MATRI

MARIÆ.



Lementissime Deus , tua
sunt omnia , cæli & terra,
& quidquid cæli ambitu
continetur; & si quid offe-
rimus tibi , tuum , quod à

benignissimâ manu tuâ accepimus, red-
dimus ; vt ad suum principium, ex quo
fluxerunt omnia, reuertantur. Ideoque
hoc opus , non meum, sed tuum, quàm
humillimè offero: VIAM hanc VITAE ti-
bi, qui es VIA, VERITAS, & VITA NO-
STRA; nec non B^{MAE} MATRI TVAE: ac ro-
go , vt cum eâ ad istam , & omnes , qui
eam legerint & iniuerint, benignè respi-
cere digneris, vt in te, qui VERA VIA es,
ambulent , & in VERITATE perma-
neant; & ad te, qui salus es, & VITA NO-
STRA AETERNA , perueniant ; atque ita
eò, vnde omnia, reuertantur. Amen.

Facultas R. P. Prepositi Prouincialis Pro-
uinciæ Flandro-Belgicæ.

Librum VIA VITAE ÆTERNÆ inscriptum, & à R.
P. Antonio Sucquet Societatis nostræ confectum, atque à
destinatus arbitris lectum & approbatum, ego Florentius de
Montmorency Societatis IESU per Flandro-Belgicam Prouin-
cialis, ex auctoritate admodum R. P. N. Generalis Mutij Vitel-
lesci in lucem prodire permitto; & concedo facultatem typis
eum mandandi. In cuius rei fidem hæc manu meâ subscriptas,
& sigillo officij mei munitas dedi. Bruxellæ 7. Septembris,
Anno 1624.

Florentius de Montmorency.

A P P R O B A T I O.

Liber hic inscriptus VIA VITAE ÆTERNÆ, Auctore
R. Patre Antonio Sucquet, Societatis IESU Theologo, &
ab eodem iam recognitus, est doctus, & nil nisi deuotionem spi-
rat, ac simul ad orationem instigat, vt etiam doctiores viam
meditationum facillimè per hunc inueniant. Quare omni studio
admittendum puto, vt typis mandetur, quo in plurium homi-
num manus perueniat. Quod testor 1. Maij. Anno 1624.

Egbertus Spitholdius S. T. L. Canonicus
& Plebanus Autuerpiensis.

P R Æ.

P R Æ F A T I O.

B Enigne Lector, accipe hanc Viam vitæ æternæ, quam tibi vt filio offert Dominus IESVS vita nostra per me indignissimum seruum suum; omnia enim opera nostra in nobis operatus est. Illum autem assidue rogo, ac rogabo, & multi mecum, quos in hac negotiatione (vt sic loquar) habeo socios, & apud Deum Oratores, vt me, & te, & omnes qui viâ hanc legent, gratiâ suâ præuenire dignetur is, qui est fons omnis gratiæ, & bonitas infinita Christus IESVS. Tu vicissim idipsum pro me, ac te, & illis, qui pro te orant, roga. Orationem ad hoc habes initio libri præparatam, p. 3. Deinde inter legendum, Deum quasi loquentem audi; etenim iuxta S. Augustinum, nobis infinita illa maiestas loquitur, dum sacra legimus. Paratum verò habe cor, vt monentē audias, sequaris Deum præeuntem; imple enim Via, Veritas, & Vita. Et agitur, agitur, mi frater, agitur, attende, & appende obsecro, de æternitate, æternitate tuâ, & mea. Vt verò inoffenso pede hanc Viam per gratiam Domini nostri IESV CHRISTI decurras, si quis pro humanâ fragilitate irrepsierint errores, & in calcem libri reiecti sint (etsi verè magnâ charitate & diligentia plures intenderint correctioni) corrige eos, rogo, initio, ne aliàs inter legendum remoram experire, & molestiam. Nunc quid in nouissimâ hac editione præstitum, Dei, & B. Virginis auxilio habe. Certè quæ post primam editionem

Isaia 26.

Oratio pro Lectore.

Orandum pro Auctore, &c.

Quomodo legendum, & audiendus Deus.

NOTA.
Lector, Primò errata corrigenda.

P R Æ F A T I O.

*Quid in
hac editio-
ne præsti-
tum,
Diuisio
operis.
Exercitia
diuisa.
Omnia
habent ap-
plicationē
ad Com-
munionem.
Meditatio-
nes auctæ.*

hactenus cognoui desiderari, conatus sū, quo-
ad licuit, perficere, vel adicere. Quæ inquis, il-
la? 1. Effectum vt opus hoc, si quis ita cupiat, di-
uidi queat in partes duas. 2. Exercitia singula
sunt in complura distributa, ne cui longiora vi-
deri possint. 3. Ea omnia ad communionē quo-
tidianā seu spirituales, seu sacramentales sunt
accommodata. 4. Meditationes subinde auctæ.
5. Cū harū puncta quælibet meditationē conti-
neant, iis subnexui exercitia varia communia,
idq; Sanctorū exemplo. Hinc verò colligere po-
tes meditationes nullo die facile defuturas.

*NOTA.
diligenter.
Exercitia
communis
sunt in 1. &
2 parte.*

Obserua, rogo, illa exercitia, quæ quasi præci-
pua & communia omni meditationi sunt, in
prima & secunda parte haberi; in prima in ini-
tio, in secunda in fine libri 3. ne si quis duabus
partibus compingi librum vellet, in alterutra
hec requireret. Nota verò solum citari nume-
rum pagine primæ partis, neque numerum

NOTA.

adiectum illi semifolio, quod in fine ponitur.
Quare cum citationē videris pagine in prima
parte folio primo signato positæ, (v. g. Hęcine
vera &c. vt sup. p. 7. Hęcine firma fide, p. 8.)
memor esto eadem in fine secundę partis re-
periri, & quidē auctiora, idq; folio vltimo fine
nota alphabeti, sine numero. Imò commodo tuo
curavi, vt in exemptitio folio ea excuderentur,

*NOTA.
sedulo vsū
horum ex-
ercitiorū.
Vita Chri-
sti IESV
adlita.*

vt commodior tibi eorum foret vsus in omni
meditatione: neque solum in hoc opere, sed &
in omni lectione cuiusuis pij libri, vt experien-
tia ipsa monstrabit. 6. Accessere deinde puncta
de IESV CHRISTI amantissimi Domini nostri
vitæ.

P R Æ F A T I O.

vitâ. Hæc habes lib. 3. c. 3. vt autem Euangelium cuique diei juxta Ecclesiæ ritum assignatum reperiās, vide Indicem Concionatorum: Primus enim numerus paginam indicat, vbi puncta ex textu Euangelij diei, de quo agitur, inuenias. 7. Vt verò hæc puncta condirentur, præter illa breuia exercitia communia, de quibus l. 1. c. 1. p. 5. & seqq. habes complura de affectibus pro omni meditatione commodis l. 2. c. 51. & seqq. Horum autem vbi & quis vsus post singula puncta in vita Christi l. 3. c. 3. indicatur. 8. Diarium etiam auctum est. V. c. 20. l. 3. 9. Pro singulis itē statibus breuis norma vivendi data est, & meditatio cuique propria quotidie, aut certè crebrò vsurpanda. Vide l. 3. c. 21. 22. 23. 24. Capite 25. discēs, vt perseuerare debeas in vocatione tuâ. 10. Documenta habes aliquot rara Sanctorum, eaq; in calce libri p. 1115. simul posita. 11. Initio verò post præfationem habebis praxim, seu vsum libri, quem, rogo, considera, & boni consule. 12. Indicem quadruplicem qui requirebatur. Primum Capitum; Secundum Materiarum pro meditatione; Tertium Rerum; Quartum Concionatorum; quibus nouæ notæ marginales subseruiunt. Primus, qui Capitum, est vt mox videas, quid hoc opere toto contineatur. Secundus tibi eadem capita distribuit, vt assignet commodam materiam quotidianæ meditationi, cui etiam Quartus est accommodus, scilicet Concionatorū. Etenim (Nota sedulo) hunc non solum esse in vsum Concionatorū, sed tuū, sed cuiusuis: nam quod

*Tractatus
de Affe-
ctibus.*

*Diarium
auctum.
Norma vi-
uendi pro
quolibet
statu.*

*Documen-
ta Sancto-
rum.
Praxis li-
bri.*

*Index qua-
druplex.
Et quis eo-
rum vsus.*

NOTA
*sedulo de
Indice Co-
cionatorū.*

P R Æ F A T I O.

Concionatori vsui erit volenti de Euangelio Dominici, aut festi alijs dicere, id tibi, & omnibus de eodem volenti meditari. Ad hoc habes de vita Christi vniuersâ Dominicis omnibus, ac festis, & alijs diebus puncta ex ipsis Euangelij verbis concinnata, & distributa cap. 3. lib. 3.

NOTA.
*bene, quar-
tus vsus
Indicis
Conciona-
torum.*

*Oratio pro
Lectore.*

Igitur tu Concionator, vel Lector, si de Euangelio Dominicæ alicuius aut festi dicere, vel accommodatè meditari volueris, primò inspicere Concionatorum indicem. Hic tibi quærenti quod sit Euangelium, monstrabit: vnde istud, seu puncta petere debeas. Primus enim numerus illud notat, reliqui materias accommodatas. Nunc rogo humillime te **I E S U C H R I S T E**, dulcissime Redemptor mi, qui ades hîc, & es nobis Via, Veritas, & Vita, vt eum, qui hæc legit, & me infinitâ misericordiâ tuâ ad te ita ducas, vt vitam aliquando habeamus, & abundantius in te æternum habeamus, & amemus eternum te ô omne bonum, omne bonum.

*Omnia
Leo tri-
buenda.*

Te verò, ô Lector, rogo, vt si quid hîc legas quod placeat, non mihi tribuas misero peccatori, & inutili seruo Domini mei, id est, non tribuas calamo scriptionem, sed scriptori; non lumen laternæ, sed luci; non picturam penicillo, sed pictori; aut donum parum fideli dispensatori, sed Deo largitori omnia tribue, à quo omne bonum, & donum emanat. Illi soli honor & gloria in sæcula sæculorum. Amen.

P R A X I S

PRAXIS LIBRI.

TRIPLEX est, vt à viâ mortis ad viam vitæ redeas:
2. vt in eâdem proficias. 3. vt in eâ te perficias.

Si ergo, ô Lector, eheu! in peccato es, & viuens mortuus es, quod absit, rogo te per IESVM, & salutem tuam, caue vel ad momentum remanere in illo statu infelicissimo, & esse hostis Dei, sub potestate diaboli, reus æternæ damnationis; sed cùm possis gratiâ Dei mox resurge, & ad hoc vttere l. 1. cap. 4. 5. 6. 7.

*Conuersio
vt curan-
da.*

Si verò tentaris, id est, non mortuus, sed æger animo es, ægreque virtutem exercere, aut vitium possis vitare, generalia remedia pete ex lib. 2. cap. 38. & seqq. vbi reperies aduersus omnia morborum genera, & pro omni virtute acquirenda media 12. Item in cap. 51. & seqq. de Affectibus, & l. 3. cap. 17. de Pace. Propria autem suis locis inuenies.

*Remedia
morborum.
animi vn-
de petenda
& tenta-
tionum.*

Si de aliquo dubitas & deliberas, lege l. 2. c. 1. 2.

Si acedia surrepat, vttere stimulis, l. 2. cap. 11. 12. & seqq.

*Quid in
dubio fa-
ciendum.*

Quòd si iam sanus es, Disce operari Dei gratiâ, ei que cooperari & perficere opera tuâ; ad hoc enim viuís. & vide c. 5. l. 2. l. 3. c. 20.

*Operum
directio.*

Vt in aduersis te gerere debeas, vide lib. 2. cap. 6. 7. & l. 3. cap. 17.

Quomodo in prosperis, l. 2. c. 20. 23. 44.

*Quomodo
in aduersis;*

Omni tempore & loco. Deum vt finem tibi propone, & lux intentionis bonæ in tenebris huius vitæ nostræ præcedat te, de quâ l. 3. c. 11. Idque vt omnes cogitationes, verba, & opera ad eius gloriam dirigas. Quò enim potiùs? Dic præcor.

*Quomodo
in prosperis
te geras.*

*Quid omni
tempore.
Intentio
recta.*

Quotidie verò, i. manè meditare exemplo SS. & magnorum, etiam Principum, vt Caroli V. &c. Meditationis materiam aptam diei, liber hic Dei gratiâ dabit.

*Quid quò-
tidie faci-
endum.
Meditan-
dum ma-
nè.*

*Sacrum
audiendū.*

Vide Indicem materiarum pro meditatione cuiusque dici, & Indicem etiam Concionatorum, qui communis etiam est meditantibus. 2. Sacrum audi, de quo l. 3. cap. quod 9. sequitur per errorem non notato, cui etiam subseruiet exercitium meditationi subiectum, vti & Spirituali, vel Sacramentali Communioni, de quâ breuiter in capp. singulis, & fusè l. 3. cap. 6. 8. 9. 3. Examen semel, saltem vesperi facito, de quo l. 2. cap. 4. 4. Lëctione piâ animum excita, de quâ l. 2. cap. 33. 5. Opus aliquod in manuale exerce, de quo l. 3. cap. 20. in Diario.

Vel stude, de quo l. 2. cap. 31.

6. Collige te crebrò & maximè horis singulis, de quo l. 3. cap. 20. in Diario.

In his, & reliquis per diem vt te gerere debeas, Diarium breue te instruet l. 1. c. 13. p. 151. & Diarium longius, l. 3. c. 20. & varij tractatus eadem tibi fusè explicabunt.

*Quid hebdomada-
tim faci-
endum.*

Quot hebdomadis, Dominica Confessio instituenda, vide l. 1. c. 7.

Et sacra synaxis adeunda, vide l. 3. cap. 6. 8. 9. Meditationes accomodè diebus per hebdomadam infrà assignantur, in *Indice materiarum*. Sabbato verò recollectionem institue, vt significatur l. 3. c. 5.

*Quid in
Quadragesima
In Pasch.*

In Quadragesima habes mysteria, & maximè quæ de Passione, l. 3. c. 10. Similiter & in Paschate, eiusque tempore, l. 3. c. 3. cui etiam subseruiunt Meditationes de virtutibus Theologicalibus, l. 2. cap. 37. Et intentione purâ l. 3. c. 11.

*Quid festo
die agendū*

Si festum inciderit B. Virg, vel alicuius Sancti, vitam illius lege, & exercitiis illis communibus inter legendum vtere, vel ex vitâ illius tria collige puncta.

*Quomodo
Sâctorum
vita sit
imitanda.*

1. Quomodo à Domino electus sit & vocatus, & in purgatiuâ se exercens cum timore & tremore operatus sit salutem suam, atque æternitatem apprehenderit, pœnitentiam egerit, & mundum contempserit, & imitare, 2. Quibus virtutibus aliis moralibus tibi præ-

luxerit,

luxerit, & cur tu id non possis, vel nolis à te percunctare, easque exercere statue; & animæ potentias ac sensus quinque conforma illius potentiis & sensibus; iuuerit ad hoc velut præsentem eum intueri. 3. Vide quantâ fide & spe, & charitate in vitâ, & morte Deo se coniunxerit, & eum honorârit: Quomodo vicissim illum Deus honoret, & illarum actibus virtutum ad Sancti honorem te Domino coniunge, eique & Sancto gratulare. Huc pertinet Meditatio de B. V. l. 3. c. 19. Et de imitatione SS. l. 2. c. 44. De feruore eorum, lib. 2. cap. 14.

Quolibet mense saltem vnum diem tibi tribue, & te propius inspicere, & finem ac progressum tuum, uti instrueris, l. 3. c. 5. & 20. *Quid mensibus singulis agendū.*

Quotannis, i. die anni æternitatem cogita, & numera annos & dies tuos præteritos & reliquos, Deoque consecra, & saltem ex anno toto tibi tempus aliquod sume pro curandâ salute tuâ, vel domi tuæ solitudinem quærendo, vel in domo Religiosâ. Porro pro secessu & sui renouatione accuratiore, lege de Solitudine, l. 2. c. 30. & per aliquot dies manè & vesperi ruminare vnam ex illis octoconsiderationibus, l. 1. cap. 4. Deinde præpara confessionem generalem, & Colloquio, ibidem, cap. 5. p. 52. posito te excita. Denique si vno tantum die tibi vacare possis, eundem sic distribue. Meditare, Primò mane de fine hominis; Secundò, de morte. Tertiò, de iudicio; Quartò, de æternitate. reliquo verò tempore vitæ tuæ actiones recognosce, & confessionem institue iuxta lib. 1. cap. 6. & proposita scribe, ut ibidem p. 77. *Quid quotannis.*

Quòd si triduum cum Christo latere placebit; eadem præparatione præmissa, primò meditare de fine; deinde reliquas decurre meditationes positas, l. 2. c. 39. & seqq. pro meditationis affectu excitando, succisiuis horis exercitium quadruplex, lib. 2. cap. 3. 4. 5. 6. pertracta.

Quòd

Quod si tibi non licet aliud abire, saltem domi quolibet semestri in festo omnium SS. & Paschæ quasi ad mortem te para hoc pacto: Per dies aliquot renoua mentem meditationibus in modo meditandi propositis, lib.2.cap.39.

Ac deinde iuxta id, quod l. 1.c.6.p. 77. traditur de te tuisque rebus dispone.

Quid refugis? Nonne vitæ tempus ad hoc vnum tibi datum, vt salutem cures tuam? & dicere potes Deo, aut animæ tuæ, Non vacat? Dicere quidem potes, sed non credet Deus, neque vllus qui te Christianum nouit, neque tu, si te noris.

NOTA,
NOTA^e
Quid di
& hora
mortis.

Quid denique faciendum tibi sit die illo, qui de omnibus iudicabit, à quo pendet æternitas, & horâ illâ quam alia non sequetur, vide l.3.c.26.& Vale in Christo IESV, ei que viuere, & morere.



Index Capitum Viæ Vitæ æternæ.

LIBER I.

- C**aput 1. de fine hominũ, p. 3.
 Exercitia quædam omni meditationi communia, p. 5. 6. & seqq.
 Eadem habentur in fine lib. 3. vltimo semifolio non signato.
 Cap. 2. de fide, p. 18.
 Cap. 3. de statu vitæ deligendo, p. 30.
 Cap. 4. de maturâ conuersione, p. 43.
 Considerationes 8. pro eadem, p. 50.
 C. 5. de penitentia & contritione, p. 52.
 Cap. 6. de confessione, p. 62.
 Examen pro confessione generali, p. 67.
 Cap. 7. De frequenti Confessione, p. 80.
 Cap. 8. de confessario, p. 89.
 Cap. 9. de satisfactione, ac primo de ieiunio, pag. 96.
 Cap. 10. De Eleemosyna, p. 104.
 Cap. 11. de oratione, p. 115.
 Cap. 12. de lectione horarum, p. 133.
 Cap. 13. Regula ad perfectionem, p. 145.
 Diarium breue, p. 151.

LIBER II.

- C**aput 1. De modo deliberandi, p. 158.
 De notis spirituum, p. 160. (p. 168)
 C. 2. deliberatio de perfectionis studio.
 Cap. 3. De gratiarum actione, p. 179.
 Cap. 4. de examine generali & particulari, p. 186.
 Meditatio pro vitio extirpando, p. 199.
 Meditatio pro virtute acquirēda, p. 200.
 C. 5. de consideratione agendorũ, p. 203.
 C. 6. de consideratione malorum, p. 214.
 C. 7. de patientia in proprijs malis, p. 223.
 Cap. 8. de contemnendis hominum iudicijs, p. 231.
 Cap. 9. de peccato veniali, p. 243.
 Cap. 10. de tentationibus, p. 248.
 C. 11. de Acediæ mortificatione, p. 262.
 C. 12. de stimulo ex breuitate vitæ, p. 270.
 Cap. 13. de periculũ vitæ, p. 276.
 Cap. 14. de feruore SS. p. 280.

- C. 15. de charitate erga Ecclesiã, p. 186.
 Cap. 16. de charitate erga animas in purgatorio, p. 292.
 Cap. 17. de zelo animarum, p. 297.
 Cap. 18. de mortificatione, p. 302.
 Cap. 19. de passionibus edomandis, p. 318.
 De odio sui, p. 318. (311.)
 De curiositate, p. 321.
 C. 20. de mediocritate tenendâ, p. 326.
 Cap. 21. de superbiâ, p. 335.
 Meditatio de humilitate, p. 338.
 Cap. 22. de obedientiâ, p. 349.
 Cap. 23. de moderanda cupiditate bonorum, p. 358.
 De Auaritia, p. 368.
 De pauperiæ, p. 371.
 De bonorum usu, p. 378.
 De bonorum dispensatione, p. 383.
 Cap. 24. de delectationum appetitu moderando, p. 390.
 De castitate, p. 398.
 Cap. 25. de modestia, p. 404.
 De conuersione cũ proximo, p. 408.
 C. 26. de temporis habēdaratione, p. 414.
 Cap. 27. de monitore eligendo, p. 419.
 Cap. 28. de amicorum delectu, p. 428.
 Caput. 29. de familiæ delectu, pag. 438.
 Caput. 30. de solitudinis bono, p. 446.
 Caput. 31. de studijs, p. 458.
 Caput. 32. de officio eius qui alium docet, & concionatur, p. 467.
 Caput. 33. de lectione pia, p. 477.
 Caput. 34. de perseuerantia, p. 486.

SECUNDA PARS.

- C**ap. 35. de meditandi methodo, p. 498.
 C. 36. de Natiuitate Christi, p. 517.
 Cap. 37. de modo meditandi per fidem spem, & charitatem, p. 523.
 Meditatio de verbis illis: Omnis qui se exaltat, humiliabitur, p. 532.
 Cap. 38. de confidentia in Deo, p. 550.
 Caput

INDEX CAPITVM.

- Caput 39. de ponderatione virtutis, & vity. p. 559.
 C. 40. de prudentia filiorū saculi, p. 568.
 Cap. 41. de morte, p. 577.
 Cap. 42. de extremo iudicio, p. 584.
 Cap. 43. de aternitate, p. 593.
 Cap. 44. de imitatione SS. p. 602.
 C. 45. de pace animę per virtutē, p. 611.
 Cap. 46. de gaudio ex virtute, p. 610.
 Cap. 47. de imitatione Christi, p. 629.
 Cap. 48. de beneficijs Dei, p. 638.
 Cap. 49. de perfectionibus Dei, p. 647.
 Cap. 50. de petitione, p. 656.
 Cap. 51. de affectibus in genere, p. 660.
 Cap. 52. de affectu fidei, p. 663.
 Cap. 53. de affectu admirationis, p. 668.
 Cap. 54. de affectu compassionis, p. 672.
 Cap. 55. de affectu contritionis, p. 678.
 Cap. 56. de affectu spei, p. 684.
 Cap. 57. de affectu imitationis, p. 689.
 C. 58. de affectu gratitudinis, p. 694.
 Cap. 59. de affectu gaudij, p. 701.
 Cap. 60. de affectu amoris, p. 708.
 Cap. 61. de exercitijs præcipuarum virtutū, charitatis proximi, resignationis, humilitatis, contemptus rerum humanarū, paupertatis, obedientię, castitatis, patientię, abstinentię, feruoris Sanctorum. p. 715. & seqq.
 Cap. 62. Exercitium post meditationem, p. 726.

LIBER III.

- Cap. 1. de perfectione, p. 745.
 Cap. 2. de imitatione Christi, p. 751.
 Regula ad perfectionem, p. 761.
 Cap. 3. de vita Christi meditationes XCI. p. 764. Quę cuique diei iuxta ritum Ecclesię assignetur, & quomodo eamdem facillē inuenias, docebit te Index Concionatorū.
 Cap. 4. de desiderio perfectionis, p. 790.
 Cap. 5. de renouatione sui, p. 795.

- Cap. 6. de Communionē, p. 805.
 Cap. 7. de officio Sacerdotis, & præparatione ad Sacrum, p. 816.
 Cap. 8. Ante Communionem meditatio, p. 824.
 Cap. 9. de Communionē, p. 854.
 Cap. de modo audiendi sacrum, p. 864.
 Hoc caput numero suo notari non potuit, quia serius error deprehensus.
 Cap. 10. de Passione Christi, pag. 876.
 Cap. 11. de pura intentione, p. 898.
 Cap. 12. de præsentia Dei, p. 914.
 Cap. 13. de amore Dei, p. 925.
 Cap. 14. de charitate proximi, p. 937.
 C. 15. de dilectione inimicorum, p. 946.
 Cap. 16. de contemplatione, p. 958.
 Cap. 17. de pace animi, p. 978.
 Exercitium pro confidentia in Deo excitanda in scrupulis & aduersis, p. 1011. & seqq.
 Consolatio animę afflictę, p. 1015.
 Cap. 18. de notis salutis, p. 1016.
 Cap. 19. de imitatione B. V. p. 1024.
 Cudou. Blosy Rosarium, p. 1035.
 Cap. 20. Diarium, p. 1042.
 Recollectio mensura, p. 1061.
 Cap. 21. de statu matrimony, p. 1063.
 Cap. 22. de statu viduitatis, p. 1071.
 Cap. 23. de statu cœlibatus, p. 1076.
 Cap. 24. de statu Religiosi, p. 1082.
 Cap. 25. meditat. de Perseuerantia in propria vocatione, p. 1087.
 Cap. 26. de præparatione ad mortem, p. 1106.
 C. 27. de vita æterna, p. 1106. (1016).
 Documenta pro Resignatione perfecta, & perfectione, p. 1115. Alia ē D. Vincentio, p. 1123. Alia ex D. Bernardo, p. 1126. Alia ex D. Thomā, p. 1128. Epilogus ad B. V. Exercitia quędam omni meditationi communia, quę etiam pleraque habes, lib. I. C. I.

INDEX

INDEX MATERIARVM.

Quo quisque vti potest, vt aptè Meditationem
die quolibet sibi sumat.

Pro via purgatiua.

Diebus Lune.

DE sine hominis, p. 10.
De ponderatione virtutis &
vitiij, p. 559.
De vitio in genere, p. 199.
De peccato veniali, p. 243.
De periculis vitæ huius, p. 276.
De breuitate vitæ, p. 270.
De morte, p. 577.
De purgatorio, p. 292.
De extremo iudicio, p. 584.
De æternitate, p. 593.
De matura conuersione, p. 54.
Considerationes 8. pro eadē, p. 50.
De pœnitentiâ & contritione, p.
52. 678.
De frequenti confessione, p. 80.
De satisfactione ac ieiunio, p. 97.
De abstinentiâ, p. 724.
De elemosynâ, p. 104.
De tentationibus, p. 248.
De acedia, p. 262. 265.
De curiositate, p. 321. 323.
De superbiâ, p. 335.
De auaritiâ, p. 368.
De contemnendis hominum iudi-
ciis, p. 231.
De Pater noster, p. 761.
De notis salutis, p. 1016.

Pro via illuminatiua.

Diebus Martis, Mercurij & Iouis.
De studio perfectionis, p. 168.
Huc pertinent Documenta, l. 3. p.
1115. & seqq. ex Sanctorum
scriptis collecta.

Regula ad perfectionem, p. 145.
De prudentiâ filiorû sæculi, p. 568.
De statu vitæ eligendo, p. 30.
De statu matrimonij, p. 1063.
De statu viduitatis, p. 1071.
De statu celibatus, p. 1076.
De statu Religiosi, p. 1082.
De examine generali, p. 186.
De consideratione agendorû, p. 203.
De modo deliberandi, p. 158.
De notis spirituum, p. 160.
De seruire Sanctorum, p. 280. 725.
De charitate erga Ecclesiam, p. 286.
De zelo animarum, p. 297.
De mortificatione, p. 306.
De passionibus domadis, p. 313. 318.
De odio sui, p. 318. 319. 320.
De consideratione malorum, p.
215. 216.
De patientiâ in propriis malis, p.
223. 723.
De mediocritate tenendâ, p. 327.
De humilitate, p. 338. 341. 717.
De contemptu rerum humanarû, p.
De diffidentiâ sui, p. 550. (718).
De virtute in genere, p. 200.
De obedientiâ, p. 349. 352. 721.
De moderanda cupiditate bono-
rum, p. 358.
De paupertate, p. 70. 371.
De elemosyna, p. 104.
De bonorû dispositione, p. 383. 385.
De bonorum vû, p. 378.
De delectationum appetitu mo-
derando, p. 390.
De castitate, p. 396. 398. 722.
De modestia, p. 404.
De conuersatione, p. 408.
De temporis habenda ratione, p.
414.

De

INDEX MATERIARVM.

De monitore eligendo, p.419.
 De amicorum delectu, p.428.
 De solitudinis bono, p.446.
 De perseuerantiâ, p.486.488.490.
 De lectione piâ, p.477.
 De Meditatione, p.498.500.
 De peritine, p.656.
 Exercitium post Meditationem, p.726.
 De oratione, p.121.
 De lectione horarum, p.133.
 De imitatione Christi, p.629.
 De Christo Duce sequendo, p.751.
 De vita Christi medit. xcj. p.765.
Quomodo, inquit, is utar? Respondeo:
Aut ordine, quo posita sunt, eas med-
itabere, aut vnâquamque eo die,
quo Ecclesia Euangelium ex quo de-
sumptæ sunt, legit, & ad hoc tibi
magno vsui erit Index Concionato-
rum.
 De Natiuitatē Christi, p.517.
 De imitationis affectu, p.689.
 De imitatione SS. p.602.
 De gaudio ex virtute, p.620.
 De pace animæ per virtutem, pag.611.
 De studiis, p.458.460.
 De confessario, p.89.
 De concionatore, & eo qui alium docet, p.467.
 De Fide, p.18.663.
 De Spe, p.684.
 De modo meditando per fidem, spem & charitatem, p.513.

Pro Viâ vnit in 2.

Die Veneris.

De Passione Domini, p.876.

Die Dominica:

De perfectione, p.745.
 De vitâ æternâ, p.1106.
 De Communionē, p.805.842.854.
 De modo audiendi Sacrum, p.865.
 De præparatione ad Sacrum, p.816.
 De perfectionibus diuinis, p.647.
 De intentione pura, p.898.
 De præsentia Dei, p.914.
 De amore Dei, p.925.
 De amore proximi, p.715.937.
 De zelo animarum, p.297.
 De dilectione inimicorum, p.946.
 De conformitate voluntatis nostræ cum diuina, p.978.
 Exercitium pro confidentiâ in Deo excitanda in scrupulis & aduersis, p.1011.
 Consolatio animæ afflictæ, p.1015.
 De Resignatione, p.716.
 De Admiratione, p.668.
 De Compassione, p.672.
 De gratitudine, p.694.
 De beneficiis Dei, p.638.
 De Gaudio, p.701.
 De Amore, p.708.

Die Sabbati.

De renouatione sui, p.795.
 Recollectio, p.801.
 De imitatione B. V. p.1024.

LIBER PRIMVS

VIA

INCIPIENTIVM.

2
P R I M Æ I M A G I N I S
A N N O T A T I O .

Confidera , ô homo , finem tuum &
vias tuas.

A **C** Onsidera coram Deo, quo fine **B** creatus
sis, duplicemque esse terminum, **C** feli-
cem, & **D** infelicē: ad hunc devoluitur **E** mun-
dus: qui in fumum abit, triplicique ardet con-
cupiscentiâ: & ut **F** mare naufragum syrtibus
ac scopulis plenum semper agitatur. Ad illum
siue cælestem gloriam, triplex ducit **G** via: quâ
significatur triplex vitæ status; Religiosus, per
directam: Ecclesiasticus, per obliquam: sæcula-
ris, per sinuosam multum ac ambagiosam.
Quia scilicet minùs ad perfectionem ex natu-
râ suâ accommodus est, etiamsi persæpè qui in
eo sunt, alijs in perfectiore statu viuentibus
virtute multum antecedant. Per triplicem illâ
similiter viam, purgatiua seu Incipientium, il-
luminatiua seu Proficientium, vnitiua seu Per-
fectorum via ac vita designatur. Imò etiam in
quolibet statu, gradu, actione moneris, viam
seu agendi viuendique modum esse triplicem.
Vide an in omnibus rectissimam teneas, **H**
Deumque semper ob oculos habe, & oraturus
in omni loco accede ad Deum, vel ut **I** reus de
peccatis ingemiscens, vel ut pauper & inops à
virtutibus, aut velut sponsa flagrans amore
(Quæ personæ triplicem viam spirituales
exprimunt.) & dic: Appropinquet deprecatio
mea in conspectu tuo, Domine, iuxta elo-
quium tuum da mihi intellectum.

Psal. 118.

O R A T I O





O R A T I O

Quâ lector gratiam petit legendi & lecta
faciendi.

DIXISTI, Dômine IESV, Nemo potest venire ad me, nisi Ioan. 6.
Pater qui misit me, traxerit eum, & omnis qui audiuit
à Patre, & didicit, venit ad me. Igitur te humillimè rogo,
Deus meus trahere me, doce me dum hac lego, iustificationes i. Petr. 4.
tuas; quisquis enim loquatur quasi sermones tuos accipio,
nemo enim dicere potest Dominus IESVS, nisi in Spiritu
Sancto. Veni igitur S. Spiritus, doleo enim vehementer quod Contri-
tio.
non amauerim sic mei amantem: veni, loquerè mihi, quia au-
dit seruus tuus; si surdus est, fac audire, & mutum loqui ma-
gnalia tuâ, aliosque ad te trahere, vt doctrina hac, si eam cum
facere possim negligam, non sit mihi in improprium. Scio
enim non casu, sed hac mihi destinatò à te velut per Episto-
lam mitti ex infinito amore, & suauis prouidentia tuâ, rogo-
que, vt baiulo retribuas in bonum. Et vt sicut gratia tuâ
inuitantem volo sequi hodie, & amantem non deserere, sic tu
non me deseras, salus & spes mea in æternum, Amen.

CAPVT PRIMVM.

*Consideratio de fine hominis, & auxilia ad ora-
tionem ritè faciendam.*



QUEMADMODVM nauta ante
omnia, quem petat portum sibi sta-
tuit, viator terminum quò tendat;
ita etiam nihil magis necessarium est
in viâ & vitâ mortalitatis nostræ,
quàm finem creationis, nauigatio-
nis (vt ita loquar) atque huius père-
grinationis nostræ diligētissimè cōsiderare; vt hoc pacto *Finis con-*
sideratio
cetera omnia, quæ in vitâ agēda sunt, eò dirigātur. Aliàs *necessaria.*
enim aut sæpè recedimus à viâ & termino, aut saltē per
ambages

LIBER I. CAPVT I.

Sap. 5.

*D. Thom.
I. 2. q. 89.
art. 6.
Fines va-
rij.*

*Finis no-
ster Deus
& cælum.*

*Quod in
Medita-
tione omni
Dei præ-
sentia at-
tendenda.*

ambages imus, viaſq; ambulamus difficiles & laborioſas. Deus bone, quantus hic error in omni hominum vitâ! quotus enim quiſque, dum primùm ratione vti incipit (quod oportere hominem facere S. Thomas ait) tendere ab exilio ad patriam, cogitationeſque, ſtudia, verba & actiones eò dirigere ſatagit? Fecè quiuiſ fines vaniſſimos honorum voluptatumque ſibi præſtituit, curſumque, eheu! miſeri quò dirigant, aut dirigere debeant, ignorant: cumque vocati ſint ad magnos honores in cæleſti Hieroſolyma die ſtatuto capeſſendos, errabundi, & ludibundi, longè à Ieruſalem in Iericho proficiſcuntur. Nulla certè res magis luctuofa, nulla magis digna lacrymis, tanto fine creatum hominem adeò ſui & Dei immemorem viuere, vt de fine minima cura ſit ac ſollicitudo. Ne ergo communi vulgi errore abripiaris, rogo te quicumque hæc legis, in finem tuum conſideres, vt oculis priùs in terram, vnde ortum habes; deinde in cælum, cuius regnum vt aliquando poſſideres, à Deo factus es & creatus, attollas, lacrymoſos, inquam, ad Deum oculos peregrinus & aduena, in terrâ deſertâ, loco horro- ris, & vaſtæ ſolitudinis.

Ante omnia memento in omni Meditatione, Oratione, & conſideratione Deum tibi eſſe præſentiſſimum; cui proinde caue velut abſenti loqui irreuerenter, & indeuotè; ideoque orationem præparatoriam præmittere non erit abs re, vt operationes tuæ ſincerè ad Dei gloriam dirigantur, & gratiam ad bene meditandum Dominus largiri dignetur: quæ oratio ſit vel mentalis, vel vocalis. v. g. *Veni creator Spiritus*; vel, *Miſerere*, aut aliqua alia, quâ te excitari ſentias.

O R A

ORATIO PRÆPARATORIA,

cuius Orationi longiori, vel Meditationi communis.

POTENTISSIME Deus, coram quo omnia sunt quasi non sint, dirigatur vel nunc saltem quaeso hac exulis, & prodigi filij tui oratio, & omnis operatio sicut incensum in conspectu tuo ad gloriam magni nominis tui. Tu enim calum & terram creasti pro me, & conseruas longanimiter, aliàs interitura; vt tandem aliquando ô Conditor meus, & omne bonum, cognoscam, & diligam Te. Et quâ fieri potest, vt Te diligentem me ab aeterno non amem? Nonne Tu Pater amantissime, innumeris beneficijs me filium prodigum affecisti: & ego te, eheu! iniurijs? Tu mihi te filiumque tuum dedisti, vt me redimeret in sanguine suo. O Rex regum, & Domine dominantium, qui vbique es, & contemplaris in omni loco bonos & malos, & scrutaris cor & renes; ecce fide viuâ & fiducia magnâ (dixisti enim: Quidquid petieritis, fiet vobis) accedo ad thronum gloriae tuae, vt reus ad iudicem, filius pauper & prodigus ad patrem, & quâ possum charitate ad te quem diligit anima mea: vt vni tibi placeam, & vitam serio corrigam, maximè defectum illum* N. vt offeram tibi sacrificium laudis ex toto corde meo, & cum omni desiderio omnis creaturae, quae fuit, est, eritque, & esse potest, etiamsi infiniti mundi potentiâ tuâ crearentur: idque in vnione amoris & meritorum Christi IESV, & B. Virginis, & Sanctorum omnium. O Sanctissima Trinitas, desidero te laudare pro omnibus qui te ignorant & blasphemant vel in terris, vel in inferno. Benedico te igitur cum Sanctis tuis, & gratias ago pro omnibus donis humanitati Christi IESV, B. Virgini, ac Sanctis omnibus, & mihi concessis, & præcipuè pro amore tuo erga me seruum tuum. Restituo etiam me tibi vt fonti omnium, totumque trado, vt de me disponas in tempore, & in eternitate: animam & potentias eius tibi dico, ô Sanctissima Trinitas, vt te ijs cum curia tuâ, & omni creaturâ tuâ ex toto corde laudem.

Præsentia
Dei.
Actus
spei.

Emenda-
tio vitæ.
* scilicet
quem
examine
particula-
ri perfe-
queris.
Vnio
Laus
Dei.
Gratiarū
actio.

Da quaeso, gratiam, vt humiliter, attentè, & seruentè id faciam, tot beneficijs obstrictus tibi Deo meo. Sine te enim quid sum? quid possum? aut quid cupiam extra te? Nihil mihi est in calo, & à te nihil volui super terram: sed in te sum, viuo, & morior. Atque vtinam! vtinam nunquam vel momento recedam à te, ne elongeris à me!

Hæc vel similis mente attentâ recitari potest, quæ *Oratio preparatoria* in decursu semper vocabitur. Aliam habes similem infra cap. 9. de Oratione.

*Imagina-
tio loci
utilis.*

NOTA 2. Vt animus auocetur ab alijs rebus, quæ orandum, aut meditandum, perutile esse fingere, ac imaginari locum orationi accommodum, siue in cælo, siue in terrâ. v.g. desertum aliquod, aut religiosum locum. Rem quoque meditandam, si corporea, finge coram te geri: si autem spiritualis, humano aliquo modo repræsentari. Hoc *Primum præludium*, vel, *compositionem loci* vocabimus.

NOTA 3. rogandum Deum, vt concedat id quod præsentî Oratione ac meditatione proponitur ac intenditur: idque *Præludium secundum* dicitur.

Post hæc ingredi in conspectum Domini, & quieto animo ac corpore sic singula considera; quemadmodum facit auarus; qui omnia ad suam vtilitatem, quoad potest, trahit aut rapit.

Cum verò minus exercitatis hic labor meus defudet; en tibi subsidia inter legendum, seu meditandum, vti confido in Domino, non prorsus inutilia. His sic vttere. Postquam legeris, aut consideraueris punctum aliquod meditationis, animum oculosque attolle ad Deum, ac Dominum nostrum præsentissimum, & pijs affectibus insiste; fidemque velut intermortuam suscita. Id verò poteris, primò Orationem, quæ meditationem sequitur, legendo post lectionem alicuius puncti, eamque vel totam aut per partes repetendo, (nam idcirco omnes diuisæ sunt, ne cui longiores sint aut videantur nisi vo-
lenti)

lenti) aut aliquam harum orationum sensum & attentè voluendo, & appendendo verba singula: vel Iaculatorias iterando, quarum aliquas, accommodatas viæ triplici seu statui Incipientium, Proficientium, & Perfectorum, hîc habes. Possunt enim illæ in omni meditatione vsui esse. Post lectionem, seu meditationem tibi esse poterit vsui hæc quæ infra subiungetur Oratio.

Exercitium fidei & virtutum aliarum in Oratione.

HÆCCINE vera sunt? Hæccine viua fide credo? & quasi crederem, sic viuo, cogito, loquor, & operor coram te? & in te spero, ô Spes vnica, & te amo, ô infinita bonitas, hîc mihi præsentissima? Credo, Domine, adiuua incredulitatem meam, spero in te solo, & scio, non confundar & te solum quero. Extra te enim vanitas vanitatum, & omnia vanitas. Et sicut amore tui super omnia doleo, quod offenderim te, ita toto corde amo te super omnia. Et an aliquid N. vltà me separare poterit à te? ô JESV, ô vita, ô amabilissima charitas! ô omne bonum Deus meus, Deus cordis mei & omnia!

Actus
fidei.
Spei.

Amoris.

Actus
Contritionis.
Abnegatio sui.

Aliud Exercitium in Oratione.

CREDO tibi, ô aterna veritas, quæ mihi iudicia tua aperire dignata es; credo, ô Maiestas infinita, te hîc, & in corde meo, & vbique esse per essentiam, præsentiam, & potentiam: in te ergo ego & omnia, vt in mari sponsia, & tu in omnibus & nobis es omnia, & circa nos omnia, velut lumen, aer, nebula, ignis, & in me omnia, & in omnibus operaris propter me, & in corde meo velut throno & templo tuo requiescis; quare in te solo cōfido, & spero desiderata obtinere N. quia toties, ô veritas, dare per filium tuum postulata promisti, ideoq; & omnia tibi cōmitto, ac diligo te ex toto corde meo, &

Actus
fidei.

Præsentia
Dei.

Resignatio.

Actus
charitatis.

Oblatio
sui.

omnes propter te, & desidero pro innumeris beneficijs N. & vita mysticis N. & peccatis meis quæ detestor, & quia dignissimus es, offerre tibi omni affectu possibili hoc Sacrificium cordis mei & bonæ voluntatis N. vltimum fortè coram curiâ tuâ, & cum eâ, & pro omni creaturâ tuâ. Da mihi, benignissime IESV, à te vocato ad hoc gratiam, & suscipe in vnione omnium meritorum tuorum me, & omnia mea, & hoc propositum meum N. Amen.

Aspirationes secundùm tres vias, quibus inter legendum vel meditandum anima excitari potest,

Secundùm viam purgatiuam.

HÆCCINE firmâ fide credo, & hæc à me postulat bonitas tuâ? certè sagittæ tuæ infixæ sunt mihi, Deus viuifica me, & deduc in semitam mandatorum tuorum.

Psal. 37.

O Pater amantissime, peccaui in calum, & coram te, iam non sum dignus vocari filius tuus, sed fac me, benignissime

Lucæ 15.

Psal. 118.

IESV, sicut vnum ex mercenarijs tuis. Et quæ merces mea? tu es, bone IESV, & verè magna nimis.

Sal. 5.

Amplius laua me, bone IESV, ab hac N. iniquitate meâ, & à peccato meo munda me, qui sic dilexisti me, & lauisti me in sanguine tuo.

Isaïæ 55.

Sana me, Domine, & sanabor, saluum me fac, ô IESV, & saluus ero, & dū inueniri potes, quæram te in toto corde meo.

Psal. 29.

Psal. 70.

Quæ utilitas in sanguine meo, dum descendo in corruptionem? igitur ne elongeris à me, Deus meus, in auxilium meum respice.

Psal. 26.

Adiutor meus esto, ne derelinquas me, neque despicias me Deus salutaris meus.

Secundùm viam illuminatiuam.

Psal. 118.

O via vitæ, ô lux mea, quis mihi tribuat vt ambulem dum te habeo, & sic N. curram in viam mandatorum tuorum? vt comprehendam te sicut comprehensus sum.

O omne bonum, quando satiabis me gratiâ & charitate tuâ,

tuâ, & cognoscam quod tu sis mihi omnia, quodque extra te sumus & umbra & vanitas, & nihil sint omnia?

O sapientia aterna, quando credam tibi sic loquenti ad me, vt sequar te quocumque ieris, lux mea, & illuminatio mea, & salus mea? Matth. 8. Psal. 26.

O Domine, qui nihil sum, & nihilo peius, quid mihi est in calo, & à te quid volui super terram? tu enim pars hereditatis meæ, & calicis mei, vtinam restituas hereditatem meam mihi. Psal. 72. Psal. 15.

Magister bone, doce me facere voluntatem tuam, quia Deus meus es tu, & in manibus tuis sortes meæ, mors & vita mea sempiterna. Psal. 142. Psal. 30.

Secundùm viam vnitiuam.

O Charitas Deus meus, quis mihi tribuat, vt amem te vnum, & nihil extra te?

O Spes mea, & requies mea, quando sustolles me super altitudinem terræ, & requiescet cor meum in te? & gustabo & videbo quàm suavis sis diligentibus te? Isai. 58. Psal. 33.

O dulcis hospes animæ, ô thesaure abscondite, quando te suscipiam? quando te inueniam? Matth. 13.

O IESV, si deliciæ tuæ sint esse cum filiis hominum, obsecro te, sint etiam tuæ esse mecum. Paratum enim cor meum, paratum cor meum; tu scis. Prov. 8. Psal. 56.

Patribus meis conglutinator es, Domine, fac, obsecro, me vnum tecum, sicut tu & Pater vnum estis; & sufficit mihi. Deut. 10.

Oratio post orationem longiorem.

DOMINE Deus meus, qui custodis pactum & misericordia seruis tuis: gratias tibi ago; quia dignatus es audire deprecationem meam: exaudi, quæso, eam propter gloriam nominis tui, & da mihi gratiam (sine quâ nihil possumus) vt voluntatem tuam, quâ cognoui, & defectus meos vehementer doleo, emendare, ac pia desideria ista perficere possim, vt magnificetur nomen tuum vsque in sempiternum. Suscipe illa, obsecro, & opera mea in vnione meritorum filij tui, & omnium Sanctorum tuorum: dispone de me vilissimâ creaturâ tuâ secundùm beneplacitum tuum. Resigno me, & projicio

Gratiarũ actio.
Diffidentia sui.
Contritio.
Propositorum iteratio.
Oblatio sui.

projicio totum in te, omniaque accepto, à paternâ manu tuâ, ac toto corde te diligere, & tibi seruire desidero, Amen.

Nota, quoties N. ponitur, indicari, secundum subiectam materiam opportunum ibi esse, aut beneficia Dei aut vitæ Christi myſteria, aut defectus tuos, aut pia desideria, aut illa quibus indebitè adhæres, considerare.

Oratio pro executione bonorum desideriorum.

Confide-
ratio
exempli
Christi
Quàm
facile
Deum
sequi.
I. Ioan. 5.
Gratiâ
Dei
vtendum.
Psal. 64.
Scire &
non face-
re inutile
est.
Philip. 2.

DIGNATVS es, *amantissime Magister CHRISTE JESV,* in sudore vultus tui, exemplo & sanguine tuo signare doctrinam istam N. sis benedictus in æternum. Dignatus es has Praxes faciles (mandata enim tua grauiâ non sunt) mihi proponere, vt sequar tua tuorumque vestigia. Itaque cum possim per te, propter te volo vt placeam tibi dolens de omnibus peccatis meis. Sis benedictus in æternum. Visitasti terram, & inebriasti eam imbore & rore gratia tua, da obsecro incrementum semini sancto tuo, vt sis à me benedictus toto affectu in æternum. Si enim hac, sciente me, gratia tua in me vacua sit, quid erit, quod moriens, quod in iudicio, tibi & charitati, & immensæ bonitati tuæ vel ad tot exempla respondere? Da igitur velle & perficere, & amare te, *amantissime JESV,* & viuere tibi ô vita nostra in æternum, in æternum. Amen, Amen.

De his opportuniore loco infrâ agemus fulsiùs, cum de præparatione ad Orationem, & fine illius; & rursus, cum de Meditatione. nunc obiter dixisse sufficiat.

MEDITATIO.

De fine ob quem homo creatus est.

ORATIO PRÆPARATORIA, vt suprâ.

PRAELVDIVM I. seu COMPOSITIO LOCI:
Constitu te coram Deo, & finge velut in deserto vastissimo sedere, ac spectare omnes homines ab orbe condito ex sinu magnæ matris in vitæ huius prosce-
nium prodire, & transire per portam mortis, quasi post
siparium, in diuersissima regna, infeliciſſimam aut feli-
cissi-

cissimam æternitatem, vti in libri fronte videre licet. Aspice Deum ac Sanctos te hortantes, vt aliorum periculo cautiior sis.

PRAELVDIVM II. Suppliciter roga Deum, vt dignetur tibi viam ostendere, quâ ambules, & concedere, vt tot miserorum infelici spectato exitu, feliciorem vitam & terminum possis sortiri.

PVNCTVM I. Considera Primò nihili abyssum, priusquam mundus creatus esset: vbi & quid tunc fuerit rerum hæc machina, Reges, ac Principes, homines omnes, & quæcumque mundi ambitu continentur, vbi pleraque, vbi tu post breue tempus futurus sis in omnem æternitatem: & subsiste, Præterit enim figura huius mundi, & transeunt omnia tamquam vmbra, Diligenter igitur aduerte vanitatem omnium rerum, vt in illâ nihili abyssò manifestè vides; nihilque te cæteraque omnia fuisse, potuisse, aut sciuisse, omniaque accepisse à conditore tuo; & humilia te sub potenti manu eius, neque vnquam nisi in eo glorieris. Quis enim te discernit? quid habes, quod non accepisti? si autem accepisti; quid gloriaris, quasi non acceperis?

*Hominis
ortus &
finitis.*

*I. Cor. 7.
Mundi
vanitas.*

I. Pet. 5.

I. Cor. 4.

Hic si libet utere Oratione infra posita pag. 15. quæ incipit:

*Omnipotens sempiterne; vel parte eius, vel vnâ duarum
suprà positarum, vel Iaculatorijs ibidem positis.*

*Hoc autem sæpè tibi indicari videbis, & ad eas te remitti,
quando initium earum puncto alicui subiicietur.*

*Prima incipit: Hæccine vera sunt, &c. Altera: Credo tibi:
&c. pag. 7.*

Considera Secundò, te ipsum ex illo chao seu nihilo velut recens diuinâ manu prodijisse, & ab eâ statutum in amplissimo mundi theatro, & quasi vastissimo deserto: & vide qualem formauerit Deus de limo terræ, vt inspirauerit spiritum vitæ, atque ad imaginem suam formauerit, cum animam dederit intellectualem, spiritua- lem, vbique totam, omnia mouentem, immortalem, vnam, & tribus potentijs ornatam: corpus verò sensibus & numeris omnibus absolutum. Et mox agnosce,

*Omnia à
Deo accepimus.*

*Anima
præstantia.*

Bernard.
serm. 2. de
Nat. Do-
mini.

sce, ô homo, dignitatem tuam, agnosce dignitatem conditionis humanæ. Est tibi cum mundo corpus: sic enim decet eum, qui constitutus est super vniuersam huius creaturæ corpoream molem, aliquâ ei simili ex parte: sed etiam est tibi sublimius aliquid, nec omnino comparandus es cæteris creaturis. *Hæcine vera, &c. f. 7.*

Finis crea-
tionis.

Tertiò considera Deum tibi præsentem vti Adamo recens creato, & suppliciter pete, quorsum te creauerit: & audi dicentem, quod omnia fecerit propter semetipsum & gloriam suam, & vt eum in hâc vitâ laudares, ei que seruires, sicut facit omnis creatura, ac tandem perpetuam in cælo felicitatem obtineres: & tu creatura, plasma, figmentum, seruus ac filius eius despicere eum, & in contumeliam eius viuere audebis? Aspice monstrantem tibi cælum, cui ciuis, si voles, adscriptus es; despice ante te inferni barathrum, in quo, si secus feceris, perpetuò cruciandus sis. Et vide, precor, anima Christiana, quanta tibi imposita sit rectè viuendi necessitas inter æterna supplicia & præmia constitutæ. *Credo tibi, ô æterna veritas, &c. vt suprà pag. 7.*

Studiosè
ad finem
tendere
oportet.

PUNCTVM II. Finge Primò te in illo vastissimo mundi deserto versari, & vide quàm alta sit patria, quàm arduus ascensus; & meritò suspira, ac cogita, quam viam tenere debeas, cum agatur de omni æternitate. O quantâ sollicitudine, curâ ac vigiliâ perpetuâ ad hoc incumbere debes! moueant te creata omnia, quæ ad finem suum magno impetu tendunt. Ecce, quomodo ad locum naturalem elementa properent; quomodo ad sua oblectamenta & finem suum animalia ferantur. Attendite filios sæculi omnes cogitationes potentialisque animæ convertere, vt vanum sibi finem honoris aut voluptatis consequantur. Age verò, quoties tu de fine tuo cogitas? de viâ ac semitâ ad eum? Aspira vt sup. pag. 8. *Hæcine firmâ, &c.*

Nobilitas
finis.

Considera Secundò, quàm sit nobilis finis tuus, seruire Deo; quam vtile tibi adhærere illi, & vnum spiritum esse cum eo, & æternâ frui felicitate: ni-
hil

hil certè præter hoc vnum tibi vtile; sed vnicum & solum bonum hîc tuum est, tendere ad illum finem creationis tuæ; eoquæ beatior es, quò propinquiùs accedis. Ea enim conditio est finis cuiusque rei, vt eiusdem sit perfectio & beatitudo. Absit igitur, vt aliud bonum quæras: bonum tuum quære, ô anima. est enim bonum aliud alteri; quære bonum tuum: nemo bonus nisi summus Deus; quid ergo tibi deest, cui summum bonum est? Sunt & inferiora bona, quæ alijs & alijs bona sunt. Pecori quid bonum est, nisi implere ventrem, carere indigentia, dormire, gestire, viuere, sanum esse, generare? tale tu bonum quæris? cohæres CHRISTI quid gaudes, quia socius es pecorum? erige spem tuam ad bonum bonorum omnium. *Omnipotens*, &c. vt infrà pag. 15. vel *Credo*, vt suprâ pag. 7.

*Beatitudo
hominis
est finem
attingere.
Aug. in
Psal. 102.*

Confidera Tertiò, quæ præsidia tibi ad viam data à Deo sint, nempe creaturæ omnes, quas immensâ liberalitate creator tuus & ad vsum & oblectationem plurimas dedit. Quot, Deus bone! artes ac scientias? quàm præclara Sacramenta subsidiaque spiritualia (quæ verè & propriè media sunt) eaquæ plurima etiam largitus est? suntque hæc omnia velut viæ & auxilia ad viam longissimæ & felicissimæ æternitatis. Quocirca gratias age immensas tam munifico largitori.

*Media ad
finem.*

Attende verò, nisi insipientissimus sis, his omnibus non aliter vtendum, neque amanda ea, aut quærenda, nisi in quantum tibi auxilio esse possunt ad finem, id est, omne bonum tuum consequendum, optimaquæ tibi media eligenda esse, id est viam tutissimam. Tunc enim, si in patriam eundum est, deteriore viam eligas? si sanitas curanda, periculosiorem adhibeas medicinam? si nauigandum, magis cariosum & quassatum quàm firmum eligas nauigium? Vestem, equum, currum, domum, optima eligis; & viam vnde pendet æternitas (proh dementiam!) eliges periculosiorem? Ah vtinam homines saperent, & intelligerent, ac nouissima prouiderent!

*Quomodo
vtendum
medijs.*

*Optima
via eligen-
da, id est
media.*

Deut. 32.

*Affectus
oportet
moderari.*

derent ! Considera hîc quas inclinationes erga honores, opes, & voluptates, &c. sentias; & vide ne affectu in discrimen æternæ vitæ & vitæ rapiare. *Hæcine vera sunt, vt suprà f. 7.*

*Hier. 10.
Indiffé-
rentia ne-
cessaria.*

*Incertæ
viæ no-
stræ.
Prov. 16.*

Simile.

*Deus
rogandus
vt viam
monstret.*

Psal. 26.

PVNCTVM III. Considera coram Deo te ignarum esse vitæ quâ ad salutem peruenire possis. vnde Jeremias Domino aiebat : *Scio Domine ; quia non est hominis via eius : nec viri est vt ambulet, & dirigat gressus suos.* Et Sapiens : *A Domino diriguntur gressus viri :* quis autem hominum intelligere potest viam suam ? Et quot cheu ! sunt vitæ, quæ videntur homini rectæ, quarum tamen nouissima ducant ad mortem ? Vide quàm incertæ sint omnes humanæ prouidentie. O quoties status, aut occupatio eligitur, prosperoque, vt ita dicam, soluitur vento, & in syrtes miseriarum, atque charybdes æternæ salutis, tempestate coortâ ferimur, quia viam rectam non delegimus ! Cogita igitur, quotiescumque munus, aut vitæ status, aut negotium suscipiendum est, quasi propositas tibi ægro plurimas medicinas, variaque pocula, quorum vnum atque alterum letale sit, hoc casu tunc temerè eligeres ? Tibi sortes oblatas, atque in ijs non vnam mortis esse sempiternæ. Istâne tu iacere temerarius auderes ? Finge denique te stare velut in multiuio periculoso admodum, & in vastâ solitudine. Quid tum ageres miser in tenebris positus, & viarum ignarus ? Tûne sciens deteriorem eligeres ? Quid dico ? An vllam eligere aude- res, & ducem præsentem respueres ? An in vnam partem omnium ignarus propendere posses ? Tûne cæcus viam eligeres ? Nõne potiùs diligentissimè ducem quæreres, & suppliciter illius arbitrio duci te flagitares ? Igitur in his omnibns indifferens esto, id est, neque ad vnam, neque ad alteram partem inclinatus, sed suppliciter roga Deum, vt vias tuas dirigat, & dic cum Propheta David : *Legem pone mihi Domine in viâ tuâ, & dirige me in semitâ rectam propter inimicos meos.*

EXERCITIUM.

OMNIPOTENS sempiternae Deus, qui vniuersa haec creasti de nihilo potenti manu tuâ, & me formasti ad imaginem & similitudinem tuam; concede, obsecro, vt numquam obliuiscar tui. Adhaereat potiùs lingua mea faucibus meis, & obliuioni detur dextera mea, quàm ego à te factus, & ob hoc solùm, vt laudē & amem te, aliquando obliuiscar tui, & sic eleuetur cor meum, vt obliuiscar originis meae. O spes mea vnica Deus meus, ne sinas obsecro vt veniat mihi pes superbiae, vbi ceciderunt omnes, qui operantur iniquitatem.

Et verò quomodo eleuari cor hominis poterit, qui de nihilo est, & in nihilum quolibet momento rediturus; nisi tu supponeres manum tuam? Nisi elementa ceteraque ad vitam necessaria conseruares infinitâ bonitate ac beneficentiâ tuâ? Quid autem retribuam tibi Deus meus pro his omnibus quae retribuisti mihi? Ab aeterno enim, & ante mundi constitutionem dilexisti me: Vbi tunc eram qui nihil eram? in te eram, & non eram: quod enim factum est, in te vita erat, & ego eram tibi cognitus, mihi verò ignotus, quia aliquando futurus eram benignitate tuâ. Et vbi ero, Deus meus, post dies paucos & malos peregrinationis meae, quando qui iam sum nō ero, qui verè sum temporis spoliū, & vapor, & fumus? Ero ero in aeternitate, sed in quâ? spero equidem in misericordiâ tuâ quòd deducet me in terram viuentium dextera tua, quodq; in multiuiū vita huius eris mihi via, & in morte mihi optatissima vita.

Tantum hoc vnum à me postulat bonitas tua, vt finem meum gloriam tuam & salutem meam semper ob oculos habeam: nisi enim hoc fecero, aeterna supplicia mihi comminatus es; & si fecero, praemia quae nec oculus vidit, nec auris audiuit, promittere dignatus. Eia, creator mi, operi manuum tuarum porrige dexteram, vt perpetuū cogitem de te, & loquar de te, ô vnicū bonum meum: & sic operer vt veniam ad te desiderium collium aeternorum. Vias tuas rectas, & absque vllâ iniquitate demonstra mihi, & semitas tuas edoce me; vt numquam declinem à mandatis tuis, quae dilexi super aurum, & topazion.

Finis
creatio-
nis.

Psal. 55.
Actus
humilita-
tis.
Gratiarū
actio.
Psal. 115.

Psal. 38.
Vbi quae-
so homo
breui fu-
turus es?

Proponi-
tur tibi
mors &
vita, vtrū
eligis?
1. Cor. 2.

Iob. 14.

Psal. 24.
Psal. 118.

Propositi-
um Deo
feruendi.
Intentio
pura.

I. Cor. 10.

Prov. 16.

Resigna-
tio.

Præpara-
tio ad
Communi-
onem.

Ecce coram te, & curiâ tuâ ambulare per gratiam tuam propono, & in viâ immaculatâ vt tibi seruiam omnibus diebus vita mea. Ex nunc siue comedâ, siue bibam, siue quid aliud agam, omnia ad gloriam tuam Domine IESV CHRISTE faciam, tuamque vnus spectabo voluntatē, qui vllâ in re quid eligam ignoro. Ecce enim via non rarò videtur homini recta, & nouissima, cheu! ducunt ad mortem, mortem sempiternam. Nescit omnino homo finem suum, nescit viam, introitum, & exitum suum. Ideò rogo te, Domine, intimo cordis affectu, vt dirigere me digneris in viam bonam, quâ scis me peruenturū ad finem optatum, & portum peregrinationis huius. Fac semper de me sanctissimum beneplacitum tuum; Tibi enim Domine mi, & Deus meus, reuelauī causam meam, me millies tibi consecrati, & iterum, iterumque me totum in æternum consecro, & deuouco. Vtinam toties, & eo affectu possem, quo debeo, & desidero; maximè dum video quod te ipsum dederis mihi, & in mortem preciosam animam tuam, & in cibum etiam hodie corpus & sanguinem tuum. Ecce hodie paratus es facere voluntatem nostram, & omni momento descendere in manus sacerdotis, & me pigebit parēre tibi; imò potiùs viuam tibi, & cibus meus erit facere omnes voluntates tuas, & diligere te ex toto corde meo. Amen.

Praxis de fine sibi præstituendo.

Intentio
recta.

Qui passus
in viâ vi-
te.

Error mor-
talium.

POST meditationem hanc statue Primò tendere ad finem creationis tuæ, & coram Deo sæpè hoc propositum renoua; & ex te percunctare, Ad quid creatus sum? Quid intendo his studijs, cogitationibus, occupationibus meis? Quò pergo? Illuc enim tendis, ad quod tua fertur intentio. Imò talis es qualis illa; si diuina, diuinus; si profana, profanus; si perfectâ, perfectus.

Secundò cogita, quæ viæ ad illū ducant, & decerne tibi commodam ac vtilem ad eundem consequendum. Passus in hisce vijs sunt cogitationes, verba, & actus nostri. Quare, vt viator, sæpè interroga teipsū & alios, ne à rectâ viâ deuias, magnisque ambagibus & dolore in eam redeundū tibi sit.

Tertia praxis esse potest, cum vbique ob oculos incurrant, videre obliqua hominum studia, & intentiones, & errores: cum omnes propè quæ sua sunt, quærant, & non quæ IESV CHRISTI.

Quarta

Quarta praxis, & optima est, statim in viâ redire, si peccato aliquo deuiaueris, contritionē eliciendo: ad quod habes deliberationem infra positam de maturâ conuersione. Conuersionem autem in eo positam esse scias, vt verè primò quis conteratur, secundò confiteatur, tertiò vitam in melius iustituet: quæ tria quomodò facienda sint, in proximè sequentibus capitibus explicabitur.

Quinta est ex conspectu omnium creaturarum assurgere in gratitudinem, cum propter te omnes sint creatæ.

Sexta. Aliquando in ambulando, aut in solitudine cogitare animæ immortalitatem, & quid post hanc vitam, & ubi actura sit.

Septima. Ex corporum omnium corruptione, quæ ubiq; in oculos incurrit, & multorum præstantia animæ nobilitatē agnoscere, & eius spiritualitatem. Quemadmodū enim res istæ sensibiles sunt, & materiales; ita sunt aliæ insensibiles, & spirituales, quæ illis magno interuallo dignitate, potentiâ, &c. præstant: vt in Angelis, & dæmonibus patet.

Octaua praxis est, manè actiones in Deum dirigere: deinde aliquoties per diem aut saltem vesperi progressum ad finem examinare: non enim progredi, regredi est.

Nona. Et quia nescit homo viam suam, vile etiâ ab alijs explorare quid de viâ & vitâ tuâ sentiant.

Oratio pro executione; quæ incipit *Dignatus es*, &c. pag. 10.

*Pœnitentia
reducit in
viam.*

*Eleuatio
mentis è
creatis.
Anima di-
gnitatem
attendè.*

*Manè vitâ
ordina.
Monitorè
quære.*

IACVLATORIÆ.

ad affectum excitatum in Meditatione per diem
fouendum.

DEduc me Domine in semitam mandatorum tuorum, quia ipsam volui.

Psal. 118.

Vias tuas, Domine, demonstra mihi, & semitas tuas edoce me.

Psal. 24.

Legem pone mihi, Domine, viam iustificationum tuarum, & exquiram eam semper.

Psal. 118.

Gressus meos dirige secundum eloquiū tuum, & non domine- tur mei omnis iniustitia.

Psal. 118.

Notam fac mihi viam in quâ ambulem, quia ad te leuaui animam meam.

Psal. 141.

Perfice gressus meos in semitis tuis, vt non moueantur vestigia mea.

Psal. 16.

Vide si via iniquitatis in me est, & deduc me in viâ aternâ.

Psal. 133.

CAPVT II.

*Deliberatio de primo ac præcipuo ad finem medio, Fide.**Fides lux est.*

HOMO. O Sol iustitiæ, tune in tenebris lucas mihi lux vera? Tune splendes mihi, & imples intima cordis mei? Equidem te video, & gratias tibi ex intimo corde ago, quia dedisti mihi in luce fidei veræ ambulare. sed, cheu! vereor ne tenebræ me comprehendant. Quot, Deus bone, fallaciæ! quot deuia! Millenæ hæreses quot non tenebras offundunt mortalitati nostræ! O lux vera illuminans omnem hominem quomodò euadere hætenus potui? Quomodò mei non penè moti sunt pedes? Porrige Pater misericordiarum filio tuo paruulo dexteram, vt in luce fidei Catholicæ vi-
uam, & in te moriar, & propter te; finem enim vitæ ostendisti mihi.

Heb. II.

CHRISTVS. Ecce finem tuum iam cognoscis, prospicis portuum: quid superest, nisi vt quæras ad eum meū iū & viam? nulla autem verè magis necessaria, quàm fides. Sine fide enim (ait meus Apostolus) impossibile est placere Deo. Credere enim oportet accedentem ad Deum, quia est, & inquireribus se remunerator sit. Imò, fides æquè est necessaria, ac ei, qui in hoc mundo viuut, ad viuendum respiratio. Vides, quo studio orthodoxiæ adhærere, & in eâ se confirmare oporteat; eandem verò querere, si fortè quis errauerit, quàm sit omninò necessarium? *Credo tibi, &c pag. 7.*

*Clemens
Lib. 2.
Strom.**Psal. 5.*

HOMO. Domine, deduc me in iustitiâ tuâ: propter inimicos meos dirige in conspectu tuo viam meam: non enim est alius, qui dirigere possit gressus nostros in semitis tuis, vt non moueantur vestigia nostra, in tot hæresum & sectarum numero. Equidem quis non hæreat aut erret, velut in multiuio, nocte horridâ, viâ quæ ignarus viator? quis non moueret penè pedes suos, ni-

*Vna est fides
hæreses
plurimæ.**si tu,*

fi tu, lux vera illuminans omnem hominem, illucesce-
 res in cordibus nostris? non enim est volentis, aut cur-
 rentis, sed tui, Deus, miserentis: neque enim caro, aut
 sanguis reuelare possunt viam tuam, sed tu solus; qui
 habitas lucem inaccessibilem; à quo velut patre lumi-
 num, omne datum optimum, & omne donum perfe-
 ctum descendit: quique omnes ad agnitionem verita-
 tis vis venire; ideò non reliquisti nos sine testimonio,
 sed viam certam, & legem, veluti faciem, in mundo hoc
 lucere voluisti; quâ omnes, sicut filij Israël per deser-
 tum, si quidem vellent, deduci possent in terram san-
 ctam, & terram viuentium. Alienum esset à bonitate
 tuâ, & crudele, si ad viam ignotam vocares, neque quam
 sequeremur, ostenderes. Clamat id ratio, & sanguis
 tuus pro nobis effusus: dicat enim ratio veritatem esse
 vnâ, vt tu, Deus meus, vnus es, & Christus vnus, vna
 Ecclesia, velut arca, extra quam non sit salus. eheu! quàm
 triste videre diluuium errorum, quo mergitur totus fe-
 rè orbis terrarum; quo scinditur vestis tua inconsuti-
 lis, & inane redditur pretium sacratissimum mortis tuæ,
 Domine IESV!

Ioan. 1.

Rom. 9.

Matth. 16

1. Tim. 6.

Fides do-

num Dei.

Iac. 1.

Deus viam

ostendit.

& Eccle-

sia.

CHRISTVS. Respice, & vide quanta fecerim animæ
 tuæ, qui te inter tot errantes feci veritatem intueri, &
 viam bonam. *Benedictus es*, vt infra pag. 24.

HOMO. Quid retribuam tibi pro hac dignatione tuâ? Gratia præ
 numquam certè condignas agere gratias potero, voca- Fide.
 tus in admirabile lumen tuum. 1. Pet. 2.

CHRISTVS. Ego equidem neminem perire volo, &
 ostendo omnibus viam bonam, & Ecclesiam, velut Pha- Ecclesia vt
 rum in naufrago mari, velut columnam & firmamentum Pharos.
 veritatis.

HOMO. Vnde igitur, Domine IESV, tot dissensiones,
 sectæ, schismata, & hæresum periculosa charybdes vltro
 quærantur?

CHRISTVS. Fili, nōne & lex mea perspicua ac
 lumine naturali nota est? nōne jugum meum suaue?

*Vnde here-
sis nata.*

*Stultè hæ-
reticus
venit cre-
dere.
2. Cor. 3,*

*Vnd est fi-
des neces-
saria ad
salutem.*

Tit. 3.

*Psal. 85.
Gratiarū
actio pro
Fide.
Psal. 55.
Psal. 72.*

Psal. 18.

attamen multi malitiā suā ita excæcantur, vt ratio natu-
ralis planè obfussetur, & mandata mea grauiā & im-
portabilia existiment, arguant sapientiam & bonita-
tem meam, quasi ego damnationis eorum cupidus iu-
berem, quæ seruari non possunt: perinde, ac volare sine
alis, sine pedibus stare. Scrutari omnia volunt, neque
quidquam credere se, priusquam intelligant, profiten-
tur. Quasi verò Trinitatis mysterium capiat quisquam,
aut vlla naturæ arcana perfectè comprehendere possit.
Sic & ridiculè credere se Scripturæ ab Ecclesiā traditæ
profidentur, sensum verò illius respuunt ab eā intellige-
re: atque ita, quos spiritus non viuificat, littera occidit.
Sunt, qui nihil horum pensi habent, & quauis in reli-
gione salutem sibi promittunt. Quod si ita foret, quor-
sum Euangelium annuntiaſsem vobis, & quæ haufe-
ram è Patris sinu, enarraſsem? Quorſum hærefes iussu
meo damnatæ fuissent? Martyres pro fide meā Catho-
licā occubuissent? Apostoli, vt Euangelium prædica-
rent vniuerso mundo, missi fuissent? Quod esset inter
Iudæos, Turcas, Christianos discrimen? Cur mandaf-
set Apostolus meus ex me, hæreticum deuitari post se-
cundam correptionem, quod subuersus sit qui huius-
modi est, & proprio iudicio condemnatus? *Benedictus es,*
&c. vt infra, pag. 42.

HOMO. Confitebor tibi, Domine, in toto corde
meo, & glorificabo nomen tuum in æternum, quia mi-
sericordia tua magna est super me, & eruiſti animam
meam ex inferno inferiori: eripuisti animam meam à
morte, & pedes meos à lapsu: tenuisti manum dexte-
ram meam, in voluntate tuā deduxisti me, & cum glo-
ria suscepisti me: gloria enim magna sequi te, Domine;
& sanctam legem tuam, legem immaculatam, conuer-
tentem animas: iudicium tuum verum, illuminans paru-
ulos.

CHRISTVS. Planè immaculata, & sancta est lex
mea, & hæc tibi nota sit catholicæ veritatis. Nonne
enim

enim hæretici castitatem, quam ego commendauī, impossibilem aiunt? vota verò & abstinentiam, impia esse clamant: me peccati auctorem volunt, & libertati ac nequitiae suæ velamen prætexunt. Quorsum verò leges, poenæ ac præmia, si peccatum vitare homo non potest?

*Fidei vera
nota.*

HOMO. Hæc luce clariora esse vidi, dum posuisti animam meam ad vitam, & non dedisti in commotionem pedes meos. Sed & illud me plurimum confirmat, certumque in tantâ rerum incertitudine reddit, quòd Catholicos saluari posse etiam hæretici profiteantur. Quæ ergo dementia esset, cum Catholicis non stare, quos etiam aduersarij saluos esse decernunt? Cui enim non suaderem tutiorem in tanto discrimine viam eligere? illa autem est, quam probat vtraque pars, etiam si sibi aduersariæ. Sic nemo dubitat utriusque medici iudicio medicinam probatam tutius accipi, quàm alterius opinione damnatam.

Psal. 65.

*Dementia
est Catho-
licum non
esse.*

O quantas in horâ mortis angustias patiuntur, tot (cheu!) jactati erroribus, quot ferè capita reperiuntur! non est, vbi pedem firment, sed dubii viuunt eiusmodi, dubiique moriuntur: & qui ausi sunt, dum viuunt, arguere te, quòd viam certam non monstraveris, certò in æternæ damnationis barathrum sese præcipitant. O quis dabit capiti meo aquam, & oculis meis fontem lacrymarum, vt plorem interfectos populi mei! Quid excusabunt miseri? Quid dicent, cum ad te Deus meus iudicem suum venerint? non enim habebit te Deum patrem, qui Ecclesiam, dum viueret, noluerit habere matrem. Quid aliud audiet quàm laudari abs te opera bona; quòd boni esurienti tibi dederint manducare, & sitiienti potum præbuerint, & ob hoc æternis à te præmijs honorari; qui verò secus fecerint, sempiternis supplicijs addici? *Haccine vera*, &c. vt sup. pag. 7.

Actus reli.

Ierem. 9.

*Hæretico
nulla ex-
cusatio.*

CHRISTVS. Quid respondebunt mihi, quod apostatis nullis miraculis claris, sed criminibus, spurcitiisque notis adhæserint, & tantâ antiquitate & miraculis ro-

*Hereticorum
fundamen-
tum.*

*Crux hære-
ticos dam-
nabit.*

*Premium
non debetur
heretico.*

*O Æterni-
tas!*

Psal. 101.

*Nusquam
Sancti nisi
in Ecclesiâ.*

*Miracula
in Ecclesiâ.*

Luc. 11.

*Quales re-
formatores
querat
IESVS.*

boratam Ecclesiam deseruerint ; hoc solo argumento, quod Scripturam ac Patres dicerent ipsi sese melius explicare, suoque id sensu. Aduerte, an vllum aliud, vt ad se homines trahant, hæretici adferre possint argumentû.

Quid dicent, cum signum crucis meæ fulgebit in cælo, qui omnem carnis afflictionem abhorruerunt, & exemplum meum spreuerunt? laboranti in vineâ meâ promisi præmium, & villico reddenti fructum in tempore: an verò, cum omnia illi opera peccata esse dicant, peccatis ego præmium statui, aut ea fructus appellauit? tunc erubescant coram orbe terrarum, qui dicentes se esse sapientes, stulti facti sunt: & quæcunque non intellexerunt, blasphemârunt; nihil certi habuerunt, nisi quod illi iudicârunt.

HOMO. Et si quidem de æternitate omni non ageretur, minùs affligeret me perditio eorum. Sed ô æternitas, æternitas! quàm grauis illos manet æternitas! Misere, Domine, misere, quia tempus miserendi, quia venit tempus. *Benedictus es Domine, &c.* vt infr. p. 24.

CHRISTVS. Mihi proprium est misereri semper & parcere: sed cum horter, moneam, clamem in plateis, nemo interrogat de viis antiquis. Si enim id facerent, ecce, quot Monachorum sanctorum agmina illis lucem adferrent? quot Episcoporum lumine caliginem dissiparent? quos Missam fecisse, & ritu Catholico vixisse testatur omnis antiquitas, & templa loquuntur, & anathemata clamant. Quot enim olim ego hodieque ad Matris meæ honorem miracula edidi? quot Sanctos iisdem illustraui? at sicut Iudæi me in principe dæmoniorum eiicere dæmonia dicebant: ita hæretici cæci præstigias & mendacia vocant, quæ totus orbis testatissima nouit & probat.

Quid sibi volunt isti Reformatores: ego innocens, impollutus, agnus sine maculâ (cuius oculi respicere ad malum non possunt) mittam, vt Ecclesiam reformat, apostatas, & homines ventri ac deliciis deditos?

eos? & quomodo prædicant si non mittantur? hinc fit ut inexcusabiles sint, qui hæc nôrunt, magistri eorum: qui populum meum errare faciunt, ut ducant eos velut oves errantes, & occidant, & mactent, donec in infernum perueniant, ubi mors depascet eos.

Psal. 48.

HOMO. O patiens & longanimis super malitiâ hominum! miserere saltem populi innumeri, & turbarum, quæ sunt sicut oves sine pastore. Vide ut infernus dilatârit os suum; aspice, Domine, & ne memineris iniquitatum nostrarum, citò anticipent nos misericordiæ tuæ. Tu enim pastor es, tu dux noster, legifer noster. Da illis gustare semel pacem, quam multam dedisti diligentibus te, & venient & adorabunt te, Domine, & confitebuntur nomini tuo. *Credo tibi, &c. pag. 7.*

Pacem non habet nisi humilis.

CHRISTVS. Pax non est nisi in humili corde: quæ verò humilitas esse potest in eo, qui audet grandi supercilio Scripturam meam censere, vellere, truncare; Patres verò falsis erroribus aspergere, aut eos stupiditatis & incitiæ insimulare? Nónne veritas vna est? nõne ubi diuisio, ibi dissensio? quot verò illic capita, tot sunt sententiæ; cùm quivis spiritum suum audeat appellare auctorem. Nihil enim discriminis est inter sectas illas, ut dixi; nihil adferre possunt, nisi, Nostra hæc explicatio germana est, nostra melior. Quis hoc confirmat? spiritus, sibi scilicet contrarius. Et verò nõne veritas vna est, & falsitas multiplex? Quis ignorat in omnem partem Scripturam & Patres torqueri malitiâ hominum posse, uti & leges? Quare nisi iudices & arbitri essent, non forent illæ pacis auxilia, sed dissidiorum fomenta: ideoquæ ego arbitrum Ecclesiam statui, columnam & firmamentum veritatis, quam si quis non audiret, esse sicut Ethnicus & publicanus. Egone & Apostoli mei sic probauimus veritatem doctrinæ, dicentes: Spiritus meus hanc vobis doctrinam ut saniorrem proponit? Quis enim sua commenta sic venditare nequit? Ego verò dixi: Nisi opera fecissem in eis, quæ

Vnicum argumentum hæreticorum

Arbiter necessarius, & iudex. 1. Tim. 3. Matth. 18.

Ioan. 15.

*Nota Ec-
clesiæ mi-
racula.*

nemo alius fecit, peccatum non haberent. Atque hoc sigillum doctrinæ meæ non mihi soli seruaui, sed libens discipulis meis tribui, atque adeo promisi fore vt maiora me facerent; nullumque æuum est vel erit, quo non & miracula, & Sancti velut stellæ in firmamento Ecclesiæ meæ fuerint, & futuri sint. *Hæcine vera*, vt suprâ, pag. 7.

*Libertas
carnis in-
uit ad
hæresim.*

Homo. Hoc etiam animaduerto, nunquam à Catholicis deficere vllos, vt meliores fiant, sed vt libertatem carnis, quam prædicant hostes tui & crucis tuæ, consequantur. Viuere cum hæreticis, & cum Catholicis, heu! moti frustra vt plurimum optant, qui prudentiores eorum: cum securè, etiam cum iis, omnium iudicio, moriantur. Heu miseri! vsquequò graui corde? ut quid diligitis vanitatem, & quæritis mendacium?

Psal. 4.

EXERCITIUM

*Psal. 65.
Ecclesia
audienda.*

*Extra illā
nulla salus*

Psal. 12.

Rom. 12.

Isaïæ. 5.

*O quot
pereunt
animæ!*

Psal. 67.

*O quanto
studio
quæ ren-
ta salus!*

BENEDICTVS es Domine Deus, qui non amouisti misericordiam tuam à me, sed reuelasti mihi aurem, vt audire Ecclesiā tuam, & non essem sicut Ethnicus, & publicanus. Benedictus sis in eternū, ô infinita bonitas, qua notas mihi fecisti vias vitæ, cum extra Ecclesiam tuam nulla via sit salutis. Obsecro te Domine, fac me stare constanter super semitas antiquas tot sanctorum Patrum testimonio firmatas, & eorundem vestigijs, siue exemplis calcatas. Illumina me ô lux vera, & ita confirma me, ne vñquam obdormiam in morte; ne quando dicat inimicus meus: Præualui aduersus eum.

O altitudo diuitiarum sapientiæ & scientiæ Dei! quàm incomprehensibilia sunt iudicia eius, & inuestigabiles viæ eius! Quis cognouit sensum tuū Domine, aut quis consiliarius tuus fuit? Ecce pereunt in horas singulas innumeri propè mortales & dilatauit infernus os suū absq; vllō termino, & vix est qui annos æternos in mente habeat, qui æterna supplicia, & solatia consideret sempiterna. Quo enim studio, bone IESV, si ea cogitarent homines, veritatem quærent? quo feruore Ecclesiā Catholicā, cū vna sit via salutis, complecteremur.

rentur. Neq̃, certè ea latere potest, cū tot sanctitate illustribus viris, tot clāra miraculis, tot confirmata sæculis, tot Martyrū sanguine signata sit, & obsignata. Dicite mihi, errantes anima, immortales anima, agni immaculati sanguine redemptæ, ad æterna creatæ gaudia, cur ruitis in æternū luctū? Quis vos, obsecro, sic fascinauit? Itāne verò credibile est sæculis propè sedecim sanctissimos, & sapientissimos viros errasse, donec è fornice veniret apostata monachus, & Venere afflatus, & è popinā Baccho calens quintum euangelium eructaret?

Quis credat id quod oculis aspicimus, tot mortales errantes à viā veritatis huius fatuā doctrinā tā securos esse, viuere, dormire? Eheu! nesciunt miseri quæ illis imminet æternitas. idèd neq̃, quærunt de viā rectā, de viis antiquis; nō attendunt, viā semel & vitā peractā numquam esse remeabilem. Venite, quæso, & videte opera Domini, quæ posuit prodigia super terrā, & discite, vbi sit longiturnitas æterna vitæ, vbi via salutis: sine fide enim impossibile est Deo placere. Aspicite Eremitarū & Monachorū agmina abstinentiā & innocentiam vitæ summā in Ecclesia sola Catholica micantia, Virginū choros castitate rutilantes. Martyrū inuictā patientiā. O quas tibi debeo grates, Redemptor mi, qui in istis tenebris hæc lumina oculis meis splendescere fecisti, vt viderem quid & quā tenderē, & columna veritatis Ecclesiæ Catholicæ adhererē; in quā verā fides peccatores sanat, ignorantes illuminat, curat agrotos, docet fideles, pœnitentes reparat, iustos reddit feruentiores, coronat Martyres, conseruat Virgines, Coniugatos castificat, reformat Ecclesiasticos, Sacerdotes consecrat. præparat regna cœlestia, æternamq̃ hereditatē in Angelorū societate cōmunicat! O vtinā hæc aspicerēt & cogitarēt, & præcepta tuā, Deus, seruare vellent, quos apostatarū deliria miserè seducūt! vere enim dixisti, ô Veritas æterna: Si quis voluerit voluntatē Patris mei facere, cognoscet de doctrinā meā, vtrū ex Deo sit, an ego à me ipso loquar. Sed quis est qui potest cecū & mutū curare? Nōne tu qui solus es? Veni igitur desiderate cunctis gentibus, & dic vt cæci videant, surdi audiāt, pauperes animæ rā tibi cara, & preciose euangelizentur. Exite, exite anima

O æternitas, cur errantes nō reducis?

Psal. 45.

Heb. 11.

August. ser. 10 de verb. Apost.

Ioan 7.

Fides est donum De.

quibus

Isa. 63.

Heb II.

Isaia 65.

Prou. I.

quibus impendet longa aternitas, exite de medio Sodomorū, de Synagoga impiorum, & cum Abrahamo de Vr Chaldaeorū. At nemo potest venire ad te, nisi traxeris illū. Trabe ergo, Domine, animas illas vinculo charitatis tue, fac ut gustent, quam suavis sit panis tuus, & frumentum electorū, & vinū germinans virgines. Miserationū Domini recordabor, ō anima mea; laudē Domini super omnibus quæ reddidit nobis Dominus, & super multitudinem bonorū, quæ largitus est nobis secundū indulgentiam suam, & secundū multitudinem misericordiarum suarum In dilectione tuā, & in indulgentiā tuā redemisti me, bone IESV, & portasti me, & eleuasti me cunctis diebus sæculi. O utinam, Pastor bone, audirent oues tue errantes vocem tuā! certē cum Moyse fide relinquerent Aegyptū, & tenebras eius, & venirent ad te pastor animarum nostrarum; te, bone IESV qui expandis manus tuas totā die ad populum incredulum, qui graditur in viā nō bonā post cogitationes suas; te, ō Sapiaentia aeterna, quæ foris predicas, & das in plateis vocem tuam dicens: Vsq̃uequo paruuli diligitis infantiam, & stulti ea quæ sibi noxia sunt, cupiunt. & imprudentes odibunt scientiā? Illumina, ō bone IESV, animas eorum & meam, & confirma me, & adauge mihi fidem, tu qui illuminas omnem hominem. Sparge, ō bone IESV, redemptor mi, radios pietatis tuæ, & miserere; recordare Domine miserationum tuarum, & pretiosi sanguinis tui, quo redempti sumus. Perduc nos pastor bone, ad vera paradisi pascua; l. b. ra nos de morte aternā, ō vita nostra, & vnicum refugium nostrum.

Praxis pro conuersione ad orthodoxam fidem.

Oratio.

PRIMÒ, necesse est hominem ad Deum confugere, & lucem ab eo postulare.

Indifferentia.

Secundò, affectus deponere, atque odia ut animo defæcato de re totā possit iudicare. Affectus autem maximè erga bona est exuendus, qui multos irretitos tenet.

Lectio Patrum.

Tertio, legere expedit antiquos Patres, sed nō eos, quos pessimo maiorum suorum hæreticorum exemplo, nostri temporis hæretici deprauarunt.

Quartò,

Quartò, conferre cum viro docto, non animo disputandi, *Collatio.*
sed veritatem agnoscendi.

Quintò, eleëmofynas eà intentione largiri, & orationi humiliter ac crebrò incumbere. Et vel Angelũ mittet Dominus, ac compellet nouum Petrum aliquẽ venire, id est, Apostolicũ virum; vel vt Eunuchò Philippũ dabit, Qui enim vigilat ad fores sapientiæ, & obseruat ad postes ostii illius, beatus est, & inueniet vitam, & hauriet salutẽ à Domino. *Eleemofynæ. Prou. 8.*

Sextò beneficiis animus errantis, quẽ iuuare desideras, primò conciliandus; plus enim trahit charitas, quã suadeat multa disputatio, atque ita celebrem illum Anachoretam Paphnutium conuersum fuisse legimus. *Consiliatio proximi.*

Septimò, libellos pios errantibus submittere, eorũ proles educandas suscipere, atque in orthodoxã fide instituerẽ, egregia est charitatis industria. *Lectio piorum libellorum.*

Octauò, adultiores si quis studeat in viã reducere, iuxta consilium R. P. Petri Fabri è Societate nostrã, eorũ primum animus à vitiis auocandus, & vitæ licentia: hæc enim ferè vnica remora esse solet. *Vitiorum fuga.*

Nonò denique, cùm infidelitas primum peccatum non sit, vt quisquam se in fide conseruet, vtile est Ecclesiæ mores ac præcepta vbique defendere, vti & Patrum traditiones ac Superiorum mandata, diligenterque iis parere; vitã denique, non vulgi lege tepidẽ, sed ex Sanctorũ exemplo feruenter instituere. *Veneratio carum moniarum.*

Decimò, nutanti circa fidẽ expedit, Primò, certò credere multas hæreses esse; imò, vt Apostolus loquitur, oportere vt hæreses sint, vt qui probati sunt, manifesti fiant. Secundò, hæreticos ab Ecclesiã & Patribus censerì damnatos. Tertiò, considerare veritatem vnã esse, quæ vt omnibus innotesceret, misit Deus filium suum: tantum abest, vt eam consultò occultarit, errori viam ministrans. Illam proinde toto animo proponat quærere: verum enim verò magnã cū humilitate, vna enim superbia omnium hæresum fons est & origo. Hæreticus siquidem Concilia omnia, Patres, Doctores, Sanctos & maiores omnes damnat erroris, vt vnus sapere videatur; neque vllam suæ doctrinæ rationem potest reddere, quàm se genuinũ supra omnes sensum Scripturæ esse consecutum. *I. Cor. 11. Aug. de fide ad Petr. Veritas est vna.*

Oratio pro executione, &c. suprà pag. 10.

Oratio

Oratio pro errante in Fide.

INTER mille angustias constitutus, de eternitate vehementer anxius, in tenebris ambulans sicut ovis quæ perijt, ad Te venio, **JESV** benignissime, lux mea, & pastor animæ meæ, qui venisti in hunc mundum, & sic me dilexisti, vt sanguinẽ & vitam tuam in ignominiosâ crucis arâ pro me effunderes, deduc, obsecro te per viscera misericordia tuæ, me in viam salutis. Doleo enim vehementissimẽ ex amore tui, quod vlla ratione recesserim à te: spero quod non despicias opus manuum tuarum. Tu enim vis omnes ad agnitionem veritatis venirc, & ego eam abs te humillimẽ efflagito: & paratus sum in tanto salutis negotio nihil omittere, quod ad illud pertineat. Memento quaeso, Domine, me esse opus manuum tuarum. Et quid proderit tibi si peream, quem tanto pretio redemisti? Tu non vis mortem peccatoris, sed magis vt conuertatur, & viuatur. Conuerte igitur me, & conuertar ad te. Perueniat ad te clamor meus, quia tempus miserendi, & quia venit tempus. Tũne negare mihi potes lumen, ô lux vera, quæ toties dixisti: Petite, & accipietis; querite, & inuenietis? Quæro ego te, dũ inveniri potes, & abrenuntio omnibus, quæ seducere me valent abs te. Quid enim in iudicio excusare possem, si me à veritate seduceret torpor, aut vanitas, aut opes, aut honor, aut fauor? cùm momento hĩc viuam, vt felix viuam, vel infelicissimus semper moriar in omni eternitate. Libens omnibus renuntio, vt tuus possim esse discipulus. Tot clamant in auribus meis Sanctorum voces, tot miracula cacutientem trahunt, tot eruditi inuitant ad lumen. Nolo insanus videri mihi præ omni antiquitate sapere, sed paratus sum captiuare intellectum in obsequiũ fidei, & seruire tibi omnibus diebus vitæ meæ. Testis mihi tu es, Angele mi custos, testes Sancti omnes, & tu testis cordis mei Deus meus, quod sincerẽ placere tibi desidero, atque orthodoxæ fidei, & tibi dulcissime **JESV**, & Ecclesiæ tuæ adherere. Tu enim es via, quam quero, tu veritas, quam indago, tu vita, ad quam suspiro.

Praxis

Praxis disputandi cum hæreticis.

SI disputationē cum hæretico euitare nequis; primò ostendendum ex eo, ne frustra fiat, quis arbiter sit disputationis vestræ futurus. Si enim dicat, Scripturam; quære quænam illa sit, & vnde eam habeat? Ab Ecclesiâ, inquit; Cur ergo eam, dicito, truncant hæretici, & conuellunt: cur, si absque vlllo dubio credant Ecclesiæ Catholicæ, vt veraci, dicenti: Hæc est Scriptura; respuunt eius, vt mendacis, interpretationem? Iam vero, quòd si ex Scriptura sola agendum; vbi scriptum, libros, quos Scripturam appellamus, esse Scripturam? Vnde colligis multa & præcipua credenda, quamuis scripta nō sint, & ad Ecclesiam vt columnā & firmamentū veritatis accedendum: de quâ Augustinus: Euangelio non crederem, nisi me Ecclesiæ commoueret auctoritas: Quòd si tunc ad Ecclesiam ire cupiat, quærenda ea est certis notis, antiquitate, sanctitate, vnitae doctrinæ, & Apostolicâ traditione. Stultum enim est, & petitio principij, consulendā esse de sensu Scripturæ Ecclesiam, & cum quæ sit, quæritur, vnā notā illā definire, nempe, Quæ optimè Scripturā explicat. Et rursus, Si quæram, ecquæ illa sit, suam assignare. si rursus yrgeam, quis hoc asserat, suum quem habet spiritum erroris, scilicet & vanitatis proferre; si peram vnde constet eum spiritum habere, id ipsum tantum asserere, ac denique fidei totius fundamentum hominis vani delirium constituere. Accuratiorem cum hæreticis disputandi rationem tradit R. P. Veronius in suâ Methodo.

Aug. epist.
cont. Manich.
cap. 5

IACVLATORIÆ.

quibus affectus deliberationis per diem foueatur.

Accedite ad eum, & illuminamini, & facies vestræ non confundentur. Ita fac Angelum custodem tibi loqui, vel potiùs audi Dominum te inuitantē his verbis: Venite ad me omnes qui laboratis, & onerati estis, & ego reficiam vos. Hæc Dominum Iesum verba tibi ingeminare, Audi aure cordis tui, illudque, Noli obdurare.

Psal. 33.

Matth. 11

Vel illa: Si quis sitit, veniat ad me, & bibat.

Vel: Ego sum lux mundi, ego via, veritas, & vita.

Ioan. 7.

Hodie si vocē Domini audieritis, nolite obdurare corda vestra.

Ioan. 8.

Audi fili, accipe consilium intellectus, & ne abiicias consilium meum, investiga sapientiam, & manifestabitur tibi, & continens factus ne derelinquas eam.

Psal. 94.

Eccl. 6.

Ruminare etiā potes aliquā ex sequentibus sententiis.

State

- Ierem. 6. *State super vias, & videte, & interrogate de semitis antiquis; quæ sit via bona, & ambulate in eâ.*
 Deut. 22. *Interroga patrem tuum, & annuntiabit tibi; maiores tuos, & dicent tibi.*
 Prou. 22. *Nō transgrediaris terminos antiquos, quos posuerūt patres tui.*
 Matth. 24 *Videte ne quis vos seducat: surgent enim multi pseudoprophetæ.*

CAPVT III.

Deliberatio de secundo medio, seu de statu vitæ eligendo, vt finem consequamur.

CHRIſTUS. Post fidei cognitionem, alterum ad salutem medium necessariū est statūs electio: cū verò varios dederim instinctus, qui à primâ pueritiâ ferè emicant, & singulos ad aliquod vitæ genus, vt prudentissimus pater-familias liberos suos, destinem (non enim ad otium, sed ad laborem creati estis) planè de illo maturè statuendū est. Sic Adamum, mox vt creatus fuit, in paradiso constitui, vt custodiret & operaretur illū. Attende autem certū esse, plurimos idcirco malè viuere, & æternâ excidere salute, quòd vitæ genus non eligant, aut perperâ suâ libidine potiùs quàm voluntate meâ. Si quis autem vitæ statum nactus sit, is in eo se firmare debet, neque perpetuò fluctuare, sed in suo se perficere. Non leuis enim est tentatio, sibi nunquam constare, aliorū vitā laudare, de suâ queri. Nullus status est, in quo perfectio, quæ in charitate consistit; nequeat acquiri. Et quam vis forsitan error in prima electione fuerit, quando tamen is mutari nequit, in eo se perficere oportet, atque ad me Patrem misericordiarum confugere, ne fiat nouissimus error peior priore. *Credo tibi*, vt inf. pag. 7.

Varij sunt status.

Cuique in suo statu manendū.

Psal. 62.

Ioan. 8.

ANIMA. Ecce, Domine Deus meus, ex bonitate tuâ immensâ creasti me; sed scio, meliùs mihi esset natum non fuisse, nisi viam nouerim, quâ peregrinus in terrâ desertâ, inuiâ & inaquosâ, perueniam ad te finem meū, & summam felicitatem meam. O lux vera quæ omnes illuminas! ô via, ô veritas, ô vita! quâ ibo, vt veniam ad te

te pastorem meum? Deduc me, Domine; quia cæcus & puer paruulus ego sum, ignorans egressum & introitum meum. Multæ sunt viæ, multi status & si hunc elegero, in speciem bonum, forsitan teterrimus erit exitus; si illum, similiter. Est enim via, quæ videtur homini recta, & nouissima eius ducunt ad mortem. Quis nouit viam hominis? quis scire potest? omnes enim sunt incertæ providentiæ nostræ. Idcirco, ego supplex per viscera charitatis tuæ rogo, vt ostendere mihi digneris viam. in quâ ambulem, in hoc loco horroris, & vastæ solitudinis. Tria enim difficilia mihi, ait Sapiens tuus, & quartum penitus ignoro; viam aquilæ in cælo, viam colubri super terram, viam nauis in medio mari, & viam viri in adolescentiâ. *Veni Creator*, &c. pag. inf. 35.

3. Reg. 3.
Deus rogandus vt statum donet.

Prou. 16.
Prou. 20.
Sap. 9.
Prou. 16.

Prou. 16.

CHRISTVS. Vide itaque, vt non nisi me, qui sum Sapiencia æterna, & vbique adsto paratus, consulto quid statuas; vide ne præceps ruas; pro re natâ eligas statum qui offertur, vtpote vxoris copia, præbendæ, dignitatis, opum, sociorum & commoditatum: sed scito nullam rem diligentius esse considerandam, cum à status electione sæpè aut felicitas, aut miseria dependeat sempiterna.

Electio status maximè momenti.

ANIMA. Valdè me distrahit multitudo statuum, & omnino nescio, quem eligam. Illumina me lux vera, & deduc me in semitam rectam, semitam mandatorum tuorum: quia ipsam volui.

Psal. 118.

CHRISTVS. Cum ita velis, caue certum destinare statum; sed esto paratus, vt eum suscipias, qui ad salutem tuam ex meâ voluntate & directione maximè sit accommodus. Quod si enim certum tibi delegeris statum, & in speciem deliberas, & meam voluntatem non sequi, sed meam tuæ vis accommodare, nequaquam aptus es qui deliberationem instituas: sed ita comparatum te esse oportet, vt quod certum est me velle, id velis: quod certum est me nolle, similiter execreris; quod autem incertum est vtrum velim

Resignatio deliberanti necessaria.

an

an nolim, neque velle ex toto, neque penitus nolle debes: sicut enim æger peritissimo medico committit valetudinem, tantumque petit curari, paratus etiam ut faceret, urat, si pro sua tuenda vita ita iudicauerit: sic te facere pro vita aternâ conuenit. Et rursum; sicut viator viæ ignarus, quam nouit periculosissimam, ducem quaerit, neque repugnat quin ducatur; ita fac, & veni, sequere me. *Haccine vera, ut sup. pag. 7.*

ANIMA. O vtinam, IESV dulcissime, ô vtinam scirem, quâ mihi eundum esset!

CHRISTVS Id assidue me roga, & dic cum Paulo: *Añ 9.* Domine quid me vis facere?

ANIMA. Quid vis me facere, Deus meus, in domo tuâ, quam viam ingredi, quod munus gerere? paratum cor meum, Deus, paratum cor meum, respice in me, & miserere mei. *Psal. 107.*

CHRISTVS. Non cesses clamare ad me: de mane vigila ad me, ut benedicam tibi, & mittam Angelum, qui te ducat ut quondam Israël, Tobiam, & Iacob. *Tob. 5.*

Quidquid verò petes, crede quia accipies, & fiet tibi. Nónne id quod à seruo, aut filio fieri superes, ipsi vltro indicares? Quòd si verò sollicitè expeterent, quid ab eis fieri velles, idque desiderio placendi tibi, nónne æquum foret ut iis mentem explicares tuam? præsertim si supplicium graue neglecto mandato appositum foret, & præmium obseruanti. *Iudicia in Deo locanda.*

Deus indicet voluntatem suâ. Quando magis ego Dominus, qui sto ad ostium, & pulso: ut consulam, ut ducam, ut portem etiam te in humeris meis, aperiam tibi postulanti voluntatem meam? Propone autem tibi finem, ad quem te creauit, & vide, an status hic vel iste ad eum te perducere commodè possit; siquidem certum hoc habet, eundem omnibus minimè conuenire. Quorsum enim tot status ordinassẽ, tam varia vitæ genera; nisi quia sciebam figmentum meum; variisque viis volebam venire ad me; & trahere oves meas, pro cuiusque talentis & viribus? finem igitur attende ante omnia; deinde ad eum *Apoc. 3.*

Confidera finem creationis ut ritè eligas.

eum media delige. Quis enim prudens media eligit ante finem? viam ante terminum? medicinam ante morbos? quis viam incommodam, periculofam, ambagiosam, latronibus obfitam eliget, vt perueniat in urbem, cum aliam possit, & nouerit eligere?

HOMO. Nemo, Domine; sed sunt qui hanc vel illam eligunt, vt dicunt, quia aliam non possunt, aut ignorant.

CHRISTVS. In quo autem existimant se posse illam, quam eligunt, peragere, nonne in me, & per gratiam meam? Cui verò eam largiri me par est; illine qui voluntatem meam & ductum spernit, an qui sequitur? Ego illis possum eandem facere abundare, etiam in quouis statu, si voluntatem meam sequerentur. Exquirendum igitur ante omnia, quid velim abs te, in quo genere vitæ & munere te degere in familiâ meâ: & vbi cognoueris, que ne facere omittas: ego enim Dominus, ego Pater, ego Rex regum, & Dominus dominantium, nemo resistit mihi, & pacem habuit. Consule igitur teipsum primo, viresque tuas, pios item & prudentes, qui sano consilio tibi adesse possunt: neque cum irreligioso tracta de sanctitate, cum iniusto de iustitia, cum cæco de coloribus, cum sæculari de cælestibus; sed cum sapiente & probo communica consilium tuum. Semper autem, vt dixi, finem attende, & an eius solius, & salutis tuæ causâ, vel saltem primariâ hoc consilium suscipias. si enim per hoc te tantum moueri senseris, cum nemo possit, vt Apostolus meus scripsit, dicere, Dominus IESVS, nisi in Spiritu sancto, securum te esse iubeo. *Credo tibi, &c.* vt supra pag. 7.

HOMO. Video, Domine IESV, meliora, sed, eheu! fasciatio nugacitatis obscurat bona, & inconstantia concupiscentiæ transuertit sensum sine malitiâ.

CHRISTVS. Exue affectum terrenarum rerum; indue eum, quem in hora mortis habiturus es: tunc defæcato animo & oculo hæc aspicias, & cognosces vana esse,

*Gratia
Dei quousque
in statu
parata.*

Iob. 9.

*Eccli. 37.
Vide quos
in consili-
um adhibeas.*

*Intentio
rectæ ne-
cessaria.
I. Cor. 12.*

*Sap. 4.
Quem
statum
elegisse
velles in
hora mor-
tis.*

*Quid
Sancti
suadeant
tandem.
Osee 2.
In solitu-
dine men-
tis Deum
consule.
Bernard.*

*Quàm
utile in
secessu de
statu cogi-
tare.*

*Deum
consule
coram
Ven. Sacra.*

Sap. 8.

Matth. ult.

esse, quæ iam terrent & tenent. Nónne enim tunc secu-
riorem viam & vitam elegisse te optabis? sed in iudicio
illo meo terribili, si consilia appendas tua, manifestè
mundi argues vanitatem. iam commoditas, opes, hono-
res, velut glutino retinent; tum votis summis securissima
in tantâ perplexitate te elegisse optabis. Age, quid Sancti
mei fecerunt? etiam in solitudinem abierunt, hoc vt sa-
lutis negotium seriò tractarent, & audirent quid loque-
rer sibi. Scriptum est enim: Ducam eum in solitudinem,
& loquar ad coreius: vox enim hæc, vt dicit seruus meus,
vox hæc non sonat in foro, nec auditur in publico; se-
cretum consilium, secretum quærit auditum. Secede
igitur si potes; nec desit tibi tempus vitæ pro te, pro
animâ tuâ; ac potiùs erubescere totum alijs rebus sæpè
friolis impendi, & graue tibi videri, si dies aliquot fo-
lidos animæ tuæ tribuas, propter quam omnia, tempus,
studia, opes & occupatio concessa sunt. Si hoc feceris,
futurum, vt postea in vocatione, quâ vocatus eris, con-
stans sis & quietus; cùm alij semper studia laudent aliena,
plurima experiantur aduersa, plurima metuant. Quem-
admodum enim is, qui initio viæ aberrauit, perpetuò
metuit, ne, quò longiùs prouehitur, longiùs aberret; ita
hi delegerunt vitam absque me duce, & terrentur, me-
ritoque pericula in viâ ignotâ & lubricâ reformidant.
Vita siquidem via est. Et vehementer mihi displicet,
quòd vbi ego, Sapientia æterna, adsum semper, & para-
tus sum ego consilij magni Angelus, non me dignentur
interrogare de viâ rectâ, & voluntate meâ famuli mei;
quodque cùm prouidere futura nequeant, ruant in id,
quod primò arridet; etsi inquam ego, qui attingo à fine
ad finem fortiter, & suauiter omnia dispono, paratus
sim semper, vt viam ostendam, viam rectam & planam,
viam immaculatam & salutis. Me etenim vbique præ-
sentem ita consulere debetis, atque si me inter homines
conuersantem videretis. Nónne ideò cùm hominibus
vsque ad consummationem sæculi in Eucharistia esse
volui,

volui, vt oraculum, vt tibi propitiatorium verum esset
& fidelibus meis? Cùm ergo hoc eis prastiterim, & in-
numera quotidie beneficia; quid est, quod meum consi-
lium despiciant? extendam manum; & non sit qui aspi- *Prov. 5.*
ciat? voluptas; scio, hunc trahit, ad hunc illumue statum;
illum honor, vel ambitio, alium libertas inuitat; hæccine
verò. media ad finem, hæccine sunt humana consilia?
Hæccine vera, vt sup. pag. 7. vel, *Veni creator*, vt infra.

Hic Oratio duplex subijcitur: altera pro deliberante,
altera pro eo qui statum nactus est, vt per bona opera
satagat certam facere vocationem suam.

Oratio pro deliberante.

VENI creator Spiritus, & emitte calitus lucis tuæ
radium: Veni pater pauperum, veni dator munerum,
veni lumen cordium: paratum enim cor meum, paratum *Psal. 56.*
cor meum; vt faciam omnes voluntates tuas. Hoc pro-
fiteor hodie coram te Deus meus & Rex meus: Ecce ego; voca-
me quæ lubet: tuus sum ego: ecce ego lutum in manu figu- *Eccl. 33.*
li, fac, obsecro, de me vas in honorem quale volueris, & non in
contumeliā. Vtinam placeam tibi dilecte anima mea! Vti-
nam sequar te quocumque ieris, siue vt Iosephum velis in
seruitutem ire, siue vt Moysen in desertum, siue vt Abraham,
egredi de terrâ, de domo, & de cognatione meâ, siue vt Iacob
peregrinari super terram; paratum cor meum. Tantummodo
fac mecum secundum misericordiam tuam, vt in omni ater-
nitate enarrem vniuersa mirabilia tua. Tu scis, pater optime,
quis mihi conueniat status, hunc vnum peto. Et cum dixeris, *Luc. 11.*
petite, & dabitur vobis; accipiam spero, id quod conuenit
mihi. Quid, inquam, mihi? Potius dicam & melius, tibi; siue
quod mihi, pro obsequio tuo Rex meus, quod mihi pro infinitâ
charitate tuâ, vtile est vt cantem tibi gloria mea, & non
compungar in æternum. Ostende mihi viam, in quâ ambu- *Psal. 142.*
lem, & gratiâ tuâ sequar. Si difficilis sit, tu potens es: si
humilis sit, scio sapiens es corde, & magnitudinis tua nō est

Ioan. 6.
Matth. 16

finis: si laboriosa, ibo ad te, bonitas infinita, fessus, & oneratus, & tu reficies me. Sed eheu! quis potest venire ad te nisi traxeris illum? Trabe igitur me quò lubet, voluntatem meam sacraui tibi, & si nemo potest venire nisi qui tollit crucē suam, amplector omnem quam maiestati tuæ placuerit imponere mihi; Tu enim Dominus, nos serui, & filij ancilla tua. Tu pater, nos filij dignatione tuâ. Tu Rex es, nos subditi. Tu sapientia, & lumen, nos cæci. Tu denique pastor es, & nos oues. Fac igitur obsecro per viscera misericordiæ tuæ, vt au-

Ioan. 10.

diam vocem tuam, & cognoscam, & sequar. Qui enim non audit, non est ex ouibus tuis, neque ex electis tuis, qualem me esse confido, quodque me paratum sequi te non deseres in hoc loco horroris, & vastæ solitudinis. Quæsiuisti enim me ouem perditam, & inuitasti vt pascua inueniam, vt vitam habeam, & abundantius habeam in te, ô vita mea, & omne bonum

Ioan. 10.

meum. Quid in horâ mortis me fecisse velles? Hoc volo. Quid in iudicio tuo à me non esse factum exprobrares? Id toto corde desidero. Quid infinitus amor tuus ô Deus admirabilis, fortis, æterna sapientia, infinita bonitas, magni consilij Angelæ à me in omni æternitate factum esse optaret? Id ego, dum vita datur, & tempus est miserendi, ex amore tui, & propter honorem nominis tui cupio, & volo. Custodi hanc voluntatem meam Deus, & dirige me in semitam rectam propter nomen tuum. Amen Amen.

1. Cor. 19

Psal. 26.

Oratio pro eo qui statum vitæ elegit.

2. Petr. 1.

O ÆTERNA Sapientia, & infinita bonitas, vocasti me, & in hoc vitæ genere constituisti; sed quia non est in manu hominis via eius, obsecro te, da mihi gratiam vt satagam per bona opera certam facere vocationem meam, & quidquid in eâ acciderit, accipere de manu tuâ; velle enim meum consecraui tibi, & præbui tibi cor meum, & præbeo, vt nullum præter te diligat, quandoquidem elegeris me ante constitutionem mundi, vt essem filius tuus, & in hoc statu sequerer te. Omne ergo, quodcumque faciam in verbo aut opere, omnia in nomine tuo Domine JESV CHRISTE faciam. Per te offeram hostiam laudis, id est fructum laborum nostrorum

Coloff. 3.

tunc

rum confitentium nomini tuo, qui de tantis periculis eripui-
sti me, in quo spero quoniam adhuc eripies. Quocumque enim
in statu fuero, scio hominem me natum ex muliere, & breui Iob. 14.
viuentē tempore, & repleti multis miserijs, & nunquam
in eodem statu permanere. Solatio verò id mihi permagno est,
quòd capilli capitis mei apud te numerati sunt, & non Matth. 10
fines me tentari supra id quod possum; imò & facies cum 1. Cor. 10
tentatione prouentum, vt possum perfectus esse in statu meo
sicut Pater tuus celestis perfectus est. Quæ enim dementia mea
foret, posse me gemmam comparare preciosam, & vilia mer-
cari? Principem esse posse, & malle inter lixas latitare? Si
domum, equum, vestem optima mihi deligo, cur non animam
optimam, qua placeam tibi? Cur qui in omnibus seu artibus,
seu studijs, seu nobilitate ad primas naturâ tendimus, in eter-
num vili & abiecto animo contemptibiles esse volumus? Nunc
de regno, nunc de mansione in regno Patris tui agitur, &
ego qui maximus hic esse velim, in regno tuo minimus esse
volam? Et cum sedere in throno tuo possum, in tui, vt sic di-
cam, contumeliam longè sededo à te in æternum? A te? in Ioan. 3.
quam, qui sic me dilexisti Deus meus, vt filium tuum
vnigenitum dares, qui sic me dilexisti Fili Dei, vt animam
tuam dares in mortem propter me.

Ecce dico in abundantia meâ: non mouebor in æter- Psal. 29.
num, quoniam tu es fiducia mea: in te inimicos tuos ven-
tilabimus cornu, & spernemus insurgentes in nobis. Persequa-
tur me licet Pharaon cum sequi te cupio, & inspirationem
tuam; non timebo mala quoniam tu mecum es. Et scriptum
audio: Dicite iusto quoniam bene, & fructum adinuentionis
suarum comedet. Magna enim securitas, & magna in
morte potissimum tranquillitas, & in vniuersâ hac mortali
vitâ, & in aduersis, subitisque casibus, & vite huius tempesta-
tibus, quibus omnes iactantur; quod tu dominaris mari, &
motum fluctuum eius mitigas. Testes discipuli mihi sunt,
quibus aderas dormiens, sed benignissimum cor tuum vigila-
bat super illos. Testis Israël, cui cessit mare, & in deserto cibo
pascus est Angelorum, & aqua amara iniecto ligno ei facta
sunt

Prov. 28.
Psal. 26.

Psal. 68.

Psal. 22.

Psal. 147.

Psal. 67.

Psal. 15.

sunt dulces. Et de carcere video prodire Reges, quos ducit manus tua: & rursum de solio excidere eos, quorum vt Bal-
thassar appendisti merita, & dies numerasti. Ideò iustus vt leo confidit; & ego, etsi consistant aduersum me castra, non timebit cor meum; plures enim nobiscum, quàm contra nos: & tu vnus, bone IESV, sufficis mihi, qui à dextris es mihi ne commouear: & prouidentia tua attingens à fine vsque ad finem, fortiter, suauiter omnia disponit. Fac igitur de me secundum diuinam voluntatem tuam: & quamuis venirem in altitudinem maris, & tempestas demergeret me, scio quia iustus es Domine, & quia omnia iudicia tua iusta sunt, & omnes viae tuae misericordia, & veritas. Imò virga tua, & baculus tuus ipsa me consolata sunt. Ideò misericordiam & iudicium cantabo tibi Domine; non enim fecisti taliter omni nationi, & voluntatem tuam circa statum non manifestasti eis. Quis verò sum ego, vt memor sis mei, aut filius hominis quia visitas eum? Magna enim gratia audire loquentem te, vocari ad obsequium tuum, & videre quàm suauis sit, & quanta gloria sequi te Domine, caligine passionum dissipata, & radio benignitatis tuae affulgente mihi, vt cor meum, & caro mea exultent in te Deo meo. Confirma hoc Deus, quod operatus es in nobis à templo sancto tuo in Ierusalem. Conserua me Domine, quoniam speraui in te: Deus meus es tu, & bonorum meorum non es.

Praxis in vitæ statu deligendo.

Sap. 1.

Deuotioni
instandū.

PRIMA est, secessum, si fieri potest, capere, vel saltem negotia aliquantisper seponere, atque Sacramento poenitentiae animam purgare; in maleuolam enim animam non ingreditur sapientia. Obserua deinde maximè necessariam esse resignationem; quàm homo paratus est viam sibi monstratam sequi, neque vult diuinam sapientiam suæ insipientiae conformari; aut illius voluntatem sanctam & bene placentē, suae accommodare. Præterea verò orationi instare, si vnquam, oportet, eleemosynis item alijsque pijs operibus, cum res sit omnium maxima, & voluntas Dei vnica exquirenda sit, qui solus nouit talenta nostra quæ dederit, quæ dare decreuerit, quis status nobis conueniat. Ad hoc iuuabunt Notæ spirituum, de quibus infra dicetur.

Secunda, frequenter accedere ad sacram communionē, & post

post eam suppliciter, animoque ad Dei nutum sequendum comparato, petere : Domine quid me vis facere ? Multis enim id euenit, vti & B. Aloyfio Gonzagæ, vt tum vocem Domini, & voluntatem penitus intelligerent.

Tertia, viros spirituales & sinceros super hoc negotio audire. Solet enim Dominus per alios, maximè tamen confessarios, aperire quid à nobis fieri velit. Ita S. Paulo ad Ananiam misso dictum : Surge, & ingredere ciuitatem, & ibi dicetur tibi quid te oporteat facere : ita etiam euenisse B. Teresæ refert P. Ribera. Anima enim viri sancti enun-
*Sacra Communio frequen-
tanda.*
Act. 9.
Eccli. 37.

ciat aliquando vera plus quàm septem circumspectores sedentes in excelso ad speculandum.

Cauendum autè huic consiliario, ne præire Deum potius velit, quàm subsequi : ne hunc vel illum statû suadeat : cum solius Dei sit vocatione dare. Ideoque qui indifferens non est, & nimio affectu in hunc fertur statû, aut ab illo alienior est, parùm commodus habetur. Hunc S. Bernardus egregiè docet exemplo suo dicens : Laudo omnes ordines, & diligo vbiq; piè & iuste viuatur in Ecclesiâ, vnû opere teneo, cæteros charitate. Tales verò qui suum ordinem omnibus præferunt, aliosque contemnunt, nec nostri, inquit, nec cuiuspiam esse ordinis verius dixerim ; quippe qui etsi ordinate viuentes, superbè tamè loquentes ciues se facient Babylonis, id est, confusionis, imò filios tenebrarum, ipsiusque gehennæ, vbi nullus ordo, sed sempiternus horror inhabitat.

Quarta, in primis quidem vtilem dixi secessum in istâ deliberatione ; verùm si is obtingere alicui non potest, tum vesperi saltem per aliquod spatium ruminare ac considerare expedit illa capita quæ in Modo deliberandi & meditandi infrâ ponuntur ; maximè illud, quod in horâ mortis quisque optabit vitæ se genus delegisse. Neque tamè ideò sequitur omnes eandem viam inituros, v.g. securissimam & Religiosam : multis enim ea non conuenit, imò neq; segura est : habet vnusquisque donum suum, & vocationem. Vnusquisque autem in quâ vocatione vocatus est, in eâ permaneat oportet, iuxta D. Pauli consilium. Numquid enim, vt idem monet, dicet figmentum ei, qui se finxit, Quid me fecisti sic ? Varia sunt equidè in corpore membra, neque eundem actû habent, alterumque altero indiget, neque quidquam hic æmulari oportet, præter charismata meliora, id est, charitatem : non est enim personarum acceptor Deus.

Quinta est, sanctum Angelum custodè colere & inuocare, cum enim ille nobis sit datus dux & comes viæ in patriâ, velut Tobix Raphael, dubio procul hoc illi maximè curæ est, vt nos eâ ducat viâ, seu vitæ genere, quod diuinæ vo-

luntati maximè est accomodatum ; hoc enim clientes sibi commissos, & Dei filios ad cælestem Patrem, & patriam nouit peruenturos.

*Resignatio
procuran-
da.*

Sexta, ante omnia, vt dixi, necessaria ea animi præparatio, qua homo firmiter statuit cognitam Dei voluntatem amplecti, neque inchoanda deliberatio, priusquam mens nostra in æquilibrio posita fuerit ; vt momenta diuinæ voluntatis clariùs perspiciamus. Quòd si eam in nobis resignationem non inueniamus ; sæpè exercere eam oportet, inclinando voluntatē ad eam partē, quam magis auersatur.

Septima, Vt autem commoda atque incommoda ad finem consequendum clariùs perspicias, plicata charta scribendæ rationes & commoda quæ hoc vitæ genus suadent, deinde illæ quæ dissuadent ; considerando an commoda incommodis non præponderent ; & obiectiones scripto in quiete examinando.

*B. Virgo
inuocanda*

Octaua Praxis, Nunc, si vmquam, stella maris beatissima Virgo inuocanda ; illa enim mater nostra est, eiçue curæ, vt filij statum optimum consequantur ; atque ideò peregrinationem ad locum aliquem celebrem instituisse multis utile fuit. Et cum ipsa, vt P. Platus egregiè demonstrat, Religioforum Ordinum patrona sit, procul dubio ad aliquem aspiranti optima est cynosura.

Patronos etiam suos inuocare, aut deligere in hanc rem, salutare est, & eos, qui in vitæ genere, de quo deliberas, aut primi aut eximij fuerunt. Et hinc profectum vt cuilibet opificio moris sit patronum eligere, tum ad præsidium, tum ad exemplum.

*In concio-
ne & le-
ctione
loquitur
Deus,*

Nona, Conciones, dum quis deliberat, & lectionem piam frequentare omninò expedit, maximè Scripturæ : de quâ vide Bernardum ad sororem Serm. 50. Et Chrysost. Homil. in illud : *Astitit Regina*. Sic D. Augustinus conuersus lib. 8. conf. cap. 6. & S. Ignatius, & S. Childebertus, Sur. 29. Decemb. Concione verò S. Nicolaus Tolentinus, & Babilas : de quo in prato spirituali. Cōsortio verò & alloquio bonorum S. Romualdus, & innumeri alij, ideoque hoc magnoperè à Sanctis commendatur. Cum enim varijs vijs & modis Dominus vocare solitus sit, prudentis est omnem, vt sic dicam, aperire fenestram, quâ solis iustitiæ radius in animum nostrum penetrare possit. D. Martinus eleëmofynâ sibi ad sanctitatem viam aperuit. R. P. Borgiam cadaueris spectaculum impulit ad sæculum deserendum, & S. Syluestrum, vt Sur. 26. Nouemb.

*Resignatio
necessaria,*

Decima, Coram Ven. Sacram. suadeo omnem affectum vtriusque partis, de quâ deliberatio est, exuere, & sic diuinæ

næ

æ voluntatis signa exquirere, motusque animi obseruare, & audire quid in se Dominus loquatur. Ad hoc iuuerit expendere notas Spirituum: de quibus varij scripsere post S. Ignatium: P. Bernardinus Rossignolius, & recens P. Theophylus Bernardinus.

Paucis tantum hinc te moneo, lector, vt obserues originem, medium, & finem cogitationis, & hunc maximè. Vide ergo an ad ea impellaris, quæ legi diuinæ, & consilijs sunt consona, an verò sensualitate, aut vanitate traharis. Hæc enim à Magistro humilitatis, qui dixit; Discite à me, quia mitis sum, & humilis corde, inspiratio esse non potest. Sic ut & illa suspecta, quæ quis sui iudicio, & inniti prudentiæ cupit, & aperire directori formidat, vel ad rationis trutinam reuocare; maximè quando imaginatione vehemèntiori aliquis fertur, quod hominem rationalem dedecet: Nec minus illa quæ inquietum animum reddit; Spiritus enim Domini tranquillus, & in pace factus est locus eius.

Neque huic quieti repugnat sensualis partis obmuffitatio; imò hac trahente ad infima, percipere inspirationem ad contraria signum est diuinæ vocis, & gratiæ. Enumerat signa D. Paulus inspirationis sanctæ, dum fructus Spiritus S. recenset. Qui sunt: Charitas, gaudium, pax, patientia, longanimitas, bonitas, benignitas, mansuetudo, fides, modestia, continentia, castitas. Denique à bono Deo impelli ad vllum malum non possumus, sed ad CHRISTI imitationem, & Sanctorum. Hæc igitur, dum deliberas, sæpè abs te pete: Quis status, aut quod opus Deo acceptius, quid in horâ mortis eligeres, quid in iudicio, quid Sancti elegerint, quid CHRISTVS Dominus. In quo vitæ genere plura tibi conuenientia salutis auxilia, pauciora impedimenta. Quæ hæcenus expertus sis talenta ad hoc vel illud vitæ genus. Cuius vocationis habeas certiora argumenta diuinæ voluntatis. Quid denique alteri suaderes.

Hæc fusiùs vide Cap. de modo deliberandi, & in P. Theophili Bernardini cynosurâ, & P. Lessio lib. de statu vitæ eligendo. Oratio pro execut. *Dignatus es, vt suprâ pag. 10.*

JACVLATORIAE, quibus deliberans se per diem excitare poterit.

D Educ me Domine in viâ tuâ, & ingrediar in veritate tuâ.
Viam iustificationum tuarum instrue me, & exercebor in
mirabilibus tuis.

Domine quid me vis facere?

CS

Seruus

*Rationem,
non impe-
tum sequi
oportet.*

Galat. 5.

Nota.

Nota.

Psal. 85.

Psal. 118.

Act. 9.

- Pſal. 118. *Seruus tuus sum ego; da mihi intellectū, vt ſciam testimonia tua.*
 Prov. 16. *Cor hominis disponit viā suā, sed Domini est dirigere gressus eius.*
 Prov. 12. *Via stulti recta in oculis eius: qui autē sapiens est, audit consilia.*
 Prov. 20. *A Domino diriguntur gressus viri; quis autem hominum potest
intelligere viam suam?*
 1. Reg. 3. *Loquere, Domine, quia audit seruus tuus.*
 Prov. 21. *Omnis via viri recta sibi videtur, appendit autē corda Dominus.*
 Pſal. 118. *Vtinam dirigantur viæ meæ ad custodiendas iustificationes tuas*

SECVNDÆ IMAGINIS ANNOTATIO.

Quid tardas conuerti ad Dominum Deum tuum, & omne bonum?

C Onuertere citò, ô peccator, ad creatorem
 ac redemptorem tuum, neque vt *A* iste,
 dubius morare: ecce enim instat mors, ecce
 tibi *B* *IESVM* paratum vt te recipiat, aspice vul-
 nera eius, *C* tormenta attende, & benignissi-
 mum occursum illius. Contemne *D* mundum,
 eiusque fallaciam, detestare *E* peccatum, te-
 rribissimum monstrum: & sequere *IESVM*; ac *F*
 virtutem, quam *G* Angelus monstrat tibi, eius-
 que præmium attende, atque ad eam *H* con-
 tritione de peccatis excitatâ, & *I* confessione
 sacerdoti factâ conuola, ac *K* poenitentium
 exempla, vt Deo satisfacias, imitare. hanc viâ à
 iugo Pharaonis infernalis liberabere, & serui-
 tute eius, quemadmodum *L* filij Israël exitu
 de terrâ Ægypti. Neque hîc subsiste, sed perge
 in patriam, viator, viamque sterne ac muni *M*
 eleëmofynâ, *N* ieiunio, & *O* oratione. O quàm
 gaudent *P* Angeli super vno peccatore poeni-
 tentiam agente! O quantis præmijs in cælo
 anima illius coronabitur.





CAP. V. T. IV.

*Deliberatio de maturâ conuersione ad Deum
& finem nostrum, postquam deuiauimus.*

ANGELVS custos vbique præsens: Verùm, ô viator, quid tibi proderit finem vitæ nouisse; fide Deū & ad Deum viam scire, statumq; elegisse; si in hoc declines à viâ, auertaris à Deo, & finis tui ac beatitudinis obliuiscaris? utique præstabat Deum eiusque voluntatem non cognouisse. Seruus enim qui scit voluntatē Domini sui, & non facit, plagis vapulabit multis, quemadmodum illos Apostolus ait inexcusabiles; qui cū Deum cognouissent, non sicut Deum glorificauerunt, aut gratias egerunt; sed euauerunt in cogitationibus suis, & obscuratū est insipiens cor eorum: dicentes enim se sapientes, stulti facti sunt, & propterea tradidit illos Deus in desideria cordis eorum, in immunditiam, in passionēs ignominia. Quod si igitur pro fragilitate humanâ adhuc à Deo, id est, omni bono, patre amantissimo, creatore potētissimo, auersus es qui hæc legis; quæso te per sanguinem Christi, & salutem tuam, ne tardes conuerti ad Dominum, & ne differas de die in diem. Subitò enim veniet ira illius, & in tempore vindictæ disperdet te; sed reuertere hoc ipso momento, & ingemisce. Ecce enim manus eius extenta est: reuertere, & conuertere in viam, & ad Dominū Deum tuum. Dixit enim: Derelinquat impius viam suam, & vir iniquus cogitationes suas, & reuertatur ad Dominū, & miserebitur eius, & ad Deum nostrum, quoniam multus est ad ignoscendum. Hæccine credis, & adhuc tardas conuerti ad Dominum inter tot hostes constitutus, & fide certus, quòd, quâ horâ non putatis, filius hominis veniet, & forsitan hâc ipsâ? *Credo tibi, &c. vt sup. pag. 7.*

Homo. Credo, & scio, ac manifestè cognosco, finem creationis meæ esse, vt Domino seruiam; & ob hoc creatum esse me, & in eo positam esse omnem felicitatem meam:

Luc. 12.

*Rom. I.
Scire
Deum &
peccare,
grauē est.*

*Eccli. 5.
Sera con-
uersio rarè
vera.*

Isaia 55.

Psal. 37.

meam : sed quid agam Angele mi ? ecce vt inueterauerunt iniquitates meæ, & sicut onus graue grauata sunt super me. Video, eheu ! me descendisse ab Ierusalem in Iericho, qui ab Iericho in Ierusalem cælestem ascendere debebam.

*Dilatio
noxia.*

ANGELVS Custos adstans. O quanta mortalium cæcitas ! Dum tempus est pœnitentiam agendi, & resipiscendi, illud negligere, & profectum suum, & mercatum ! Quis verò illis promisit spatium pœnitentiæ postquàm semel neglectum est ? An contemptum Deum sperant sibi magis propitium, postquàm aut peccatis, aut imperfectionibus velut opprobrijs diutius eum saturauerint ? An, cùm mundus ob ætatem sibi ineptos proiecerit, & despexerit, tum respicere ad Deum statuent, vt illi facem tribuant, qui omnia illis largitus est, & mundo vinum bonum ? An æquum est, vide, ætatis florem in conspectu Dei nostri, coram quo stamus, & loquimur, offerre hosti ipsius, etsi eum maximè cupiat, ac reipsâ dicere : Ille coram te Deus meus florem habebit, & meliorem mei partem : tuum verò erit quod euanidum, aut despectum superfuerit.

*Nota
peccatoris
impudentiam.*

Nunc inuitantem ad emendationem, & perfectionem non audiam, cùm verò ab alijs desertus fuero, tunc exaudiri à te petam. Nunc vires integras consumam in mundi militiâ stipendio nullo ; seruiam illi, & amoris proprio ; cùm defecerit virtus mea, tunc tibi seruire voblam, postquàm & te, amoremque tui amoris meo posthabuero, & gloriam, omniaque bona tua promissa, & te neglexero.

Matth. II

HOMO. O quàm vera hæc de me parabola ! sed ô bone IESV, quem præsentem agnosco, & audio rursus suauissimè vocantem, & dicentem : Venite ad me omnes qui laboratis & onerati estis, & ego reficiam vos : confido in misericordiâ tuâ quòd seriò resipiscentem non despicias. *Credo tibi, &c.* vt suprâ pag. 7.

IESVS,

JESVS. Omne quod venit ad me, non eijciam foras, *Ioan. 6.*
et si stans ad ostium, & pulsans sæpè repulsam passus *O quanta*
sim. *Dei boni-*
tas.

HOMO. Misericordia tua super omnia opera tua.
Utinam, utinam numquam te offendissem, amantem
odissem, sequentem repulissem! *Infelix ego, vt inf. pa. 48.*

ANGELVS. Spera in Domino, & fac bonitatem, & *Psal. 25.*
pascere in diuitijs eius. Tantummodo ne tardes con-
uertere ad Dominum, & ne differas de die in diem: subito *Eccl. 5.*
enim veniet ira illius, & in tempore vindictæ disperdet
te. Citò conuertere, ne quando vt leo rapiat animam *Psal. 7.*

tuam, & non sit qui redimat, neque qui saluum faciat.
Nescis quia serò sæpè paratur medicina, vbi intulit *Dilationis*
morbus? Quæ, precor, ex dilatione commoda euenient? *incommo-*
Vides arborem non flecti nisi cùm virga est? itaque & *da grauis-*
tu beatus eris, si maturè ceruicem tuam flexeris ad suaue *sima.*

iugum CHRISTI JESV Domini nostri: *si alliseris Babylo-*
nis paruulos ad petram, ne postea superare nequas. Quis *Psal. 136.*
æger expectat dum morbus inualescat? quis prudens
viator iter differt, donec pluuiò cælo alueus vadari ne-
queat? Quis expectat, donec filum quod abscindere vix
potest, in nauticum funem excreuerit? id est, dum praua
consuetudo fortiùs alligârit, dum clauus altiùs infixus
erit? Et quis longiùs errare pergit, vbi errorem depre-
henderit? Quis, si fascem peccatorum iam leuare nequit,
vt ad pedes CHRISTI JESV & sacerdotis deponat, vbi
plurimis auctus fuerit, tollere poterit? Quod igitur alte-
ri suaderes in re (*aliquantisper hic subsiste*) eiusmodi, tibi
consule. *Hæcine vera, vt sup. pag. 7.*

HOMO. Eheu! nōne hæc memoria mortis mihi sanè
persuadere deberet, quæ veniet sicut fur in nocte, & eā
ipsā horā quā non puto?

ANGELVS. Quando ergo venturum putas? vel potiùs
dicito mihi: Nōne omni horā paratum te esse oportet,
vt vocanti iudici respondeas? Respice quæso, &
hiantem infernum intueri. Circumspice mille peri-
cula,

cula, & mortis causas etiam sempiternæ. Iam verò an paratus es, vt mecum ad iudicem proficiscaris? Et tu audes in conspectu eius vel momento stare in imperfectionibus, & peccatis, & non resipiscere? *Hæcine vera, vt supra pag. 7.*

August.

Vide ne hæc animaduersione percutiari: vt qui, dum viuus & sanus es, obliuisceris Dei; in morte, & tui & illius obliuiscaris. Acerrimè tunc hostis instabit tot victorijs animosior, quot tu peccatis debilior: tantò violentior, quantò magis defecerit virtus animæ & corporis tui.

Gregor.

Etiam si verò veniam pœnitenti promiserit Deus, tamen peccanti neque gratiam ad hoc, neque crastinum, neque horam promisit. Quàm grauitèr verò in iudicio arguèris, si occasionem hanc salutis tuæ neglexeris; perditionem verò maximo discrimine, labore, sudore quæsieris? Quam tunc gloriam & laudem accipiet, qui omnem vitam malè traduxit? quid metet, qui, dum viueret, seminauit sibi dolores, & pœnas sempiternas?

Occasio salutis non negligenda.

Matth. 7.

Numquid colliguntur de spinis vuæ, aut de tribulis ficus? an ista præparatio est ad placandum iudicem, criminum æceruum cumulare?

Rom. 2.

HOMO. Video, video nihil tristius in omnem æternitatem futurum, quàm, dum tempus erat veniæ, thesaurizasse sibi iram in die iræ & vindictæ, ideoque iniquitatem, & magis Deo iniurium fuisse, quo se benigniorem erga nos exhibuerit. *Credo tibi, vt supra, pag. 7.*

Dementia peccatoris quanta.

ANGELVS. Age verò, quamuis saluus fieres horâ extremâ, quæ dementia, hîc in statu hostis Dei & latronis permanere, in serui conditione potiùs quàm liberi, sine re omne tempus merendi & Deo placendi frustra elabi? Si autem in æternitate amaturus es Deum, an vis eum iam odisse? si tunc amaturus, quantum tristaberis quòd tam diu Patrem, & Dominum, & omne bonum exosum habueris? Hîc nullam occasionem lucri temporalis elabi finis: æterni omnem proijcis? Ecce, Sancti quàm sollicitè ambulabant coram Deo? & tanquam tumentes fluctus timebant

Iob 51.

timebant Dominum, semper pauidi ; &, quamuis nihil sibi conscij, nunquam tamen securi. Tu verò toties à me monitus, vt gaudere possem super conuersione tuâ & pœnitentiâ, ecce tanto tempore restitisti mihi. Neque tam facile esse putes conuerti. Sed Ambrosium audi : Faciliùs, inquit, inueni, qui innocentiam seruarent, quàm qui congruè pœnitentiam agerent. Et quamuis aliud nihil foret, quid tristius, quam perpetuâ in luctâ, angustîâ, conscientîæ aculeis & stimulis vitam agere ? Hæcine verò de te meritis est Dominus IESVS ? hocine est eius exemplum sequi, & propter misericordiam eius illum ad iram prouocare, & perseverare in illusione illius, eò quòd misericors sit & clemens ? *Infelix ego*, vt infra pag. 48.

*Ambros.
lib. de
vnicâ
pœnit. c. 10*

An ignoras, ait Apostolus, quoniam benignitas & bonitas Dei ad pœnitentiam te adducit ? O quanta est bonitas, quam continuò te alendo, fouendo, seruando te & creaturas omnes propter te, demonstrat ! neque quidquam hæc te commouent ? O si cognouisses & tu, & quidem in hâc die tuâ, quæ ad pacem tibi ! Et quid est quod te auertit à Deo tuo, à salute, à gloriâ, à vitâ bonâ, beatâ, ab optimi Patris & Dei tui charitate, & amplexu ? quid est, nisi voluptas aut vanitas brevis, multis querenda sollicitudinibus, multâ seruanda anxietate, multum dolenda vbi amissa fuerit, & luenda inauditis supplicijs, aut hîc eluenda diuturnis lacrymis ? Si enim aliquando saluus futurus es, mille mortes optabis potiùs obijssè, quàm offendissè Dominum Deum tuum. Vade igitur, & semina in momentaneâ voluptate, quod in æternis doloribus metes. Conuertere, conuertere, & vide quid intersit inter iustum & impium ; inter seruientem Deo, & non seruientem ei. Ecce enim ipse est Dominus, & non est alius, ipse mortificat & viuificat ; magnus est, magnitudinis eius non est finis ; solus habet immortalitatem, & lucem habitat inaccessibilem : & tu audes hunc contemnere, & mauis seruire hosti per ambitionē, auaritiam,

*Rom. 2.
Beneficia
& beni-
gnitas Dei
peccatorē
inuitat.
Luc. 9.*

*Considera
quid inter-
sit inter
iustum &
iniustum.
Malac. 3.
1. Reg. 2.
Psal. 144.
1. Tim. 6.*

auaritiam, & sæculi vanitatem? Ierusalem, Ierusalem, conuertere, conuertere ad Dominum Deum tuum. *Credo tibi, &c. vt suprà, pag. 7.*

*August. l. 8
Conf. c. 5.*

HOMO. Non est, ô Angele mi, quod respondeam tibi dicenti: Surge qui dormis, & exurge à mortuis, & illuminabit te Christus: cumque vndique cognoscam te vera dicere, iam non est omninò quod respondeam veritate conuictus. Si enim credo me locum veniæ non inuenturum, quæ dementia peccare sine spe remissionis? si autem cogito Dominum meum bonum & misericordem, qui, etiamsi plurimis peccatis meis grauissimè offenderetur, ignosceret tamen; quæ malitia mea velle malum esse me, quia bonus est?

Exercitium conuertentis se ad Deum.

*Rom. 7.
Psal. 119.*

INFELIX ego homo! quis me liberabit de corpore mortis huius? Hei mihi, quia incolatus meus prolongatus est. Habitauit cum habitantibus Cedar, multum incola fuit anima mea. Surge, surge, propera, & sequere vocantem, imò clamantem voce grandi. Hodie, ô anima mea, si vocem Domini audierimus, ne obduremus cor nostrum. Putasne, bone IESV, mortuus homo rursus viuet? Cunctis diebus, quibus nunc milito, expecto donec veniat immutatio mea. Vocasti me, & vocant me vulnera tua, & lacrymæ tuæ: impellit mors, quam video imminere capiti meo. Vocastine ergo me, & non respondebo tibi? Imò & operi manuum tuarum porriges dexteram. Tu quidem gressus meos dinumerasti; quibus erravi sicut ovis quæ perijt; sed iam obsecro ô bonitas, ô amor, inutilem & vilissimum quare seruum tuum, quia mandata tua non sum oblitus. Signasti quasi in sacculo delicta mea, sed curasti iniquitatem meam benignitate tuâ. Si lapides excauant aqua, & alluione paulatim terra consumitur, etiam cor meum lapideum excauet imber sanguinis tui, & quicquid terrenum est in corde meo, diluuium bonitatis tuæ consumatur. Sed quid est homo, quia magnificas eum, aut quid apponis erga eum cor tuum? Visitas eum diluculo, & subito probas illum. Vsq; quod non parcis mihi, nec dimittis me, vt glori-
tiam

Iob. 4.

Iob. 14.

Ibid.

Ibid.

Iob. 7.

tiam saluam meam? Peccaui; quid faciam tibi o custos hominum? Quare posuisti me contrarium tibi, & factus sum mihi-
metipsi grauis? Cur non tollis peccatum meum, & aufers ini-
quitatem meam? sicut enim onus graue grauata sunt super me
iniquitates meae. Sed dixisti: Venite ad me omnes qui laboratis,
& onerati estis: Venio igitur timens & tremens, sed magis te
amans; & ex amore tui facta est magna velut mare contritio
mea. Recordare Domine quia tempus miserendi, quia venit
tempus. Numquid contra solum, quod vento rapitur, ostendes
potentiam tuam? Numquid obliuisci poteris misericordiarum
tuarum quae à saeculo sunt? Numquid poteris vocare fugientem,
& reuertentem ad te repelles? Quis mihi det vt veniat petitio
mea, & quod exspecto veniat mihi, & det mihi? osculū scilicet
pacis filio prodigo, & misero misericordiam, & pauperi panem
Angelorum, & sitiēti fontes aquarum, & anima mea teipsū?
Quid enim mihi est in celo, & à te quid volui super terram?
Nunquid irasceris mihi vsque in finem, & non cum iratus
fueris, misericordia recordaberis? Hæc spes reposita est in sinu
meo, & licet occideris me, in te sperabo. Domine ante te omne
desiderium meum, & gemitus meus à te non est absconditus. Si
igitur dixisti: quacumq; hora ingemuerit peccator, quod non
recordaberis iniquitatis eius, ecce gemo, obliuiscere igitur ini-
quitatum mearum, & reminiscere miserationum tuarum Do-
mine, & misericordiarum tuarum quae à saeculo sunt. Propter
nomen tuum Domine propitiare peccato meo

Matth. 11

Iob 13.

Iob 6.
Præpara-
tio ad Cō-
munionē.Psal. 72.
Habac. 3.

Psal. 37.

Praxis ad maturam conuersionem.

PRIMA; apud se statuere, stultum esse quæuis alia negotia
huic antepōnere, à quo omnia pendent & vniuersa salus
hominis. Quid enim prodest homini si vniuersum mundum
lucretur, animæ verò suæ detrimentum patiatur?

Matth. 16

Secunda, quotidie vesperi vnā ex infra positis considera-
tionibus ruminare; quibus excitetur & vrgeatur: & simul
attendere ante somnū, an paratus sit mori. Verè enim sōnus
mortis est imago, & via. Quoties is qui in somnū caput in-
clinauit, telo mortis se improuidus induit? Quotiani incubu-
erūt, quos somnus simul cū morte oppressit! Quisquis pru-
dēsest, somnū nō capiet, & eterne simul mortis periculo sese

D

exponet.

exponet. Horrendum est incidere in manus Dei viuentis.

Tertia, horas aliquas succifiuas certò huic negotio tribuere, præsertim festis diebus. Sed eheu! eò cæcitatís ac teporis venimus, vt succifiuas nobis, animæ nostræ, salutí, Dei cultui vix impetrare à negotiis possimus; cùm illis vix tota concessa sit.

Considerationes breues pro conuersione, & vitâ bona, sapè, & maximè sub noctem, breuiter expendenda.

*Attende
quò vadas.*

Psal. 41.

Psal. 119.

CONSIDERA Primò, te velut viatorem, & peregrinum; & teipsum interroga: Quò proficiscor? quo fine creatus sum, & iter huius vitæ ingressus? Certè vt in Ierusalem cælestem peruenirem. Eòne me mea vita & via ducit? Quando veniam, & apparebo ante faciè tuam, Deus meus? Heu mihi, quia incolatus meus prolongatus est! *Credor tibi & c. vt suprà pag. 7.*

*An progre-
diar.*

Confidera Secundò, viatorem quotidie progredi oportere, & vias maximè securas & breuiore quærere: & vide an sic agas. Sanè si in itinere compendiosius & tutius occurreret, nòne illud eligeres? Si in re aliquà graui, aut expeditione, varia sese offerrent consilia, nòne tutius, maximè si à sapientissimo id daretur, eligeres? Eadè prudentiâ in animâ vtire. Audi quid Sapiètia æterna suadeat: & quod alteri suaderes, ipse fac: frequenter confitere, & communica, & miserere animæ tuæ placens Deo, ita vt nunquã, vel ad horã maneat Dei inimicus, ab eoquæ deseraris, & in dæmonis sis potestate, & pro eius arbitrio viuas. Heu! quanto prudentiores sunt filii huius sæculi filiis lucis in generatione suâ? *Infelix ego, & c. vt suprà pag. 48.*

*Vanitas
mundi.*

Eccl. 1.

*Seruitus
Dei &
mundi.*

Confidera Tertiò, occupationes hominũ varias, & quorũ sum iis animi & corporis vires omnes impendant, nempe vt vel opibus, vel honore, vel fauore hominũ augeantur, idquæ ad horam vnã vel momentum vitæ nostræ: & hæc omnia in illo momento sæpenuerò, vel culpâ leuissimã, vel maleuoli verbo vno, vel ictu globi vnus deperdi: quanto ergo satius de æterno honore, fauore æterni regis & opibus cogitare? Vanitas vanitatum, vanitas vanitatum, & omnia vanitas. *Hæcine vera & c. suprà pag. 7.*

Confidera Quartò, quid sint Reges & principes terræ, quis verò Deus: illi terræ vermes, & mancipia seu conserui nostri: hodie sunt, & cras non erunt. Attende autè, quomodo hinc vermis & conseruus ab hominibus obsequium petat, inde Deus: & vide, quã prompti sint homines & indefessi, vt seruiant principi, qui conseruus est; quot verò opus habeat

habeat Deus promissis, exhortatoribus, vt sibi vel decima pars præstetur; nec hanc quidem illi concedi, nisi conferuo arrideat, & permittat; & quàm id turpe & indignũ, & dic, Mihi autem adhærere Deo bonum est, ponere in Domino Deo spem meam. *Credo* &c. *suprà. pag. 7.*

Quintò, considera Primò, iã reuerios ab inferis eos qui in gentilismo & christianismo tuæ conditionis fuerunt, seu Cæsares, seu bellatores; Principesque, Consiliarios, &c.

Quanta sit & quàm brevis merces laborũ, quàm à mundo retulerint. Summa est fumus famæ, & honoris: sed quid miseris prodest laudari vbi nō sunt, & cruciari vbi sunt? Secundò quàm multa bona pro Dei gloriã tui quispiam similis præstare possit, si tot labores & pericula subiret pro Deo quo tu vt mundo seruias? Certum, vnumquemque ad magnam sanctitatem peruenire posse, & latè Dei gloriam propagare, si quantum pro fumo, & mundo, tantundem pro Dei gloriã, suãque salute præstiterit. Tu igitur sperne mūdum, & Deo adhære; & dic: Quid prodest homini si vniuersum mundum lucretur, animæ verò suæ detrimentum *Audi mor-
tuos.* *Mat. 16.*

Considera Sextò in rebus agendis. Primò, nihil sine Deo *Deum roga
sine quo ni-
hil potes.* te posse, proinde soli illi humiliter omnia tribue, qui depōnit potentes de sede, & exaltat humiles; & ante omnia cura, vt illum habeas propitiũ. Secundò, vt famuli, & alii quibus ad executionē vteris, quoad potes boni sint. Non enim sunt, vt patet, apta instrumenta fidei tuendæ, & gloriæ Dei propagandæ, aut agendi præclara, inimici Dei, & diaboli mancipia qui eos ad mala omnia trahit & instigat. Tertiò, impossibile esse euentus futuros prouidere, propterea, postquam diligentia adhibueris, omnia scias esse relinquēda Dei prouidentia. Quartò, cū ipse sit solus Dominus, solus altissimus, eius honorem & gloriam præ oculis semper habendam. Alioquin enim meritò grauiter indignabitur, & consilia nō fortunabit, in quibus videbit magis gloriã queri serui, quàm suam: dicit enim, Gloriam meam alteri non dabo. Quis sicut Dominus Deus noster, qui in altis habitat, & humilia respicit in cælo & in terrâ? Quicumque glorificauerit me, glorificabo eum: qui autem contemnunt me, erunt ignobiles. *Isaia 41.
1. Reg. 2.
O quã bre-
vis vita!* *Haccine vera,* vt *suprà pag. 7.*

Considera Septimò vitæ breuitatem, quodque instar nauis, sagitte, cursoris, & vaporis transeat. Quocirca præmitte thesauros bonorũ operũ & eleëmofynarũ eòvbi perpetuò victurus es: sibi principatus potiùs stude acquirere, quàm hîc vbi horã vnã manendum. Secundò, incertitudinẽ mortis.

Luc. 2.

Ided omni horâ esto paratus; nec vnquam cubitum concedas nisi Deum excusâ conscientia placaueris, memor illius verbi Veritatis æternæ: Quâ horâ non putatis, filius hominis veniet, *Hæcine vera*, &c. vt suprà pag. 7.

Monitorem fac habeas.

Confidera Octauo, principes habere qui curent diligenter pecuniam suam, qui curent corpus suum, & magna præmia illis tribui, qui damna præuertunt, signa morbi indicant, hostiumque machinationes clandestinas significant. Refer ad animam, & habe saltem confessarium, à quo moneri petas, si quod animæ periculum videat, si quem morbum detegat, aut hostium infernalium molimina, vt occurrere malo venienti possis. Sic autem crebrò Deum inuoca: Vias tuas Domine demonstra mihi, & semitas tuas edoce me. Vtinã dirigantur viæ meæ ad custodiendas iustificationes tuas! Iuravi & statui custodire iudicia iustitiæ tuæ. *Credotibi*, &c. vt suprà pag. 7.

Oratio pro executione. *Dignatus es*, &c sup. pag. 10.

IACVLATORIÆ.

Psal. 7.

Nisi conuersi fueritis, gladium suum vibrabit, arcum suum tetendit, & parauit illum.

Psal. 79.

Deus virtutum conuerte nos, ostende faciem tuam, & salui erimus.

Psal. 84.

Conuerte nos Deus salutaris noster, & auerte iram tuam à nobis.

Ierem. 31.

Conuerte me, Domine, & conuertar ad te, quia tu Dominus Deus meus es.

CAPVT V.

De pœnitentiâ verâ salutis semitâ, quâ homo ad Deum & salutis viam reuertitur, eiusque parte prima, Contritione.

POSTQVAM homo coram Deo statuit reuerti ad viam salutis, & tendere ad terminum creationis, & vitæ suæ, contritioni & dolori operam dei; hoc pacto enim velut compendio, itinere tridui perget in desertum ex Ægypto, & de Pharaone & exercitu eius Dei gratiâ triumphabit. Huius tridui dies primus contritio,

tritio, secundus confessio, tertius satisfactio dei potest.

Quem admodum autem admirabili, & suavi prouidentia sua statuit Dominus, ut anima, quæ concepit dolorem & peperit iniquitatem, morte moriatur; sic decreuit ut eadem post peccatum concipiendo verum dolorem, & contritionem, in vitam reuocetur. Atque ita peccati proles dolor est, qui si ex amore Dei concipiatur, infelicem matrem proles optima destruit, & pro interitu nobis restituit salutem. Duplex verò dolor est; alter Attritio appellatur, cum quis ex peccati sceditate, & timore gehennæ, aut simili consideratione de præteritis dolet.

Alter Contritio dicitur; quo anima ex puro amore, non ob poenam, ob amissionem bonorum, non ob molestiam; sed ob id gemit ac dolet, id est, optat non à se patratum delictum (et si non sentiat teneros affectus ac lacrymas) quod benignissimum Patrem, liberalissimum Dominum contristari, iniuriam affecerit, quem omni amore & honore prosequi debuerat: atque hic est filiorum dolor, Deo Patri gratissimus usque; adeo, ut ad salutem sufficiat, quando Confessarii copia defuerit. Huic igitur acquirendo plurimum insistendum est potius, quam anxie peccatorum enumerationi, cum plerumque secus fieri solitum sit; ideoque hic subsidia ad contritionem propono. Nonne Magdalena dolore & amore peccata deleuit? Publicanus verò in pristinam gratiam tum receptus est, quando eructauit ex intimo sensu, & charitatis affectus verbum illud bonum & salutare: Deus, propitius esto mihi peccatori.

Complectitur uterque dolor in se, etiam si non semper explicitè, propositum seruandi præcepta. Inter hæc illud, quo confessio præcipitur, omnino suo tempore explendum est, maxime cum ea vis eius sit, ut ex attrito contritum faciat. Ideoque memento eam crebro usurpare, ut certam vocationem, & salutem tuam facias.

*Dolor est
medicina
peccati.
Psal. 7.*

Duplex dolor.

*Summum
bonum.
Contritio-
nis utilitas*

*Propositum
emendatio-
nis.*

COLLOQVIVM CHRISTI IESV

*cum animâ peccatrice , pro contritione
excitandâ.*

*Dent. 32.
Iob. 38.*

*Consule cor
tuum &
audi.*

Isaia. I.

*Psal. 31.
Peccator
audiat Deo.*

Isaia I.

Psal. 50.

Iob 14.

Iob 4.

*Peccator
videtur nō
credere.*

*Matth. 23.
Psal. 4.*

CHRIſTVS. Audite cæli quæ loquar , audiat terra verba oris mei. Ecce interrogabo te N. responde mihi. Nōne ego te creavi ex infinito amore & spontaneo, in laudem & gloriam nominis mei? Age verò, nōne tibi conscium est cor tuum, quòd viuas, & coram me, in opprobrium meum, vt meritò, si vita tua nota mundo foret, propter te blasphemaretur nomen meum; & tamen te vt filium enutriui & exaltaui. Tu autem spreuisti me, & tacui: & cognouit bos possessorem suum, & asinus præsepe Domini sui, tu verò me non cognovisti: sed quia longanimis sum super malitiâ hominum, patiens fui.

ANIMA. Verè, Domine, factus sum sicut equus & mulus, quibus non est intellectus. Creatorem te vocavi & Regem & Deum meum, & ad contumeliam tuam te vilissimæ creaturæ posthabui. Neque verò si interrogas me, causam scio, nisi quia mihi lubebat, etsi vetares; quia sic recreabat, etsi tibi doleret. Eheu! à planta pedis vsque ad verticem capitis non est in me sanitas. Sed quò ibo? Ad quem confugiam nisi ad te ô Pater misericordiarum, & Deus totius consolationis? Ne proicias ergo me à facie tuâ, & Spiritum sanctum tuum ne auferas à me. Operi manum tuarum porrige dexteram Domine meus, & Deus meus.

Actus contritionis: Domine IESV, &c infra pag. 60.

CHRIſTVS. Si ego sum Dominus, vbi est timor meus? Si Pater, vbi est amor meus? Credisne Dominum esse me, & contemnere potes? Patrem vocas, & mea, mea que mandata, vt capitali tuo placeas hosti, despicias? Quoties te volui congregare sicut gallina congregat pullos suos sub alas, & noluisti? Quoties dixi: vsquequo graui

gravi corde ? vt quid diligis vanitatem , & quæris mendacium ? an putas, quisquam facinorosus credit Regem sibi adstare, se contemplati, minari, & non cessat maledicere ei ? Quis reus in carcere iudicem operitur , & audiens eadem horâ in foro plurimos dirè cruciari ob similia suis delicta, non terretur ? Tu verò nōne nosti ob illa tua peccata N. plurimos saltem in purgatorio flammis torqueri ; fortè etiam in inferno æternū gemere, & torrerī ? Et tu ridere potes, & amori seruire proprio, ac mundo, & vel momento in peccato permanere ? Si vocaui hactenus, & renuisti, extendi manum meam, & non aspexisti, & spreuisti omne consilium meum , nunc saltem reuertere dum tempus miserendi , dum patet salutis porta , ne si moram feceris, cum dolore meo & tuo aliquando postules aperiri fores misericordiæ meæ , & iustitia mea tibi respondeat: amen nescio vos.

ANIMA, Si iniquitates obseruaueris Domine, Domine quis sustinebit ? Memento, obsecro Domine IESV, quòd sicut lutum feceris me , & in puluerem reduces me. Nōne sicut lac mulsisti me , & sicut caseum me coagulasti ? Pelle & carnibus vestisti me, ossibus & nervis compegisti me. Et cū nihil oderis, eorum quæ fecisti, reminiscere miserationum tuarum antiquarum: citò anticipent nos misericordiæ tuæ, quia pauperes facti sumus nimis. Nōne misero mihi iam data est lux, & vitam & misericordiam tribuisti mihi, & visitatio hæc tua custodiet spiritum meum ? O quis dabit capiti meo aquā, & oculis meis fontem lacrymarum, & plorabo die ac nocte interfectos filia populi mei ! O quā amarum est mihi dereliquisse te Dominum Deum meū ! de quo scriptum memini : suavis Dominus vniuersis, & miserationes eius super omnia opera eius Credo tibi, &c. vt sup. pag. 7.

CHRISTVS. Reduc in memoriam beneficia quæ contuli tibi, & iudicemur si nūl. Narra siquid habes vt

Prou. 1.

Dum patet
cælum, in-
gredere.

Matth. 25.

Iob 10.

Psal. 78.

Ierem. 9.

Amarum
est Deum
relinquere.

Isa. 43.

Ingratitu-
do peccato-
ris.

Psal. 37.

iustificeris. Nónne retribuisti mala plurima N. pro bonis. Sterilitatem animæ meæ? Nónne ego te redemi precio magno sanguinis mei, non corruptibilibus auro, vel argento, vt glorificares, & portares me in corpore tuo? Quid verò tu fecisti?

*Stultitia
peccatoris.*

Matth. 16

HOMO. Vendidi, cheu! animã meam sine precio. Quid enim sunt vniuersa hæc, quæ Apostolus tuus verè arbitrabatur vt stercore, vt te lucrificeret? Et quid prodest homini si vniuersum mundum lucretur, & animæ suæ detrimentum patiatur? Et fieri potuit vt hæc mallet, & quærerem, quæ neque inuenire, neque retinere possum; & tu mihi tam vilis fieres omne bonum, vt nõ pro pul- te cum Esau, nec triginta argenteis cum Iuda, sed pro fumo, & inani voluptate venderem, & perderem te? *Hæc- cine vera*, vt sup. pag. 7.

Domine IESV, &c. infra pag. 60.

Iſai 48.

Matth. 20.

Iſai 28.

*Peccator
fœdus facit
cum dæ-
mone.*

CHRISTVS. Recordare quòd dilectam animam meã dederim in mortem propter te, vt sperares & confide- res in me. At verè neruus ferreus ceruix tua, & frons tua ærea. An fili mi, quia ego bonus sum, oculus tuus nequã est? Cur auertis faciem tuam à me qui tibi sum vita, & salus? Cur fecisti pactum cum morte, & pepigisti quon- dam fœdus cum inferno in perditionem tuam, in mei contumeliam? Cur, obsecro, vis vt triumphet hostis meus de sanguine meo, & precio illius, id est, te, qui vt viueres, à me morte meã redemptus es. *Domine IESV, &c. pag. 60.*

Iob 10.

HOMO. Tædet animam meam vitæ meæ: dimittam aduersus me eloquium meum: loquar in amaritudine animæ meæ. Et quid dicam tibi, infinita bonitas? Di- cam Deo, Noli me condemnare, quia pro me damna- tus es: Noli me derelinquere, qui triginta tribus annis quaesiuisti me. Noli mei obliuisci qui in manibus tuis descripsisti me.

Eſa. 49.

*O quanta
boni-*

CHRISTVS. Numquid obliuisci potest mulier in- fantem suum, vt non misereatur filio vteri sui? Etsi illa oblita

oblita fuerit, ego tamen non obliuiscar tui. Ego enim te dilexi, & laui in sanguine meo; mundus verò & caro hostes tui sitiunt sanguinem tuum, cui, obsecro, adhærere tibi bonum est? Ego te creau; & hostis tuus mille modis te destruere nititur: ego æternis præmiis inuitaui, & inuito; ille vanissima voluptate, & æternis suppliciis: ego summum bonum, & ille summum malum. Clamabone igitur ad te, & vocabo, & non exaudies? Rogabo, *Luc. 19.* & repulsam patiar? Lacrymabor ob tua pericula, & ir- *Heb. 5.* ridebor abs te? Reuocabo te ab iis, & tu in iis gaudere perges, imò & maiora quærere, & me contristare?
Credo tibi, &c. pag. 7.

Domine IESV, &c. pag. 60.

HOMO. Miserere Domine quoniam defecimus in irâ *Psal. 89.* tuâ, & in furore tuo turbati sumus. Posuisti iniquitates nostras in conspectu tuo, & sæculum nostrum in illuminatione vultus tui. Pudet meminisse ob turpem voluptatem, inaniissimam vanitatem tot molestiis petendam, tantâ curâ seruandam, etsi seruari non possit, ob hæc, inquam, mundi decreta durissima seruari, & mandata tua diligenda super aurum & topazion, & dulciora super mel *Psal. 118.* & fauum, nec æternis propositis præmiis, vel suppliciis, custodiri.

CHRISTVS. Obstupefcite cæli super hoc, & portæ *Ierem. 2.* eius desolamini vehementer. Duo enim mala fecit populus meus: me dereliquerunt fontem aquæ vivæ, & foderunt sibi cisternas, cisternas dissipatas, quæ con- *Fructus* tinere non valent aquas. Quid enim superest tibi ex *peccati.* iis, in quibus nunc erubescis? Quid tibi profuit superbia, aut diuitiarum iactantia: quid contulit tibi? Et nunc quid tibi vis in viâ Ægypti, vt bibas aquam turbi- *Ierem. 2.* dam? Et quid tibi cum viâ Assyriorum, vt bibas aquam fluminis?

Nónne ego plantaui te vineam electam, omne semen verum: quomodo ergo conuersa mihi es in prauum vinea aliena? Expectaui, vt faceres vuas; & ecce labrus- *Isaie. 2.* cas,

*Peccator
abutitur
Dei misere-
cordiâ.*

cas. Quid debui vltra facere vineæ meæ , & non feci? Quid inuenisti in me iniquitatis , quia elongasti te à me? nōne filui? nōne tacui? nōne patiens fui , longanimis , & misericors super malitiâ hominum ? Verumtamen post hæc omnia , quia facilis eram ad veniam , & bonus , crebrius me offendisti : confregisti iugum , & dixisti , Non seruiam. Gloriatu es in malitiâ , potens in iniquitate. Hæccine reddis mihi , popule stulte & insipiens ? Vbi sunt dii tui consolationes tuæ , in quibus habebas fiduciam ? nōne abierunt omnia tamquam vmbra , & tamquam nauis cuius non est inuenire vestigium in fluctibus ? quod mundus voluit , quod sensualitati allibitum fuit , mox fecisti , & conatu quidem magno ; quod ego præcepi , consului , rogavi per amorem & sanguinem meum ; vt mortificationem meam in corpore tuo circumferres , despexisti , & ecce quod tot annis mandaui , commendaui per Prophetas & præcones meos , id est Superiores tuos , nōne sæpè quasi nihilum reputasti ? hæccine prima charitas , quâ omnibus propter me in baptismo renuntiasti ? quâ ad omnia te mihi obtulisti ? hæccine retribuisti mihi? & dicis , Nequaquam faciam , adamaui alienos , & post eos ambulabo.

Nemo potest Deo per se satisfacere.

Iob. 14.

Iob 7.

Iob 16.

Iob 6.

Iob 29.

ANIMA. Ah, Domine, quis stabit ad loquendum tibi , aut respondebit vnum pro mille ? Cæli non sunt mundi in conspectu tuo , & in Angelis reperisti prauitatem. sed quis bone IESV, redemptor mi, potest facere mundum de immundo conceptum semine , nōne tu qui solus es ? Tu quidem gressus meos dinumerasti : sed parce peccatis meis , & memento , quia ventus est vita mea. Quid faciam tibi , ô custos hominum? quare posuisti me contrarium tibi? Et eheu! factus sum mihi metipsi grauis. Ecce oppressit me dolor meus , & ad nihilum redacti sunt omnes artus mei. Sagittæ tuæ in me sunt , quarū indignatio ebibit spiritū meū. O quis mihi tribuat , vt sim iuxta menses pristinos , secundum dies , quibus

quibus tu, Domine, custodiebas me! Domine Iesv, &c.
Credo tibi, &c. vt sup. pag. 7.

CHRISTVS. Quare recessisti, & non reuerteris vltra ad me? Numquid obliuiscetur virgo ornamenti sui, aut sponsa fasciæ pectoralis sui? Tu verò oblita fuisti mei creatoris tui diebus innumeris. Reuertere, reuertere, en paraui tibi stolam primam, extendi brachia mea ad amplexus, caput ad osculum pacis inclinaui.

*Ierem 2.
Inuitat
Christus
animam.*

ANIMA. Pater, non sum dignus vocari filius tuus: Verumtamen respice in me, & miserere mei, quia vnicus & pauper sum ego. Eheu! Ecce inuenio aliam legem in membris meis repugnantem legi mentis meæ: & non quod volo bonum, hoc ago.

Luc. 15.

Rom. 7.

CHRISTVS. Ecce ego arguam te, & statuam contra te faciem tuam. Si morbo aliquo pressus iuisses, nōne in medicos plurima expendisses? si lis mota de jugero terræ, etiam maria transiisses. Et si decimam partem forum quæ pro mundo præstas, pro animâ fecisses tuâ, nōne beatè vixisses? nōne ego Veritas dixi: Iugum meum suauē, & onus meum leue est; & Mandata mea grauiā non sunt: & tu difficilia asseris? verbo & factō & exemplo tuo alios in perniciem trahis? Non possum, inquis, abstinere hoc confortio, hoc peccandi periculo: & si quis amicissimus iniuriam vel leuem dixisset, nec rogatus coniungi ei velles, nec placari: si peste locus aut amicus infectus foret, vitares omninò: aut si medicus hoc vel illud cibi genus vetaret, pareres: vt verò animæ consulas, vt corpus edomes, mihi placeas & obedias, nihil facere aut pati dignaris? Me ergo solum non timebis, & à facie mea non dolebis? nōne contestans contestatus sum, & dixi: Audi vocem meam, & non audisti, nec inclinasti aurem tuam, sed abiisti in prauitate cordis tui mali? ecce hac horâ forsan rapieris ad iudicium seuerissimum, iturus es in domum æternitatis tuæ: & ecce manus tuæ adhuc plenæ sunt sanguine. Popule meus, quid feci tibi, aut quid molestus fui tibi?

Psal. 49.

*O quā facile est Deo
seruire!
Matth. 11.
1. Ioan. 5.*

*Peccator
mentitur
sibi.
Ierem. 11.*

Mich. 6.
Passionem
Christi cō-
sidera.
Jerem. 3.
Cant. 5.

tibi? Recordare, anima, fellis & paupertatis meæ, & lacrymarum mearum, quibus pro te deprecatus sum, quia preciosa eras in conspectu meo; tu tamen fornicata es cum amatoribus multis. Verumtamen reuertere: reuertere, ecce sto ad ostium, & pulso: aperi mihi soror mea sponsa, caput meum plenum est rore sanguineo, & cincinni mei guttis noctium.

Psal. 24.
Isaia 38.

ANIMA. Excitavi iracundiam tuam, Domine, & peccaui super numerum arenæ maris; agnosco iniquitates meas: sed ne simul perdas me cum iniquitatibus meis, neque in æternum referues mihi mala: ostende mihi bonitatem tuam, & reminiscere miserationum tuarum antiquarum, & proiice post tergum tuum omnia peccata mea. Ecce enim coram te & curiam tuam cælesti syncerè statuo numquam ultra te offendere, occasiones illas deuitare; tibi Deo meo potius quam dæmoni seruire. Accipe, Domine IESV, & ne despicias cor contritum & humilitatum; tu qui scrutaris cor & renes, tu nosti, tu nosti suspirium & desiderium meum. *Infelix ego, vt sup. pag. 48.*

Oratio, seu actus contritionis.

Actus fi-
dei, Con-
tritionis.
Propositum
de emenda-
tione
& confes-
sione.
Oblatio
sui.
Actus
spei.

DOMINE IESV Christe, verè Deus & homo, creator pater ac redemptor, doleo ex intimo corde, me offendisse diuinam tuam maiestatem, quia tu es Deus meus & omnia, quem super omnia diligo & colo. Proinde firmiter statuo ac propono, me non amplius te offensurum, sed omnes peccandi occasiones pro viribus deuiaturum, insuper de noxis meis riter confessurum, & penitentiam quacumque imponetur implendum: ad pleniorē verò satisfactionem, hodie tibi me ipsum offero, vitam meam, & mea omnia, & omnes labores meos. Et quemadmodum rogo te suppliciter & flagito veniam delictorum meorum, ita confido me eam impetraturum per infinitam misericordiam ac benignitatem tuam, per merita quoque pretiosissimi sanguinis ac sanctissime passionis tue: daturum te quoque gratiam emendandi vitam meam, & in bono usque ad finem perseverandi. Amen.

Praxis

Praxis de contritionis frequentiori vsu.

P RIMÒ, commendatur hîc à viris doctis ac piis, potissimū manè, vt, cū Deo reconciliati sumus, opera nostra aliàs mortua, vitæ æternæ meritoria sint. Secundò, vesperi in examine conscientiæ contra repentinam mortē. Tertiò, post peccatū grauius admissum, ne inimici Dei permaneamus. Quartò, ante omnem orationem: non enim est speciosa laus in ore peccatoris. Quintò, in omni periculo mortis, & grauiori tentatione. Sextò, quoties negotium arduū tractandum, & gratiæ cælestis auxilium implorandum.

Actus autem contritionis breuissimo spatio fieri potest. Sic enim Dauid verè contritus postquam dixisset: peccaui Domino; audit à Prophetâ: Dominus quoq; transulit peccatum tuū. Assuesce igitur vel dicendo, IESVS, amoris illius magnitudinē in te velut intueri, & conterere. Vel ex aspectu creaturæ, aut beneficii alicuius recordatione assurge in amorē Dei, & animo dic: o Deus meus doleo ex toto corde de omnibus peccatis meis, idque maximè quia tuæ diuinæ displicent Maiestati. vel hoc pacto: O IESV doleo ex amore tui, quod offenderim te. Dum auditur hora, si liber, contritionis & amoris actum sic excita: O IESV, o summū & omne bonū, cur vnquā te offendi? Ah! verè pœnitet ex intimis medullis, ideoq; vel maximè, quia tibi soli peccaui. Et quid iam ago? Te æstimo, te vnū amo super omnia propter teipsum, qui hoc amore meo, omniq; alio sine fine dignus es. Oratio *Dignatus es*, vt suprā pag. 10.

IACVLATORIÆ.

- A** Deamus (ô anima) cum fiduciâ thronum Domini, vt misericordiam consequamur, & gratiam inueniamus in auxilio opportuno. Hebr. 4.
- Reuertere ad Dominum, & auertere ab iniustitiâ tuâ, & nimis odito execrationem, & cognosce iustitiam & iudicia Dei. Eccli. 17.
- Viuo ego, dicit Dominus, Nolo mortem impij, sed vt conuertatur à viâ suâ, & viuat. Conuertimini à viis vestris pessimis, & quare moriemini domus Isra el? Ezech. 33.
- Delicta iuuentutis meæ, & ignorantias meas ne memineris Domine. Psal. 24.
- Cor mundum crea in me Deus, & spiritum rectum innoua in visceribus meis. Psalm. 50.
- Domine ne memineris iniquitatū nostrarū antiquarum: citò accipiet nos misericordiæ tuæ, qui a pauperes facti sumus nimis. Psal. 78.

CAPVT VI.

*De Confessione, secundâ parte pœnitentiæ: ac
primò de generali; eiusque vtilitate.*

CHRIſTvs. Verumtamen contritio non ſufficit, ſed ſecundæ diei iter ſiue pars illius ſuperanda; vt ſicut corde creditur ad iuſtitiam, ſic ore fiat confeſſio ad ſalutem. Quid hæres aut horres? homo es, & humani à te alienum nihil; errare, labi, ignorare. dic igitur cum Prophetâ: Dixi, Confitebor aduerſum me iniuſtitiam meâ Domino; & tu remisisti impietatem peccati mei. Non ergo declines cor tuum in verba malitiæ ad excusandas excuſationes in peccatis, neque confundaris confiteri peccata tua. Qui enim abscondit ſcelera ſua, non dirigitur: qui autem confeſſus fuerit, & reliquerit, miſericordiam conſequetur.

Pſalm. 31.

Pſal. 140.

*Confeſſio
ſincera in-
ſtituenda.*

Eccl. 4.

Prou. 28.

*Confeſſio
generalis
facilis.*

Vis ergo converti in toto corde ad me Dominum tuum? ecce viam; recogita omnes annos tuos in amaritudine animæ tuæ; & ſinceram ac veram inſtitue confeſſionem generalem, niſi aliud Confeſſario videatur. Neque formides moleſtiam aliquam ſubire pro animâ tuâ; ſed ſcito eam, ſi methodo vti velis, æquè facilem eſſe quàm ſit aliquibus vnus hebdomadæ. Vtere examine quod ſubiicietur, ſingulaque peccata in ſuas claſſes refer, ac cōfiteri: nec difficilius tibi erit dicere; Millies, quàm centies, peccaui Domino meo.

Homo. Verùm permoleſta præteritorum recordatio, præſertim cùm nulla neceſſitas compellat.

*Utilitas
confeſſionis
generalis.*

CHRISTVS. At tu in iis quæ ſæculi ſunt, nōne & vtilitatem ſpectas? An ſola prorsus neceſſaria corpori tribuis, ſeu de commodis eius, ſeu de victu, veſtitu, opibus, honoribus agatur? Cùm itaque omni in re ſpectes & vtilitatem maximam, & commoditatem ſimul ac iucunditatem; quæ dementia, in negotio ſalutis omnium maximo vix quidquam velle agere, quàm quod neceſſitas

necessitas suadet? securissimam nauim nauigaturus, & *Securitas*
viam profecturus deligis, alteriq; suades pharmacū, quod *quaerenda.*
ad sanitatem maximè conducit. In rationibus reddendis
securitatem quibus potes apochis & testibus quæris.
Quid igitur tibi faciendum in viâ æternitatis, in morbo
vel periculo mortis animæ? in negotio rationum mihi
reddendarum? Et quamuis generalis confessio non sem-
per sit necessaria, plerumque tamen utilis est, sæpè etiam
necessaria.

O clementissime, vt inf. pag. 65.

CHRISTVS. Necessaria est, quando præteritæ con- *Aliquando*
fessiones imperfectæ fuerunt, aut defectu integritatis, *necessaria.*
aut defectu doloris, aut defectu potestatis in confessario:
tum enim instituenda foret.

Vtilitatem verò habet magnam, licet certi non sitis *Vtilitas*
de defectu priorum confessionum. Primò siquidem ho- *Conf. gen.*
minem ad sui cognitionem & despectum adducit. Se-
cundò, cū sit insignis humilitatis actus, me ad singu-
laria tribuenda auxilia prouocat: ita videmus contin-
gere iis qui sedulò hanc peragunt, & nouam prorsus vi-
tam instituere, quasi rationibus vniuersim redditis, &
compositis. ideoque in Ordinibus Religiosorum id pri-
mò proponitur pro vitæ morumque emendatione. Ter-
tiò, securitatem adfert in tantâ salutis incertitudine: vn-
dè in horâ mortis Spiritu sancto impulsī multi eam fa-
cere decernunt.

Vtilius tamen dum vita datur, & vires integræ, &
memoria; vtiliusque tranquillâ vitâ sibi ad securam
mortem viam sternere, quàm tum anxie & sollicitè
me expectare.

Obserua tamen, non omnibus generalem confes- *Confessio*
sionem conuenire. Primò, non conuenit iis, qui timore *generalis*
magno & scrupulis agitantur: his enim non est medici- *non conue-*
na, sed crux & exulceratio: frustra enim hi per con- *nit omni-*
fessiones se expedire sperant, cū solâ obedientiâ, & in *bus.*
me fiduciâ cum charitate pacem animi consequi pos-
sint.

sint : dum enim in consideratione suorum peccatorum, quæ tenebræ sunt, versantur, magis obtenebrescit intellectus.

HOMO. Si verò fiduciâ & charitate in te Deum tendant homines, ad te accedunt, & illuminantur.

*Luc. 10.
Alterius
iudicio ac-
quiesce.*

CHRISTVS. Denique nonne certum est aliquando quiescere oportere ? & dubio procul melius id alterius iudicio, de quo tibi dictum: Qui vos audit, me audit, quâ tuo. Accedit, quòd impossibile sit hominem assequi certò numerum peccatorum suorum: ergo certum, eum ad hoc non obligari, sed sufficere, vt adhibeat moralem diligentiam, sicut fieri in re seriâ solet; est enim Sacramentum poenitentiae à me non ad carnificinam institutum, sed solatium. Et hæc quidem ad præterita peccata pertinent.

*Remedium
contra
scrupulos.*

HOMO. Quantum ad præsentia spectat, audio communi iudicio Doctorum, & Sanctorum, quibus reputare maximè in causâ propriâ, stultum omninò, ac temerarium esset, quòd is qui verè timet te Domine, & nullo pacto infinitam bonitatem tuam vel cogitatione sciens ac prudens offendere vellet, quod quoties is dubitat, sibi possit persuadere aut nullum fuisse, aut saltem nò deliberatum consensum. Si quidem cùm tam serium ac graue, & tot repetitis vicibus tantâ cum deliberatione coram te Deo suo decretum fecerit seruandi præcepta tua, & animam suam, & omne bonum, irritum id non potest esse, neque facillè præsumi, nisi actus contrarius, plenaque cum aduertentiâ factus fuerit. Protestor ego coram te Deus meus, me ratum non habere quidquid vel leuissimè displiceret Maiestati tuæ, crebroque hoc usurpare decreui, maximè manè aduersus pericula diurna, & vesperi ne nocturnis incautus inuoluar. *Credo tibi, vt sup. pag. 7.*

*Protestatio
contra
scrupulos.*

CHRISTVS. Obserua etiam illis qui turpem vitam egerunt, maximè mulieribus, & semel generalem rectè instituerunt, non conuenire; siquidem præterita vitæ

vite recordatio; ac multo magis enarratio periculi plena est; & longè melius illa post se relinquere, & ad anteriora sese extendere, destinatumque prosequi brauium. Certissimum in hac re consilium prudentis confessarij sequi; qui si verè talis est, non permittet confessionem generalem iterari ab eâ, quæ semel generaliter eam instituit; nisi necessitas Sacramenti id exigeret; & illusionem diabolicam facillè deteget, quâ irretitas peccatis, aliquando etiam liberatas, in pristinum statum & laqueos specie pietatis pertrahere conatur.

Confessio
gen. ali-
quando
noxia.

Oratio ante Confessionem.

O CLEMENTISSIME Deus, qui scrutaris cor & renes meos, concede per sanguinem Filij tui, propter quem negare mihi nihil potes, ut recogitem tibi annos & delicta mea in amaritudine animæ meæ, priusquam moriar, & compleas furorẽ tuum in die indignationis tuæ. Renouetur nunc, obsecro, ut aquila inuentus mea, ut purissimis tuis oculis placeam, dilecte anima mea; & non ex necessitate aut consuetudine, sed sincero corde cum spe bonæ remissionis, charitate perfectâ, delicta mea tibi & vicario tuo non abscondam. Qui enim abscondit scelera sua, non dirigetur; qui autem confessus ea fuerit, & reliquerit ea, misericordiam consequetur. Tu omnia nosti, & contemplaris omnia in omni loco, sed & multus es ad ignoscendum. Recordare, Domine, quod sicut luctum feceris me, & toties refeceris, ut verè dicere possis, Quid debui facere vinea mea, & non feci? Quot enim ad salutem meam, quot in sanctissimâ vitâ exempla virtutum multo cum labore & sudore dedisti, quæ pigrit sequi? quot incentiua amoris in passione & morte tuâ reliquisti? Et eheu! expectasti ut facerem vinas, & ecce labruscas. Pater, peccaui, & sicut arena maris sunt multiplicata iniquitates meæ, quas tepor mentis meæ coaceruârat; sed venio ut lauer, ô fons æternæ vitæ, ad quem sitio ut ceruus ad fontes aquarum. Venio ut illuminer, ô lux mea: ut amem te, ô amor æternæ, Sana me à phrenesi mea, qua te & remedia respicio. Veni, lux mea, duc me

Præsentia
Dei.

Sinceritas com-
mendata.
Prov. 28.

Iob. 10.

Isaia 5.

Contritio

Amor
Dei.

in viam bonam. O Pater aterne, da meminisse peccatorum meorum; ô Fili Dei, da cognoscere & expendere; ô sancte Spiritus, da detestari, scilicet mortem & hostes meos, & te omne bonum non adhorrere.

Finis cur
viuamus.

Confide-
ratio
præperiti
temporis.

Ingrati-
tudo
peccato-
ris.

Benigni-
tas Dei.

Præpara-
tio ad
Commu-
nionem.
Psal. 70.

Occasio-
nem de-
testatio.

Quorsum enim venimus in hanc vitam, anima mea? nonne vt perfectè Domino seruiremus, cunctis diebus, aut momentis potius, quibus hic militamus? Respice. & respice oculos ad præteritum tempus, quod datum ad pœnitentiam, ad amandū, & caelestes opes requirendam; quid ex eo iam superest, nisi bonorum tantorum amissorum tristis recordatio, & malorum commissorum erubescenda memoria? Pulsantem te, bone IESV, sponsum non admisimus, sed demonem eiusque affecias. Sed audiamus tamen vel nunc, parentis dulcissimi, & amantiissimi Regis & sponsi vocē, dicentis: Conuertere fornicatrix, & suscipiam te: veni dilecta mea, & iniquitatum tuarum non recordabor. Quomodo dilecta, bone IESV, quæ tuos filios enecavi, scilicet sanctas inspirationes, & te repuli, vt gratificarer adulteranti sensualitati, & hosti querenti animam meam? Nam si humilitatem, paupertatem, mansuetudinem, charitatē, patientiam sanguine tuo signatam commendasti; ego exaltaui cor meum, nihil mihi deesse volui, nihil pati, vt parerem mandis legibus, & tuas proculcarem. Verumtamen ecce audio mellifluam in auribus meis vocem, Fili, præbe mihi cor tuum: ecce ego me in cruce pro te immolo, & tui amore langueo, & abluere rursus meo sanguine volo, & te pascere corpore meo. O Domine IESV qui pascis me à iuuentute meā, ecce iam video, & fido in visceribus misericordiae tuæ, quod vsque in senectam & senium non derelinques me, neque ego te fontem aquæ viuæ. Cum autem, ter maximè Deus, dignatus sis super me hodie aperire oculos tuos, non dabo somnum oculis meis, donec præparem tibi cor meum, tabernaculum Deo Iacob.

Ne iam sis mihi formidini tu spes mea IESV; perueniant ad te voces & singultus ouis perditæ, & filij prodigi redeuntis à regione lōginquā, ô pater, ô pastor, ô spōse animæ meæ: detestor culpam omnem & occasionē N. quā te grauiter offendi. Pater mi, nolo esse, aut vivere sine te, sed propter te: sana me per vulnera tua, dolores tuos, & ignosce mihi, nūquid enim letaris in morte

more peccatoris, qui ut viuerē pro me dignatus es mori? num-
quid tibi proderit perditio mea, qui de calo venisti relictis no-
naginta novē ovibus, ut me queres inter dumeta, & repor- Propositiū
firmum.
tares in humeris tuis? Vtinā oratio mea sit sicut incensum in
conspectu tuo; hoc ultimo forē die peregrinationis meae! Iura-
vi & statui custodire iudicia iustitiæ tuæ, & sæpē quidē irri- Psal. 118.
ta proposita feci defectu contritionis, & fragilitatē meā novi:
verumtamē nunc gratiā tuā, quā supplex peto, sine quā nihil
omnino valeo, propono in eternū non declinare à mandatīs
tuis in conspectu tuo, Deus meus Deus cordis mei, & illa N. Protesta-
tio
potissimos fontes malorum vitare. Ita statuo in præsentia
beatæ Mariæ Virginis, & Sanctorū tuorū, quos omnes in testes
huius desiderij mei & auxiliares, maximē patronos meos,
inuoco. Adiuvā me, ō JESU, unica spes mea. Amen.

Praxis, seu methodus examinandi con- scientiam.

CIRCA I. PRÆCEPTVM.

AN in his quæ ad fidem pertinent, ab Ecclesiā dissen-
serit; oppositum cum pertinaciā credendo, aut alios
docendo? quā multos, & quoties? Is autem pertinax
est, qui suum errorem defendit, sciens Ecclesiam contra-
rium tenere.

An fecerit aliquem exteriorem actum infidelitatis, vel
hæresis; nempe verbo, signo, vel opere aliquo hæresim pro-
fitēdo, etiā si non mente, licet ex timore fecisset, ut cærimo-
nias hæreticorum proprias exercendo, sub utraque specie
communicando; carnes cum hæreticis prohibito tempore
comedendo.

An dubitaverit pertinaciter de aliquā fidei veritate? qua-
les non sunt dubitationes quædam, quæ voluntatē in veri-
tate firmam contristare solent.

An hæreticis contra Catholicosnaverit, eosque defen-
derit? quoties & quo modo?

An nimiam cum hæreticis familiaritatem habuerit cum
probabili periculo incidendi in hæresim? quamdiu?

An hæreticorum vel prohibitos libros scienter legerit,
vel eos domi servaverit? quoties, & quamdiu?

An incantationes vel maleficia exercuerit, vel divinos
consuluerit, per se, vel per alios?

An schedulas supersticiosas apud se habuerit ad sanitatē

aliā mē rem obtinendam? & an alios induxerit ad earum vsum?

An fidem habuerit somnijs vel augurijs, accipiēdo illa pro regula suarum actionum?

An artes magicas didicerit, aut alios docuerit? quā multos & quoties: Et an earum artium libros apud se scienter retinuerit? & an adhuc retineat?

An valdè negligens fuerit in addiscendis necessarijs ad salutem? vt sunt decem decalogi præcepta Ecclesiæque, ad quæ erat obligatus, & articuli fidei.

An de emendatione vitæ, de consequendâ æternâ salute, vel Dei misericordiâ, & peccatorum remissione aliquando desperauerit?

An impediuerit verbo vel opere profectum spiritualement proximi, dissuadendo vel simili ratione impediendo ingressum in Religionem, aut alia bona opera.

CIRCA II. PRÆCEPTVM.

Notari debet ad huius præcepti cognitionē, quod iurare, est Deum in testē eius quod dicimus vocare. Vocatur autem Deus in testem duobus modis: vno modo expressè, vt quando quis per Deum iurat; altero modo tacitè, vt cū iurat quis per Sanctos, per crucem, per animam suam, vel per aliam creaturā, quatenus in eā relucet diuina bonitas: non tamē iuramentū est dicere, Verè, certissimè in veritate.

An mendacium aliquod, etiam officiosum, iuramento firmauerit, aut id de quo dubitabat an esset verum?

An iurarit deliberatè se aliquod peccatum mortale patraturum, & quale peccatum?

An iurarit aduertenter absque animo adimplendi?

An violauerit aduertenter suum iuramentum, quod seruare tenebatur? quale non est quando quis iurat se aliquid mali facturum; tunc enim seruari iuramentum sine peccato non potest.

An causā dederit alicui, vt falsū iuraret, vel nō obseruaret iuramentū licitū, & an id fuerit cū aliquo damno alterius?

An nimis præcipitanter iurauerit, maximè ex consuetudine, non discutiendo verūne esset aut falsum quod iurabat? quā diu hæc consuetudo durarit, & an daret adhuc?

An diabolū inuocauerit, aut eius auxilium implorarit, deliberatè & ex animo, cum intētiōe vt ab illo iuuaretur?

An iurando sibi imprecatus sit grauiā mala, vt malam mortem, damnationem, &c. & quoties hoc contra veritatem, vel dubitans?

An in iudicio iurarit falsum, vel iuridicè interrogatus non responderit veritatem ad intensionem iudicis. An ho-
alij

alijs suaferit? Id quo casu non solum est peccatum mortale, sed etiam onus incurritur reparandi damnum & iniuriam illatam proximo.

An dixerit aliquam blasphemiam. Est autem blasphemia dicere contra Deum vel Sanctos aliquid contumeliosè: vt quando quis Deo vel Sanctis maledicit; vel asserit Deum esse iniustum, vel non curare humana; aut cum quis indignatus Christi & Sanctorum membra contumeliosè nominat. Possunt autem hæc solo corde committi, vt, exempli causa, optando, Vtinam Deus mea peccata nesciret, non esset iustus, &c.

An vouerit aliquid Deo absque animo adimplendi?

An votum legitime factum violauerit aduertenter?

An promissa, maxime iuramento firmata, deliberatè violauerit?

An Scripturam sacram facetijs applicarit, maxime si crebro, & ad turpia?

CIRCA III. PRÆCEPTVM.

An festos dies violauerit, seruilia in eis opera exercendo vel præcipiendo, consulendo, aut consentiendo, idque per multum temporis, sine necessitate? Seruilia autem opera vocantur quæ ad artes mechanicas pertinent. Si nõ audiuit Sacrum diebus festis; vel notabilem partem omisit, sine legitimâ excusatione, & an causam alijs dederit idem faciendi. Notabilem Sacri partem omittit, qui omittit vsque ad Euangelium, vel qui ante communionem recedit.

An in festis per notabilem partē Missæ distractus fuerit siue fabulando; siue profana legendo; siue alijs se exterius occupando, exteriorem saltem attentionē impredientibus.

An curarit sibi subditos diebus festis interesse Sacro. Huc pertinet quæ cōtra Ecclesiæ præcepta fiunt, vel Sacramēta.

An non confessus sit semel in anno, aut non curarit vt idem facerent omnes suæ curæ commissi.

An iuerit ad confessionem sine aliquâ saltem præparatione & examine, vel sine proposito deferēdi aliquod peccatum; vel peccatum aliquod mortale sciens in confessione subticuerit ex pudore aliâue causa; & an postea illud peccatum sit confessus in sequenti confessione, prioremque confessionem illam repetierit.

An omiserit communionem tempore Paschatis in propria parochiâ, postquam ad eam venit ætatem, vt iudicio confessarij communicare iam posset.

An communicarit cum conscientia peccati mortalis, quod nondum erat confessus.

An cum conscientia certa vel dubia peccati mortalis re-

ceperit, vel administrârit aliquod aliud Sacramentum Ecclesiæ.

An comederit cibos prohibitos in Quadragesimâ, vigilijs, & alijs diebus interdictis, & etiam si propter aratem ieiunare non teneretur.

An post completum vigesimum primum annum, ieiunia Ecclesiæ violauerit, sæpius comedendo, licet à cibis vetitis abstinuerit.

An causam dederit alijs violandi ieiunia, veluti suadendo, vel alijs prohibito tempore cibos vetitos ministrando, vel alios cibos, quibus ieiuniū soluant; nisi legitima esset causa.

An, cum excommunicatus esset, sciens perceperit Sacramenta, dederitue, aut sacris interfuerit.

An contumeliâ aliquâ vel irreuerentiâ affecerit imagines, reliquias Sanctorum, aliasque res sacras.

An putet se fecisse aliquid, cui sit annexa excommunicatio.

An obligatus ad recitandum Breuiarium, omiserit recitare, siue totum, siue partem eius notabilem; veluti vnius Horæ officium, sine sufficiente excusatione, ex tedio rerum spiritualium.

CIRCA IV. PRÆCEPTVM.

An parentes contempserit, aut verbis & factis contumeliosis offenderit.

An maledixerit patri vel matri, vel in eorum absentia ijs detraxerit.

An verbo vel cogitatione illis mortem propter ipsorum bona, aut ob aliam causam, aliudque graue malum sit imprecatus deliberatè.

An eis obmurmurauerit, asperiusque fuerit locutus.

An in re graui vel ex contemptu iussis eorum non obtemperârit.

An in notabili necessitate subuenire illis recusârit.

An testamentum parentū defunctorum fuerit executus.

An fuerit paratus propter amorem parentum transgredi præcepta Dei, & peccare mortaliter.

An Superiores suos siue sæculares, siue Ecclesiasticos contempserit, & iustas eorū leges in re notabili violauerit.

An de Superioribus & maioribus suis detraxerit in re graui; aut etiam de Religiosis, sacerdotibus, magistris, doctoribus, &c.

An decimas, vectigalia, & alia quæ illis debentur, retinuerit.

An prædicta deliberatè facere proposuerit, etsi nō fecerit.

An, si filios habeat, ijs maledixerit, nec eos Christianæ fidei mysteria, Dei præcepta, aliaque scitu necessaria docuerit

An

An filios reprehenderit & correxerit, maxime in peccato graui.

An domesticos necessaria scitu docendos curauerit, & peccantes correxerit.

CIRCA V. PRÆCEPTVM.

An aliquē habuerit odio, cū desiderio vindicādi se, & quāto tēpore in eo odio & vindictæ cupiditate perseuerarit.

An optauerit alicui mortem, vel aliud malum graue, & damnum corporis, famæ, honoris, bonorum tam temporalium, quàm spiritualium, ex malo & deliberato animo.

An fuerit alicui grauitus iratus, cum animo notabiliter ipsi nocendi.

An contendendo cum alijs verberauerit aliquem, vel vulnerauerit, vel occiderit, aut commiserit alijs vt id facerent, vel quod suo nomine ab alijs erat factum approbauerit, vel ad id dederit auxilium, consilium, vel fauorem.

An clericum percusserit. Nota. Qui percutit clericum, etiam primæ tonsuræ, percussione quæ est peccatū mortale, incurrit excommunicationem, dummodo sciret, aut scire deberet, eum quē percutiebat, esse clericum, & legē de excommunicatione, proinde circūstantia clerici est exprimēda.

An sibi vel alijs maledixerit seriò, & ex animo. Est autem maledicere, malum aliquod sibi vel alijs imprecari: nempe mortem, infamiam, diras, &c. vt si se vel alterum tradat vel commendet diabolo. Est autem maledictio semper peccatum mortale, quando seriò profertur, in materia graui.

An litigans cognomina dederit, aut conuicia iecerit cum graui proximi iniuriā. Tunc semper iniuria est reparanda, & fama refarcienda, si læsa fuerit.

An eum, quem grauitus offenderat, rogare veniam detrectarit, & cum inimico redire in gratiam recusauerit, vel condonare ei offensam noluerit, aut omiserit alloqui vel salutare suum inimicum cum scandalo.

An defectus corporis aut paupertatis alicui exprobrarit, aut verbis, aut cachinnis, vel signo aliquo alios turpiter irriserit. quod peccatum tanto est grauius, quanto maior debetur reuerentia ijs qui ridentur, & eos tenetur sibi reconciliare; & si infamia sit secuta, debet famam refarcire.

An rixas & inimicitias seminauerit, & an inde graue malum sit secutum.

An deliberato animo doluerit de bono aliquo notabili proximi, vel de eius malo lætatus sit. Bonum notabile est sanctitas, fama, scientia, diuitiæ. Inuidere in rebus paruis veniale tantum est.

An blasphemantes, vel alio simili modo grauitus delinquentes

quentes non correxerit, cum spes alicuius emendationis esset, & id facile poterat.

An homicidis & extorribus fauorem aut receptaculum præstiterit.

Huc pertinet peccatum scandali, quo quis ad peccatum mortale prouocat alterum, verbo vel opere aliquo, quod natura sua præbet occasionem ruinæ; & explicandum est ad quam speciem peccati induxerit; vt, Induxi alium ad omittendum Sacrum die festo, aut ad fabulandum per notabilem partem Sacri, ad non ieiunandum cum teneretur, ad furandum, &c. De quo si (præter ea quæ singulis præceptis) occurrat aliquid, poterit illud huc reuocare.

CIRCA VI. ET IX PRÆCEPTVM.

An turpes cogitationes habuerit, in quibus voluntariè sit delectatus, etsi opere perpetrare noluerit id quod cogitabat. Est enim peccatum mortale.

An cum desiderio perficiendi operis, tales cogitationes habuerit, & an obiectum cogitationis fuerit virgo, soluta, coniugata, Religiosa, &c.

An turpia & obscena locutus fuerit animo lasciuo, vel libenter audierit, & an turpes cantilenas cecinerit animo lasciuo, maxime alijs præsentibus.

An libros impudicos legerit animo lasciuo, vel ex sola curiositate cum probabili periculo delectationis morosæ, vel consensus, & an adhuc tales libros habeat.

An inhonestas choreas duxerit cum probabili peccati periculo.

An aliquam personam aspexerit cum periculo probabili consensendi peccato.

An probabili peccandi periculo se exposuerit, loca quædam periculosa adeundo, vel cum certis personis conuersando.

An conatus sit verbis vel aliquo facto suo pellicere aliquem personam ad res turpes. Hic personæ circumstantia est exprimenda.

An lasciuo animo turpia oscula & alios contactus impudicos habuerit, vel se turpiter contingi permiserit, vel an seipsum voluntariè polluerit, & quid tunc cogitabat. Est enim species cogitationis exprimenda.

An nocturnas vel diurnas pollutiones procurarit, vel expectatus se oblectarit in pollutionibus, vel turpibus somnijs.

An ipsum peccatum carnis opere expleuerit. Explicetur species peccati; quales sunt fornicatio, adulterium, stuprum, incestus, sacrilegium, & vitium contra naturam.

CIRCA

CIRCA VII. ET X. PRÆCEPTVM.

An aliquid furto sustulerit. Explicet speciem peccati: & an rem sacram in loci sacri tutela. Exprimat quoque quantitatē, quando notabilis summa est.

An inuito domino rem alienam alicuius momenti retineat adhuc absque animo restituendi.

An inuenta notabilis valoris non restituerit domino, si eum adhibita diligentia poterat rescire.

An aliorum hortis, agris, vel similibus bonis notabile damnum intulerit.

An ex eo quod debita suis creditoribus non soluerit, cum alioqui posset, aliquod damnum incurrerint.

An in emptione vel venditione fraudem fecerit, cum notabili proximi damno; vel res furtiuas, aut quas dubitabar esse alienas, emerit. vel vendiderit.

An mercedē famulis, subditis, vel operarijs subtraxerit, aut ministeriū ad quod cōductus fuerat, fideliter pręstiterit.

An ratione mutui vel anticipatę solutionis aliquid acceperit: & est usura.

An pro Beneficio Ecclesiastico obtinendo pecuniam vel rem pecunia æstimabilem dederit, vel alius quispiam eo sciēte; & est simonia, collatio nulla, & fructus omnes sunt restituendi.

An plura Beneficia habeat: quā multa & quamdiu?

An desiderauerit accumulare opes per fas & nefas; aut habuerit voluntatem determinatam accipiendi, si posset, rem alienam.

An pecunias sibi à parentibus ad victum collatas, in lusus consumpserit, vel in conuiuia immoderata, aut alijs modis profuderit.

An ex parentum bonis quidpiam notabile acceperit contra ipsorum voluntatem: & est ipsis restitutio faciendā; secus, si constaret de ipsorum voluntate.

An litem aliquam contra iusticiam motuerit, vel mendaciter aut fraudulenter in eā obtinendā processerit.

An luserit ludis vetitis, vel ludendo fraudem fecerit, cum notabili proximi detrimento.

An lucratus sit notabilem summam in lufibus, etiam sine fraude ab ijs qui pecunias exponere non poterant; vt sunt filij familias, &c. vel, an fuerit causa vt aliquis bona parentum dissiparet.

An iniuste lucrum alterius impedierit, aut consilium vel auxilium pręstiterit, ad iniuste nocendum proximo.

An furantem non impediuerit cum posset.

An aliquid ex dictis deliberatē concupierit.

CIRCA VIII. PRÆCEPTVM.

An alicuius famæ detraxerit, graue aliquod crimen, vel ignominiosum quidpiam alicui falsò imponendo, & teneatur retractare coram eis, quibus præsentibus famam alterius læsit.

An peccatum graue alicuius, verum quidem, sed occultū, alijs manifestauerit, malā intentione, vel cum graui famæ detrimento, quo etiam casu famam resarcire tenetur.

An dicta vel facta alicuius sine vllis aut ex leuibz coniecturis in malam partem acceperit, certò & definitiue apud se statuendo illum peccasse mortaliter. Est enim hoc temerarium iudicium, & peccatum mortale: si autem tantum fuerit suspicio, vt cum quis de alterius bonitate ex leuibz indicijs dubitat, solum est veniale.

An detractoribus aures accommodauerit, ex odio illius cuius famæ detrahebatur, vel si detrahentes cū notabili proximi detrimento non prohibuit, cum faciliè prohibere posset.

An perniciofa mendacia protulerit in notabile detrimentum alterius.

An præceptores, scholas, conuictū apud parētes diffamauerit, falsas ad eos litteras scribēdo, & teneatur ad restitutionē retractādo seriò, nisi certò sciat parētes ei nō credidisse.

An secretum sibi commissum, maximè si sponderit se taciturnum, alijs reuelarit, & an indè aliquod detrimentum proximi secutum sit.

An litteras alicuius cum damno aliquo, vel saltem periculo aperuerit.

CIRCA GVLAM.

An se aliquando spontè inebriauerit, & an intēperantiùs comederit, aut biberit, cum notabili detrimento sanitatis.

An alios datā operā ad ebrietatem induxerit.

Qui officiū aliquod administrant, examinabunt se etiam de peccatis, quæ in tali officio vel statu solent committi.

Interrogatorium breuius, in carmen redactum, habet P. Polancus in Appendice Directorij.

Oratio post Confessionem.

Gratiarū
actio.

Ierem. 12

Miseri cordias tuas, Domine, in æternum cantabo, qui me toties sanguine tuo lauisti, & lacrymarum tuarum fonte irrigasti. Hāsne tuam Maiestatem fundere pro me, eheu! siccis oculis intuebor? O bonitas infinita, tamine facis adulteram, vt pro eā reliqueris domum tuam, & dimiseris hereditatem tuam, & dederis dilectam animam tuam in manus inimicorum eius? Nōne facta tibi erat hereditas tua quasi leo

in siluâ, & fornicata fuerat anima mea cū amatoribus mul-
 tis? sed respexisti terram & fecisti eam tremere, & longè er-
 rantem, & diu expectatam non proiecisti à facie tua, sed
 omnia peccata mea post tergum tuum? Ah! Domine, confirma
 hoc quod operatus es in me, & miserere mei, ne fiant aliquādo
 nouissima peiora prioribus, postquam ad amplexus tuos sua-
 uissimos, per veniam peccatorum dedisti peruenire. Ardeat in
 me amor tui, ne per teporem principatum meum accipiat al-
 ter, si in terrâ Sanctorum iniqua geram. Verum bone IESV
 quomodo tepidus esse possum, cū tu langueas amore mei, &
 gaudia aterna pro labore momentaneo præpares mihi: &
 hodie post tot peccata mea frumentum electorum, & vinum
 germi nans virgines, calicem benedictionis pro maledictione,
 calicem salutaris melle & lacte manantem, pro eo quod felle te
 peccatorum potavi. O Domine, ô Deus, ô charitas, da mihi ob-
 secro, vt non sint hæc in vanum. Quid tibi in iudicio dicerem
 ostendenti vulnera, & labores, Domino meo seruus nequam,
 si nunc contempsero sequi te & Sanctos tuos, qui post tot la-
 bores, nunc latantur sicut victores captâ prædâ, & in messe
 messores? crescebant illi quotidie, & ego in deteriora prola-
 bor, tepidus in amore tuo, distractus in precibus, affectu vagus,
 quia te, ô Deus meus, & omnia, dereliqui fontem vitæ, &
 quesui cisternas dissipatas creaturarum, quæ continere non
 valent aquas. Doleo, doleo, & detestor hæc, & offensas præte-
 ritæ vitæ meæ. O amator hominum, doleo quia te offendi, quia
 bonus es, non ob infernum aut celestem gaudiorum detrimē-
 tum. Vtinam ita hoc sentirem, vt sentiuntur incommoda cor-
 poris, perditio liberorum, opum, &c. & tamen nōne qui te
 perdit, omnia perdit, calum, Sanctorum præsidium, amicitiam
 tuam, omnia bona opera, & pacem animæ suæ, quā me hīc
 frui, & beatè viuere cupis? Benignissime Deus, scio, bonorum
 nostrorū non eges: sed beatè me viuere hīc & aternū cupis
 animo tranquillo, & tibi coniuncto. Video & confundor: ac-
 tum magis, dum ob vanam gloriam, pecunie amorem tanta
 fieri conspīcor, quodque amor tuus tantū me impellere ne-
 queat: sed iterum rogo, parce Domine, parce Domine, propter
 merita & sanguinē Filij tui, quæ offero diuinæ Maiestati tuæ,
 & in

Cauendū
à tepore.

Præpara-
tio ad
Commu-
nionem.
Cor. 10.

Sanctorū
feruor.
Ierem. 2.

Contritio

Attendere
Dei cha-
ritatem.

Oblatio
sui.

& in vnione meritorum eius omnia mea ad seruiendum tibi: Illis omnino, & gratiâ tuâ confido in nouitate vitæ ambulare: Adeste Angeli, sancti patroni mei, vt quæ in conspectu Sanctissimæ Trinitatis, & vestro propono, diuina gratia in-nixus perficere valeam. Amen.

*Praxis : seu quæ agenda post Confessionem
generalem peractam.*

Recidua
cauenda.

PRIMO, vide quomodo iam multa cum modestiâ in gra-tiam cum prodigo redieris, & gratias age ex toto cor-de, atque imitare Magdalenam, exemploque eius quidquid vanitati hæctenus in corpore tuo seruiuit, statue Deo dedi-care, &c.

Ioan. 5.
Occasiones
vitandæ.

Secundò, cogita tibi dictum illud esse: Ecce sanus factus es, iam amplius noli peccare, & corâ Deo, & Sanctis eius, vt testibus, sæpè contritionem excita, & protestare coram eis, quòd in æternum non declinabis à mandatis Dei tui.

Eccles. 3.

Tertiò, considera quæ sint tibi inclinationes prauæ, & præcipuè occasionēs peccatorum tuorum, studiumque eas vitandi scias tibi præcipuum esse debere: qui amat enim periculum, peribit in eo. Neque verò contritus videtur, & ad Deum conuersus, qui sciens se creberrimè tali occasione lapsum esse, & frequenti lapsu debilitatum, iterum se ei-dem periculo committit, v. g. conuersationi cum dispari sexu, cum ebriosis, &c. Dic mihi, si in loco aliquo vigesies grauissimam bonorum iacturam fecisses, nõne vitares? Si aliquoties fuisses in eodem grauiter vulneratus, nõne dili-gentissimè caueres? Si quis sæpius vitæ discrimen adiisset, & naufragij, & famæ, & bonorum omnium, & sciens & prudens absque causa eidem se periculo exponeret; crede-res ei asserenti se naufragium studiosè vitare velle, an po-rius temerariè ruere in certum interitum? Ita in animæ pe-riculis cauendis prouidum esse omnino conuenit.

Stultitia
peccatoris.

Huc pertinet videre quibus vitijs potissimum obnoxius sis; habet enim quisque defectus aliquos, è quibus cæteri ferè manant: & hos eradicare, ac velut fontes obstruere oportet, idque per examen particulare, de quo infra, & studium singulare mortificationis.

Præcipui
defectus
obseruan-
di.

Actiones
expolien-
dæ.

Aduersa
toleranda.

Quartò considera actiones tuas, & occupationes, dili-genterque attende, quomodo eas perfectius agere poteris.

Quintò considera, quæ tibi molesta & aspera ab alijs accidere possent, quæque ex vitæ genere tibi obuenire so-lita sint: & primò accepta ea in satisfactionem peccatorū

de

de manu Domini, deinde alijs etiam modis ad ea fortiter
& Christianè ferenda animum præpara.

*Exemplum propositum post Confessionem ge-
neralem ad vitæ emendationem.*

CONSIDERATIS semitis domus meæ, diuinâ misericor-
diâ statuo.

Primò, benè & christianè me mori velle, atque similiter
vitam mihi instituendam; cum talis sit futura mors, qualis
vita fuerit. Ducem autem in viâ hâc, & animæ negotio eli-
go N. doctum iuxta ac pium, eique illam omnino aperire,
eiusque directionem sequi propono, ac de profectu sæpè
cum illo conferre, & exposcere, vt amicè & confidenter
me moneat. Adiua me Domine Deus meus, quia tu es
Deus fortitudo mea, & refugium meum, & te quærere &
amare toto corde desidero. Amen.

Secundò, quoad animam eiusque cibum, propono eam
sacrofancto Eucharistiæ Sacramento decimo quinto quo-
que die saltem pascere, octauo verò per pœnitentiæ Sa-
cramentum expiare: nam video manifestè mihi illusum, &
vehemèter errasse me; cum dilatione imparatior hactenus
euaferim, neque si vllâ excusatio apud Deum ob negotia
(vnicum siquidem & grauissimum est salutis meæ,) & eru-
besco coram te, Domine, dum cogito me plurimis friuolis,
ludo & otio, tempus absumpsisse, lucri, &c. occasionem
auidè arripuisse, & solius animæ curam posthabuisse.

Illam etiam oratione & verbo tuo pascere, coram te,
Deus meus, statuo, & quotidie Missam audire, examinare
conscientiam, & lectioni piæ quadrantem saltem vnum
tribuere. ad hoc enim viuo & creatus sum: & si semper
iussus sum orare, quomodo hâc negligere potero? Inter
morbos verò animæ illum N. primùm diligenti curâ perfa-
nare conabor per gratiam tuam, quemadmodum facerem si
corpore æger forem.

Quod ad corpus, per tuam gratiam numquam illud tam
delicatè nutriam, vt velut seruus molliter nutritus contu-
max fiat & rebelle diuinæ Maiestati tuæ; sed vt iumentum
habebo moderato cibo ac potu, vestitu & recreatione, vt
decer statum meum, vtque aptum sit obsequio anime meæ,
& tuo in primis, Deus meus. Sensus, imprimis verò oculos,
aures, & linguam sic custodiam gratiâ tuâ, vt portas animæ
meæ aduersus inimicos meos.

Tertiò, cum reddenda mihi sit de bonis ratio (tua enim
sunt

*Propositū
de vitâ, &
morte bo-
na.*

*De usu Sa-
cramento-
rum.*

De Missa.

*De corpo-
râ cura.*

*De bonorū
vſu.*

sunt omnia, & iussus sum ego dispensator esse fidelis)pro-
pono Primò, non anxie accumulare, sed moderate ea cura-
re; tum vt vitam sustentem, tum ut creditoribus satisficiam,
ne clament in cælum vindictam grauius pressi inopiâ fra-
tres nostri, & filij Dei ad Patrem misericordiarū. Secundò,
vt familiam alant iuxta statum, non vanum mundi iudiciū :
neque enim opulentior videri cupio, neque alieno illustrior
apparere. Tertiò, ad honestam tantum recreationem; quid
enim turpius, quàm opes magno sudore miserorum ex-
pressas, & parentum labore partas, quibus mihi cælum
parare, & ventres famelicos fratrum meorum pascere pos-
sum, prodigere aleæ iactu, &c. Non feram deinceps, vt
clamet ad portam frustra pauper, pro vnâ panis buccellâ,
& ego ludo, & joco, & superuacuis delicijs dilapidem
summam, quâ multi refici & Deum benedicere possent, &
benedictio eorum plurima venire super me.

*De fami-
liâ.*

Quartò, reddenda cùm sit familiæ ratio; Primò, non su-
perbè me geram, sed conseruos meos famulos existimabo.
Secundò, necessaria eis diligenter curabo Tertiò, sollicitus
ero vt saltem æquè Deo meo seruiant, ac mihi, neque per-
mittam quin singulis saltem mensibus Pœnitentiæ & san-
ctæ Eucharistiæ accedant Sacramentum : æquum est vt
nō seruiat quis mihi, qui non seruit tibi, Deus meus. Quod
autē attinet ad alios subditos potestati meæ subiectos, scā-
dala amoueri, iustitiâ breuiter & rectè administrari curabo.

De officio.

Quintò, officium quid à me poscat meum expendi, &
video, o Domine Deus, eò mihi maiorem rectè viuendi
necessitatem incumbere, quò plura de manu tuâ liberali
indignus accepi. Deinde multa occurrunt, quæ in obsequiū
tuum, & gloriam nominis tui facere potero, atque hæc co-
ram Majestate tuâ decerno N.

De tēpore.

Sextò, temporis autem primam mihi rationem habenden-
dam esse video, cùm preciosissimum sit, & irrecuperabile :
quocirca illud distribui vt animæ prius meæ, vt virtutis ac
rationis studio, vt proximo, & muneri suum tribuatur.

De socijs.

Septimò, cùm nihil ad probitatem magis valeat, quàm
bonorum conuersatio & societas, tales deligo N. quos scio
diuinæ Maiestati tuæ fideles famulos, alios verò vitare vo-
lo. Vitia enim serpere videmus, neque potest tibi esse gra-
tum, vt nec vlli patri & Principi, si cum eo filius aut sub-
ditus tractet aut agat, qui nihil aliud nititur, quàm suadere,
vt parentem perimat filius, cliens Regi rebellis. Id enim
faciunt mali inuitantes ad peccatum, per quod Christus
Dominus iterum crucifigitur, & tibi Deo meo rebellis
quis efficitur.

Octauò,

Octauo, ut verò hæc proposita firma sint, statuo Primò, *Nota.* de iis referre Confessario, vel decimo quinto quoque die. Secundò, ut melius ea servem, mihi indico legē v. g. dandi eleēmosynā, &c. nisi hoc N. fecero. Tertiò, si Confessatio probetur, ad tempus aliquod voto pœnali me obstringam, donec quod potissimum mihi necessarium est, perficiam. Quartò, quotidie propono hæc manè relegere. Quintò, saltem quot hebdomadis aut mensibus eadem attentè considerare.

Oratio pro executione. *Dignatus es, ut sup. pag. 10.*

Oratio pro perseverantia in bonis
propositis.

DOMINE Deus meus, Rex Regum, & Domine dominā-
tium, confiteor tibi coram curiā tuā celesti, quòd infidus
hactenus fuerim maiestati tuæ, post innumera accepta à libe-
rali manu tuā beneficia, quibus non ad obsequiū tuum, sed ad
rebellionem usus sum. O Pater misericordiarum, miserere mei:
pœniter enim me vehementer, & velut prodigus supplex venio,
& projicio me ad thronum gloriæ tuæ; respice ad opus manuum
tuarū. Ecce abrenuntio Satana, & mundo, ac pompis eius,
atque hæc NN. statuo coram te, & vitare illas occasiones N.
ut lapides offēsonis. Scio quòd in die iudicij nihil habebo, quod *Psalms.*
excusem: ostendisti enim mihi viam in quā ambulem, & quod *142.*
non fecisti omni nationi iudicia tua & leges manifestasti mi- *Psalms.*
hi; & gratiā dedisti ut præstare possem. Et certè si centesimā *147.*
partem fecissem eorum, quæ pro mūdo feci ac toleravi, profectò
servassem legem tuam, & in amicis tuis ac filiis numerarer: *Lucæ 15.*
iam autem non sum dignus vocari filius tuus; sed fac me sicut
vnum de mercenariis tuis; & concede mihi gratiam per san-
guinem Christi IESV, quā desideria ista complere, tibiq; &
Christo filio tuo, ac sanctissimæ Matri illius servire valeam,
& tecum in æternum vivere. Amen.

IACVLATORIE.

IVraui & statui custodire iudicia iustitiæ tuæ. *Psalms.*
Nonne Deo subiecta erit anima mea? quoniam ab ipso salutare *118.*
meum. *Psalms. 61.*
Paratus sum, & non sum turbatus, ut custodiam mandata tua. *Psalms.*
Concu- *118.*

- Ibidem.* *Concupiuit anima mea desiderare iustificationes tuas in omni tempore.*
Ibidem. *Viam veritatis elegi: iudicia tua non sum oblitus.*
Ibidem. *In toto corde meo exquisiui te: ne repellas me à mandatis tuis:*

CAPVT VII.

*Exercitium seu deliberatio de sincerâ ac frequenti Confessione.**Eccl. 40.**Peccator
abjcondit
vulnus
medico.**Pudor no-
xius è su-
perbiâ
nascitur.**Eccl. 4.
Vide quâ
sincere
Confessio-
nis utili-
tas.**Dilatio
illicius
quàm
noxia?*

HOMO Graue iugum positum est super omnes filios Adæ, à die exitus de ventre matris eorum, vsque in diem sepulturæ in matrem omnium. Nescio enim qui fiat, vt fugiant à facie tuâ, Domine, & abscondant se, & peccatū suum à te, qui contemplaris in omni loco bonos & malos. Sed quid agimus miseri? abscondere nitimur peccatum, id est vulnus, vt inueterascat, vt fiat peccatum peccans supra modum. Quid enim est differre confessionem, nisi differre medicinam? quid est celare peccatum nisi vulnera tegere, vt computrescant vulnera, & cicatrices nostræ à facie insipientiæ nostræ? Sana precor, Domine, noxium pudorem, quo impudentia tegitur, honoris vanam cupiditatem, quo æterna ignominia accersitur. Aduua nos Deus salutaris noster, vt verè & sincerè cōfiteamur peccata nostra, & miserearis iniquitatibus nostris.

CHRISTVS. Fili, pro animâ tuâ ne confundaris dicere verum: est enim confusio adducens peccatum, & est confusio adducens gloriam, & gratiam. Expende quid ex sincerâ & crebrâ confessione tibi utilitatis proveniet, quid ex falsâ; quid ex morâ longâ. nonne, si vulnus accepisses graue, & maximè si letale, continuò medicum quæreres & aperires? hoc est peccatum. Si venenum hausisses, differres donec peruasisset fibras omnes? si ab hoste captus esses, differres, cum in manu tuâ esset redimi, donec vinculis, id est peccatis, pluribus esses adstrictus? donec diu duram seruissēs seruitutem? quis in exilio permanere vult, donec plurimorum bonorum

rum iacturam fecerit, hæreditate amplâ exclusus & honoribus? Quòd si verò humiliter statim homo confiteretur, mox veneno liberaretur, & seruitute, & in filiorum meorum rursus numerum restitueretur; rursus ei meritis quotidie coronam augere concederetur; & particeps esset bonorum omnium. Qui hæc omnia spernit, & differt confiteri, vel erubesci; quanti facit ille esse se filium meum, & seruum; quanti animæ sanitatem, filiorum meorum hæreditatem; & quod maximum, meam iram vel benevolentiam? Dic mihi, si reus esset capitalis delicti, qui si sciret multos eâdem horâ à lecto ad supplicium rapi, à dextris & sinistris; seque delatum; tortores instare vt licentiam habeant comprehendendi; & si ille verbo vno à morte, à dire suplicio, à iacturâ bonorum, à Regis irâ se liberare, verbo vno inquam; confitendo peccatum viro amicissimo; posset, quem & secretissimum sciret; & tamen contemneret, nōne furiosum & amentem appellareres? Aspice repentinas mortes, glomeratos hostium cuneos vt te perimant; plurimi enim sūnt dæmones qui circumuallant, circumeunt quærentes quem deuorent. cur igitur salutem deseris? cur cessas, qui mederi tibi, tantoque potes malo verbo vno? currit ceruus ad distamnum: hirundo vt pullis restituat lumen, ad chelidoniam: & mauult homo iam peccato suo reus, æternū damnandus ad momentum latere, quàm pœnis absolui, & beatus esse. O miserum; pudoris magis memorem, quàm salutis; qui perire elegit potiùs, quàm vulnus aperire! quid tu hîc amico suaderes tuo? quid tibi? *Hæcine vera*, vt suprâ, pag. 7.

Homo. Video, Domine, difficilius esse peccata commissa prodere, quàm non admissa vitare; & obstupescere debeo insaniam nostram. Obmutui, & quia filui à bonis, dolor meus renouatus est. Ego certè confitebor iniustitiam meam tibi, Deus meus, & tu remittes impietatem peccati mei, pro infinitâ benignitate tuâ:

F

quia

*Quantavis
noxii pu-
doris.*

*O demen-
tiam pec-
catoris.*

i. Pet. 5.

*Cur refugis
medicinâ.*

Psal. 58.

Psal. 31.

quia si tacuero, reus magis ero; & quo diutiùs expecta-
uero, difficiliùs, vt de echino dicitur, pariam, quod con-
cepi, peccatum.

*In morte
quid fecisse
velles?*

CHRISTVS. O quot angustiiis premuntur in mortis
horâ, qui superbiâ suâ, & vano pudore à crebrâ & sincere
râ confessione deterriti fuêre! quot enim sunt, qui pluri-
mos annos sacrilegè confessi fuerunt, & conculcârunt
sanguinem meum! ac tum quidem confiteri vellent, sed
vix in mortis horâ sincerè euomere virus peccatorum
possunt. O quàm triste mihi est, id Sacramentum, quod
pro solatio statui, exitium fieri ex hominum malitiâ &
vanissimâ vanitate longè præsentissimum. quid potui di-
cere dulcius, Fateri peccatum, & dimittetur tibi; fateri
vni soli, verbo vno, & absolutus eris, etiam ab omnibus
mundi, si patrasses, delictis?

HOMO. Ita est, benignissime IESV, facilius nihil esse
potest. sed cheu! difficilius nihil corruptæ naturæ vide-
tur.

*Pudor cres-
cit dilatio-
ne.*

CHRISTVS. Quid ita? an homo aliquando pecca-
tum confiteri statuit? si aliquando? cur, vt dixi, differt,
dum morâ inualuerit malum, dum hostis potentior?
non decrescit morâ pudor, sed augefcit. Et verò quæ tan-
ta pudoris causa?

*Superbia
pessima.*

HOMO. Non video aliam, quàm arrogantiam insanam
hominum, qui vel vnus iudicio absolui veremur, poti-
usque optamus insipientissimè coram orbe toto accusari
& damnari, quàm apud vnum nos accusare & absolui.
malumus coram orbe toto ignominiâ notari, quàm co-
ram vno mortali, misero peccatore res nostras fateri, &
gloriam de victoriâ sui reportare. malumus à te sæpè in
perpetuum reprobari, quàm ab vno terræ vermiculo fa-
cta nostra non probari. Eia, Domine, imperfectum no-
strum viderunt oculi tui, adiuua nos, & disrumpe vincu-
la peccatorum nostrorum.

Psal. 138.

O veritas aterna. vide infrâ pag. 84.

CHRISTVS. Quid facies, miser, in die illâ hor-
rendâ

rendâ, quando reuelabo abscondita tenebrarum, & il- *Attende iu-*
 luminabo consilia cordium, & nihil occultû erit, quod *diciû Dei.*
 non reueletur; & quod in tenebris summis dictum & ge-
 stum, in lumine coram toto terrarum orbe patebit? quan-
 to pere elucescet veritas illa, decretum, lex & sententia
 mea, Omnis qui se exaltat, humiliabitur; & qui se humi- *Luc. 14.*
 liat, exaltabitur; *Credo tibi*, &c. vt suprà pag. 7.

HOMO. Timor & tremor venerunt super me, & te- *Psal. 54.*
 xerunt me tenebræ. horrendum est incidere in manus *Hebr. 10.*
 tuas, potentissime Deus. horrendum cogitare lamenta-
 tiones & Væ miserorum, quos inutilis pudor æternis
 damnabit tormentis. ibi reuelabitur iniquitas ad oppro-
 brium sempiternum; quam si confessione aperuissent tot
 pueri, tot puellæ, tot viri, fuisset illis peccatum ad glori-
 am sempiternam. Quid dicemus ad hæc, ô anima nostra?
O veritas æterna, &c. vt infrâ pag. 84.

CHRISTVS. Olim Sancti amici mei sic institue- *Psal. 140.*
 bant suos, vt, si fieri posset, quot passus ambularet Mo- *Sanctorum*
 nachus, declararet. illi non declinabant cor suum in *exemplum.*
 verba malitiæ, ad excusationes excusandas in peccatis,
 sed crebrâ atque humili confessione eluebant peccata
 sua. Hinc tantâ certè pace & gaudio fruebantur; cùm
 peccati reos flagellet tortor assiduus conscientia, &
 torqueat tanto violentiûs, quanto secretiûs. Serpen-
 tem illi fouent in sinu suo, ignem ad internecionem de-
 vorantem. An iam videtur in longum differenda con-
 fessio, vt diuturnior sit pœna, difficilior venia, sæuiora
 intus, etiam mediis in deliciis, tormenta? Colligata enim,
 ait Propheta meus, est iniquitas Ephraim, absconditum *Osee 15.*
 peccatum eius; dolores parturientis venient ei. Ecce, dic
 vni vno verbo, & redibit pax & tranquillitas sperata, &
 omnia bona pariter cum illâ. Neque tantùm in Sa- *Cassi lib. 4.*
 cramento Pœnitentiæ candidè & sincerè aperiebant *Instit. c. 4.*
 vias suas: sed generale & euident indicium diabolicæ *securitas*
 cogitationis pronunciabant, si eam seniori confunde- *magna ex*
 rétur aperire; tum demum sectari, si perspecti illis essent. *sinceritate.*

Matth. 23

Humilitas
exaltatur.
Ibid.

Tunc enim sciebant seniore non permissurum, vt onus grauius imponeretur, quàm ferre possent; quippe qui vires declarassent: nihil verebantur despici, sed optabant. Et certissimum illud nota decretum meum; Omnem, qui se humiliat, exaltandum. Ideoque numquam tales famæ faciunt iacturam, sed nomen potiùs augent: non potest enim fallere verbum meum, & iudicia mea manent in æternum. æternâ lege fixum est, vt iterum dixi tibi, Omnis qui se humiliat, exaltabitur; & omnis qui celando peccatum suum exaltare se nititur, serâ poenitentia ignem fumo, vulnus fœtore prodere inglorius cogetur. Credo tibi, vt sup. pag. 7.

HOMO. Quæ, IESV bone, commoda video! quot bonis, quot nos promissis inuitas, vt teterrimam hypocritism vincamus; vt crebrò in sanguine tuo abluantur animæ nostræ; vt curentur vulnera nostra; vt reuertamur ad te; vt mundi simus corde: vt tandem veniamus ad te, & videamus regnantem cum Patre & Spiritu sancto in sæcula sæculorum. Amen.

Oratio pro Confessione ritè instituenda.

Quid præstat, vni aperire an omnibus?

Dementia hypocritæ.

Matth. 10

O Veritas aterna, Deus meus, nonne tu scrutaris cor & renes meos, & iubes, vt condones mihi, vt tantum confitear peccatum meum; idq; vni homini reo, & peccatori, & concaptiuo, & forte miseriori me? Et fieri potest, ô IESV, ô IESV, ô IESV, vt potiùs quàm vni homini innotescat, malit homo æternum perire? & à toto orbe damnari? vnum metuat infelix, & non totum orbem, neque te? Iudicium hominis refugiat & non tuum? forsitam haberi probus optat ad momentum, & malus esse & cum malis puniri æternum? Credis hæc, ô peccator? & qua dementia, quanta fallacia esse remedium, & tam facile, & te excludere illud, & pacem animæ tuæ longè suauissimam? & tormentum & gehennam intra viscera alere, & à gratiâ tuâ eheu! æternum ô Deus meus excludi. Et verò nonne certò certius notum; quòd omnis, qui sic se exultat, turpiter humiliabitur, & quòd nihil sit opertum quod non reueletur, nihil

nihil occultum quod non sciatur? Si vera hæc veritas, cur ergo cum ignominia reuelari optabo mundo, & confundi coram eo & damnari, quam coram vno, & ab vno, & à te absolui! Creditne hæc, quisquis adhuc celat peccatum? & scit insuper confessionem à te mandari, frustra, illud celari, cum seriùs ociùs crimen vel se prodat vel prodatur? Si credit, cur, ô IESV, celat, & audet aliquando te suscipere in Ven. Eucharistia, & in serpentum, & draconum foveas, id est, cor suum, te proijcere, & velut in latrinas? quid sperat? à te veniam, quam millies tam facile oblatam spernit?

O Domine, ô veritas mea Deus, protestor coram te hodie, quia sincero corde te suscipere volo, & mundo te amare & amplecti, & confitebor tibi, & non abscondam peccatum meum: si enim ascendero in celum, tu illic es; & si descendero in infernum, ades. Tu nosti omnia priusquam fierent, & respicere ad iniquitatem non potes. Confitebor ergo aduersum me iniustitiam meam, & tu remittes impietatem peccati mei. Confitebor homini, vt tibi Deo meo: & tu, scio, pro benignitate tua, diriges linguam eius, & vias meas Scuto me circumdabit veritas tua, & non timebo à timore nocturno; sed tuum iudicium, ô æterna Veritas, in quo manifestabuntur consilia cordium, & reuelabuntur abscondita tenebrarum. Gratia & veritas per te, Christe IESV, facta est. Absque te, vani filij hominum, & mendaces in stateris, vt decipiant de vanitate in idipsum, & decipiantur miseri, dum celare volunt omnia videntem, & testem velocem iniquitatis suæ. O, quot in iudicio tuo, larua & personam depositam erubescunt coram orbe terrarum; & apparebunt sepulcra dealbata; nequiterque se humiliaffe, quorum interiora plena erant dolo! O insensati, quis vos fascinauit non obedire veritati? puduit coram vno erubescere, & ecce coram vniuerso orbe terrarum reuelabitur iniquitas terra.

O quam brevis laus impiorum, & gaudium hypocrite instar puncti! Si ascenderit in celum superbia eius, & caput eius nubes tetigerit, quasi sterquilium in fine perdetur: & qui viderunt eum dicent, Vbi est? Reuelabunt celi iniquita-

Applica-
tio ad
Communionem.

Protesta-
tio.

Psal. 31.

Psal. 90.

Hypocri-
ta se decipit.

Ioan. 1.

Psal. 61.

Eccl. 19.
Galat. 3.

Iob 20.
Hypocri-
ta humili-
liatur.
Ibid.

Ysaïæ 29.
Psal. 141.

tem eius, & terra consurget aduersus eū. Væ, qui profundi eslis corde, & à Domino absconditis consilium! quorum sunt in tenebris opera, & dicunt: Qui videt nos, & quis nouit nos? Tu nosti, Domine, & contemplaris in omni loco bonos & malos: ideoq; non declinabo cor meum in verba malitia, ad excusandas excusationes in peccatis: sed voluntariè sacrificabo tibi, & confitebor nomini tuo, quia bonum est. Tu ostendes mihi viam rectam, per eum quem ducem mihi dare dignatus fueris; eum ipsum vt te audiam: non enim est prudentia, non est consilium contra te, Domine. Incertæ sunt omnes prouidentie nostræ: da illi, quaeso, Domine, spiritum rectum, vt cognoscat mirabilia de lege tuâ, vt aperiat mihi voluntatem tuam, quam scire vehementer desidero, & vni tibi placere & seruire in verâ sanctitate & iustitiâ, in humilitate & patientiâ, castitate perfectâ, & sincerâ caritate omnibus diebus vitæ meæ. Amen.

Praxis ad peccatorum Confessionem peragendam.

*Dæmon iâ
maximè
pœnitenti
insidiatur.*

PRIMA. Obserua diabolum nihil magis hoc maximè tempore moliri, quàm vt efficiat homines incredibili infantiâ, etiam aliquando Religiosos & pios, præsertim mulieres, abscondere peccata sua, excusare, palliare, nullam admittere monitionem, atq; ita astu magno, vt S. Bonauentura ait, omnia peccati & defectuum excludere remedia. Quanto acceptiores Deo sunt grauissimi peccatores, quàm eiusmodi simulatores, quia facilius certè illi, quàm hi, utpote tepidi, curantur & sanantur. Assuescere ergo quisque primo debet confessario, & si Religiosus est, etiam Superiori se sincerè aperire, neque defectus tantum, sed & insuper tentationes, & pietatis exercitia.

*Confessari-
is mutan-
dus si li-
bertas desit*

Secunda, Etsi verò laudabile certo Confessario confiteri; tamen si, vt fit, libertati officere videatur, non tantum mutare conuenit, sed oportet, & potius ignotus, & in tenebris adeundus, quàm in pœnas & tenebras exteriores anima per reticentiam à dæmonio muto detrahatur. Idem esto iudicium, si periculum animæ ex confessione timeatur; si secreti reuelatio. Eapropter Ecclesia mater decreuit, vt in mulierum monasteriis quotannis ter vt minimum alii ab ordinario dentur Confessarii. Idem ferè in Iubileis facultas omnibus tribuitur, etiâ Religiosis, cuius approbato confitèdi.

Conc. Trid.

Sed

Sed discreti Superiores, animarum veri zelatores, huic incommodo vltro occurrunt, & vt merito debent, offerunt facultatem confitendi alteri, si angi suorum videant conscientias; tantum abest vt negent. Certè negare illam, præsertim in monasteriis mulierum, durum est, & ob Christum vincas, vt sic loquar, laqueis irretire, ac in salutis portu, portam illius, eheu! occludere. Hac de causâ prudenter sanè B. Theresia in suo Ordine Confessarii optionem dedit. Vides quantâ libertate hic vtendû. Vnde probare non possum allici pœnitentes: sed consilium R. P. Aluarez vtile semper visum ac salutare, vt eos demum audiat & iuuat Confessarius, quos ad eum Dominus miserit, pro his enim illi gratiam, & vt sic loquar, annonam largitur, quâ animâ pascat. Idq; humilitas suadet. Si enim quisque alium se meliorem aestimare debet, vtique etiam aptiorem animabus iuuandis. Nemo verè humilis idèd se aptiorem, quoddam doctior fortè sit aut exercitior, putat, cum sciat Dei solius esse trahere, sanare, dirigere animas ad finem & perfectionem, quam illis destinauit: incertas verò esse hominum prouidentias. Illud etiam laudabile aliquorum iudicatur institutum, vt eo Confessario, quæ Dominus in loco, seu confessionali statuerit, vtantur; in hoc illius paternam, cum humilitate, prouidentiam sequantur. Ille nouit cui quem mittat: sic Philippum misit Eunuchus, sic Ananiam Paulo, sic Cornelio Petrum. nec misit tantum, sed iustruxit, priusquam mitteret quid opus facto esset; & ad Cornelium missionem miraculo testatus fuit.

Pœnitentes non alliciendi.

Humilitas id suadet.

Confessarius audiat eos quos mittit Dominus.

Tertia. Deligendus Confessarius vir doctus, prudens, maturus ac pius, non verbosus, nec blandus; quod de mulieribus dico. His cum Confessario, vti vitanda familiaritas, ita etiam visitatio, & frequens colloquium, nisi necessitas compellat; ac tum quidem breue, & numquam sine teste admitratur, etiam si Angelus de cælo esset. Sic Sanctæ omnes fecerunt, sic Sancti. Qui aliâ cum potest viâ graditur, non insistit Sanctorum vestigiis, & temeritatis suæ pœnas metuat.

Caveat Confessarius solus cum feminis agere

Quarta In confessione instituendâ humile & perspicuū esse oportet, ordinatum ac breuem, omiſſis generalibus, & iis, quæ sub conditione vulgò ab omnibus ferè narrari solent, ac longâ narratione, maximè in eo quod ad castitatem pertinet: cum narratio & accusatio verbosior periculosa sæpè sit vtrique, & pœnitenti, & Confessario. Speciem facti & peccati explicare sufficit, id est, circumstantiam illam, quæ efficit illud peccatum longè grauius, vt sunt circumstantiæ personæ, si illa coniugata, Religiosa, voto obstricta. Vis autem commodè te præparare ad confessionem? vt ere formulâ examinis generalis. Primò gratias age, quod spatium pœnitentiæ

Confessio debet esse humilis, perspicua, & breuis.

*Modus ad
confessionē
separandi.*

rentiē dederit Deus; Secundò, lumē pete, vt agnoscas peccata tua ac detesteris; Tertiò, examina te; Quartò, contritionem excita; Quintò, firmiter propone emendationem. Examinare autem te poteris, quomodo contra Deum, proximum, & teipsum peccaris cogitatione, verbo, opere, atq; omissione: vel certè actiones diei percurrere, & breuiter tria vel quatuor (quando grauius nihil est) collige, de quibus in confessione te accuses; ac potissimum contritioni & proposito intendas. Iuuat in examine quotidiano ad expeditā confessionem, confitenda annotare; pro contritione actum illius l. i. c. §. explicatum recitare.

*Quoties
confitendū*

Quinta, Etsi crebra confessio laudanda sit, est hñc tamen moderatio adhibenda. Sacerdotibus equidem etiam quotidianam Sanctorū exemplo suaserim: sæcularibus piis semel atq; iterum in hebdomade sufficiet confiteri, & quidē breuiter nisi necessitas aliud imperaret. Cauendum autem ne ex consuetudine fiat confessio, sed ita semper instituenta est, ac si statim post illam moriendum foret, non tamen scrupulosè. Collationē instituere confessionum, & de profectu suo iudicium ex illis facere, apprimè salutare.

*Cogitet pœnitens se
Deo loqui.*

Sexta. Quā reuerentiā, humilitate, quoq; ritu confitendū sit, passim traditur. Vnum moneo, vt in formulā, quæ confessioni præmittitur, dū pœnitens dicit: *Confiteor Deo*, reflectat, & serio cogitet non homini se, sed Deo cui omnia parent, loqui: neque humanæ prudentiæ vilius, sed soli Deo eiusq; gratiæ confidat, vt velut in sanguine Christi lauandus accedat. Deinde ad *mea maxima culpa* contritionem iterum excitet, mente saltem adiiciendo, *Et doleo quod tot beneficiis tanto amoris Dei mei nil nisi peccata reposuerim*. Idem fieri expedit ad eadē verba post confessionē reperi solita. Formulā longiore si temporis angustia vtī nō permittat, saltē breuiore vtendum, hac vel simili, *Confiteor Deo omnipotenti, B. Mariæ, omnibus Sanctis, Et tibi, Pater, quia peccaui nimis, mea maxima culpa*.

*Post confessionē
quid agendum.*

Post confessionem peractā Primò gratias age; Secundò, pete gratiam vt te emendare queas, ac tibi diffide, Deoq; confide; Tertiò, propositum renoua, & quoad potes occasiones prospice, & vitare decerne; Quartò, pœnitentiā exple, orationes iniunctas recitādo. Addere poteris afflictionem aliquam corporis, aut incommode flectendo, aut quid simile, & eleēmosynam largiri saltem spiritualem, pro proximis orando, & potissimum iis qui malè affecti sunt. sic etenim tria bonorum operum genera expleueris. Oratio pro Execut. *Dignatus es*, &c. vt suprà pag. 10.

IACVLATORIÆ.

Ecce sanus factus es, iam noli peccare, ne deterius tibi aliquid contingat. Ioan. 5.

Delictum meum cognitum tibi feci, & iniustitiam meam non abscondi: dele Domine iniquitatem meam. Psal. 31.

Peccaui in cælum, & coram te: iam non sum dignus vocari filius tuus: fac me sicut unum è mercenariis tuis. Luc 15.

Delicta quis intelligit? ab occultis meis munda me, & ab alienis parce seruo tuo. Psal. 18.

CAPVT VIII.

De Confessario seu Ministro Sacramenti penitentiae seu Confessionis.

PRAELVDIVM I. Considera te coram Deo vndique miserum & leprosum, &c.

PRAELVDIVM II. Gratiam pète, vt hoc Sacramentum non sit tibi in perniciem, quod institutum est omnibus ad salutem.

PVNCTVM I. Considera Deum sapientissimum & optimum, cùm haberet infinitas vias quibus sibi reconciliare hominem posset, delegisse hoc medium tamquam conuenientissimum & suauissimum. Quid enim Confessio facilis.

facilius, quàm reum fatendo, non vni sed alicui ex innumeris propè Sacerdotibus potestatem habenti, absolutionem impetrare? Quid autem magis conueniens

quàm vt peccator, qui cor, linguam ac manus à Deo auertit, contritione, confessione & satisfactione se ad

Deum conuertat? Gratias age Deo Patri, qui omne iudicium filio suo vnigenito dedit; & Deo filio, quòd il-

ud Sacramentum instituerit; Spiritui sancto, quòd tantâ benignitate grauissima scelera confitenti condonet.

Considera secundò quis in republicâ crimen condonet læsæ maiestatis? ipse Princeps. & quanta sit Confessarij dignitas.

Christi benignitas, qui potestatem à Patre acceptam cum hominibus communicarit. Et rursus quanta

Ioan. 20.

dignitas quòd ad illam potestatem vocatus sis à Deo, dicente per Episcopum: Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt. Considera tertio, relapsis & naufragis post baptismum hanc secundam tabulam, & arcam alteram in diluuiò peccatorum superesse, & vide precor quantoperè curandum tibi sit, ne auertas quemquam ab illâ; vt idoneus sis, vt tabulam porrigas, & viam aperi- as: Primò, integritate vitæ; Secundò, doctrinâ; Tertiò, industriâ.

O Domine IESV, vt infrà pag. 92.

*Qualis est
Confessari-
us, talis sa-
pe pœnitēs*

Lucæ 4.

*Confessarii
pericula.*

Apoc. 1.

PVNCTVM II. Considera, tres esse partes Pœnitentiæ, videlicet, contritionem, confessionem & satisfactionem: quodque hisce iuuare neminem rectè poteris, nisi ipse verè contrito corde, & sincerè confitearis; (in multis enim offendimus omnes) atque pœnitentiæ operibus deditus sis. Non enim vsus est Deus superbis, auaris, luxuriosis; sed humilibus, pauperibus, & castis discipulis, vt humilitatem, paupertatem ac castitatem doceret. Noluit enim dici seruis suis: Medice, cura te ipsum. Secundò, quanta esset infidelitas aut malitia illius, qui à Regè missus, vt amiciissimo pharmacum, etiam regio sanguine paratum ex infinito amore deferret, illud in venenum verteret? Hoc verò fit, quoties hoc Sacramentum perperam administratur; negligentiaque, aut etiam aliquando malitiâ Confessarii, aut in integritate illius, aut contritione aliquid deficit. Tertiò, vide quàm miserum sit, medicum animarum, dum alium curare vult, & ad vitam reuocare, se perimere, etiam malâ vitâ suâ aliis ad mortem ducatum præbere. Quartò, sicut qui in ciuitate puteum vnicum veneno inficit, grauiissimi criminis reus est; sic qui Pœnitentiæ Sacramentum, aut asperitate videri facit horridū, aut prauitate suâ inficit, grauiissimè peccat. Hic enim fons est & balneum factum ex sanguine Agni immaculati, qui dilexit nos, & lauit nos à peccatis nostris.

Hic

Hic est, de quo scriptum: Fons patens domui David, & Zach 3.
omnibus habitantibus Ierusalem, in ablutionem peccatorum & menstruatae. Et existimo, talem vix umquam
feriò conuerti ad Dominum, qui tabulam poenitentiae
excussit è naufragorum manibus; qui panem famelicis
è manibus eripuit; qui paruulis & simplicibus tantum
posuit offendiculum. *Haccine vera*, &c. pag. 7.

PUNCTVM III. Considera Primò, quomodo Confessarius prætereà in hoc Sacramento offendat. Primò, si indoctus sit, & cæcus cæco ducatum præstare velit, ita
ut ambo in foueam cadant. O quantam Deo sui reddent rationem, qui studia negligunt, & medicinam animarum profitentur, cum illi vix studeant! An illi velent tali corporis medico uti, in extremo discrimine mortalis vitæ? Idem de exercitatione & industriâ dicendum, quam omnes conquirere oportet. Secundò, si vita non verè sancta, neque circumspectus sit, maxime in verbis & oculis. Quomodo enim mundabit, qui sordidus ipse est? ad sanctitatem & perfectionem præbit, quam ipse nescit, & non amat? Vnde Greg. Naz. *Indocti Confessarii culpa.*
Mundari priùs oportet, & sic alios mundare; sapientem priùs fieri, & sic alios facere sapientes; lumen fieri, & sic alios illuminare; ad Deum accedere, & sic alios ad Deum inducere; sanctificari, & ita sanctificare. Ideò faciem mulieris nò intuearis, quia, ut dicit Abacuc, facies eius, *Quanta pietas requiratur in Confessario.*
ventus vrens. Tertiò, considera, te sustinere Christi personam. Non itaque consideres personam pauperis, nec honores vultum potentis. Non accipias personam, nec munera; quia munera excæcant oculos sapientum, & mutant verba iustorum. Judicis enim partibus fungere, ac medici. Et verò, Domine IESV, nòne pauperes, præ aliis, iuuare voluisti? nòne elegisti pauperes in hoc mundo? Nòne dixisti, Spiritus Domini super me, propter quod euangelizare pauperibus misit me? Nòne hoc signum aduentus tui, & tuorum: Cæci vident, claudi ambulant, pauperes euangelizantur? Dixisti per Moysen,

Abacuc 1.

*Deut 16.
Iudicis
partes agit
Confessarius.*

*Iacob. 2.
Luca 4.*

*Matth. II.
Deut. I.*

*Pauperes
inuandi.*

Matth. II

*Matth. 18.
Benigne
penitens
accipien-
dus.*

Moyſen in iudicio de re quauis, Ita audietis paruum ac magnum ; non accipietis cuiuſquam perſonam, quia Dei iudicium eſt. Sanè, qui pauperes negligit, Chriſtum negligit, & deſpicit. Nónne enim & ipſum negligeret, ſi inter pauperes compareret, vti contigit D. Gregorio ? videtur facere, vt chirurgi & medici corporis, qui lucrum ſpectant, non animas ; aut quemadmodum is qui Regem nollet curare, eò quòd non ſe ſplendidè induiſſet. Animæ enim omnes regale ſacerdotium ſunt. Immò verò Chriſtus in pauperibus ſe offert, dicens. *Quod vni ex hiſ minimis meis feciſtis, mihi feciſtis.* Quartò, conſidera, benignitatem, manſuetudinem & modeſtiam Chriſti induere te oportere, vt dicere poſſis cum eo, in perſona illius ; Venite ad me omnes, qui laboratis, & onerati eſtis, & ego reficiam vos. Tollite iugum meum ſuper vos, & diſcite à me, quia mitis ſum, & humilis corde, & inuenietis requiem animabus veſtris: iugum enim meum ſuaue eſt, & onus meum leue. Ideò Dominus rogante Petro quoties condonaret, reſpondit: Non dico tibi vſque ſepties, ſed vſque ad ſeptuagies ſepties, id eſt, innumeris vicibus. Et certè cùm Deus adeò clemens ſit, quid faciet vicarius eius, & reus ipſe & debitor plurimorum talentorum ? & verò præſtátne perire animam & pretium ſanguinis Chriſti ; an eam in Purgatorio detineri ? ſi benignitate ad crebram confeſſionem adducitur, ſalua eſt; ſi parùm ſatiſfaciat Deo, ſalua eſt, ſed per ignem.

Oratio ante confeſſionem audiendam.

O DOMINE JESV Chriſte, Pater amantiſſime, ſcio quantus ſis zelator animarũ noſtrarũ: ſunt enim omnes & ſponſe tue, & preciũ ſanguinis tui. Tu pro iis natus & circumciſus es, ſudaſti, fleuiſti, ligatus, flagellatus, damnatus, illuſus, opprobriũ hominũ factus, crucifixus, & mortuus es. Sciebas yrique Sapientia aterna, quanti eſſent tibi; videbas aterna mala

mala, quibus damnanda erant: quid igitur ego, ad hoc vocatus infinita miseratione tua ad hanc vineam, facere debeo? Da igitur, Domine, secundum voluntatem tuam, eis me totum impendere, & lauare eas in sanguine tuo, inferno eripere, tibiq; eas restituere. Sed, quia nihil mihi prodest, si vniuersum mundum lucrer, & anima patiar detrimentum: ecce protestor, quia non communico delictis eorum, sed ex puro tui amore & zelo me applico: neque erit mihi acceptio personarum, sed animas & pauperes, (quas tu, Domine, elegisti) præ aliis queram. verumtamen, quia sine te nihil possum, & nemo potest venire ad te, nisi tu traxeris eum; trabe nos post te, & doce nos. solus enim qui per te audiuit à Patre, venit ad te, neque potest homo à se facere quidquam, nisi ei datum fuerit de calo. Tibi ergo soli sit laus & gloria in æterna sæcula; mihi autem confusio faciei meæ, qui hoc munus tuum Christe IESV, tam torpidè ob-
eo, qui vltro venientem nescio trahere ad te. Væ mihi, væ mihi! Iudicium enim durissimum his qui præsumunt & iudicem agunt, fiet. Væ, si legatione fungens pacis, & tu iungam tibi, puro amore animam sponsam tuam, auertero verbo aut exemplo à te! quando ab infinita bonitate tuâ expecto vt hodie conuer-
tas vultum tuum ad me, imò cor tuum, & propines in eo mihi amorem tuum, vt inebrier illo?

Actus ze-
li.Diffiden-
tia sui,Applica-
tio ad
Communi-
onem.

O IESV vnica salus, da, qui solus potes, mihi spiritum bonum, da cor mundum & verè contritum & humiliatum, quia id despicere non potes. En anima, pro quarum vel vnâ nulla commutatio fieri potest, en precium sanguinis tui, agra, vulnerata, lacerata nuda, surda, & cæca fortè hac horâ, nisi per me accurras, peritura: ô IESV adsis, ô spes nostra, miserere meæ & illarum. Cur ô bonitas & amor noster, in opprobrium tuum perire illas fines, qui neminem vis perire? Recordare charitatis tuæ, & reminiscere miserationum. Doleo pro me & illis, quod illi & ego te Fratrem offenderimus benignissimum, qui me & eas tot bonis praueniisti, totq; alia præparasti diligentibus te. Sed cuius erunt hæc nisi miserearis nostri? Ecce omnes morimur, & velut aquæ dilabimur in abyssum. Adiutor noster esto, ne despicias nos opus manuum tuarum.

Animæ
prestantiaActus cō-
tritionis.

O bo-

O bonitas inexhausta, respice vulnera mea, & excita quos sepultos in mediis serpentibus, somniantes in crepidine inferni. Quare errantes oues, IESV dulcissime: spiritum rectum innoua in cordibus nostris, collige reliquias populi tui. Suscipe, Pater sancte, illos in nomine dilecti filij, & da mihi, vt humiliter & amanter eos excipiam, vt tu me prodigum quotidie, & patienter feram; qui tam longanimiter nos expectas, & tot mala toleras; neque tantum iam, sed in futurum per me caueas illis, saluari pœnitentiâ, feruore ignis caritatis tue, & gratiâ tuâ ad gloriam diuinæ Maiestatis tue. Amen.

Praxis ad Pœnitentiæ Sacramentum ritè administrandum.

*Preparatio
ad audien-
dam con-
fessionem.
Exod. 30.*

P RIMA est, vitam integerrimam ducere; & nunquam ad confessionale accedere, quin hæc tria faciat: Primò, saltem conteratur; si quid grauius sit, confiteatur de peccatis. quod Deus per Moysen indicat, statuens, vt ad tabernaculum labrum æneū faceret, in quo Sacerdotes abluerent manus suas & pedes, illud ingressuri. Secundò, gratiam postulet, & intentionem purissimam acuere satagat. Tertiò, naturam pœnitentis consideret ac dispositionem, vt medicus peritus consuevit.

*Remedia
habeat pa-
rata Con-
fessarius.
Cauenda
Confessario*

Isaia 65.

Secunda. Habere, vt decet medicum, in promptu malorum remedia, eaque inaurare: ita vt semper vinum & oleū in vulnera infundantur, sed plus olei: cum eâ mensurâ, quâ mensi fuerimus, remetietur nobis. Cauenda autem tria: Primum, ne numero quis gaudeat potius, quàm fructu. Secundum, ne interrogatione maximè in materia turpitudinis, laqueum tendat innocentibus. Certè graue iudicium subit, quisquis eiusmodi est. Tertium, ne personarum acceptor sit, sed omnibus paratus, vtque possit dicere cum Christo Domino: Inuentus sum à non quærentibus me, palam apparui iis qui me non interrogabant. Vltimo se maximè pauperibus & crebrò offerat.

*Pœnitentiæ
sint saluta-
res.*

Tertia. Videre in pœnitentiis imponendis, vt utiles & faciles imponantur. Quales sunt varii modi orandi, vt habes c. 9. l. 1. eleëmofynæ, cilicia, ieiunia, silentiū, solitudo, lectio libri pii, examen conscientie aliquando faciendum, Sacri auditio, eleëmofyna certa quoties in aliquod vitium pœnitens labetur, quam alicui fido (non expedit Sacerdoti) consignet; & supra omnia crebra confessio, & communio. Obserua autem cum disciplinis aut ciliciis aliquid aduertitur puritati Angelicæ contrarium, iis abstinendum. Manifestas dæmonis

dæmonis præstigias nouisse potest, qui aliquâ experientiâ valet. Pro orationibus autem obserua, vt eas imponas) quæ admodum & opera) quibus Indulgentias pœnitens promereri queat ratione numismatum.

Quarta. Aduerte diligenter, magis sollicitum esse oportere Confessarium de contritione, quàm vllâ aliâ re. Hic enim defectus est fons recidiuæ. Hoc B. Franciscus Xauerus valdè cordi habebat; & vt semel confesso, vitæ normam daret perpetuam.

*Contritio
in pœnitente
querenda, & curanda.*

Quinta. Non tantum curandum, vt absoluator pœnitens, sed vt proficiat, vt induat Dominum IESUM Christum, & vestes virtutum eius. Viuo ego, dicit Dominus, quia omnibus his, velut ornamento, vestieris, & circumdabis tibi eos, quasi sponsa. Vestis præcipua est, caritatis, eaque nuptialis.

*Profectus
curandus.
Isaia 49.*

Sexta. Inter confitendum, sæpè humilia te, quod deteriora fecisses, nisi Deus te seruasset. Secundò, eleua cor ad Deum, & conuerte te ad Sanctissimam Eucharistiâ, si potes, & roga vt det tibi prudentiam, & virtutem: etiam ad hoc Angelum pœnitentis inuoca. Tertiò, zelum excita, dū dicit *Confiteor*, considerata Christi iniuriâ, & animæ periculo, dimitte autem illum, quemadmodum si illius vltima foret confessio, à quâ salus eius dependeret vniuersa.

*Matth. 20
Quid in
confessione
agendum.*

Oratio pro execut. *Dignatus es, vt sup. pag. 10.*

Iaculatoria, quâ quis ad singulos pœnitentes vti potest.

O IESV sola salus sana, quaeso hanc animam per me in omne peccatum lapsuram sine te. En pretium sanguinis tui, sponsa tua, ab hoste vulnerata. Doce me, vt prudenter & humaniter cæcum & ægrum, pro tuâ vnius gloriâ, ad te adducam. Et tu, ô Angèle sancte, adiuua me. Amen.

Alia.

Confiteantur nomini tuo magno, quoniam terribile & sanctum est, & honor Regis iudicium diligit. Psal. 98.

Quis potest facere mundum de immundo conceptum semine? Nonne tu qui solus es? Iob 14.

Suauis Dominus vniuersis, & miserationes eius super omnia opera eius. Psal. 144.

Deus noster, Deus saluos facienti: propter hoc legem dabit delinquentibus in viâ. Psal. 24.

Vniuersæ viæ Domini misericordia & veritas, requirentibus testamentum eius, & testimonia eius. Ibid.

Conuerte nos Deus salutaris noster, & auerte irâ tuâ à nobis. Psal. 84.

Respice in me, & miserere mei. Da imperium tuum puero tuo, & saluum me fac filium ancille tuæ. Psal. 85.

C A-

CAPVT IX.

*De Satisfactione tertiâ parte Pœnitentiæ.**Exod. 12.*

ITINERE trium dierum Israëlitæ ad montem Dei Oreb profecti sunt, vt sacrificarent Domino Deo nostro. Tres illi dies spiritali intellectu de Contritione, Confessione, & Satisfactione commodè, vt suprâ dixi, accipiuntur. Cùm autem de superioribus dictum sit, superest vt de satisfactione agamus, quæ operibus à Raphalèle commendatis perficitur. Bona, aiebat, est Oratio cum Ieiunio & Elëemofynâ: tria siquidem satisfactionis opera tribus mundi malis remedia peropportuna constituta sunt: Ieiunio carnis concupiscentia; Elëemofynâ verò concupiscentia oculorum; Oratione humili superbia vitæ perfanatur. Mandârat Dominus vt holocaustum cremaretur in altari nocte totâ vsque mane, & vt cineres sacerdos spoliatus vestimentis sacerdotalibus, & aliis indutus, efferret extra castra, & in loco mundissimo alio igne quàm sanctuarii vsque ad fauillam consumi faceret. Quid hæc figura adumbravit? nisi holocaustum tui ipsius atque omnia peccata totâ huius vitæ nocte exurenda igne sanctuarii, id est, charitatis: quòd si quid manè superfit, te ire debere extra castra exutâ mortali veste, ibique igne purgatorii expiandum, donec infaustæ reliquiæ peccatorum penitus consumantur, & reddas nouissimum quadrantem. Vide igitur vt hîc diuinæ iustitiæ satisfacias, dum tempus acceptabile & dies salutis.

*Tria mundi mala
quomodo
curentur.*

Ac primùm quidem de ieiunio, & pœnitentiâ, postea de eleëmofynâ, ac demùm de oratione, quia longior illius tractatio futura, discernendum erit.

MEDITATIO.

De Ieiunio, primo opere satisfactorio.

COMPOSITIO loci est, Statuere sese coram CHRISTO
in cruce felle potato.

Oratio præparatoria, vt suprâ.

PUNCTUM I. CHRISTVS. Considerate positum in
hâc valle verè lacrymarum cum parente primo, vt in su-
dore vultus tui vesceris pane tuo, & cælestem hæredi-
tatem obtinere contenderes, atque ascenderes in mon-
tem Domini tui: nullum verò maius esse impedimen-
tum quàm corpus hoc tuum quod corrumpitur, & ag-
grauat animam; ac proinde illud fræno temperantiæ &
disciplinæ esse refrænandum; ne è præcipiti deijciat scf-
forem suum.

*Corpus ag-
grauat ani-
mam.
Sap. 9.*

HOMO. Eheu! Quàm scèdè per illud & gulæ concu-
piscenciam prostratus fuit protoplastus Adam in ipso
paradiso deliciarum! Illa, illa nos in miseriarum adduxit
pelagus, in quo fluctuamus, è quo enauigare & eluctari
vix possumus.

*Gula Adæ
nos perdis-
dit.*

CHRISTVS. Vide & obstupescce quid sapientissimum
Adamum eò adegerit. Scilicet breuissima à serpente di-
ro hoste propinata, & è pomo vno hausta voluptas. Vide
quomodo extrema gaudii luctus occupet?

HOMO. O infelix pomum, in quo omnia mundi mala,
& æterna continebantur! Edisti ô Adam, & ecce quàm
grauiter obstupescunt adhuc dentes filiorum tuorum.

Domine IESV, &c. vt infrâ pag. 100.

CHRISTVS. Attende verò quemadmodum Eua tua,
id est caro, & hostis tuus te sollicitet ad imitationem
infelicis parentis, quàm vilia ea quæ appetit, quæque
gula proponit: quanto labore & periculo appetantur
dum non habentur; & tamen habita quàm breui omnia
fastidio sint. Nónne vides quòd plurimos gula depau-
peret, & ad indigna compellat?

*Eua caro!
nostra est.*

G

HOMO.

HOMO. Quot, IESV bone! vt audio, Religiosos, qui aliàs essent futuri columnæ cæli, in terrâ figit, neque crescere sinit in paradiso cælestis voluptatis, id est Religione, quia in eâ superare se nolunt! Imò non caret certè mysterio, Adamum in statu perfectionis positum vnâ gulâ deturbatum.

PUNCTVM II. CHRISTVS. Considera gulæ incommoda. Primò enim impedit omnem in spiritu profectum, corpusq; spiritui rebelle facit: nam, vt apud mundanos cupiditas seu philargyria est radix omnium malorum: sic apud spirituales ac Monachos gulæ concupiscentia. Impossibile enim est saturû ventrem pugnâ interioris hominis experiri. Ex vno etenim gulæ vitio innumera vitiorum agmina producuntur, vt Gregorius meus testatur. *Hæcine vera*, vt suprà pag. 7.

HOMO. Basilus verò tuus ait: vitiis aliis omnibus obnoxios se vidisse resipuisse: qui huic sese subdidissent, aut secretò, aut alieno tempore aut loco edendo, tandem excidisse à Religione: vel si manserint, mancipia diaboli, curiosos, querulos, commodi amantes, obstinatos factos. Neque tantum spiritui & pietati officere videtur, sed omnes omninò functiones animi præstantiores impedit, & ingenii aciem ceterasq; animi potentias hebescere facit. Accedit quod corpus morbis repleat, vitam curtet, multisq; afficiat incommodis. Atq; ita homo ob voluptatem, quæ, vt Innocentius, spatio loci vix est quatuor digitorum; spatio temporis vix totidem momentorum, vitam hanc tristem, miseram reddidit, & in æternæ se vitæ discrimen adducit, vt caro tantillo oblectetur. Meritò proinde exclamat tuus Bernardus: ô crudelitas! corpori seruitur, vt anima juguletur: atque adeò vt corpori tribuatur momentanea voluptas, æterna homo subit supplicia: aut saltem sese eorum periculo exponit.

Hæcine vera, vt sup. pag. 7.

PUNCTVM III. CHRISTVS. Considera è contra commoda

*Climachus
gradu 26.
Cassian l. 4
cap. 3.*

*Greg. in 1.
Reg. c. 2.
Basil. de
abdicat.
Gulosus
rarò respi-
piscit.*

*Voluptas
gulæ brevis*

*Innoc. l. 2.
de contem-
ptu mundi
c. 17*

*Bernard in
Apol
Gulosus si-
bi crudelis*

commoda abstinentiæ. Primum quod hostis grauiſſimus hac dometur; multoque magis quam omnibus aliis corporis exercitationibus; ciliciis flagellis, humi cubationibus; deprimatur. Nam vt nullo facilius ignis quàm subtractione lignorum extinguitur: ita concupiscentia, fomesque peccati nullo magis curatur, quàm si vitiorum omnium alimenta per abstinentiam submoueantur. Cōtemplare olim eremi cultores omni virtutum genere illustres: percunctare ex eis, quem de eâ sensum habuerint, cū in eâ magnam sanctitatis partem posuerint.

Corpus ieiunio melius domatur, quàm aliâ penitentiâ.

HOMO. Basiliius certè tuus ait: Ventr̃is moderatio animi perturbationum compressio est. Chrysologus autem: Jeiunium omnium vitiorum mors, & vita virtutum. Neque sancti tantū, sed & Philosophi, ac prudentiores plurimi hanc virtutem fecerunt; adeo vt Artaxerxi, ac Ptolomæo aqua & panis deliciae fuerint, & à Lacedæmoniis coquus * omnis decreto perpetuo proscrip̃tus. Et omnes, qui in agone contendunt, ab omnibus se abſtinent, vt corruptibilem coronam percipiant; nos autem, ô rem indignam, & lacrymis prosequendam! nos autem incorruptam præstolamur.

Basil. const. monast. c. 8. Chrysolog.

** Excipe coquum iuris nigri. Plut. in Laconic. Cic. 5. Tuscul. 1. Cor. 9.*

Credo tibi, ô aterna veritas, vt supr. pag. 7.

PUNCTVM IV. CHRISTVS. Considera insuper quàm sapè quàm grauit̃er gula à me punita fuerit: nam præter Adamum, quo Lothum adduxerit ignominæ notū est, quò miseriarum Sodomam, quò filios Heli, quò Esau, quò Prophetam illum in Bethel: quanti steterit Israëlitis concupiscentia carnis in deserto; & aliàs iterum, cū triginta tria millia interfecta sunt. Adde diuitem Epulonem, imò plurimos, quos hæc bellua vorauit, & in æternas ærumnas præcipitauit. Et vide quomodo maximè ieiunio, deinde aliis mortificationum generibus corpus in seruitutem redigere oporteat.

Gulæ punitio. Gen. 19.

1. Reg. 2. Gen. 25. 3. Reg. 13. Exod. 32. Lucæ 16.

PUNCT. V. HOMO. Animaduerto, & appendo omnes quotquot fuerunt celebrati in vtroque testamento, ieiunio.

Omnes Sæc. & ieiunio celebrati.

I. Cor. 9.

Gal. 5.

*Exemplum
Christi.
Ioan. 19.*

nio, & mortificationibus corpus domuisse. Moyses ieiunio legem, & tecum familiaritatem, vti etiam Elias, impetrauit: Niniuitæ verò iratum placârunt. Quàm ieiunio illustris fuerit Ioannes, quo nō surrexit maior, omnes nouimus: & Anna illa Prophetissa. Apostolus Paulus certè de se ait: Castigo corpus meum, & in seruitutē redigo, ne fortè cū aliis prædicauero, ipse reprobus efficiar: qui enim CHRISTI sunt, carnem suam crucifixerunt cum vitiis, & concupiscentiis suis.

CHRISTVS. Tu vide coram me an ex iis sis, an oblectamenta carnis quæras, iis inhies, an Spiritus ac salutis tuæ auxilia, vt carni blandiaris, contemnas. Attende ad me exemplar perfectionis, esurientem, sitientem, noctibus orantem, & in laboribus plurimis à iuuentute meâ, postremò aceto & felle in cruce potatum. Extremum illum actum esse volui, vt temperantiam te edoceram.

HOMO. Ita luebas benignissime JESV, peccatum gulæ, quo primus parens noster, & nos filij eius in tantas ærumnas deuenimus?

Exercitium pro poenitentia & ieiunij virtute impetrandâ.

Aug. l. 10.
Conf. c. 31

DOMINE JESV Christe, doce me, quaeso per viscera misericordie tuæ, vt, quemadmodum medicamenta, sic alimenta, sumpturus accedam. Tu sis mea delectatio, tu mea gloriatio, JESV mundi saluatio. Cibus meus sit facere voluntatē tuam: absit vt ego, qui tuus esse volo, carnem non crucifigam, sed ei seruiam; ventris sim mancipium, sanguine tuo libertate donatus: da mihi, quaeso, in te delectari. Nōne tu enim panis ille omne delectamentum in se verè habens? Credo; & panis vita? hunc spero; panis Angelorum factus mihi viaticū, & medicina, & solatium? Hunc toto corde amo & requiro Da iam mihi delectari in te, & vanitatem odisse, vt amem te: da quod iubes, & iube quod vis. iste, aiebat Augustinus seruus tuus, accepisse fatetur. audiui alium rogantem vt accipiat: aufer à me. quis enim JESV bone, vincet eam quā superati sunt fortissi-

Aug. l. 10.
Conf. c.
29. & 31.

fortissimi athleta; nisi per te, qui es vnica salus & fortitudo mea?

De profundis clamaui ad te domine, Domine exaudi vocē meam: veni enim in altitudinem maris, & tempestas demersit me. Quis verò me liberabit, Deus meus, nisi tu qui conturbas profundū maris, & sonum fluctuū eius mitigas? ah! quis mihi tribuat lauare cum Propheta tuo per singulas noctes lectū meum, & lacrymis meis stratum meum rigare, vt eluere possim peccata mea, & irriguo duplici sterilem animam meam fecundare, vt possit æternum luctū, æterna scq; redimere lacrymas? Si enim gehennæ pœnas in hoc paruo vitæ spatio compēsauero, scio quod tuā gratiā eas euadam: neque enim punis bis in idipsum, sed misericordia tua super omnia opera tua: verūtamen vis, vt fructus agamus dignos pœnitentiæ bone IESV; & in te ipso exempla nobis dare dignatus es, atque adeo si quis, vt Apostolus tuus ait, tuus est, carnem suam crucifigit cū concupiscentiis suis, non tractat molliter, vt velut seruū sentiat contumacē. Si ergo tuus esse nequeo, bone IESV, nisi carnem crucifigam, non mihi & illi perniciosè blandiar, sed vestigia tua, & sanctorum tuorum ita sequar. Nō est seruus maior domino suo; si te oportuit pati, & ita intrare in gloriam tuam, quid me facere conuenit?

Psal. 129.

Egone deinceps audebo delicatus miles molli strato vti, & indui splendide, & epulari? Quomodo potero carni & curiositati vix quicquam negare, imò ei curare sedulo, vnde anima crucetur, spiritus extinguatur, deuotio intepescat, profectus retardetur, proximus offendatur, ac nihilominus petere regnū tuum qui nō habuisti vbi caput reclinare; qui & fame cruciatus fuisti, & felle potatus? Verè si regnum tuū vim patitur, & violenti rapiunt illud, quomodo delicatus in illud penetrabo? si mortificanda membra nostra, quæ sunt super terrā, quomodo quarā incentiuā vitiorum. & hosti prabebo manus & auxilia? si beati qui lugent, eheu! quomodo felices erūt quibus nihil placet nisi iocus, cibus & ludus? Cupio gratiā tuā benignissime IESV, pœnitentias tum Sanctis omnibus amare: aut enim ipse homo in se pœnitens punit peccatum suum (vt tuus

Galat. 5.

Greg. l. 9.
Mor. c. 17.

Ambr. l.
de vn. pœ-
nit. cap.
10.

Gregorius) aut hoc tu Deus meus cū homine vindicans pu-
nis. Statuo facere fructus dignos pœnitentiæ, vt gaudium tibi
sit tandē, Deus meus, & Angelis tuis super me peccatore pœ-
nitentiā agente, qui toties contristauit Spiritum sanctum tuū,
& malum corā te feci. Difficile, scio, est dignos facere, cū di-
cat Ambrosius seruus tuus : Facilius inueni qui innocentiam
seruauerint, quā qui congruē pœnitentiā egerint. Sed, pater
mi, omnia tibi possibilia & facilia sunt, & mihi erunt gratia
tuā, quā humillimē rogo, vt mihi concedere digneris, Amen.

Praxis ad ieiunium seruandum.

Gulæ signa

PRIMA est, attendere quemadmodum quis corpus suum
foueat, an nutriet illud, vt seruū delicatē, sentiatq; eū-
dem contumacem. Id verò futurū est, si gulæ quis seruiat, si
vetita edat, si noxia, si multa, si intempestiuē, si delicatē, ar-
denter corpus nutriatur.

Abnegatio-
nis signa.

Secunda, abnegationis signa perpendere an ea in te sint:
Primū est, timor, ne quis rapiatur extra metas necessitatis.
Secundū, diligens custodia sui ante cibos, & inter edendū,
ne præcurrat voluptas necessitatem, & illa huic præfera-
tur. Tertium, si molestum necessitati parere. Quartum, ne-
cessaria admittere condimenta, exquisita reiicere.

Mensuram
statue.

Tertia, optima praxis erit statuere sibi mensuram aliquā
cibi & potus moderatā. si enim ab animantibus etiā id fieri
consuevit, multo magis homini conuenit, vt ratione potius
quā sensu ducatur. Si quis verò nos trahat sensus volupta-
tis, cogitandū nos homines esse, Christianos esse, ac liberos,
non voluptatis, nō carnis mancipia, sed Christi IESV seruos
& filios, ad maiora natos ac vocatos: imò fingere nos iā eā
fruitos fuisse, quodd si enim nobis id persuaserimus, perinde
certē erit, vt Bonauentura eleganter ostendit, ac si verē
fruiti fuissēmus.

Bonau. de
perfect.

Quarta erit, condimenta alieno relinquere arbitrio, de
nullo queri, imò etiā quæ maximē appetit gula, alteri, po-
tissimū pauperi, largiri. Quod quā Deo ac Domino nostro
gratum sit sacrificium, ipse aliquando miraculis declarauit.

Tempus or-
dina.

Quinta, horam statam seruare, neque etiam extra tempus
facile quidpiam sumere.

Sexta, non protrahere mensas ad horas, neq; exquisitas
parare, turpe certē est sacrificiū ab iis quorū Deus venter
est, vt Apostolus loquitur, diutius illi fieri quā summo Deo:
ibi longitudinē laudari, hic etiā breuitatem magno esse fa-
stidio.

ftidio. Inſpice quorſū conuiuia producantur, nempè vt diu-
tius ſeruiatur cupiditati, venter magis diſtendatur, atq; is
plura ſenſim admittat qui reſpuit ſubito repleri, vt precio-
ſiſſimo tempore, ſumptu, cupediis & condimentis inuitetur
& inducatur ad faſtidiū, cū breui & paruo illi fames con-
ſtare poſſit, vt grauetur anima, corpus oneretur, homineaq;
homo paulatim exuat. Audite, audite, ait Bernardus, quia
eſca ventri, & venter eſcis, Deus autem & hunc & has de-
ſtruet. aër, terra, mare gulofitati vix ſufficiunt, propter hoc
contingit pauperes ſpoliari, & rapinas fieri, vt fames pau-
perum tranſeat in delicias diuitū. Filij hominū vſquequò
grauī corde, quia pingui corpore, vt quid diligitis vanitatē,
& veritatem negligitis? O delicate, qui delicijs & diuitijs
circuſuſus atq; confuſus confuſionē expectas ad mortē!
non eſt regnum Dei eſca & potus, non purpura & byſſus,
quia diues ille vtroq; circumfluus in puncto ad inferna de-
ſcendit. Quid ad hæc dicitis vos gulofī & luxurioſi, quorū
Deus venter eſt, quorum omnis vſus aut in ventre, aut ſub
ventre eſt; qui in luxurijs enutriſtis corda veſtra & corpo-
ra veſtra? Omitto, pauperes ad portā panē poſtulare, dum
diuites famē ſtudent cupediis irritare, precioſa quæruntur,
vt illa excitetur, & perduntur; & ſi vilia pauperi fuiſſent
proiecta famelico, cibis & annona parata diuiti fuiſſet in
æternū. Cauendum igitur iuxta D. Pauli monitū & exem-
plum, ne faciamus animam noſtram precioſiorem quā nos
ipſos. Probabimus hoc, inquit Bernardus, ſi perdiderimus
eā, corporis voluptatibus renunciando, & carnē crucifigen-
do cum vitijs & concupiſcentijs. Quid, ait ſuos alloquens,
hic vos dicitis obſeruatores ciborum, morum neglectores?
Hippocrates & ſequaces eius docent animas ſalvas facere
in hoc mundo, Chriſtus & eius diſcipuli perdere. Quemnā
vos è duobus magiſtrum ſequi eligitis? at manifeſtū ſe facit
qui ſic diſputat. Hoc oculis, hoc capiti, &c. nocet, nō in E-
uangelio legiſtis has differentias, aut in Prophetis, aut in
litteris Apoſtolorū. caro & ſanguis profectò reuelauit tibi
hanc ſapientiā, nō Spiritus Patris. & infrā: Puta te, quæſo,
monachum eſſe, non medicū, nec de complexionē iudican-
dum, ſed de profeſſione. Temperat multū voluptatem in
Religione pia ſuper menſam lectio; vtinam ſæculares, qui-
bus de coquo magna cura, nō puderet ſic animam paſcere,
nec pigeret plurimis ſerculis corpori preparatis vnum ani-
mæ tribuere! Vtilior certè pincerna, qui huic, vnde creſcat,
firmeretur atque orneretur, miniſtrat, quā is qui corpori, vnde
vt plurimū delicietur & infirmeretur.

Oratio pro execut. *Dignatus es*, vt ſup. pag. 10.

*Epist. 2. ad
Fulconem.*

*Pauperum
miserere &
guloſe.*

*Serm. 30.
in Cant.*

JACVLATORIÆ,

- Galat. 5. **Q**ui Christi sunt, carnem suam crucifixerunt cum vitiis & concupiscentiis suis.
- Lucæ 13. Nisi penitentiam habueritis, omnes similiter peribitis.
- Ioel 2. Conuertimini ad me in toto corde vestro, in ieiunio, fletu, planctu.
- Coloss. 3. Mortificate membra vestra quæ sunt super terram.
- Psa. 43. Propter te mortificamur totâ die, facti sumus sicut oves occisionis.
- Abdiæ 15 Sicut fecisti, sic fiet tibi, retributionem tuam conuertet in caput tuum.
- Habac. 3. Ingrediatur putredo in ossibus meis, & subter me scateat, ut requiescam in die tribulationis.
- I. Cor. 9. Castigo corpus meum, & in seruitutem redigo, ne fortè, cum aliis prædicauero, ipse reprobus efficiar.
- Galat. 2. Christo confixus sum cruci, viuo autem iam non ego, uiuit verò in me Christus.
- Philip. 3. Configuratus sum morti Christi, si quo modo occurrâ ad resurrectionem quæ est ex mortuis.
- Galat. ult. De cætero nemo mihi molestus sit: ego enim stigmata Domini nostri Iesu Christi in corpore meo porto.

CAPVT X.

Meditatio de Eleemosynâ secundo opere satisfactorio.

- Psal. 10. **P**VNCTVM I. Homo, Oculi tui, Domine, in pauperem respiciunt, & palpebræ tuæ interrogant filios hominum: si ergo tu in pauperes respicis, & in iis me, vti confido, & intima cordis mei, quis despicere eum poterit, & cum tu desiderium eius exaudias, quis illum repellere?
- Presentia Dei. **CHRISTVS.** Vides vniuersum hoc, & omnia quæ in eo continentur? ecce quàm liberalis in te fuerim Deus tuus, quàm munificus in te hominem ingratum, & quidem vltro ac spontè absque merito tuo: Attende, obsecro, quomodo me imiteris. Nonne enim dixi: Estote misericordes, sicut Pater vester misericors est? & iterum: Beati misericordes, quoniam ipsi misericordiam consequentur?
- Dei erga homines liberalitas. Lucæ 6.

quentur? vis ergo tu misericordiam à me , impende alteri, & mitte panem tuum super transeuntes aquas, quia post tempora multa inuenies illum. *Haccine credo, vt sup. pag. 7.*

Ecc. II.

Homo. Quid pro his omnibus, magne Deus , quid ex his , inquam, tibi non reddi (omnia enim in manu tuâ sunt) sed quid præsentari tibi solum cupis ? nihil enim magis indignum , quàm quippiam tibi Regi regum , & Domino dominantium negare. Nulla maior ignorantia , quàm te in pauperibus non agnoscere , & cum stulto illo Nabal dicere , Tollam panes meos & aquas meas & carnes pecorum quæ occidi messoribus meis , & dabo viris quos nescio vnde sint ? Quis enim sis , & vnde sis qui per pauperem rogas, scimus. Quid enim aliud est facere eleemosynam, quàm tibi id quod tuum est , & in manu tuâ, tibi inquam petenti per pauperem à te missum non tam dare quàm reddere & seruare, non perdere sed lucrari? Et hæc credimus, & illiberales erga te esse possumus?

Deo nō datur, sed redditur vel offertur.

2. Reg. 15.

Deo datur quod pauperi.

Credo tibi, &c. vt sup. pag. 7.

DEVS. Attende me perinde facere, ac si puero parens plurima daret , deinde vt videret gratitudinem, & indolem, exiguum quid peteret. Ita enim à diuite peto per pauperem, pro aureis à me datis, æreos; pro sericis scruta, pro delicijs vilia peto esculenta.

Preciosa dat Deus, vilia repetit.

Homo. Petis, & negantur Eheu! tibi sæpè lacrymosâ postulanti voce pauperum , bone IESV , quæ etiam si penetret in cælum , aures tuas , Domine Deus exercituum , emollire sæpè nequit dura pectora mortaliū.

CHRISTVS. Considera, si parens plurima bona sua vt filio suo nuptias illustres conciliaret, dedisset; atque is deinde filij causâ pauper ab eo stipem , frustumque panis peteret , nōne durissimum & crudelissimum esset hæc negari?

Simile.

Homo. Ita certè fieri video dum famelico pauperi,

G 3

& eiu-

Ambros.

& eiulanti panis negatur. quem si tu diues egentem non pauiſti, occidiſti, vt Ambroſius loquitur.

Clementiſſime Deus, vt infr. pag. III.

*Vide quid
det Deo
quid ve-
rat.*

PVNCTVM II. CHRIS TVS. Quid verò eſt, & quàm vile, quod à vobis diuitibus mihi, cuius eſt terra & plenitudo eius, eleëmofynæ nomine & quidem meo datur? Terræ fruſtulum, vilis lacerna, is ferè cibus quem tuus venter ſatur ſuſtidit. Et tamen hæc in pauperibus meis gratanti animo accipio, pro iis gratum me exhibeo, imò centuplum promitto. Et non erubeſcis hæc mihi negare petenti, imò cum lacrymis & clamore valido poſtulant? *Hæccine vera*, vt ſup. pag. 7.

Auguſt.

HOMO. Admiror infinitam bonitatem tuam, quam certè vincere non potest malitia & auaritia noſtra. Et audio Auguſtinum tuum monentem me quaſi ex te: Reminiſcere non ſolùm quid des, ſed & quid accipias, Panis quem das, terra eſt de terrâ in terram, vt ſulciatur terra. Poterit itaque pauper dicere: vide ne plus tibi præſtem accipiendo, quàm tu dando: Si enim non eſſet qui à te acciperet, non erogares terram, & emeris cælum. Contemne me, ſi nihil petit ab eo qui fecit me & te.

DEVS. Appende hæc in trutinâ rationis coram me; & vide an eleemofyna parua magnis fructibus & commodis corporis & animæ non longè ſit inferior, immò infinitis ferè partibus, & tu illam vt hæc conſequaris, malè collocatam putabiſ.

*Eleemofy-
na ſeruat
nobis quæ
peritura
erant.*

HOMO. Imò gratiâ tuâ & luce tua video ſi eleemofyna à nobis præſtetur, perinde eſſe ac ſi in incendio, diluuiò, in direptionis ſummo periculo aliena noſtræ fidei eſſent commiſſa, & omnia nobis præſtanda forent pericula: Tu verò Domine velut integerrimus amicus te offerres, vt hæc nobis eripienda ſeruares nobis, & auſta centuplo crederes in æternum. *Hæccine credimus? Hæccine credimus?* quæ tamen certiora ſunt quàm me viuere qui hæc lego; quæ infania nolle tibi tradere quod

quod tuum est, quodq; vt nostrum perpetuò esse possit
seruræ nobis vis, ne mors omnia rapiat.

CHRISTVS. Quid habes auare, & conquisitor huius se-
culi? quid in me desideras? fidelitatem? potentiam? cur
cuius ferè centuplum promittenti credis thesauros tuos,
& mihi pauperibusque meis vix nummum?

HOMO. Certè Domine, ambigo an talis verè dici
possit credere Euangelio & veritati tuæ. Quid enim
frequentius inculcatur & commendatur? Date, ais, Sal-
uator mi, eleemosynam, & omnia munda sunt vobis. Et
rursus: Vendite quæ possidetis, & date eleemosynam.
Atque adeò perfectionem in eo posuisti dicens: Si vis
perfectus esse, vade & vende omnia quæ habes, & da
pauperibus, & habebis thesaurum magnum in cælo. *Luc. 11.*
Neque id tantum in nouo testamento, sed & in veteri *Luc. 12.*
decreuisti racemos in vineâ pauperi relinquendos, &
spicas in agro, & manipulum oblitum. Denique iussisti *Matth. 19.*
frangi esurienti panem: & egenos vagosque induci in *Leuit. 19.*
domum: & alio rursus loco. Ego præcipio tibi vt ape- *Leuit. 23.*
rias manum tuam fratri tuo egeno. Quid dicemus ad *Deut. 24.*
hæc? Si vera sunt & credimus (sunt autem verissima &
credere nos profitemur) horrendum erit incidere in ma- *Isaia 59.*
nus tuas. *Deut. 15.*

CHRISTVS. O stulti & tardi corde ad credendum!
nónne videtis quàm brevis hîc sit possessio bonorum *Ad momē-*
mundi huius? & vitæ spatium hora est, imò momen- *tū possidere*
tum, & de hoc solliciti totâ prope vitâ, de æternitate, *vult au-*
æternisque opibus vix cogitatis? Dic quæso: reputasti *rus potiùs*
tecum, qui rationibus tuis temporalibus ita inuigilas, *quàm æ-*
quantum in regno meo possideas, vbi perpetuò viuere &
manere exoptas? *ternum.*

Clementissime Deus, &c. vt inf. pag. 111.

HOMO. Gratias tibi ago, benignissime Deus, quòd
iudicia hæc tua manifestaueris mihi. Nemo, video, sibi
crudelior hostis quàm immiseri cors. Quâ enim mensurâ
mensus quis fuerit; eadem remetiètur ei, & qui parçè,
vt

Matth. 7.

2. Cor 9. *Crudelis si-
bi est, qui
parcus in
eleemosyna.* vt Apostolus tuus, seminat, parcè & metet. Iusto enim
iudicio fit, vt hic etiam tales experiantur paupertatem,
qui eam in membris tuis leuare noluerunt. Quot enim
potentes ære alieno & ludo & fastu patrimonia ab-
sumserunt de quibus pauperi arrosam stipem largiri, vi-
debatur illis esse onus grauius quàm ferre possent? non
Galat. 6. irrideris Deus meus, non irrideris. Contrà verò veritas
huius sententiæ manifesta omnium sæculorum expe-
Prou. 19. rientia, quòd sceneretur Domino, qui miseretur paupe-
ris & vicissitudinem suam reddet ei: qui enim dat pau-
Prou. 28. perum non indigebit; qui despicit deprecantem, sustine-
bit penuriam. Hæccine credo, & tanquam si crederem
operor? Ergone fallere pores, qui centuplum promisi-
Prou. 3. sti? quiq̃ue dixisti: Honora Dominum de tuâ substantiâ,
& de primitiis frugum da pauperibus, & implebuntur
horrea tua vbertate, & torcularia tua abundabunt vi-
no? Verissimum est illud: Alii diuidunt propria & di-
Prou. 11. tiores fiunt; alii rapiunt non sua, & semper in egestate
sunt. Ita patuit in viduâ paupere, quæ Eliam paup̃, &
3. Reg. 17. diues facta fuit in communi egestate. Et verò nōne
*Mendici,
sumus, &
mendicos
audire no-
lumus.* scimus nos quoque mendicos esse ad portam tuam, ô
Rex regum, & Domine dominantium, te verò paupe-
rem submittere, qui nomine tuo à nobis petat? Quid
ergo iustius quàm vt qui obturat aurem suam ad cla-
morem pauperis, & ipse clamet, & non exaudiat?
Prou. 25. An ignoramus illud decretum tuum: Date & dabitur
vobis: & rursum: Beatius est dare, quàm accipere? quis
hæc credit Deus meus, & ea quæ dat, seruare se, & cum
scenore recepturum? sic me docuit tuus August. dicens:
August. Quid sunt pauperes quibus damus, nisi delatores no-
stri? Delatori enim das; in cælum portat: quod das an
excidit tibi? & securiùs certè deferuntur diuitiæ per ma-
nus plurium quàm vnius.
- Luc. 16. CHRISTVS. Mirum non percelli homines supplicio
Epuloris diuitis & auari, qui micas negauit Lazaro,
qui jam recumlit mecum in cælo; vel Mauritii impe-
ratoris,

ratoris, qui militum vitam nec vili quidem nummo redimere voluit, quos ego sanguinis mei precio emeram.

HOMO. Recordor sententiæ illius tuæ, ô sapientia æterna: Date eleëmofynam, & omnia munda sunt vobis. Quæ ergo bona ab eâ non speranda, cùm & à peccatis liberet, & pro iis satisfacit? Ideoque aiebat Daniel Nabuchodonosori: Consilium meum tibi placeat: peccata tua eleëmofynis redime. Quoniam eleëmofyna à morte liberat: ipsa est quæ purgat peccata, & facit inuenire misericordiam, & vitam æternam. Illa, scio, fidem impetrauit Cornelio; illa denique gratiam conseruat. Eleëmofyna enim viri quasi sacculus cum ipso, & gratiam hominis quasi pupillam conseruabit: super scutum potentis, & super lanceam aduersus inimicum tuum pugnabit.

Dan 4.

Tob. 12.

Act. 10.

Eccl. 17.

CHRISTVS. Attende igitur eleëmofynæ præstantiam, cuius artem scire, teste seruo meo Chrysostomo, amplius est quàm esse regem, quàm mortuum suscitare.

*Eleëmofyna
regno utili.
or. Chrys.
hom. 33. ad
pop. Antioch.*

HOMO. Per hæc enim, tu Deus, de nobis, per illam nos de te Deo meo benè meremur. Eheu! quid in die iudicii respondebit, qui hæc jam furdus auribus audit? & quàm iucunda erit electis vox tua illa dulcis: Venite benedicti Patris mei, possidete regnum. Esuriui enim, & dedistis mihi manducare in minimis meis, in eis me potastis & vestiistis. Quàm verò triste erit: Ite à me maledicti in ignem æternum? & Cur? Quia esuriui, & non dedistis mihi manducare, hospes eram, & non suscepistis me.

Matth. 25

CHRISTVS Quid tunc fecisse optares tu qui hæc legis? vtram audire vocem? Expende iam quid præstet: habere in hac vitâ vnde tu, filijque tui & cognati luxurietur, & non præbere vnde ego egenus reficiar, an foenerari mihi, & centuplum, atque æternam vitam possidere: *Hæcine vera & c. sup. pag. 7.*

HOMO. Certè si hæc crederent homines, nescio quis

*Hierón. ad
Nepot.
Eleemosy-
na liberat
à malâ
morte.*

*Orat. ad
diuites.*

*Basil. hom.
in illud,
Destruam.*

*Luca 6.
Prou. 28,
Infidelitas
mortaliū.*

*2. Cor. 8.
1. Tim. 6.*

quis pauper diues non esset, & quis diues pauperem non se faceret. Si, inquam, crederent æternam retributionem, peccatorum veniam eleemosynæ tribui, & mortem bonam & æternam vitam. Non meminī, aiebat ille, me legisse malâ morte mortuum, qui libenter opera charitatis exercuit. Habet enim multos intercessores, & impossibile est multorum preces non exaudiri. Et tu beatos dixisti misericordes, quoniam misericordiam consequentur, & è monte Oliuarum in cælum ascendisti, quod in illud nulla via commodior misericordiâ. Illa enim nobis aperit cælum, illa tribuit regnum. Quàm ergo infelix, qui illam negligit! dicit mihi Basilius tuus: non misertus es? non inuenies misericordiam; non aperuisti domum? repudiaberis à regno; non dedisti panem? non accipies vitam æternam. Vtinam destruat omnis diues horrea sua, & sua esse faciat pauperum domos, vt tua illius sint tabernacula! esurientis verè est panis, quem diues detinet: nudi est pallium quod in vestiario conseruat: discalceati est calceus, qui apud eum computrescit. Qui habuerit substantiam mundi huius, & viderit fratrem suum necesse habere, & clauferit viscera sua ab eo, quomodo charitas Dei manet in illo? ita discipulus tuus. Vt non diligamus verbo, neque linguâ, sed opere & veritate.

DEVS. Nónne dixi: Date, & dabitur vobis? an fallere possum, aut mentiri? nónne dixi: Qui dat pauperi, non indigebit? veránne hæc sunt? Iterum dico: Appende in staterâ commoda eleemosynæ, nec me patieris egenum, vt tu diues sis, nec mihi detrahes quo te vestias, nec tu comedes, & me fines esurire. Et si pauperem te esse oporteret, magnâne res te fieri propter me pauperem, qui propter vos egenus factus sum, cùm essem diues? dixi per Apostolum: Nihil intulimus in hunc mundum, verùm nec auferre quid possumus; habentes autem alimenta, & quibus tegamur, his contenti

contenti sumus. Tu verò contentus esse non vis. Quando verò occidi fame animam iustam? nonne Eliam paucoruo in solitudine, & Paulum? & Danieli in lacu prandium misi? Et si ego vitam dedi tibi, nonne & seruare eam potero? Quid inquam? si vitam meam posui pro te, recusare poteris mihi partem panis, cui tantus es debitor?

Homo. Verè video non esse quod respondeamus, & gratias tibi ago, Deus meus, quòd iudicia tua hæc manifestaueris mihi. Iuravi enim & statui custodire iudicia iustitiæ tuæ.

EXERCITIVM.

CLEMENTISSIME Deus, qui hanc legem nobis statuisti, vt quâ mensurâ mensi fuerimus, remetiatur nobis, da mihi, quaeso, gratiam tuam, ne qui quotidie panem & veniam peccatis meis, ac regnū tuū postulo, & exaudiri opto, avertam faciem meā ab vilo paupere: vt nec à me auertatur facies tua, qui misericordiam velle te dixisti, & non sacrificiū. Quomodo enim sustinere possem in iudicio tuo hoc verbū tuum penetrabilis omni gladio ancipiti, Esurivi ego, & tu non dedisti mihi manducare; etiā poscis manducare panem perpetuū in regno meo? sitiui, & potum negasti; & iam vis inebriari ab vbertate domus meæ? nudus eram, & non me texisti; & nunc poscis indui gloriā, ac stolā immortalitatis vestiri? in carcere eram, nec me visitasti; & libertate filiorum frui exoptas? hospes eram, & non me collegisti; & iam mansionem perpetuā vindicare tibi audes in regno meo? infirmus erā, & non me visitasti; mortuus erā, & non me sepeliuisti; quomodo ergo audes vitam aternā à me flagitare? Hæc vox tua Domine, confringit Cedros Libani; vox hac tua intercidit flammā ignis, à voce hac contremuerūt labia mea. Ignosce, obsecro, quòd aliquando nō agnouerim te, aut repulerim, aut aliter acceperim quā à te suscipi velim, cum verè sim mendicus & pauper, & tu sollicitus sis mei. Da mihi obsecro ea facere proximo, quæ mihi ab eo fieri velim, & abs te, dum nudus & egenus de valle hac lacrymarū venio ad te, vt recipias me in aterna tabernacula. Non enim

bona

Prou. 10.
3. Reg. 17.
Dan. 14.
Bern.

Matth. 7.

Tob. 4.
Matth. 9.
Osee 6.

Matth. 25
Audi
Christum
alioquenter te.

Psal. 28.

Psal. 29.
Fac proximo
quod optas fieri
tibi.

bona comitantur, sed misericordia sola, neq; hinc quicquid auferemus qui nihil intulimus, nisi id quod manu pauperum praemiserimus. Et si hic fregero esurienti panem, dixisti: Tunc inuocabis, & Dominus exaudiet: clamabis, & dicet: Ecce adsum. O quanta fiducia coram te Deo meo est eleemosyna omnibus facientibus eam! Mensura utique bona & confecta quam nobis optamus.

Ibid.

Scio, scio solos misericordes misericordiam consecuturos. Et verè Domine quid est, quod quisquā respondere poterit, quæ arguit conscientia iniquitatis, auaritiæ, & infidelitatis in dispensatione bonorum tuorum? Nonne enim certò noui tua esse omnia, calum & terram, & omnia, quæ in eis continentur; me verò dispensatorem, cui ratio sit reddenda seuerissima, nisi reddidero tua tibi: si autem reddidero, mea futura, quæ tua sunt, idque in æternum. Cur ergo quæ tua sunt non reddam tibi? Quid peccasti in me, liberalissime Deus meus, quod omni homini infideli & mendaci (Omnis enim homo mendax) credo, & non tibi, qui veritas es? an tanto mei tuique odio feror, ut potius nolum esse beatus & felix, quàm reddere tibi quod tuum est? nolum centupium habere potius, quàm tibi, quod tuum est, vnum largiri, & simul tamen hoc ipsum mihi retinere? Eheu! quæ cecitas! nolo in manus pauperis, id est, gazophylacium tuum conferre, ut seruetur æternum mihi, & malo infelix homo rapere tibi (quod tamen non valeo) & perire mihi, quàm tuo consilio omnia seruare, & seruari. Onerant me opes meæ, & vix dirum pronuntiant: sed & mihi fures insidiantur, nolo tamen comiti dare, & leuari; furi opto tradere, & rapi. O misericordia, quæ de spinis diuitiarum colligis vuas, de malis aliorum bona, de paupertate opes, infirmitatibus vires, ignominiam gloriam sempiternam. O charitas infinita, Deus meus, da mihi cor latum sicut arena maris, ut tui imitator libens omnibus, maxime aduersariis, tribuam, & honorem te, Domine, miseredno pauperis. Quot enim maledicentes tibi, & idololatræ alii, pascis, & deliciis affluere facis, & solem tuum oriri super bonos, & malos! nolo itaque deinceps videre, quis sit qui accipiat, sed pro quo ipse capiat, & cui ego tribuam; nolo parcere seminare, & parcere metere:

sed

sed seminare in benedictione, vt tandem audiā in illo die dul-
cissima verba, Venite benedicti Patris mei, & possidete regnū,
quod spero, & humillimè rogo per viscera misericordiae tuae.

Matth. 25
Lucæ 1.

Imò verò hodie, spero, adueniet mihi regnum tuum, & tu
Rex regum, & Dominus dominantium. Si autem ego postulo
abs te, vt des mihi regnum, carnem, & sanguinem tuum, ego-
ne terræ frustum rubræ aut albæ tibi negare potero? Quā
fronte ad conuiuium tuum properabo, qui te à meo conuiuio
excludo? Quomodo panem supersubstantialiẽ à te petam, si
quotidianum tibi negaui? cū ergo te mihi largiri velis,
ego gratiā tuā me tibi toto corde offero, totā animā meā.
Suscipe quæso hoc cor meum, & fac ibi conuiuium pinguiū,
& medullariorum. Suscipe quidquid de manu tuā accepi.
Reddo, reddo libens, & me totum tibi, à quo exemptus sum
pretio tanto, & mirabiliter factus, sed longe mirabilius re-
fectus. Sicut autem tu me non despicias, quin pauperem &
claudum etiā ad cœnam tuam admittis, ego pariter nullum
pauperem repellam, id est te Deum meum. Tu enim Deus meus
à me petis, tu qui diues es in omnes qui inuocant te. Nullum
fastidiam quando tu non dedignaris venire in cor meum im-
mundum. Munda obsecro illud, & spiritum rectum innoua in
visceribus meis, vt te imiter liberalissimum Deum meum, &
diligam in latitudine cordis, & seruiam tibi omnibus diebus
vitæ meæ, Amen.

Applica-
tio ad
Communi-
onem.

Praxis in Eleëmofynis erogandis.

PRIMÒ, inspicere rationes, & bona tua, & vide quid in
æternâ patriâ, quid hîc possideas O quàm sæpè flam-
ma, vis, casus aufert bonas, quæ si tribuisses pauperi, æterna
tibi fuissent, thesaurumque habuisses in cælo; & argue in-
fidelitatem tuam, inuadere domum hostis potest, cælum
non potest.

Vide quid
in cælo
possideas.

Secundò, partire bona tua, & pauperibus certā de omni-
bus portionem assigna, eamque humiliter tribue petenti; &
nulli eleëmofynam nega quoad potes. si pauper, si Religio-
sus es, argentumque & aurum non est tibi, pere à Domino
vt pauperi tribuat; si potes, verbis solare, & benigniore
vultu, qui que commiserationem spiret, non indignationem.

Assigna
pauperibus
partem
bonorum.

Tertiò, non tantum petenti largire, sed vltro eos quere,
qui tuas opes in cælestem patriam velut baiuli portent.

Vltro
quare.
pauperes.

H

Quartò,

*eleēmosy-
nam dilige.*

*Lucæ 14.
Conviniū
pauperibus
tribue.*

Lucæ 14.

*Primitias
omnium
Deo dica.*

*Hom 43 in
I ad Co-
rint.*

*Christus sit
hæres tuus,
vt tu illius.
Deus asse-
curatore est.*

*Industria
bona.*

Alter.

Tertia.

*Tria ser-
uanda in
eleēmosynā.*

Quartò, filios, & tibi commissos assuesce eleēmosynis, sic de pientissimā Reginā Hispaniarum Margaretā memoriæ proditur, ita suos, quos pepererat ad Christiani orbis solarium & præsidium liberos, instruere solitam, vt illi à teneris unguiculis suā etiā manu tribuerent eleēmosynam.

Conviniū institue illis quandoque, & ministra, quod solenne est etiā Regibus, & aliquibus familiis in bacchanalibus; ubi illud Euangelicū servatur: Cum facis conviniū, noli vocare amicos, sed voca pauperes, debiles, claudos, cæcos; & beatus eris, quia non habent retribuere tibi.

Sextò, optima est praxis de omni lucro diei, nec non artis, industriæ, & contractus, Deo primitias dedicare: imò in mercaturā Christum socium habere, ejusque negotium gerere, & lucrum pauperibus elargiri. Suadet D. Chrysostomus arcam habere, atque in eā eleēmosynam ante orationem seponere.

Septimò, inter hæredes etiam Christum scribere; & perpetuò aliquem pauperem Christi nomine perfecte alere, bona est praxis, & usitata, etsi à paucis.

Octavò, id quod asscuratori dares, Deo aut pauperibus tribuere. Sic nobilis mercator Hispali felicissimè negotiatus est: contra verò cum Olissipone alius idem facere solitus, naves propè in portu aspiceret, & à piā simul consuetudine descisceret, mox illæ, ortā tempestate, & herus omnibus fortunis eversus est.

Nonò, curare, ut pueri petitori pro paupere eleēmosynam assuescant dicere, Deum petere pro foribus stipem; nobisque hanc phrasin facere familiarem, Deo dedi, vel potius reddidi sua. Deus à me petiit, ego restitui, neque erubescas Christianā ac piam phrasim vsurpare, cum passim leges mundi atq; axiomata loquendi ac scribendi formulas civilitatisque tam accuratè videas observari.

Decimò, ut autem eleēmosyna duplex sit, possunt persæpè (quod non in uno loco fieri novi) illæ his, qui confessi, & communione refecti fuerint; vel in Catechismo rectè institutis attribui.

Vndecimò, quotidie in mensā lancem apponere, quæ Dei appelletur, & de ferculis singulis Domino Jesu in membris suis præcidere, & consecrare; ut in familiā nobili fieri scio, in quā etiam sabbato omne lac armenti in honorem Deiparæ egenis distribuitur.

Duodecimò, observa tria circa eleēmosynam: Primum, praxes hujus virtutis tot esse obvias, & plurimas, & amanti faciles, ac sunt humanæ vitæ miseræ. Sunt autem eæ duplicis generis, corporis, & animi; quibus levandis opera mise-

misericiordiæ spiritualia, & corporalia succurrunt, hisce
versibus comprehensa:

Vistio, potio, cibo, redimo, tego, colligo, condo

Consule, castiga, solare, remitte, fer, ora.

Secundum, affectum & voluntatem attendi à Deo magis,
quàm id, quod datur: quemadmodum in viduâ, & in mer-
cede potus aquæ frigida demonstratur. Tertium, eleēmo-
synam fieri debere clam, si potest; eamque esse vtilissi-
mam quæ secretissima est. O quot sunt qui ubique nomi-
na sua ponunt in terris; quorum nusquam littera invenie-
tur in cælis; eò quòd jam receperint miseri mercedem
suam! Quàm pauci enim alias foundationes, aut pia opera
faciunt, quam quæ simul etiam concilient famâ aut poten-
tiæ aut pietatis? Saltem oportet ut omnia fiant bono fine
ac intentione, non ut hypocritæ: luberti item animo, prom-
pto, hilari & humili. In omni dato hilarem fac vultum
tuum, ait Sapiens, nam se beneficium accipere putat, non
dare, qui novit, ut oportet, eleēmosynam præstare.

Oratio pro executione. *Dignatus es, &c. sup. pag. 10.*

IACVLATORIE.

Quamdiu fecistis uni ex minimis meis, mihi fecistis.

Esto pupillis misericors ut pater, & pro viro matri illorum,

& eris tu velut filius Altissimi, filius obediens, & miserebi-

tur tui magis quàm mater.

Beatus, qui intelligit super egenum & pauperem: in die malâ

liberabit eum Dominus.

Qui miserebitur pauperis, beatus erit.

Beneficentiæ & communionis nolite obliuisci: talibus enim

hostiis promeretur Deus.

Nihil tam diuinum habet homo, quàm de alijs bene mereri.

Estote misericordes, sicut Pater vester cælestis misericors est.

Vnicuique mandauit Deus de proximo suo.

Estote inuicem benigni, donantes inuicem.

Alter alterius onera portate; & sic adimplebitis legem Christi.

Filioli mei, nō diligamus verbo, neq; lingua: sed opere & veritate.

CAPVT XI.

De oratione, tertio opere satisfactorio, & illius

usu ac fructu.

TERTIVM genus bonorum operum, quo etiam

Deo satisfacimus, est Oratio: Deo enim illa suavis-
simum est incensum, & propitiatorium sacrificium, si

Matth. 10.

Luca 21.

Vana glo-
ria vitan-
da.

Matth. 6.

Eccl. 31.

Matth.

25.

Eccl. 4.

Psal. 40.

Prov. 14.

Hebr. 13.

Nazianz.

de paupe-

rū amore.

Lucæ 6.

Eccl. 7.

Ephes. 4.

Galat. 6.

1. Ioan. 3.

Chrysoft.in Psal. 116. ex corde contrito & humiliato proficiscatur; & si, vt S. Chrysoftomus, magnum aliquod donum Deo offerre volumus, nihil habemus laudatione maius, nihil laudatione difficilius: neque enim solùm animus, sed & corpus patitur, testante Spiritu sancto, frequentem meditationem, carnis esse afflictionem. Omitto, quod eleëmofynas aliqui præstare nequeant, aut ieiunia tolerare.

Eccli. ult. Imitare ergo Dauidem, qui afflictus & humiliatus rugiebat à gemitu cordis sui, & lacrymosâ oratione Dominum placauit. Sanè D. Augustinus pœnitentiales Psalmos, cùm morituro sibi ad lectum affigi mandasset, se dignam pronunciauit sententiam; neminem Christianum absque pœnitentiâ mori oportere. Orationi igitur instare conuertentem se ad Dominum oportet: sæpissimè enim ignis concupiscentiæ, inundatio cogitationum, hostium oppugnatio clamare compellit, & leuare corda nostra cum manibus ad illum.

Varij autem sunt orandi modi. Primus, si perfectionem spectes, est contemplatio. Secundus, meditatio, de illâ in libro tertio, vbi perfectorum exercitia; de meditatione verò, secundo, cùm proficientium maximè sit, commodiùs tractatur. Præter hos, alios hîc enumerabimus. Nam Primò, pòtest quis alienis verbis orare, vt cùm. Psalmos recitamus, aut alias vocales orationes: gratumque hoc Domino sacrificium est, animæ scilicet & corporis, & vitulorum labiorum nostrorum.

1. Alienorum verborum usurpatio.

Osee 14.
2. Propriorum verborum ex affectu eruclatio.

3. Alienis verbis suorum interertio.

Secundò, proprijs ex affectu interiore nascentibus verbis, diuinam maiestatem alloqui: qui modus ex abundantia affectus prouenit; quando enim sicut adipe & pinguedine repletur anima nostra, tunc labijs exultationis Deum laudat os nostrum; & cùm lætatum est cor nostrum, tunc exultat lingua nostra. ex abundantia enim cordis os loquitur, & facundos efficit amor atque disertos.

Tertius modus mixtus est, cùm alienis verbis quasi pennis anima eleuatur à terrâ, & postea per se fertur, suisque

fuisque se librat. quod fit, quando quis attentè legit & sensim aliquas vocales orationes, & ex affectu sub-orientem ipse pergit sibi formare orationem, ac subinde redit ad aliam.

Quartò, quando vocali oratione non aliam addimus, sed tantummodò affectibus & suspirijs feruentioribus in Deum eam interfecamus, idque aut crebrò, vel post singula verba, aut certè complura attentè expensam: ita vt quæuis ferè corporis respiratio sit ad Deum mentis eleuatio & adspiratio.

Quintus modus est, & compendium totius perfectionis, iaculatorijs velut sagittis cælum petere, & se Deo coniungere. Qui enim adhæret Deo, vnus spiritus est cum eo. Illis certè cor amantissimi Redemptoris nostri suauissimè vulneratur. Vulnerasti, ait, sponsa cor meum in vno crine colli tui, in vno oculorum tuorum. Vel semel enim oculos in cælum attollere cum ardenti affectu, efficax oratio est, & tenerrimè afficit Patrem misericordiarum. affectus enim fons sit oportet eiusmodi orationum; quales sunt dolor de peccatis, compati Christo, desiderium cælestis patriæ, tædium huius vitæ mortalis, tristitia in aduersis, gratitudo magna ob innumera Dei beneficia, admiratio operum eius, fiducia in Deum, zelus honoris eius; sed in primis charitas in Deum accensa, quâ anima perpetuis ignitisque desiderijs desiderat, vt ceruus ad fontes aquarum, haurire aquas in gaudio de fontibus Saluatoris. Affectuum autem huiusmodi ignis maximè in meditatione exardescit, vt loquitur Propheta David: qui proinde toto die iaculatorijs fruendus est, repræsentatâ etiam sibi personâ Christi, vt in meditatione fuit considerata, vel vt in communione, aut alio exercitio, quo affectus singulariter exercitatus fuit. si enim sic omnia ad illam referantur, aut Christo offerantur, affectus excitatus magis fouetur & roboratur, cum in omni opere renouatur. Perutile tamen est etiam absque affectu illo certas, ex Psalmis potissimum & sacris

4. *Suspiriorum in oratione interfectio.*

5. *Breuium orationum in cælum facula.*

Cant. 4.

literis, habere paratas, & vsurpare, vt eo pacto sæcularium conuersatio & negotia condiantur spiritali succo, & rerum quas sensibus percipimus species non se tantum, sed Dei nostri gloriam nobis loquantur. Nihil enim vtilius, aut suauius est, quàm istâ arte, vt ita loquar, chymicâ, ex terrenis aurum obryzum diuinæ charitatis eruere, & vnum in omnibus quærere ac inuenire Deum, & ijs, quibus velut pedicis mortales illaqueantur, quasi pennis volare, in Deo requiescere, ac in æstu tentationum os nostrum aperire, & attrahere spiritum verum filiorum Dei.

6. *Singulorum verborum meditata expansio.*

Sextò, orationis Dominicæ vel alterius orationis verba singula meditatè expendere, atque ijs quamdiu sapit insistere, ac deinde ad alia pergere; colloquijs interiectis, quæ in Deum charitas varijque affectus dictauerint.

7. *Præceptorum, vel Regularum consideratio.*

Septimò, aut Decalogi mandata singula, aut Ecclesiæ præcepta, aut Regulas sui instituti considerare, quo nimirum pacto eas seruet, & seruare oportuerit: quomodo aduersus eas deliquerit: atque excitatâ contritione, recitare *Pater*, & *Aue*, aut Psalmum aliquem, v.g. *Miserere, Te Deum*. Idem potest fieri circa peccata capitalia, potentias animæ, sensus quinque.

Triplex orationis vocalis attentio.
1. Cor. 14.

NOTANDVM 1. In oratione vocali triplicem esse attentionem. Prima ac necessaria est ad verba: vt ea debite, distinctè, intelligenter & integrè proferantur. Secunda, quâ ad sensum animum aduertimus, & oramus spiritu & mente, cibumque quasi mandimus, ac eius saporem degustamus. Tertia est ad Deum, quem oramus, & rem illam, quam impetrare optamus. Quapropter initio orationi finis præstituendus, & quoad fieri potest, diuinæ præsentia ac curia celestis memoria excitanda.

Quæ præparatio ad orationem prolixiorē necessaria.

NOTANDVM 2. In hisce modis orandi prolixioribus in principio oportere animum colligere, velut ante meditationem. Secundò, se coram Deo statuere. Tertiò, gratiam ad rectè orandum suppliciter flagitare.

No-

NOTANDVM 3. Dum sic percurruntur præcepta, & post singula dicitur excitanda contritio, expedire, cum contritione aliquod opus satisfactorium adiungere, aut genua flectendo, aut hoc vel illo situ laborioso, decenti tamen, supplicando. Est & ipsa quidem oratio satisfactoria, quæ subiicienda dicitur; sed & ipsa magis erit, si eiusmodi fuerit, quâ indulgentias promereri possimus, quemadmodum in varijs articulis Indulgentiarum merito concessarum ad honorem S. Caroli Borromæi, tam illustis hoc tempore in Ecclesia orti sideris, inuenies. In illis enim is qui consilio Confessarij paret, aut actum regulæ suæ exercet, aut mortificationis, aut quid simile, remissionem tertiæ partis peccatorum consequitur. Qui conscientiam examinat, aut crucem aut imaginem deuotè salutat, aut se Deo commendat, aut Angelo Custodi, aut sancto Patrono suo, aut initio operis faciet ter signum sanctæ crucis, aut dicet ter *Deus in adiutorium*; lucratur decem annos Indulgentiarum. Similiter is qui dolet de peccatis, & confessionis habet propositum. Qui verò recitat *Miserere*, *Credo*, aut *Te Deum laudamus*, ad honorem sanguinis Christi IESV, pro nobis effusi, & septies terram osculatus fuerit; lucratur eas Indulgentias, quas obtineret si eo die scalam sanctam ascenderet.

*Iuuat orationem
pœnale
opus.*

Indulgentijs vtere.

Hæc carptim attingo, vt indicem solum quantum thesaurum quiuis colligere possit; siue sanus, siue infirmus, si prudens spiritualis mercator existat.

TERTIÆ IMAGINIS ANNOTATIO.

Ante orationem præpara animam tuam.

CVM *A* oratio sit cum Deo colloquium, sedulo ad te confer, *B* Deumque præsentem cogita, nec eam (quod hic *C* mundanus facit) ob vlla *D* mundi negotia differ. Verum omnibus postpositis oraturus *E* conscientiam examina, detestare *F* peccatum, teterrimum monstrum, cuius caput est pauonis, venter hydropici, pedes salacis hirci, cauda scorpions. pauone superbia vitæ, hydropisi auaritia, concupiscentia carnis petulantis hirci pedibus, scorpions caudâ peccati venenum, & caluariâ stipendium eius mors, denotatur. *G* Ieiunium (sub quo omnis mortificatio continetur) & *H* eleemosynam cum oratione coniunge, ductum tui *I* Angeli Custodis sequere; animumque *K* silentio, *L* solitudine, piaque lectione, ut hic *Isaiæ* 30. *E*remita, para: *M* spem excita, *N* orationemque, quæ gladium habet verbi Dei, cor accendit, ad vitia superanda animat, ad Dei honorem institue, ut *O* peccata superes, utque *P* virtutem à Deo impetres. Hæc autem Deo adstat alata, qui animam à terrenis eleuat: armata, quia vinci à malitiâ nequit; sed per crucem & ardua coronam obtinet. Hanc prostratus ante thronum Dei humiliter flagita, velut *Q* reus, aut ut pauper, aut sponsa. Hanc præparationem *R* Moyfes præmonstrauit.

ME-





MEDITATIO.

De Oratione ritè instituendâ.

HOMO. In viâ desertâ, inuiâ, & inaquosâ, sic in sancto, & coram sanctis tuis apparui tibi, vt videam virtutem & gloriam tuam. Sedeo hîc bone IESV solitarius, & gemens taceo; quid enim aliud facere possum in valle lacrymarum longè à te ad quem suspiro? & hîc sedeo, vt eleuem me supra me. Respice, quæso, ad me. Ad te enim leuavi oculos meos, qui habitas in cælis: vnde enim veniet auxilium mihi nisi abs te bone IESV? At verò si iustus in principio orationis accusator est sui, ego impius & peccator vbi parebo? Ecce manus meæ adhuc sanguine plenæ sunt, & multiplicatæ sunt iniquitates meæ super capillos capitis mei. Miserere Domine, & dele quæso, bone IESV, sanguine tuo iniquitatem meam: ego te per hunc humillimè rogo, ego vermis & non homo, vt tibi loqui possim, & te alloqui puluis & cinis in conspectu Sanctorum tuorum. Erubesco quidem loqui quia memini me contempnisse te, (horresco cogitans) & loquentem, aures obturando, non audiuisse; sed tu IESV, spes mea, cor contritum & humiliatum Deus meus an poteris despicere? non potes negare nomen tuum quod manifestasti mihi: doleo enim ex amore tui, quod vnquam vel otioso verbo ausus fuerim contemnere præcepta tua.

CHRISTVS præsens & scrutans corda.

Sic contritionem ante omnem orationem excitare conuenit. Non enim est speciosa laus in ore peccatoris. Et rectè dixit Psalter: meus: Iniquitatem si aspexi in corde meo, non exaudiet Dominus: & discipulus meus. Si cor nostrum non reprehenderit nos, fiduciam habemus ad Deum, Et certè quâ fronte &

H 5

arrogantiâ

*Præsentia
Dei.
Psal. 62.*

*Imploratio
gratiæ.
Psal. 122.*

*Isaia 1.
Psal. 39.*

*Humilia-
tio sui.*

*Psal. 50.
Actus con-
tritionis.*

*Eccli. 15.
Psal. 65.*

1. Ioan. 3.

*Præsentia
Dei in
oratione
retinenda.
Oratio est
sacrificiū.
Psal. 140.*

*Psal. 50.
Psal. 49.*

arrogantiâ nondum reconciliatus mihi, & post iniurias grauissimas dona maxima ad me petiturus peccator accedit, cui supplicia parata non præmia? Ita etiam te & orantes me præsentem oportet vt agnoscant. Quid enim indignius mihi loqui, & nec præsentem me agnoscere? aut veluti absenti sacrificium offerre? Sacrificium enim oratio est, ideò dixit Psalter meus: Dirigatur oratio mea sicut incensum in conspectu tuo Domine: eleuatio manuum mearum sacrificium verspertinum: sacrificium Deo spiritus contribulatus, cor contritum & humiliatum Deus non despicias. Nunquid enim manducabo carnes taurorum, aut sanguinem hircorum potabo? Immola ergo sacrificium laudis, & redde mihi altissimo vota tua.

Hæcine vera, vt suprà pag. 7.

Eccl. 28.

*Bern. ferm.
de quatuor
modis
orandi.
Orans stat
coram curiâ
cælesti.*

Dan. 7.

HOMO. O vtinam offerre queam quod non despicias, sed ascendat sicut incensum in conspectu tuo! vtinam ligna quantumcumque madefacta, vt olim ab Eliâ, accenderet ignis tuus, id est, amor tuus, quem voluisti vehementer accendi! secundum enim ligna siluæ sic ignis exardescit. Vtinam quod Bernardus tuus monuit, semper cogitem intrans ad orationem propheticum illud: Ingrediar in locum tabernaculi admirabilis vsque in domum Dei. Omnino siquidem oportet nos orationis tempore curiam intrare cælestem, illam utique curiam, in quâ tu Rex regum stellato sedes folio, circumdante innumerabili & ineffabili spirituum exercitu. Vnde & ipse qui viderat, quia maiorem numerum non inuenit, millia, ait, millium ministrabant ei, & decies centena millia assistebant ei, Quantâ ergo cum reuerentiâ, quanto timore, quantâ illuc humilitate accedere debet à palude suâ procedens, & repens ranuncula vilis, id est, homo mortalis? quàm tremebundus, quàm supplex, quàm denique humilis & sollicitus, & toto intentus animo maiestati gloriæ in præsentia Angelorum, in
concilio

concilio iustorum & congregatione, assistere poterit miser homuncio? sed tibi Domine qui suscitās de pulvere inopem, & erigis de stercore pauperem, miserorum non potest displicere deprecatio. suscipe igitur hanc meam, & cor & animam meam, & ascendat oratio mea sicut fumus aromatum in conspectu tuo, & da mihi exhibere corpus & animam hostiam viuentem, sanctam, & tibi placentem, cadatque ignis tuus Domine & voret holocaustum, & ligna & lapides, puluerem quoque & aquam tribulationis, quæ est in circuitu meo, nisi aliud visum fuerit pro gloriâ nominis tui.

Potentissime Deus, &c. vt infra pag. 130.

CHRISTVS DOMINVS.

Ante omnem autem orationem præpara animam tuam, & noli esse quasi homo qui tentat Deum. Nónne enim tentat me qui absque præparatione ad me venit aliena cogitans, & labijs me honorans, cùm cor eius longè sit à me? itaque oraturus statue an me tentare velis & ad iram prouocare negligentiam tuam vel contemptu, an verò placare. Nónne scis quomodo sancti & electi mei, etsi summam sensuum custodiam ambulant semper coram me, sollicitè se tamen parauerint vt mihi loquerentur, cùm scirent ab oratione magnam ex parte pendere salutem vniuersam? meministi Iobum pro reuerentiâ dicentem: Semper ego quasi tumentes super me fluctus timui Deum, & pondus eius ferre non potui? Aspice vt Publicanus stet à longè, & nec oculos in cælum leuare audeat? Aspice vt Magdalena stans retrò secus pedes lacrymis meos rigauit pedes, & capillis suis terfit?

Potentissime Deus, &c. vt infra pag. 130.

Homo. Erubesco, dum cogito quantam diligentiam studio,

Psal. 112.

Rom. 12.

3. Reg. 18.

Eccl. 18.

Præparatio ad orationem necessaria. Isaiæ 29.

Humilitas in oratione necessaria. Iob 31.

Luc. 18.

Luc. 7.

*Causam
dicimus
apud
Deum.*

*Præsentia
Dei.*

Psal. 43.

studio, quanto tempore lites apud iudicem instruat patronus, vt à crimine cliens absoluator, aut frustum terræ acquirat aut retineat. etiam scio coram te supremo iudice, & curiâ tuâ causam me, dum orationem fundo, dicere, & de æterno agere supplicio vel præmio, & potero in eâ torpere, & in ludo ac fabulis vigilare? Accedentem ad Deum, tuus aiebat Apostolus, credere oportet quia est. Ita video: incredulitas nostra, & cæcitas, quâ te præsentem non agnoscimus, irreuerentes nos facit coram te, coram quo tremunt vniuersæ potestates. Humiliata est in puluere anima nostra, & conglutinator est in terrâ venter noster. Exurge Domine adiuua nos. Et vnde obsecro fieri potest Deus meus, vt obliuiscamur tui, dum loquimur tibi magis nobis præsentem, quàm nos ipsi nobis?

*De nego-
tys in
oratione
cogitare
nocet ijs-
dem.*

CHRISTVS, Quòd sæpè alia pluris faciatis, & magis curæ habeatis, quàm mecum loqui; & haurire aquas benedictionis de fontibus meis. Hæ curæ velut spinæ animam in meditatione pungunt, & ineptum efficiunt inspirationibus meis, & auxilium, quod in rebus gerendis necessarium est, excludunt, ideoque sæpè infelicem exitum habent concio, aliaque occupatio in oratione versata & velut colloquio meo prælata.

Eccl. 31.

Vanum, vanum est vobis fili mi ante lucem surgere: quamdiu enim illam oratione à me sole iustitiæ non tantum non impetratis, sed etiam excluditis, nonne frustra ire tentatis, & negotia illa tractatis? imò præposterâ hâc & stultâ diligentia eorundem successus distractione variâ retardatis? Ideò monui per Ecclesiasticum; Sapientiam scribe in tempore vacuitatis, & qui minoratur actu sapientiam percipiet. Quâ sapientia replebitur qui tenet aratrum, & qui gloriatur in iaculo? neque potest verbum meum semen verum, cum cadit inter has spinas, non suffocari, quæ sunt sollicitudines sæculi: ideoque

ideoque partiri curas cum alijs exemplo Moyſis oporteret. Imò vide an actiones omnes tuæ ita ordinatæ ſint, vt oportet, vt in oratione te non perturbent. Pharaon operibus lateris & luti & quæſitione palearum diſtinebat populum meum, ne de ſacrificio cogitaret: tu verò fraude dæmonis detectâ veni, & ſacrificio laudis honorifica me, illic enim iter, quò ostendam tibi ſalutare meum.

*Luce 8.
Agena
cum alijs
partire.
Exod. 18.
Exod. 5.*

Credo tibi, &c. vt ſuprà pag. 7.

Homo. Certè video nihil magis neceſſarium nobis eſſe quàm crebrò, & vt conuenit, orare, id eſt, te Regem Regum omne bonum noſtrum accedere, teque frui, in te delectari. Dixiſti enim æterna veritas: oportet ſemper orare, & non deficere. Et per Apoſtolum monuiſti vt eſſemus per omnem orationem & obſecrationem orantes omni tempore in ſpiritu & in ipſo vigilantes in omni inſtantiâ: cùm enim nullum ſit bonum quod ſine te facere poſſumus, aut nullum ſit malum quod euadere in tanto diluuiò miſeriarum noſtrarum; hoc ſolum habemus reſidui, vt oculos dirigamus ad te, neque villo pacto melius quis ſua promouebit, quàm tibi benigniſſime Deus ſupplicando: tu enim operaris omnia in omnibus, & niſi Dominus ædificauerit domum, in vanum laborauerunt qui ædificant eam. Viſ quidem, liberaliſſime Deus, largiri bona tua & præſidia gratiæ tuæ, verùm viſ ea à nobis poſtulari, atque adeò ſine intermiſſione nobis orandum eſt. Vt rectè Chryſoſtomus tuus dixerit: Ipſe contra ſe ipſum tela miniſtrat, qui hoſtem precum inſtantiâ non fatigat. moenia noſtra oratio, & inexpugnabilis eſt armatura, & tutiſſimum, nec vnquam fallens munimentum, pari facilitate vel vnum repellens militem, vel innumerabilia hoſtium millia. Et quemadmodum corpus hoc noſtrum, ſi non adſit anima, proſectò mortuum eſt, ac foetidum: ſic anima, niſi ſeipſam

*Ephes. 6.
Orandum
aſſidue.*

*Deus orare
cupit.
Theſſ. 5.
Serm. de
Moyſe.*

*Chryſoſt. 1.
1. & 2. de
orando
Deo.*

seipsam incitet ad orandum, mortua est, ac misera, & grauiter in conspectu tuo olens. in lege igitur tuâ meditabitur die ac nocte, & totâ die meditabor iustitiam tuam.

Potentissime Deus, vt infra pag. 130.

S. Cathar. dial. c. 66. August. Psal. 118. CHRISTVS. Scito tamen quod non cesset orare, qui non cessat benè agere, vt Catharinæ Senensi aliquando dixi. & verè qui rectè nouit orare, rectè nouit & viuere.

Sap. 8. Homo. Cùm hæc ita sint, mirum non omnes vehementer orationi affici, & colloquio tuo. An habet amaritudinem conuersatio tua, ô dulcedo ineffabilis? Quî fieri potest, vt longæ fabulæ & inanes sermones tedium etiam quandoque religioso non adferant, & molestia plerisque longa sit oratio, & colloquium tuum? *Chrysost. l. 1. de orâdo Deo.* cùm videro, ait quispiam, non amantem orandi studium, nec huius rei feruidâ vehementique curâ teneri, continuò mihi palàm est, eum nihil egregiæ dotis in animo possidere. Rursus, vbi quem conspexero, insatiabiliter adhærentem cultui diuino, idque in summis damnis numerantem, si non continenter orauerit, coniecto talem omnis virtutis firmum esse meditatorem ac Dei templum. Et quoties vacamus orationi, simul & Angelis copulamur, & societatem, quam cum brutis animantibus habemus, procul effugere videmur. Angelorum enim opus est deprecatio. At verò quid suauius eâ esse potest, cùm per illam conuersationem habeamus in calis & ascendat mens nostra? ad te enim primam causam, eiusque proinde instrumentum aptissimum euadit. O quis mihi dabit pennas sicut columbæ, & volabo, & requiescam? Quis adducet me in montem sanctum tuum, & quando lætificabis me in domo orationis tuæ?

Credo tibi, vt supra pag. 7.

CHRISTVS

CHRISTVS. Ideò de luce vigila ad me, & anima tua Irreueren-
desideret me in nocte. Equidem nihil mihi magis di- tia in ora-
splicet, quàm orationem, seu meum colloquium alijs tione
occupationibus postponi. Quid enim? ego sto ad o- quomodo
fistium & pulso, & repulsam abs te patiar, neque admit- committa-
tar ad colloquium, donec fœx hominum & rerum præ- tur.
cesserit, vt & tum illa obstrepat mihi loquenti, & tibi?
Vnde Ecclesiastes meus solummodo hoc inuenit, quod Eccli. 7.
fecerit Deus hominem rectum, & ipse se infinitis mi-
scuerit quæstionibus. Et sic opponit homo nubem sibi Ierem.
vt non transeat oratio. Dic mihi, si quis instrumen- lam. 3.
tum inuenisset, quo omnia sibi compararet bona, velut
lapidem philosophicum, quanta putas sollicitudine eum
seruaret?

HOMO. Hoc nos in oratione tepidos facere vi-
detur, quòd in eâ fiduciam, vt oportet, non habea-
mus.

CHRISTVS. Nónne tamen crebrò dixi: Petite & ac-
cipietis, quærite & inuenietis? & rursus: Omnia quæ Fiducia
cumque orantes petitis, credite quia accipietis & eue- necessaria
nient vobis? & rursus: Si quis autem vestrum indiget in oratio-
sapientiâ, postulet in fide nihil hæsitans, non enim qui ne.
hæsitat, æstimare debet, quod aliquid accipiet à Domi- Iacobi 1.
no. An hæc sunt vera? si vera hæc sunt, quomodo diffi- 1: Cor. 12.
dere mihi potestis, cum & arrham habeatis sanguinem
meum & mortem meam? 2: Cor. 3.

Nemo quidem dicere potest Dominus IESVS, nisi in
Spiritu sancto, neque sufficientes estis cogitare ali- Luca 21.
quid ex vobis, quasi ex vobis, sed sufficientia vestra ex
me est; attamen omni horâ paratus sum, & etiam si fili
mi, mediâ nocte veneris ad me, surgam, & opitula- Solitudine
bor tibi: memento verò eius quod monui. Tu au- amat ora-
tem tio.

Matth. 6. tem cùm oraueris intra in cubiculum tuum, & clauso ostio ora patrem tuum in abscondito, & pater tuus, qui videt in abscondito, reddet tibi. Solitudinem itaque ama quantum potes: in eâ enim solitus sum loqui ad cor hominis.

Credo tibi, vt suprâ pag. 7.

*Cass. collat.
10. cap. 5.
Isaia 30.*

Homo. Immò illi soli, vt audio, purissimis oculis diuinitatē tuam speculantur, qui de humilibus ac terrenis operibus, & cogitationibus ascendentes secedunt in excelsum solitudinis montem. In silentio enim & spe, vt ait Propheta tuus, est fortitudo nostra.

*Eleemosy-
na comes
orationis.*

CHRISTVS DOMINVS. Neque obliuiscere moniti, quod Tobiaē dedit Angelus meus: Bona, inquit, est oratio cum ieiunio & eleemosyna. Hanc igitur præsta, seu corporalem seu spiritualem, ideoque ad templi fores pauperes excubare aduerte; Et, vt Chrysostomus meus suasis, arculam domi habe paratam, in quam orator eleemosynam conijcias. sic & mortificationem, quæ ieiunij nomine continetur, vel reipsâ exerce vel propone.

*Oratio
suavis
cum Deo
sermo.
Psal. 118.*

Homo. Ex his colligo omnes virtutes ad perfectam orationem ordinari: & nihil magis à te postulari. Nōne ideò tam seuerè horarum pensum exigis, vsque eò vt mortem etiam, nisi quis præstet, commineris? O quanta charitas tua Deus meus, dum tantopere desideras meum alloquium ex infinitâ bonitate tuâ! vtinam sicut tu delectaris alloquio meo qui sum vermis & cinis, ita ego tuo! vtinam saltem miseria mea me anhelare faceret ad alloquium tuum, & sitire sicut sitit ceruus ad fontes aquarum! quàm dulcia, inquebat ille, faucibus meis eloquia tua super mel ori meo! Certè magna illa multitudo dulcedinis tuæ, scio non gustatur nisi à perseverantibus in oratione; si te vnum ibi quærant & desiderent, te omne bonum toto corde.

Quem

Quem enim docebis scientiam, & quem intelligere facies auditum? ablactatos à lacte, auulsos ab vberibus. O Beati Angeli & Sancti Dei vos iam gustatis & videtis, quàm suavis sit Dominus, vestra omnis occupatio oratio est, & laus Dei semper in ore vestro. Cantate quæso pro me exule in patriâ Domino meo Canticum nouû: cantate & pro nobis miseris, bene psallite ei in vociferatione. Ego enim sæpè dum oraturus causam meam agere volo, reum eheu! me efficio. Et laudare Deum ac Dominum nostrum & vestrum cupientes sæpè nos miseri offendimus, & ecce pro gratiâ referimus indignationem. O ter magne Deus, qui tribus digitis suspendis orbem, & portas omnia verbo virtutis tuæ respice nunc, obsecro te, per viscera pietatis tuæ meam fragilitatem, quâ fit vt minore tecum quàm cum homine reuerentiâ loquar. Pudet, pudet etiam ab ethnico docente audire: sic cum Deo loquere quasi homines audiant, sic cum hominibus quasi Deus te audiat. Quid mirum videri nobis debet, si quando à te non exaudiamur, qui te audire, & te alloqui vix dignamur? & tamen, ô infinita bonitas! descendis quotidie à summo cælorum, & sistis te inter manus Sacerdotum, vt præbeas te mihi, & nutrias me, & confortes me, & loquaris ad cor meum, & ego miser vermis terræ ad tuum, caritate æstuans vnicum refugium meum. Venis autem vt benignè cominus videas necessitatem meam, & audias supplicationem meam; & quæ illa? vt mihi des ex hoc momento amare te in æternum; ex hoc stare coram te in æternum. Veni igitur, veni, descende priusquam moriar, ô vita mea, ut viuiam. Descende obsecro in inferiora terræ, id est, in animam meam, & loquere iam ad cor eius: sed & da mihi, ô speculum sine maculâ, cor mundum, in quo te locem, & oculos mundos vt te aspiciam, & manus puras vt te complectar, & aures apertas, vt audiam quid loquaris in me, & adhæream tibi, & amem te omnibus diebus vitæ meæ. Amen.

Isaia 28.
Angelorū
inuocatio.

Isaia 40.

Seneca

Applicatio
ad Com-
munionem.

Oratio pro reuerentiâ in oratione
habendâ.

Humi-
liatio
fui.
Gratiarū
actio.
Contri-
tionis
actus.
Confi-
dentiae
actus.
Luc. 15.

Applica-
tio ad
Commū-
nionem.

Bernard.
serm. 2. de
natali.

Diffiden-
tia.

POTENTISSIME Deus, praesentem te hic & ubique scio,
atque infinita esse maiestatis, coram quo tremant vni-
uersae potestates, & inibent omnes filij Dei: quantâ ergo me,
qui sum palis & cinis, humilitate par esset apparere in
conspectu tuo? & quâ gratitudine, qui me de nihilo creasti,
redemisti in sanguine filij tui, & innumeris me beneficiis om-
nibus diebus vitae meae fuisti dignatus? Et tamen, eheu! peccavi
super numerum arenae maris, neque sum dignus, qui veniam
in conspectum tuum. Verum quò ibo à facie tua? veniam po-
tius ad te Patrem misericordiarum, & Deum totius consola-
tionis, & dicam: Pater, iam non sum dignus vocari filius tuus,
sed fac me sicut vnum de mercenariis tuis: facti sumus ut im-
mundus omnes nos, & quasi pannus menstruatae iustitiae no-
strae, & cecidimus quasi folium vniuersi, & iniquitates nostrae
quasi ventus abstulerunt nos. Et nunc, Domine Pater noster
es, nos verò lutum; fictor noster es tu, & opera manuum tra-
rum omnes nos. Ne itaque irascaris, Domine, satis, & ultra
ne memineris iniquitatis nostrae. Ecce respice, populus tuus
omnes nos, & dixisti: Petit & accipietis, quærite & inuenie-
tis, pulsate & aperietur vobis: omnis enim qui petit accipit,
& qui quærit inuenit, & pulsanti aperietur. Quid autem
peto, nisi te amare, suscipere & amplecti in corde meo, ut
conuertas ad me faciem tuam? quid pulso, nisi ut aperias mi-
hi, & iis pro quibus orare debeo, fontem misericordiae tuae?
Etsi omnis qui petit accipit, spero quòd & ego etsi indignissi-
mus seruus tuus. Scio propter innumera peccata mea, in se-
creto regalis palatii, super me latum iudicium meritis, sed ve-
nio, Deus meus, ut placare possim vultum tuum: a mihi, quæso
per sanguinem Filij tui, ut oratio mea non fiat mihi in pec-
catum, & ne proijcias vnquam me à facie tuâ. Agnosco,
Domine Deus meus, me nihil posse facere absque te, & omnem
spem meam in te colloco, omniaque tibi committo, ut oratio
mea, & omnia mea dirigantur sicut incensum in conspectu
tuo, & descendat super me misericordia tua; quâ possim illa,
qua

qua à me exigis, maxime orationem, rite perficere, ad gloriam nominis tui, ac tibi, ex quo, & in quo, & per quem sunt omnia, comunctus esse, ô Deus meus & omnia. Absit ut deinceps te ad colloquium inuitantem, & pulsantem ad ostium negligam, pra mundi fallacibus negotiis, inquietus sim & princeps, dum rem omnium grauissimam ago & utilissimam, qui in aliis menses & annos ponere soleo. En venio, ut sincere tibi offeram cor contritum & humiliatum, quod despicere non soles, certus de promisso tuo, quod petenti tribues, querenti te offeres, pulsanti aperies, & vincere dabis vitia mea & imperfectiones meas. N. praesertim si ieiunio & eleemosyna coniuncta sit oratio mea. O Domine, qui solus potes facere mundum de immundo conceptum semine, munda cor meum & labia mea, ut exultent cum cantauero tibi. Et reliqua cogitationum de hospite tanto de aduentu tuo, de amore tuo diem festum agant tibi, quod in omni aeternitate cum sanctis & electis tuis, per tuam gratiam facturum me esse confido. Amen.

Oblatio
tui.

Iob. 14.
Ezech. 16
Psal. 7.

Praxis preparationis ad Orationem & collectionis post eam.

PRIMO, pridie tempus, & negotia distribuenda quoad fieri potest; & in primis orationi, & Missae sacrificio certa hora assignanda mirè ad pacem animi valere, & profectum dicebat B. Ignatius. Hoc enim pacto curae minuuntur; quas etià, cum potes, exëplo Moysis cum alijs partire.

Secundò, ante somnum mens pia lectione, ac deinde cogitatione, & affectu occupanda, imaginando te iuxta crucem, aut coram Deo esse, & SS. Trinitate, vel in loco ubi mysterium proximo die meditandum gestum est; quod ad loci compositionem pertinet: hæc enim nihil aliud est quam se fingere, v. g. vel in solitudine, vel in caelo, vel in inferno; vel coram Christo modo nato, modo crucifixò, prout res postulat; & sic vagam imaginationem ante orationem, & somnum alligare. Neque tantum hæc in meditatione valet, sed etià in omni oratione vocali. Sic stationes, quidam mente solà obeunt, & saepe utilius quam corpore peregrinantur.

Nota verò lectionem piam quotidie statam esse debere, siquidè in eà nobis loquitur Deus. Quid enim aliud est, ait Gregorius, Scriptura sacra, nisi quædam epistola omnipotentis

Exod. 18.
Ante

somnum
quid agendum.

Loci Compositio
quam sit utilis.

Lectio pia
sit statam.

Greg. l. 4.
Ep. 40.

*Lectio pra
quomodo
instituenda*

tentis Dei ad creaturâ suam. Quocirca attentè ac reverenter instituenda est, non præcipitanter; sed quasi auscultâdo, ut audire possimus quid loquatur Dominus. Idque ut facere dignetur, ante lectionē propositum faciendum exequēdi ea quæ divina bonitas dignata fuerit inspirare. Post lectionē gratiæ Deo agendæ, ac sententiæ aliquæ in memoriæ thesauro reponendæ ex consilio D Thomæ Aquinatis. O quantum is exresceret, si quotidie ei aliquid adiceretur. Cujus opportunitatem cum tantam Religiosi quotidie in mensâ habeant, felices fuerint si agnoscant bona tua.

Nota quod quando ariditas major est, lectio meditationis vices supplere potest, præsertim si sententiis utilioribus insitamus: aut certè hujusmodi lectionem tunc accipimus, quâ aliquando experti fuimus divinæ gratiæ radium nobis affuisse.

*Eleëmofyna
na juroat
orationem.*

Tertiò, utile destinare aliquam eleëmofynam, saltē spiritualementem: & mortificationem, ut nulla dies abeat quin hæc linea ducta sit. Postridie manè, & quoties orandū, primò negotia sepone, Deoque committe quod est eâ verè oratione promovere. Post hæc ex cita contritionē ante omnē orationē: scimus enim quia peccatores Deus non exaudit. Tertiò finem orationi propone, qui non est consolationem quærere, sed divinæ bonitati honorem exhibere, & virtutē ac sanctitatē acquirere. Huc igitur dirigenda, ut defectus nostros superare possimus, & sic in oratione cum Deo luctari, ut sicut in Patriarchâ Jacob, ita in nobis nervus femoris concupiscentiæ marcescat, benedicēte Domino. Dirigenda autem oratio ad virtutē maximè necessariâ acquirendam, & vitium primarium, seu maximè progressū impediens extirpandum: neque difficile erit ei qui se novit, & mala sua sentit in omni oratione, & meditatione his remedia conquirere.

*Gen. 32.
Oratio ad
quid dirigenda.*

Nota autem. Id quod dicitur, orationē ad finē certum instituendâ etiâ in vocali plurimum valere: sic enim pro variis necessitatibus psalmos singulos recitare utile est, & attentionem conciliat. Simile si singulos psalmos pro beneficiis singulis Deo offeramus.

*Præsentia
Dei. An-
geli com-
mendata.*

Quartò. Deum atque Angelum præsentem intueri, magnamque excita reverentiam, & veniam cum divinâ maiestate loquendi humillimè postula ac fidei, spei, & charitatis actum elice cum trinâ genuflexione, si locus pariat. Nota autem Angeli custodis familiaritatem ac præsentiam, tum in oratione frequentandam, tum in aliis nostris operibus; cum eo consultando, & per eum divinæ maiestati opera nostra offerendo, proximorum amicos, quando

*Cultus An-
geli Custodi-
dus.*

quando cum iis agendum est, per eum præparando.

Praxis etiam cominoda ad affectum induendū, & collectionem animi induere personā modò rei, modò pauperis. Exterior item situs corporis humilis & devotus non parū conducit ad fructuosā orationem: præsertim cum in Christo Domino exemplū habeamus, qui positis genibus oravit. Et procidit super faciem suā. Ad quod Augustinus: nescio quomodo cum hi motus corporis fieri nisi motu animi præcedenti non possint, eisdem rursus exterius visibiliter factis, ille interior invisibilis, qui illos fecit, augeatur.

Post orationem reuerenter ab eā discedere oportet: examinare defectus admissos, ac de iis veniam flagitare, & pro beneficiis ac donis Dei gratias agere; pia decreta ac propositiones iterare, atque horum deinde memoriam per diem reuocare, & occasiones exequendi diligenter observare.

Oratio duplex, altera in meditatione præmittenda, altera ei subjungenda, & in eā exercitium affectuum triplex habentur suprà cap. 1. pag. 7. Item oratio post orationem longiorem: denique oratio pro executione.

Dignatus es, &c. suprà pag. 10.

IACVLATORIÆ.

Quibus orationis factæ pia desideria per diem reuocantur, & ad eam anima præparetur.

DEVS, Deus meus, ad te de luce vigilo, sitiuit in te anima mea, quā multipliciter tibi caro mea! Oratio enim fons est animæ sitientis.

Aduua me, & saluus ero; & meditabor in iustificationibus tuis semper. Psal. 118.

In iustificationibus tuis meditabor, non obliuiscar sermones tuos. Ibid.

Quomodo dilexi legem tuam Domine! tota die meditatio mea est. Ibid.

Dirigatur oratio mea sicut incensum in conspectu tuo. Psal. 140.

Iuravi & statui custodire iudicia iustitiæ tuæ. Psal. 118.

In capite libri scriptum est de me, ut facerem voluntatem tuam: Deus meus volui, & legem tuam in medio cordis mei. Psal. 39.

In corde meo abscondi eloquia tua, ut non peccem tibi. Psal. 118.

CAPVT XII.

Excercitium de Lẽctione Horarum.

PRAELVDIVM I. Constitue te coram Deo, & curiā caelesti, eum toto cordis affectu laudante.

PRAELVDIVM II. Roga vt dignitatem vocationis
tuae cognoscere valeas, & psallere mente ac spiritu.

*Omnis
creatura
laudet
Deum.*

*Sacerdos
pro omni-
bus orat.*

*Horas legi
quantum
desideret
Dominus.*

*l. 3. de ce-
leb. Missa-
rum.*

*Cassian.
coll. 10.
c. 10.
Quomodo
Sancti
exemplo
suo nos do-
ceant.*

*Distractio
Deo in-
grata.*

PVNCTVM I. Considera Dei Maiestatem, & quomo-
do omnis spiritus laudet Dominũ, & omnia opera eius
benedicant ei : atque æmulare. Considera Secundo, te
constitutum, vt pro sæcularibus, distractis, captiuis, in-
fantibus periclitantibus de Baptismo, & omnibus de
salute, Deum ores; quàm sit proinde æquum, vt deuotè
id facias. Cogita voces & lacrymas multorum suspiran-
tium in dirâ seruitute peccati, in æternæ damnationis
periculis. Tertiò, quantum id desideret Deus, cum sub
peccato graui id præcipiat, & quàm proinde perperam
priuatæ preces deuotè, publicæ distractè recitentur, cum
has ritè persolui infinities plus, vt sic loquar, desideret
Dominus. Quid enim est, Domine Deus, te præcipere sub
peccato, vt loquar tibi; nisi dicere, Nisi mihi loquaris, eò
quòd delector alloquio tuo, in æternũ non loquar tibi?
O quàm debet consideratio cor eius, qui te amat, accen-
dere, qui te vix timet percellere. *Hæcine vera*, vt sup. p. 7.

De hoc præcepto sic loquitur Innocentius III. Stri-
ctè præcipimus in virtute obedientiæ, vt diuinum offi-
cium nocturnum pariter & diurnum, quantum eis
Deus dederit, studiosè celebrent & deuotè. Quarto,
considera, quanto posses fructu & gaudio Horas legere,
si intellectui psalmorum, quos Spiritus sanctus dictauit,
deuotè intenderes; vt eos, non tamquam à Prophetâ, vt
Cassiani verbis vtar, compositos, sed velut à te editos,
quasi orationem propriam, profundâ cordis compun-
ctione, depromeres; vel certè ad tuam personam æstima-
res eos esse directos: quos viri sancti magno affectu &
fructu recitare soliti sunt. O quàm displicet tibi, beni-
gnissime Deus, ea quæ inspirasti vt ijs postulare nos fa-
ceres gemitibus inenarrabilibus, recitari quandoque
cum fabulis, & risu, aut saltem vanis cogitationibus, id
est sordibus, & sacratissima verba, quibus longè ma-
ior, quàm Sanctorum reliquijs, veneratio debetur,
misceri.

misceri ! Quàm Sanctis displicet ea , quibus ipsi Deum honorarunt , verba per te inhonorari ; insque vanas ac turpes cogitationes subnasci : vt fiat detestabile illud , Populus hic labijs me honorat , cor autem eorum longè est à me ! Quintò , considera , Deum ad hoc tibi de suo patrimonio largiri alimenta , vt ritè id officium sibi præstes ; & quàm turpe , in eo negligenter versari ! *Mandas mihi , &c. vt infr. 137.*

PUNCTVM II. Considera Primò , orationem canalem esse , quo ad nos Dei gratia deriuatur ; & quam turpe , illam tibi fieri , per negligentiam , in peccatum , & gratiæ detrimentum . Secundò , esse sacrificium , quod sicut Eliæ , igne cæli tus misso accèdi debeat , vt fiat illud Psalmistæ : In meditatione mea exardescet ignis . Sed quemadmodum Abel optima quæq; offerebat , Cain deteriora ; ita tempus & locum deteriora aliqui eligunt , commodiora vilibus rebus , studijs & fabulis tribuunt . Tertiò , esse quasi sacrificiũ thymiamatis , quod ex suauissimis aromatibus conflatum : de quo Apoc. 5 . dicitur , Angelos apparuisse , habentes phialas aureas plenas obdoramentorũ , quæ sunt orationes Sanctorum . Quidquid ergo virtutis in nobis est , in oratione succendi Deo debet , vt placeant verba nostra in conspectu summi principis . *Credo tibi , vt su. p. 7.*

Sapiens ait : Aurum tuum & argentum confli , & verbis tuis facito stateram , & frenos ori tuo rectos : & attende ne forè labaris in lingua , & cadas in conspectu inimicorum insidiantium tibi , & sit casus tuus insaniabilis in mortem . Quomodo enim sanabitur , qui orationem , qua omnia mala auertuntur , efficit sua negligentia peccatum ? Quam autem turpe , blasphemia , turpia , vana cum sacris admittre . Hinc collige , quòd videantur huiusmodi vna manu Deo supplicare , altera necem intentare : est enim dispositio ad peccatum mortale , per quod crucifigitur filius Dei . Quanta autem attentione opus sit , iam patet , quòd nihil ex his , quæ per hanc v. tam coluntur , vt Nyssenius , & in precio sunt , orationi

*Oratio
canalis
gratia, &
sacrificiũ.*

*Tempus
aptum de-
lige.*

Eccl. 23.

*Quid ca-
erat di-
scretus
suã culpã.*

*Orationis
præstan-
tia.*

*Greg. Nyss.
de or.
Dom.*

tioni præstet. Tanta enim exigebat B. Antonius, ut dicat Cassianus ex eius ore diuinam, cælestem, & plusquam humanam sententiam; Non est perfecta oratio, in qua se monachus, vel hoc ipsum quod orat, intelligit. Quid enim est, ait Aug. oratione præclarius? quid vitæ nostræ utilius? quid animo dulcius? quid in totâ nostrâ religione sublimius? Quanta autem reuerentiâ te psallere par est, qui pro omnibus, qui Deum inhonorant, & ignorant, venis ut adores & honores? O quantâ nos merito verecundiâ affici debemus, quos pudet irreuerenter agere cum hominibus, & non cum Deo, Rege regum, etsi is sub peccato mortali præcipiat, ut attendamus? Quid enim grauius est? quod signum manifestius, quàm Deum velle sibi deuotè abs te psalli mente, & non voce tantùm? Imò omnis oratio, ad hanc publicam perfectè faciendam, & ut voluntatem Dei faciamus, dirigenda est. *Hæcine vera, ut sup. pag. 7.*

*Aug. in
tra. de mi-
ser.
dom. 10.*

*Irreueren-
tia in ora-
tione
grauis.*

*In templo
sæpè oran-
dum.*

*Lucæ 18.
Tempus
dandum
orationi.*

*Nota qui
Horas le-
git.*

PVNCTVM III. Considera qualem ei locū ac tempus deputare oporteat: quàm accommodum, si rei grauitas & utilitas expendatur. Quod si in templo nequeamus (quid enim potius? quid magis Sanctis in votis, & in delicijs, quam accedere ad tabernaculū fœderis, & iuxta illud habitare?) locum saltem quæramus pietati potiùs, quàm distractioni accommodum. Nunc quod ad tēpus spectat, attende verba illa: Oportet semper orare, & non deficere. & rursus: Sine intermissione orate. Quòd si ita est, quid est, quòd omnia tēpus habere videantur, sola oratio & meditatio, quæ omne tempus habere debet, nullum aliquando inueniat? Sanè pudere debet eos, qui solū priuatim Horas legunt; si, cū multis horis psallant alij deuotè, ipsi cursim, breuī tempore, & distractè eas decurrant potiùs, quàm legant. Imò, quæ cærimonijs, & multorum in oratione consociatione in choro conciliatur deuotio, compensari in priuato deberet insigni attentione. Nōne omne tempus vitæ ad orationem hūc deuotè faciendam, animumque in Deum

erit

erigendum, & contemplationem in cælo perpetuam dirigitur? Considera, precor, cui rei propter vtilitatem & recreationem, tempus impendas; & aduerte omnes causas in lectione Horarum concurrere; auxilia omnia, & quauis gratias impetrari. Dicit enim Dominus: Petite, & dabitur vobis; quærite, & inuenietis; pulsate, & aperietur vobis. Omnis enim qui petit, accipit; & qui quærit, inuenit; & pulsanti aperietur. Oratio enim iusti, clavis est cæli: ascendit precatio, & descendit Dei miseratio, vt ait Augustinus.

Oratio
res maxi-
ma & eam
tu minime
facis.
Matth. 7.

Aug. lib
salut mon.
cap. 28.

Oratio ante Horas Canonicas, diuisa in partes septem: quarum vnâ singulis hebdomadis, aut diebus vsurpare potes, aut si mauis, cuique horæ suam præmittere.

MANDAS mihi Rex Regum, vt psallam tibi, psallam spiritu, psallam mente, psallam sapienter. Et nõne gaudens gaudebo in Domino, & exultabo in Deo IESV meo? iucundum sit, obsecro, tibi Domine IESV pauperis serui tui eloquium meum, & exultent labia mea cùm cantauero tibi, & anima mea quam redimisti, sed & lingua mea totâ die meditabitur iustitiam tuam; maledictum enim audio qui facit opus hoc tuum negligenter; & va mihi si tacuero, si raptim, indeuotè dixero, si neglexero laudes tuas, cùm sciam esse omnium negotiorum maximum, & æterna supplicia, nisi eas, vti debeo, persoluero, comminatum esse. O charitas Deus meus; itane tibi placet iubilatio nostra? psallam ergo tibi, Deo meo, cantabo tibi canticum nouum, & bene psallam tibi in vociferatione de profundo cordis & affectus mei, & cātabo Domino in vitâ meâ, psallam tibi Deo meo amantissimo quàm diu ero.

Ad Matu-
tinum.

Inuitas me Domine, & ad hoc me sustentas & vocas, vt confitear tibi in cythara & in psalterio decem chordarum psallam tibi. At tu Domine, nõne Deus meus es tu, & bonorū meorum non eges? Non eges, ò infinita bonitas, sed infrenare vis os meum laude tuâ, vt benedicam nomini tuo in seculum seculi. Ideo anima mea exultabit in te Domine, & delecta-

Ad pri-
mam.

bitur super salutare suo, id est, te suauissime IESV Et quomodo non delectabitur in te, in te pane Angelorum omne delectamentum in se habente? Quomodo omnia ossa mea non dicent, Domine, quis similis tibi? Cor meum & caro mea exultauerunt in Deum viuum: Illud enim habitatio tua & requies tua, vti spero, in saculū saculi, & ego in te esse vivere & mori volo.

Ad Tertiam.

Psal. 102.

Celi enarrant gloriam tuā, Creator mi, & opera manuum tuarum annuntiat firmamentum. Vnde igitur mihi si tacuero. Vnde mihi si loquar laudes tuas velut equus & mulus quibus non est intellectus. Si omnis spiritus laudet te & creatura, & consiteantur tibi omnia opera tua, Domine, Vnde mihi si tacuero, qui sic amasti me, vt cantarem tibi: emisisti precio, vt glorificarem & portarem te in corpore meo. Hoc si hodie dederis mihi, quid vltra addere poteris? Benedic igitur anima mea Dominum, & omnia quae intra me sunt nomini sancto eius. Benedic anima mea Dominum, & noli obliuisci omnes retributiones eius. Ecce vt IESVS coronat te in misericordiā & miserationibus. Ecce vt replet in bonis desiderium tuum; & te pigebit verba pro tantis bonis illi reponere? Eia, bone IESV, renouetur, obsecro, vt aquile iuuentus mea, & aperi labia mea, vt annuntiem laudes tuas.

Ad Sextā.
Psal. 22.

Venite exultemus Domino, o anima mea, & iubilemus Deo salutari nostro: Dominus enim regit me, & nihil mihi deerit; in loco pastus ubi me collocavit. Ecce enim parauit in conspectu meo mentem aduersus eos qui tribulant me, & impingunt in oleo caput meum, oleo misericordiae suae. & calix meus inebrians quā preclarus est! Misericordia tua Domine. s. bsequetur me omnibus diebus vitae meae, vt inhabitem in domo Domini in longitudinem dierum, vt habites in medio mei & magnificet Dominus facere nobiscum, & facti sumus loquentes. Cantabo Domino, cantabo tibi Deus meus qui bona tribuisti mihi, & psallam nomini Domini altissimi.

Ad Nonam.

Fortitudo mea & laus mea Dominus, & factus es mihi in salutem. Exultauit cor meum in Domino, & exaltatum est cor meum in Deo meo, dilatatum est os meum super inimicos meos, quia latatus sum in salutari tuo. Benedictus es Domine

ne Deus Israel ab aeterno, & in aeternum, tua est Domine 1. Par. 29.
 magnificentia, & potentia, & gloria atque victoria, & tibi
 laus. Cuncta enim quae in caelo sunt, & in terrâ, tua sunt;
 Tuum Domine regnum, & tu super omnes Principes. Tua
 diuitiae, & tua est gloria, tu dominaris omnium. In manu tuâ
 virtus & potentia, in manu tuâ magnitudo & imperium,
 & dignum ducis super me aperire oculos, & intendere aures
 ad deprecationem meam, & descendere in cor meum? Quid est Psal. 8.
 homo quod memor es eius, aut filius hominis quia visitas eum?
 Cantate Domino, ô beati Spiritus, canticum nouum, qui mi-
 rabilia fecit.

Misericordiarum tuarum Domine dirumpe petram, & Ad Ve-
speras.
 fluant aquae, & abeant in sicco flumina lacrymarum mearû,
 quia amarû est mihi vehementer dereliquisse te omne bonum.
 Sed notum mihi cum feceris salutare tuum, & tu bone JESV Contri-
tionis
actus.
Actus
spei.
 non dedigneris meminisse mei, & venire toties ad me, ecce,
 viderunt omnes termini terrae meae salutare tuum Deus meus,
 & singulariter in spe constituisti me. Dixisti enim, quidquid
 petieris fiet vobis. Verêne? fallere nequis? Itaque ego vermis
 & non homo, de salute incertus in tot periculis, & inter tot
 hostes inermis, venio supplex vt diligenter, (maledictus enim
 qui secus facit opus tuum) summo affectu & amore te lau-
 dem, pro omni creaturâ tuâ. Ad hoc enim creatus sum, viuo,
 & in aeternum viuam tuâ gratiâ, ô Creator, Redemptor, &
 Vocator, & infinitis modis Benefactor mi. Vtinam te laudare
 queam sicut te laudant Angeli tui in caelo, & in terrâ electi
 tui; inter quos frigidus adsto! sicut faceret ereptus ab inferis:
 pro quibus, & omnibus maledicentibus tibi, & mutis creaturis
 laudare te desidero; & pro satisfactione peccatorum meorum,
 & emendatione defectuum N. & commendatis mihi, & Ec-
 clesiâ vniuersâ. Desidero soli tibi intendere, vitæ filij tui my-
 sterijs, perfectionibus, beneficiis, & doloribus illius.

Ad te leuavi oculos meos, qui habitas in caelis, respice quæso Ad Com-
pletoriû.
 in me, & miserere mei, vt exaltem te Deus meus, & bene-
 dicam nomini tua in saeculum saeculi; ô omne bonum, & re-
 quies mea, suscipe in vnione orationum, quas filius tuus
 & sancti

& Sancti tui fuderunt laudem ex ore peccatoris. Admitte me intra sacrarium exauditionis tuæ, intra chorum laudantium te, & collaudantium nomen tuum. Adfint, quaeso, mihi Angeli sancti tui, vt pro me misero, & mecum tibi psallant, gratias agant pro omnibus donis tuis; vt psallam sapienter, psallam spiritu, psallam mente, vt vnum te cogitem, te amem: ceteraque curæ tuæ Maieſtatis relinquam. Pater benigniſſe me: tu enim de me, velut vnico, & velut vniuerso ſollicitus es: & ſcio; quia non obliuiſceris mei, quem in manibus tuis deſcribere dignatus es.

Praxis ad Horas bene recitandas.

*Statue
locum &
tempus,
Vt reſitu
decenti.*

*D. Thom.
2.2. q. 83.
4.13.*

*Attentio
triplex.*

*Nota ſig-
geri non
preſcribi.*

*Præpara-
tio Com-
mentarius
in Pſalmos
legendus.*

*Præpara-
tio propin-
qua ante-
lectionem.*

P R I M Ò, locus aptus quærendus, & tempus designandum. Tu autem cum orareris intra in cubiculum tuum, & clauſo oſtio ora Patrem in abſcondito, ait Dominus. Quòd ſi id fieri nequit, ſaltem collige pauliſper animum, occupationibus diſtractum; deinde ſitu decenti vttere; varium imitari priuatim potes, qui publicè in Eccleſia ordinatur.

Varia induſtræ à viris piis excogitatae ſunt, vt animum in diuino ſeruitio collectum ſeruarent, ne, vt D. Thomas loquitur, Deum deridere viderentur. Triplex autem eſt attentio: ad verba, quæ neceſſaria; Secundò, ad ſenſum melior; Tertio, ad perſonam, & rem quæ petitur, præſtantiſſima. Quidquid hîc diceretur, ad aliquam harum ordinatur. Ego pauca ſuggeram, non præſcribo. Unctio quemque docet, & Spiritus vbi vult ſpirat, & quomodo vult ſpirat: quem ſequi oportet. Qui enim Spiritu Dei aguntur, hi filij Dei ſunt. Tria autem ſunt quæ ad collectionem animi conferunt. Primum eſt, præparatio; Secundum, memoriæ & imaginationis ſtabilitas; Tertium, poſt Horas recollectio.

Ad præparationem valet, Primò, legiſſe pium aliquem in Pſalmos commentarium, qualis certè eſt Illuſtriſſimi Cardinalis Bellarmini. Plus tamen de iſſdem meditationem ſenſuum inſtituiſſe. Secundò valet meditatio matutina, & cum Deo communicatio perpetua. Semper enim, maxime Sacerdotes, oportet orare, & non deficere, atque animum collectum ſeruare. Mirum certè eſt, quot ex affectu orationis matutinæ ſenſus pij in pſalmorum recitatione à Spiritu ſancto, vt venæ aliquæ auri ſuggerantur. Tertia eſt, & magis propinqua; Primò, conſcientiam excutere, & contritionem excitare. Non eſt enim ſpecioſa laus in ore peccatoris. Secundò, omnia negotia ſepone, & de iis cogitationem velle excludere, Deo omnia tribuendo;

Tertio,

Tertiò, locum, situm, tempus definire. Si enim locuturi cū homine, quid, & quomodo attendimus; quanto magis causam coram Deo nostram acturi?

In ipsa lectione tria item fac: Primò, memoriā præsentiæ Dei, & Christi Domini in Vener. Sacramento exerce. *In lectione quid factu opus.* Secundò, vti in meditatione dictum est, compositionē loci fac, vel vnam, vel ad psalmos singulos. Tertiò, pete gratiam aliquam singularem, vel in singulis psalmis, vti exponetur, vel vniuersis.

Nota, quòd dicitur præsentiā Dei primò excitandā, *Præsentiā Dei memoriā habe.* in singulis psalmis renovari posse, idque valdè expedire, omninò enim oratio, vix est oratio, absq; eā, sive cum Deo colloquiū, quis enim absenti loquitur? Secundò, quod verò ad compositionē loci, quā & memoria & Imaginatio alligatur, attinet: Nota, eā variis modis fieri, vt ex iis, quæ de meditatione mysteriorū (eadem enim ratio est) dicta, constare potest.

Mysteria, quæ respondēt septē horis, sunt: pro *Mysteria quæ horis respondent.* Matutino & Laudibus, gesta in horto vsq; ad domū Caiaphæ; Primā, nox in domo Caiaphæ, & prima condemnatio; Tertiā, flagellatio, & coronatio; Sextā, condemnatio, & baiulatio crucis; Nonā, exaltatio in crucē; Vesperis, depositio; Completorio, sepultura. Hæc autē ante eas breuiter, iā antè meditata; (neq; enim tunc meditandū est, sed quasi in contemplatione, ac Dei præsentiā orandum) recolantur; &

Christo Domino præsenti, cum variis affectibus, compunctionis, contritionis, gratiarū actionis, admirationis, compassionis, gaudii, spei, amoris, recitētur. Non enim applicari omnia possunt, sed recitari Domino Jesu præsenti, qui cum sanctā Catharinā Senensi etiā Horas aliquando recitare dignatus est. Hoc verò spectat ad tertiā intentionem. *Affectus varij Thomæ Camp de disc. claustr. c. is*

Huc pertinet, quòd aliqui coram Deo, cum aliquo Sanctorum choro recitant Horas, aut etiā psalmos, suumque affectum & vocē coniungunt. Hi numerari decem possunt. B. Virgo enim vnum per se facit; Secundum, Angeli; Tertiū, Patriarchæ; Quartum, Prophetæ; Quintū, Apostoli; Sextū, Evangelistæ; Septimum, Martyres; Octauum, Pontifices & Confessores; Nonum, Sacerdotes & Leuitæ; Decimum, Virgines & Viduæ. Alii ex charitate per septē Horas, pro septem statibus Ecclesiæ orant. hi sunt: Primus, Prælati & Clerus; Secundus, Principes; Tertius, Religiosi; Quartus, Doctores; Quintus, sæculares, cælibes, coniugati; Sextus, pueri & infantes; Septimus, defuncti, vt Deus omniū misereatur, omniū pericula auertere dignetur. Alij sic diuidunt, vt orēt. Primò, pro Ecclesiā vniuersā; Secūdo, pro Superioribus;

Cum Sanctorum aliquo legere potes, aut etiam choro eorum.

In 7. horis pro 7. Statibus orare.

*Quomodo
Christo
crucifixo
hic uteris
eumque
adorabis.*

*Virtutes 7.
exercere
potes &
flagitare.*

*Alia pra-
xis circa
SS. Trini-
tatem.*

*Considera-
tio de 7.
beneficijs.*

*Considera-
tio de 7.
perfectio-
nibus Dei.*

*Considera-
tio prae-
sentiae Dei.*

*Praxis ex
varijs con-
flata.*

rerioribus; Tertiò, pro subditis, aut commendatis; Quartò, pro benefactoribus; Quintò, pro aduersarijs; Sextò, pro conuersione infidelium ad fidem; & peccatorum, ad poenitentiam; Septimò, pro defunctis: & hoc, quasi coram Christo crucifixo, cuius corpus est Ecclesia; in cuius capite, Superiores; dextera, subditos; sinistra, benefactores: in corde, aduersarios, & amicos: in dextro pede, peccatores; in sinistro, defunctos locant. Atq; ita saluantur etiam membra Christi Domini. Alii pro se septem virtutes, capitalibus peccatis contrarias, per septem Horas petunt. Poterit etiam quis capita illa meditationis, supra posita, applicare, & imagines libro inferere, iisque se excitare.

Verum quò anima magis ad vnum tendit Deum, vtilius est, & oratio ea sublimior, quàm aliqui, quasi in vnitua sese exercent; & Sanctissimæ Trinitati, ac tribus personis eiusdem, singulos psalmos offerunt; secundæ tamen personæ, cum geminas habeat naturas, geminos etiam psalmos Huc spectat, Primò Horas singulas in gratiarum actionem Deo offerre, pro septem beneficiis præcipuis: Matutinum, pro creatione; Laudes, redemptione; Primam vocatione; Tertiam, iustificatione; Sextam, conseruatione; Nonam, glorificatione; Vesperas, & Completorium, pro Ven. Eucharistiæ institutione. Secundò, perfectiones diuinarum laudum, per Horas diuidere: vt in Matutino & Laudibus, potentia; Prima, sapientia; Tertia, bonitas; Sexta, iustitia; Nona, prouidentia; Vesperis, amor; Completorio, liberalitas extollatur. Tertiò, considerare præsentem Deum, per essentiam, præsentiam & potentiam; Primò, in inferno; Secundò, in terra; Tertiò, aqua; Quartò, hominibus; Quintò, nobis ipsis; Sextò, aëre; Septimò, igne; Octauò, cælo; Nondò, astris; Decimò, Angelis & Beatis.

Hos modos paucis, vt breuior sim, vniuersim suggero, vt vnum ex superioribus conflatum Hoc verò est: Primò, conscientia excussa cum contritione, in præsentia Dei tui te constitue; Secundò, insuper finge, si libet, Christum Dominum mysterium aliquod coram te gerere, cui sic præsentati aut Horam, aut psalmum recita; Tertiò gratiam ab eo breuissimè ad orandum pete oratiunculâ sequenti: Credo, ô Maiestas infinita, te in corde meo, & ubique præsentem, & in te spero, & confido petita N. obtinere. Omnia tibi committo; & diligo te ex toto corde meo & desiderio: pro innumeris beneficijs tuis, & peccatis meis quæ detestor, & quia dignissimus es, offero hoc sacrificium, vltimum fortè, coram curia tua. Da mihi gratiam ad hoc vocato, & suscipe me in vniõne meritorum filij tui, & omnia

Et omnia mea, Et hoc quoque propositum. Amen. Quarto, recita Pater, & si libet, septem intentiones, septem petitionibus renoua, per B. Virginem, dicendo *Aue Maria*, gratiam pete, & que offer; & deinde ad *Gloria Patri*, &c gratias age, & intentionem rectam exerce. Initio vero alterius Psalmi, mente dicito: *Ex te, Et in te, Et pro te sunt omnia.* Pro præsentia Dei, & amoris actu, si libet, & affectus suggerit, adde mente epitheton ad vocem *Deus*, in aliis attende ad verba Psalmorum. Mysteria autem Psalmis attributa, habe. Dominica, recita coram Domino, Primò lauante pedes; Secundò, Sanctissimam Eucharistiam instituente; Tertiò, orante in horto; Quartò, in agonia posito; Quintò, canto; Sextò, accusato apud Annam; Septimò, apud Caiphā; Octauò, illuso ibidem; Nonò, accusato apud Pilatum; Decimò, spreto ab Herode; Undecimò, Barabbæ posthabito; Duodecimò, si gellato; Decimotertiò, coronato; Decimoquartò, populo ostenso; Decimoquintò, crucem amplexanti; Decimosexto, eam bajulanti; Decimoseptimò, crucifixo; Decimooctauò, eleuato in crucem. Feriato die, Primò, orante in horto; Secundò, accusato apud Annam; Tertiò, apud Caiphā; Quartò, illuso; Quintò, accusato apud Pilatum; Sextò, ab Herode spreto; Septimò, Barabbæ postposito; Octauò, flagellato; Nonò, coronato; Decimò, populo proposito; Undecimò, baiulante crucem; Duodecimò, crucifixo. Festis diebus; Primò, orante in horto; Secundò, accusato apud Annam; Tertiò, apud Caiphā; Quartò, apud Pilatum; Quintò, illuso ab Herode; Sextò, flagellato; Septimò, coronato; Octauò, baiulante crucem; Nonò, crucifixo. Ad Primam, Primum Psalmum recita Christo apparenti Matri; Secundum, Magdalenzæ, & Tertium, tribus Mariis, hanc priusquam incipias, actiones diei percurrere, & in confessione contritionem excita. Secundò, ante *Pretiosa*, Sanctorum memoriam recale. Ad *Deus in adiutorium*, à Deo Patre potentiam, à Filio sapientiam, à Spiritu sancto voluntatem pete faciendi præcepta illius. Ad orationem, actiones omnes offer. Ad Tertiam, Primum, Petro apparenti; Secundum, in Emaus; Tertium, omnibus se ostendenti; Ad Sextam, Primum, Thomæ; Secundum, piscantibus, Tertium, in Thabor se manifestanti. Ad Nonam, Primum, in mensa; Secundum, in monte oliuarum; Tertium, B. Paulo. Ad Vesperas, Primum, nato; Secundum, circumciso; Tertium, apparenti Magis; Quartum, præsentato; Quintum, fugienti in Ægyptum; Sextum, *Magnificat*, inuento in templo

templo. Ad Completorium, disponere te quasi ad mortem per confessionem, & contritionem. Primum psalmum recita, vt in lecto mortis; Secundum, vt in articulo; Tertium, vt in via ad iudicium; Quartum, vt ingressus in cælum, eoq̃ue aspira, & ex illo affectu dic: *Nunc dimittis*, &c. *Oratio pro Execut.* vt suprà pag. 10.

Nota sequendum ductum Spiritus sancti, neque anxie, neque remisse, neque omnibus vtendum, sed alicui insistendum.

Oratio post horas.

Psal. 140.

D Irigatur oratio mea sicut incensum in conspectu tuo, & Rex regum potentissime, sapientissime, optime; & errores & euagationes ignoscat clementia tua: & suscipe eam in vndone omnium orationum Christi Domini, & Sanctorum in celo & in terrâ; ex omni affectu triumphantis & militantis Ecclesie, ad gloriam tuam, & laudem B. Virginis, & Sanctorum omnium, & eorum, quos hodie colendos suscepi, ad memoriam passionis, gratiarum actione pro omnibus beneficiis tuis, ad salutem omnium qui se mihi commendarunt, in satisfactionem pro peccatis, & gratiâ tuâ impetrandâ, & hac virtute N. & concede, vt sicut semper laus tua est in ore nostro, ita etiâ in opere te predicemus, modestiâ, zelo, deuotione, resignatione, obedientiâ, & patientiâ nostrâ, vt omnes te ament & glorificent. Amen.

Leo X. concessit recitanti post officium sequentem orationem, remissionem omnium negligentiarum admissarum in recitatione officij:

Sacro sanctæ ac indiuiduæ Trinitati, crucifixi Iesu Christi Domini nostri humanitati, & beatissimæ & gloriosissimæ Virginis Mariæ fecunditati, & integritati, ac omnium Sanctorum Sanctarumque vniuersitati, sit sempiterna laus, honor, virtus & gloria, ab omni creaturâ, nobisque remissio omnium peccatorum, nunc & semper, & per infinita secula seculorum, Amen.

Beata viscera Mariæ Virginis, quæ portauerunt æterni Patris Filium: & beata vbera, quæ lactauerunt Christum Dominum. Pater noster. Ave Maria. Diuinum auxilium maneat semper nobiscum. Amen. Suscipe clementissime Deus, &c.

CAP. V T XIII.

Regula brevis & semita ad finem, ad perfectionem, & vitam verè beatam in quolibet vitæ statu.

O Viator, memento, memento ad æternitatem te tendere omnino longissimam, viâ tamen breuissimâ vitæ huius. Hora enim & momentum est vita nostra. Vis viam scire? via mandata sunt verè facilia; hoc enim veritas dixit. Tunc dubitas? nefas est. Vita est, & in quâ currere possis cum eo, qui dicebat: Viam mandatorum tuorum cucurri. Times ne non possis decurrere? Omnia potes in eo, qui te confortat. Attende, obsecro, & memento, mi frater, liberi sumus: nemo, nemo nisi volentes seducere potest; nemo tentando te, nisi velis, superare. Fidelis enim Deus non patietur te tentari supra id quod potes. Credis? ergo metum pone, & in Domino IESU murum transgredere. Sed forsitan semitam quæris? En tibi, ô frater, à Domino & mihi monstratam. Brevis est & facilis, si amemus salutem, & Dominum nostrum IESUM CHRISTVM. Iuva me vicissim precibus, nam frater qui adiuuatur à fratre, erit quasi ciuitas firmâ: Et scriptum memini: Væ soli, quia cùm ceciderit, non habebit subleuantem se. Ambulemus ergo pariter, sequamur IESUM & vestigia eius.

Psal. 118.

1. Quotidie manè exspectatus mox velut viator oculos ad Deum & cælum conuerte: & quandoquidem tibi eundum est, statue passus omnes, id est, cogitationes, verba & opera ad maiorem Dei gloriam ex summo amore dirigere: id quæ firmiter, vt mori potius malis quàm Deum patrem amantissimum offendere. In decursu diei hûc reflecte, an actiones eò te ducant; an cum Deo, & coram eo ambules, & si in re aliquâ dubites, dic: Ostende mihi viam, in quâ ambulem, quia ad te

Quid male facientium.

Intentio recta.

Psal. 142.

K

Ieuau

*A passu
tua pendet
aeternitas.*

leuauim animam meam. Attende, ô frater, quanta sit de-
mentia te passum figere, & nescire in quo loco, an in vi-
tâ an in morte sempiternâ, ab vno enim passu omni ho-
râ & momento tua pendet infinita & interminabilis
aeternitas. *Credo tibi, vt sup. pag. 7.*

*Angelus
cujus dux
nostre.*

2. Duces tibi à Deo datos sequere. Hi sūt 1. Angelus
tuus custos, eum in omnibus consule, eoque vtire fa-
miliarissimè; sèpè roga de viâ, ei que omnia tua com-
mitte & commenda. Deinde roga superiores, eis que pa-
re, vt i Deo, qui enim illos audit, eum audit. Adijce his
monitorem virum probum, quem maturè delige; & ob-
serua. *Credo tibi & c. vt sup. pag. 7.*

*Item supe-
riores.*

Lucæ 10.

*Item Mo-
nitor.*

*Qualiter
in occurſu
creaturarū
quis se gere-
re debeat.*

*Deus in
omnibus o-
peratur pro
te.*

*Creatura
abnegan-
da, quia in
ipsa mors.*

*4. Reg. 4.
Cor homi-
nis frustra
implere
quis cona-
tur.*

3. Occurrent tibi in viâ creaturæ Dei, & opera eius,
ex his omnibus vtilitatem capies, si omnia propter te
velut solum facta, & salutem tuam, arbitreris, Deum in
omnibus pro te operari, & ita tibi in omnibus præsen-
tem esse, quasi tu solus cum Deo in orbe esses; & de bo-
nis semper Deum lauda, ei que tribue; quia creaturæ
eius sunt famuli, hæc que iussu eius tibi præstant. Si au-
tem à viâ rectâ te seducerent, vt sunt pulcra, curiosa,
suauia, &c. seductores agnosce, Cogita certò æterna
bona perdenda, aut hæc abneganda esse tibi. Aduerte te
hæc satiari, aut replere non posse, & contemne vt la-
queum & venenatum poculum, de quo dicere liceat,
Mors in olla. Quis sapiens vas pertusum, aut tale quod
quo plus coneris implere, minùs impleatur, id tamen
implere conabitur? Nónne autem certum est, vt Poëta,
quod tantum crescat amor nummi & aliarum rerum,
quantum ipse? neque satiari vlllo pacto cor hominis aut
impleri possit! *Hæcine vera, vt sup. pag. 7.*

*In aduersis
quid faciē-
dum.*

*Attende ad
Christi
passionem.*

4. Occurrent mala & aduersa, morbi, egestas, &c.
Omnia tribue Deo, de que eius manu paterna & medi-
ca accipe, illius que prouidentia te & illa committe:
cum que oportuerit Christum pati, & ita intrare in glo-
riam suam, te & tua mala cum eo, eius que doloribus
compara, & tolle crucem tuam, & sequere eum. Pa-
cem

tem autem animæ ante omnia serua, vt arcem tutissimam, & fiduciam in Deo eiusque prouidentiâ loca, quicquid accadat, ei tribue; de futuris nihil inquiras amplius: Ipse regit nos, & omnia nouit, & potest. Illi omnia viuunt, & propter eum sunt, ideoque ei committe vniuersa. *Credo tibi, &c. vt sup. pag. 7.*

Resignare.

5. Occurrent etiam homines serui Dei, filij eius, membra CHRISTI IESV: sicne huic per illos petenti negare poteris itipem, quibus etiam debes vitam? Itaque sincerè proximos ama, de illorum bonis tibi gratulare, & malis compatere. Ama verò maximè aduersarios vt Christi membra, eiusque famulos, & caue vel minimam auersionem vel amaritudinem, aut despectum suborientem admittere; sed hunc excitato actu amoris excludere. Certe aliquem iudices, aut seuerè corripas, vel vlli te præferas: nam in quo tu alium superbè iudicas, in eo te condemnas; eadem enim si bene te inspicias facis, quæ iudicas. Si tibi homines aliquod bonum præstent, scias à Deo missos ac iustos; si malum, similiter: vel saltem decreuisse ex æterno Sapientiæ dictamine permittere; & si corrigere hos nequis, Deo committe. *Hæcine vera*, vt sup. pag. 7.

Eleemosyna Christo danda.

Proximum ama.

Inimicum dilige. Neminem iudica.

Mala accipe de manu Domini.

6. Ex his Sodales probos & bonos delige, non seductores, non pestiferos, non hostes Dei, quibuscum comprehensus vnâ plectaris, sed qui portare onera tua vicissim velint, te alere in viâ, præsidio tibi & subsidio esse. Caue autem vlli te præferas ob vllam gratiam, aliàs enim eam perdes. Et nescis amorè an odio Dei sis dignus, neque quicquam à te habes aut tuum. Caue vlli placere desideres nisi secundum Deum. Estne enim opere precium displicere Deo vt homini placeas? caue cum villo contentiones suscipere, sed si quis angariauerit te ad mille passus, vade cum illo alia duo, & esto consentiens aduersario tuo in via, ne rapiaris ad iudicem. *Credo tibi, &c. vt sup. pag. 7.*

Amici quales diligendi.

Vanam gloriam vitæ. Eccles. 9. Noli gratiam hominum querere vanæ Contentiones vitæ. Matth. 5. Lapsus resurge.

7. Si lapsus fueris in viâ, mox contritione resurge,

K 2

& amo-

*Ora crebrò
& B.V.
cole.*

*Psal. 118.
Lectio pia
commen-
datur.*

*Custodi
sensus tuos.
Iacob. 3.
Iacob. I.*

Prou. 10.

*Examen
conscientiæ
institue.*

*Mortifica-
tionē ama.*

*Contemnē-
de hostis
tentationes*

*Communi-
onē fre-
quentia.
Adi crebrò
Venerabile
Sacramen-
tum.*

*Communi-
ca cū Deo
eiq; te re-
figia.*

& amore in Deum, & cura per confessionem hebdomadariam vulnera tua, & vires per communionem repara; haustus animæ sitientis erit frequens oratio, & B. Virginis inuocatio, quæ est quasi respiratio iuxta illud: Os meum aperui, & attraxi spiritum. Nulla etiã dies abeat, quin lectionem libri spiritualis vsurpes, & meditationem, si potes. *Credo tibi*, &c. vt sup. pag. 7.

8. Linguam, oculos, atque aures diligentissimã custodiã obserua: qui in linguã non offendit, hic perfectus est vir: & quantumcumque quis religiosam vitam agat, si non refrænet linguam suam, huius vana est religio: verax, igitur, & sincerus, & amabilis omnibus esto. Qui alius est, & politicus, se decipit, & confundetur à veritate: qui autem moderatur labia sua, prudentissimus est. *Haccine vera*, vt sup. pag. 7.

9. Quotidie saltē semel vesperi vide, vti iã moriturus, quantum vię confeceris, & conscientiam discute, & cōfiteri vt minimum semel in hebdomadã, & statue deuia vitare & præcipitia, seu prauas inclinationes; quas quotidie mortificare etiam in paruis stude, maximè curiositatem, gulam, & arrogantiam, iram, ac tristitiam: qui enim non odit animam suam mortificando eam, non potest esse Christi discipulus. Nihili facias, si quã tibi hostis eunti acclamat, insusurret anxia, obscœna; contemne, vt latrantem canem, neque peccatum arbitrare, quamdiu tibi displicere senseris, *Credo tibi*, pag. 7.

10. Saltem semel in hebdomada deuotè absque singularitate communica. Viaticum enim est hoc Sacramentum, æternæ gloriæ pignus, reparatio virium, panis confortans cor hominis, solatium viæ, præmium patriæ. Ad hoc confugas velut ad tabernaculum in dubijs, arcem refugij in malis, vt ceruus ad fontem, famelicus ad mensam, quam parauit IESVS multo labore, condiiuit suo sanguine, coxit sincerissimo amore. Sed super omnia, quod satis commendare nequeo, ex omnibus creatis, amoris in creatorem collige faculas, & ad illum adspira, eiusque

eiusque sanctissimæ voluntati, tuam toto corde, in omni re conforma, ita ut nihil in hoc mundo petas, præterquam ut in omnibus fiat eius sanctissima voluntas.

Regula eadem in Orationem redacta.

1. **D**EVS meus, fons omnis boni, te diligo ex toto corde meo, quia creasti me ad te, ut seruiam, totoque corde adhæream tibi. Obsecro te, bone IESV, dirige gressus meos in sentitis tuis, ut hodie cogitationibus omnibus N. verbis N. & operibus N. semper ad te tendam, & tandem aliquando, o unicuique meum desiderium! perueniam.

Actus
Amoris.

Intentio-
nis rectæ,

2. Trahe me post te, ut sequar te, & Angelum quem ducem huius via dedisti: & superiores, de quibus dixisti; Qui vos audit, me audit. Ita facere statuo. Neque enim sapientior aut melior te sum amantissime IESV.

Obedien-
tiæ.

Luc. 10.

3. Si qua autem creatura hodie N. per portas sensuum meorum occurrent mihi, fac quaeso ut videam à te missas, & iussas mihi benefacere, ac proinde non illis, sed tibi tribuam omne bonum, neque amem illas, nisi propter te: Et quid quaeso possum extra te amare, aut querere? nonne certo scio, quod tu sis abyssus bonorum, & ex te omnia manent? verum si seducere cor meum, & inclinare ad se conentur, adiuva me ut velut laqueum, venenum, mortem, & infernum omne creatum abominer, quod est sine te. Scio, non satiatur oculus visu, nec auris auditu, imò quo quis eos magis saturare conatur, magis insaturabiles fiunt.

Amoris
Dei.

Contem-
ptus crea-
turæ.

Eccles. 1.

4. Si mala occurrant, à te prudentissime & summo amore missa, vel permissa amplectar, & agnoscam ego servus tuus crucem meam, & laudabo sanctissimam providentiam & voluntatem tuam.

Resigna-
tionis.

5. Homines verò vitæ comites, & maxime aduersarios diligam, ita enim mandas, & diligo propter te, neque ulli me obdona tua præferam, ne perdam hæc ipsa, aut præferri volam: cum nihil enim habeam meum, nihil possim sine te, nihil tribuere mihi, nihil volo deferri, aut tribui, nec possum neque verè omnium minimus alium iudicare præsumere cupio: nescio enim, an ipse eheu! amore, an odio dignus sim, & scio unumquemque tantum esse, quantus est in oculis tuis, benignissime IESV.

Amoris
proximi.

Cont. im-
ptus sui
& humi-
litis.

Eccles. 9.

Pax cum
omnibus
seruanda.

Contritio
statim
post pec-
catum ex-
citanda

Sensuum
custodia.

Quomo-
do crea-
turæ con-
siderandæ.

Examen
frequen-
tandum.

Præpara-
tio ad
Communi-
onem.

6. Ex his autē da mihi queso sodales bonos, non pestiferos moribus, detractiois venena spargentes; nō seductores, & ut cum omnibus pacem habeā: quia, o requies mea, in pace factus est locus tuus, & desidero in pace te hodie, o Princeps pacis, suscipere amantissimē & arctissimē complecti. Ita enim misero mihi mandas ex infinitā charitate tuā.

7. Si lapsus in viā fuero, nōne, o spes mea, opera manuum tuarum porriges dexteram? & ego per contritionem & amorem ilico erigam me ad te, ne vel momento separer à te, & forsitan eternū.

8. Portas sensuum meorū ac linguam ita custodi, o Custos hominum, o IESV, o IESV, ne quis eas intret, nisi missus à te, aut propter te admissus nuntius de terrā longinquā, terrā uiuentium, de te Pater mi, Rex Regum, & Domine dominantū, nōne enim omnia loquuntur mihi, si rectē videam & audiā de te magnalia tua? & quanta præparaueris mihi? & vanitatem ac miseriam meam annuntiant mihi, & te esse vnicū, & omne bonum meum?

9. Deniq; da per examen quotidie aliquoties explorare, attendam, an pergā ad te omne bonum meum ad quod suspiro, crescā in amore tui ad quē anhele, an in odio mei & mortificatione sensuū, & voluntatis meæ? Hoc enim sacrificium & holocaustū odoris suauissimi expectas à me, & ego te vnum die ac nocte expectans expecto, ut iubeas me venire ad te, & venias ad me, & resicias lassū de viā, tu qui lasso es requies, æstuantī amore eius quod nō satiat, tu sis mihi temperies, & dolenti de exilio hoc suauissimū solatiū. Da mihi obsecro cani mortuo, & prodigo, ut reuersus ad te comedā panem tuum, & vinum, quod cū melle miscuisti nobis in Venerabili Eucharistiā, ut inebrier amore tuo, & viuam, & moriar in te o vita mea, Deus meus & omnia. O quando erit hoc, ut recorderis mei? quando calicē salutaris accipiam? quando vita mea abscondita erit in te? quando tecum vnus ero, & viuam in te? & loquentur mihi omnia creata amorē tuum, & magnalia tua, imò verò quando tacebunt omnia in conspectu tuo, & solus loquēris mihi? O vita mea quando moriar pro te? quando orieris mihi dies, qui nesci

nescis occasum: quando illucesces mihi, lux aeterna, quando intrabo in gaudium Domini mei? Non ut gaudeam de bonis tuis, sed de te & propter te, qui es omne bonum, & diligam te toto corde, & animam meam.

Diarium breue conflatum ex sacris Litteris.

MEMENTO, mi frater, breuem esse viam & vitam, quam agis. Propositum praeium aeternum & brauium. Quid autem postulat pro eo a te Deus? ut saluus esse velis. Si enim volueris, gratiam eius poteris, & mandata seruare, quicquid mundus, quicquid caro oblectetur; Illa enim suauia sunt, & facilia valde. Dic enim, obsecro, difficile est amare omne bonum? & non maledicere, non peierare? Festis & Dominicis Missam audire? parentibus obedire, non occidere, non moechari, non furari, nullum calumniari? haec via nonne facilis, & suaue iugum, & onus leue? Si velis, semitam, ut sic loquar, etiam addo, si libet, vtere.

Præsentia certe Dei vna sufficit in actionibus nostris, maxime si Iaculatoria illa; *Ex te & in te*, &c. quæ subijciatur, cum signo crucis, & pietatis sensu repetatur; tamen varietatis causam hæc habe:

Mane dum surgis, dic, facto signo crucis:

Anima mea desiderauit te in nocte, ex te enim, & in te, & pro te sunt omnia, Deus meus & omnia. Credo tibi Domine mi, & in te spero, actotum corde te diligo.

Nota, Iaculatoriam illam, *Ex te, & in te, & pro te sunt omnia, Deus meus & omnia*, continere Primum sui humiliationem; quia ex Deo omnia esse fateamur; Secundum, per *in te*, memoriam praesentiae eius; Tertium, per *pro te*, puram intentionem, & amoris Dei actum per illa verba, *Credo tibi Domine mi, &c.* actus fidei, & spei, & caritatis disertè exprimuntur.

Hæc subijci omnibus Iaculatoriis potest, aut loco illarum vsurpari.

Oratio item alia esse poterit:

Deus, Deus meus, ad te de luce vigilo. Sitiuit in te anima mea, quā multipliciter tibi caro mea. In terram desertam, inuiam, & iniquosam, sic in sancto apparui tibi, ut viderem virtutem tuam, & gloriam tuam. Psal. 62.

Post hæc primum, gratias age; Secundum, peccata derestare & vitare propone; Tertium actiones offer ad gloriam Dei: & dic, *Pater noster, Ave, Credo.*

Dum meditationis tempus est, vel pie lectionis; signo crucis te signa, & dic:

Magister adest, vocat te, Dominus aperuit mihi aurem; ego autem non Ioan. II. Isaia 50.

non contradico sermonibus Sancti. & hoc ipso offer te ad faciendā quæ leges. *Ex te enim, &c. vt suprà. Item Credo tibi Domine, &c.*

Dum vadis ad Sacrum, rem omnium maximam:

Exod. 3.

Cogita te ire ad montem Caluariæ, & dic: *Vadam & videbo visionem hanc magnam: ex te enim, & in te, & pro te sunt omnia, Deus meus & omnia. Credo tibi Domine, &c.*

Hic primò in Sacro peccata recogita, contritionem excita, & propositum renoua bonæ vitæ.

Secundò, quæ tibi faciendā illo die; singula Deo offer.

Tertiò, in cōmunionē sacerdotis spiritualiter cōmunica.

Cū à Superiore vocaris:

Ioan. 14.

Sed vt cognoscat mundus, quia diligo te Patrem meum. Surgite, eamus hinc. Illum vt Deum audi & alloquere.

Matth. 26

Dum cubiculum ingrederis:

Cant. 8.

Quis mihi tribuat vt inueniam solum? Ex te enim, & in te, & pro te sunt omnia, Deus meus & omnia.

Dum pulsatur ad ostium, actum amoris in Deum & proximum elice, & dic:

Intra Domine in animam serui tui, & proximum vt Christum suscipe.

Dum ad exhortationem audiendam te paras:

1. Reg. 3.

Loquere Domine, quia audit seruus tuus. Sicut oculi ancillæ

Psal. 122.

in manibus domine suæ; ita oculi nostri ad te, Domine Deus meus.

Dum faciendum aliquid, intentionem purifica:

Psal. 44.

Eruit cor meum verbum bonum: dico opera mea regi. Lingua mea calamus scribæ velociter scribentis. Ex te, &c.

Nota, calamum nec per se, nec sine atramento scribere; ita nec nos sine Deo quidquam facere posse, sed in Domino, qui nos confortat.

Dum cum proximo conuersandum, vt eum Domino lucreris, dic:

Ioan. 6.

Nemo potest venire ad te, nisi tu traxeris eum. Trahe nos post te, curremus in odorem vnguentorum tuorum.

Cant. 1.

Dum Superiorem adis, in illo Deum tibi propone:

Luc. 10.

Qui vos audit, me audit. Loquere Domine, quia audit seruus tuus. Ex te enim, &c.

1. Reg. 3.

Dum comedis, agnosce largitorem, & gratus dicito:

Psal. 70.

Deus, qui pascis me à iuuentute meâ, vsq; in senectam, & senium

Psal. 144.

pe derelinquas me. Aperis tu manum tuam, & implebis omne animal benedictione: ex te enim, & in te, & pro te sunt omnia.

Dum bibis, amoris actum excita.

Psal. 41.

Sitiuit anima mea ad Deum fontem viuum. Venite, & bibite vinum, quod miscui vobis. Qui biberit ex hac aquâ, non sitiet in æternum. Ex te enim, &c.

Prou. 9.

Ioan. 4.

Dum

Dum studes, cum nihil scire iuuet, nisi Deum, eiusque voluntatem, dic:

Doce me facere voluntatem tuam, quia Deus meus es tu. Psal. 142.

Dum ludis :

Adhæreat lingua mea faucibus meis si non meminero tui, Deus meus, in principio letitiæ meæ. Ex te enim, &c. Psal. 136.

Dum ambulas :

Si ascendero in cælum, tu illic es: si descendero in infernū, ades. Psal. 138.

Prouidebam Dominum in conspectu meo semper, &c. Psal. 15.

Dum pulcra vides:

Ecce tu pulcer es, dilecte mi. Ex te enim, &c. Cant. 2.

Dum bona fieri conspicias:

Ex te, Domine, & in te, & pro te sunt omnia, Deus meus, & omnia. Credo tibi Domine, &c.

Dum eleëmofynam facis:

Quod uni ex minimis meis fecistis, mihi fecistis. Ex te, &c. Matth. 15

Dum mala audis, & vides:

Non est malum in ciuitate, quod non fecit Dominus. Hæc est voluntas Dei sanctificatio nostra. Ex te enim, &c. Amos 3.
1. Theff. 4

Dum aliquid pateris :

Dominus mortificat, & viuificat. Si bona de manu Domini accepimus, mala quare nō accipiamus? Nōne oportuit Christum pati, & sic intrare in gloriam suam? Ex te enim, &c. 1. Reg. 2.
Iob. 2.
Luc. 24.

Dum quid boni fecisti :

Si quis loquitur, quasi sermones Dei; si quis ministrat, tanquā ex virtute quam administrat Deus. Omnia in nobis operatus es, Domine. Ex te enim, &c. 1. Petr. 4.
Phil. 2.

Dum optas aliquid, vanitatem rerum vide, & dic:

Velut somnium surgentium, Domine, in ciuitate tuā imaginem ipsorum ad nihilum rediges. Psal. 72.

Dum times, oculos ad Deum attolle, & dic :

Verumtamen in imagine pertransit homo, sed & frustra conturbatur. Aut enim futurum est, quod metuis, & sufficit diei malitia sua; aut non, & frustra perturbaris. Psal. 38.

Contra desiderium placendi hominibus :

Si hominibus placerem, Christi seruus non essem. Tu solus Dominus, tu solus altissimus. An nescitis, quia amicitia huius mundi inimica est Deo? Credo tibi, &c. Gal. 1.
Iacob. 1.

Contra superbiam :

Omnis, qui se exaltat, humiliabitur. Ex te enim, &c. Luc. 14.

Contra auaritiam:

Beatius est dare quā accipere. Nolite solliciti esse quid manderitis: scit enim pater vester quia his omnibus indigetis. Ex te, &c. Actor. 20.
Matth. 6.

Contra luxuriam.

Momentaneum quod delectat: æternum quod cruciat. Credo tibi, &c.

Contra inuidiam.

1. Ioan. 3. Qui non diligit proximum, manet in morte. Credo tibi, &c.

Contra gulam:

Rom. 14. Regnum Dei non est esca nec potus. Credo tibi. Ex te, &c.

Contra iram:

Matth. 11. Discite à me quia mitis sum & humilis corde. Credo tibi, &c.

Contra accediam.

Ierem. 48. Maledictus homo, qui facit opus Dei negligenter, Ex te, &c.

In tentatione.

Deu. 13. Tentas me, Domine, an amem te, nec fines ultra id quod possum. En video, sine gratiâ tuâ spernerem te summum bonum pro summo malo, ut hosti terribilissimo placerem: æternum luiturus momentaneam voluptatem. At iuravi & statui custodire iudicia iustitiæ tuæ. Ecce apposita est mihi aqua & ignis: aut tibi, Deus, aut diabolo adherere necesse: aut æternum punire, aut viuere, aut mori. Cui viuam nisi tibi, qui amore mei dignatus es mori? Ex te, &c.

Dum laudaris:

Psal. 113. Non nobis, Domine, non nobis, sed nomini tuo da gloriam.

Si animus aliquâ in re acquiescere velit, dicito:

Psal. 72. Quid mihi est in cælo, & à te quid volui super terram: Omnia qui sunt, veniat ad me, & bibat. Ex te enim, &c.

Dum successus bonus est:

1. Timot. 1. Soli Deo honor & gloria. Ex te enim, & in te, & pro te sunt omnia, Deus meus & omnia. Benedic anima mea Domino, & omnia quæ intra me sunt, nomini sancto eius.

Psal. 102. Vespere conscientiam examina, & lectum ingressurus, 1. gratias age, 2. gratiam pete, ut scias & peccata detestaris. 3. examina te 4. dolorem excita. 5. propone emendationem, & dic:

Psal. 30. In manus tuas, Domine, commendo spiritum meum: cogitando fore forsitan ultimam noctem, & percunctando ex te an ad mortem paratus sis, & amoris actum excita.

FINIS LIBRI PRIM.

LIBER SECVNDVS.

VIA

PROFICIENTIVM.

QVARTÆ IMAGINIS

ANNOTATIO.

De tentatione.

Certa bonum certamen, ut bonus Christi miles.

ET si conuersus sis ad Dominum, & egres-
sus de seruitute peccati, nunquam tamen
esto securus. tentatio enim ac militia est vita
nostra super terram. Quomodo resistes illi? co-
gita hoc solum te stare *A* Christum inter, Do-
minum tuum, & *B* diabolum hostem capitalē,
qui te ad peccatum & æternam perditionem
nititur reuocare; inuitat *C* mundi propositā
voluptate ac *D* vanitate; *E* peccatum illis alli-
cit ad se. verūm, ecce, inclamat Christus, cla-
mant vulnera eius, & tormenta, quæ salutis
tuæ causā perpessus est. Attende virtutis præ-
mium, peccati momentaneam voluptatē, poe-
nasque sempiternas. vide cui adhærere malis:
nōne Deo Opt. Max. abominare igitur hostē
fallacem. Aspice ut *F* filios Israel concupiscen-
tia carnum reducere consimili dolo olim vo-
luerit in *G* Ægyptum; quo nunc tendentes in
cælum aut *H* gula, aut *I* auaritia retrahere ni-
titur; aut etiam propinquum cælo *K* vana glo-
ria præcipitare. Qui perseuerauerit in finem,
saluus erit.

Matth. 10
24.

PRAE-





P R Æ F A T I O.

IN LIBRVM SECVNDVM.

De progressu, eiusq; impedimentis, siue tentationibus.



Ostquam anima , quæ à fine aberrauerat, & à scopo , id est, Deo Opt. Max. eiusque sanctissimâ lege, rediit in viam bonâ; similis est filiis Israel , quos in manu forti, & brachio excelso

de Pharaonis iugo , & seruitute Aegyptiâ Dominus liberauit. Itaque quemadmodum illi non constiterunt in terrâ captiuitatis suæ ; sed duce Moyse progressi sunt versus terram sanctam per desertum; ita & illi facere incumbit. Verùm vti Israelitis accidit persecutione hostili, & asperitate deserti tentari : ita & illa incipiet ad reditum sollicitari. Qu id igitur ? firmandus animus, & deliberatione seriâ de progressu excitandus, contemptis hostis nostri telis ac robore ; Dominus enim pugnat pro nobis : neque permittet , etsi propinqui sint hostes, vt nobis noceant, si boni æmulatores fuerimus ; sed nube proteget misericordiæ suæ, *Exod. 14.* statuetque eam inter nos, & inimicos nostros; etsi in nocte tentationis terrores ac timores nocturni defuturi non sint.

Vt verò modus deliberandi, quo aliquoties supra vsi sumus, quique erit in progressu sæpe vsurpandus, perspectus sit, eum hîc paucis subiungere visum est ; quem postea in modo meditando

tandi pluribus videbis explicatum. Quoties enim dubium aliquod incidit in viâ spirituali in rerum humanarum vſu; modus ille conſilium explicare poterit, & nutantem firmare, incertumque dirigere.

C A P V T I.

De modo deliberandi.

*Quid faciendum
ante deliberationē.
Quid in ipsâ
deliberatione.
Primò.*

OBSERVA priuſquam deliberationem instituas, vt coram Deo Opt. Max. te ſiſtas; ab eoque humiliter ſlagites lumen & gratiam, vt eius ſanctiſſimam voluntatem cognoſcas; ſiquidem ille ſolus quid expediat nouit. Hoc peracto, Primò, rem deliberandam in medium profer; vt de ſtatu, de progreſſu in viâ virtutis, de multâ familiâ, officio, beneficio, acceptandūne an reiſciendum; & ita de cæteris rebus, an & quomodo, & quando faciendæ, an omittendæ. Secundò, ante omnia affectum renoua, ita vt in neutram partem quoad fieri poteſt propendeas; quando enim animus velut bilanx in æquilibrio erit, paruo momento huc illucque inſlectetur, & aduertere ſignificationes diuinæ voluntatis licebit. Expende deinde, propoſito tibi creationis tuę ſine, vtrū hęc, an illa pars deliberationis, id eſt, vtrū officiij acceptatio aut repudiatio, hic aut ille ſtatus, hæc aut alia conuerſatio, ſtudium, exercitatio, progreſſus ad finem propoſitum conſequendum magis conducat, maiora an minora incommoda habeat, necne. Hoc enim deſiderare magis vel minùs debemus, quod ad vitam æternam conſequendam, & diuinam voluntatem implendam magis vel minus conducere poteſt, ſic re & vtrâq; eius parte appenſâ
coram

Secundò.

Tertiò.

coram Deo, & in luce illius, decernere oportet, atque eam oculis diuinæ maiestatis offerre; ac obseruare inter nos animi motus & quietē, quibus solet Dominus voluntatem suam declarare ijs, qui eam sincero corde & resignato exquirunt. Atque hæc plerumq; sufficere possunt pro electione faciendâ, & deliberatione concludendâ. Quemadmodum enim in meditatione sæpè vna atq; altera consideratio affectum sic commouet, Dei gratiâ concurrente, vt non sit necesse alia auxilia quærere; ita in electione seu deliberatione, in quâ non minùs inspirationes & motus Spiritus sancti obseruandi sunt.

Quòd si tamen suprà dicta puncta non sufficerent ad voluntatem confirmandam in bono; tum vltteriùs, vt in meditatione procedere oportet, quemadmodum infrà latè explicabitur v.g. dispiciendum tibi quid amico tuo corâ Deo suaderes; & quâ similitudine, id quod iudicas melius esse, persuadere nitereris. sic enim naturâ comparatū est, vt recta ferè consilia alijs demus, ipsi sequiora amplectamur. Perge dehinc vltteriùs; & considera quid in morte velles elegisse, atque ipsum iam scias eligendum esse: similiter animaduerte quo consilio, quando coram tribunali æterni Iudicis sistendus eris, vsum te fuisse velles; atque illud multò acriùs stimulat, si cogites æternitatem, quodque semel elegeris, id esse æternum. Quod enim factum semel, infectū esse nequit. Si autem attendas quid Sancti fecerint, vel facerent in hoc negotio; eosque inuoces, & quasi in consilium adhibeas, velut stelle tibi fulgebunt, in tenebris & ancipiti consilio hærenti. Vide similiter, vtra pars consilij maiore pacem & tranquillitatem & gaudiū animi tibi conciliaret. At multò magis iuuerit, si à Christo Domino magni cōsilij Angelo humiliter quid vitâ verbisq; suaserit, & suaderet, interroges os, inquam, Domini & arcam testamenti, Sapientiam æternam, magistrum & pastore animarū nostrarū. Et si fortè id quod consultius, quia difficilius, minùs allicit; ecce, recordatio beneficiorū quibus nos præuenit,

Quid faciendum si superior deliberandi modus non succedat ex voto.

*Aliæ considerationes.
Prima.
Secunda.
Tertia.*

Quarta.

*Quinta.
Sexta.*

præuenit, & ad sequenda sua sanctissima consilia, & inspirationes inuitat, calcar addant oportet.

Inuestiganda remora.

Quòd si necdum animus verum cernere & amplecti potest, videndum quæ & vbi remora sit; & deprehensâ eâ, optimum elige, ac tandem diuinæ maiestati in holocaustum offer, gratiasque deinde age pro lumine, & bonâ voluntate.

Quâ ratione animus confirmandus, & ad pristinum feruorem reuocandus

Hunc modum expressi in præcipuis piæ vitæ officiis. Primò, vt paradigma tibi foret, ô lector, in omni deliberatione. secundo, vt postquam deliberatione factâ piû aliquod decretum feceris, hæc capita reuoluendo in eote queas confirmare. Certum enim est, omnes qui aut religiosæ vitæ statum, aut aliquod aliud pium viuendi genus maturo consilio elegerunt, pro humanâ fragilitate flaccescere, ac tum ad renouationem perutile esse relegere vestigia, & rationes quibus sanctè illud consilij amplexi erant. Quod enim adeò celebratum est in vitâ religiosâ, & pro spiritus renouatione commendatur, representare sibi diem, quo quis egressus est de terrâ Ægypti, quo spiritu, quibus rationibus impulsus fuerit; idem valet in omni exercitio pietatis deliberatè suscepto. varia autem hîc habes, quibus adspirare diuinam gratiam ad utilitatem omnium, supplex rogo.

Obserua autem in omni deliberatione varijs motibus ac spiritibus animam huc illucque impelli: ideoque illos discernere plurimum expedit, imò necessarium est; vt voluntatem Dei certiùs exploratam diligentius exsequamur. Quocirca considerationem de spirituum notis hîc subiectam accipe.

Consideratio de notis spirituum.

Mundæ pericula.

ANGELVS CVSTOS. Vidésne quantis periculis vitæ tuæ obsita sit, quot præcipitia, quot deuia; & ducem quærere, & sequi moraris? nescis quàm multi amici in speciem se comites vitæ offerant, cùm sint hostes capitales? Vide igitur quàm diligenter obseruandi

seruandi sint & probandi spiritus si ex Deo sunt, nam & diabolus transfigurat sese in Angelum lucis.

HOMO. Hæc me vna cura sæpè sollicitum habet, videorq̃ue mihi stare non rarò in multiuiò, cuius viæ variæ sint & irremeabiles: quarum aliæ tutæ, aliæ periculossimæ. O Angele mi, dux vitæ meæ, tu nosti viam meam & cæcitatem; & scio, tibi pro charitate tua nihil magis curæ est, quàm vt velut Raphaël ducas me in optatos amplexus Domini mei, & in domum Domini Dei nostri. O quantum mihi tunc gratulabor, quantum tibi gratias agam, ô spiritus purissime, quomodo te amplectar, postquam hoc mare magnum enauigauero, & naufragium per te enatauero, & inter tot spiritus malos & bonos, seu ventos contrarios rectum vitæ cursum tenuero. O benignissime IESV, qui dignatus es mihi dux esse, & via, & hunc Angelum dare, qui me comitetur & ducat ad te, ne vnquam permittas, vt ille spe sua, & ego salute mea frustremur, alioq̃ue spiritu agar, quàm tuo; scio enim, scio quòd qui spiritum tuum non habet, Christe IESV, non est tuus.

CHRISTVS DOMINVS. Aspice quot fallaciæ, & deceptiones in orbe vniuerso insidientur tibi, vt non innitaris prudentiæ tuæ. Quot enim ethnicorum sectæ? numera si potes. Quot hæresum capita & deliria, quibus in errorem tot animæ inducuntur, & perniciem? Et verò quid est malorum vita, nisi error in via, de quo ipsi serò queruntur in inferno, dicentes: Ergo errauimus, & ambulauimus vias difficiles, & viam Domini ignorauimus. Hæcine vera, vt sup. pag. 17.

HOMO. Nihil verò magis, ô Saluator mi, percellit animum meum, quàm quòd audiam, & videam etiam Cedros Libani cecidisse, Origenes, Luciferos, Tertullianos, & velut igne fatuo abductos, aut in palustria carnalium, aut ad præcipitia arrogantiae deuenisse. Gratias tibi ago, quòd vsque in hanc horam seruaueris me, & cum ignorem quid serus vesp̃er vehat, &

L sciam

Angelus
Custos se-
quendus.

Gaudium
Sanctorum
de pericu-
lis euitatis.

Fallacia
mundi.

Sap. 5.

Spes in
Deo.

sciam infirmitatem meam, iacto cogitatum meum in te Domine, & spero quòd duces me, & non despicias me. *Hæcine firmâ fide*, vt sup. pag. 8.

*Dæmonum vigilan-
tia.* CHRISTVS. Vigilate & orate, vt non intretis in tentationem: non est colluctatio vestra aduersus carnem & sanguinem, sed aduersus principes tenebrarum harum mundi rectores, qui tot millibus annorum excitati, perpetuò vigiliant, vt superent incautum.

*Numerus.
2. Paral.
20.
Ezech. 51.
Imbecillitas.* HOMO. -Eheu Domine! quis poterit resistere huic multitudini, & tot rugientibus leonibus præparatis ad escam? verumtamen si tu Deus pro nobis, quis contra nos? Et didici ex Antonio tuo aliisque Athletis timidissimos illos esse, & cruce tuâ fractos, vbi viderint viriles animos, velut mulieres cedere, & à pueris & virgunculis in nomine tuo pugnantibus superari. Ideò dico cum Prophetâ tuo, innixus gratiæ tuæ; Et si consistent aduersum me castra, non timebit cor meum.

*Fides scutum.
Ephes. 6.
Prov. 28.* CHRISTVS. Nulla armatura melior quàm scutum fidei, in quo potestis omnia tela nequissimi hostis extinguere; nulla melior confidentia in me, & diffidentia tui. Ideò iustus, sicut leo confidens, absque terrore erit. Vide tamen vt arcem animæ tuæ sæpè explores, quòd & hostis facit, & quâ parte minùs firma est, eam muni assidue, ibi excuba. Aduerte item hosti extra muros po-
Principiis obstandum. o. facile resisti, non ita admissò. Itaque allide paruulos tuos ad petram, & cogitationes prauas in semine opprime. Attendite, dixi, à falsis Prophetis, qui veniunt ad vos in vestimentis ouium, & aduerte tibi dæmonem sæpè obsequi; Primò, bonis cogitationibus, ac deinde incautos seducere, idèoque seriò examina quò te ducat hæc vel illa cogitatio. *Credo tibi, ô aterna veritas*, vt supr. pag. 7.

*Desideria terrena re-
tia sunt.* HOMO. Gratias tibi ago Deus meus, lux vera, quæ illuminasti me, vt viderem terrenarum rerum desideria esse retia, & quidquid ad ambitionem tendit, aut opum cupiditatem aut sensualitatem, etsi blandiatur carni,

carni, venenum esse animi, ab hoste propinatum. Illumina quæso sic semper oculos meos, vt nunquam obdormiam in morte, ne quando dicat inimicus meus: Præualui aduersus eum.

CHRISTVS DOMINVS. Aliàs, vti Pharaò Isrâelitas opere lateris, & luti, vt profectiõem ad terram sanctam, & perfectionis culmen impediat, vos molestijs, scrupulis perturbat: nihil enim illi familiarius quàm tristitia, & mæror, quibus ipse inferno addictus vos inuoluere nititur. Non existimes tamen obmurmurantem sensualitatem, cùm mortificatio ei proponitur, audiendam, sed scias quòd inimici hominis domestici eius.

Denique lapidem Lydium vitam meam habe, & doctrinam. Id tamen etiam aduerte, ne dum tenebras hostis offudit, & nox est, inter laqueos & præcipitia constitutus vel retrocedere vel progredi anxie nitaris, sed sta velut in tenebroso loco, donec aspiret dies, & inclinentur umbræ, & velut in tempestate fige anchoram. Adhibe etiam in consilium spiritualem Patrem; & quisquis tibi suggerit, vt celes consilia tua, vt sit tibi nuncius Principis tenebrarum, qui & lucem odit, & cùm pater sit mendacij, veritatem. Itaque vt casta puella foedi amatoris technas aperi parenti: neque te deseram, neque derelinquam. *Veni Sancte Spiritus, & emitte, &c. vt infra* pag. 164.

HOMO. Tu, scio Domine, vt Antonio pugnanti contingit, velut Imperator in acie, ades & spectas nos pugnantes. In quo mihi magna fiducia, quodque tentare nos non possit hostis, nisi te patre misericordiarum permittente. Ita legimus petisse eum vt Jobum tentare posset, & expetiisse vt Petrum cribraret sicut triticum; sed tu Domine fidelis es; qui non patieris nos tentari supra id quod possumus. Hæc spes reposita in sinu meo. *Veni sancte Spiritus, vt infra.*

*Qui bonas
turbet de
mon.*

*Vita
Christi cõ
sideranda.
In tenta
tione nihil
mutandũ.*

*Consulen
dus Con
fessarius.
Dæmon
vult later
suggestio
nes.*

*Deus
præsens.
Nihil po
test dæmõ,
nisi Deo
permitten
te.*

*Luc. 22.
1. Cor. 10.*

*Tentatio
à Deo cur
permittatur.*

*Vita bono-
rum varia,
tristis &
lata.*

*Tentatio-
nis reme-
dium
efficax est
spes.
Signum
boni spiri-
tus pax.
Nota.*

CHRISTVS. Si admodicum te derelinquam, tum fac vt appareat virtus & fidelitas tua, vt in aduersis malorum ignauia ac torpor, quæ sæpè tentationis causa, excute, & humilia te valde in conspectu meo; vt enim infirmitatem tuam discas, vel torporem excutias, vel me patientiâ tuâ honores, vt Tobie, & Jobo accidit, tentari te permitto, & vires simul largior ad superandum.

HOMO. O benignissime Deus, verè secundum multitudinem dolorum meorum consolationes tuæ lætificauerunt animam meam: & si boni fuerimus, vt in vniuersa vita tua, & Sanctorum tuorum contigit, permittendo tristitia lætis mirâ & suauis varietate vitam nostram contexes.

CHRISTVS. Hac spe animum erige, quodque ego bonitas & sapientia infinita in pondere, numero & mensura omnia faciam; hæc sit consolatio tua, omnemque respue, quæ non trahit ad me, & omne lumen, quod non tendit in me. Quidquid item perturbat pacem mentis tuæ, id à me, qui sum princeps pacis, scias non esse perfectum. Gaudium & pax in Spiritu sancto, qua supra terrena eleuaris, & ab ijs animus auocatus, notæ sunt benignitatis meæ. Ac dum tranquillo vteris, & pace, ad tempestatem & bellum animum præpara. Dum lux est, prospice quâ suboriente nebulâ tibi cundum.

Oratio seu protestatio sequendi bonum spiritum.

*Nisi
Deus lu-
ceat, in
tenebris
sumus.*

VENI sancte Spiritus, & emitte calitus lucis tuæ radium: veni Pater pauperum, veni lumen cordium; surge Oriens, & dispelle tenebras meas, ne quando dicat inimicus meus, Præualui aduersus eum. O lux amabilis, quomodo non diligam te potius quàm tenebras meas, quàm principem tenebrarum harum? nisi enim tu illucesceres mihi,
pauld

paulo minus in inferno habitare: anima mea: nisi nubem vanitatis dispergeres, numquid rectum iter tenere possem in magno vitæ huius pelago? neque tenere potero, nisi tu spes omnium finiam terræ, & in mari longè aperiās te mihi, & viam monstres. Ecce, quot miseras animas syrtes infernaeque charybdes absorbent! Ecce quot erroribus & specie recti decepti ethnici abeant, eheu! in tenebras exteriores, quia tu lumen iustitiæ non fulxisti eis! mihi autem verè, verè apparuit humanitas ac benignitas tua, vt abnegādo imitaretur & secularia desideria, sobriè, iustè, & piè tibi viuam, & te sequar, ô vitæ meæ, ascendamque super altitudinem terræ, vt frustra iaciatur rete ante oculos pennatorum: Quæ enim maior humanitas, quàm te Deum fieri hominem? quæ maior apparere potest benignitas, quàm te impuri cordis mei fieri hospitem? Non vt pascaris, qui pascaris inter lilia pane Angelorum, sed cibus mihi fias viatori, vt sobriè viuam præclaro hoc calice inebriatus, & iustè, sanguine tuo mundatus, & piè amore tuo sauciatus. Veni igitur, & vide, & perfice vineam istam & voluntatem, quàm plantauit dextera tua. Quis dabit mihi pennas sicut columbæ, & volabo & requiescam? Etenim anima mea sicut passer inuenit sibi domum, & turtur nidum, vbi ponat pullos suos, nempe Altaria tua Domine virtutum. Beatus homo qui sperat in te; in illis enim sacrificium semper tibi placet spiritus contribulatus, cor contritum & humiliatum, & gemitus animæ querentis te, sed electæ & formosæ columbæ tuæ.

Absit ergo, vt deinceps oculos statuam declinare in terram. Cum enim videro meas cogitationes ad terrena, ad caduca inclinare; nōne manifestum erit, quod sapientia hæc terrena sit, animalis & diabolica? sapientia enim quæ desursum est, à te, Deus, lux incommutabilis, fons bonorum omnium, vocat nos à terrenis ad caelestia, à creaturâ ad creatorem, à transitorijs ad æterna. In his dilatatur animus, & gustat quàm sis suavis; ô dulcedo ineffabilis: in illis tenebescit, & amaritudine repletur, nec quiescere potest, quia non est ei quies nisi in te. Dignare ergo, Domine præcedere omnes actiones

Psal. 93.

Gratiarū
actio.
Tit. 3.

Prov. 1.

Applicatio
ad
Communionem.

Psal. 26.

Psal. 24.

meas, fac vt omnis cogitatio & operatio à te semper incipiat, & per te cœpta finiatur; & licet consurgant aduersum me castra, non timeat cor meum. nōne enim certò noui, quia non patieris me tentari supra id quod possum, neque relinques sine testimonio? Imò præcedes faciem meam, & ostendes viam in quâ ambulem. Ad te leuaui animam meam, Deus meus, in te confido, non erubescam, neque obsecro irrideant me inimici mei: etenim vniuersi qui sustinent te, non confundentur, sed in secula seculorum laudabunt te, & benedicent nomini tuo in seculum, & in seculum seculi. Amen.

Capita nonnulla exempli gratiâ allata, in quibus deliberationis modus vsui esse potest.

Pro principibus viris in republicâ.

DE Magistratu, an aliquis petendus & suscipiendus. Quomodo Dei hostes ad illius obsequium adduci possint, & animæ, vel à gentilismo, vel hæresi conueriti.

Qui ad dignitates vocandi.

Quomodo pietas promouenda, & cultus Dei in se & in subditis.

Quomodo iustitia administranda.

Qui qualesque consiliarij adhibendi.

Quomodo pauperes subleuandi.

Quomodo inimici conciliandi.

De iniuriarum obliuione.

De debitorum solutione.

De familiæ ordinatione.

Pro iis qui in secundis consistunt, ac mediâ fortunâ.

An officium aliquod suscipiendum.

An coniugalis status, an cælibatus eligendus.

An & qualiter præcipuè pietas colenda.

Qualiter

Qualiter familia ordinanda quoad pietatem & necessaria.

De liberorum educatione.

De pace cum propinquis seruandâ.

De litibus fugiendis, & inimicitiis tollendis.

De sumptuum moderatione & conuiuiorum.

De æmulatione malâ extirpandâ.

De pauperum singulari curâ habendâ.

Pro alijs.

Quis status eligendus, coniugalis, an Religiosus, & quis, vel quæ vxor, &c.

Quod genus artis pro vitâ tuendâ eligendum.

Quo pacto pietas colenda, & quoties confessio instituenda.

An Sodalitati nomen dandum.

An quales socij deligendi.

De monitore eligendo.

De eleëmofynarum largitione.

De orationis studio.

De relaxatione animi.

De B. Virginis cultu singulari.

Praxis in deliberatione adhibenda.

Considera semper coram Deo in luce eius, principium cogitationum & finem, etsi maximè remotum, atque attende an sis resignatus & pacificus; hoc enim certissimum Dei præsentis signum, quia in pace factus est locus eius. Plurimum certè lucis hauriet, quisquis in cogitationibus, verbis & actionibus finem sæpè scrutabitur, & quantum à pura intentione declinet, ceu lucidissimo septentrione ac helice operationum nostrarum Christo IESV Domino nostro.

Secundò, consilium aliorum exquire: nemo sibi bonus medicus, nemo consiliarius; & cum moneat Spiritus, ne innitatur prudentiæ nostræ; nisi illi pareamus, sapientium sapientiam reprobabit, qui humiles & mites consuevit docere vias suas.

Tertiò, ad Venerabile Sacramentum, atque os Domini consule,

Indifferentia in deliberatione maximè necessaria. Psal. 75. Vide quò cogitationes tendant. Aliorum consilio standū in proprijs.

consule, Patronosque, maximè Angelum Custodem roga & interroga de viâ bonâ.

*Alius
modus de-
liberandi.*

Quartò, ad resignationem conducet, si fortè in alterutram partem propendeas, vt exercitio certo voluntatem in medio, & æquilibrium constituas. In rebus minoris momenti non est absque exemplo, aperto Euangelio, vel simili libro explorare diuinam voluntatem.

Item certas preces ad honorem Angeli Custodis dicere pro lumine.

*Iudicio
Confessarij
plurimum
utendum.*

Sed maximè hîc valet consilium Confessarij aut viri pij, quodd sequendum tibi proponas post varias preces, quibus à Deo lumen illi, & tibi postulaueris. *Dignatus es, amantissime Iesu, vt suprâ pag. 10.*

IACVLATORIÆ

quibus directio sancti Spiritus exquiritur.

Psal. 24. **V**ias tuas, Domine, demonstra mihi, & semitas tuas edoce me.

Psal. 142. Notam fac mihi viam in quâ ambulem, quia ad te leuaui animam meam.

Ibid. Doce me facere voluntatem tuam, quia Deus meus es tu. Actiones nostras, quæsumus Domine, adspirando præueni, & adiuuando prosequere; vt cuncta nostra oratio & operatio à te semper incipiat, & per te cæpta finiatur.

Psal. 50. Cor mundum crea in me Deus, & spiritui me rectum innoua in visceribus meis.

Psal. 138. Proba me Deus, & scita cor meum: interroga me, & cognosce semitas meas.

Psal. 118. Deduc me in semitam mandatorum tuorum, quia ipsam volui.

Actor. 9. Domine, quid me vis facere?

CAPVT II.

Deliberatio de perfectionis seu quotidiani progressus studio, postquam quis in viam reuersus est.

HOMO. O Sapientia æterna, Christe Iesu, salus mea, dux meus, & dulcissimum refugium meum, posuisti me in via hac, qui creasti me, & ostendisti mihi bona plurima, quæ præparasti diligentibus te, & ecce perfe-

perfectionis veræ studiosus ardet animus, suspirat, & sæpè ingemiscit inter viarum discrimina ac diuerticula. Ostende, quæso, bone JESU, viam in quâ ambulem, quia ad te leuavi animam meam : doce me in quo perfectio verè consistat, in quo beatitudo huius & futuræ vitæ. Quemadmodum enim desiderat ceruus ad fontes aquarum, ita desiderat anima mea ad te Deus.

Psal. 142.

Psal. 41.

CHRISTVS. Via lata & spaciola, quam quæris, charitas est, de quâ mandatum primum, & maximum dedi dicens : Diliges Dominum Deum tuum ex toto corde tuo, ex totâ animâ tuâ, ex totâ mente tuâ, & ex totis viribus tuis : proximum autem tuum sicut teipsum. In his præceptis vniuersa lex pendet, & Prophetæ : plenitudo enim legis est dilectio. In eo autem hæc dilectio, & perfectio apparet, si idem mecum velint homines in re omni, idemque nolint. Ex quo sequitur, vt semper de me ferè cogitent, loquantur, nihil optent nisi voluntatem meam fieri, & me qui sum exemplar omnis perfectionis, imitari. Hi in pace summâ & tranquillitate meæ sese prouidentia committunt, omniaque iusta iudicia mea arbitrantur, quæ proinde verè dicuntur iustificata in semetipsa. Huiusmodi numquam queruli, numquam tristes, semper in me Domino suo gaudentes. Hæcine vera, &c. vt sup. pag. 7.

Matth. 22

*Rom. 10.
In charitate sita
perfectio.*

Pax perfectorum.

*Psal. 18.
Quales sunt perfecti.*

HOMO. Sed ardua res est perfectio. laboriosa, & longi temporis; quis ad eam, Domine JESU, pertingere poterit?

CHRISTVS. Fili mi, si paululùm laborâris, atque in sincerâ mortificatione & oratione : non quantum filij huius sæculi desudant; sed vel pro sextâ parte; certe in perfectorum meorum numero esse poteris. Modicum, aiebat Ecclesiastes meus, laboravi, & inueni mihi multam requiem. Et si strenuè, non deflectendo ad dexteram, vel sinistram, perrexeris; spatio breui te ad perfectionem adducam : sicut in breui, multos etiam pueros & puellas, virgines duodennes ad sinceram charitatis

*Eccles. 51.
Breui quipote est perfectus.*

perfectiōnem promoui. verè enim dicitur de iis, quòd in breui expleuerint tempora multa vin' eos imitari?

Sapient. 4. Surge propera, vt inf. pag. 174. Vel *Haccine vera*, vt suprà pag. 7.

Psal. 142. Homo. Doce me facere voluntatem tuam, quia Deus meus es tu.

Ioan. 6. CHRISTVS. Audi verba mea, quia spiritus & vita sunt. Et beatus eris, si audieris me, & ambulaueris in præceptis meis. ecce metam propositam nosti; omnes enim in stadio curritis, sed vnus accipit brauium; omnes imitatores estis, sed vnus palmam refert; omnes discipuli mei, & vnus lauream euincit. quis verò ille? nisi qui omnia opera sua perfectè facit, se vincit, animo suo imperat. is enim velut in viâ rectam tenet semitam, alius obliquis viis vix tandem ad metam pertingit. Tūne amico suaderes cūm viam, domum, vxorem, agrum, hortos, cibum, potum, bona habere possit, vt deteriora eligat? viam, domum, vestem, omniaque perfectà relinquat, imperfecta verò sibi sumat? & vide, precor, an tu non optima & perfectà in omnibus eligas, præterquam in animâ tuâ, omniaque te excepto optima esse velis.

*Omnia
opera per-
fectè
obeunda.*

Homo. Utinam, Domine, homines saperent, & intelligerent, & nouissima prouiderent! sed quanta, Deus bone, hîc insipientia hominis est. Si enim animam bonam haberet, omnia bona forent; etsi verò vniuersum mundum lucraretur, & animæ detrimentum faceret, quid ei prodesset? vti enim te diligentibus omnia in bonum, ita verè te non diligentibus, & malis, omnia in malum cooperantur.

*Perfectio
vitæ quæ-
renda est.*

CHRISTVS. Et quid quæso est causæ, cur benè habitare, sanus esse, edere, bibere, dormire, ire, loqui, operari, pingere, ludere cūm possis, id non negligas; cum bene viuere, orare, mihi placere potes, id pro nihilo ducas? cuius odio facis? mei, an tui? cuius gratiâ? meâ, an hostis tui? te consule, te iudicem & arbitrum statue. Quanta, putas, tristitia eum inuadet cūm ad vitæ huius exitum venerit,

Venerit, qui somniculosè profectum suum curat, & salutem: quod vnum agere dubuerat; præsertim qui diligenter cætera omnia præter salutem suam procurat?

HOMO. Quid respondebit tunc misero mihi conscientia mea? Nónne vixisse, & vix creuisse me erubescam? cùm iustorum semita quasi lux splendens crescat usque in perfectum diem; imò forsitan facta erunt nouissima peiora prioribus. *Hæcine vera, vt sup. pag. 7.*

*Crescendum in perfectione
Prov. 4.*

CHRISTVS. Nónne id persæpe contingit, vt primò manum ad aratrum ponens gnauus & strenuus sit homo, & deinde respiciens auertatur à me? O quàm rara auis est, qui eumdem spiritum, quem initio conuersionis conceperat, seruet, & augeat usque in diem aduentus mei!

*Primus
feruor non
deserendus*

HOMO. Ah, Domine, quid in iudicio dicturi sumus, si, quanto diutiùs in perfectionis & virtutis scholâ fuerimus, Sacramenta frequentauerimus, eo imperfectiores, eo minùs mortificationis, humiliationis, resignationis studiosi deprehensi fuerimus? tunc coram orbe terrarum parebit industria singulorum, confundeturque qui sapiens fuerit in oculis suis, & stultus apparebit. O quantum ingemiscet tunc tepidus & otiosus discipulus tuus, quem tot exemplis docuisti, vt esset mitis & humilis corde! erubescet enim vehementer coram orbe terrarum, quòd te magistrum sequi & ducem contempserit. *Hæcine firmâ fide, vt sup. pag. 7.*

CHRISTVS. Lætabuntur verò Sancti, qui perfectionem, id est, beatitudinem, tanto studio hîc sectati fuerunt, ita vt parentes, liberos, animam suam abnegarent, ne declinarent ab eo, quod perfectionis esse iudicabant: sed semper ad maiorem mei gloriam collimarent, & ad id quod magis mihi placeret. Imò Tereſia mea etiam voto se obstrinxerat, facturam se quod perfectius iudicaretur. Hi veri filij mei sunt, quorum cibus & omnis delectatio est facere voluntatem Patris mei &

*Sanctorum
feruor.*

meam:

Bernard.
epist. 91.
Non profi-
cere defi-
cere est.
Prov. 18.

Tepiditas
Deo odio-
sa.
Apoc. 3.

meam : certamen nullum inter eos , nisi de humilitate , abstinentiâ , charitate . quàm pulcra lucta ! quàm gloriosa victoria ! Minimè certè bonus est , qui melior esse non vult , & vbi incipis nolle fieri melior , ibi etiam desinis esse bonus , qui enim mollis & dissolutus in opere suo , frater est sua opera dissipantis . Quantopere autem hi mihi displiceant , per Apostolum meum testatus sum dicens , vtinam frigidus esses , aut calidus ! sed quia tepidus es , incipiam te euomere ex ore meo . Hæc igitur verba mea expende , & quàm mihi , ac curiæ meæ spectaculum sit acceptum , videre strenuum militem instar Dauidis cum Goliatho decertantem , aut cursorem in stadio cæteros longè post se relinquentem .

Credo tibi , vt sup. pag. 7.

Esaie 40.
Virtus
semper
præmium
habet.
Boët. de
consol.
Feruidorū
ē quanta
solatia !

Matth. 5.
Perfectio
nobis
mandata.
1. Petr. 1.
Lac. 1.

HOMO. In his certè animabus complacet tibi Deus meus , & in viâ mandatorum tuorum currunt , quia dilatasti cor earum . Assumunt pennas vt Aquilæ , volant & non deficiunt ; etenim nunquam sine poenâ sunt vitia , nunquam sine præmio virtutes , & rerum honestarum pretium in ipsis est . Sicut enim eos , Domine , qui tri-duo sustinuerunt , pauidisti in deserto ; ac filios Israël man-nâ cælesti , quod omne delectamentum in se habebat ; ita sanctos tuos feruidos consolatus es , & de petrâ mortifi-cationis exierunt illis aquæ dulcissimæ , & aquæ amaræ per lignum crucis factæ sunt suaues . Et verò nōne præ-cepisti nobis dicens : Estote perfecti , sicut Pater vester cælestis perfectus est ? Numquid & per Apostolum tuum Petrum sic monuisti : in omni conuersatione sancti sitis , quoniam scriptum est : Sancti eritis , quoniam ego sanctus sum . Et rursus per Iacobum mandas , vt serui tui sint perfecti , & integri , in nullo deficientes . Quid ad hoc respondebo tepidus , & iners ? An credo hæc esse man-data tua , & grauiâ non esse ? An ignoro perfe-ctionem beatitudinem huius & æternæ vitæ conti-nere ?

CHRIST.

CHRISTVS. Hæc omnia sæpè verfa, quamque brevis
vita, & certaminis tempus, quantumque præmium pa-
rârîm diligentibus me. Attende ad beneficia particula-
ria N. quæ contuli tibi. His certè dilecti mei incitati
cessare numquàm poterant, quin quibus possent modis
placere mihi totis viribus conniterentur.

*Vita brevis
& labor:
præmium
æternum.
& piget
sequi?*

HOMO. Et quid ego tibi, Deus meus, quid ego re-
tribuam tibi pro omnibus quæ retribuisti mihi? vtinam
inuenire queam hanc gratiam in oculis tuis, vt quidquid
tuæ Maiestati gratum cognouero, id sicut omnino tuâ
gratiâ volo, ita promptè exequar.

Psal. IXX.

CHRISTVS. Finge duos esse Regis filios; atque
vnum ex his nihil omittere eorum quæ vetat Rex, ei-
que molestiam afferunt, nisi sub pœnâ capitis mandatum
sit: alterum verò nec minimum quidem nutum præter-
ire: quàm dispari, putas, hi loco essent? & vtum Rex
plùs diligeret? Tu verò ratiocinare, & inspicere vtri ex
his similis sis, & quàm turpe sit ob vilem voluptatem
perfectionis semitam deserere, id est, felicitatem sum-
mam, ac gaudium huius vitæ. non voco enim vos in
immunditiam, sed in sanctificationem, vt gustetis &
videatis quàm suavis sum iis, qui me diligunt: quàm
magna multitudo dulcedinis meæ, quam præparaui il-
lis. loquantur & narrent vobis Sancti mei, quanta fece-
rim illis: quàm dulce fuerit illis absynthium mundi de-
seruisse, & torrentem voluptatis delibare, quo iam ine-
briantur in domo Patris mei. Verùm non propterea
solùm adhærere mihi bonum existimabant, sed charita-
te pleni & illustrati, videbant quàm iustum esset seruire
mihi corde perfecto: & erubescabant, si quando cerne-
rent promptiùs meliusque dæmoni quàm mihi seruire.
O quomodo vrgebat eos charitas mea! requiem non
capiebant, fugiebat sômnus ab oculis eorum, solliciti
ambulabant coram me, vt vni mihi placerent: ibant
de virtute in virtutem, crescebat eorum semita quasi
lux splendens, & cùm omnia fecissent, dicebant,
Serui

1. Thess. 4.

Luc. 17.

Serui inutiles sumus, quod debuimus facere fecimus; & infinita quæ tibi, Domine Deus, Rex regum, debentur, omisimus.

HOMO. Imperfectum nostrum viderunt oculi tui: operi manuum tuarum, quæso Domine, porrige dexteram, & suscipe hoc desiderium meum; cupio enim amare te toto corde, & sanctis inspirationibus tuis, atque consiliis obedire. Suscipe hoc desiderium meum, sicut incensum in conspectu tuo. Sacrificium hoc vespertinum, & serotinum obsecrationis meæ ne despicias pro infinitâ misericordiâ tuâ. Dignus es, Domine, accipere laudem, & gloriam, & honorem à me creaturâ tuâ. Dignus es, ut in nomine tuo omne genu flectatur, & omnes seruiant tibi in sanctitate, & iustitiâ omnibus diebus vitæ suæ. O quis dabit mihi pennas sicut columbæ, & requiescam?

Psal. 54.

Exercitium pro perfectionis studio.

*Cant. 2.
Christus
inuitat
animam
ad perfe-
ctionem.*

CHRISTVS. **S**urge, propera, amica mea, columba mea, formosa mea, & veni; iam enim hiems transiit, imber abiit & recessit, flores apparuerunt in terrâ nostrâ, tempus putationis aduenit, vox turturis audita est in terrâ nostrâ, ficus protulit grossos suos, vineæ florentes dederunt odorem suum; surge amica mea, speciosa mea, & veni, columba mea, in foraminibus petra, in cauerna maceræ.

*Deside-
rium per-
fectionis.
Actus
charitatis.
Contem-
ptus
mundi.*

ANIMA. Audiui, dulcissime Iesu, vocem tuam; sonuit illa in auribus cordis mei: postquam abiit hiems peccatorum meorum, & inuitas me ut sequar te, quem diligit anima mea. Sed indica, quæso, mihi ubi pascas, ubi cubes in meridie, ne vagari incipiam post greges sodalium meorum. Te enim solum sequi & imitari opto, quia salus mea tu es. Quis verò me separabit à charitate tuâ, à perfectionis studio? tribulatio, an angustia, an fames, an sitis, an creatura aliqua? Ascendam in arborem sycomorum, & calcabo mundi vanitatem cum Zachæo, ut videam te, ô expectatio seculorum! ascendam in palmam, & apprehendam fructus eius, ingrediar ad plenitudinem legi

legis, dilectionem perfectam. *JESV bone, quàm parvus mihi erit labor! quàm longa quies! quàm suaue erit sequi te, Domine! non habet amaritudinem conuersatio tua; sed dulcedinem summam imitatio tua. Ecce enim tu pulcer es, dilecte mi, & decorus: ostende mihi faciem tuam, in quam desiderant Angeli prospicere; & sufficit mihi. Sed eheu! quid est, Domine, quod desideria mea & perfectionis studium moratur? Ecce, ecce Domine, NN. & fieri potest, ô JESV, ut impedian ista me, quo minùs sequar te, quo minùs gustem quàm suauis sis, quo minùs dulcis sit fructus tuus gutturi meo?*

Moneat & moueat me saltem secularis cupiditatis exemplum: quem enim ambitiosum vidimus aliquando contentum adeptis dignitatibus ad aliam non anhelare? sic & curiosi cuiusque non satiatur oculus visu, nec auris impletur auditu. Quid eorum qui auaritia seruiunt, aut amatores sunt voluntatum, seu vanas sectantur laudes? nonne & ipsorum insatiabilia desideria arguunt me negligentia & tepiditatis? Pudeat certè spiritualium bonorum nos minùs cupidos inueniri. Erubescat anima mea conuersa ad te Dominum meum minori affectu sectari iustitiam, quàm iniquitatem antea sectaretur. Pudeat negligentius nunc in vitam, quàm priùs in mortem, & minori studio salutis acquirere, quàm perditionis augmentum. Nam ut omnes simus inexcusabiles in via vite; quo citius, eo faciliùs curritur, & leue tuum onus, quo crescit ampliùs, portabilius est. Quid respondebo tibi? tantine mihi est miserum esse, & tot imperfectionibus obnoxium? tanti vanitas vniuersa, ut perfectus & beatus esse nolim, & ruus esse ac tibi adherere? In lectulo meo & voluptate mea quasiui te, & non inueni: surgam & circuibo ciuitatem per vicos & plateas, queram te quem diligit anima mea. Quasiui te, & non inueni; non inueni requiem meam, non inueni vbi requiesceret pes meus, non inueni in animam meam in quo requiesceres. Trabe me, queso, post te, & curremus in odorem vnguentorum tuorum. Ecce enim profiteor hodie coram te Domine, qui eripuisti animam meam de morte, & pedes meos à lapsu, ut placeam tibi. In aeternum non declinabo à mandatis

tuis :

Cant. 7.
Desiderium imitationis Christi.
Cant. 1.

Bernard.
epist. 233.
Cur te filiù lucis non docet filius sæculi?

O quàm suaue seruire Deo!

O quanta quies feruentis animæ!
Cant. 1.
Psal 55.
Protestatio seu propositum emendationis.

Præpara-
tio ad
Communi-
onem.

tuis : Expoliam me tunicâ meâ , quomodo induar illâ ? laui pedes meos , quomodo inquinabo illos ? sed ibo de virtute in virtutem , donec videam te Deum deorum in Sion , & habitem in domo tuâ omnibus diebus vite meæ . Et quidni desiderem habitare in domo tuâ cum omni die pro infinitâ benignitate tuâ paratus sis declinare in domum meam ad manendum ibi ? Hæc me cura sollicitû perpetuò habere deberet , & stimulare , vt anima mea . ô JESV , tibi domus esset vestita auro charitatis , & omni lapide precioso ornata . Verum cum omne datum optimum , & omne donum perfectum desursum sit à te Patre luminum , aperi , obsecro , manum tuam , & imple animam meam benedictione . Riga , obsecro , hæc perfectionis desideria , & vineam istam , quam de AEGypto transtulisti , vt ex eâ bibas vinum in letitia , neque pro vuis reddat tibi labruscas , sed fructum reddat trigesimum , imò sexagesimum , imò centesimum in tempore suo , Amen .

Praxis perfectionis acquirendæ.

Opusc.
de gradi-
bus virtu-
tum.
Ioan. 15.

PRIMO , vide quem gradum virtutis habeas : vt verò id noueris , vel Albertum Magnum , vel D. Bonauenturam consule ; eoq̃ue cognito , statue tibi metam , seu gradum aliquem , ad quem certo tempore magno conatu contendas , neque requiem capias , aut desideres somnum oculis tuis , donec illum adsecutus sis . Gradus virtutis commodè tres definiuntur , quorum primus est desiderium ardens . Secundus , efficax prosecutio . Tertiùs , eiusdem cum facilitate & gaudio executio . Ex his alios facildè colliges , & constitues , vt enim quæque virtus varios actus habet , faciliores alios , alios difficiliores , ita varij gradus assignari possunt . Ita charitatis gradus infimus est diligere amicum à quo amaris ; secundus etiam inimicum propter Deum ; Tertiùs inimicum beneficijs superare . Sic ait D. Bonauentura . Gradus est charitatis , cum aliquis vtilitatem amici cum proprio lucro quærit : altior quando eam cum damno rerum suarum : altissimus , cum bonum amici etiam propriâ morte quærit , maiorem enim charitatem nemo habet , quàm vt animam quis ponat pro amicis suis . Et sic de cæteris .

Secundò,

Secundò, præterea vtile erit, Angelo Custodi, aut Patro-
nò dedicare talem conatum, seu tui victoriam, vt sic præfi-
dium eorum impetrare valeas, & vitium eiusmodi extirpare.
Ad hoc hortabatur omnes D. Chrysost. dicens : Obsecro i-
gitur vos omnes, vt vnusquisque, si non antea, iam operam
det, vt vitium, quod affectiones suas magis interturbat, ex
animâ exsecet, & piâ cogitatione, quasi spiritali quodam
gladio vtens, seipsum ab affectionibus liberet.

Tertiò, examen particulare ad hanc plurimum condu-
cit, eiusque regulæ.

Quartò, reddere rationem profectus sui confessario, aut
superiori à Sanctis cum fructu vsurpatum fuit.

Quintò, soliti erant etiam complures olim certum genus
pœnitentiæ assumere, donec de aliquo vitio triumphassent,
atque id vbi affecti erant, solemni aliquo die quotannis
beneficium illud recolebant, sicut moris est de vrbe obsidi-
one liberatâ vel hoste superato, vel victoriâ partâ gratam
memoriam recolere.

Sexta praxis esse potest, examen suarum imperfectionû
accuratum habere, velut rationes debitorum suorum, quæ
hoc pacto paulatim dissoluere conetur.

Septima. Valdè conducit actiones omnes suas ordinare,
atque illum ordinem & modum sibi præstitutum studiosè
seruare.

Octaua, Magnoperè etiam iuuerit vitare minima ; qui
enim contemnit modica, paulatim decedit ; & qui minimis
intendit, facillè Dei gratiâ maiora deuitat.

Nona praxis sit : Diligentissimè cauere ne quis alteri se
præferat, & proximum diiudicet ; id enim tum euenire so-
let, vt multorum experienciâ compertû est, vt in quo quis
alium iudicat, in eo seipsum condemnet. *Dignatus es, &c. vt*
sup. pag. 10.

JACVLATORIÆ.

Sic currite, aũ Domine, vt comprehendatis, trabe nos post te, & *1. Cor. 9.*
curremus in odorem vnguentorum tuorum.

Venite, ascendamus ad montem Domini, & ad domum Dei Iacob ; *Isaïæ 2.*

& docebit nos vias suas, & ambulabimus in semitis eius.

Ego dixi, nunc cœpi. Perfice quæso gressus meos in semitis tuis. *Psal. 76.*

Beatus vir, cuius est auxilium abs te, ascensiones in corde dispo- *Psal. 83.*

suit in valle lacrymarum, in loco quem posuit.

QVINTÆ IMAGINIS

ANNOTATIO.

2. Theff. 5. *In omnibus gratias agite : hæc est enim voluntas Dei.*

IMo omni tempore maximè in Meditatione & post eam Deo *A* gratias age pro innumeris eius in te beneficiis, *B* creatione, *C* redemptione, *D* Sacramentis, *E* dono orationis. *F* virtutibus, *G* sanctis inspirationibus. Attende, & gratias Deo age, quòd præsidio *H* boni Angeli aduersus *I* dæmonis insidias te tueatur: *K* à tot periculis, morbis, lanienis, latrociniis, ruinis, aquæ ignisque iniuriis custodiat. Quid verò pro tot beneficijs Deo rependes? gratias Deo age, maximè quòd adeò longâ patientiâ te tolerârit, qui aliàs fueras cum dæmonibus & impijs *L* periturus. Igitur *M* cor tuum eructans Dei laudem ad perfectionem anhelet, & in eo, eiusque voluntate solam quietem esse sciat, & conquiescat.





CAPVT III.

Exercitium de gratiarum actione.

SUPERIORI capite habes de perfectionis studio adhortamenta, & exercitia. Nunc verò subiiciam aliqua tuor, quibus ad profectum iudicio Sanctorum iuari poteris. Primum inter hæc locum obtinet gratiarum actio, sicut enim ingratitude fontem obstruit gratiarum, ita gratiarum actio eam nobis copiosorem facit, & vberius eum in nos deriuat.

PRAELVDIVM I. Constitue te in conspectu Dei, & curiæ illius: magnoque desiderio, verecundè tamen, accede ad choro Sanctorum Deum laudantium.

PRAELVDIVM II. Pete à Domino, vt det tibi gratiã, vt gratias agere possis; à curiã verò illius, vt tuas laudes suis coniungi non dedignentur.

PVNCTVM I. Considera primò quid sit homo, quòd Dominus eius sit memor, & quid tu sis. Secundò, quis quantusque Deus, qui nobis tot tantaque confert bona. Tertiò, quomodo omnia, quæ in cælo & in terrâ sunt, dona sint Dei, & quanto affectu ea dederit, quàm sincero: omnia enim non propter semetipsum fecit, sed pro te, ô homo. Quartò, quid pro eo petat, vnã scilicet gratitudinem. Quintò, quàm indignum vndique tot beneficiis obrui, & vsque in delicias amari, & ingratum esse; neque hoc tantum, sed pro beneficiis & bonis retribuere mala. Sextò, attende nihil esse quod ita hominibus displiceat, atque eos de quibus benè meriti sunt ingratos experiri, vt vulgò dicatur: Ingrato homine terra nil peius creat. vt verò hominibus, ita Deo. Audi Bernardum: Ingratitudo, ait, inimica est animæ, exinanitio meritorum, virtutum dispersio, beneficiorum perditio. Ingratitudo ventus vrens, siccans tibi fontem pietatis, rorem misericordiæ, fluentia gratiæ. Ergo in viã virtutis & progressu hanc studiosissimè

*Ingratitudo
de hominibus
detestanda.*

*Serm. 51.
in Cant.*

M 2. caue,

caue, & detestare. Et si enim nunquam non Dei gratia humiliter imploranda sit, tamen quia vel maxime initio conuersionis & profectus gratia Dei necessaria est, ne quis respiciat retrò, hæc gratitudine seruanda & augenda est.

Hæcine si mæ fide credo, vt sup. pag. 8.

*Pro quibus
agendæ
gratiæ.*

PVNCTVM. II. Considera pro quibus beneficiis gratias agere debeas, nempe Primò, pro iis quæ Capiti & Patri nostro Christo IESV, humanitati eius collata. Secundò, B. Virgini Matri nostræ. Tertiò, Angelis quos ad custodiam nostram dignatur Dominus deputare. Quartò, Sanctis quos Patronos nostros esse vult & duces in via. Quintò, iustis. Sextò, peccatoribus. Septimò, Ecclesiæ toti. Octauò, tibi.

*Quæ beneficia con-
cessa hu-
manitati
Christi.*

Secundò, percurrere potissima beneficia illis, tibi quæ collata, & pro illis gratias age, pro donis Christi Domini nostri humanitati concessis, Primò, quòd coniuncta sit Verbo diuino; Secundò, caput sit Angelorum & hominum; sit quæ Tertiò, in eo omnis plenitudo gratiæ, sapientiæ, scientiæ & sanctitatis.

Credo tibi, &c. vt sup. pag. 7.

*Quæ B.
Virgini.*

Secundò, pro iis quæ concessa B. Virgini, quòd mater sit Dei; Secundò, absque macula vllius peccati; Tertiò, donata gratia maxima; Quartò, maxima gloria super omnes Sanctos & Angelos Dei exaltata.

*Quæ An-
gelis.*

Tertiò, pro iis quæ concessa Angelis, pro eorum creatione, electione, & perseverantia, gloria, & officii dignitate.

*Quæ San-
ctis.*

Quartò, gratias age ob beneficia Sanctis collata, quòd ad perfectionem eos vocarit; Secundò, tot virtutibus ornarit; Tertiò miraculis honorarit; Quartò, gloria cumularit; Quintò denique, quòd eorum intercessione plurima concesserit.

Quæ iustis.

Quintò, gratias pro iis age, quæ iustis largitur, siquidem sustinet eorum imperfectiones, purgat, illuminat scientiâ, accendit charitate, à malo retrahit, & tribulationibus

tionibus eripit, & felicem mortem concedit.

Sextò, gratias age pro peccatoribus; Primò, quia eos *Quæ pec-*
sustinet; Secundò, vocat eos benignè ad gratiam; Ter- *catoribus.*
tiò largitur temporalia; Quartò, in morte salutem do-
nat.

Septimò, pro beneficijs collatis in Ecclesiam, quòd ea *Quæ Ec-*
Christum habeat pro capite & sponso; Secundò, à Spi- *clesia.*
ritu sancto gubernetur; Tertiò, sola certam & veram ha-
beat doctrinam; Quartò, Sacramenta; Quintò, iucundam
Ordinum varietatem. Post singula hæc capita recitare
potest Canticum. *Benedicite omnia opera, &c.*

Octauò, pro beneficijs tibi similiter, quasi soli con- *Series be-*
cessis gratias age; pro beneficio creationis, naturæ, for- *neficiorum*
tunæ, & maximè incarnationis, redemptionis, & dono *in singulos*
gratiæ, fidei, spei & charitatis, orationis, &c. quòd An- *homines.*
gelum custodiæ tuæ Deus deputarit: Angelis enim *Psal. 90.*
suis mandauit de te, ne fortè offendas ad lapidem pe-
dem tuum. neque tantùm dedit tibi, & hominibus sin-
gulis; sed & Prouinciis, Religionibus, Collegiis, Præla-
tis, vt illi nos gubernent secundùm suam sanctissi-
mam voluntatem. Expende valdè, Primò, gratiam Ba-
ptismi, pœnitentiæ & vocationis; Secundò, quàm
multi perierint, te saluo, priusquàm ad Baptismum ve-
nirent, quàm multi post illum à pœnitentia subitâ
morte exclusi. Attende etiam quàm multa aduersa sint
in hoc mundo, & quot occasiones operum misericor-
diæ, & tot videbis, quot miserijs benignissimus Deus
te liberarit. Tertiò, inuita omnes Angelos sanctos, &
omnes denique creaturas, vt tecum laudent Deum pro
immenfis beneficijs, quæ immerenti præstat. Quartò,
offer illi cor tuum, & omnes actiones, verba & opera
gratissimo animo.

Benedicite omnia opera, &c. vel Hæcine firmâ fide credo,
vt sup. pag. 8.

PARS II. Considera quantas gratias Deo pro dono
orationis agere debeas. Siquidem per orationem om- *Quæ bene-*
nia *ficia conti-*
neantur in

*dona ora-
tionis.*

nia ad nos dona deriuari voluit: neque tamen oratione nostrâ indiget Deus, sed eam ad multiplicem vtilitatem conuertit. Oratio enim, vt ait D. Bonauentura, non est causa beneficentiæ eius, sed via, vt etiam si non propter illam, tamen sine illâ nostri non misereatur. Secundò, quod per eam liceat cum Deo colloqui, &, quoties libet, ad thronum tantæ maiestatis admitti. Tertiò, propter effectus orationis. Primò enim iram Dei placat, *Exod. 32.* Orauit Moyſes, ait Scriptura, Dominum, & placatus est. Secundò, impetrat peccatorum veniam iuxta illud; *Matth. 18.* Omne debitum dimisi tibi quia rogasti me. Tertiò, à periculis liberat, & malis, vt patet in Ezechiâ, qui Sennacherib oratione fugauit, & deleuit. Quartò denique omnia impetrat corporalia & spiritualia: quid ergo vtilius? *Hæcine vera*, vt sup. pag. 7.

PARS III. Considera, quanta sit liberalitas Dei erga nos, qui tam facilè, vnico sæpè verbo rogantibus nobis tanta concedit, vt patet in plurimis Sanctis; & quàm ingratum illi, quod sæpè non libeat gratias agere, & exercitia pietatis obire, & cum eo loqui, id est, orationem debitè facere, & ad perfectionem ire: vide quàm *Liberalitas Dei & hominum in-
gratitudo.* amanter inuitet ipse dicens: Omnis qui petit accipit, qui quærit inuenit, & pulsanti aperietur. Secundò, quanta benignitas eius, quod tales, tam distractas orationes etiam non refugiat ipse Deus optimus maximus. Tertiò, quod pro suâ paternâ curâ nobis deneget, quæ noxia iudicauerit, & in tempore opportuno exaudiat, An enim fallere potest qui dixit: Omnis qui petit, accipit; & qui quærit, inuenit; & pulsanti aperietur? Imò benignissimè addit dicens: Quis est ex vobis homo, quem si petierit filius suus panem, nunquid lapidem porriget ei? aut si piscem petierit, numquid serpentem porriget ei? si ergo vos, cum sitis mali, nostis bona data dare filiis vestris; quanto magis Pater vester, qui in cælis est, dabit bona petentibus se?

Credo tibi, ô aterna veritas, vt sup. pag. 7.

Canticum

Canticum IESV filij Sirach.

CONFITEOR tibi Domine rex, & collaudabo te Deum Eccli. 51.
saluatorem meū. Confitebor nomini tuo: quoniam adiutor & protector factus es mihi, & liberaſti corpus meum à perditione, à laqueo linguæ iniquæ, & à labiis operantiū mendacium, & in conſpectu aſtantiū factus es mihi adiutor. Et liberaſti me ſecundū multitudinē miſericordiæ nominis tui à rugientibus præparatis ad eſcam, de manibus quærentium animam meam, & de portis tribulationū quæ circumdederunt me: à preſſurâ flammæ quæ circumdedit me, & in medio ignis non ſū aſtuatus: de altitudine ventris inferi, & à linguâ co- inquinatâ, & à verbo mendaciꝝ & à rege iniquo, & à lingua iniuſtâ. Laudabit vſq; ad mortem anima mea Dominum, & vita mea appropinquans erat in inferno deorſum. Circumdederunt me vndiq; & non erat qui adiuuaret. Reſpiciens erā ad adiutorium hominum, & non erat. Memoratus ſum miſericordiæ tuæ Domine, & operationis tuæ, quæ à ſæculo ſunt: quoniam merui ſuſtinentes te Domine, & liberas eos de manibus gentiū. Exaltaſti ſuper terram habitationem meā, & pro morte deſluente deprecatus ſum. Inuocaui Dominum patrem Domini mei, vt non derelinquat me in die tribulationis meæ, & in tempore ſuperborum ſine adiutorio. Laudabo nomē tuū aſſiduè, & collaudabo illud in confeſſione; & exaudita eſt oratio mea Et liberaſti me de perditione, & eripuſti me de tēpore iniquo. Propterea confitebor, & laudem dicam tibi, & benedicam nomini Domini.

Praxis ad gratias Deo datori agendas.

PRIMA. Præter eas, quas variis locis habes, ea eſſe poterit, ſcripto colligere Dei in te beneficia particularia, eaq; verbis affectu plenius deſcribere, atq; ſita Dauidē & Prophetas imitari, quibus ſolemne erat, poſt acceptū aliquod beneficiū ſingulare de eo carmē ac canticū cōponere. Diſce, ait Bernarus, in referendo gratiā nō eſſe tardus aut ſegnis, diſce ad ſingula dona gratias agere, diligēter cōſidera, quæ tibi apponuntur, vt nulla Dei dona debitā gratiarū actione fruſtrentur. Et ſi autem gratitudo magis operibus, quā

*Catalogum
fac benefi-
ciorum ſin-
gularium
Bernard.*

*In singulis
Dei benefi-
ciis quinq;
obseruanda*

verbis sit ostendenda, tamen gratissimum Deo, si ob beneficia eum sæpè laudemus, eaque meditemur. In singulis vero consideranda sunt quinque; Primò infinita dignitas largitoris; Secundò, infinita charitas; Tertiò, beneficij excellentia; Quartò, vilitas abiectioque nostra; Quintò, infinita Dei liberalitas.

*Genes. 28.
Quo pacto
grati Deo
esse possi-
mus.*

Vtque gratiæ ritè agantur, rogandi beati illi spiritus; vt, quia satis dignas agere gratias nō possumus, nos iuuare dignentur. Deinde omnes creaturæ inuitandæ, muneraq; vicissim offerenda: Primum est, Dominum pro tuo Deo ac Domino agnoscere, vt Jacob: Si, inquit, fuerit Deus mecū, & custodierit me in viā per quam ego ambulo; erit mihi Dominus in Deum. Quò pertinet, facere decretum, nunquam sibi aliquid tribuendi, cum illi omnia oporteat, qui in omnibus omnia operatur. Secundum, statuere Deo gratis, & non tui commodi causā, seruire. Tertium, offerre ei omnia opera tua, labores, & te totum, ad omnia quæ sapientiæ illius æternæ, & paternæ prouidentia visa fuerint, prospere & aduersa. Sic præcinit regius Propheta dicens: Quid retribuam Domino pro omnibus quæ retribuit mihi? Calicem, ait, salutaris accipiam, (et si amarum) & nomen Domini inuocabo. Vota mea Domino reddam, (etiam cum ipsa vitā) quia preciosa in conspectu Domini, mors Sanctorum eius: quia scilicet sibi, & mundo moriuntur.

*Pro gra-
uiorū pec-
catorū re-
missione
agēda gra-
tiæ. Pro ac-
cepto à Deo
beneficio,
proximo a-
liquod red-
dendum.
Prou. II.*

Secunda. Quemadmodum verò recogitamus annos præteritos in amaritudine animæ nostræ, ita pro grauiorū peccatorum remissione, quorum seruitute durā liberati sumus, gratias agere oportet, & pro infinitā bonitate Dei erga nos, simul conteri de malitiā nostrā: ac exultare in Domino, quia iustitia eius & pax osculatæ sunt, veritas & misericordia obuiauerunt sibi. Immo aliquod opus pium, quasi in compensationem, & gratiarum actionem Domino retribuere conuenit.

Tertia. Quoties aliquod à Deo beneficium accepimus, quia retribuere ei nihil possumus, proximo in eodem genere, siquidē id fieri potest, conferamus. Ideò decimas omnium, quæ possidebant Israëlita, sibi Dominus tribui volebat, & primogenita consecrari. Imitare, & anima tua, quæ benedicit, impinguabitur. Ad locum enim, vnde ex eunt flumina gratiarum, reuertuntur vt iterum fluant.

Dignatus es, &c. vt sup. pag. 10.





IACVLATORIÆ

CVM Deo tam sit accepta gratitudo, viri sancti ac Propheta nullâ in re magis, quàm gratiarû actione se exercuisse videntur; hinc totis pænè psalmis hoc vnum Dauid agit: accipe tamen aliquot versiculos tam sancto gratitudinis exercitio accommodatos.

Sit nomen Domini benedictum in secula: ante solem permānet Psal. 71.
nomen eius.

Magnificate Dominum mecum & exaltemus nomen eius in Psal. 33.
idipsum.

Repleatur os meum laude, ut cantem gloriam tuam, totâ die Psal. 70.
magnitudinem tuam.

SEXTÆ IMAGINIS
ANNOTATIO.

Examina defectus tuos; & vitio exscindendo, ac virtuti plantanda incumbe.

TVam sæpè, qui perfectioni studes, *A* excute conscientiam, ab eaq; *B* rationem exige coram *C* Christo iudice. pone tibi ob oculos *D* Dei præcepta, *E* regulasq; tuas, vide ut te *F* dæmon accuset, quamq; parû *G* boni egeris; proculca *H* peccatum; & quemadmodum id fugias vide: mox deinde infelicem peccati *I* arborum, cuius fructus mors est, exscinde sancto ac firmo proposito, & nouam *K* virtutem insere. Tum *L* oppugna *M* vitium illud peculiari curâ & examine, illud inquam vitium quod te præcipuè in *N* decalogi, *O* regularumq; tuarum obseruatione, id est in viâ Dei retardat. Inuigila in omnem victoriæ *P* occasionem, & aduerte primum virtutis gradum esse molestissimum, secundum faciliore, tertium facillimû.

CAPVT IV.

De Examine generali & particulari.

INTER alia pietatis exercitia, quæ ad profectû vel maximè conducunt, est crebrò conscientiam discutere, & sui examen instituere. De hoc dicere possumus: si nosmetipsos iudicaremus, non vtique iudicaremur à Domino. Examen autem hoc generale facito tanquam si coram Deo & Angelo ac dæmone te accusante id institueres. Constat autem partibus quinque; quas primò breuiter, deinde diductas accipe. Eas enim Meditatione seriâ expēdisse plurimùm prodest, vt quotidie deinde cum fructu & affectu semel atque iterum examen instituat.

*Puncta
examinis
generalis.*

Prima, est gratiarum actio pro omnibus beneficiis acceptis.

Secunda, est imploratio gratiæ pro cognoscendis & detestandis peccatis.

Tertia, discussio sui: incipiendo à postremo examine, & quoad fieri potest, cogitationes, verba & opera examinando ad Decalogi, & Regularum suarum, si quis sit Religiosus, normam.

Quarta, detestatio defectuum & peccatorum, variis considerationibus excitata.

Quinta, propositum, quo quis decernit in futurum vitam in melius instituere; ad quod conducet primò, agenda & patienda prospicere, atque ad vtrumque animum comparare.

Exercitium de examine generali.

*Modus
agendi gra-
tias in
Exam.*

PUNCTVM I. Considera Primò, quot titulis Creatori & benefactori nostro par sit gratias agere. Secundò, vide sursum, & nihil aliud aduertere agi à Beatis. Tertiò, attende deorsum, & audies nihil sonare inferos præter ingratitude, perpetuæque in bonitatem infinitam maledicta. Jamque vide quibus assimilari ex-
optes,

optes. Quartò, vide quàm paruo pro tantis eius beneficiis satisfacere queas ; & cum singulis Sanctorum ordinibus , atque Angelorum choris, exalta vocem cordis tui, & de omni corde tuo Deum ac Dominum nostrum laudare contende , vt pluribus cap. superiore dictum. *Credo tibi, &c. vt sup. pag. 7.*

PVNCTVM II. Considera , quantis tenebris inuoluti sumus ; quot errores mundum inuoluant , sapientissimosque mortalium abducant in turpissima flagitia & infanias. Secundò , quàm multi Sancti grauiter ob occulta peccata periclitati fuerint. Tertiò , quàm incerti sumus semper, amore an odio digni sumus. Hinc collige quantâ humilitate & instantiâ oporteat supplicare Deo Patri, vt memoriam firmet; Deo Filio , vt intellectum illustret; Spiritui verò sancto imprimis, vt voluntatem peccata cognita detestandi largiatur.

Illumina Domine, vt inf. pag. 188.

PVNCTVM III. Considera semitas domus tuæ , & ingredi in cubiculum cordis tui, & vide quàm sit necesse emundare illud, & animam tuam sanare. Primò , à letalibus vulneribus , & eiicere ex eâ capitales hostes, occupantes thronum , in quo dignaretur sedere benignissimus Saluator noster IESVS , & ad nos venire cum Patre & Spiritu sancto , & mansionem apud nos facere. Et si attendas quantâ sedulitate ea , quæ circa corpus sunt , munda esse velis , facilè colliges quid in animâ, quæ pretio superat cælum & terram, fieri oporteat. Secundò, aspice quàm vtile iam rationem reddere , & æterni lucri damna reparare : & in futurum prospicere. Tertiò , quanta prudentiâ sit seipsum perficere ; & advertere vbi errore, vbi malitiâ, vbi facilitate à recto deuiauerimus. Hoc nos, ait Seneca, pessimos facit , quòd nemo vitam suam respicit. quid facturi simus, cogitamus, & id rarò ; quid fecerimus, non cogitamus : atqui consilium futuri, ex præterito venit.

Hæcine firmâ fide credo, vt sup. pag. 8.

PVNCTVM

Quàm necessarium sit Spiritus S. lumen.

Eccles. 9.

Modus discussionis sui.

Seneca l. 2. epist. 84.

*Motiu de-
testationis
peccatoru*

PVNCTVM IV. Considera, quantum doleat, qui parentum, liberorum, bonorum, honoris, fauoris, lucri iacturam fecit: & vide quanto magis dolendum illi, qui lucri æterni, gratiæ Dei, fauoris illius detrimentum subiit. Secundò, quantum dolere oporteat, quod tam bonum & benignum Patrem & benefactorem homo offenderit, retribuendo mala pro bonis. Tertiò, vide vnde contingat relapsus, & aduerter fieri ex defectu veri doloris; ideoque in hoc maximè te exerce.

Credo tibi &c. vt sup. pag. 7.

*Modi for-
mandi bo-
na propo-
sita
O quan-
ti est velle!*

PVNCTVM V. Propone firmiter coram Deo & Angelis eius, vitare defectus, maximè eum, quem examine particulari studes corrigere: & vide quanti sit, in re qualibet firmum decretum. Collige verò ex eo, quòd videamus eos, qui inimici societatem æterno decreto vitare, & periculum corporis fugere statuunt, vix adduci vlllo pacto posse, vt à sententiâ discedant. Triplici autem modo firmanur decreta & promissa. Primò, si coram alijs fiant: fac igitur coram Angelis, & Sanctis Dei, & Patronos inuoca. Secundò, si pœna adiiciatur: statuere igitur conuenit sibi, si relabatur, spontaneam aliquam afflictionem. Tertiò verò, iuuat indicare eadem alijs, maximè Confessario, vt humano etiam respectu confirmeris. Quartò, in particulari designare, qualiter vitam instituere velis. Quintò, quomodo etiam in aduersis te gerere.

COLLOQVIUM.

Exercitium pro examine complectens præcepta Decalogi.

Psal. 12.

ILLUMINA, Domine, oculos meos, ne vmquam obdormiã in morte, neq; in peccato conquiescam; ne quando dicat inimicus meus, Præualui aduersus eũ: veni, lux vera, quæ illuminas omnem hominem, pelle tenebras cordis mei, vt videam te ad quem suspiro. O quàm desiderauit anima mea te in nocte! tu scis: donec aspiraret dies, & inclinarentur vmbra: & tu, cui nomen

nomē Oriens; splendesce in corde meo. Obsecro te, ô bone IESU, præcede me ad ostendendam viā per diē in columnā nubis, & per noctē hanc in columnā ignis: sine te enim mediā vitā in morte sumus; sine te sumus sicut oves errantes, sine te cæci, & nescimus viam, in quā ambulemus. O veritas æterna, dissipa cordis mei caliginem, vt inter tot viā & vitā huius varietates, ad te veniam, propter quem sum, viuo & suspiro.

1. Ecce sto corā te hodie, Deus meus, & confundor, & erubesco leuare faciem meam ad te, quoniā iniquitates meæ multiplicatæ sunt super caput meum, & delicta mea creuerunt vsque ad calum; sed sto coram patre filius, corā aduocato meo reus, coram redemptore meo seruus, ideoq; attollo oculos & mentem, & spem meā, vt propitiuss fias peccatis meis, & deleas omnes iniquitates meas. Conuerte me, & conuertar, quia tu Dominus Deus meus. Fac, vt memor sim vnde exciderim, & pœnitentiam prima opera faciam. Debui te creatorem meum amare ex toto corde meo: idē tecum velle & nolle, & in te solo confidere; tibi credere. Sed eheu! diuisum fuit cor meum, & posui carnem brachium meum; & ad nihilum redactus sum; & nesciui quod in te solo stare, viuere & moueri possim & debeam, neque vnquam erubescere, aut quæ supra me sunt, scrutari: sed humiliari sub potenti manu tuā.

2. Quemadmodum autem cor meum abiit in vanitates; ita etiam lingua mea inflammauit rotam natiuitatis meæ: quāq; deberet esse lignum vitæ, te laudare, de te loqui, ô omne bonū, mihi aliisq; mortis occasionem dedit. O beatum & perfectū, qui non est lapsus in linguā! qui enim putat se religiosum esse, non refrænans linguam suam! huius vana est religio. O ter felicem, qui reddidit tibi vota sua perfectē, quæ distinxerunt labia sua! Ecce ô Deus meus, reddo tibi hæc mea N. coram omni populo tuo ex toto corde meo.

3. Atq; vtinam saltē delectatus fuisset in te, & Sabbatum delicatū seruassē, in officiis tuis feruens: & exultassent labia, cūm cantare tibi: spallissem voce, spallissem spiritu, vt delectarer in voce laudis tuæ! visitasses enim terram, & inebriasses eam, & multiplicasses locupletar eā: flumen Dei repletum es-

I Esdr. 9.
Actus
pœnitent-
iæ maxi-
mè circa
primum
præceptū

Ierem 31.
Apoc. 2.

Ierem. 17

Secundū
præceptū
Iacob 3.
Ibidem.

Circa ter-
tium præ-
ceptum.
Psal. 64.

set

Deuotio-
nis & Re-
ligionis.
fructus.

set aquis, & lacryma mea vinum fuissent Angelorum: bene-
dixisses corona anni benignitatis tuae, & campi tui, potentia
anima mea impleta fuissent vbertate, & pingua fuissent fa-
cta speciosa deserti: valles abundassent frumento, frumento ele-
ctorum: & me vino stabiluisses, in sacro Missae sacrificio, vino
electorum, vino quod germinat virgines.

Circa
quartum
praeceptū
Obedien-
tiae & Su-
periorum
obseruan-
tiae.
Lucæ 10.
Hebr. 13.

4. Tum fuisset mihi cibus facere voluntatem tuā, id est, Su-
periorum meorum: propter te alacriter & perseueranter obedi-
vissem illis, neq; durā ceruice, & incircumciso corde, etiam in
paruis si iurati sancto aliquando restitissē: ipsi enim nō man-
dant mihi, sed spiritus tuus, qui loquitur in illis; quia dixisti:
Qui vos audit, me audit. Quā libens, si haec cogitare, iis hono-
rem, & amorē, & quacumq; alia tribuissē, vt vicariis tuis;
cūm peruigilent quasi rationē pro animā meā reddituri! Sed
& ego subditis meis, vt tibi, me exhibuissē, necessaria curassē,
infirmates patienter & onera portassē; sciens quia quod
vni ex minimis facio, tibi facio, o Deus meus, & omnia.

Matth. 25

Circa
quintum
praeceptū

5. O quantus hic esse stimulus debet, ne vllū cogitatione in-
vidia, verbo iniuria, aut facto lēdam: sed pacem seruē, quoad
fieri potest, cum omnibus; pacem Christi, quae exsuperat omne
gaudium! sumus enim filij tui, qui facis solem tuum oriri super
bonos, & malos. Et si amicos tantū & beneuolos diligam
& salutem; ecce etiā Ethnici hoc faciunt, & fera: vincere au-
tem in bono malum, hoc gratiā tuā filiorum tuorum est, &
vnicū votum meum, vt in eorum numero censeri valeam.

Matth. 16

Actus
charitatis
circa pro-
imum.

Circa sex-
tum prae-
ceptum.

Cordis.
munditi-
s, & au-
xilium ad
eam.

Mal. 50.
superbia
unitur
er luxu-
um.
cob. 1.

6. Talis enim agnosci in extremo iudicio spero; ideoq; sanē
longē facere à me volo desideria turpia & illecebrosa, vt mun-
do corde te aliquando videam, & non peccem in corpus meū,
aut proximi mei: sed diligentissimā oculorum & sensuū cu-
stodiā, repellam iacula ignita, igne illo candentia, qui ad in-
ternectionē deuorat, & sancta omnia profanat. Cor hoc mun-
dum crea in me, Deus meus, & spiritum rectum innoua in vi-
sceribus meis: auerte à me superbiam; quam iusto tuo iudicio
luxuria supplicio castigas, vt saltem vel sic homo humilietur,
& se agnoscat, quia similis erat ei, qui considerauit se in spe-
culo, & abiit, & oblitus est qualis fuerit.

7. Con-

7. Concupiscentiā hanc restringue, quaeso, in seruo tuo, & simul etiam oculorum, ne cupiditate, radice omnium malorum, accensus, aliena capiam, abscondam, damna inferā: qui iuxta mandatum tuum, tribuere debeo mea; & inter beatos annumerari cupio, & pauper esse spiritu, ac potius derelinquere omnia, quā perdere te, & omnia.

8. Et hac quidem concupiscentia, scio; difflicet maiestati tuae, sed longē magis os bilingue & mendax (quia veritas es Deus meus) vti & proximum linguā percutere, famam illius denigrare, seruum alienum iudicare. Ab his, precor, protege me. Saluator meus. nam, scio, vulnerat te dixit, qui sic punit fratrem suum: te cruciat, qui affligit & contemnit illum, quem tanto precio dignatus es.

Ab utinam per hac nunquam maiestatem tuā offendissem! nescio, o Deus meus, Creator meus, Redemptor meus, quomodo sic oblitus fuerim tui, qui nunquam non recordaris mei; mei, qui non sum: omnes enim gentes sunt corā te, quasi non sint & quasi nihilum & inane reputantur. O si quis mihi daret fontem lacrymarum, ut plorarem die ac nocte; quia te dereliqui fontem aquae viuae; & peccaui in calum, & coram te; te, qui tribus digitis appendis orbem, & omnia opera nostra in nobis operatus es! Aqua certē multae peccatorū meorū non potuerunt extinguere charitatem tuam, quā tot tantisq; beneficiis, & maxime in passione tuā declarare dignatus es, & quotidie dignaris in memoriali Mortis & Passionis tuae. Cū verō ita sit, memoria memorero semper tantae charitatis tuae, o IESU, & tabescet in me anima mea praesiderio tui, & liquecet ad amoris tui radios, o sol iustitiae, o utinam sicut fluit cera a facie ignis, sic pereant peccatores hodie, & imperfectiones meae a facie tuā Deus meus. Benedictus sis, Domine Deus meus, in aeternum; quia benignus & misericors super malitiā meā; & non fecisti mihi secundū peccata mea; sed secundū multitudinem misericordiae tuae, & toties me visitare dignaris.

Nunc verō laui pedes meos; nō ultra tuā gratiā, inquinabo illos, lotus enim sanguine tuo, non iterum pollutū eum duceam, & rursum mihi te crucifigam, Christe IESU, spes mea:

sed

Circa
septimum
praeceptū

Omnes
pauperes
spiritu es-
se debēt.

Circa o-
ctauum
praeceptū
Ioan. 8.

Qui pun-
git fratrē,
Deū cru-
ciat.

Contri-
tionis ex-
ercitium.
Isaia. 40.

Luc. 15.
Isaia 40.
Isaia 26.
Cant. 8.

Applica-
tio ad
Communi-
onem.

Propositū
emenda-
tionis.

sed diligenter cauebo, ne quid in me displiceat purissimis oculis tuis; ambulabo coram te, omnes diligā propter te; & quid quid sanctissima tue voluntati collibitum fuerit, gratissimū mihi erit, & accipiā de paternā manu tuā. tibi enim viuere, tibi mori cupio, ô vita, ô salus, ô gaudiū meū. Id profiteor hodie corā te & curiā tuā celesti vniuersā, testē illā inuoco desiderij mei, & auxilium infirmitatis meae, ad gloriā tuam. Amen.

Praxis peragendi examinis generalis.

PRIMA. Post examen sollicitè rursus incipe ambulare coram Domino Deo tuo, ac proposita per singulas horas, vt minimum, renoua.

*Vrgenda
familia vt
examen fa-
ciat.*

*Affligitur
aliquando
aut benedi-
citur fami-
lia propter
vnum.*

Gen. 30.

*Lib. de
monte con-
templatio-
nis.*

*Spiri-
tualis men-
dicatio.*

Secunda. Imò poteris ad singulas breuiter tuam executere animam, eādem ferè normā.

Tertia, si paterfamilias sis, effice vt familia, vel communiter hoc examen instituat simul, vel singuli. Sic enim ad cor redibunt, & placabunt Dominum sibi & familiæ tuæ: quam sæpè flagellat iusto iudicio ob vnius improbitatem Deus, quemadmodum ob famuli pietatem eidem benedixit, vt Scriptura de Iacob commemorat, ob quem domum Laban locupletauit.

Quarta, Nota hoc examen posse vsurpari per modum meditationis, de quo Gerson scribit hoc pacto: Noui personam, quæ non modicum profecit per hoc, quod diligentius seipsum intuebatur quasi pauperem & miserum, & in cælum mente conscendens à singulis Sanctis mendicabat ea. Itaque pauperem eiusmodi imitare, & inopiam à virtutibus, & morbos ac vulnera animæ ostende Domino ac Sanctis eius, atque opem implora.

Quinta. Quia examen particulare pluribus est tractandum, hoc solum hîc obserua, expedire persèpè, maximè occupatis, vt simul cum generali id faciant.

Praxis examinis particularis.

CVM ad perfectionē nō nisi gradatim ascendatur, explicandū hîc erit examen particulare, tantopere à S. P. I. gnatio commendatū. Est verò illud, quo quis studio singulari, ac, vt ita dicā, certamine, singulos defectus aggreditur superare, & virtutes gradatim acquirere. ad quod, Dei gratiā sequēs directio iuuabit. Vt autē ea quis in singulis fructuose vtatur, antequā cōtra aliquod vitium particulare examen instituat, vt Bern. monet, agnoscere se debet homo, ad quæ sit bona naturaliter propensior, vel ad quæ mala procliuior

*Bernard. de
inter domo.*

Cluior: quibus exercitiis valeat melius promoueri, quibus vitiis facilius corrumpi: quid pro his poenę vel præmij expectare: quantum quotidie proficiat. & cum quanta industria satagat præterita mala desistere, præsentia declinare, futura præuenire, cum quanta animi constantia studeat reparare bona amissa, custodire & multiplicare possessa. Per hoc ad sui cognitionem, quā tum Philosophi, tum Sancti omnes adeo commendārūt, perueniet: quæ sanè in eo potissimum consistit, vt animæ defectus intelligamus. Ad quod poterit iuvare etiā lectio D. Bernardi de Consideratione, & Interiori domo, S. Bonauenturæ ad Nouitios, Seraphini Firmiani de Animæ imperfectione, Thomæ à Kempis lib. 4. c. 7.

*Cognitio
sui quo pa-
cto compa-
rari possit.*

Item consulere Superiorem, Confessarium, & vitam suā præteritam considerare, attendendo radices malorum, quibusque de rebus fuerit aliquando ab æmulis redargatus, aut à Superioribus sæpius commōitus. Hac ratione cognosceret quis vitia animæ suæ præcipua, & quo ordine aggredi quæque debeat.

Ordo verò hic est, vt externa vitia, & quæ alios offendunt, vel quæ nostrum maximè retardant progressū, primò impugnet, quod in vitijs locum habeat: in virtutibus verò est, vt in eis quis sese primò exerceat, quę magis necessarie, viles, vniuersales & solidiores; vt sunt, Pura intentio, Communicatio cum Deo, Zelus animarū, Amor Dei, Humilitas, Obediētia, Patiētia, ferre alienos defectus, nulli detrahēre, nullū offendere, nulli contradicere, in primis verò contemptus rerū humanarū, atq; Odiū sui, & mortificatio querēda.

*Quis ordo
instituen-
dus.
Circa quæ
prius faci-
endum par-
ticulare
examen.*

Notandum hīc est, quod si in virtute nos exerceamus, non totam simul amplectendam esse, sed gradatim & constanter à facilioribus ordinariè inchoādum, v.g. pro acquirēda humilitate. Primò, videat ut se non laudet; Secundò, studeat nolle laudari; Tertiò, quoad potest vitet agere corā hominibus, vnde laudetur; Quartò, excusationem omnem excludat; Quintò, etiam cogitationes superbix, ijsque invigilet; Sextò, exerceat se in eo vt omnes habeat velut superiores ac meliores. Hoc autē sic accipe, nisi aliquis tantum vnum vitij caput in se deprehenderet, seu ramum: tum enim, vt patet, illum exscindere solum necesse est.

*Per partes
vitia ex-
tirpanda.*

Tempus verò seriò in vitio extirpando ponendum est, quousque superemus, aut saltem in tantum proficiamus, vt facile tentationibus resistere, & heroicis actus elicere possimus: aut, si de virtute agitur, quousque eam faciliè exercere in occasionibus possimus.

*Quanto
tempore.*

Cum autem iuxta Cassianum & B. Ignatium, tempore quo exercitia ad

*Omnia ex-
quo exercitia ad*

*omnium refe-
rantur.*

*Vitij ex-
firpandi
natura
scrutanda.*

*Quaerenda
remedia
contra id-
ipsum.*

*A facilio-
ribus exa-
men parti-
culare in-
choandum.*

*Occasio
pugnae
quaerenda
praeter-
quam in
carnali-
bus.*

quo examen hoc particulare contra vnum omnino vitium debellandum exercetur, omnia exercitia, orationes & cogitationes eo referendae sint, additiones quae sequuntur iuuare ad id poterunt, ad quas rite faciendas dies vnus aut alter est impendendus earum considerationi & praxi, priusquam cum vitio certamen, vt ita dicam, ineatur singulare.

ADDITIO I. inter has est, collectio eorum quae ad hoc vitium spectant, vel virtute: conuenit enim vt colligat Asceta ex auctoribus sibi, quod saepe concionatores alijs faciunt; Primò, quae vitij vel virtutis natura, signa gradus & effectus, scire enim quaeque oportet in quo gradu sit, quasque habeat occasiones lapsus, attendere. Ad haec Peraldus, P. Lessius L. de Iust. & iure in fine, Viridarium & Panarium Busæi, D. Bonauentura de Profectu, Arias de Mortificatione, & alij materiã dabunt. Secundò, remedia colligat ex ijsdẽ. Inter haec sunt praxes, vt dare eleemosynã, facere hoc vel illud opus piũ, quoties lapsus fuerit. Tertiò, motiua, quae sunt exempla & similitudines, vitium viuẽ repraesentantes ipsiusque vitij foeditatem & molestiam; item sententiae S. Scripturae rationes aliquae ab vili, honesto, incundo, ex sacris & Philosophis; praemia denique virtutis, & poenae à Deo hominibus inflictae huic vitio obnoxiiis.

Haec ordine describere potest, ac Primò quidẽ vitij natura, foeditas atque occasiones, quae sunt, & esse possunt, ponatur; Secundò, rationes aliquae. Tertiò, sententiae graues; Quartò, exempla Christi & Sanctorũ, &c. Quintò, similia; Sextò, praemia & poenae; Septimò, praxes. Harũ vna est deligere motiua efficacissima quaeque, & iis se excitare propositã sibi aliquantisper in genere vitij & virtutis occasione quã habuit, aut habere potest, hanc amplectẽdo, illud refutãdo; quia sic minor est repugnãtia, dum enim hanc sibi repraesentabit occasione, simul voluntatẽ exercebit circa virtutẽ, vt illã appetat; circa vitium, ut illud detestetur. Postea in particulari ad faciliores actus exequẽdos se accingat, vt victoriis se animet. Tertiò, difficiliore & propinquos exerceat. Quartò, remotiores quos primò exercere, vt v. g. martyrium optare, suadere solet magno astu diabolus, ut nos inflet, atque inanes relinquat, perturbet verò minutoribus. Tamen in ipsã occasione oblata pugnare, & eam ad hoc quaerere si non detur, vilius est (excepto turpitudinis vitio, cuius omnis occasio & memoria est fugienda.) Quòd si illa non inuenitur, eam nobis repraesentare, vt dixi, debemus certis locis & temporibus. Quod diligenter notandum: ex eo enim magnus fructus est, dum praeludimus ante pugnam, & prouidetur tempestatibus occurrimus.

ADDI-

ADDITIO II. Videndum ut frequenter consideret Asceta præterquam quod quotidie circa prandium in examine, & *Exigenda* vespere] profectum suum atq; defectū, v.g. singulis hebdo- *subinde* madis & mensibus aliquo certo tempore consideret animi *ratio pro-* morbum, an curetur, an remedia non sufficiant, &c. Si enim *fectus.*

ita sit, alia adhibenda sunt: aut certè profiteamur nos nō curari velle, sed frustrā fatigari. Videat autem cōferendo diē cum die, hebdomadā cum hebdomada, mēse cum mense; an plures errores commiserit, an plures victorias reportauerit: etenim hæc vel illi numerandi sunt. Victorias numerare iuvat in principio, cum plurimi sunt defectus; errores, cum pauciores sunt. Imò perutile aliquot victorias sibi necessariō sub aliqua pœna, vel ad honorem huius, vel illius Sancti præstitueret acquirendas: quas cum magno desiderio quærere Asceta deberet, & cū actu reflexo, ut dici solet, exercere; vel si de virtute agatur, statuere exercendos numero aliquot actus illius, magno affectu, & cū reflexione. Hoc enim modo valdè se quisque promouebit; sed magis adhuc, si plures inter se conspirēt, exēplo mercatorū, & *Conspira-* militum; quorū illi bonorū, hi victoriæ ac periculorū socie- *tio aliquo-* tatē ineunt. In Actis narratur cōspirasse ac iurasse quinquaginta viros, dicētes Principi Sacerdotū: Deuotione deuoui- *rum in ali-* um lauda- *quod viti-* mus nos nihil gustaturos, donec occidamus Paulū: æmule- *bili.* mur & nos gloriosè. Pulchrū certè certamē est in cōspectu *Act. 23.*

Dei, in quo mundus triumphatur, diabolus superatur, de regno cælorū vim faciēdo cōspiratur, ac denique æterna gloria cōparatur. Quod si hāc praxi vterentur Superiores; suauiter ac fortiter pia exercitia, atq; Regularū obseruationē introducerēt, maximè si etiā priuilegia quę possent, pietati tribuerēt. v. g. cuperet quis seruari silentiū efficiat ut conspirent in hoc aliqui, ac pœnitētiā sibi sponte statuāt, & si illa nō sufficiat, velut medicina, aliā addant, donec euincāt. Sic solet humana prudentia ac industria alia omni in re factitare: si enim vna columna non sufficit domui, vnus equus currui, vna cohors hosti superando, alia aduocatur.

ADDITIO III. est ut meditatio fiat de virtute ptopositā, *Meditatio* motiuāq; illi propria, pro materia meditationis accipiātur, *commen-* quēadmodū & iaculatoriæ, quas per secundū orandi modū *data.* S. P. Ignatii liceret considerare; vel saltem meditationem conueniret materiæ examinis applicare, etiā si meditatio ex professo de virtute illa nō institueretur. Habes interim ad hoc infra meditationem de vitio & virtute in genere.

ADDITIO IV. Orationes & exercitia pietatis huc omnino sūt dirigēda; adeo ut omnibus hoc petatur cū ingēti fiducia, sepe ejaculādo pios affectus, & importunitatē viduę

*Qui viti-
um aliquod
extirpare,
vel virtutē
acquirere
velit, om-
nia pieta-
tis exerci-
tia eò di-
rigat, oportet.*

*Pœnitentia etiam
pro comis-
sis erroribus assu-
mendæ.*

*Ad iumen-
ta memo-
ria.*

Euangelicæ imitando, nec difficile id erit, si attendamus tristi omnia tristia, læto læta, & homini vt affectus est, ita & alia ferè apparere. Ad hoc opus præciū erit semel semihorâ vnâ & alterâ considerare, vt omnia ferè huic rei expeditè possint applicari. Pōtest etiam fieri oratio ex motiuis præcipuis, contra hoc vitium, vel pro virtute conflata, quæ omni, clypei instar, tentationi opponi possit, sic & Patroni deligi, & invocari, qui hâc virtute claruerūt, quotidie, manè potissimum: quin & illâ orationē tum expediret recitare.

ADDITION V. Mortificatio insuper est adhibenda, quâ pœnitentiam aliquâ spontaneâ Asceta, quoties errat, assumit [quæ si in ipso vbi admisit errorem loco fiat, vtile] sicut est tundere pectus, vt B. P. monet, &c. Posset etiam aliqua assumi, donec quis obtineat quod postulat, v.g. jejunare: vino, vt Nazæorum olim mos erat, vel sale alioue obsonio ad tempus abstinere. Verū actio virtutis contrariæ, si vitium extirpare coneris, pœnitentia est omnium saluberrima. Aliæ autem mortificationes in cibo, potu curiositate, silentio, &c. eò dirigi possunt. Valdè etiam vtile si quis ex zelo eandem tecum faciat pœnitentiam, donec defectum emendaris tuum, tum vt facilius à Deo impetres, tum vt amici hominis spontaneum pro te susceptum supplicium, ad officium tuum præstandum tibi calcar addat. Aliena hæc inale cordatus facilius sentit, quâ sua. Sic nouimus Sanctos pœnitentiâ peccatorum in se partē à nocete trāsferre solitos: S. Ignatium luxuriæ mancipiū in gelida stando, à seruitute liberasse, & S. Xauerium simili industriâ obduratum hominem emolliuisse.

ADDITION VI. Renouationē proposiri frequenter exercendam, ad quâ affectus vehemens facilè viâ ostendit. Quia verò frequens illa propositi renouatio omittitur aliquando defectu memoriæ, iuuare hanc poterit, vel signis certo loco positis, v.g. sententiâ ante se in mensâ, vel funiculo ad brachium circumligato, certisquæ temporibus designatis, quibus id renouandum. Inter tempora Primum sit matutinum, quo consideratâ aliquâ vitij occasione, vel pluribus, iisque habitis vel habendis, Asceta motuum aliquod considerat, & vel pulcritudine virtutis, vel vitij tæditate se excitat, ac proponit occasiones solitas diligenter vitare, vitiumque execratur: vel si de virtute agatur, illam, illiusque occasiones amplectitur. Secundum tempus est meridianū, quo hoc examen breuiter instituendum est, aut seorsim, aut in initio examinis generalis: & desiderium renouandum sicut manè, ac conferendum examen hoc cum priore. Tertium est

est vespertium, quo idem faciendum. Quartum esse potest & diligenter notandum, vesperi in lecto: altè enim imprimitur, quod ante somnum animo suo quisque voluit. Quintum, dum auditur hora, quo similiter ex aliquo motiuo, occasione virtutis sibi repræsentatâ, renouandum propositum cum aliqua jaculatoria: quæ si fieri possit, vim motiui contineat. Imò expediret singulis motiuis suam jaculatoriam adicere, atq; ita ipsam quoq; variare, vt semper aliquid noui possit mens nostra, & cum recreatione ruminare. Sextum tempus est occasionale, cum occasio est, vel instat labendi, aut virtutem exercendi: quo tempore eo diligentius, quo magis necessarium, renouandum illud est, repræsentatâ sibi occasione propositum. Huic renouationi propositi circa examen particulare exemplo SS. Gulielmî, Bonauenturæ, S. P. N. Ignati, & aliorum, vtiliter adijcitur brevis consideratio horæ præteritæ; videndo an transacta sit vti oportuit, vti quis sibi constituerat, an quid peccatum in materia examinis particularis: deinde quid proximâ horâ faciendum præuidendo, atq; omnia Deo, B. Virginis manibus offerendo. Poterit autem ita vt hic præcepi, vel prout cuique magis placuerit, fieri. Verbi gratiâ, si in humilitate quis se exerceat: O IESU, qui pro me flagellatus es, & humillimus fuisti (sic mysterium aliquod dolorosum, gaudiosum vel gloriosum, memorari posset) quid retribuui tibi; (hic examinari hora potest lapsa) Quid retribuam hoc vite meæ momento irreuerabili; (hic fieri consideratio & propositum de futura.) Offero me, vota mea, (si Religiosus es) & actiones meas, sensus & proposita mea, in vniõne meritorum tuorum, & gratias ago pro bonis & malis que per creatura mihi cæco & aegro, ô Sapientia æterna, facies, desidero te, diligo te ô omne solum bonum. O satietas vera, quando per te (sine te enim nihil sumus, aut possumus) humillimus ero? Hic consideratio, seu motiuum quod quis assumpsit, memorari atq; adjici debet. verbi gratiâ. Quandoquidè tã vilis sum, &c. secundum materiam examinis particularis. Potest autè quis illâ orationicula, vel jaculatoria aliqua vti, si cui illa lōgior est, vnâ cum examine horæ præteritæ, & ordinatione futuræ. Iaculatoriâ autè immutare subinde, vti dixi oportet; animūque recreare, os suū aperire, vt Psalmista ait, & attrahere spiritū.

ADDITIO VII. est, diligenter legere, tum ea quæ collecta sunt ad excitandam voluntatem, tum auctores qui de hoc vitio vel virtute scripserunt; quotidie verò ex iis aliqua percurrere vtilissimum: similiter & Regulam, ad vitium quod oppugnas, vel virtutem, cui operam das, si fortè Religiosus es, accommodatam.

Præsentia
Dei.

Examen
horæ præ-
teritæ.

Resignatio
& vniõ.

Amor Dei.

*Vtile est
habere
Admoni-
torem.*

*Multa se-
pius aben-
ei consti-
tuenda.*

*Colloqui-
um de vir-
tute propo-
sita sepe
instituen-
dum.*

*Perseve-
rantia ne-
cessaria.
Nota dili-
genter.*

ADDITIO VIII. Iuuat habere admonitorem, vel designatum, vel vtrò delectum; aut si id non placeat, certè confessorio vel Superiori aperire profectum & defectum, & petere, si res ferat, ab amico, & familiari, vel Superiore aliquando exerceri ex improviso, aliquando verò post præparationem, ut vires erunt. Si plures sint, qui conspirarunt se mutuo monere, possent offerre simul aliquos actus ac proposita, & velut vota corâ Ven. Sacramento renouare; communicare defectum ac profectum, de eodem consultare, ut sic loquar; victorias aut certos actus faciendos indicere, poenâ ac præmio proposito, verbi gratiâ, is qui plures victorias numerat, aut defectus pauciores, meritum vnius mensis, vel diei partem habere poterit, &c. Possit etiam vna familia Religiosa aliam æmulari, prout alicubi fieri memini, imò etiam prouocare.

ADDITIO IX. erit colloquium eâ de re frequens instituire, & ad alios sermonem, ac conuerti ut ad similem virtutem acquirendam etiam ipsi elaborent: virtutis enim amor, verbi gratiâ, castitatis, in se, atq; aliis eam nos amare compellit; ac vitium contrarium odisse. Ideò rectè S. Xaverius curabat, ut qui superbiæ tumorem vellet deprimere, de humilitate ad alios dicendo, se adhortaretur. Notandum autem, hæc quidem ferè dici pro vitio extirpando, sed propè eadem in virtute acquirenda esse obseruanda. Certè amore virtutum potius, quàm vitii insectatione plerique iuuantur: quia fortius ac suauius amore trahimur; etiam si ordinariè præstaret inchoare à vitio, uti lolio extirpando & persequendo, deinde ad virtutem inferendam pertransire. eodem tamen pænè res redire videtur, quidquid id est, constantia vtròque adhibenda est. Ideoque ferè à facilioribus inchoadum, violentia omnis vitanda, cum hoc opus totum Dei sit, & ab illius gratiâ pendeant vniuersa: cui proinde vni confidendum, vni tribuendus profectus, non industriæ nostræ: alias certè non proficiemus, quod altè in animum tuum proinde dimitte. *Dignatus es, ut sup. pag. 10.*

IACULATORIA

Quæ cuius virtuti applicari possunt.

PRIMA, O IESV, unica virtus mea: Secunda, doleo de inobedientiâ illâ meâ, v. g. propter te: Tertia, Et statuo ad gloriam tuam coram te: Quarta, cum pulsabitur: Quinta, quia, v. g. ita vis, sincerè obedire.

Pars prima huius iaculatoriæ diffidentiae sui actum habet: Secunda, contritione: Tertia, intentione cum proposito & actu praesentiae Dei: Quarta occasione: Quinta, motuum, *Medi-*

*Meditatio pro vitio generatim hæc esse
potest.*

COMPOSITIO LOCI. Considera, hominem huic vitio obnoxium, inde Christum vel D. Virginem, aut Sanctorum aliquem coram Deo istâ contrariâ virtute ornatum.

PUNCTVM I. Vitij naturam & causas, quod eius obiectum, quæ origo, quis finis (breuissima scilicet voluptas) considera. Secundò, eius gradus veluti ad infernum tendentes, & in quo tu sis. Tertiò, fœditatem illius ex naturâ ipsâ, quia pugnat cum ratione naturali, hominemque dedecet. Quartò, occasiones eius, quàm frequentes, quàmque stolidum, cum quis ex iis summum & æternum præmium colligere possit, damnum facere, vel bonum omittere, quod numquam recuperari possit. Quintò, considera quod vno heroico actu sæpè abundantia gratiæ acquiratur; & contrà, si quis occasiones respuat, etiam gratiâ quâ iam vti potest, fortè omninò priuandus sit, immò salute. Sextò considera, omittere occasiones, esse præbere & augere hosti vires, quem sine iis experti sumus esse fortiozem. & certè si aliquando superare te velles, cur non modo? Septimò, vide signa vitij an in te sint, vt tibi non blandiaris.

Vitij natura &c. consideranda.

Occasionē virtutis respuendo, aliquando etiam salus amittitur.

Hæcine vera, vt sup. pag. 7.

PUNCTVM II. Considera incommoda grauiora ex vitio manantia; Primò, temporalia; Secundò, spiritualia, & impedimenta salutis ac perfectionis, id est, summi boni; Tertiò, quanta ex eo sequatur animi perturbatio. Secundò, considera sententias graues sacre Scripturæ, Sanctorum, Sapientum, commune iudicium bonorum omnium, & quid regulæ tuæ ac viuendi institutum à te flagitet. *Hæcine vera, vt sup. pag. 7.*

Incommoda vitij vide.

PUNCTVM III. Considera Primò, exempla quibus detestatio vitij appareat, ex sacra Scripturâ, historiâ sacra & Sanctorum, ciuili vitâ, itè familiaribus, & vitâ cõmuni

Exemplo alterius sape.

hominum, quâ vitio illo N. infectos pœnâ, quo contrariâ virtute præditos, præmio dignos æstiment. Secundò considera, quàm placeat hoc vitium diabolo, & quo pacto per vitium venepo voluptatis, mortem propinet; quòd si habeas, sit fastidio; si desideres, inexplebili desiderio & inquieto te cruciet. Tertiò considera, si in hoc te mortificaueris, Deum ab alterâ parte quasi coronam & ineffabile gaudium pollicentem; quia gaudium virtutis opus sequitur, tam in hâc vitâ, quàm in futurâ: & quàm stolidum hosti credere potiùs, quàm Saluatori amantissimo. Quartò considera, quid amico hâc in re consuleres, & in morte fecisse optares, &c.

Hæcine firma fide, &c. vt sup. pag. 8.

Meditatio pro virtute acquirenda.

*Quid sit
virtus.*

PVNCTVM I. Considera, virtutem nihil aliud esse quàm habitum, quo animus hominis sanatur, ac velut cæcus illuminatur, claudus ambulat: & quandoquidem hæc in corpore ita optemus, quantopere ea in animâ optare oportet. Secundò quòd sicut se homo à vitiis corporis, v.g. cæcitate, curare non potest, ita nec ab vilo vitio animæ sine Dei singulari gratia, quidquid adhibeat remediorum, &c. cùm omnia tantùm operentur quantum illis tribuit Deus: ideoque totum illi tribue. Tertiò, cogita triplicem esse virtutem, Politicam, Hypocriticam, & Veram. Et quæ hæc? quæ sincere Deum amat, eique verè placere studet, quâ animâ se ornat, vt velut sponsa sponso placeat. Hunc finem habet ob oculos positum, huc toto pectore aspira.

Credo tibi, &c. vt supra pag. 7.

*Effectus
virtutis,
&c.*

PVNCTVM II. Considera virtutis naturam, effectus, causas, finem gradus; hi autem sunt. Primò, propositum acquirendæ virtutis; Secundò, fortitudo aduersus tentationes & difficultates; Tertiò, delectatio in vsu virtutis. Attende etiam, quid in intellectu, quid in voluntate, quid in externis, & operatione efficere soleat, & quo modo

modo potest tunc tua erga illam versentur; signa denique
& occasio. **S**ecundò, considera pulcritudinem & ho-
nestatem, quàm rationi conformis sit, quàm decens
Christianum & Religiosum. Tertiò, quàm procul ab
hac fueris, & sis. Quartò, quanta eius necessitas. *Hæcine*
vera, vt sup. pag. 7.

PUNCTVM III. Considera virtutis commoda. Primò, *Commoda*
animæ illius quietem & tranquillitatem, & ordinatio- *virtutis.*
nem, in quâ ipse imperat. Secundò, etiam corporis robur,
quia virtutes, dum sedant passionēs, corpus vegetum
reddunt. Tertiò, incommoda ex virtutis defectu, sæpè *Res parua*
enim ô quoties fit, vt parua res in speciem, non sublata *quantum*
per virtutem, impediatur bona plurima, sitque velut obex *sæpè*
ostium claudens deliciis spiritualibus. *noxia.*

Hæcine vera, vt sup. pag. 7.

PUNCTVM IV. Considera sententias graues sacræ *Auctoritas*
Scripturæ; Secundò, Sanctorum; Tertiò, sapientium; *Auctorum,*
Quartò, bonorum commune iudicium; Quintò, regula-
rum si Religiosus es, obligationem; Sextò, media, quibus
Sancti vsi sunt.

PUNCTVM V. Considera exempla, ac primò quidem *Exempla*
in Deo opt. max. (vt docet D. Thomas in opusculo de *eorum.*
Diuinis moribus, quos imitandos proponit) Christo
Domino, B. Virgine, velut tibi in particulari data ac re-
lictæ, item in Sanctis, Philosophis, & aliis; postremò in
familiaribus.

PUNCTVM VI. Considera Primò, quàm grata sit
Deo virtus. Secundò, gloriam & laudem eorum qui hæc
claruerunt in hoc mundo, tam Sanctorum, quàm Philo-
sophorum. Tertiò, præmium cæleste quod virtuti debe-
tur, & certanti bonum certamen à Domino tribuetur.
Hæcine firma fide, vt sup. pag. 8.

Alia Meditatio esse potest de Jaculatoriis aliquibus
iuxta secundum orandi modum, de quo c. 9. l. 1.

Vide Exercitium quod suprà habes, post examen, nam
huc etiam pertinet.

JACVLATORIÆ.

- Pfal. 5. **D**omine, deduc me in iustitiâ tuâ, propter inimicos meos, dirige in conspectu tuo viam meam.
- Pfal. 79. Qui regis Israël, intende, qui deducis velut onem Ioseph.
- Pfal. 39. Deus virtutum, conuertere, respice de cælo, & vide, & visita vineam istam, & perfice eam quam plantauit dextera tua.
- Pfal. 37. Domine, ante te omne desiderium meum, & gemitus meus à te non est absconditus.
- Pfal. 118. Exitus aquarum deduxerunt oculi mei, quia non custodierunt legem tuam.
- Idem. Iniquitatem odio habui, & abominatus sum: legem autem tuam dilexi.
- Pfal. 38. Ab omnibus iniquitatibus meis erue me: opprobrium insipientis dedisti me.
- Pfal. 50. Amplius laua me ab iniquitate meâ, & à peccato meo munda me.

SEPTIMÆ IMAGINIS
ANNOTATIO.

Prouide actiones tuas; ac de iis coram Deo dispone, ad gloriam magni nominis eius.

Considera, quæ agenda hodie, hâc *A* horâ, atque perinde quasi in stadio curreres, *B* opera ac passus dirige ad metam, id est, ad Dei gloriam, *C* corde ardenti: certoque scias, te sine *D* gratia Dei nihil posse. ea itaque postulata, opera tua fac, velut in *E* pondere, numero & mensurâ, & non aliter, quàm si *F* mors sequeretur, *G* Angelusque & *H* dæmon te tuaque omnia vigilanter obseruent. Imò *I* bona opera ita fac, ac si tibi *K* sepulcrum iam foderetur. Neque hoc tantùm, sed opera tua perfice *L* Christi sanctorumque exemplo; quæ *M* Angeli Deo offerunt. Ante omnia autem semper aduerte, ac memineris *N* Deum te, cum cælesti curia semper intueri.



CAPVT V.

Exercitium de Consideratione rerum agendarũ.

COMPOSITIO LOCI erit, constituere se coram Deo, eiusque curiâ, ad vitam & viam æternitatis ordinandam.

ORATIO, vt suprà.

PVNCTVM I. Considera, perfectionem rectè colligi posse, imò debere, ex perfectione actionum nostrarum; adeò vt verè is perfectus dici possit, qui illas accurate atque perfectè exequitur. Vide igitur vt actiones tuas in dies perficere coneris, & quod in Deuteronomio monemur, iustè quod iustum est persequaris. ab operibus enim tuis profectum tuum noscere debes, & ex illis velut fructibus incrementa virtutis interioris. Neque enim sat est benè operari, id est, fructum aliquem reddere; sed elaborandum vt semen gratiæ Dei, trigesimum, sexagesimum & centesimum fructum proferat, & talenta eius maximas vsuras ad diuinæ maiestatis maximam gloriam, & nostram utilitatem. Attende quàm indignum, cum possis ex agro cordis tui centesimum colligere fructum, cum Dominus illum toties imbre gratiæ & sanguinis sui irrigauerit, exiguum reddere, id est, orationes atque actiones tuas imperfectè facere. Fertur D. Bernard. in matutinis Horis vidisse Angelos, qui Fratrum orationes scriberent, aliorum quidem auro, aliorum argento, aliorum aquâ, aliorum etiam prætermitterent. Considera itaque opera tua, & quomodo ab Angelis scribi digna sint, ac totius diei opera percurrere. *Hæcine vera, &c. vt sup. pag. 7.*

*Perfectio
in quosita
fit.*

Deut. 6.

*Talanta
Dei dili-
genter im-
pendenda.
Fructus
centesimus
colligen-
dus.*

PVNCTVM II. Considera, in omni actione tria tibi esse consideranda; Primò in Deũ; Secundò, teipsũ; Tertiò, rem agendam. Primò, inquam Deum, tanquam finem, & à cuius tibi voluntate recedere nefas sit. Videntur igitur ante omnia, quem ille finem rebus, & omnium actionibus statuerit, & eo tanquam ad scopum

*Attende ad
finem tuũ,
ô homo.*

ocu

*Fiducia in
Deo lo-
canda.*

Psal. 126.

Luca 14.

*Sollicitudo
in Deum
facienda.*

Philip. 4.

1. Pet. 5.

*Diffide
tibi, si
crescere
vis.*

1. Cor. 12.

*Præsentia
Dei.*

oculus, pes atque omnis actio dirigenda. Secundò, at-
tende Deum tibi præsentem & paratum esse, vt volun-
tatem timentium se faciat. Vt verò id fiat, & ab illo vt
causâ primâ tu mouearis, necesse est, vt illi coniunctus
sis, nihilquæ aggrediare, nisi ex voluntate eius: aliàs si-
quidem vtiliter operari non potes, neque ille tibi coo-
perabitur, etsi concursus non sit negaturus. Nónne hoc
est quod monet Psalmista dicens, Nisi Dominus ædifi-
cauerit domum, in vanum laborauerunt qui ædificant
eam? nisi Dominus custodierit ciuitatem, frustra vigilat
qui custodit eam? frustra certè nititur ædificare turrim,
qui sumptus non habet ad perficiendum. Implora igitur
humillimè auxilium eius, vt scias finem eius, & ad eum
tua consilia dirigere possis, deinde fiduciam omnem in
eo colloca, & anxietatem depone consilio Apostoli di-
centis: Nihil solliciti sitis, sed in omni oratione petitio-
nes vestræ innotescant apud Deum. & alterius: Omnem
sollicitudinem vestram proicientes in eum. Inquietudo
enim Dei gratiam, & nostram eneruat industriam, atque
in eâ, vt in tempestate, rectum iter tenere perdifficile est:
si qua igitur occurrat, perseuera in oratione cum Chri-
sto Domino in horto, donec tranquillitas reuertatur.
Attendere denique, vt suprâ dixi, debes teipsum, quod-
quæ ex te possis nihil, atque à Deo pendeas, velut à sole
radius, ab artifice malleus, à scriptore calamus. vt meritò
Scriptura dicat: Deus operatur omnia in omnibus. &
quidem ad salutem vtiliter neminem absque gratiâ ope-
rari posse, fide certum est.

Credo tibi, vt sup. pag. 7.

PUNCTVM. III. Considera, quomodo rem agendam,
seu actiones tuas perfectè agere possis, & quàm certò id
futurum, si Deum vt præsentem agonothetam semper
intuearis. Secundò, hostem, qui te obseruat vt arguat,
& Angelum vt rectè facta annotet, quæ deinde Dominus
coronet. Tertiò, attende vt in pondere, numero, &
mensurâ tua facias vt Deum imiteris. Quartò, scito etiam
ad

ad perfectionem plurimū conducere, si exemplum Christi & Sanctorum tibi sapissimè proposueris. Quintò, si animi libertatem & quietem diligenter custodieris: mox enim vt illam quis perdit, quasi extra orbitam positus est, & palmes extra vitem; qui tamen fructum ferre non potest nisi manserit in vite. Sextò, considera, facienda omnia ac si nouissima foret hora, & hoc vnum agendum tibi supersit in hâc vitâ, quod præ manibus habes: sufficit enim diei malitia sua. Neque consideres velim, seu valdè attendas molestiam in hâc accuratâ agendi ratione: etenim persuasissimum tibi esse debet, *optimam esse vitæ rationem diligendam; & certo certius, breui consuetudine fore iucundam.* Denique considera, quid post actionem faciendum sit: multi enim, quod vitandum esse monet Spiritus sanctus, in fine corrumpunt, dum post rem benè actam, sibi quodammodo eam tribuunt, & non auctori Deo. Quod diligentissimè caue, & te considera, velut instrumentum, velut lucernam, cui lucem Deus imposuerit, quæ per te lux erit quæ lem, sed subobscure vitio tuo. Defectus etiam sedulò obserua, vt prudenter aliàs eosdem deuities.

*Quies
animi seruanda.*

Ioan. 15.

Matth. 6.

*Nota diligenter
omnia
consuetudine
facienda fieri.
Quid post
actionem
faciendū.*

Exercitium, quo quis actiones suas Deo offert.

LOQUAR ad Dominum meum, cū sim puluis & cinis, Genes. 18
& tanquam nihilum ante te. quis plantauit vineam, & Humilia-
non comedit ex eâ? quis seminat, & non colligit fructum ex
eo? Ecce ego vinea tua, Domine Deus meus, optans fructum
reddere in tempore suo: ego ager ille, & terra sæpè superue-
nientem bibens imbrem, sæpè gratia tua sole illustrata, sæpè
sanguine irrigata, sæpè sarculo interioris monitionis corre-
pta & purgata; vt videres ex me fructum, vitulos labiorum
meorum, fructum manuum mearum. Accipe igitur à seruo Osee 14.
tuo, à filio ancilla tua: accipe quos tibi, Pater benignissime, à
Dominâ & matre meâ, Beatissimâ Virgine MARIA, cui nos
omnes

- Genes. 27. omnes in cruce commendasti matri, edoctus offero cibos, quibus ipsa te vesci libenter nouit, induit illa me gratiâ tuâ, restituentis vaide bonis, vt esset anima mea accepta, eiusq; odor, sicut odor agri pleni, cui benedixisti de rore cali, & de pinguedine terra, nihil enim hic ex amoris mei putidissima cloacâ exhalare permittam, sed puro & sincero amore tam benefici creatoris, liberalissimi redemptoris, dulcissimi sponsi anima mea, omnia facere decerno, vt tibi placeam.
1. Cor. 4. Mibi jam pro minimo est, vt ab hominibus iudicer, aut ab humano die. Diē enim hominis non desidero, tu scis; sed ad te sunt oculi mei, qui habitas in excelsis: tu omnes, scio, gressus meos consideras: sed & obseruat etiam hostis, vt me accuset; Angelus, vt tuâ gloriâ me ornes. O Deus, scio absque te nihil possum, imò neque vt oportet, velle possum: sine te enim velle meum teneret inimicus, & inde faceret catenam mihi, ambulabo igitur coram te, velut si nouissima dies foret: curram, vt accipiam brauium, quod es tu Deus meus, Deus cordis mei, & omnia. O quàm concupiuit anima mea desiderare & facere iustificationes tuas in omni tempore! Sed potissimum desiderauit te in desolationis nocte, & de manē vigilare ad te; vt amplectar te, & quotidie quasi incipiā, quæ quidem retrò sunt relinquens & ad ea quæ anteriora sunt extendens meipsum.
- Diffidentia sui. Phil. 3. Vt verò id facere possim, in matutino interficiā omnes peccatores terræ; & manē ad te orabo, Domine, manē exaudies vocem meam, & illuminabis faciem tuam super me.
- Psal. 118. Psal. 100. Psalm. 5. Psal. 103. Applicatio ad Communionem. Orietur δ sol iustitiæ, in corde meo. Quid dico? Tu æternum verbum quasi rursum infinitâ dignatione ad inuocationem Sacerdotum, Caro factū habitabis in me, & videbo gloriam tuam, gloriam quasi vnigeniti à Patre, plenum gratiæ & veritatis, & superamabilissima charitatis. Cū verò oriaris in me, nōne tenebræ vitiorum meorum dissipabuntur, & pones fines meos pacem, & adipe frumenti satiabis me? O quàm dilecta tabernacula tua, Domine! altaria tua, Domine virtutū! veniam, & offeram tibi cum omni reuerentiâ in conspectu tuo sacrificium, corde contrito & humiliato; & scio, non despicies: sed respicies in faciem Christi tui, & misereberis mei in terrâ desertâ, iniuiâ, & iniquosâ: ideo enim jam in conspectu
- Psal. 83. Oblatio tui.

ſpectu tuo apparui tibi, vt videam faciem, & infinitam caritatem tuam. Deinceps verò. Domine, dirigam in conſpectu tuo viam meam, & opera manuum mearum reſpicias, vt faciam omnia in pondere, numero & menſurâ: nam quod factum ſemel, infectū, ſcio, numquā erit. Docebis me vias tuas, vias caritatis & amoris, vt mitis & humilis corde, neminem lædā, ſed te ſequar benefaciendo, & quoad poſſū, amando omnes, maxime inimicos meos; quæ enim ſeminauerit homo, hæc & metet.

Opera
noſtra ſe-
mel facta
quaſi æ-
terna.

1. Cor. 3.

Si neceſſitati parendum erit, & opportuerit nutriſi & recreari corpus hoc quod corrumpitur, & aggrauat animā; vt jumentum erit illud apud te, & propter te nutrietur, & de neceſſitatibus meis erues me vnicum refugium meum. Denique tuus ſemper ero, vt tu meus es, & in te ſperabo, ac dum tēpus pœnitentiæ eſt, expiabo gratiā tuā delicta mea, & ſic ibo infelix ego homo ad veſperam: ſicut enim mercenarij, dies mei, donec adſpiret dies, & inclinētur umbra, & venias, & aſſumas me ad te ipſum. Ne verò venias mihi ſicut fur in nocte, exſpectabo te omni horâ, vt fidelis ſeruus, donec venias, & recorderis mei, donec ciamor fiat, donec janua aperiatur, donec intro- ducas me, donec intrē in ſanctuariū tuū, donec abſtergas omnem lacrymam ab oculis meis, donec dicas, vt requieſcā à laboribus meis, donec audiam; Euge ſerue bone & fidelis, intra in gaudium Domini tui; donec osculeris me osculo oris tui, & videam te deſiderium oculorum meorum, & amplectar & ſtringam in ſeculum, & in ſeculum ſæculi. Amen.

Sap. 9.
Corpori
quid tri-
buendū.

Iob. 7.

Cant. 4.

1. Theſſ.

2.

Matt. 25.

Cant. 1.

Praxis ad rerum agendarum considera- tionem.

OPTIMA eſt, actiones ſuas Primò diſtinguere in quoti- dianas, hebdomadarias. menſtruas, annuas. Secundò, eas expolire ad exemplar Chriſti Domini & Sanctorum; exercendo Dei præſentiam, puram intentionem, vt in Meditatione dictum eſt. Tertiò, eas ſic deſcribere, & quaſi diarium, aut vitæ normam circumferre, ad quam in examine ſe examinet velut ad lineam.

Actionum
diſtinctio.

Fructus

*Fructus
spiritua-
lium exer-
citorum.*

Fructus qui ex usu exercitiorum huiusmodi spiritualium
prouenit; Primus est, tranquillitas animi: ordo siquidem est
causa pacis. quocirca ubi actiones ordinatae sunt, & exer-
citia definita, pacifica est anima, nouit quid & quando
agendum, cogitationum volubilitatem corrigit; & pijs ac
sanctis prauas, aut minus decentes facile deperellit. Accedit,
quod exercitia sic velut lege praescripta, sollicitè seruare
quisque conetur; atq; ita non facile deficit, imò verò pro-
fectum curat, & facile discernit considerando, an feruen-
tius, an remissiùs, solitis exercitijs incumbat.

*Cauenda
multitudo
& nimia
frequentatio
exert.
Prov. 4.
Psal. 63.*

Obserua tamen, neminem se obruere debere aut multitudine,
aut frequentatione: sed exemplum Sanctorum se-
qui, quorum semita ut lux splendens paulatim crescebat
vsq; ad perfectam diem. Ibant illi de virtute in virtutem,
donec viderent Deum deorum in Sion. Ordinanda ergo
exercitia sunt, iuxta cuiusque statum, aetate & profectum;
ita ut facile perpetuari possint; cum inconstantia & dede-
cat, & plurimum noceat: idcirco lectioni oratio, orationi
labor & corporalis exercitatio, gratia vicissitudine suc-
cedere debent.

*Laur. Iust.
de conuers.
Monach.
cap. 10.*

Disce igitur quantopere iuuat ad vitae spiritualis pro-
fectum, certa exercitia, & ordinatas actiones habere; ut
pulchrè Laurentius Iustinianus: Maximè, ait, periculi res est,
prout suggerit animus velle degere; quare omnia tempora
ordinanda certis virtutum exercitijs, sicut & actiones. Id-
que pro cuiusque gustu & spiritu. Neque enim sanctus
Spiritus, qui multiplex est in donis, vnà omnes viâ ducit, &
saepè nocet eum inspirantem non sequi; quare hæc exerci-
tia pro exemplo esse possunt, ut quisque hæc vel similia sibi
propria, quod omnino commendatur, assumat; & in eo per-
fectionem suam positam esse sciat, si sua perfectè faciat,
etiam minima quæque. Hinc in Religionibus, maximè in
Societate nostra, à Spiritu sancto minima quæque, imò
etiam motus directi sunt: & regulæ temperandi victum,
exempli gratiâ, positæ videntur à S. Ignatio fundatore no-
stro: qui secutus in eo S. Bonauenturam, simili modo suos
instituentem. Ecclesia verò mater quam accurata in omni
diuino officio! ut minuta videri possit ei, qui nescit eam à
Spiritu sancto gubernari. Sicut enim ille in veteri testa-
mento Noë omnia quæ circa arcam; & rursum quæ circa
tabernaculum Mosi; ac quæ circa eiusdem fabricam dein-
de Beseleeli etiam minutissima reuelauit: ita in templo
cordis nostri omnia accurata esse desiderat; & in ijs sibi
complacet. Ex hoc sensu S. Ephrem iubet Superiores, sin-
gulorum obseruare incessum, motum, gestum, habitum, ut

*Perfectio
in eo sita
est quod
perfectè
tua facies
etiam mi-
nima.*

*Templi
Salomonis
perfectio.
Ephrem.
ser. de vitâ
spirituali.*

ad

ad optimum ea statum firumq; reducantur. Magistri enim non solum elementorum discipulis, ait, figuras ostendunt, sed etiam minima quæque puncta distinctionesque proponunt; perfectio enim in parvis consistit, vti enim domus perfecta non est, quæ muros, tectum, ostium habet: neque imago, quæ caput, ventrem & pedes habet, sed in quâ singula affabrè sunt picta: ita est in animâ nostra.

Obserua illusionem dæmonis hanc esse maximâ, vt ista minimi fiant, solidaque alia appellentur, aut æstimeptur sine istis; nulli enim facilius quàm hi diffluunt: quia qui contemnit minima, paulatim decedit.

Modus quo actiones ordinandæ sunt, meditatione supra positâ continetur: vt perspicuum tamen magis sit, exemplum dabo.

Est quispiâ solitus audire Sacrum, sed absq; reflexione: perficere se cupit; pridie tempus designabit, statas preces, inò cogitationes de mysterio tanto inter eundum, in ipso, & cum redeundum: egressurus domum, intentionem renouabit, rediturus Deo gratias aget, &c.

Quæret aliquis an melius non foret, pro re natâ eleuare cor, & exercitia assumere.

Respondet ad hoc D Bonauentura, & alij: sic enim vitæ series numquam ordinata esset. sed quemadmodû de Meditatione dici solet, parandam meditationem; si tamen Spiritus aliud ducat, sequendum: ita hic facere conuenit, cum alligare sese ita non oporteat; sed inconstantiam tamen vitare. Quemadmodû enim, dñ ventus secundus aspirat, remis nō est laborandum; ita dum Spiritus sanctus spirat, statis nō est inhærendum, sed sequendus Dominus quocumq; ierit.

Cauendum verò, ne, vt in sacratissimis rebus fieri solet, ex vsu abusus nascatur, ex frequentatione remissio: sed in meditatione aperire os; & attrahere spiritum oportet, vt spiritu incipientes, spiritu perficiamus.

Neq; etiâ, quod aliquorum vitium est, mox vt in aliis aliqua probantur, sua quis deferere debet, atq; illa amplecti. Curiositatis & vanitatis id sæpè est, si inconsideratè fiat. Vnusquisq; enim donum habet à Deo, non tamen idèd vetatur, quo minus Sanctorum vestigiis insistat, & ea legat; idèd enim Dominus eorum exercitia voluit edi: ideoq; hic subiciâ S. Bonauenturæ exercitia. Plura seu diariû copiosius post Deo bene iunante dabitur, velut exemplar è variis collectum: quo occasio detur sapienti, ac paruulo via monstreretur.

Dignatus es, &c. vt sup. pag. 10.

○

JACV.

*Perfectio
cōsistit in
paruis.*

*Illusio dæ-
monis.*

Ecclesi. 19.

*Cur stata
exercitia*

*Sancti ve-
lint.*

*Spiritus se-
quendus.*

*In vsu ca-
uendus
abusus.*

*Exercitia
non facile
mutanda.*

IACVLATORIÆ.

Pro oblatione actionum suarum.

Psal. 118. **P**ortio mea Domine, dixi, custodire legem tuam, in omni scilicet actione.

Psal. 61. Nonne Deo subiecta erit anima mea? ab ipso enim salutare meum.

Psal. 39. In capite libri scriptum est de me, ut facerem voluntatem tuam: Deus meus volui, & legem tuam in medio cordis mei.

Psal. 118. Tuus sum ego, saluum me fac, quoniam iustificationes tuas exquisiui.

Ibid. Suscipe me secundum eloquium tuum, & viuum, & non confundas ab expectatione meâ.

In fine
opusculi.
tom. I.

S. Bonauentura exercitia quadam spiritualia.

VT in virtutibus conserueris, oportet te habere exercitia spiritualia, quibus animum tuum occupes; quia nisi sic, non poteris in virtutibus perseuerare.

Primo igitur exercebis te in oratione, tali modo, & temporibus istis feruenter. Ante cuiuslibet operis, vel acti inceptionem, Dominum inuocabis, & modicum orabis, cum tali oratiuncula: *Deus in adiutorium meum intende: Miserere mei Deus;* vel eiusmodi. Item, quandocumque audis campanam sonare, orabis; vel quando audis pulsare horas. Has orationes feruenter ab intra facias: quod si iuxta alios fueris, illi non considerent quod ores.

*Quid faciendum
cum sonat
hora.*

Secundum tuum exercitium erit istud: videlicet, ut feruenter proponas quandocumque audis sonare campanam, generaliter te emendare, breuiter, cum oratione per morulam vnus Pater noster. Antequam notabile opus facias, breuiter cogitabis, qualiter proposuisti te habere in priori proposito. Item, de mane semper proponas, qualiter te per totam diem velis habere; & hoc, antequam facis facta tua extrinseca, & quando facis factum aliquod, cogitabis breuiter, qualiter proposuisti. Item, ter, vel quater in die propones feruenter contra superbiam.

*Cogitanda
singulis
diebus hebdomadae.*

Tertiū exercitiū erit, de aliquo bono cogitatio, quando tempus vocauerit. Habebis enim qualibet die vnā memoriā specialem, de quā cogitabis sepe, & ad quā cursū habeas. Habebis enim Dominicā die, de regno celorum; feriā secundā, de extremo iudicio; feriā tertiā, de beneficiis Dei; feriā quartā, de morte; feriā quintā, de pœnis inferi; feriā sextā, de pas-

de passione Domini, Sabbato, de Dominâ nostrâ, & peccatis propriis. Passionem tamen Domini in qualibet die, cum materiâ diei, & cū beneficiis Dei habebis. Et in qualibet horâ matutinâ, Primæ, Tertiæ, &c. de passione illius horæ, cum paucis de materiâ illius diei cogitabis. Sic igitur cogitando, & tua facta faciendo, spero, quod tempus competenter expendes.

Quartum exercitium erit, vt quotidie te exerceas in operibus humilibus & despectis: semper eligere locum vilissimum, & te ipsum ex toto corde despicere, nulliusq; laudis dignum te reputare, sed totū adscribere Deo: siue lauderis, siue vitupereris, non curabis. Esto considerans te ipsum. & inuenies, quod nō es aliquā laude dignus, sed omni opprobrio dignissimus. Cū enim es iuxta alios, habebis te taciturnè, verecundè & mansuetè, tamen sicut decet.

Quintum exercitium erit, vt omnia signa superbix deuites: scilicet, clamorem in loquendo, & sic de aliis.

Sextum exercitium erit, vt sæpè consideres in quibus te malè habeas, vbicumq; fueris, & non permittas aliquod paruum vitium transire, non iudicatum; quia, qui parua non reputat, in maiora sæpè cadit.

Septimum exercitium erit, vt præcipuè, vbicumque fueris, oculos tuos custodias: quia ex incustodia oculorum, infinita mala eueniunt. Ergo præcipuè custodi oculos.

Octauum exercitium est, considerare aliorum bona, & non mala. Cū enim videris aliquem peccantem; cogitabis, quod si ipse haberet tantam gratiam à Deo, sicut tu ipse, multò feruentius emendaret se, quàm tu. Si autem videris aliquem aliquid boni facere, cogitabis, qualiter illud posses imitari.

Nonum exercitium erit, vt omnia quæ videris, & audieris ab hominibus, ad bonum trahas: & sic, non suspicaberis.

Decimum exercitium erit, vt semper, vbicumque fueris, habeas te morigeratè & compositè ab extrâ, ne aliis adhibeas malum exemplum: quia interior incompressio, est signum indeuotæ mentis.

Vndecimum exercitium erit, vt semper, vbicumque fueris, videas, vt illud non facias, cum quo alicui possis præbere malum exemplum, vel vnde alius posset suspicari: quia valdè periculosum est aliis præbere malum exemplum.

Duodecimum erit, viriliter temptationibus resistere, & à carnalibus te abstinere, & abstrahere.


Vltimum erit, vt semper stes in timore, & habeas te verecundè: & ita custodi te solus, sicut quando es cum aliis. Nam Deus omnia videt quæ facis.

Hæc exercitia in communi, in quantum potes, facere studebis: & Dominum diligenter rogabis, vt velit tibi dare gratiam, ad faciendum ea, quia sine ipso nihil potes facere, &c.

*Cognitio
sui peruti-
lis.*

Redeam ab exterioribus ad interiora; ab interioribus ad superiora conscendam, vt possim cognoscere, vnde venio, aut quò vado: quid sum, & vnde sum. Vt ita ex cognitione mei valeam peruenire ad cognitionem Dei. Quanto namque in propriâ cognitione proficio, tanto ad cognitionem Dei accedo. Vnde venio? secundum exteriorem hominem de parentibus illis, qui me fecerunt antè damnatùm, quàm natum; peccatores peccatorem in peccato suo genuerunt, & de peccato nutrierunt. Quid sum ego? homo, de humore liquido. Sum enim in momento conceptionis de humano semine conceptus, deinde spuma illa cata modicùm crescendo caro facta est: postea plorans & eiulans traditus sum huius mundi exilio. & ecce iam maior, plenus iniquitatibus, iam iam præsentabor ante districtum iudicem: tunc dicetur de me, Ecce homo, & opera eius. Cogita hæc profundius.

Dignatus es, vt suprâ pag. 10.





OCTAVÆ IMAGINIS

ANNOTATIO.

Considera crebrò qua tibi aduersa accidere possint, & animum ad ea prepara.

PRæuide mala, & incommoda quæ tibi etiam hodie euenire possent, ac memento te hac communi lege natum, & vocatum, vt crucem tuam portes, cum *A* Christo, & post ipsum intres in gloriam. Amplectere itaq; crucem cum *B* sancto Andreâ, & te *C* Tobiaë senioris, ac *D* Iobi, aliorumq; Sanctorum exemplis corrobora: à Dei enim magna *E* charitate, secundum vires tuas, crux tua ab omni retrò æternitate appensa est, & quasi per *F* Angelū ad te missa. hanc si detrectes, grauiorem *G* diabolus imponet. Deo itaq; te permitte, vt te ducat dirigatque: solus enim nouit *H* exitus viarum; & caue ne proprio sensu viam eligas, omnium ignarus, atque hac te consideratione solare; *I* crucem vnus horulæ *K* æterno præmio compensari.

CAPVT VI.

Exercitium de Consideratione malorum, quæ nobis accidere possunt, ac primò de tolerantia alienorum defectuum.

*Patientia
in viâ vitæ
maximâ
presidium.*

*Greg. hom.
35. in E-
uang.*

*Attendedi-
vinam pro-
videntiam*

*Via crucis
unica est
ad vitam
ducere.*

*Remedium
efficax ma-
lorum.*

RECTE agere, & pati fortia ac dura Christianum est: quantum autem à viâ rectâ nos mundus blandiendo diuertere nititur, tantum aduersis pressi sæpenumero sponte ab eâ declinamus, vnde meritò Philosophus in his duobus sapientiam locabat: sustine & abstine. Igitur ad sustinendum mala vitæ huius hoc exercitio Dei gratiâ te comparare potes, animumq; ad ea præparare: Tela enim, vt vulgò dicitur, præuisa minùs feriunt; & nos, ait Gregorius, tolerabilius mundi mala suscipimus, si contra hæc per præscientiæ clypeum munimur. Ideò quotidie manè, vt iam aliquoties dictum est, illa prouidentia nostrâ quasi præcipere oportet, atque aduersus fortuitos hostium incursus animæ nostræ portas habere diligenter custoditas, & perpetuos excubitores. Postquam igitur ea, quæ agenda nobis sunt, disposuerimus, oculum ad patiendâ conuertamus; & simul ad Deum qui summâ bonitate ac æquitate omnia moderatur & appendit, ad Christi Domini nostri, Sanctorumque exempla; ad æterna præmia, quæ tribulationi vnus horæ reponuntur. Nec parum iuuerit attendere viam crucis vnicam esse, quæ ducit ad vitam; cæteras ambagiosas & exitum habere infelicem, etsi initia blanda & amœna. Illud verò maximè quietum animum reddit; neminem scire mortaliū quæ via sibi salutaris sit; ac proinde vnum illud esse in re incerta certissimum consilium, diuinæ sese committere prouidentia.

Meditatio

Meditatio prima de eodem.

COMPOSITIO Loci erit statuere se coram Crucifixo pro peccatoribus orante & moriente.

ORATIO, vt suprâ.

PVNCTVM I. Considera Primò, in hoc vniuerso, à Domino ita omnia creata esse, vt licet perpetua sit elementorum pugna, sit tamen etiam pulcherrima, & maxime concors discordia ac harmonia. Quod verò in qualitatibus corporum est, idem valet in animis, quibus ea subseruiunt & quasi insunt. Itaq; cum sint homines omnes diuersi temperamenti & conspersionis, vt Gregorius loquitur, diuersaque item facie & voce, sunt etiam eorum diuersi planè sensus & iudicia; vt apparet in pueris & viris. Horum quàm sint discrepantes sententiæ de re eadẽ, nemo ignorat: idemque de omnibus sentiendum; cum non minùs, imò magis, differat vir à viro, quàm vir à seipso puero. Trahit omnes diuersa, & vnūquemq; sua voluptas. Nihil ergo mirare, qui in omni omnino creaturâ tantam vides varietatẽ, iudiciorum similiter esse & affectionum, patienterque tolera; neque senex, pueros senes; nec iuuenis, senes pueros esse opta: sed te ætatibus & personis accommoda. non vis omnes oculis tuis videre idem, & eodem modo tecum, neque audire auribus; cur item tecum iudicare, cum diuersum habeant, vt i aures & oculos, ita & intellectum?

Varia hominum complexio ac sensus.

Fatum velle omnes secū sentire

Hæcine vera, vt suprâ pag. 7.

PVNCTVM II. Considera, nullum esse inter homines, qui non habeat plurima bona & conditiones, vt vocantur vulgò, laudabiles; nullum item esse, qui non habeat suum vitium, ob quod alteri cedere debeat. Quocirca valdè imprudentem esse eum, qui ab alio auersionem habet, ob corporis aut animi defectus. Nam simul etiam à se habere deberet. Oportet verò considerare potiùs bona, alterius complura, vnumque defectum aliquẽ, qui tibi displicet, cum illis bonis conferre, eaque præferre;

Nemo immunis ab omni vitio

Cur apud te non præponderant bona multa vni vitio proximi tui.

quàm propter vnum aliquod vitium, virtutes proximi tui cæteras merito præmio laudeque suâ defraudare, atque optimum agrum, ob vrticam negligere; seu doctissimum virum, quòd rem aliquam ignoret, contemnere; aut cibum, quòd vnus omnia non contineat. Insuper suum eximium defectum cum illo proximi conuenit componere: quem si fortè amore proprio excæcatus non inueniat, superbiam omnium malorum maximum, certò sibi esse eum persuadat.

Credo tibi, &c. vt suprà pag. 7.

*Iudicium
temerariū
cauendum.*

PUNCTVM III. Considera, si defectum aliquem alter habeat quo careas, cuius gratiâ id fiat, nōne Dei? ergo si te altius alterius manus leuet, vel scala, vel mons, vel turris; ridiculè te effers, quòd altior sis eo, qui in terrâ relinquitur. Simile etiam est, si aliquis equo vectus, alium peditem & claudum præcurrat, ac rideat. Cùm ergo illa bona quæ habes, sint tribuenda Dei gratiæ, planè dignus es qui illis priueris, si alteri insultes. & hoc est quod Apostolus ait: In quo tu alium iudicas, in eo te ipsum condemnas. Et rursus: Si præoccupatus fuerit homo in aliquo delicto, vos, qui spirituales estis, huiusmodi iustruite in spiritu lenitatis, considerans te ipsum, ne & tu tentetis. *O Rex regum, &c. vt infr. p. 220.*

*Rom. 2.
Galat. 6.*

Meditatio secunda de eodem.

*Zelus præ-
posterus in-
dicantis
proximum*

Galat. 6.

*Matth. 18
Stultum est
proximò
ignoscere.*

PUNCTVM I. Considera, quare offendaris alieno defectu. Primò, quia tibi fortè displicet; & ferri non posse dicis; quid ita? quia contra Dei legem; atqui Deus legem eam tulit, & tolerat tamen; præterea simul statuit ne irascaris, ne impatiens sis, mandauit alterum alterius onera portare, mandauit remittere vnumquemque proximo suo, & conseruo de corde denarium, talentaque millia plurima se demissurum spondit; & tu abnuis, sed cum improbo seruo tenens proximum, ferè suffocas, & clamas, Redde quod debes? Quid dicis? maus hæc debere, quàm denarium tibi deberi? &

non

non vides Deum pari, & longanimitè expectare eum? & tu vlisci cupis? Vel est quia contempsit mandatum tuum. Quorsum illud dedisti, seruus & mancipium Domini Dei tui? nōne pro tuo commodo? si sic fecisti, prauaricatus es; omnia enim ad obsequium Domini curanda sunt, corpus tuum & anima, omnesque actiones tuæ. Omnia propter semetipsum creauit, conseruat, gubernat, ipse finis omnium, & tu te finem vis statuere, & idolum erigere in templo Dei tui? dominium vsurpare in domo Domini tui? *Hæcine vera*, &c. vt sup. p. 7.

*Amans sui
alteri succen-
set.*

Notæ.

PUNCTVM II. Sed vis eum sic emendare? dicito. Quis est, qui curare potest morbos, nōne solus ille de quo scriptum, quod solus potest facere mundum de immundo conceptum semine? per sapientiam sanati sunt omnes, ait Sapiens, quicumque placuerunt tibi ab initio; nec herba, nec malagma sanauit eos, sed sermo tuus, Domine, qui sanat omnia. Considera opera Dei, quod nemo possit corrigere quem ille despexerit. Sed cum Dei auxilio id vis? At quando illud tibi aderit? utique cum iuxta præscriptum illius, proximum curabis: nihil enim exterior correptio operatur, nisi interior loquatur excitator. Vnde Greg. Tantæ, ait, caritatis esse debet, qui alium ad Deum compellere studet, vt instanti desiderio non petitor, sed petitio esse sentiatur. Salutem quippe fidelium tum instantius debet appetere, vt ex vsu interni gustus omnem motum cordis in affectum ducat supplicationis. sicut ergo nauta, dum omnia ad nauigationem comparat, etiamsi infaniet, omnia frustra sunt, nisi Dei beneficio adspiret ventus: ita hîc omnino se res habet. Deinde, si vt medicus curare eum vis, blandire, non irascere; Deoque vltionem relinque. Quæ maior miseria, mederi non posse, nisi deteriore morbo, & vulnere grauiori laborare incipias, superbiâ & indignatione? omnes enim alii defectus, præ hoc parui sunt, & tu, Deo repugnante, paruum tanto malo tuo sanare vis? & quasi in Satanâ Satanam elicere? sæpè

Iob. 14.

*Sap. 9. &
16.
Eccles. 7.
Deus solū
corrigere
homine po-
test suā
gratiā.
Gregor. in
I Reg. 1. 5.
c. 3. Qui
corripit, si-
mul orat.*

*Quàm stul-
tum alteri-
us vulnus
& morbū
curare vel-
le, & sibi
accersere.*

Os

etiam

Deut. 19.

etiam nouum vulnus infligere & mortem ? Etenim sæpè dum ligna peccatorum cædere quis cupit, fugit securis manum, ferrumque lapsum de manubrio proximum occidit; & panis quem præbebat, vertitur in fel aspidum, dum turbatum monet, & sanare cupit, qui ipse animi sui perturbationem componere non valuit. Et ille quidem sanari potest correptus, tu verò quomodo poteris, qui auxilium fortè aut non habes, aut non admittis? quomodo illos potiùs non toleras, qui te toleras ? Et quidem si sic curari posset, benè quidem; sed cùm Deus curare debeat, & superbis resistat, nihil proficis, sed te vulneras alterius vulnere; omniumque morborum cõtagio inficeris, dum curare optas: cadis cùm stare deberes, & alium erigere. Nequaquam autem iacentem erigit (vt Gregor.) nisi qui status sui rectitudinem per compassionem flectit. Ecce pro zelo tuo optas vt quis Deo

*Superbo
Deus resis-
sit.*

Gregor.

*Vitium non
vitio, sed
virtute
emendan-
dum.*

*Matth. 17.**Cassianus.*

*Pax animi
seruanda.*

Attende

satisfaciat de duobus minutis; & tu plurima debita contrahis? si irascaris, liberisque & subditis, vt sic loquar, maledicas, si illi ollam frangant; tibi succense, qui fœdus ac pacem animæ cum Deo & proximo conuellis. fœdant rem aliquam aut perdunt, aut obliuiscuntur; tu verò animam vitio maculas, tuique obliuisceris. Non eiicitur, aiebat Dominus, dæmonium, nisi in ieiunio & oratione; ita etiam de aliis crede, vitiumque, quod velut dæmonium est, pellendum esse, non irâ, sed patientiâ; non arrogantia, sed humilitate: nûm ignem potes igni extinguere? Ergo primum vitium quod in proximo curatum optas, illud in te supera: nam, vt olim sanctorum Patrum sensus fuit, nemo ex animâ alterius dæmonem eiicit, nisi priùs in se superârit. Postremò, etiam si totus mundus periret, animi omne bonum, id est pacē, perdere non debes: quia sic est voluntas Dei, qui potest cùm vult, verbo vno omnia emendare, & tamen tranquillus videt, ac permittit.

Haccine vera, vt sup. pag. 7.

PVNCTVM IV. Considera, Christum crucifixum à te

per

per peccata tua, & tamen pro te orare, ac suis persecutoribus : & è suis vulneribus sanguinem tibi & medicinã propinare. Secundò, hæc tolerare vt sanet te, & filios, aliosq; tibi commissos; & tu tolerare quidquam recusas? & siquidem Superior sis, ad hoc vnum te positum, vt aliorum portes onera, noueris. Tertiò, attende vt te sustinuerit, & sustineat Deus. non sis ergo exactor vindictæ, qui petitor es veniæ. nullo autem eum meliùs imitari, aut proximum reddere meliorem potes, quàm vincendo in bono malum. si æger est & malus, tum scias ei opus medico & peritiã non benè habenti: non gaudet mater à filio læsa, eum vulnerari, quia iterum in filio læditur. ita & te proximo oportet esse affectum, atque alterius delictum, tuum scias debere esse luctum. neque gaude si aliis melior fortè sis: sed quo illi minùs habent, plus existima tibi defuisse, & deesse. sin autem, irascaris, quòd hoc ipso excæces te, atque ineptum facias vt alium cures.

Hæcine vero, vt sup. pag. 7.

PUNCTVM V. Considera, quomodo in homine duo sint; opus hominis, & opus Dei. aut, vt Augustinus: duo sint nomina; homo, & peccator: quia peccator est, corripe; quia homo, miserere. Quis gemmam preciosissimam odit, eò quòd luto, vel conchylio inuoluta? Gemma, proximi anima: quanti empta à Sapientiã æternâ! & hæc luto peccati inuoluta est. Tùne despiciere eam potes, qui deteriore te debes æstimare? Non vis nisi bonum diligere; quem te igitur æstimas? nemo bonus, aiebat Veritas, nisi solus Deus. tu verò quid ais? certè te ignoras; & si bonum vis diligere, ergo & eum qui talis esse optat. Dic obsecro, statuam ams fieri elegantem, & lignum seu materiam, ex quã fiat, auersaris? Quis prudens proiicit viperam, etsi venenum nouerit, volens ex eã theriacam facere fratri suo? An putas quicquam preciosum contemnit monile, quia ab hoste capitur? Nónne potiùs eripis? ita si dæmon tenet fratrem,

non

*exemplum
Christi
IESU.*

*Superioris
est defectus
aliorum
ferre.*

*Vince in
bono malū.*

*Maternū
affectū in-
due, erga
proximum*

*August.
Duo in om-
ni homine
consideran-
da.*

*Quisq; de-
bet se aliis
postponere.*

*Quales nos
proximo,
tales nobis
Deus.*

Matth. 5.

non ei irascaris, sed hosti, eumque eripe. Denique dicito qualem erga te Deum & homines capis, & cuperes, si ipse tibi præesset? talem erga proximum te præbe. At nõ proficit, videt Deus, & sustinet, cuius illa cura est: ipse Dominus & Pater est, tu quasi pædagogus videre debes quomodo eos regi velit, & scire te ad vtilitatẽ eorũ datum esse, non tuã; præesse iussim, vt iis prosis, non tibi. Imitare medicum, nec vindictam aliam opera, quàm vt æger conualescat, morboque verissimè puta imputandũ, non ægro, si quid perperam dicat aut faciat; eoq; maiorẽ iudica, quo minùs æger eũ fatetur. sic ignis zelus ardebit misericordiæ oleo, & plus sic proficiet amica correptio, quàm accusatio turbulenta; illa pudorem incutit, hæc indignationem mouet, deniq; beatus eris: Beati enim misericordes, quoniam misericordiam consequentur.

EXERCITIUM.

*Gratitudo a-
ctus.*

*Veniepe-
nitio.*

*Quàm in-
dignum
proximũ
temerè
iudicare.*

O Rex Regum, & Domine dominantium, ego minimus ser- uorum tuorũ, cui tot debeo talenta, quot vitæ meæ sunt momenta, quot gutta in mari. & arena. Verè fateor coram te & curiã tuã, multiplicata esse peccata mea super capillos ca- pitis mei; sed, tu Domine, Pater misericordiarũ es, qui tamdiu patientiam habes, non vt omnia reddam tibi, sed omnia con- dones mihi, imò dones te mihi, & ego non miserebor conserui mei, & donabo illi sicut mihi donasti & donas? misericordiam ego volo, & vindictam postulabo aduersus proximum, id est, aduersum te omne & vnicum solatium meum?

Dicebas olim adulteræ accusatæ corã te: Nemo te condem- nabit mulier? nemo, aiebat, Domine. Et tu bonitas infinita quid ad hæc? nec ego te condemno. Sic tu iudex viuorũ & mor- tuorum; ego verò reus in carcere hoc, ignarus amore an odio dignus sum, quid agam? ego reus filios tuos iudicabo, & me damnabo? ego veniam petã manu vnã, & alterã corã te pro- ximum precipitabo? Absit hoc, ô IESV, ô salus mea, vt eum pro quo mortuus es, pro quo animam ponere millies in die debeo, id est,

id est, pro te, vt illum perimam gladio linguæ, eum quem sic redemisti, sic despicias? vt sic ex ore & facto meo me iudices.

Ego te in proximo repellam, & quotidie rogabo, sicut & rogo humillimè, vt venias ad me, & intra me maneat, & beatum facias? ego irascar illi, & placare te volā? An nescio verū esse, quod vni ex minimis meis fecisti, mihi fecisti? Scio, Domine, & quid ego irascar tibi, & veniam negabo tibi, à quo veniam rogo? percutiam te, à quo osculum pacis expeto? occidā te paruulum, à quo vitam flagito? panem solatij illi negabo, & ego, ego miser & infelix panem Angelorum, te omne delectamentum in te habentem, vt i facio, postulabo? Absit à me, bone IESV, quem docuisti & doces, & iubes magis exemplo quàm verbo mitem esse & humilem corde.

Applicatio ad Communionem

Absit Domine, vt linum fumigans extingam, & calamū conuassatum conteram, absit vt alterius peccatis irascar, qui meis vrgeor: quomodo enim apparebo in conspectu tuo, qui misericordiam vis, & non sacrificium, qui mauis me reconciliari fratri meo, quā tibi sacrificare; & quā mensurā mensus fuero, meritò remetieris mihi? idcirco ego condono inprimis omnibus aduersariis meis, etiam si verè nemo iniquè, si me considero, aduersum me egit, quia prauaricatorē legis tue meritò aduersari debebant, & affligere omnes creatura tua; sed misericordia tua super omnia opera tua. Da mihi, quaeso, gratiā tuā, quā longanimitatem tuam illam valeā imitari, & te in proximo, & in omnibus, super omnia ardentissimè amare: & non verbo neque linguā, sed opere & veritate. Sic enim statuo corā te hodie, corde amare omnes maximè aduersarios & molestos, & verbo dulci reconciliare, & opere ipso N. vt cognoscant omnes, quia diligo te Patrē meū dulcissimū, & quod sicut mandatū dedisti mihi, sic facio, paratus animā pro proximo, id est, pro te ponere, qui pro me dignatus es mori. Respice, & audi vocem amantis & querentis te. Amen.

Actus charitatis erga proximum. Isaia 42. Olex 6. Matth. 5.

Praxis ad tolerantiam exercendam.

HVIVS exercitij praxis est omnibus necessaria: nullo enim vnquā tēpore, nullo loco deest materia tolerantie alieno-

Necessitas huius exercitij

alienorū defectuum. Cui enim ex voto seruit famulus? cui pro arbitrio dominus satisfacit? quis est qui careat vitiis? quis in omnibus cum alio sentit & consentit? nemo certè. hinc vt pacem & tranquillitatē summum animi tui bonum serues; exerce te hoc exercitio sedulo ac frequenter, fructumq; illius vberimum comperies, & ad vniuersam pietatem non exiguum præsidium.

*Pax animi
seruanda.*

Stude verò Primò, ante omnia animum pacatum habere, priusquam corripas; ita enim per zelum aciem mentis excæcat.

Secundò, dolorem de simili tuo, vel eiusmodi peccatis excitare, & te humiliare, Deoque soli confidere.

Tertiò, compassionem exerce erga proximum, & studeas dolorem correptionis amore lenire.

I. Reg. 2.

Quartò, Dei implora auxilium, & postquam adhibita est à te opera, Deo curationem committe: Deus enim sanat & viuificat.

*Publica
publicè ar-
guenda.*

Notandum etiam Primò, correptione publicà id quod publicum, priuatà verò & secretò quod secretum & priuatum, arguendum esse.

*Remediorū
vſus.*

Secundò, medicamenta primò lenia adhibenda esse, deinde amariora, quia, vt Augustinus: Sicut meliores sunt quos dirigit amor: ita plures sunt, quos corrigit timor.

August.

Tertiò, maxima habenda ratio complexionis, & personæ, & temporis, vnde seniore ne increpaueris, sed obsecra vt patrem, sæpè enim deflectendum à recta via in publico, vt transire quis possit, visi velit incurrere in multos, & prægnantes desiderijs offendere.

I. Tim. 5.

Dignatus es, &c. vt sup. pag. 10.

IACVLATORIE.

Rom. 14.

T*V quis es, qui seruum alienum iudicas? Domino suo stat aut cadit.*

I. Tim. 1.

Fidelis sermo & omni acceptione dignus, venit Christus peccatores saluos facere, quorum primus ego sum.

Matth. 7.

Nolite iudicare, & non iudicabimini.

Gal. 6.

Alter alterius onera portate, & sic adimplebitis legem Christi.

Luc. 6.

Hypocrita, eiice primum trabem de oculo tuo.

CAPVT VII.

Meditatio de Patientia in malis propriis.

CVM tu, ô IESV æterna veritas, quæ fallere non potes, dixeris: *Patientia vobis est necessaria, vt reportetis promissionē; & rurſū: Omnes qui piè volunt viuere, persecutionē patientur; & iterū: qui vult venire post me, abneget ſemetipſū, & tollat crucē ſuā. & ſequatur me:* de hoc pluribus agam ex tui amore; & gratiā tuā. Et rogo te, Pater amantiffime, dux noſter, & legifer noſter, inſpira mihi quod placet tibi, quodque vtile proximo & mihi pro maximā gloriā tuā; vt gloriari poſſim in cruce tuā, & mihi mundus crucifixus ſit, & ego mundo. Amen.

COMPOSITIO LOCI, erit ſtatuerē ſe coram Deo, eiufque prouidentiam in bonis & malis intueri.

PUNCTVM I. Conſidera Primò, velut è ſpeculā mala plurima, quibus mortales paſſim affliguntur, & quanta illa ſint. Denique quales ij ferè, qui maximè ea tolerant, quibuſque à Deo immittantur, id eſt, ſummo bono, ſummè prudenti. Sunt quidem plurimi mali; ſed tamen & plurimi boni innocentes, Deoque chariſſimi. Et quæſo, vide, nōne imperia, opes, fauores penes improbos ſunt? Nunc verò teipſum inſpice qualis ſis, quid ob præterita promeritus ſis, & quotidiana: & puto quòd magnam habebis materiam gratias agendi Deo, pro infinitā ſuā in te miſericordiā. Quid enim illa quæ pateris, ſunt, ſi ad peccata tua attendas, ſi comparentur ad ea quæ Jacob, Joſeph, Job, aliiq; Deo chariſſimi paſſi ſunt, Apoſtoli & Martyres? Conſidera Secundò, ſi recuſes pati, & obmurmures, quid conſecuturus ſis; id videlicet, vt longè grauiora ſint quæ toleras, ob voluntatis repugnantiam, vtque ad illa adiicias omnium malorum grauiſſimum, videlicet peccatū, & animi perturbationem, quā velut in belluam, per iram muteris. Equidem impatiens, cū obolum perdidit, totā ſubſtantiam proiicit

*Bona munda
dò malis
dantur vt
plurimū.*

*Impatiens
tunc mala
& infania*

*Patientia
laus.*

*Can. 8.
SS. Marty-
rum exem-
plum.*

*Quisq; sibi
bona audit
vel mala.*

proicit, cùm quis ei leuem rem surripit, omnia bona sua abiicit, exusta parte domus cæteram succendit; famæ aliquâ maculâ acceptâ, per impatientiam grauiorem facit. Bonus verò si in corpore aut re externâ patitur, magnû in animâ, at maius in Deo præsidium & refugium habet. Considera Tertiò, sit tolere mala, quantam apud omnes laudem habiturus sis. Primò, apud Deum, quia eius voluntati acquiescis, & patiendò tuum erga maiestatem illius amorem ostendis. Ille enim patiendò potiùs, quàm agendò declaratur: vnde mille inuenies, qui multa largientur, orabunt; & leuem pro Dei amore iniuriâ impatientissimè ferent. Quis hîc, quæso, amor, quantus est? nōne si verus est, talis est qualis in fortitudine ac patientiâ Martyrum apparuit? verè fortis & adamantinus est amor, imò fortis est vt mors dilectio, & dura sicut infernus æmulatio. Secundò, considera quantus, si fueris patiens, apud Sanctos fortissimos amatores futurus sis, idque quia illis similis factus eris, de quibus canitur, Omnes Sancti quanta passi sunt! *Hec cine vera*, vt sup. pag. 7.

PVNCTVM II. Considera quāntus sit patiens apud homines: nemo enim est, qui non obstupefeat patientem, & præferat expugnatori vrbium eum, qui moderatur animo suo. Ille enim est aheneus murus, & scutum inexpugnabile, tectum patientiâ & æquitate. Neque interest an de re, an famâ agatur. Etsi enim linguâ maledicâ quis tibi detraxerit, nihil est quod mouearis, nihil quod irascaris. Siue enim bona, siue mala, benè, vel malè dicat tibi aliquis, vel etiam faciat; perinde est: talia enim tibi erunt, qualia esse volueris, qualiter eis vti volueris, vsus fueris. Sicut enim mentitur iniquitas sibi, non tibi, si non consentias; ita omnia mala facit sibi ac dicit, id est, ad perniciem suam, si nocenti compatiaris, eumque propter Deum ames, & gratis. id verò tum facis, cùm nec beneficiis solis ad amorem excitaris, nec maledictis ab eo auocaris, & commiserearis ei potiùs, quàm

quàm in malis propriis gemas, quibus te appetit. Dignus est enim commiseratione: mala enim eius, illi mala, & valdè mala sunt; sed tibi dicta ac facta, si velis, in tantum bonum, & tantum malum conuertere potes, quantum voles. Nam etsi re verà mala sint, non tibi tamen erunt, neque mala esse vlllo modo potuerunt, nisi malè vtaris, nec bona bona, nisi eis benè vsus fueris. Hoc semper ergo intuendum, quid fiat in animo tuo, non verò, quid boni, vel mali alij faciant; sed quid tu de ipsis eorum factis facias: quomodo scilicet vtaris bonis & malis eorū: quantumque ex iis proficias, siue fauendo, & adiuuando; siue compatiendo, & emendando. Ac mala à voluntate tuā habent, quòd tibi mala, vel bona sint; sic aurum visum fit rapinæ occasio furi, & mali, ex malitiā eius; abstinenti & misericordie virtutis, quia tribuit egenti. Vt sol indurat lutum, liquefacit ceram eodem radio; ita hic homo aduersis fortior fit, ille liquefcit, ille iis honoratur, hic vilefcit. Quid si enim tu parienter iniurias, calumnias, bonorum direptionem feras; ridenti vultu, fortiore animo, rependas bona pro malis; nōne gaudebis? ab omnibus laudem, etiam improbis feres? quid si irascaris? malo vni tuo in animo, & aliud adicies & grauius. At de honore agitur. ita est; sed non de vero: quo tunc solūm excides, si impatiens fueris. Sed & de bonis periclitāris; vis etiam potiora abiicere, quia sequiora perdidisti? *Credo tibi, vt sup. pag. 7.*

Mali tantū possunt nobis occasione dare virtutis.

Honoris inanis cura & bonorū.

PUNCTVM III. Considera, precor, Primò, an scias, quā viā ad cælum pertingere possis; vtique certū est te ignorare: ergo sic cogita: Ecce hanc tribulationē mihi Deus immittit, hæc via est, quā ad cælum me perducere vult, & non aliā: præsertim cū, etiamsi omnia adhibeam, eam euitare nequeam. Deinde cū certissimum sit per multas tribulationes oportere nos saluos fieri, & quòd omnes, qui piè volunt viuere in Christo, persecutionem patientur; ac verissimum illud. Mundus gaudebit; vos verò contristabimini, sed tristitia vestra vertetur in

Via ad Deū monstrata. est patientia.

*I. Tim. 3.
Ioan. 16.*

P gaudium,

*Resignatio
necessaria.*

*Cruce Christi
sti aut dæ-
monis fe-
renda
Matth. II*

*Sap. 5.
Impatien-
tia infru-
ctuosa.
Act. 9.
Iſaie 45.*

*Dent. 32.
Aduersa
sunt medi-
cina.*

*In ijs
Deum con-
verte.*

gaudium. hæc, inquam, cùm ita sint, age, discerne, an saluus fieri, an pie viuere, an tristari hîc cum filiis Dei, & tristitiam velis verti in gaudium? Quod si annuis: iterum te rogo, & percunctor ex te: Cur ergo quereris? & an tuum potius sit eligere genus afflictionis & aduersitatum, id est, an infirmus sibi genus pharmaci præscribere debeat, an medicus; an dux militem, an miles ducem sequi debeat; Sapientia æterna insipientiam nostram? Secundò, si hanc recuses crucem & afflictionem, cogita certo certius grauiorem à dæmone sustinendam. Ideò enim dixit Dominus: Venite ad me omnes qui laboratis & onerati estis, & ego reficiam vos: iugum enim meum suauis est, & onus meum leue. Ideò in inferno lugent improbi se ambulasse vias difficiles, mundiq; huius grauissimam tyrannidem sustinuisse. Tertiò considera, eâ lege omnes natos, vt aduersa feramus; & frustra te repugnare; ipse enim Dominus ait, Durum est tibi contra stimulum calcitrare. Numquid dicet lutum figulo: Quid facis? Si ergo non possis effugere, quid turbaris, & auges dolorem ac malum tuum? neque enim Deo nocere potes; quod si velis, proximo ultor ipse erit, qui dicit, Mihi vindicta, & ego retribuam: adeò vt solum dicentem proximo, fatue, igne puniat sempiterno. Non sufficit tibi?

O æterna Sapientia, vt infr. pag. 36.

PUNCTVM IV. Considera primò, an cùm videas in te superbiam, & impatientiam, velis sanari? ita, inquis: ergo admitte manum medicam, gratias age illi, qui te ad belluas istas extinguendas & incendium iuuat: neque enim patientia sine illis exercitationibus potest acquiri, neque humilitas sine humiliatione. At res tua tibi erepta est, officium, æstimatio, honor; à quo? à Deo, cuius erat, quod tu occultè vt idolum colebas magno amore. Si ignoras quanto, collige ex dolore quem in animo tuo experiris, eo quod diu fornicari, vt Scriptura loquitur, & tuum, illud idolū colere non potueris. Quid cùm,

cum Deus, & cælestia tibi adsint, vt scarabæus stercorib' adhæres? Petere veniam deberes, quod nimio amore creaturæ inhæseris, quod est spiritualiter fornicari: & ecce doles quod vltra non liceat tibi, & quereris de Deo tuo, sponso animæ tuæ. O impudentiam! Audes petere, quod eum offendas, ab eo recedas; & si misericorditer negat, fers impatienter, quod iniuriam diutiùs sibi à te amore creaturæ fieri non permittat? dissimulare saltem deberes dolorem de mali occasione, id est adulterij, sublata: gratias agere ob laqueum remotum, & foueam clausam. O misera fors, non posse nolle quod obest! non posse velle, quod prodest! *Hæcine vera*, vt sup. pag. 7.

PUNCTVM V. Percurre passionis mysteria. Primò, angustias cordis dulcissimi IESV; & tuas illis coniunge, & sic vnitas diuinæ maiestati offer. Deinde quid patiat'ur, à quibus; & quomodo; in corpore, membris, famâ, & existimatione, & dic saltem ad singula: Quid retribuas tibi, Rex meus, & Deus meus, vilissimum mancipium tuum pro omnibus quæ retribuisti mihi? nonne æquum est me confidere tibi, qui tanta fecisti pro me? & aliquid ferre pro salute meâ, cum tanta pro illâ tolerare dignatus sis? Secundò, attende sapientissimum & optimum Dominum, sibi suisque crucem elegisse; & tu ergo dic: Nos autem gloriari oportet in cruce Domini nostri IESV Christi, per quem mihi mundus crucifixus est. Tertiò, optimi Patris erga te prouidentiam, quodque ab æternò prouiderit & decreuerit hanc tibi crucem; secundum omnes circumstantias loci, temporis, personarum, eamque summâ cum bonitate & sapientiâ admensus fuerit viribus complexionique tuæ, ita vt, si velis, tibi etiam sicut diligentibus Dominum, omnia in bonum cooperatura sint. Elegit verò hunc, vel illum, per quem te exerceat, puniat; cur non placet? non respicias ad baiulum, sed eum qui mittit. non est enim malum in ciuitate, quod non fecit Dominus. Quarto, considera æternum gloriæ pondus, quod pro

*Creaturæ
sunt idola.*

*Passionis
considera-
tio.*

Psal. 115.

Galat. 6.

*Prouiden-
tiam Dei
in malis
attende.*

Rom. 8.

Amos 3.

2. Cor. 4.

*Hebr. 10.**Resignatio
necessaria.*

momentaneâ tribulatione retribuetur, & secundum Apostolum, patientiam ad omnia necessariam esse, vt reportemus promissionem, & possideamus animam nostrâ. Ergo generoso animo te diuinæ prouidentię committe in tempore, & in æternitate; & fac velis id, quod Deus vult. aliàs enim nihil velle potes, quod tibi vtile est: utilitas enim nostra sola Deus est, & voluptas eius. mane ergo in eo, & frui illo qui vbique est; & omne bonum; & queri nunquam poteris. Queritur enim, qui caret aliquo bono; & ecce si vis, habes omnia in Deo tuo, si ei voluntate & charitate coniunctus sis: in hoc enim omnis lex & Prophetas; in hoc vera charitas, & charitatis perfectio consistit.

EXERCITIUM.

*Sap. 8.**Amos. 3.**Marth. 10**Confite
in Patris
nostri æ-
terni pro-
uidentia.**Act. 17.**Marth. 10**Applica-
tio ad
Communi-
onem,*

O Sapiencia eterna, quæ attingis à fine vsq; ad finē fortiter, & disponis omnia suauiter. nōne dixisti per Prophetā tuum: Non est malū in ciuitate quod nō fecit Dominus? Nōne dixisti capillos nostros omnes numeratos esse? Nōne oculi tui semper nos contemplantur? Nōne Pater noster, nostriq; amantissimus es, & creator, & conseruator? Nōne in te viuimus nos, mouemur & sumus, & omnia, quacumq; sunt? neq; foliū in arbore mouetur sine prouidentia tuā, neq; cadit passer super terrā sine illā. Quid ergo si hoc, vel illud mihi aduersi accidat? an ne vel vt canis lapidē petā, & nō attollā oculos ad te, quid id facis, & ex immenso amore id mihi immittis? Oro te sēpē, Domine, pro patientiā, cur ergo eā viā ordinariā acquirere nolo; sed velut homo tentans Deū, patiens esse volo, & pati nolo? Quale membrum sanctissimi corporis tui habes, Domine IESV, quale, quā deforme! tu vulneratus es propter iniquitates meas, & à plantā pedis vsq; ad verticē capitis nō est in te sanitas, vt ego sanus sim, & ego pro meis pari recuso? ô Domine, tu vides imperfectū meū, & si vis, potes me sanare, & cur nolis? potestne vincere malitia mea bonitatē tuā? non potest: ecce enim paratus es venire etiā hodie, vt me sanes, vt cibes, vt potes, vt amplectaris; vt similis tibi efficiar. Fac obse-

pro mihi secundum misericordiam tuam. Porro me in manu tuâ, ut litum in manu figuli, & resigno me tibi in tempore, & in eternitate, & tantummodo id rogo, ne proicias me, neque despicias me Deus salutaris meus. Tu Domine, didicisti ex iis quæ passus es, patientiam & obedientiam; & ego omnia dura respuam? ignauus certe miles forem.

Tu propter me in cruce dura coronatus, & flagellatus fuisti, & ego mollia omnia queram? Tu famem passus es; ego ventrem distendere cupiam? Tu ignominiam & improperium elegisti; ego insanus gloriam spectabo? Tu in omnibus dura elegisti & vilia & aspera, sicut & omnes Sancti tui; ego verò non tuo spiritu, sed carnis & mundi impulsus, commodis meis studebo! nonne tu nosti, dulcissime IESU, reprobare malum, & eligere bonum? si in cruce & tribulatione malum; anne eam elegisses? nonne calicem passionis Matri, & amantissimis Sanctis propinas- ses, qui circulerunt in melotis, & pellibus caprinis, egentes, angustiati, afflicti, per desertum vite huius, ut in veram promissionis terram peruenirent? ego verò quomodo aliam viam inuenire volo, quam tu, Sapientia eterna, elegeris? Displicetne mihi, ô Deus meus, consilium tuum? oportuit te pati, & ita intrare in gloriam tuam quo pacto igitur intrabo in illam, nisi viam regiam sanctæ crucis? Quocumque eam aut fugiam, effugere cruce nullo modo valeo, vndique malis cinctus: sed hoc ago, ut ea, quæ, si libenter de manu tuâ acciperem suauia essent (tu enim dixisti, Cum ipso sum in tribulatione) iam ob propriam voluntatem, & repugnantiam aspera fiant & intoleranda.

Quid me facies, bone IESU? nonne certum, quod nisi compatiar, corregnare nequeam? cur ergo eos, qui coronam mihi fabricant, odi & auersor, qui vel imprudentes, vel ingenti suo malo, etiam in hoste commiserando eam mihi faciunt? Ecce medicinam præbent peccatis meis, & hostibus abigendis arma; sed nolo bone IESU, & instar furiosi, qui hostes meos fouent, diligo: qui eos debellant, auersor, neque pudet, eheu! me Christianum verbis dicere, & quasi factis negare, O IESU amantissime, talémne tolerare potes in seruitio tuo, qui horret velut demonem crucem tuam? qui non diligit persequentes se,

Christus
sibi & suis
elegit du-
ra, quid
tu?
Isaia 7.

Hebr. 11.

Resigna-
tio neces-
saria.

Psal. 90.

Compa-
tio erga
aduer-
sarios.

Confusio
sui.

Matth. 5.

neq³, orat pro illis, neq³, bene facit iis, sed velut Ethnicus & publicanus diligentes se diligit, & odentes odit: quod etiā fere faciunt? & licet iubeas inimicos diligere, ac tanta premia proponas, ebulecce plus apud multos valet verbum proximi placabile, aut obsequium vile, quā omnis voluntas tua: ob illud enim illi ignoscitur, ob hanc nec verbum condonatur.

Oblatio
fui.

Ecce confiteor tibi delicta mea, & postulo humillimē gratiā tuam, per dolores, fatigationes, marores, vulnera innumera, & opprobria tua, vt discam inimicos diligere, aduersa vt à te immissa amplecti, per multas tribulationes à prouidentia tuā immissas aliquando saluus fieri, & inter amicos tuos, quos & imploro, fortissimos Martyres tot passionibus nobiles, inter Confessores & virgines etiam cruce suā insignitas, stare, & te frui in aeternum. Resigno me tuæ prouidentie, dispone de creaturā tuā. De nihilo hoc fac quod tibi placeat, Domine mi Deus cordis mei: quidenim noui quid expediat mihi? tu medicus es anima mea, nosti quid expediat; tu dux nosti, quā ducas; tu, Pater, scio, non proicies, neq³, despicias, neq³, deseres me; neq³, ego te per gratiam tuam, o bone IESV, mori tecum & vincere, & in aeternum tibi adherere volo, Amen.

Praxis ad malorum propriorum exercendam tolerantiam.

Prævide
aduersā.

I. **P**RÆVIDERE mandē, & in examine; immō etiam singulis horis, vt iam dictum, ea quę nobis aduersa possent accidere, & ad ea animum comparare.

Deum præ-
sentem in-
tuere, &
crucifixū
complecte-
re.

Secundō, oblatā occasione patientiæ oculos in cælū ad Deum conuertere, ac gratias agere, & cogitando esse te coram crucifixo, eum complecti. Reprime ergo vocem, & commoriatur ira in te, neque vnquam vlli postea enarra, vel auge ab altero iniuriam illatam: id enim est aggrauare, & sese ad ultionem dæmonis astu prouocare. sed vt verē humilis extenuare debes, quia iniuria non fit illi, qui Deo perduellis, & toties iniurius fuit.

Præueni
proximum
officio.

Tertiō, si quid amaritudinis sentias, præueni proximū, saltē si aliter nequis, per aliū; Primō, humiliatione, etsi illius culpa sit; Secundō, beneficio: Tertiō, saltem diligenter pro illo ora. Sunt qui ex auersione & odio declinant conspectū & alloquium, nōne ex ore illorū & facto indicabis illos, Domine? Quā vereor ne nunquā videant in iúbilo faciē tuā! Sunt

Sunt qui humiliatione præuenire nolunt, quasi dedecet; cum humilauerit semetipsum Dominus, & qui peccatum non fecit, cum latronibus sese deputandum obrulerit. Quid? vis videri non posse errare, & hominem non esse te? Vide ne ut Angelus apostata, & sicut vnus de principibus corruas.

Quartò, quotidie in Sacro offer te ad omnes tribulationes, à quocumque de manu eius accipiendas, vndecumque proueniant, deinde quotidie illi refer acceptas, & ora pro persequentibus te.

*In Missa
resigna te
Deo.*

IACULATORIÆ.

Non est malum in ciuitate quod non fecit Dominus.
Frumentum Christi sum, dentibus bestiarum molar, ut mundus panis inueniar.

Amos. 3.
S. Ign.
Mart.

Bonum mihi, quia humiliasti me, ut discam iustificationes tuas. Cognoui, Domine, quia æquitas iudicia tua, & in veritate tuâ humiliasti me.

Psal. 118.
Ibid.

Adiutor meus esto; ne derelinquas me, neque despicias me, Deus salutaris meus.

Psal. 26.

C A P V T VIII.

*De impedimentis Progressus in viâ spirituali,
ac primò de contemnendis hominum iudicijs.*

POSTQUAM aliquis cum filiis Israël de Ægyptiacâ seruitute liberatus est, & ad montem Dei Oreb tendere conatur, infernalis Pharaon nihil non obicit ac movet, ut si omnino à salutis viâ auertere nequeat peregrinantem in cælum, saltem variis tentationibus seu velitationibus eius progressum ac cursû retardet. Necessè igitur est armis esse instructum, modumq; nosse pugnandi cum Principibus tenebrarum harû. Et quia inimici hominis domestici eius, & verè homo homini lupus est, & ut D. Antonio Angelus ostendit, illi se mutuò impediunt quàm maximè æmulatione, inuidiâ, rixis & iudiciis suis temerariis ac detractionibus, ideò de contemnendis his primò agendum puto.

Meditatio de contemnendis hominum iudicijs.

PRÆLVDIVM I. Erit statuere se coram Deo, eiusque curiâ amplissimâ, cum proposito omnia dirigendi ad gloriam illius.

PRÆLVDIVM II. Postulare humillimè gratiam, vt fontem propè omnis mali cognoscere possimus; qui est iudicijs hominum subseruire; & ex iis, (quod plerique faciunt mortalium) vitam suam ordinare.

HOMO. O Sapientia æterna, vulgò dicitur homines moueri non tam rebus, quàm rerum opinionibus; & ecce, si percurro vitæ meæ rationes N. sicubi dolor, aut gaudium; aut timor, aut spes nata fuit, ab hominũ opinionẽ, laude aut vituperio, video magnâ parte profecta: nemo enim dedecora, infamiam, paupertatem, despectum timet, aut de iis dolet, nemo de honore, fama, &c, exultat, nisi vitam suam ad aliorum opinionem velut normam dirigat. Et ecce, hinc fit vt quoties in animo meo pium decretum facio, non id tantum me considerare sentiam, quid res in se sint; sed etiam quæ vulgò de rebus sint opiniones. Si enim rectè viuendi, vitandi consortia praua & colloquia, sobrietatis, fugæ sæculi, modestiæ in victu & vestitu, si consistendi crebrò, ac communicandi legem mihi statuo; pondus graue addit mihi in plerisque iudicium hominum, sæpè improborum, aut eorum, qui neque probi, neque improbi sunt, sed in confinio vtrorumque commorantur, & claudicant in vtramque partem: & insinuat se mox, quid dicent hi, quid illi recensebunt?

*Cogita Dei
iudicia.*

CHRISTVS. Nónne potiùs cogitandum tibi foret, quid ego verbis, quid factis senserim? Ego Sapientia æterna, ego Iudex tuus, qui iudicabo te secundum legem meam & opinionem, & iudicia mea, non verò insipientium & mundi huius. Cur ergo iudicijs hominum aut incitaris, aut retardaris? graue certè præiudici-
cium

cium, quod iudicium non habet, & à me recedit.

Hæcine firma, vt sup. pag. 8.

Homo. Nisi id fecero, nõne credo, videoque me à tuâ Maieſtate, & à toto mundo ſublânandum, quod ei ſulto crediderim, & illuſori ſciens & volens? Tædet me valdè, ſic ventis auræ popularis ferri & abripi, non pondere rerũ, ſed opinione. Sed quis me liberabit de iſtâ cõmuni malignitate & morbo, niſi tu Deus meus? namque, vt video, quosdam Religioſos etiam iſte adurit; quos nõ raro iudicis hominum tranſuerſos agit, plauſuque, ac vituperio, à normâ humilitatis & obedientiæ, ſimplicitatiſque lege, longiũs facit aberrare. Hic de loco, munere, alterius obloquio, famæ detrimento queritur, ille locũ, munus, & ſtudia affectat; & ſi horum petam cauſſam, vna eſt hominum opinio ſons omnium propè malorũ. *Hæcine vera, &c. vt ſup. p. 7.*

*Cur ſulto
potius cre-
dis quàm
ſapientiæ?*

CHRISTVS. Imò, nõne rara auis eſt, inuenire Iobum in terrâ Huſ inter malos bonum, ſiue in ſæculo, ſiue etiam in religione?

Homo. Tu noſti, Deus bone! quæ hæc maledictio, quòd adeò pauci velint ſingulares videri in bono, & tibi placere! quodque in naufragio malorum cum illis optent potiùs perire, quàm tuâ gratiâ ſuper aquas ambulare! Pudet, aiebat ſeruus tuus Auguſtinus conquerens de hâc infaniâ, pudet non eſſe impudentem. O quanta calamitas, & malitia ſæculi huius! quæ etiam in clauſtra, & ſui contemptores ſibi tantum iuris vendicat. Nõne tibi debemus, ô JESV vita noſtra, viuere, & mundo mortui eſſe, quotquot Chriſtiani ſumus? & vehementer id quidem deſidero. Audio enim dicentem Apoſtolum tuum: Si hominibũ placerem, Chriſti ſeruus non eſſem. An vera hæc veritas? an fallere non poteſt? non poteſt certè. Vtinam id mihi concedere digneris, vt hoc opere credam, qui ſolus poteſ facere mundum de immundo conceptum ſemine; & ſolus Samaritanus vulnera noſtra ſanare! *Credo tibi, vt ſup. pag. 7.*

*l. 2. Confess.
c. 9.*

*Gal. 1.
Placere
Deo nequit
hominum
ſeruus.*

CHRISTVS. Nónne tu, vt omnes discipuli mei, abrenuntiaſti mundo in ſacro fonte, & pompis, & iudiciis eius, mihiq̃ ſeruire ſtatuisti? & ſic ad vitam ingredi?

HOMO. Et ecce, veremur dici mali, & haberi, neq; tolerare id poſſumus, imò malumus eſſe quàm haberi, & propter verbũ hominis gratis mali eſſe volumus potiùs, quàm propter tuum boni & beati.

Bone JESV, vt infrà pag. 241.

CHRISTVS. Et verò, quid ſunt iſta iudicia, niſi aliquot homuncionum, & ferè malorum, quiq; malè affecti ſunt, cogitationes inanes, ſermones & deliria? vti enim quiſq; affectus eſt, ſic ſentit, & loquitur. Cùm verò totus mundus in maligno poſitus ſit; & quicquid in eo reperitur, ſit concupiſcentia carnis, oculorum, & ſuperbia vitæ, quod eſſe iudicium illius poteſt? An poteſt mala arbor bonos fructus facere? malus ad bonum hortari, & illud verè probare?

Credo tibi, pag. 7.

HOMO: Qui prudentiores haberi volunt, iudiciũ ſeculi pro ſuã inſipientiã cum virtute & pietate iungere volunt, etſi vt plurimũ diffideant: etſi iungere ea nequeant. tum videmus eos potiùs de pietatis exercitiis aliquid detrudere, quàm videantur hominum ſæpè peſſimòrum iudiciis non ſubſcribere.

*Iudicia
hominum
quid pro-
ſunt?*

CHRISTVS. Quid autẽ iſta proſunt, vel obſunt? quid Lunæ, Soli & aſtris, quòd vt Deus ab idololatriſ habitafuerint? quid auro, ſi lutum æſtimetur?

HOMO. Nihil vtique, nec nobis, quòd variè iudicemur, quòd laudemur, cogniti ſimus, variè celebremur, aut vituperemur, amemur aut odio ſimus: & ſcriptum memini, Si de mundo eſſetis, mundus vtique quod ſuum eſt diligeret, nunc autem odit vos mundus, quia elegi vos de mundo, ſed ſcitote, quia me priorẽ odio habuit. Quid dulciuſeſſe poteſt mihi, quid veriuſ?

*Singulari-
ter amari
velle,*

CHRISTVS. Amari certè velle ſingulariter (cùm proximus quilibet, ſicut quiſque ſe deligit, diligendus ſit) omnium

omnium iniuria est; & laudari velle, omninò illaudabilem facit. Qui enim id vult, iam laudabilis non est. nam verè non laudatur, nisi qui bonus; & laudabilis verè, & non falsò æstimatur. Vt quis laudari possit, laudem refugere maximè debet; cùm verè laudari nequeat, qui vult laudari: sed vituperio propter arrogantiam, apprimè dignus sit. Similiter, quia acceptà iniurià aut conuicio irascitur, aut dolet; dignum se eà esse, manifestè testatur: & laudari se in tantum velle, quantum refugerit vituperari. Si contemptus ergo aut neglectus fuisti, si quis de te malè suspicatus fuit, atque in eo gloriatus es; iniurià factum illud fuisse declaras: meritoque fueras dignus contemptu, si de contemptu doluisses. Et verò, quid est, quod à te habes, quoddàque tuum sit? prorsus nihil. Mea enim sunt omnia. Cur ergo illa tibi arrogare vis, aut ab aliis tribui tibi, & ob ea honorari? Vt dæmones sibi honores tribui volunt diuinos; sic vanus homo laudari, & admirationi esse, & auferre mihi honorem. Si sciret, diceret iis qui se amant & admirantur, cum Apostolis meis: Viri Isrælitæ, quid miramini in hoc; aut nos quid intuemini, quasi nostrà virtute aut potestate fecerimus hoc? vel vt alij, cùm immolare illis vellent: Viri, quid hæc facitis? & nos mortales sumus, similes vobis homines. Vis ergo vt me omisso, te respiciant? singulariter laudent & honorent? inimici fiant mihi, vt tibi sint amici? vis tu, me præterito & neglecto, honorem quem præstare potes, amorem, admirationem tuam tribuere vanissimo idolo, id est, hominum opinioni? Qui enim illam amas, eidem per amorem subiiceris: mundumque amas, & inimicus meus constitueris. vis vt amore tui, homines impediuntur, ne toto amore ferantur in me? vt ponas te mutum inter eos & me, ne plenè mihi adhæreant? Gaudes fortè, si re suspiciant multi, id est, fallantur, & fallas! si ad te veniant, si iis per te aliquid tribuam. Nónne vides muscas ad ollam, & pulices conuolare ad carnem tuam, & ex-

omniū iniuria est.

Qui de contemptu dolet, contempti dignus est. Qui gaudet contemptu immerito contemnitur. Qui laudari affectat, demonem imitantur. Actor. 3. Actor. 14.

Qui ab hominibus amarigestit, Deo corda hominum suffuratur.

fugere?

fugere? sibi comedunt, & tibi derrahunt: ita, qui ad te veniunt, aut opis, aut solatij gratiâ, quod per te illis præsto, quod suum est, perunt: propter illos enim dedi; quod meum est accipiunt. Reddant itaque mihi laudem, neque tibi de laude, aut vituperio cura sit, aut iudicio hominum.

HOMO. Si ergo neque laudem appetere, aut sperare debeo, si bonus esse voluero, neque vituperium auerfari: quanta, Deus bone! insipientia, propter illam malum esse velle, aut saltem me perturbando, & dolendo, minùs bonum?

CHRISTVS. Quis est, qui, si eius sanitas, scientia, robur, opes nō laudentur, imò vituperentur, ea corrumpat? Nemo fame se cruciat, quòd à furiosis & parùm fauentibus, cibus & potus venenum esse clametur.

HOMO. Et tamen, ne quis vituperet nos, sæpè exercitiis pietatis, & obseruantia abstinemus, id est, cibo anime, eiusq; robur & opes perdimus, & gratis venundamur sub peccato. Bone IESV, vt infr. pag. 241.

*Cur falsa
pro veris
eligit?*

CHRISTVS. Quid si te quispiam consuleret? quid sibi eligendum foret, quidque expediret; verè diuitem esse honoratum, beatum; an talem falsò haberi? omnibus abundantem, an indigentem? verâ, an adumbratâ virtute præditum? Nónne vera falsis & vanis anteponenda esse iudicares? Attamen hic error abripit omnes; ac, ne vituperentur, iniusti esse malunt, aut minùs iusti, quàm ob virtutem verè laudabiles, beati esse, & honore digni. Quàm diuersus erit in morte, & iudicio sensus! imò, aliud tum vniuersi erit iudicium mundi. Laudabitur ab eo, qui illum contempserit; & vituperabitur, qui illius vocibus incantatus, inertem & turpem duxerit vitam. Tum paupertatis amor, honorum ac sæculi contemptus ac opinionum, & liberalitas in pauperes, & virtus omnis extolletur, etiam ab improbis; & à Sanctis meis, & me, in æternum laudabitur: vt meritò diem mortis Sanctorum, natalem eorum esse, & dici voluerim,

rim. Oriuntur enim tum, & velut sidera, deficiente die hâc, in nocte lucere incipiunt, *Bone* JESV, vt inf. p. 241.

HOMO. Improbi verò, etiam tunc, cùm de salute agitur, ne inconstantes, ne timidi appareant, conuerti ad te, publicè confiteri, communicare, inungi verentur; & dira conscientiae tormenta patiuntur. *Multi conuerti nolunt ob hominũ iudicia.*

CHRISTVS. Si causam quæras in promptu est: Quis, inquiunt, esset sermo?

HOMO. Et sic, bone JESV, pluris est sermo, & verbum volans, re ipsâ, salute. Pluris est, quàm sit te suscipere, à te visitari, pasci, roborari. Pluris verbum, quàm omnia dona tua. Pluris timor, & volitare per ora hominum, quàm æternæ vitæ discrimen adire. O quanta vis & potentia iudiciorum humanorum! Eheu! quid in iudicio ille respondebit tibi, quando coram vniuerso orbe terrarum, patebit insipientia illius? Exprobrabis eam illi tunc, ô Sapientia æterna, quòd te spreto, vilissimorum hominum vocem pluris æstimarit, quàm mandatum tuum. Tunc insultabit illis orbis terrarum, Sancti subsannabunt, & demones illudent, quorum laudes, id est iacula, tam auidè quæsierat; quibus vulneratus, æternâ ignominiâ plectetur. *Stultitia eorum qui curant iudicia hominum.*

CHRISTVS. Qui autem me confessus, & pietatē fecerit coram hominibus, confitebor & ego eum coram Patre meo: & qui me erubuerit, & sermones meos, hunc Filius hominis erubescet, cùm venerit in maiestate suâ, & Patris, & sanctorum Angelorum. *Matth. 10*

HOMO. Quàm dolebunt filij huius sæculi, eheu! in longâ eternitate; quòd ob verbum, cogitationem, nutum hominis alicuius, omiserint occasiones mille salutis, gloriæque sempiternæ! *Vide vt occasionem virtutis nō negligas.*

CHRISTVS. Tunc, vt etiam in iudicio, eiulabunt reprobi, dicentes: Ecce hi sunt, quos aliquando habuimus in derisum, & in similitudinem improprij: nos insensati vitam illorum æstimabamus insaniam, & finem illorum sine honore: ecce, quomodo computati sunt inter *Sap. 5.*

inter filios Dei, & inter Sanctos fors illorum est!

Credo tibi, vt supra pag. 7.

*Æternâ
cur momē-
taneis non
præfers.*

HOMO. Amari volumus, & ecce, si idcirco omittimus amorem tuum, erimus in æternum odio tibi Deo nostro, & Angelis tuis: honorari cupimus, & omnia scelera & recessus cordis nostri omnibus aperta erunt: celebrari, & eheu! æterno carcere, & æternâ erimus obliuione sepulti, neque vnquam recordaberis nostri; Deus noster: quos audiuius, quorum iudicia timuimus; perpetuis nos maledictis incessent; si honorem quærimus, nonne, eheu! æternum sperare ac eligere pro momentaneo oportuit? O felices animæ, & ter felices! quibus Spiritus sanctus eam indidit mentem, vt honores mundi simul & fauores despiceretis, excelsioresque rebus omnibus humanis effecit! O beate Alexi! qui cum esses clarissimus genere, illud celasti, vt filium Dei te esse toti orbi comprobares: vicisti generose athleta, & latitando sub gradibus toto terrarum orbe sanctitatis sparsisti radios. O Apostoli, & Martyres Christi, quæ exempla nobis contemptus opinionum mundi præbuitis! Ibatis à conspectu concilij gaudentes, quoniam digni eratis pro nomine IESV contumeliam pati. O beata agmina Anachoretarum, quàm feliciter mundo illulistis; ne ille vobis illuderet! quæ laudabit ille, calcastis; quæ vituperabat, elegistis. quis est, precor, qui vobis hunc spiritum addiderat?

Ad. 5.

*Fructus nō
curantis
hominum
iudicia.
2. Cor. 6.*

*Incommo-
da ex eo
quod ho-
minum iu-
dicia ma-
gni fiant.*

CHRISTVS. Caro certè & sanguis non reuelauerant, sed Spiritus Patris mei qui in cælis est: magnamque ex eo pacem consecuti fuerunt. numquam anxij, nulli obnoxij; sed liberi, securi per gloriam, & ignobilitatem; per infamiam, & bonam famam: vt seductores, & veraces: sicut qui ignoti, & cogniti: quasi morientes, & ecce viuimus; vt castigati, & non mortificati. Mundanus verò, quem humani respectus exagitant omnium oculos, ora & rumores obseruare iubetur, omniumque esse seruus. qui enim diligit aliquid, necesse ei per amorem sub-

datur:

datur: & quod miserrimum est, amorem, fauorem, bonam sui existimationem (quæ vera esse ob vanitatem nequeunt) venatur perpetuò: quam numquam scire potest an consecutus sit. prauū enim est cor hominis & inscrutabile; quis cognoscet illud? & qui te ore commendat, sæpè tacitus vituperat: si vnus te laudet, centum despicient. quomodocumq; te vt Protetis verses, numquā vnus vni per omnia, numquam vnus omnibus placebis; sed pluribus displicebis. *Hæcine firmâ fide, vt sup. p. 7.*

*Ierem. 17.
Laus humana vana*

HOMO. O quàm carò emuntur opiniones hominum! quas verè an quis habeat quales optat, numquam nouit; & si nosset, nec ad momentum de eis certus esse posset: ita video. instabile est cor hominis, & amor illius, & quod hodie hæc horâ probat, eadem improbat. Miramur, aliquem in Venerem, vel gutturis voluptatem sua profundere; sed longè magis fatuus, qui ob imaginationes hominum & opiniones, veri honoris, pacis, virtutis, ac gratiæ tuæ iacturam facit, id est, omnium bonorum.

Nemo certus de fauore.

CHRISTVS. Multis quidem miseriis obnoxius est homo; sed immensum auget eas, qui immiscet se opinioni hominum, admirationi, honori & amori: sicut enim ex corporis proprii, sic ex horum læsione afficitur, & ligna quibus vratur ipse adhibet, vinculaque quibus trahatur.

Hominum opinionibus seruire miserum.

HOMO. Idcirco firmiter statuo numquam aduertere ad hominum & mundi opiniones; sed hoc vnum spectare quid à me exigit ratio, quid tua diuina voluntas, tua præcepta & consilia. Quod sit enim iudicium mundi, quàm insipiens & insanum, manifestè declaratum est in vitâ & morte tuâ: tu enim nocte in stabulo natus, triginta annos inter homines versatus, ignotus & despectus fuisti; & postquam dulcissime IESV, dignatus fuisti reuelare te mundo, quoties nobis hunc contèptum cōmendasti? nullum honorem aut dignitatem aut laudem quælisti, dicens: Ego non quæro gloriam meam: est qui quærat,

*Attende ad Christi iudicium, nō mundi.
Ioan. 8.*

quærat, & iudicet. At numquam magis, quàm falsum sit mundi huius iudicium apparuit, quàm in sacratissimâ morte tuâ: tu enim sanctus, innocens, agnus sine maculâ, cum iniquis ab illo deputatus es, & despectus, existimatus nouissimus virorû: & ego illius laudem aut vituperium æstimabo? Neque aliam viam Sanctis tuis ostendiisti, qui te serio, non fictè; sincerè, non errore, aut proprio amore decepti, amârunt, & ardentè exoptârunt contemni, stulti haberi ac reputari, vt imitari te possent. Magna certè iniuria tibi est (vt Chrysostomus seruus tuus loquitur) si, tamquam non sufficias ad nos laudandum, te omisso ad conseruos festinemus, hoc omnia peruertit, hoc vniuersum orbem terrarum perturbauit; quoniam hominum respectu omnia facimus, & de bonis operibus nulla nobis cura est; sed laudem nobis à conseruis nostris inquirimus.

*Chrysost. de
contemnen-
dâ laude
hominum.*

*Serui Dei
prima vir-
tus est, iu-
dicia ho-
minum cō-
temnere.
Galat. I.*

*De benefi-
centia alio-
rum con-
temptum
docet.*

CHRISTUS. Idcirco verè per me dixit Hieronymus: Prima Monachi virtus est, contemnere hominum iudicia, semperq; Apostoli mei recordari, dicentis: Si adhuc hominibus placerem, Christi seruus non essem.

HOMO. Neque solum exemplis me inuitas, amantissime IESV, sed insuper beneficiis plurimis, quæ in singula confers momenta. Quid enim ista mihi prædicant, nisi à te laudem veram quærendam esse, à quo nobis omnia bona proueniunt? si enim nihil boni nisi à te Oceano bonorum omnium, cur æstimari ab alio cupio, qui nihil mihi nisi à te præstare potest; nihil verè æstimare, quia cognoscere plenè rem nullam potest? Tuum vnus iudicium solum verum est. Cùm ergo iudicium hominum non vereamur, nisi simul aliquid ab ijs nobis polliceamur; qui videt te boni omnis fontem, nihilque esse extra te, despicit omnia propter te: quid enim extra te quærat? videt longas & difficiles esse vias, quibus scrutatur humana cæcitas quietem, vbi inueniri nequit, quodque eo ipso infelix homo inducat se in omnem inquietudinē, dolorē & afflictionē spiritus: se enim credit dubiis

dubiis ventis voluntatis, fauoris & timoris hominum; cum numquam in eodem statu permaneant. O quàm stultè vanitatem talis amat, eique innititur, vt vndis fluentibus, aëri & ventis, meritoque timet, & timendo manifestè insipientem se atque improuidum demonstrat! Et tamen tot ambagibus, timoribus, simulationibus bullæ istæ quærentur.

EXERCITIUM.

BONE JESV, ô quantum vanitati subiecta est creatura tua non volens, ô Creator mi! quot sibi laqueos parat, & impedimenta ponit, ne perueniamus ad te, Amor nostri! Quid enim est in vniuersâ vitâ, quod magis à recto deuiare faciat, quàm quod respiciamus ad iudicium hominum? Ecce, perire plurimi malunt, æternum cruciari, dum confessiones imperfectæ sunt pudore noxio & pestilenti, quàm ab vno homine iudicari, vel despici. Quanta, proh dolor, dementia! Quid quarimus placere homini & displicere tibi? An tanti nobis est, vt ille de me rectè sentiat & loquatur, vt vulgus imperitum, vt fallax homo & mendax & in horam mutabilis, vt potius quàm illi displiceam, à te damnari velim? O Deus meus, ô Redemptor mi; hac videtur esse vniuersitas iniquitatis, hic fons omnium duellorum, omnium contentionum, simulationum, ambitionis, fastus & superbiæ: qui enim non respicit ad hominum iudicium, humilis, & pacificus est deo meo, & hominibus amabilis & Angelis tuis, securus viuit, beatus moritur, gratiâ inuenit in oculis tuis. Veniat mihi obsecro illa, & non respiciat me visus hominis, sed despiciat, dummodo placeat tibi anima mea. Cur miseri serui esse volumus hominum, quos sanguine tuo liberos fecisti? Cur etiam cogitationes hominum veremur, & magis quàm iudicia tua?

Ah, Domine, hæc est calamitas filiorum Adæ. Sed potes, & verbo potes, & nutu potes, sanare infirmitatem nostrâ. Aspice in me, & saluus ero. Respice in me, & miserere mei, quia vnicus & pauper sum ego. Spero equidem cum toties nos visere digneris, cum nobiscum esse vsque ad consummationem sæculi,

Q

fore

Creatura
amor la-
queus.

Iudicia
mundi
magnifi-
cere fons
est cala-
mitatum.

Fiducia
in Deum.
Applica-
tio ad
Communi-
onem,

fore vt robores me virtus tua, & caro tua, & sanguis tuus. Scriptum memini: Erunt duo in carne vnâ; & dictum hoc in te Christe IESV, & Ecclesiâ. Fac ergo vt vnum tecum sim, & aptum membrum corpori tuo fac, vt hoc pane refectus non esuriam iterum, & bibens de fonte gratia tua non sitiam in æternum, nisi te vnum, ad quem desiderat anima mea vt ceruus ad fontes aquarum.

Miserere, Domine, miserere, conditor omnium, vanitatis nostræ & seruitutis, quâ mundo & cogitationibus hominum seruimus. Si seruire libet, nõne potius tibi Deo meo viuo & vero? nõne tibi, Rex Regum, & Domine dominantium? si laudari volo, à te verè coram curiâ tuâ, & orbe terrarum, & in æternum desidero: si gloriam cupio, æternam à manu tuâ expectare volo: si vituperium timeo, à te despici & contemni formidare vehementer debeo. Quis enim laudabit, quem tu despexeris? quis eum dicet bonum, quem tu reprobâris, verax Deus, qui scrutaris corda & renes? Ecce, Domine, iam viam veritatis elegi, & iudicia tua vera iustificata in semetipsa. Illumina igitur tenebras meas, vt non vltrâ diem hominis desiderem, sed vni tibi placere optem, & displicere timeam. tu enim laus mea, tu gloria mea: si gloriari oportet, in te gloria- bor; quia in te inimicos ventilabimus cornu, & spernemus insurgentes in nobis, vt sine timore de manu inimicorũ nostrorũ liberati, seruiamus tibi omnibus diebus vita nostræ, Amen.

Psal. 118.

Psal. 17.

Psal. 43.

Praxis ad iudicia hominum contemnenda.

*Actiones
ordina
Dei iudi-
cio.*

Primò, considerare oportet actiones suas, easque non ex vulgi iudicio, sed Dei lege ordinare; ac tunc generoso animo in viâ virtutis progressum facere. Dici nequit quantum hunc impediât iudicia hominũ vereri: hoc enim multos à frequenti confessione & communione publicâ, aliisque pietatis exercitiis auertit; & audent plurimi in scholâ vanitatis & nequitia esse principes: in pietate verò paucos reperies qui præire audeant.

*Vide in
quo thea-
tro stes.*

Secundò, sæpè iuvat considerare, se coram Deo ac curiâ eius in magno theatro existere atque operari, ac iudicia hominum spernere.

Tertiò; cum hoc malum ex amore sui ducat originem, nec ferè quisquam alterius iudicium vereatur sinistrum, aut vitupere

vituperium, nisi simul laudem veneretur, vel aliud quid-
piam, magnanimitate opus est: illa enim hominum seruire
vanis iudiciis ac suspicionibus, aliisque esse obnoxium, &
ab iis mendicare pretio summo Christianæ libertatis, non
permittit. *Magnanimus contemnit iudicium.*

Quartò, Sanctis in more fuit positum, nonnulla facere
quæ irritare linguas, & eos despectos reddere possent,
nullâ tamen iustâ occasione data, atque in eo imitari illos
oportet, si ad perfectionis brauium contendere velimus, &
ad pacem atque animi tranquillitatem peruenire. *Dignatus*
es, vt suprâ pag. 10.

IACVLATORIÆ.

Mihi pro minimo est vt à vobis iudicer, aut ab humano die. *1. Cor. 4.*
Feci iudicium & iustitiam, non tradas me calumni- *Psal. 118.*
antibus me.

Iudica me, Deus, & discerne causam meam de gente non san- *Psal. 42.*
ctâ, & ab homine iniquo & dolofo erue me.

Diem hominis non desideravi, tu scis.

Ierem. 12.

CAPVT IX.

Meditatio de alio impedimento progressus,
peccato veniali.

Oratio præparatoria, vt suprâ.

COMPOSITIO LOCI, considerare animam, & te to-
tum velut leprâ opertum imperfectionum coram
Deo, & curiâ illius vniuersa.

ORATIO, vt suprâ.

PVNCTVM I. Considera vitam actam, & quàm multa
peccata & defectus admiseris. Primò, circa vitæ tuæ in- *Examen*
stitutum. Secundò, si religiosus sis, circa vota & Regu- *sui.*
las, in mortificatione, in modestiâ. Tertiò, in oratione
& vsu Sacramentorum. Quartò, in operibus tuis etiam
ex obedientiâ factis. Quintò, in conuersatione quoti-
dianâ: & contere ex toto corde, & humilia spiritum
tuum valdè. nihil enim esse videbis aliud iustitiam tuam,
quàm velut pannum menstruata. *Quis cognouit, vt infrâ*
pag. 246.

PVNCTVM II. Considera grauitatem peccati ve-
nialis. Primò, eò quòd summum Deum offendat, &

Q₂

sanctum

*Ephes. 4.
Peccati ve-
nalis gra-
uitas.*

*Serm. I. in
conuers.
S. Pauli.*

*Hier. epist.
ad Iul.
Eccles. 19.
Minima
vitanda,
de ord. vite
ad Fratres.*

*Minora
peccata
grauiori-
bus ali-
quando pe-
riculosiora.*

*Iosue 2.
Ab. 5.*

sanctum Spiritum contristet, adeò vt, si totus mundus posset saluari vno peccato veniali admissò, non esset faciendum quod, eheu! toties tam leui causâ perpetrasti. Secundò, ex multitudine beneficiorum Dei. Tertiò, ex eo, quòd in baptismo, & magis Religione quisque cõsecratur Deo. Quartò, ex multitudine auxiliorum in eâ. vnde Bernardus: Non est magnũ, dicis, si in his maneã venialibus minimisque peccatis: hæc est; inquit, dilectissimi impœnitentia, hæc blasphemia in Spiritum sanctũ, blasphemia irremissibilis. *Hæcine vera*, vt sup. pag. 7.

PUNCTVM III. Considera quæ damna adferat Primò, etsi gratiam non adimat, tamen tardat in viâ virtutum, & molestam facit. Secundò, omnes virtutes obscurat, sponsam Christi animam fœdat, & feruorem minuit. Tertiò, desolatione graui afficit, mœroribus, & scrupulis sæpè ad plures annos. Sic soror Petri Damiani sedecim annis ob curiositatem afflictâ fuit. Quartò, quia consolationis spiritualis incapaces reddit, vt nec sæcularia, nec religiosa gaudia habeat; cùm nemo possit hîc implere ventrem, & ibi mentem. Quintò, quia exponit nos grauius periculis peccati mortalis; nam vt Aug. timenda ruina multitudinis, si non magnitudinis, secundum illud: Qui spernit modica, paulatim decidet. Vnde & Bernardus, Mens Deo dicata sic caueat minora vitia, vt maiora. Quid interest enim si fluctu magno anguttis plurimis per sentinam mergaris? quibus scilicet vires animæ contabescunt, vt sic in mortalia facilè homo labatur. Imò vt Greg. nonnumquam in parua deterius, quàm in maiori culpâ peccatur: maior enim quòd citius, quia sic culpa agnoscitur, eo etiam celerius emendatur; minor verò, dum quasi nulla creditur, eo peior est, quo & securius in vñ retinetur. Sextò, considera omnia magna ex paruis necessariò pendere: sic orator etiã syllabas, & interpunctiones obseruat. Septimò, sæpè apud Deum magna esse, quæ nostro iudicio parua sunt, vt in colligente ligna, Num. 5. Acham, Moyse dubitante, Num. 20. Heli, 1.

Reg.

Reg. 3. Ananiâ & Saphirâ, in iis qui opera misericordiæ omiserunt, Matth. 26. O anima, ecquid est in orbe tibi tam charum, quod ad tanta incommoda te impellat? *Hæcine firmâ fide, vt supr. pag. 8.*

PUNCTVM IV. Considera, quanto offendiculo proximo sint & impedimento peccata venialia. Nam omnem auctoritatem tollunt, etsi parua sint, & magnas etiam res impediunt: dum alii mirantur eum qui toties communicat, confitetur, orat, psallit, & si Religiosus, omnia deseruit, in minutis istis hædere, quæ ipsi sæpè, etsi minus id profiteantur, superant. Et sanè dolendum tanta hominem fecisse, vt Deo frueretur, maximè si in Religione, & tantilla impedimenta non tollere; tantum fuisse vt aquam inueniret, & iam defiltere. Secundò, etiam talis offendit sæpè totam communitatem, dum tali vitio prauas inducit consuetudines; quas postea nulla quandoque illius, qui præest, industria valet corrigere. Tertiò, vide vt Sancti etiam minima vitârint & castigârint, vt Eusebius apud Theodoretum, &c. *Quis cognouit, vt infr. pag. 246.*

Triste venialia non declinare.

PUNCTVM V. Considera, seruile valdè esse peccata venialia committere. Hoc enim perinde est, ac si dicas, illud non est vetitum sub pœna capitis, ergo libet, & licet offendere: contrà, filiale etiam minima vitare. quod Deo ita gratum, vt talem præferat mille aliis iustis, vt in Antonio, Job, Abraham patet. Talem enim virum quærit Deus, qui interponat sepem, & stet oppositus contra se pro terrâ ne dissipet eam. Vide ad quanta Deus talem minima vitantem eleuet, vt contrà alios tepidos scrupulis & tentationibus castiget. Qui enim non cooperatur parux gratiæ, indignus est maiore; eaque ob teporem illi negatur. Peccata enim siue parua, siue magna, impunita esse non possunt; quia aut homine pœnitente, aut Deo iudicante plectuntur hîc, vel post hanc vitam igneo flumine expiantur. Age, dic quo precîo viuus exuri velles? nullo, inquis, & tamen

Ezech. 12. Seruile venialia non declinare.

Vai 5.

quotidie ob vanitatem, &c. huic periculo te exponis. Væ igitur qui trahitis iniquitatem in funiculis vanitatis, & quasi vinculum plaustrum peccatum. Ideoque propone diligentissimè examen generale facere, vt puritatem conscientie adipiscaris.

Oratio pro detestatione peccati venialis.

Tob 11.

Quis cognouit sensum tuum, Domine, & quis consiliarius tuus fuit? verè iudicia tua abyssus multa, inscrutabilia iudicia tua, & incomprehensibilia cogitatu. Excelsior calo es, & quid faciet homo profundior inferno, & vnde cognoscet? longior terræ mensura tua, & latior mari. Si subuerteris omnia, vel in vnum coarctaueris, quis contradicet tibi, vel quis dicere poterit, cur ita facis? Ecce, tu, Deus, excelsus in fortitudine tuâ, & nullus tibi similis in legislatoribus. Quis poterit scrutari vias tuas, aut quis audebit dicere tibi, operatus es iniquitatem? Toties promiseras Israëlitis terram lacte & melle manantem, & duo tantum (obstupescite cali & terra) Caleb & Iosue in eam peruenerunt, etsi omnes pasceres pane cali in deserto, & vestes eorum seruares. Moyses amicus tuus erat; & facie ad faciem ei loquebaris, & deprecante illo impij conciliabantur tibi; & ecce, hæsitauit ad aquas contradictionis; & non potuit ingredi terram promissionis. Gedeon fortissimus post victorias per te partas factus populi salus fecit sibi Ephod, & factum est ei & domui eius in ruinam. Samson de sterili conceptus, liberator populi sui, quomodo à te abiit & recessit, & factus est opprobrium inimicis suis? Filij Israël Beniamitarum scelus ulturi iussu tuo iuerant, & ecce casi fugatique aliquoties fuere. Saule non erat melior in populo, & quomodo ab superbiâ proiectus à te? Dauid vir secundum cor tuum, quomodo cecidit, & Salamon amabilis Domini filius eius? Nōne & Leo prophetam deceptum occidit? Iosias dilectus tuus perrexit vt dimicaret contra Nechao, & periit? Quis horum casus varios & ruinas non obstupescet? Quis appendere valebit delicta eorum, aut intelligere iudicium tuum? Ideo ego humilto me sub potenti manu tuâ, & rogo te, vt ab occultis meis,

Exempla
varia.Actus
humilia-
tionis.

meis, & paruis & magnis mundes me, & ab alienis parcas seruo tuo, minimo seruatorum tuorum.

Parce, Domine, parce, & non intres in iudicium cum seruo tuo, quia non iustificabitur in conspectu tuo omnis viuens.

Quid enim modicum est forsan? sed qui contemnit modica, Eccl. 15, paulatim decedit; & quis cognouit iudicium tuum? Ecce in Prov. 17,

pigris humiliabitur contignatio, & stillicidia eiiciunt hominem in die hyemali de domo sua. Ita, Domine, te quoque

vereor, eheu! de domo tua, id est, corde meo, cum eum qui neque frigidus neque calidus est, euomas ex ore tuo. Sed veni, obsecro,

hodie, veni, & cor contritum & humiliatum ne despicias, etsi iudicia tua abyssus multa, tamen misericordia tua super omnia

opera tua. Ad hanc confugio, & gemens, ac dolens, speransque, in te dico coram curia tua, in te cantatio mea semper, tam-

quam prodigium factus sum multis, & tu adiutor fortis. Miserere anima querentis te, & amantis, & suspirantis ad te, &

non confidentis nisi in infinita misericordia tua. Amen.

Applica-
tio ad
Communi-
onem.

Fiducia
in Deo.

Praxes.

1. Si sapis, nihil æstima paruum, quo scis magnum, imò ster maximum & optimum Deum offendi.

2. Cum venialia ferè in bonis ex inaduertentiâ contingant, vide vt nihil præcipitanter agas, sed confideratè.

3. Præsentiam Dei mordicis retine.

4. Imitare Eremitam illum, & studiosè aliquam etiam leuem imperfectionem sume, & laboriosè oppugna, vt vigilantia hæc in paruis acuat animos ad maiora, & diuertat hostem à molestiore & periculosiore certamine.

5. Confitere accuratè etiam minima exemplo Sanctorum non scrupulosè, sed ex amore.

Omne
Deum of-
fendens
magnum.
Circum-
spectio est
necessaria
Dei præ-
sentia.
In leuibus
vigila.
Confessio
minimo-
rum etiam
aliis viam
obstruit.
Psal. 87.
Psal. 118.
Psal. 89.
Psal. 88.

JACULATORIÆ.

IN me transierunt ira tua, & terrores tui conturbauerunt me. Confige timore tuo carnes meas, à iudiciis enim tuis timui.

Quis nouit potestatem iræ tuæ, & præ timore tuo iram tuam dinumerare?

Iustitia & iudicium præparatio sedis tuæ, misericordia & veritas præcedent faciem tuam.

CAPVT X.

*De Tentationibus graui impedimento in
viâ Vitæ.**Tentatio-
num utilis
diuisio.**Modi resi-
stendi.**Nota.*

NUNC de tentationibus agendum, earumque reme-
diis. Sunt verò illæ duplices, aliæ leues & breues,
& hæ velut muscæ leui verbere manus dispelluntur,
aliæ graues, sed & breues, & his etiam ex templo forti
animo & dilectione repugnandum, propositorum & vo-
torum, si habeas renouatione, Christi velut præsentis
amplexu vel protestatione coram cælesti curiâ iteratâ;
vel coram Angelo Custode proposito innocato.

Aliæ sunt graues ex naturâ ipsarum, & durant ali-
quandiu; aliæ leues, sed tamen duratione suâ permole-
stæ. his vtile remedium spero futurum huius dialogi
lectionem. Neque tamen talibus tum per diem crebrò
affigenda cogitatio, nam ab illis diuertere cogitationem
& mentis oculum valde salutare.

*Dialogus in tentatione legendus ex locis Scrip-
turæ concinnatus.**Tentatio
pacem tur-
bat.**Amos 8.**Iob 10.**Iob 7.*

HOMO. Conturbant me cogitationes meæ, & cùm
antè in pace dormirem & requiescerem; ecce
nunc cor meum æstu magno, ventis contrariis agitur;
nec credere nec sperare in Deo videor, languidus & tor-
pescens; nil nisi terrena cogito, non placet cælestia me-
ditari, orare non delectat, sed fabulari; tristitia imple-
tur cor meum, & cantica mea versa in lamentationem.
Numquid mare ego sum? si dixerò, Consolabitur me
lectulus meus, & reuelabor loquens mecum in strato
meo; terreor per somnia, & cogitationibus ipsis horro-
re concutior, quamobrem tædet animam meam vitæ
meæ, parce mihi Domine: nihil enim sunt dies mei.

ANGE-

ANGELVS. Quare tristis est anima tua, & quare conturbas te? Tentatio te apprehendit, & venit super te tribulatio; sed animæquior esto, & scito hoc primum, tentationem esse quam iam pateris. *Psal. 41.*

HOMO. Non æstimo equidem; aut certè grauior est quam vt vincere queam.

ANGELVS. Nónne sentis rem in specie bonam tibi proponi à diabolo, & quasi ostendi; (nemo enim intendens, vt dicit Philosophus, ad malum vel minora bona operatur) & hâc velut illecebrâ ad peccatum detrahi, perturbarique te dicis, anxium esse & inquietum? hoc est tentari, & à concupiscentiâ tuâ abstrahi, & allici. En ab Euâ tuâ proponitur tibi pomum: caue ne accipias per Deum immortalē: latet sub melle venenum, venenum aspidum insanabile. Ægyptia mulier seu caro te inuitat, vt castus Joseph fuge: aut velut Thamar allicit, aut vt Dalila importunitate & frequentîâ cogitationū fatigat, aut velut Agar rebellat; vigila & ora, ne intres in tentationem. forsan se iungit hosti tuo mundus seu peccator, exemplo & verbo prouocans, & vel piè volentem viuere persequitur, vel creaturæ seducit amore: quippe, vt Sapiens, factæ sunt in odium & tentationem & musculam pedibus insipientium. Ergo ad Deum confugas supplex, & aduerte quid, & quo fine ea proponat, Dei que gratiâ innixus, superare hostem poteris. *Signum tentationis*

Deut. 32.

Gen. 39.

Gen. 38.

Iud. 16.

Gen. 21.

2. Tim. 3.

Sap. 14.

HOMO. Vix id sperare audeo, quid enim agam? si locutus fuero, non quiescet dolor meus; & si tacuero, non recedet à me: nunc oppressit me dolor meus, & ad nihilum redacti sunt omnes artus mei. collegit hostis furorem suum in me, & infremuit contra me dentibus suis, aperuit super me os suum, & exprobrans percussit maxillam meam, conclusit me Deus apud iniquum, & manibus eius me tradidit. Ego ille quondam opulentus repente contritus sum, tenuit ceruicem meam, confregit me, & posuit me sibi quasi in signum, circum-

Iob 16.

dedit me lanceis suis, & conuulnerauit lumbos meos; non pepercit, & effudit in terra viscera mea: terra, ne operias sanguinem meum, neque inueniat in te locum latendi clamor meus.

*Fiducia in
Deo lo-
canda.
Psal. 49.*

ANGELVS. Ecce in cælo testis tuus & conscius tuus in excelsis; immò verò tecum est in tribulatione, & à dextris tuis ne fortè commouearis. Inuoca, ait, me in die tribulationis, & eruam te, & honorificabis me.

*Isaë 36.
Iob. 6.*

HOMO. Defecerunt oculi mei suspicientes in cælum excelsum, non est qui consoletur me: clamo ad Dominum, & non exaudit; sed sagittæ eius in me sunt, quarum indignatio ebibit spiritum meum. Quis det vt veniat petitio mea? & quod expecto tribuat mihi Deus? quæ est enim fortitudo mea vt sustineam? aut, quis finis meus vt patienter agam? nec fortitudo lapidum fortitudo mea, nec caro mea ænea est. ecce non est auxilium mihi in me: & necessarij quoque mei recesserunt à me: semitam meam circumsepsit, & transire non possum, & in calle meo tenebras posuit, destruxit me vndique, & pereor, & quasi euulsæ arbori abstulit spem meam: dereliquerunt me propinqui mei, & qui me nouerant, obliui sunt mei.

*Attende
prauiden-
tiam Dei.
Iob. 5.*

ANGELVS. Nihil in terrâ sine causâ fit, & de humo non oritur dolor. deprecare Dominum, & pone ad eum eloquium tuum: qui facit magna & inscrutabilia, & mirabilia absque numero, qui dat pluuiam super faciem terræ, & irrigat aquis vniuersa: qui ponit humiles in sublime, & moerentes erigit sospitate: qui dissipat cogitationes malignorum, ne possint implere manus eorum quod cœperant: qui apprehendit sapientes in astutiâ eorum, & consilium prauorum dissipat: per diem incurrent tenebras, & quasi nocte sic palpabunt in meridie: porrò saluum faciet egenum à gladio oris eorum, & de manu violenti pauperem, & erit egeno spes, iniquitas autem contrahet os suum. Beatus homo qui corripitur à Deo: increpationem ergo Domini ne reprobes: quia ipse

ipse vulnerat, & medetur, percutit, & manus eius sanabunt.

HOMO. Sed veni in altitudinem maris, & tempestas demersit me: quomodo exsurgam? quis me liberabit? quomodo potero resistere tam longæ, tamque molestæ tentationi, & aduersus mundi principes tenebrarum, spiritualia nequitæ?

ANGELVS. Ecce stas in viâ salutis, diffide tibi, & confide in Domino, dabitque tibi petitiones cordis tui. Fidelis est Deus, qui non patitur vos tentari supra id quod potestis. nōne hoc credis, quæ Veritas ipsa, & Sapientia locuta est?

HOMO. Credo utique, quia veritas est Deus, & mentiri non potest; sed eheu! quàm attenuata est virtus mea, dum toties me labi video, quodque nolo, hoc malum facere. Verumtamen credo, quia fidelis est, & non sinet me tentari supra vires: nec nisi volens succumbam: immò si voluero, faciam illius gratiâ cum tentatione prouentum.

ANGELVS Rectè; siquidem vae dissolutis corde, qui non credunt Deo, & ideo non proteguntur ab eo: vae his qui perdiderunt sustentiam, & qui dereliquerunt vias rectas, & diuerterunt in vias prauas, & quid facient cum inspicere cœperit Dominus? Qui timent Dominum, non erunt incredibiles verbo illius; & qui diligunt illum, conseruabunt viam illius. Qui timent Dominum, requirent quæ beneplacita sunt ei; & qui diligunt eum, replebuntur lege ipsius. Qui timent Dominum, custodiunt mandata illius, & patientiam habebunt usque ad inspectionem illius. Deprime cor tuum, & sustine; inclina aurem tuam, & suscipe verba intellectus, & ne festines in tempore obductionis, sustine sustentationes Dei: coniungere Deo, & sustine, ut crescat in nouissimo vita tua. Omne quod tibi applicitum fuerit, accipe, & in dolore sustine, & in humilitate tuâ patientiam habe: quoniam in igne probatur aurum & argen-

Psal. 68.

Ephes. 6.

*Fide Deo,
non sinet
te tentari
supra vires
I. Cor. 10.*

I. Cor. 10.

*Eccel. 2.
Confiden-
dum Deo.*

argentum; homines verò receptibiles in camino humiliationis. crede Deo, & recuperabit te, & dirige viam tuam, & spera in illum. Respice, fili, nationes hominum, & scito, quia nullus sperauit in Domino, & confusus est. *Hæcine firmâ*, &c. vt suprâ pag. 8.

Eccli. 2.

HOMO. Scio, scio, & credo, quia non est qui mansit in mandatis illius, & derelictus est; neque inuocauit illum, & despexit illum, fortitudo mea, & laus mea Dominus, & in nomine eius despiciam omnes inimicos meos.

*Attende
quis te ten-
tet.*

Isaïa 12.

Psal. 117.

ANGELVS. Attende verò quis sit qui te inuitat vt deficias à semitâ rectâ. nōne teterrimum vitium, quod ex nunc priusquam te captiuum teneat, animæ vires labefactat, eamque rebus terrenis immergit, captiuam reddit, & manifestè à salute suâ abducit? Illinc verò virtus ad se vocat, opem promittit, vt in amœnam cæli viam & palatium deducat, victoriis celebrem efficiat, temptationibus meritum augeat, diligentiam & humilitatem. Vide igitur, cui parere velis, aspice & attende quod vincenti tibi dabitur manna. &, vt olim Saluatori, etiam tibi Angeli ministrabunt.

Apoc. 2.

Matth. 4.

CHRISTVS. Imò verò, si superaueris generosè tentationem, non tantum ab ea deinde libereris, sed & alium in ea iuuare poteris, & aduersus alia peccata munieris.

2. Cor. 12.

*Peccati
dura ser-
uitus.*

*Vtile ape-
rire alteri
tentatio-
nem.*

Eccles. 4.

Nōne Paulus ait, Datus est mihi stimulus carnis meæ, ne magnitudo reuelationum extollat me? Et verò suaderesne alteri, peccato illi consentire? nōne vides hîc velut illecebra, te in abyssum trahi miseriarum? Scis enim eum qui facit peccatum, seruum esse peccati. O. quàm dura seruitus est, quæ hominem tot tantisque inuoluit calamitatibus! Cui verò seruitur? carni, & inexplebili sensuum cupiditati. Quemadmodum autem seruus, si dominari incipiat, intolerabilis est, ita caro vestra. Citò autem tentationis scintillam excute, aperi amico fideli hostiles technas: væ enim soli, quia cùm ceciderit, non habet subleuantē se. Etsi si quispiam præualuerit contrà

ynum,

Vnum, duo resistent ei. Et: Frater qui adiuuatur à fratre, *Prov. 18*
quasi ciuitas firma.

ANGELVS. O quot gemitibus & lacrymis, si feceris, si consenseris, non factum non cogitatum optabis, & ferâ forsan pœnitentiâ! quin igitur maturè sapis? hodie si vocem Domini audieris, noli obdurare cor tuum. Quid dicam de iudicio illo terribili? nōne puderet te huiusmodi cogitationem tuam toti orbi patefieri? Quid responderbis Domino, qui te iam per me monet? quid mihi, qui iam assiduè te exhortor? quid excusare poteris?

HOMO. Certè nihil: video enim malum esse si hoc agam; & si verè ac sincerè iudicare voluero, hoc pacto me legem Dei mei, & consilium eius despicere.

ANGELVS. Si ergo in æternitatem cogitatione transferis, quid tristius ibi erit, quàm momentaneâ voluptate æterna emisse tormenta, & perdidisse gaudia sempiterna? Memorare ergo nouissima tua, & in æternum non peccabis. Neque existimes te esse solum in hoc certamine: aspice Sanctos, quomodo Antonij, Pauli, Tobix, aliiq̃ue exerciti fuerint, & quàm sint, eò quòd viriliter certauerunt, toto orbe nominati. nemo enim coronatur nisi qui legitimè certauerit. Imò Beatus, ait S. Iacobus, qui suffert tentationem; quoniam, cum probatus fuerit, accipiet coronam vitæ. Esto verò post hanc vitam nulla superesset, nōne melius est animo tranquillo viuere, & beatè, quàm aut turpibus, aut aliis cogitationibus animam fœdari, inquietam & perturbatam reddi? Ecce, vt dixi, iam experiris quantas hostis molestias tibi creet, etiamsi nec dum intra animæ tuæ portas admissus sit. Quid faceret, ô miser! quam stragem ederet, si vt in capta vrbe cordis tui grassari liceret? omnia ibi ferro flammaque vastaret.

CHRISTVS. Quid inuenisti in me iniquitatis, quia elongare te vis à me? Transite, ait Propheta meus, ad insulas Cethim, & videte: & in Cedar mittite, & cōsiderate vehemèter, & videte si factū est eiusmodi, si muta-

*Cogita
æternitatē*

Eccl. 4.

*2. Tim. 2.
Iacob. 1.*

*Quies ani-
mi quæ-
renda.*

Ierem. 2.

uit

*Peccator
est idolò-
latra.*

*Præsentia
Dei.*

*Dei &
diaboli
Antithesis.*

Apoc. 3.

Ierem. 2.

Luc. 12.

Heb. 10.

vit gens deos suos, & certè ipsi non sunt dij : populus autem meus, & tu mutares gloriam tuam in idolum ? Obstupefcite cæli super hoc, & portæ eius desolamini vehementer. Nónne meritò idolum vocatur id, propter quod me despiceres, qui te creauì & exaltaui, & laui in sanguine meo ? Anne vt voluptate breui fruaris, despicerere potes omne consilium meum ? & nihil valere apud te omnia beneficia mea, vt hoc vno quod dæmon offert potiaris ; nihil promissa, vt fallacis mundi gaudiis ad momentum exultes ? Obstupefcite cæli super hoc, & portæ eius desolamini vehementer. Nónne vides quàm illa fœda, quàm fluxa gaudia ? enumera generationes singulas, & vide quot millia sint, qui iisdem inebriati fuerunt, & aut miseri postmodum perierunt, aut multis lacrymis & doloribus vix tandem breuem voluptatē expiârunt. Denique memento te stare in conspectu meo, Iudicis tui, Domini tui, Regis regum, & tu audebis illudere mihi, spernere iussa mea ? Ego te hinc inuito æternis præmiis ; & diabolus indè suppliciis. ego pro te sanguinem fudi, & mortem subiij, ille nisi mortem tuam spirat. ego te creauì ; & ille destruere nititur, & præualere adhuc poterit ? Ego permisi, vt tentareris, vt probarem te, infidelis esses, nec ne. Vide igitur, vt coram me, & vniuersâ curiâ meâ id ostendas : aut citò veniam tibi, quasi vir armatus, & effundam iram meam in te, & videbis quòd amarum sit tibi dereliquisse Dominum Deum tuum. neque tibi promittas pœnitentiæ spatium : tot repentini aliorum casus satis te monent, & dixisse me, Quâ horâ non putatis filius hominis veniet. Frustrâ ergo tibi blandiris de spatio pœnitentiæ, qui coaceruas tibi iram & vindictam meam : neque potes tibi veniæ spem, & misericordiæ magnitudinem proponere, qui iam sponte coram me hortante, monente, comminâte, rogante, tantillum omittere non vis, aut facere. Iusta sunt iudicia mea, & omnes viæ meæ æquitas : & horrendum esse scias incidere in manus Dei viuentis. *Credo tibi, vt supra. pag. 7.*

Oratio

Oratio contra tentationem.

E Tiamsi vehementer sollicitet me ista tentatio, ecce coram te, Deus meus, propono per gratiam tuam, nullâ ratione consentire: & scio liberum esse me, neque compelli posse: sed etsi fortè surrexerit aliqua cogitatio, protestor coram te, & curiâ tuâ, me ratum non habere, quod contrarium quocumque modo est decreto huic meo, & voluntati tuâ. Non est volentis, neque currentis, sed (scio) tui miserentis atque in te Domine, transgrediar murum, & spernam insurgentes in me. Obsecro te, adiutor meus esto, ne derelinquas me, neque despicias me, Deus meus. Non enim est tanta fortitudo nostra, vt resistere possimus absque te; sed pone me iuxta te, & cuiusvis manus pugnet contra me. Tu dixisti, Cum ipso sum in tribulatione, ecce tribulor, adesto mihi vnica spes mea. Tentas me an verè amem te, & video non posse me tentari supra id quod possum; cum omnia in pondere, numero & mensurâ ab aeterno à te ordinata sint. Cur igitur pusillanimis ero, cum tu desuper adstes mihi, virtus mea & fiducia mea? O quantum illa crescit voce illâ tuâ: Ecce ego vobiscum sum vsque ad consummationem seculi. Verane es veritas, & fallere potes, ô fidelitas? verè non potes. Exalta in fortitudine vocem tuam tu qui euangelizas Sion, ô anima mea, exalta, noli timere. Ecce Deus noster Christus IESVS, ecce Dominus Deus in fortitudine veniet, & brachium eius omnibus dominabitur. Ecce merces eius cū eo, opus illius coram illo. Sicut Pastor gregem suum pascet, & quidem verè, verissimè corpore & sanguine suo, in brachio suo congregabit agnos, & in sinu suo leuabit, foetas ipse portabit. Ita fac, amantissime IESV, ita fac, & sonet illa vox tua in auribus meis, qua de te Domino meo erat: Ecce seruus meus, suscipiam eum, electus meus, cōplacuit sibi in illo anima mea, dedi spiritum meum super eum. Da mihi, obsecro, spiritum bonū & suauem, sicut tuus est: Et si dicat iustitia tua, non permanebit Spiritus meus in hoc homine, quia caro est; respondebit bonitas tua & fiducia mea: Scriptum est de te, ô amor, non clamabit neque accipiet personas, nec audietur vox eius foris: Calamū quassatū non conteret, & linū sumigans, quod sum ego, non exstinguet.

Actus
firmi pro-
positi.

Rom. 9.
Humili-
tas cum
fiducia in
Deum.
Psal. 17.
Psal. 26.
2. Par. 20.
Iob. 17.
Psal. 90.

Præpara-
tio ad
Communi-
onem.

Esa. 40.

Esa. 42.

Rom. 6.

guet. Conserua ergo me, Domine, quoniam Deus meus es tu;
vindica sanguinem tuum de inimicis tuis. Agnosce figmentū
tuum & fragilitatem meam, & fac me vas in honorem; nec
finas me fieri vas in contumeliam magni nominis tui. Nolo
exhibere membra mea arma iniquitatis, sed anima mea seruiet
tibi, & omnia interiora mea dicent, Domine, quis similis est
tibi? scio enim quia post tempestatem tranquillum erit, &
cū iratus fueris, misericordiæ recordaberis. tunc letabitur
& dilatabitur cor meum, & cantabo tibi gloria mea: quia
in nomine tuo spreui insurgentes in me. Tunc in templo ani-
mæ meæ suspendam spolia de inimicis meis, & idola volunta-
tis meæ sacrificabo tibi, & constebor nomini tuo, Domine,
quoniam bonum est; quoniam ex omni tribulatione eripuisti
me, & super inimicos meos despexit oculus meus.

Psal. 53.

Pici Mi-
randulæ
spiritua-
lis pugnæ
arma. 12.

Quid mihi illudis voluptas breuis & exigua,
Cū sequantur dolor & angustia,
Supremum detrimentum animæ,
Sit hac vita somnium & stultitiæ?

Ecce, mors propè latitat in ianuâ,
Reatus forsan erit sine gratiâ,
Æterna pœna & retributio.
O quàm digna hominis conditio!

Pax dulcis munda conscientia,
Tot dona Dei celestis gratia,
T tormenta crucis Christi horrida,
Sanctorum gesta tot conformia,

Vbi tot sunt anima subsidia,
Nisi sponte ruam ex dementiâ,
Nisi me tradam dira insania,
Inanis erit per te orci potentia.
O IESV spes & amor meus, & omnia. Amen.

P R A X I S.

Regula duodecim Ioannis Pici Mirandula partim excitantes, partim dirigentes hominem in pugnam spirituali.

PRIMÒ, si homini videtur dura via virtutis ob pugnam assiduam, aduertit plura esse in quauis viâ aliâ, dura, aduersa, tristitia,

Secundò, consideret in mundo diuturna bella, & æmuletur constantiam.

Tertio, recordetur stultum esse credere posse ad cælum perueniri aliter, quàm per violentiam, cum Christus vim regnum cælorum pati dicat, & per crucem obtinuerit.

Quartò, gaudeat conformari Christo: & cum sensibus suis vim faciet, cogitet cui parti crucis conformis sit.

Quintò, confidat in virtute Christi, qui dixit: Confidite, ego vici mundum.

Sextò, vnâ tentatione superatâ aliam expectet, cum dæmon semper circumeat.

Septimò, non tantùm diabolus vincendus est, sed facendus cum tentatione prouentus, ac tentatio accipienda; v. g. superbiæ, vt ad humilitatem adhortatio & inuitatio.

Octauò, dum pugnas, pugna quasi perpetuam deinde pacem habiturus, quia sæpè generosis animis Deus hoc largitur: sed cum vicisti, geras te quasi mox pugnaturus.

Nondò, fuge semper occasiones peccati.

Decimò, principiis occurre.

Undecimò, cogita dulcius esse vincere tentationem, quàm peccatis consentire: atque ita compara dulcedinem victoriæ, dulcedini peccati, non pugnam voluptati.

Duodecimò, ne putes à Deo te derelictum, aut ei ingratum, iustos enim probare solet, sed humilia in primis spiritum tuum, ne ruas in superbiam.

Alia praxes ac remedia.

PRIMò, obserua præsentissimum esse remedium fingere sese inter Christum & diabolum, vt in imagine est, vtriusq; in nos merita, affectum, &c. perpendere; & mox opem Domini implorare, atq; occasiones vitare. Sic Lutho dictum, vt statim è Sodoma egrederetur, & in monte saluum se faceret. Eoque item pertinet à tentatione eiusque materiâ memoriam & imaginationem auocare; siue occupatione, siue cogitatione, quam aliquando quis abripi solet, vt esset casus tristis, aut admirabilis, vel eiusmodi. Id maximè in carnis tentatione, scrupulis & molesti-

R

oribus

*Via crucis
est via cæ-
li.*

*Superatâ
tentatio
virtutem
oppositam
confert.*

*Victor non
victus gau-
det.*

*Deus ten-
tando nos
probat.*

*Tentatus
inter Chri-
stum &
diabolum
medius.
Gen 19.
Animus in
tentatione
diuertendus.*

oribus tentationibus blasphemix, &c. locum habet: vti etiam in minutis ac friuolis, quæ vt muscæ, non gladio, non hasta, abigendæ, sed leni flatu: aut certè negligendæ, vt canis latratus ab equite solet; suauiter enim equitat quem gratia Dei portat. Auerrat ergo se suauiter, oculosque ad Deum conuertat absque perturbatione: & actu vno, si libet, contrariæ virtutis elicit, vel potiùs amoris Dei, qui omnia complectitur, pergat in viâ stadioque virtutis.

Matth.

26.

*Oratio
tentationis
remedium.
Ab.c.2.*

Secundò, confugiendum ad orationem. Orate, ne intretis in tentationem, ait Dominus: neque ab eâ desistendum, donec redeat tranquillitas. Ita Dominus in horto orauit, donec ab Angelo confortaretur; neque deerit ipse, si quis perseuerauerit, quia veniens veniet, & non tardabit.

Psal. 120.

*Præsen-
tia Dei
tentationis
remedium.*

1. Cor. 10.

Dens 13.

*Deus pro-
bat nos.*

Psal. 26.

Tertiò, mox vt tentatio ingruit, eleuandus saltem oculus in Deum præsentem, cum Dauid dicente: Leuaui oculos meos in montes, vnde veniet auxilium mihi. Cogitatio autem ea sic suscipienda est: Ecce Deus videt hanc tentationem, & permittit, certoque certius non patietur me tentari supra id quod possum; sed in tantum, vt, si velim, facere queam cum tentatione prouentum. Tentat me Deus, & probat an sim fidelis, vt si sponsus sinat tentari pudicitiam sponsæ; Rex fidem ducis sui: & si hîc sciret se superari non posse, nisi omnino vellet, & simul à Rege videri, qualiter putas se gereret? dic itaque cum Regio Propheta: Etiam si consistant aduersum me castra, non timebit cor meum; dæmon siquidem violentius, vt femina, quo timidiore nos reperit, minusq; Deo confidentes, insultat: quique gigas & leo est torpido, fidenti in Deum nanus & formica apparet, vt in Vitis Patrum narratur.

*Vita Pa-
trum.*

*Patientia
necessaria.
Gregor.*

Quartò, patientia etiam necessaria est: nam impatentia superbiæ manifestum argumentum, iram Dei prouocat: vt apertè ait Gregor. Qui appetit plenè vitia vincere, studeat humiliter purgationis suæ flagella tolerare. Cum Deo enim contendere non possumus, nec dicere ei: Cur sic facis?

*August.
Crucifixus
tentationi
relittit.*

Quintò, considera, Christum velut crucifixum: stringe illum, eiusque pedes osculare, & lateri adhære: nihil præstantius reperit S. August. quàm eum amplecti, intueri, & protestari, & auertere hoc pacto cogitationem: itaque cum aduersario non contendere, sed eundem contemnere: nonne enim potius est loqui cum Deo postulando adiutorium, quàm cum dæmone præliari?

Climach.

Sextò, cum primum poteris, explica tentationem Patri spiritali: nullum præsentius remedium omnium sanctorum Patrum iudicio, aded vt Climachus referat olim Religiosos etiam tabellas circumtulisse, vt incidentes cogitationes

nes annotarent, quas deinde aperirent : additque, qui cæcum duce, pastore gregem, viæ ignarum ductore, infantem patre suo, ægrotum medico, gubernatore nauim destituit & fraudat, vtriusque periculum parat: qui verò sine Patris auxilio contra spiritus nequam pugnare nititur, ab illis occiditur. Idcirco in confessione vtiliter tentationes aperiuntur, non quod sint peccata, sed peccatorum semina: quæ hoc pacto opprimuntur in semine. Id tamen consilii, nec scrupulosis, nec mulieribus passim dederim, neque iis qui pusillanimes sunt, vt minuta scilicet consecretentur.

Septimò, principiis obstandum strenuè, & portæ obserandæ sunt memoriæ ac voluntatis nostræ; atque, vt ita loquar, pes suspendendus, id est, affectus, donec perspicuè constet quid velle oporteat. Beatus, ait Propheta, qui tenebit & allidet paruulos Babylonis (scilicet prauos instinctus) ad petram, id est, Christum IESVM.

Dici non potest, quantum præsidium, memoriam mox purgare noxiis cogitationibus, & vitare omnem admonitionem rei cupitæ: atqui, vt id rectè fiat, bonis ea cogitationibus ex iis quæ videmus & audimus efformatis, præocupanda est virtutis studio.

Octauò, occurrendum tentationi, & (vt dici solet) arma paranda in tempus belli. Considerabis igitur (quod iterum monui) ad quæ vitia sis magis propensus, v. g. superbiam, &c. illiq; occures. Primò, frequenter de eius turpitudine, & virtutis contrariæ pulcritudine cogitando. Secundò, de ea loquendo. Tertiò, actus contrarios humilitatis exercendo. Idem in aliis faciendum existima.

Nonò, vitanda omnis tristitia & inquietudo animi: quia vt ortâ tempestate tenere cursum difficile; & cum seditione omnia commouentur, consilia maturè capi nequeunt, sed in arena, vt dici solet, neque hosti commodè resisti: ita prorsus in anima contingit. Curandum igitur ante omnia. Primò, ne appetitu boni alicuius, aut odio mali inquietetur, oratio negligatur: committendaque omnia diuinæ providentiæ, & illius vna voluntas desideranda: nescis enim quâ viâ eundum, quid expediat. quid ergo meritò anxie petis, aut times? aut de quo immoderatè gaudes, aut doles? id fortè maximè noxium, quod maximè appetis; & contrà. Secundò, suauiter, ordinatè, non anxie adhibenda sunt ea, quæ necessaria maturè iudicantur, vt id quod optamus consequamur. Tertiò, vtile erit, confessario aut amico, vulnus hoc aperire; neque si lapsus quis fuerit, idèd perturbationi locum dare conuenit, aut asperius in se inuehi, sed humiliter ad Dei thronum confugiendum, & gratiæ agen-

*Aperiendæ
tentationes
Patri spi-
rituali.*

*Psal. 136.
Initio ob-
stendum
animus*

*præocu-
pandus vir-
tutis stu-
dio.*

*Animi ma-
la propen-
sio conside-
ratione ro-
frenanda.*

*Animi
quies con-
seruanda
Nota.*

Nota.

da, quodd grauiora quis non commiserit Dei beneficio atq; manu sustentante: quod alias procul dubio futurum erat.

Alia praxes, seu remedia contra vitia Capitalia.

Vita Christi eiusque doctrina est antidotum contra omnia vitia.

Luc. 18.

Matth. 5.

Luc. 6.

Matth. 5.

Matth. 5.

Matth. 11.

*Psal. 118.
Psal. 26.*

CONTRA SVPERBIAM vide humilitatē Christi, & miseriam ac malitiam nostram; eiusque auxilio implorato sententiam aliquam animo versa velut antidotum & amuletum. Quid fui, sum, & ero? Omnis qui se exaltat humiliabitur, & qui se humiliat exaltabitur.

CONTRA AVARITIAM valet paupertas **JESU** Christi, qui propter nos pauper factus est, cum diues esset. Audi illum, & si credis asserenti, vicisti: Beati, ait pauperes spiritu, quoniam ipsorum est regnum cælorum. & rursum: Væ vobis diuitibus, qui habetis hic consolationem vestrā.

EXPVGNA LVXURIAM, intuendo Christi **JESU** puritatem: virgo enim fuit, virginem elegit matrem. Agnus immaculatus: & qui illum sequuntur, quocumque ierit, virgines sunt. Si verò voluptas trahat, audi pronuntiantem: Beati qui lugent, quoniam ipsi consolabuntur: & dicit: **O JESU** crucifixe, ô vera delectatio, libera me, ô dulcedo ineffabilis, per sanguinem tuum à cæco hoc infami, inextricabili & æterno malo. Amen.

CONTRA INVIDIAM, Christi charitas stabit: qui pro inimicis mori dignatus est. Deum ergo sic appella: **O Deus meus**, ex te, in te, & pro te sunt omnia; da mihi charitatem veram: etenim in hoc cognoscent omnes, quod discipuli tui sumus, si dilectionem habuerimus ad inuicem.

DAMNAT GVLAM Christus, in cruce felle & aceto potatus: aspice in eum, & sanabere, & audi dicentem: Beati, qui esuriunt & sitiunt iustitiam, quoniam ipsi saturabuntur.

MODERARI IRAM discite à Christo patiente, & tam longanimi super innumeris hominum malis & blasphemis: sic enim ille voluit: Discite, ait, à me, quia mitis sum, & humilis corde.

SI ACEDIA TE OPPVGNAT, considera **JESUM** baiulantem crucem, & quanta pro tua salute fecerit; audi dicentem: In laboribus à iuuentute meā.

In omni tentatione hâc oratiunculâ vti potes.

TEntas me, Domine, an amem te, neque tamen ultra id quod possum. Scio, quodd sine gratia tua spernerem te, ô omne bonum, ut teterrimo hosti placerem: æternum luiturus; momentaneum gaudium, ac iuravi & statui custodire iudicia iustitie tue. *Adiutor meus esto, ne derelinquas me, neque despicias me.*

Alie

Alia remedia.

Primò, manè cogitationes, verba, & actiones illius diei prospice quoad potes: atq; eas ad Dei gloriam dirige, cum protestatione corā Deo, & curiā ejus, & Angelo Custode nominatim, quòd me minimo quidē peccato tantam maiestātē offēdere scīēs eo die velis, ac mortē potius obire.

Secundò, conterere toto corde, & nominatim de peccato, si fortē aliquando commisisti ad quod tentaris, & abnegare rem illam, quā est occasio & obiectū peccati: hic enim est funis, quo quis trahitur in interitum, præscindendus omnino: nec refert an affectus & sensus maneat: voluntatem enim Deus inspicit, seu in bono, seu in malo, quam & solam coronat aut damnat. Neque te commoueat hostis importunitas: nemo læditur nisi à seipso etiam in hac pugna.

Tertiò, accipe clypeum fidei, & illius actum exerce etiam recitando attentē Symbolum. dura ceruix esset, quæ tantis in eo recensitis beneficiis non flecteretur: ideoque in hora mortis pronuntiari consuevit: idque est quod Apostolus suadet, assumere clypeum fidei, in quo possumus omnia tela nequissimi ignea extinguere. Secundò, spei in Deum actum elice, & diffidentię tui. Tertiò, charitatis, quod breuiter sic facies: Credo Domine, & in te spero; & toto corde te diligo. ex te enim, & pro te, & in te sunt omnia.

Quartò, inuoca Sanctos, qui virtute contraria claruerunt, & maxime B. Virginem, quæ verè castrorum acies ordinata. Per immaculatā conceptionē eam rogasse in gravi luxuriæ lucta, multis salutare fuisse, vsu compertum est.

Quintò, neminem iudica de vilo vitio: quia verissima illa sententia: In quo tu alterum iudicas, in eo teipsum condēnas, & ferē nemo est qui id expertus non sit. Justo siquidem iudicio simili punitur tentatione, qui alium seuerē iudicat & damnat. Ita in Vitis Patrum, cum adolescens durē à seniore, cui carnis tentationem aperuerat, correptus esset, ab eādē pulsatus fuit senex, ac tantum non superatus. misericordes verò misericordiam consequentur. Dignatus es, &c. vt sup. pag. 10.

IACVLATORIA.

Domine vim patior, responde pro me.

In te, Domine, speraui, non confundar in æternum.

In nobis, Domine, non est tanta fortitudo, vt possimus huic multitudini resistere, quæ irruit super nos, sed cum ignoremus quid agere debeamus, hoc solum habemus residui, vt oculos nostros dirigamus ad te.

*Matutina
deliberatio
malum
præueniens,
utilis.*

*Contritio
de præcedente peccato.*

*Actus fidei, spei & caritatis
tentationes
extinguunt.*

*Sanctorum
inuocatio.*

*Rom. 2.
Alium facile de aliquo vitio
iudicans
in idem femper incidit.
Vita Patrum.*

*Isaia 38.
Psal. 30.
2 Paral. 20.*

Psal. 58.

Deus in adiutoriū meū intēde; Domine, ad adiuuādū me festina.

Psal. 59.

Eripe me de inimicis meis, Deus meus, & ab insurgentibus in me libera me.

Psal. 53.

Deus in nomine tuo saluum me fac, & in virtute tua iudica me, quoniam alieni insurrexerunt in me, & fortes quaesierunt animam meam.

Psal. 30.

Illustra faciem tuā super seruum tuum, saluum me fac in misericordiā tuā.

CAPVT XI.

De impedimento Acediæ submouendo per ardens profectus & orationis desiderium, ad quod excitandum septem considerationes seu stimuli proponuntur.

Desiderium feruens optimum orationis condimentum.

Isaia 26.

Psal. 81.

QUEMADMODVM fames non tantum est optimum ciborum condimentum, sed etiam vt corpus reficiatur plurimum confert: ita desiderium feruens, pietatis studium & exercitationes pias mirifice commendat ac promouet, maxime verò orationem; cumque eam præcedit, magnâ condit suauitate, & fructuosam animæ efficit. Huiusmodi certè habebat Isaias dicens, Anima mea desiderauit te in nocte, sed & spiritu meo in præcordiis meis de manè vigilabo ad te. Excute igitur torporem omnem in virtutis exercitiis: dilata ante orationem desiderio os tuum, & implebit illud Dominus; & dabit tibi petitiones cordis tui.

Eccl. 10.

Si verò torpidus fueris, vide ne tibi accidat, quod viatori tardo & ignauo; is enim laborat & lassatur, & in urbem non pertingit, iuxta illud: Labor stultorum affliget eos, qui nesciunt in urbem pergere.

Septem considerationibus id excitandum.

Ier. 48.

2. Cor 9.

Ad desiderium hoc perfectionis acuendum cum videbitur, iuuare poterit aliqua ex his septem considerationibus quæ subjicientur. Sic quoties remitti animum ad pietatis exercitia & torpescere senties, ex iisdem collige vnde eum promptum & alacrem in diuinæ Majestatis obsequio reddas. Maledictus enim homo est qui facit opus Dei negligenter: hilaremque datorem diligit

Desu

Deus, neque sibi ex tristitiâ aut necessitate, sed bona voluntate optat seruire.

Hanc vt habeas & augeas, primò sæpè statue ante oculos tuos creationis tuæ finem, atque ante omnia diuinam præsentiam, quâ nihil efficacius ad opera pia strenuè faciendâ, & orationem rectè perficiendam. Pluribus hæc jam suprà c. 1. tractata sunt, & infrâ tractabuntur.

Secundò, attende seriò hanc forsitan nouissimam actionem, v. g. orationem fore, & occasionem Deo opt. max. supplicem pro æternâ salute libellum offerendi.

Tertiò, vide quot mala te circumdant, à quibus, nisi ad virtutem & orationis asylum confugas, liberari non possis.

Quartò, aspice Sanctorum feruorem, eoquæ te languentem accende.

Quintò, audi Ecclesiam matrem vndique ab hostibus oppugnata, à te petentē strenuos in virtute progressus & orationum subsidium; imò & Christum Dominum, qui amore nostri in Venerabili Sacramento nobiscum permanere dignatus est, & exponere sese mille injuriis, quibus eum quotidie improbi afficiunt, quasque vitâ sanctè institutâ & oratione, bonâ parte posses auertere.

Sextò, neque minùs te excitabit animarum imploratio, quæ in Purgatorio detinentur, & orationum suffragium efflagitant. ô quàm piè & fructuosè vnâ horam, si daretur, impenderent!

Septimò, fac te videre animarum pereuntium numerum, & orationibus atq; omni pietate adiuuare contēde.

Exercitium supradicta motiua complectens.

DE fecit caro mea, & cor meum, Domine Deus meus, longè à salute meâ verba delictorum meorum. ô Domine, quando respicies, quando restitues animam meam à malignitate hostium meorum, & à leonibus vnicam meam? Ecce dereliquerunt me vires meæ: memorare, quæso, quæ mea substantia, nōne ventus est vita mea, & forsitan illius extrema

1 fine creationis & Dei præsentia propositâ.

2 nouissimâ hac fortè horâ.

3 malis circumstantibus.

4 Sanctorum feruore.

5 Ecclesiâ preces expetente.

6 animabus Purgatorii suffragia postulanti-
bus.

7 multitudine pereuntium.

Psal. 72.

Psal. 21.

Psal. 34.

- Iob. 7.** est hora quâ licebit in tempore miserendi alloqui te, ô Pater misericordiarum, & operari pro te? Multiplicati sunt qui tribulant me super capillos capitis mei, qui oderunt me gratis, & insuper timor & tremor venerunt super me, & contexerunt me tenebra: non legere libet, non delectat, meditationes solitas non inuenio. Eheu! ubi est illa inebriatio spiritus? ubi mentis securitas & gaudium, & pax in Spiritu sancto? Attenuati sunt oculi mei, suspicientes in excelsum, quando apparebo in conspectu tuo, in concilio iustorum, & congregatione sanctorum tuorum caritate summâ ardentium: quo pacto succurrâ Ecclesiæ matri opem poscenti: quomodo solabor gementes in Purgatorio animas sponsas tuas? quis mihi tribuat, ut auertam ab interitu suo precioso sanguine tuo redemptas, ad quas infernus dilatauit os suum!
- Bern. serm. 4. in Cant.** Obsecro, Domine, da mihi incensum offerre dignum in conspectu tuo, & vitam in melius instituere. Velociter exaudi me, quoniâ defecit in me virtus mea, quoniam benigna est misericordia tua. Da mihi operari cibum qui non perit, in vitam eternam. Da mihi pro te viuere, & laborare vsque ad defagationem; & ne, obsecro, sinas ut prudentiores sint filij huius sæculi filiis lucis in generatione suâ. Et verò qui quotidie pascor celesti mannâ, & cibo fortium, ignauus esse potero? cui quotidie ex infinitâ, & ardenti charitate propinas tuum sanguinem, poterit surrepere maledicta tepiditas? Ita Domine, ita Domine, id eoq; Apostolus tuus aiebat: Inter vos multi infirmi & imbecilles, & dormiunt multi. Respice verò bone Iesu spes mea, respice in me secundum multitudinem miserationum tuarum, & ne auertas faciem tuam à puero tuo, intendente anima mea, & libera eam propter inimicos meos eripe me: tu sis, Domine, improprium meum, & confusionem & reuerentiam meam: in conspectu tuo sunt omnes qui tribulant me. Si respicere dignatus fueris, sicut fluit cera à facie ignis, sic peribunt omnes peccatores; & inimici mei à facie tuâ; & exaltabo te Deus meus Rex, & benedicam nomini tuo in sæculum, & in sæculum sæculi. Amen.
- Isaiæ 38.**
- Psal. 110.**
- Feruoris propositum.**
- Applicatio ad Communionem.**
- 1. Cor. 11.**
- Psal. 68.**
- Psal. 67.**

Meditatio de tepiditate & acedia.

ORATIO præparatoria solita.

COMPOSITIO LOCI. Aspice supra te velut cælum apertum, atque ibi Beatos de momentaneo labore exultantes; infrà, damnatos de momentaneo gaudio vlulantes.

ORATIO, vt suprâ.

PUNCTVM I. Considera Primò damna acediæ: multam enim malitiam docuit otiositas. Et Primò, tentationi omni exponit, quia tristitiam adducit & paupertatem; quia dum tempus est, negligit seminare & operari. Secundò, est velut tinea virtutum ac meritorum, cùm omnia à tepido imperfectè fiant: homo enim instar limacis ad omnia tardus euadit, consolationesque ipsa spirituales arefacit, facitque plenum suspicionibus, & desideriis vanis: denique maledictus est homo qui facit opus Dei negligenter: vsque adeò vt talem dicat Dominus se euomere ex ore suo. quid infelicius? neque hoc tantùm, sed & talenta quæ dederat, aufert à pigro, atque eadem habenti ac diligenti largitur. Aspira vt sup. pag. 8. *Hæcine firmâ*, & c. ibid.

Tertiò, adducit acedia hominem in periculum lapsus grauis. nam, vt Cassianus, non subita ruina credenda, si aliquis labi visus, sed sensim vitiis increbrescentibus casu miserabili concidisse existimandus est. Quartò, id quod longè grauissimum, periculum magnum est numquam emergendi ex tepiditate. Qui enim in peccatis est, adhuc conuersionis fiduciam non amisit: qui verò post conuersionem tepuit, etiam spem quæ esse potuit de peccatore, subtrahit. Ratio verò est, quia nascitur ex tepiditate mala consuetudo: &, vt August. dum consuetudini non resistitur, fit necessitas. Considera præterea feruentium gaudia, tepidorum molestias: coguntur enim portare pondus diei & æstus, & tamen nequeunt solatia participare, cùm conscientia perpetuò vrgantur, atque inter

Eccl. 33.

Acedia

tristitiam

& pauper-

tatem spi-

ritualem

parit.

Acedia

velut tinea

anime est.

Deut. 15.

Apoc. 3.

Matth. 25

Collat. 6.

c. 7.

Nemo

repente fit

malus.

Gregor in

pastor.

c. 35.

Tepiditati

assuetus

difficiliter

emendatur.

Lib. 8.

Confess.

c. 5.

Matth. 20

*Tepidus
verè est
miser.
Ser. 6 de
Ascens.
Domini.*

mundi & Dei gaudia locati, neutris frui possint, desideriiſque moleſtiſſimis ferantur ; adeò vt Bernardus dicat : Num tibi horum tepidorum vita inferno potiùs appropinquare videtur, dum intellectu affectui, & affectu intellectui repugnante neceſſe habent mittere manum ad opera fortium, qui cibo fortium minimè ſuſtentan-
tur ?

Hæcine vera, vt ſuprà pag. 7.

*Matth. 3.
Feruida
Chriſti
Sanctorum
exempla
acediam
noſtram
expellunt.
l. 10. c. 25.*

*Feruor
mundano-
rum in
tèporalia.
Vita bre-
uis, ergò
ſedulo
laborandū.
2. Cor. 9.
Ephr. in 2.
Domini
Aduentu
10. 1.*

PVNCTVM II. Conſidera illa verba, „Omnis arbor, quæ non facit fructum bonum, excidetur. Secundò, labores Chriſti pro tuâ ſalute ſuſceptos, pœnitentias, orationes, legis obſeruantiam, etiãſi non teneretur, Tertiò, Sanctorum labores, Apoſtolorum, Martyrum, pro ſuâ ſalute conſequendâ ; & accingere ad opus. illud enim remedium optimum docet Caſſianus. Conſidera Quartò feruores eorum omnium qui Religiones ingre-
diuntur : vide pompam virginum mundo valedicentiũ. Quintò, vt omnia creata ſtrenuiſſimè laborent. Sextò, homines mundo deditos, honoribus & operibus inhian-
tes. Septimò, breuitatem vitæ noſtræ, quodque nox veniet fortè hodie, quando non licebit laborare. Octa-
uò, quod hilarem datorem diligat Deus. Nonò, no-
uiſſima conſidera, & tempus irrecuperabile præterire : vnde ne ſimus hîc negligentes cariſſimi mei, vt non per infinita ſæcula pœnitentiam agere cogamur, ait B. Ephrem. *Aſpira vt ſup. pag. 8.*

Hæcine firmâ fide, vt ſup. pag. 7.

*Prov. 12.
Ezech. 16.
Prov. 21.
Iob. 5.*

1. Cor. 3.

PVNCTVM III. Conſidera quomodo Scriptura in-
uehatur in otioſos. Qui ſectatur, ait, otium, ſtultiſſimus eſt : vnde etiã hæc iniquitas Sodomæ fuiſſe dicitur : & alibi : Omnis piger ſemper in egeſtate erit. Secundò, conſidera, hominem natum ad laborem, ſicut auis ad volandum, & vnumquemque propriam mercedem accepturum ſecundùm ſuum laborem. Tertiò, conſidera quid in hoc mundo vtile ac pulcrum, aut iucundum, in victu, veſtitu, quod ſine labore à nobis aut à beſtiis ha-
beri

beri possit: imò omnia operantur, cælum & terra, Deus etiam ipse. Pater meus vsque modò operatur, & ego operator, ait Dominus; & tu torpere & otiosi auderes? Quartò, considera stagnantia & torpida omnia putrescere, hebescere ferrum, & rubigine obduci, sine vsu, &, vt Ambrosius, tentare otia, quos bella non fregerunt. Quintò, vide, vt periculum omnia perdendi merita adeant tepidi, sicut & peccati grauissimi, & numquam mergendi ex torpore, vt suprà dixi, quia scilicet se sanctos putant: deinde quia temptationibus omnibus otiosi expositi sunt. hinc Matthæus: Dum dormirent homines, zizania superseminata sunt: Israëlita ad idòlolatram per otium illecti: Samson victus, & Dauid ac Salomon ceciderunt. Sextò, Dominum attende operariis dare mercedem, non otiosis; & eum qui parcè seminat, parcè & metere. Septimò, præmium immensum considera, & pudeat ob obolum mundanos ita strenuos, te tam pigrum ob æternitatem. *Haccine vera*, vt supr. pag. 7. vel Oratio vt suprà. Defecit, &c. vt sup. pag. 263.

Natura ipsa torporem horret.

Serm. II.

Cass. collat. 4. c. 19. Matt. 13. Exod. 31.

Matt. 20.

Praxis ad teporem abijciendum.

Considera in secreto cordis tui signa tepiditatis. Primò, horrere difficultates, abiecto animo esse & pusillanimum in arduis, desperare finē, & hinc otium quærere, tempusque perdere. Secundò, diuinis non delectari, at facile fatigari, frigide Sacramentis uti, & absque conatu ad feruorem; remissè orare, ac sine attentione: vagis orationi interesse oculis, spueri, aliorum defectus notare, illis suos velare, fictè confiteri, verbum Dei grauatè audire, examinare se perfunctoriè, & ægrè colligere. Tertiò, zelum non sentire, consortia hominum quærere ad fastidium leuandum; alios obseruare, censere, ac iis obrectare. Quartò, effundere se in corporis commoda, memoriâ repetere mundanorum gaudia, ad ea suspirare, diuinos instinctus ad vitæ seueritatem non aduertere, vndique emendicare solatia, honorificè haberi velle, & honorifica affectare. Quintò, negligentem esse in iis quæ præcepti & consilij, circumstantias ac cærimonias facile omittere, inconstantem esse, disciplinam grauiter ferre, ac

Sex signa tepiditatis

*Alia signa
ex Firmano.*

*Parua
superando
alacriter
paulatim
acediam
tollit.
Acediam
tollit im-
posita tibi
necessitas.*

ac tardè obedire, indignari melioribus, putare quòd alibi meliùs proficeret. Sextò, excelsa vox, sermo rigidus & superfluus. Hæc ferè ex Bernardo Serm. 6. de Ascens. Casiano l. 10. c. 2. 3. 4. item l. 12. c. 25. 26. 27. Seraphinus Firmanus: Tepidus, inquit, dicit, Non est iam vita Sanctorum, verbaque mouet otiosa, captiosa, cauillis plena, curiosa, inania; securè in dies recedit, teporem excusat per discretionem, arrogantiam dicit maturitatem.

Secunda, à paruis incipere vtilissimum, eaque constanter agere potius quàm multa complecti: sic enim crescit animus, & ad ardua comparatur.

Tertia, necessitatem sibi imponere, vel voto pœnali, aut sponsione, aut aliter. optima certè hæc necessitas secundum Augustinum, quæ ad meliora compellit. Obseruandum autem, hæc non inceptare quempiam oportere, nisi multâ præmissâ oratione, aut saltem crebriore, cum nullum propè genus morbi. difficilius curetur. Alias toto propè libro praxes reperies.

Dignatus es, vt suprâ pag. 10.

JACVLATORIE.

Psal. 41.

Psal. 4.

Psal. 70.

Psal. 6.

Psal. 37.

Ibid

S Itiuit anima mea ad Deum fontem viuum.


V s quequo graui corde, vt quid diligitis vanitatem, & queritis mendacium?

N e projicias me in tempore senectutis, cum defecerit virtus mea, ne derelinquas me.

L aborauit in gemitu meo, lauabo per singulas noctes lectum meum, lacrymis meis stratum meum rigabo.

N on est sanitas in carne mea, à facie iræ tuæ: non est pax ossibus meis, à facie peccatorum meorum.

M iser factus sum, & curuatus sum vsque in finem: totâ die contristatus ingrediebar.





NONÆ IMAGINIS

ANNOTATIO.

Mors instat , vita fugit ; quid cessas viator ?

Considera *A* tempus vitæ incertum, breve, volucre. Fingitur illud personâ grandæui senis ; quia in singula momenta innouatur , consenescit , labitur simul ac emoritur tempus. Vtere igitur quasi mox transiture. Ejus fluxum horaria *B* clepsydra notat ; ab hora autem & vitæ filo pendet æternitas ; in quam mors nec opinantes rapit. Æternitatis hieroglyphicum veteribus est anguis circum faciens ; qui a hic neque principium , neque finem habet : & ipsa à filo fragilis hujus vitæ dependet. Fugit hæc instar *C* fumi, bullæ, sagittæ, navis, fluminis, anis, cerui, ac verni floris : *D* messis instar decerpimur ; ac velut *E* candela extinguimur, flatu minimo. Vigilandum itaque : nam *F* securis ad radicem posita est. Qui sapiens, est custodiet hæc , & viuet : agetque omnia quauis hora, quasi *G* nouissima foret, vt monet Angelus. Et meritò, hanc enim felix aut infelix *H* æternitas exceptura est.

CAPVT XII.

De secundo stimulo perfectionis ; qui est de morte, ac fugacitate vitæ, meditatio.

PRAELVDIVM I. erit contemplari ea, quæ in imagine proponuntur.

Secundum, petere gratiam, vt diligentem rationem temporis & occasionis, quæ modò offeruntur, habere possis.

*Vita hæc
fugax.*

Sap. 5.

*Vanitas vi-
ta huma-
næ.*

Galat 6.

Ioan. 12.

Luc. 13.

PVNCTVM I. O viator, vides, vbi stes, quàm fugiat vita tua, quæ te expectet æternitas? Obsecro te, quid moraris vel ad momentum conuerti? quem expectat æternitas, quem spectat Sanctissima Trinitas, & tota cælestis curia, adspice vt omnia quæ circa te sunt, fluant; adspice & considera vitam hanc, diuitias, honores, ac voluptates instar nauis, fluminis, volucris, sagittæ, fumi ac floris fugere. quod Salomon eleganter expressit: Transierunt, ait in personâ impiorum, omnia illa tamquam vmbra, & tamquam nuntius percurrentes, & tamquam nauis quæ pertransit fluctuantem aquam: cuius, cum præterierit, non est vestigium inuenire, neque semitam carinæ eius in fluctibus: aut tamquam auis, quæ pertransvolat in aëre; cuius nullum inuenitur argumentum itineris: aut tamquam sagitta emissâ in locum destinatum, diuisus aër continuo in se reclusus est, vt ignoretur transitus illius; sic & nos nati continuo desumus esse. Spes enim impii tamquam lanugo, quæ à vento tollitur; & tamquam spuma gracilis, quæ à procellâ dispergitur: & tamquam fumus, qui à vento diffusus est, & tamquam memoria hospitis vnus diei prætereuntis. Itaque dum tempus est, operemur bonum, & ambulemus dum lucem habemus, ne tenebræ nos comprehendant, & januâ clausâ audiamus illud triste: Nescio vos. *Aspira*, vt sup. pag. 8. *Hæcine firma fide*, ibid.

Secundò, attende, quid de præteritis lustris, annis, mensibus & transitoriis rebus, vbi transierunt, supersit; nihil

nihil sanè, nisi benè vel malè factorum iucunda aut tristis recordatio & æternitas. quocirca statue, vtram hanc ex horâ perpetuam habere malis; & quo pacto jam orare, viuere, &c. Sanè nemo sapiens vnâ horulâ epulari, recreari, honorari optabit potiùs quàm æternum. *Hæcine vera.* vt sup. pag. 7.

PVNCTVM II. Memoriâ repete casus repentinos eorum, quos aliquando nosti, & attende ac appende tibi & cuius accidere posse, quod cuipiam; ac horam omnem velut vltimam ob oculos pone. Cæsarius ait, Omnis dies velut vltimus ordinandus est, tu etiam ad horam transfer: & cùm incertus sis, quo loco te mors expectet, tu illam omni loco expecta; siquidem talem te iudicat Deus, qualem te inueniet, cùm vocat, ait Cyprianus: atque ita ab horâ vnâ pendet longissima æternitas; hoc credis & non contremiscis? *Credo tibi,* vt sup. p. 7.

Sicut autem is, qui carceri inclusus, damnatusque cum aliis ad mortem, videns hunc illumue à latere suo ad supplicium citari, non ludo fallit tempus, sed rebus suis consulit: ita facito. quòd si verò is veneno vitam finire deberet, ei que septem panes in dies septem dati essent, quorum vnus foret veneno infectus; quo sensu, putas, quotidie panemsumeret? Aut si adhiberetur quis epulo, in quo totidem fercula, vnum verò lethale; quanto ex mortis recordatione cum timore ea attingeret? Eundem affectum indue, & Omnem crede diem tibi diluxisse supremum, imò horam, vt tua omnia perfectè facias, juxta illud D. Tho. Alius, ait, est mos Dei, quo omnia opera sua in sūmo bene fecit; similiter & nos diligentiam apponere debemus, vt singula opera nostra, quanto vnquam meliùs possumus faciamus; ex omni virtute Domini nostri Jesu Christi, & cum omni desiderio triūphantis & militantis Ecclesię, & sub nomine Creatoris: quasi tota salus nostra, & omnis laus Dei, & vniuersitatis vtilitas ex vno opere dependeat: quasi numquam ad id opus reuersuri, neque opus aliud postmodum

*Quid de
præteritis
supereſt.*

*Cæsarius
Omnis ho-
ra velut
vltima ha-
benda.
Cyprian.
Simile.*

*S. Th. opus.
de diuinis
moribus.*

*Omnia
perfectè
facere o-
portet,
Deumq;
imitari.*

dum

dū incepturi. Etenim deus cadunt velut in conferta turba mortales, mortis iaculis confecti. Mortem igitur omnibus horis impendentem time, & occasione utere, quæ nunquam, ubi semel abierit, reditura est. O Rex regum, ut infra.

*Prov. I.
Vocationi
Dei paren-
dum.*

Ioan. 8.

I. Reg. 15.

I. Cor. 6.

PUNCTVM III. Considera occasiones rectè agendi quas iam habes, ac simul inspirationem ad eas non negligendas: etsi etenim vita prorogetur, non tamen tempus in quo Dominus recordetur nostri. siquidem si, postquam Dominus vocauit, occasionem offerendo, ea à nobis negligatur, iustè etiam nos deinde negligit. Vocauit, ait, & renuistis; extendi manum meam, & non fuit qui respiceret; ego quoque in interitu vestro ridebo. Quid enim dignius, & quid iustius? Non audimus? non audimur: non respeximus? non respicimur. Qui ex Deo est ait Veritas, verba Dei audit, propterea vos non auditis, quia ex Deo non estis. Non audis ergo Deum sic monentem? time itaque ne non sis ex Deo. Audi verò etiam Samuelem Sauli sic intonantem: Pro eo quòd proiecisti sermonem Domini, proiecit te Dominus, ne sis Rex super Israël. Proiicere autem sermonem Domini videtur, qui ad Dei vocem audiendam non se, uti debet comparat, torpidè ad orationem & opera pia procedit, atque ita ineptum sese diuinis inspirationibus reddit, quas tunc ei Dominus largitus fuisset, quibusque forsàn, & aliàs non, esset salutem consecutus. Ait enim: In tempore accepto exaudiui te, diesque nostri non solum numerati sunt, quoad vitam temporalem, sed etiam sempiternam.

Exercitium pro actionibus piè ac rectè
perficendis.

*Iob. 14.
Breuitas
vitæ.*

O Rex regum & Domine dominantium, numerasti dies nostros qui præteriri non poterunt, & ecce hoc N. tempus mihi penitentiæ cōcessisti. Sed quamdiu hoc erit? Tu scis amantissime IESV. Quot sunt dies serui tui, quādo facies etiā de me iudicium?

iudiciū? tu scis, & sufficit mihi. Scio nō esse meū scire tempora vel momenta, quæ pater posuit in suâ potestate, Saluator mi, Benedictus sis in æternum. Sed redimere tempus meū est, quoniam dies nostri pauci & mali, cum verò illud vbi elapsum fuerit, nullo precio redimi, aut recuperari industriâ aut diligentia possit, te humillimè rogo, ò vita animæ meæ, da mihi vt redimā tempus, emptus à te precio magno. Da, dū lux est, operari salutē meā. Quæ autē illa nisi tu lux vera, quæ illuminas omnē hominē, vt veniat ad te? Ambulabo igitur ex hoc nunc sic N. N. coram te, dum lucē habeo, & ascendam ad te. Ecce enim, ò panis Angelorum, factus es mihi panis viatori, vt ambulē in fortitudine cibi illius vsq; ad montem Dei mei Oreb, & suauissimos amplexus tuos. Surgo igitur cum Heliâ, nam grandis mihi restat via, vt perueniam ad te ad quem suspiro.

Applicatio
tio ad
Communione

At quot dies, quibus mercari possum vno verbo regnum tuum? quibus mereri gratiam tuam, & emere mihi à te aurū ignitum charitatis tuæ? Eheu, vbi semel hoc momentum, hæc hora peregrinationis, quā iam tibi reconciliari possum, & volo toto corde, transierit, scio, scio, recuperari non poterit. Vbi sunt tot cōeui & Sodales mei, & noti N. N. mors eos aut se-
ra, aut prematura abstulit, qui tamen sibi ab atate aut viribus multos annos promittere videri poterant. Sed improui-
sum fore aduentum tuum illi didicerunt, & nos docuerunt, vt omni horâ & hâc essem paratus. Sūmne igitur? & vèctem habeo nuptialem charitatis tuæ? Certè Domine per gratiam tuā desiderio desidero amare te, adherere tibi, & vnum esse tecum. Miserere, & desiderium hoc pauperis serui tui exaudi, quo desidero te suscipere quanto possum affectu, & sic vitam & vationem meam instituere, & omnes actiones meas, quasi ex quolibet opere tota salus mea, & tota laus tua, & vniuersitatis vtilitas dependeret, quasi nunquā ad hoc opus reuersurus, quasi nullum aliud postmodum incepturus. Itaq; sic N. coram te ambulare volo, & perfectus esse, vt inueniam gratiam in oculis tuis. Nōne tempus est iam miserendi, Domine, tempus miserendi venit? Recordare igitur tot miserationum tuarum erga me N. & citò anticipent nos misericordia tuæ:

Vanitas
mundi.

Propositū
feruendi
Deo.

Ecce inclinata est iam dies, ecce venit nox, quando amplius nemo poterit operari, venit nox, sed aspirat etiā dies aternitatis, quæ nō habet occasū, cū te videbo, ō IESV, vnicū desiderium meū. Quando venies, ō sol iustitiæ, spes mea vnica, vnica fiducia, vnica vita mea! Veni, veni citō, veni, & noli tardare, relaxa facinora plebi tuæ, libera me à corpore mortis huius, vt in sanctitate & iustitiā iam seruiam tibi, & moriar, & viuam in æternum tibi, qui vixisti mihi & mortuus es, & viuus, & me expectas, donec des mihi te, & retribuas mihi. Amen.

Praxis.

Catalogum
habe ac
memoriam
amicorum
mortuorū.

PRIMÒ, contemplari aliquando ex editiore, si res ferat, loco ea quæ Sapiens cap. 5. de vanitate rerum humanarum eleganter differit, cogitando quot in vrbe ista vixerint mortales, & vbi iam sint, & c. tum verò id magis afficit, cū ruinæ apparent veteres, & casus magnarum vrbiū oculis, menti; obiciuntur: hac consideratione vitā tuam ordina.

Vide occasiones pietatis.

Secundò catalogum habere familiariū & notorum, magnorum maximè virorum, quos dum viuerent, suspiciebas, & videre vbi sit homo, & opera eius: percontari quasi ex iis quid de huius mundi rebus iam sentiant.

Tertiò, percurrere qualibet hebdomada vel mense vitā antea actam, & multa quæ euasimus diuina misericordia pericula; vt ex iis prouidi efficiamur & feruentes.

Quartò, quas occasiones pietatis quisq; habuerit & habeat percensere, maximè si oculos ad alios retrò conuertat, & chartas geographicas consideret; maximamque terræ partem & hominum, aut ignorantia aut malitia perire.

Cogita bonam supernam in omni actione.


Quintò, aliquando percurrere actiones suas omnes die aliquo solemniori dū, officio interest diuino, & secū dispicere, an non aliter eas in hora mortis fecisse voluisset: hoc enim plurimū illuminat intellectū, & voluntatē accendit.

Ordina omnes actiones tuas.

Sextò, sapius, cū dubij hæremus, vt animus ab affectu liber sit, & sincerius iudicet, cogitare quid iā nos, si hæc hora mortis foret, egisse optaremus: certè facile quis hac ratione iudicaret animū, vt inimico condonaret, facile torporē exenteret, Missam debitè audiret, conscientiā discuteret, & c.

In actionibus verò ordinandis; hoc in primis obseruandum, vt non tantū definitæ sint quoad modum, sed etiam quoad tempus: & prouideantur bona non solum coram Deo, sed etiam coram omnibus hominibus.

Septimò, sententiā etiā illā D. Thomæ antè allatā confide-



יהנה



AN

fidere plurimum iuterit: maximè, vt actiones vitæ præcipuas perfectè exequamur. *Dignatus es, vt sup. p. 10.*

IACULATORIÆ.

Considerando innumeros, qui hâc horâ æternum pereunt, dic affectu magno:

Ne perdas cum impiis, Deus, animam meam, & cum viris sanguinum vitam meam. Psal. 25.

Quid est homo, quod memòr es eius, aut filius hominis, quoniam visitas eum? Psal. 8.

Memento, Domine, quia ventus est vita mea; contra folium, quod vento rapitur, ostendis potentiam tuam, & stipulam siccam persequeris. Iob. 7. Iob. 13.

Ego dixi in dimidio dierum meorum, Ecce nunc capsi. Psal. 38.
Adiutor meus esto, ne derelinquas me neque despicias me Deus salutaris meus. Psal. 26.

DECIMÆ IMAGINIS.

ANNOTATIO.

Vide, quaeso, pericula tua, & ad pietatis & orationis asylum confuge.

Considera quomodo *A* mundus, *B* dæmò, *C* peccatum cum *D* morte te persequantur, & confuge ad crucifixum *E* Iesum, amantissimè ad se omnes inuitantem, cum ait: Venite ad me omnes, qui laboratis, & onerati estis, & ego reficiam vos. Ad *F* orationem quoq; ac Dei præsentiam velut ad asylum te recipe: sic magnus ille *G* Antonius, & plurimi Sancti viri, orationis armis de hostibus triumpharunt. *H* Moyses eadem Amalecitas superauit. hos imitare, ac magnis passibus ad Christum contende, eiusq; imitationem: omnis enim qui inuocauerit nomen Domini, saluus erit.

CAPVT XIII.

De tertio stimulo, timoris Domini, qui est Meditatio de periculis huius vitæ.

PRAELVDIVM I. seu COMPOSITIO LOC i, est qualis in imagine adumbratur.

PRAELVDIVM II. Oratio.

*Hofes plu-
rimi & po-
tentissimi.*

1. Par. 20.

*Attende
ruinas bo-
norum.*

PVNCTVM I. Considera Primò te vndique cinctum hostibus esse, mundo, diabolo, carne, & peccato, eiusque occasionibus; neque vllò vnquam tempore aut loco eos cessare ad internecionem te persequi. Credis? quid ergo factururus es? Secundò, eos esse potentissimos, vaferimos & pessimos, & ne quidem vnum eorum te posse absque singulari Dei præsidio & gratiâ superare. Tertiò, aduerte, quomodo Angelos è cælo peccatum deturbarit, & deinde Adamum ex paradiso, etsi illi in gratiâ & infinitis (vt ita loquar) præsidiis vallati essent. Omnè ergo operam adhibe, vt orationis fideique clypeo iacula excipias inimici, & extinguas. O Domine Deus exercituum, in nobis quidem non est tanta fortitudo, vt possumus huic multitudini resistere, quæ irruit super nos; sed cum ignoremus quid agere debeamus, hoc solùm habemus residui, vt oculos dirigamus ad te. *Credo tibi, &c. vt sup. pag. 7.*

PVNCTVM II. Considera ruinas bonorum, qui columnæ cæli videbantur, & Ecclesiæ Dei, postquâ annos plurimos sanctè pièq; vixissent, vti fecerat Hosius, Lucifer Calaritanus, Origenes, Tertullianus, &c, tam multi Religiosi, qui à Religione & sanctissimâ vocatione suâ, atque adeò etiam à fide persæpè apostatârunt. O iudicia Dei abyssus multa! Vide etiam, quàm multi penè vsque ad extremum vitæ multo te prudentiores & pietatis studiosiores, tandem in superbiam elati, per hypocrisis lapsi, miseri perierint. Causam horum malorum si exquiras à Sanctis, eam ferè audies; sinceram, puram ac seruentem orationem, & virtutis studium homines

eius

eiusmodi deseruisse, & sic tepiditate suâ Dei iram, eheu! *Tepiditas*
prouocasse. Cùm autem non sit peccatum, quod facit ho- *causa ruinæ.*
mo, quod non faceret alter homo, nisi Dei gratia adesset;
humilis esto in oculis tuis, & orationi & pietati diligen-
ter incumbere; sic B. Antonius de suis hostibus, sic Moy- *Exod. 17.*
ses de Amalech, & quotquot beati sunt in cælis, de in-
ferno triumphârunt. *Aspira*, vt supra pag. 8. *Hæcine firmâ*
fide credo, ibid.

PVNCTVM III. Considera hæc verba Christi in cru- *Matth. II*
ce velut coram pendentis: Venite ad me omnes qui la- *Psal. 118.*
boratis, & onerati estis, & ego reficiam vos. O quàm
dulcia hæc faucibus nostris eloquia tua, ô bone IESV!
at quomodò veniemus ad te, nisi traxeris nos in funi- *Iesu Chri-*
culis Adæ, in funiculis caritatis? Trahe, quæso, nos ad *sti suavis-*
te, vt curramus velut cerui ad fontes aquarum, qui iam *sima inui-*
laboramus, & ambulamus vias difficiles & incertas; de- *tatio.*
duc nos in viam mandatorum tuorum, & semitas tuas
edoce nos. onerati, eheu! sumus multis peccatis; adiuua
nos, & propter gloriam nominis tui libera nos; neque *Psal. 78.*
despicias nos, Deus salutaris noster.

Exercitium, vt à multis vitæ huius periculis
liberemur.

Circumdederunt nos inimici nostri vndique, & laqueum *Psal. 56.*
parauerunt pedibus nostris, & anima mea turbata est *Actus a-*
valde: turbatus est à timore oculus meus, & inueteraui inter *gnitionis*
omnes inimicos meos. Quis deducet me in ciuitatem munitâ? *miseriæ*
quis me liberabit de inimicis meis iracundis? Conuertere, Do- *nostræ.*
mine, & eripe animâ meâ, & saluû me fac propter misericor- *Psal. 6.*
diâ tuâ, ô IESV, IESV, estne Redemptor mi, estne in morte, qui *Psal. 107.*
memor sit tui? in inferno autè quis confitebitur tibi? erubescât *Psal. 6.*
& conturbentur vehementer inimici mei, conturbentur &
erubescant valdè velociter; quia exaudisti Domine depreca-
tionem meam, Domine orationem meam suscepisti. Discedit
& me omnes, qui operamini iniquitatem, quoniam exaudiuit

Actus fi-
ducie in
Deum.

Applica-
tio ad
Communi-
onem.
Hom. 61.
ad Pop.

Dominus vocē fletus mei. Non timebo millia populi circum-
dantis me, quoniam tu, Domine, vocasti me, & suscepisti me.

Imò parasti mihi mensam aduersus eos, qui tribulant me,
à quā vt, seruus tuus Chrysostomus hortatur, tanquam leones
ignem spirantes recedamus oportet, facti diabolo terribiles, &
caput nostrum reuoluentes. Quem verò ignem nisi caritatis
tuae? Tu enim Deus meus ignis consumens es, & Deus qui solū
exaudis per ignem: etsi enim distribuero in pauperes, faculta-
tes meas, & tradidero corpus meum ita vt ardeam, charitatē
autem non habuero, nihil mihi prodest, nihil tibi cui viuo. Da
igitur hanc mihi & sufficit, & cur non sperabo eam abs te,
qui teipsum sic dedisti nascens in sociū, conuiescens in eduliū,
moriens pro me vilissimo seruo tuo in pretium, & regnans
daturus es in premium? Fateor coram te & curiā tuā, debeo
tibi me, & plusquam me, sed ecce perij, & eternū, nisi porri-
gas mihi operi manuum tuarum dexteram.

Actus in-
uocatio-
nis.

Psal. 9.

Psal. 10.

Psal. 11.


Ex aliorū
miseriis bo-
na tua
disce.

Memento ergō Domine, memento, quāso, quomodo feceris,
& refeceris me, & pascas me, & tot annis quaesieris me. Ecce
ego, ego, ō IESV, nunc te quaro, dū inueniri potes, & inuoco
humillimē & amantissimē te dū prope es. De profundis clama-
bo ad te Domine, & ad abyssū misericordiae tuae. Exsurge Do-
mine, exsurge Domine, ne vnquam dominantur nobis inimici
nostri, sed sciant quia manus tua haec, & tu Domine fecisti eā,
& factus es refugiū pauperi, adiutor in opportunitatibus, in
tribulatione. Sperent in te, qui nouerunt nomen tuū, quoniā
nō reliquisti quarentes te, Domine; sed exaltasti eos de portis
mortis, vt annuntiēt omnes laudationes tuas in portis filiae Sio.
Tibi derelictus est pauper, & orphano tu eris adiutor, quoties
in oratione confitebitur tibi, & extollet manus suas in sanctā,
& benedicet tibi. Oculi enim tui in pauperē respiciunt, & pro-
pter miserā inopum & gemitum pauperū exurges, & serua-
bis nos; & custodies nos à generatione hac in eternū. fiat, fiat.

Praxis.

PRIMÒ, vniuersum orbē mente decurre, die aliquo certo
ac horā, vt in Sacro solemnī, vel Vesperis; & miseras
quas in corpore & animā homines alij patiūtur, Deoq; gra-
tes age, quòd ab iis liberum te esse singulari beneficio vo-
luerit.

Secundò





Secundò contemplare aliquando mundum velut laqueis tectū, vt eum vidit D. Antonius (laquei verò & decipulæ sunt creaturæ, quòd earū amore homo implicitus ab hoste capiatur) & quo pacto iuuare te aliosq; possis, & euadere.

Tertiò, corā Ven. Sacramento aliquoties per diē vel sal-
tē semel te siste, velut ante propitiatoriū, imò velut in cælo
cū viua fide; & pugnas ipsi consecra, victorias acceptas re-
fer, gratiamque pete, vt resistere queas insidiis diaboli, ac
protestare te nunquā ratum habiturū, neq; habere, si quid
humana fragilitate subreperit. *Dignatus es*, vt sup. pag. 10.

*Corā Ven.
Euchari-
stiā peri-
cula & vi-
ctorias cō-
sidera.*

JACULATORIÆ.

Domine Deus meus, in te speraui, saluum me fac ex omnibus
persequentibus me, & libera me. Psal. 7.

Iudica Domine nocentes me, expugna impugnantes me: apprehen-
de arma & scutum, & exurge in adiutorium mihi. Psal. 34.

Eripe me de manu inimicorum meorum, & à persequentibus me. Psal. 30.
Vt quid Domine recessisti longè, despicias in opportunitatibus, in
tribulatione? Psal. 9.

VNDECIMÆ IMAGINIS

ANNOTATIO.

Æmulare sanctos, & charismata meliora.

Quod si te torpentem tepidumq; esse vi-
deris, iatuere quàm feruidè prompteq;
precaioni, & omni pietati incubuerint sancti,
A Benedictus, Augustinus, Dominicus, Ber-
nardus, Norbertus, Bruno, Ignatius, Catharina
Senensis, Teresa, aliiq; sexcenti. Vide quā mul-
ti in *B* cœnobiis, in eremo Deum nocte dieq;
laudent. en *C* Hieronymum pectus cruentan-
tem, en *D* Stylitas in tempestatum procellis
perstantes; atque in primis *E* diuum Franciscū
in Iesu vulneribus colliquescentem. & heu! *F*
peccator in mediis periculis obdormiscit. audi,
audi *G* Dominum dicentem: Vigilate & orate,
ne intretis in tentationem.

CAPVT XIV.

Meditatio de quarto stimulo sanctæ emulationis, qui est feruor Sanctorum.

COMPOSITO LOCI, vt in imagine proponitur.
ORATIO, vt suprâ.

PVNCTVM I. Considera Primò, quomodo Sancti dum in terris agerent, bonam vitæ patrem orationi consecrârint, pietatem diligentissimè coluerint. Ibant illi de virtute in virtutem, & requiem non habebant die ac nocte; sed quærebant Dominum in toto corde suo, & curru igneo ac equis igneis Eliæ, id est desiderijs, ferebantur in cælestia. Omnia eorum sacrificia ignis ille cõsumebat, quem Dominus venit mittere in terram, & voluit vehementer accendi, id est caritatis: ob eam ad solitudines & monasteria, vt in imagine vides, conuolabant, vt in sacro orationis otio Deo suo quietiùs fructentur. Ea tu mente perambula, & vide quam diligentiam adhibeas, vt Deo coniunctus sis. Aspira vt sup. p. 8. *Hæcine firmâ fide credo, &c. ibid.*

3. Reg. 18. Secundò vide, quanta impetrârint sibi & aliis Sancti, nec non in omni elemento per orationem patrârint. oratione Elias pluuias stitit, & oratione reuocauit; alius ad sanitatem ægros, alius mortuos ad vitam. Vide quanti Deus & orationem & pietatem facere solitus sit. Tertiò, attende quantis in periculis mundani iaceant, securi tamen, & inter medios hostes crudelissimos altum dormiant, etiam si Dominus inculcârît: Vigilate & orate, vt nō intretis in tētationē. Ab inferiori parte, ait Bernard. timor nocturnus insurgit, à sinistris sagitta volat in die, à dextris perambulat negotiū tenebrosū, à superiori parte dæmoniū meridianum insurgit; nos verò tot serpentibus atq; hostibus circumdati perniciosissimâ securitate & inertia torpemus, otio dormitamus in negotio maximè arduo, pigri ad spiritualia, prompti ad temporalia, segnes ad salutem, parati ad interitum. *Quis miserebitur incantatori*

Sancti magnam vitam partem orationibus dabant.
Apoc. 4.
4. Reg. 2.
Leuit. 6.

3. Reg. 18.
Mirum
quanta orando impetrauerat.
Miseri mundani
inter tot &
anta pericula securi agentes.
Pax to. 1. l.
5. p. 2. c. 6.
Matth. 16.
Bern. ser. 2.
de S. Andrea.

Eccles. 12.

tatori à serpente percusso, & omnibus qui appropiant bestiis? Tu Domine, qui dominaris potestati maris, & motum fluctuum eius tu mitigas *Hæcine vera, &c.* vt suprà pag. 7. *Psal. 88.*

PUNCTVM II. Considera Primò, quanta solatia ex Deo & oratione perceperint Sancti, vt sine tædio annos plurimos absque omni humano solatio in solitudine multi perseverarint, alij in laboribus plurimis & periculis, atq; adeò in tormentis. non habet enim, ô Deus meus, amaritudinem conuersatio tua, sed in gaudio summo propinare soles de fontibus tuis, ô Saluator mi, vinum tuum, vinum germinans virgines, quo inebrias Sanctos tuos. Secundò, considera vanitatem omnis humani solatij: prætereunt enim omnia tanquam umbra, &c.

*Oratio
summa
Sanctorum
voluptas.*

*Omnis vo-
luptas ma-
lorum dolo-
rifica.*

*Habet omnis hoc voluptas,
Stimulus agit furentes,
Apiumq; par volantum,
Vbi grata mella fudit
Fugit, ac nimis tenaci
Ferit icta corda morfu.*

*Boët. de
Consol.*

At verò reliquæ cogitationis & meditationis sanctæ diem festum agunt in animâ, quæ in Domino delectatur. Orando enim, inquit Bernardus, tuum bibitur vinum lætificans, vinum spiritus, quod inebriat, & carnalium infundit obliuionem. Et Augustinus vulneratus amoris telo aiebat: Dulciores sunt lacrymæ orantium quàm gaudia theatrorum. Quid verò Propheta David? Quemadmodum, inquit, desiderat ceruus ad fontes aquarum: ita desiderat anima mea ad te, Deus. Quid verò Dominus, qui diues est in misericordiâ, his retribuit? id quod ipse promisit, Ego sitienti dabo de fonte aquæ viuæ gratis. Quis mihi det, vt veniat etiam petitio mea, & quod expecto tribuat mihi Deus? *Credo tibi, &c.* vt sup. pag. 7. *Bern. ser. 18
in Cant.*

Solatia bonorum.

*Apoc. 21.
Iob. 6.*

PUNCTVM III. Considera, quomodo Sancti in cælo

*Orantibus
pro nobis
Sanctis
turpe est
nos torpere.*

nostra pericula & labores contemplantur, & pro suâ erga mortales charitate ardentissimè pro nobis supplicent Deo; & quàm turpe somniculosos nos in salute nostrâ curandâ, & maximè in orando, corâ eo comparere, ac tepidos in medio feruentiû Cherubim & Seraphim! Vnde meritò certè Ecclesia cû iis nostras preces vt pater misericordiarû admitti iubeat, deprecatur. Secundo, quomodo ij in omni æternitate exaltent Dominû in Ecclesiâ plebis, & in cathedrâ seniorum laudent. Itaq; etiam nunc id incipe, ô anima Christi sponsa, ad quod perpetuò faciendum à Deo creata es, neq; committas vt vanis rebus & colloquiis temporis plurimum perdatur, orationi & pietati succisuum & exiguum ægrè concedatur.

Exercitium ad feruorem Sanctorum impetrandum.

Psal. 68.

O Peruit confusio faciem meam, Domine Deus meus, quia extraneus factus sum fratribus meis Sanctis tuis & peregrinus, quia dissimilis filiis matris meæ Ecclesiæ tuæ. Video enim eos, dum viuerent, Spiritu sancto & gratiâ plenos, numquam ab oratione spiritum relaxasse, operibus piis institisse, sollicitè ambulasse coram te. ô quot suspiriis pulsabant portas palatij tui, & dulcissimû cor tuum, Domine IESV! quot desiderijs humilitate plenis penetrabant aciem ordinatissimâ Angelorum tuorum! Centies ille per diem flectebat genua corporis sui, & millies cordis sui: iste lacrymosis oculis tacitus clamabat ad te afflictus & tribulatus, vt radius aliquis affligeret à te sole iustitiæ, & dissiparentur nubes, id est, cogitationes iniquæ, quæ cheu etiam separant me à te, & tribuli, & spine terre cordis mei eruerentur, in quo seminasti toties semē verû; & irrigasti illud sanguine tuo ab vbertate charitatis pietissimi cordis tui. Ego verò multo magis miser & miserabilis, vt eos sequar, suspiro: & velle quidē adiacet mihi, sed perficere nō inuenio, n si tu dederis mihi. Surgā, & querā te vnū quem diligit anima mea, ibo ad solitudinē, vt loqui digneris ad cor eius, & possit procedere de virtute in virtutē, donec videat te Deū deorū in Sion, donec inebrietur ab vbertate domus tuæ.

Cant. 3.

Ad hoc, quaeso, Domine, deduc me in semitā mandatorum
 tuorum, in loco hoc horroris & vastae solitudinis, ut cū timore
 & tremore semper seruiam tibi; neque inter pericula securus,
 neq; inter aduersa pusillanimis. Hoc certe vehementius meter-
 ret, & omnino timoris acerbissimo gladio reuerberat cor meū,
 quod inter tanta periculā minū timoratus, minū exercita-
 tus, minū quā necesse sit sollicitus inueniar, si quidē vnū ē
 duobus haec ipsa negligentia nostra probat, aut omnino tra-
 ditos nos hostibus, & nescire (quod auertere dignetur clemen-
 tissima bonitas tua) aut si inter haec conseruamur, tibi, qui nos
 tueris, ingratos nimium reperiri. infrena igitur os meū laude
 tuā, ut benedicant tibi opera mea. Iubes enim semper orare, &
 non desicere. Utinā igitur, dū me fragilitas & instabilitas cor-
 dis mei nō sinit tecum loqui, opera sancta & iusta & pia be-
 nediciant nomini tuo: & cum calis illis, quos semper velut pra-
 miū & palatium & regnum promissum in conspectu nostro
 esse voluisti, enarrent gloriā tuam! Nōne creasti me ad hono-
 rem, & laudem tuā? & ad hoc elegisti me ante mundi consi-
 tutionem? quomodo igitur vagus mente ac oculis inhonoro
 te? & cū odorem ac thymiana suauissimum Domino meo
 oblaturus sum ex fonte impuri cordis mei, nefaria etiam co-
 gitationes ascenderunt in cor meum?

Quid faciam, cui vinctio orationis, & medicina contempla-
 tionis vertitur in culpā, in vulnera animae meae? cui oratio, so-
 latium honorum, tristitiā parit? cui refugium miserorum, irā
 prouocat? cui Angelorū summa felicitas & cibus laus tua &
 oratio paulo longior, nausea est & fastidium? Imperfectum
 meum viderunt oculi tui, ne derelinquas, ne deseris me; & am-
 bulabo, & nō deficiam; volabo, & non requiescā, donec inue-
 niā locum Domino, tabernaculum Deo Iacob, nō dabo som-
 num oculis meis, nec palpebris meis dormitationē, donec eui-
 gilet ad te cor meum, & rapiat me ad te omne desiderium meū,
 ut vnum tecum sim qui quotidie pulsas ad hoc fores animae
 meae, & propterea temetipsum nobis immiscos, & corpus
 tuum in nos contemperas, ut vnum tecum efficiamur tan-
 quam corpus capiti coaptatum; ardentem enim amantium
 id est,

Psal. 35.
 Psal. 118.

Bernard.
 Affectus
 timoris
 Domini.

Isaia 48.

Psal. 138.

Psal. 131.

Applica-
 tio ad
 Commu-
 nionem.

id est, neq̃, deterret te, ô Maieſtas æterna, vilitas hæc mea, neq̃, charitatis tuæ lampades ignis atq̃, flammarum flumina peccatorum meorum obruent, neq̃, altitudo & profundum miserie meæ, latitudinem & profundâ abyssum misericordie tuæ. Vtinam igitur sicut tu desideras venire ad me, ita ego, sitiens semper curram ad te, vt ceruus ad fontes aquarum, & bibam vt inebrier vel nunc vti millies concupisco, à calice tante ac tam stupendæ benignitatis tuæ. Amen.

Praxis ad feruorem Sanctorum consequendum.

Primò, sanctos patronos, maximè menstruos, constitue præfides orationum & actionum tuarum, v.g. recita cū illis Psalmos, affectumq̃ue illorum indue.

Secundò, eorum singulares virtutes studiosè obserua ac imitare : quod vt facere possis, vitas eorum sedulò volue,

*Cultus Sā-
ctorum.*

Tertiò, eorum manibus frigidæ orationes tuas Domino offer.

Quartò, visita eorū sepulcra, reliquias, aliosq̃; ad eorum cultū exemplo tuo & narratione eorū quæ gesserūt, inuita.

*2. Mach. I
Leuit. 9.*

Quintò, orationis studium diligenter complectere. Ignitum enim est eloquium Dei vehementer, ideoq̃; si tepidus es & frigidus, accede ad Dominum, loquere ad eum qui est ignis consumens, tu qui es puluis & cinis.

Sextò, quemadmodum filij Israël diem habebant solēnem ignis, siue Vrim, quo ignē cælitis missum sibi gratulabantur, Deoq̃; gratias agebant: ita etiā nos oportet gratias agendas pro iustificationis & vocationis gratiā, & illius caritatis qualibet horā innouare atq̃; augere. Quid dulcius illā esse potest? quid vtilius? exsuperat omnē sensum, & omne gaudiū quod de te, Domine Iesv, sumit anima, quæ nō præsumit de se, sed viuit in te. *Dignatus es, &c. vt sup. p. 10.*

IACVLATORIE.

Psal 30. **Q**uam magna est multitudo dulcedinis tuæ, Domine, quam abscondisti timentibus te!

Psal. 137. In conspectu Angelorum psallam tibi, adorabo ad templum sanctum tuum, & confitebor nomini tuo.

Psal. 41. Quemadmodum desiderat ceruus ad fontes aquarum, ita desiderat anima mea ad te Deus.

Psal. 142. Expandi manus meas ad te, anima mea sicut terra sine aqua tibi.

Ibidem. Volociter exaudi me Domine, defecit spiritus meus.

Psal. 91. Iustus vt palma florebit sicut cedrus Libani multiplicabitur.

DVO





DVODECIMÆ IMAGINIS

ANNOTATIO.

*Miserere Ecclesie matris , & probitate ac feruore tuo eam
tueri conare.*

Considera *A* Ecclesiam, velut matrem esse fidelium; illamq; à *B* dæmonibus, hæreticis, ac Turcis oppugnari ferro ac stylo, adeo ut magnā *C* mundi partem ab eâ diuertat ac diuellat dæmon. Vide eandem petentem à *D* filiis suis opem orationum, ac vitæ emendationem flagitantem, etsi à *E* Spiritu sancto *F* Angelisque propugnetur. Id ipsum à nobis exigit Christus Iesus benignissimus Dominus noster qui in *G* Venerabili Sacramento, amore nostri se nobis impertiri, & nobiscum esse vsque ad consummationem sæculi dignatus est, quamuis non ignoraret multis idcirco se onerandū iniuriis, quas nostrum est virtutum feruore auertere.

CAPVT

CAPVT XV.

De quinto stimulo charitatis erga Ecclesiam matrem, qui est meditatio de Ecclesie afflictione.

*Christi
mor erga
Ecclesiam.*

*2. Tim. 3.
D. Leo.*

*Persecutio
Ecclesie.*

Bernard.

*Isai. 38.
Ecclesiasti-
ci mali no-
cent pluri-
mum.
Greg. hom.
17. in
Euang.*

PVNCTVM I. Considera Primò, quomodo Ecclesià Dominus velut sponsam sibi pretioso sanguine subarrhauerit, adeoque amàrit, vt pro ea mori dignatus sit: ac proinde fideles eius seruos hostibus cinctam strenuè propugnare, idque egregià virtute oportere. Secundò, attende quàm multi in eà sancti & pij homines; quos quotidiana propè procella multarum aduersitatum & persecutionis exagitat. Omnes enim qui piè volent viuere in Christo, persecutionem patientur: neque deerit tribulatio persecutionis, si numquam desit obseruantia pietatis. Atq; adeò repete, si placet, altiùs; neque in veteri testamento vllum Deo probatum inuenies, quem velut aurum antea tribulationis ignis non repurgârit. *Aspira,* vt sup. p. 10. *Hæcine firmâ fide,* ibid.

Tertiò, attende quantas per orbem totum persecutiones patiatur vniuersa Ecclesia, tum à Mahometo, tum Ethnicis, tum vel maximè hæreticis. quæ regna hi non vastârunt? quæ sacra non profanârunt? omnium tamen maximè à dyscolis Prælati: qui, vt dicit D. Bernard. cùm ministri Christi sint, seruiunt Antichristo: honorati incedunt de bonis Domini, & Domino honorem non deferunt, vt Ecclesia meritò dicere possit: Ecce in pace amaritudo mea amarissima, amara priùs in nece Martyrum, amarior in conflictu hæreticorum, amarissima nunc in moribus domesticorum. Et Gregorius, Nullum puto, fratres carissimi, ab alijs maius præiudicium quàm à sacerdotibus tolerat Deus, quando eos, quos ad aliorum correctionem posuit, dare de se exempla prauitatis cernit; quando ipsi peccamus, qui compescere peccata debuimus. Neque minùs tamen à Religiosis ordinibus peccatur, quorum multos miserè

miserè discerptos & deformatos lugemus : quorum aliqui cùm sal mundi esse deberent, infatuati sunt ; cùm eorum sit angelicam vitam inter homines degere , & exemplo præire , ex ipsis scandala multa nata sunt , atque etiam magistri errorum. *Astiterunt* , vt infra pag. 288.

PVNCTVM II. Considera Christum JESVM ex infinito amore se Ecclesiæ suæ dedisse in augustissimo Sacramento altaris , vt etiam sic cum eâ esset vsque ad consummationem sæculi , ad præsidium , refugium ac solatium omnium fidelium. Jam vide quantis amore tui se exposuerit simul iniuriis magorum , hæreticorum , qui eum non tantùm conculcare , sed & mille indignis modis & blasphemiiis dehonestare consueuerunt. Et vtinam hi tantùm ! sed , quod multo magis lacrymis dignum est , à Catholicis & Sacerdotibus aliquibus , & Religiosis improbis eadem patitur : vt meritò illud iterum dicere possit : His plagatus sum in domo eorum , qui diligebant me ; nam qui pro Domino sanguinem ponere debuerant , hi sunt qui eum ostentui habuerunt , & eum rursus sibi crucifixerunt. Iam video quo pacto subditi Regis terreni , eum in mediâ acie pro se stantem iuuare & tutari , suis etiam corporibus oppositis conentur : & idem pro Rege tuo Christo JESV facito , imò pro patre , pro redemptore , tanto benefactore & sponso animæ tuæ. *Credo tibi* , &c. vt suprà pag. 7.

*Dominus
Iesus in S.
Euchari-
stia, præ-
sentia sua
nos animat*

Zach. 13.

PVNCTVM III. Considera quàm fortiter zelati sint pro Deo & eius Ecclesia Machabæi , & post Domini mortem à principio pro eâ pugnârint Apostoli, Martyres & Doctores, & diui Athanasius, Hieronymus, Augustinus, &c hæreticos scriptis, & quibus poterant modis persequentes. Quantâ solitudine , velut boni speculatores in Ecclesiæ speculâ constituti, vigilârint super gregem suum : neque tantùm pro animabus , quod præcipuum est, sed etiam pro immunitate Ecclesiæ fortiter stete-

*Zelus San-
ctorum.*

*Ephef. 6.**Quantum
vnius vir
zelosus
præfiet.
S.P. Ignat**2. Mach. 7.**Luc. 1.**1. Mach. 2.*

steterunt, vt Stanislai, & Thomæ Cantuarienses. Secundò, quanta hinc illis meritò gloria accesserit: non enim de hostibus carnalibus triumphârunt, sed de principibus mundi huius, & potestatibus tenebrarum. Tertiò, quantum aliquis vir zelosus possit, vt *S. Dominicus, Franciscus, Ignatius, Xauerus*. Certè duodecim Apostoli modicum fermentum, pauci aliquot viri Religiosi, plus aliquot millibus posuere operæ, & fructum collegere. Solitus sanè *S. Ignatius* dicere, neminè nosse, quantum Deus per eum gratiâ suâ operaretur, si homo illâ quæ iam concessa est, vteretur. Attende ergo matrem Ecclesiam his te verbis compellantem: Fili, misere mei, quæ te in vtero portavi, & lac dedi, & in ætatem istam perduxi, peto, nate, vt aspicias ad cælum & terram, & ad omnia quæ in eis sunt, & intelligas, quia ex nihilo fecit illa Deus, & hominum genus; ita fiet vt non timeas propter eum carnifices vltos, sed dignus fratribus tuis effectus particeps, suscipe mortem, vt in illâ miseratione cum fratribus te recipiam. Illa enim nos Domino regenerauit & pascit, vt in sanctitate & iustitiâ coram illo viuamus. Induamus ergo Mathathie zelum, videntes contritionem populi nostri. En sancta in manu extraneorum facta sunt, templa nostra sicut homo ignobilis, vasa gloriæ eius captiua abducta sunt, trucidati sunt senes eius in plateis, & iuuenes eius ceciderunt in gladio inimicorum: omnis compositio eius ablata est, sancta nostra, & pulcritudo nostra, & claritas nostra desolata est. *Hæcine vera*, vt sup. pag. 7.

Exercitium.

*Psal. 2.**Thren. 1.*

Astiterunt Reges terræ, & Principes conuenerunt in vnũ, aduersus Dominũ, & aduersus Christũ & Ecclesiã eius: idè plorans plorauit in nocte, & lacrymæ eius in maxillis eius, & vix est qui consoletur eã ex omnibus charis eius. habitauit inter gentes, nec inuenit requiẽ: omnes persecutores eius apprehenderunt eã, inter angustias filij eius. Idcirco ego plorās,
& oculus

& oculus meus deducens aquas, quia facti sunt filij eius per-
 diti quoniam inualuit inimicus. Iacuerunt in terrā foris puer
 & senex, iuuenes & virgines ceciderunt in gladio. quomodo
 obscuratum est aurum, mutatus est color optimus, dispersi
 sunt lapides sanctuarij in capite omnium platearum! Filij Thren. 4.
 Sion inclyti, & amicti auro primo, quomodo reputati sunt in
 vasa testea, opus manuum figuli! candidiores nazaraei eius
 niue, nitidiores lacte, rubicundiores ebore antiquo, & sapphiro
 pulciores, Religiosi, inquam, aliqui apostata, & sacerdotes
 eius. Denigrata fuit super carbones facies eorum, & non sunt
 cogniti in plateis. Propter peccata enim Prophetarum eius,
 & iniquitates aliquorum sacerdotum eius iraturus es, Do-
 mine, furore in populum tuum, & abominatus es heredita-
 tem tuam; & ecce qui nutriebantur in croceis, amplexati
 sunt stercora. Recordare, Domine, quid acciderit illi: intueri
 & respice opprobrium nostrum. Psal. 105.
 Thren. 5.

Verè hereditas nostra versa est ad alienos, & Aegypto
 plurimi dederunt manus; serui dominati sunt nostri, & non
 fuit qui redimeret de manibus eorum. Conuerte nos, Domine,
 ad te, & conuertemur, innoua dies nostros sicut à principio,
 auertatur ira tua à nobis, quia derelicti sunt filij tui, &
 zelatores honoris tui pauci inter gentes. Exaudi, Domine,
 preces nostras, & orationes nostras, vt sciat omnis terra, quia
 tu es Dominus Deus noster, & quia nomen tuum inuocatum
 est super Israël, & super me. Protector noster aspice Deus, &
 respice in faciem Christi tui; atque ô vtinam, Christe IESV,
 hodie, quando suscipere te desidero ardentius, & amantius
 quàm in omni vita meâ, vtinam omnes intelligant, quòd non
 sit verè alia natio tam grandis qua habeat Deos appropin-
 quantes sibi, sicut tu Deus noster, nò tantum obsecrationibus,
 sed his N. & omnibus infirmitatibus nostris, qui toties venis vt
 cures, vt sanes, vt tuearis me. Si enim tu Deus pro nobis, &
 nobiscum es, quis contra nos? Dicebat ille: fuerunt mihi lacry-
 mae meae panes die ac nocte, dum dicitur mihi quotidie, vbi est
 Deus tuus? hac & ego recordatus sum, & effudi in me ani-
 mam meam, dum toties te edo panem vita, & tamen non tibi

Applica-
 tio ad
 Commu-
 nionem.

uni uiuo; toties bibo calicem salutis, & adhuc ager sum. O utinam, utinam in uitâ meâ appareret benignitas tua in nos ex operibus nostris, & te esse nobis columnam nubis per diem uanitatis, & ignis per noctem seculi huius, Amen.

Praxis iuuandi Ecclesiam laborantem.

Primò, statas preces sibi indicare, aut applicare pro Ecclesia, Principibus, & iis qui multum obesse & prodesse bono publico possunt. Sic B. Ignatius ter pro Hispaniarum Rege quotidie coram Domino cum lacrymis supplicare se aiebat, cum quidam eum commendaret.

Secundò, pro Religiosis Ordinibus; quia florere eos plurimum Ecclesiæ interest: & hoc pacto per complura sacra numismata particeps quis sit meritorum, ut videre est in variis Indulgentiis.

Tertiò, Sanctos prouinciarum hæresi infectarum, & Angelos earum præfides colere atque orare.

Quartò, conferre pro virili ad Seminaria, & catechumenos instituendos & promouendos, & eiusmodi pietatis exercitia, aut per facultates, aut industriam.

Quintò, immunitates Ecclesiæ diligenter tueri, pro quibus etiam fortissimi Martyres occubuere, ut D. Thomas Cantuariensis, &c.

Sextò, de Ecclesiasticis Prælatiis honorificè semper loqui, eosque venerari; adeoque id D. Francisco cordi erat, ut diceret prius se sacerdotem obuium, quam Angelum salutaturum fuisse, si uterque simul occurrisset.

Dignatus es, ut suprâ pag. 10.

IACVLATORIÆ.

Psal. 79.

Psal. 83.

Psal. 105.

Ibid.

Deus virtutum convertere, & visita vineam istam.

Protector noster aspice Deus, & respice in faciem Christi tui

Memento nostri Domine in beneplacito populi tui, visita nos in saluari tuo, ut lauderis cum hereditate tuâ.

Saluos nos fac, Domine Deus noster, & congrega nos de nationibus, confiteamur nomini sancto tuo.





DECIMÆTERTIÆ IMAGINIS

ANNOTATIO.

Miserere animæ tuæ placens Deo, & defunctorum; ac strenuè virtutem cole.

Considera vt *A* animæ in Purgatorio à virtute tua & precibus opem postulent; illis compatere, earumque petitionem, & *B* Angeli Custodis admonitionem (vt ille *C* imprudens) noli despiciere; quia sicut illarum iudicium, ita erit & tuum. Eas itaque adiuua (vt hic *D* filius matrem) *E* sacrificiis, *F* orationibus, & *G* eleëmofynis. O quàm gratum de iis nuntium ferent *H* Angeli! Attende quomodo vel vnā *I* horam, si daretur, impenderent; & num opera tua sic expianda non sint, vtrū sint *K* lignum, fœnum, aurum, lapides preciosi. Admirare *L* Dei iustitiam ista videntis ac permittentis.

CAPVT XVI.

*De sexto stimulo caritatis erga animas in
Purgatorio existentes, seu meditatio de
Purgatorio.*

*Tormenta
atrocia
anima-
rum.*

Iob. 19.

*Pœna sen-
sus quanta
Greg. in
Psalm. 37.
August. de
vera &
fals. pœnit.
c. 18.
Cæsar ho-
mil. 7.
Pœna
damni.*

PVNCTVM I. Considera, quomodo esses affectus, si damnatum te scires vt igni interires magnâ cum confusione coram orbe terrarum vniuerso, & quid non faceres vt illud genus mortis cum alio commutare lice-
ret: sanè nihil intentatum relinqueres. Et fieri ne potest, vt quisquam credat pro peccatis venialibus tam atrocita subeunda esse supplicia, & tam diuturna; eaque sæpe parcendo verbo otioso, aut aliâ quapiam parua mortificatione redimere non libeat? Considera, si parentes vel amicos videres in illis torqueri cruciatibus, quem sensum haberes: maximè si opem tuam gemitibus & ejulatibus miserabiliter implorarent, an ridere & deliciari luberet? Audi igitur eos iam clamantes: Misere-
mini mei saltem vos amici mei: & iuuâ quâ potes ora-
tione, ieiuniis, eleëmofynis. *Aspira, vt sup. p. 10. Hac-
cine firmâ fide, &c. ibid.*

PVNCTVM II. Percontare ex iis quæ patiantur & quare: & intelliges Primo, pœnam sensus tantam eos pati, quantam nullus vnquam maleficus, aut Martyr passus est in hac vitâ, vt D. Gregorius & Augustinus as-
serunt; imò etiam grauiorem quàm vllus in hac vita pati possit, atque adeò, vt Cæsarius, maiorem quàm à crudelissimis tyrannis extogitari queat: & tamen quæ non malitia eorum adinuenit? Secundò, pœnam pati-
untur damni, & si spes hic dilata affligunt vehementer animam, quantum existimas eos percipere doloris, quòd amantissimi patris & sponsi tanto tempore optatissimo adspectu & amplexu frustrentur; eoque vel maximè, quòd paruo eam moram dum viuerent redimere potu-
issent; quam jam non nisi exquisitissimis tormentis lue-

re concedatur? O quàm tristis illa relegatio amicorum, filiorum, & sitientium ad Deum fontem viuum, ad quem tot annis suspirarunt & contenderunt: iusta tamen sunt iudicia Dei, & vera. Attamen uti est peccatorum inter se magnum discrimen, ita etiam poenæ. De quibus Cyrillus sic ait, esse quædam peccata ita leuia, ut stipulæ comparentur, cui proinde ignis illatus diu non potest immorari: alia verò fœno esse similia, quæ & ipsa non difficulter ignis absumat; sed aliquanto tardius quàm stipulæ immoretur: alia verò esse quæ lignis conferuntur, in quibus pro qualitate criminum diuturnum ac grande pabulum ignis inueniat. *Hæcine vera,* ut sup. pag. 7.

PUNCTVM III. Attende ob quæ crimina ista patiantur, & videbis vel ob mortalia, quorum condonata est culpa, vel ob leuia, ut otiosa verba, negligentiam in rebus diuinis, &c. Secundò, quid illi de huius vitæ voluptatibus & honoribus iam iudicent, exquire. Tertiò, quanta crudelitas esset huiusmodi tribus verbis liberare nos posse, & negligere aut obliuisci, & qualiter id te afficeret si earum loco fores. Enimverò, quid aliud requiritur quo eas liberare possimus, quàm pauculas preces recitare, eleëmofynam dare, Indulgentiam iis applicare? O quàm sedulò hæc illi præstarent, si eis horula daretur poenitentiae, ad redimendum tam iusta & immania tormenta! Postremò iusto Dei iudicio scias euenire, ut qui immites sunt erga illas, tales etiam post mortem suam viuos erga se experiantur; & è contrario ita à diuina benignitate videri decretum, ut qui animam è Purgatorio liberat, propè de salute certus sit: cùm gratissimæ sint piæ illæ animæ, & non cessent in cælis orare pro eo, quem sciunt tanta bona sibi repræsentasse.

*Cur ista
patiantur
animæ.*

*Magnum
salutis
præsidium
orare pro
animabus.*

Exercitium pro animabus Purgatorii.

O Pater misericordiarum, & Deus totius consolationis, miserere animarum istarum, super quas inuocatum est nomen tuum: perueniat ad te suspirium earum,

aperi aures clementiæ tuæ , & ostende eis faciem tuam , tot annis tantis desiderijs petitam. Iusta quidem sunt iudicia tuæ , & non est iniquitas in eis ; verum misericordia tua super omnia opera tua. Parce, Domine, parce populo tuo electo, & ne des hereditatem tuam in opprobrium , vt irvideant eam inimici eius. Concede mihi gratiam , vt orationibus, ieiuniis, & piis operibus eas iuuare, & ad amplexus desideratissimos perducere valeam. Scio equidem quod , cum venerint in regnum tuum, meminerint longè melius mei , quàm Iosephi pincerna ille Pharaonis : sed & merito iusto iudicio tuo eâ mensurâ mihi remetientur homines, cum hac mortalitate ero defunctus, quâ eis mensus fuero.

Applica-
tio ad
Communi-
onem.

Nihil sane crudelius quàm audire illud : Misere mini mei; & videre fidei oculis flammæ voraces & tormēta, nec dignari vel pauculis precibus, aut indulgentiis refrigerare tibi carissimas animas , & quibus ego plurimum debeo. O qualiter illas horas quæ mihi abeunt inanes, traducerent! quantum exiguo tempore quæstum facerent pietatis ! Quomodo te susciperent accedentes ad mensam tuam, conuiuium pinguium & medullatorum , flumina de ventre earum fluere aquæ viuæ , dum tu, Oceano bonorum, & fons vitæ esses in medio earum. Et ego cheu bibo ex hac aquâ, & sitire iterum possum cisternas dissipatas ? & quæ possum bonitate tuâ redimere tormenta ista ? vereor ne negligentiam meâ præparem illam mihi. Vtinam vel ex hoc momento incipiam restringere illas flammæ charitate tuâ! Vtinam velut Christina mirabilis, & Odilo amabilis, tibi dignus sim liberare eas per te de ore leonis , & representare eas in lucem sanctam! respice Domine ad hoc desiderium meum, & animarum istarum , vt ego & illæ tibi viuam, & cantare incipiant tibi canticum nouum, misericordias tuas fideles, & capere brauium, & videre immensam caritatem tuam, & frui optatis amplexibus, & desideratissimo vultu tuo. Cupio igitur per gratiam tuam sic instituere vitam meam , & deliciis & vanitati sæculi renunciare , vt non veniam in locum tormentorum eorum ; sed hoc corpore mortis exutus veniam ad te , & desiderium oculorum meorum , optata & nullies desiderata quies, gaudium, & gloria mea. Amen.

PRAXIS

Praxis iuuandi animas in Purgatorio.

PRIMO, curare quis potest, vt piæ foundationes non negligantur.

Secundò, statas quotidie preces & eleëmofynas ad hæc dirigere, quoties se in iter dat, & quoties in publicum prodit.

Tertiò, benefactorum & propinquorum memoriam facere rediuuiam, & pro animabus eorum orare. Eo fine variis in oppidis nocturnus circuitor pro ritu id monere consuevit.

Quartò, per cœmeterium eundo, *De profundis* recitare, aut alias preces, & quoties quis ante locum Iustitiæ pertransit.

Quintò, sibi quotannis se superstitem fingere, & facere secretò obsequia defunctis præstari solita, vti à pluribus feliciter admodum factum scimus.

Sextò, Indulgentias diligenter animabus applicare, & maximæ certè crudelitatis esse videtur illud negligere.

Dignatus es, &c. vt sup. pag. 10.

JACVLATORIÆ.

Iustus es Domine, & rectum indicium tuum, sed reminiscere Psal. 118.
miserationum tuarum antiquarum.

Vt quid, Domine, recessisti longè, despicias in opportunitatibus, in tribulatione? Psalm. 9.

Vsquequo Domine obliuisceris animas tuas in finem, vsquequo auertis faciem tuam ab iis. Psalm. 12.

DECIMÆ QUARTÆ IMAGINIS

A N N O T A T I O.

Vide, quàm lata sit via ad perditionem, & quot, si perfectionis studiosus esses, animas liberare posses.

Considera magnum *A* pereuntium numerum: quos *B* dæmon inuitat, ac latitans ex infidiis *C* sagittat harum *D* vanitatum illecebris: *E* mundus trahit impellitq; per leges scilicet suas: & sunt, prò dolor! qui *F* sponte in infernum præcipites abeant; hos *G* adiuua exemplo, verbo, precibusque. Eheu! vide quàm infida *H* peccatoris fiducia, tela scilicet aranearum, vt est Iob cap. 8. quâ inferni puteus prætexitur. vide vt *I* Angeli omnes ad zelum hortentur: immò ipse *K* Rex noster Iesus iterum (si sit opus) in terras, vt periclitantes *L* animas liberet, descendere paratus sit, vt *M* Carpo quondam Episcopo monstratum, vti refert *S.* Dionysius Areopagita.





CAPVT XVII.

*Meditatio de septimo stimulo, zelo animarum.***C**OMPOSITIO LOCI, vt in imagine.
ORATIO solita.

PVNCTVM I. Considera Primò, flammarum vortices & tormenta, quibus tot animarum millia perpetuò voluuntur, quibusque erepta fuissent, & iam eripi possent plurima, si vel vnus aliquis vir Apostolicus iis conuertendis grauitè insudaret. Secundò, suspice & vide quantis laudibus Deum honorent beatæ animæ, maximo suo solatio & Dei gloriâ: quæ si tibi cordi forent, quantum illam augerè, & de animabus mereri posses animaduerte; si generoso animo sensualitatem, illosque tuos prauos animi motus, N. edomares. Tertiò attende quanto in periculo sit peccator: verè enim sicut aranearum tela fiducia eius. *Haccine vera*, vt suprà pag. 7.

*Attende
animarum
pericula,
& succur-
re.**Iob 8.*

PVNCTVM II. Quanta sit Dei maiestas, quàm digna vt ab omnibus colatur & ametur. Secundò, quantopere id ipse desideret, adeò vt exinauerit semetipsum, formam serui accipiens, in similitudinem hominum factus, & habitu inuentus vt homo, vt velut pastor benignus ouiculam humeris suis reportaret. Tertiò, neque hoc tantum, sed insuper grauissima tormenta, & mortem acerbissimam pati dignatus est, vt redimeret animas in sanguine suo, & mundaret sibi populum acceptabilem, sectatorem bonorum operum. Quartò, neque id tamen sufficit immensæ caritati eius, sed, si ita necesse foret, iterum pro qualibet animâ de cælo descendere, & ejusdem passionis calicem exhaurire dignaretur, vt salutem consequeretur. vide an etiam zelum Dei in te habeas, & libenter te tuaque pro salute animarum, & Dei gloriâ impendas: an verò ne tantillum quidem de commoditate & existimatione discedere patiaris, vt animæ Christi sanguine redemptæ saluæ fiant. *Aspira*, vt sup. pag. *Haccine firmâ fide*, ibid.

*Philipp. 2.**O quantè
animam
Deus fa-
ciat.
Tit. 2.*

T 5

PVNCTVM

1. Pet. 5.
Dæmonum
vigilantia
te excitet.

PVNCTVM III. Considera Primò dæmonis impro-
bam vigilantiam, quâ circuit tanquam leo rugiens,
quærens quem deuoret, & alios quaquaversus mittit, vt
animas perdant, & æternis secum suppliciis inuoluant.
Excita torporem vigilianti illius malitiâ, & quandoqui-
dem illi scrui eius, seu homines seu diaboli, tam sint
strenui in perniciem animarum; non patiare vt in iis
iuuandis opera tua desideretur. Secundò, vide quibus
illecebris dæmon inescare solitus sit miseros mortales,
nempe voluptate aliquâ momentaneâ, vel honore, quæ
multâ adspersguntur amaritudine, & nullo pacto exsatiât.
Tertiò, expende illa verba, Quod vni ex minimis meis
fecistis, mihi fecistis; & quo affectu proximo tantis in pe-
riculis cõstituto succurrere debeas; cùm Redemptor no-
ster sibi fieri existimet quod illi factum fuerit, vti hoc ip-
sum in nouissimo die coram vniuerso orbe declarabit.

Exercitium zeli.

Isaie 5.
Matth. 7.

O Christe IESV, Saluator mundi, qui redemisti nos in
sanguine tuo, & dedisti preciosam animam tuam in
mortem pro nobis; respice, quaeso, quia dilatauit infernus os
suum absque vllò termino, & lata valde facta est via, quæ du-
cit ad perditionem, & plurimi ingrediuntur per eam: angusta
autem est via quæ ducit ad vitam, & pauci ingrediuntur ad
illâ. idèò defecerunt præ lacrymis oculi mei, & conturbata sunt
viscera mea, effusum est in terrâ iecur meum; quia facti sunt
hostes nostri in capite, & inimici nostri locupletati sunt pro-
pter multitudinem iniquitatum nostrarum; & qui se debuerant
ponere muros pro domo tua, principes populi tui, abierunt
absque fortitudine.

Applica-
tio ad
Commu-
nionem.

O IESV Redemptor mi, nõnne verum illud est, quodd panis
tuus quem paraſti mihi, confortat cor hominis, & vinum la-
tificat animam meam? quodd fortis est vt mors dilectio tua? est
vtique & ea maximè quâ toties mihi nasci, toties mihi mori,
toties in me resurgere paratus es, & te dare mihi pignus sa-
lutis, & infinitæ charitatis tuæ. vtinam ea incensus omnia
contemnâ propter te, & animam meam ponam pro proximo
meo,

meo, maximè inimicis meis! Offero eam tibi, Domine, pro his, & quibus placet, me totum tibi in holocaustum, in tabernaculum infinitæ misericordiæ tuæ, & locum habitationis tuæ. Tu enim dixisti: Ecce ego vobiscum sum vsque ad consummationem sæculi, & æternum spero mecum eris quia æternum diligere te volo.

O vani filij hominum! ô cæci & tardi corde! Si pereat vnum, maria traiciuntur; pereunt animæ innumera hereditas tua, & non est qui recogitet corde. Quis dabit capiti meo aquam, & oculis meis fontem lacrymarum, & plorabo die ac nocte super interfectos populi mei? Sed misericordiæ Domini quod non sumus consumpti: quia non defecerunt miserationes eius, & non repellet in æternum Dominus; si abiicit, & miserebitur secundum multitudinem miserationum suarum. Verè enim dolores nostros portasti dulcissime IESU, & liuore tuo sanasti languores nostros. Recordare quòd steteris, & stes etiamnum in conspectu Patris, vt loquaris bona pro nobis; & aperi, precor, oculos cæcorum, vt cognoscant & diligant te; aperi aures surdorum, vt audiant vocem tuam, ô Pastor animarum nostrarum, & miserere omnium, quia non est alius qui pugnet pro nobis, nisi tu Dominus Deus noster.

Isaïæ 57.

Jerem. 9.

Thren. 3.

Isaïæ 53.

Praxis exercendi zelum animarum.

Primò, proximo præluce exemplo, & diligenter quæ ad proximi, vt dici solet, ædificationem spectant obseruare. Id verò Ecclesiasticos atq; in primis Religiosos omnino facere oportet, vt videant homines opera eorum bona, & glorificent Patrem qui in cælis est.

Secundò, sermones pios inferere, colloquiaque praua, quæ mores corrumpere solent, impedire. Idem de cautionibus iudicium.

Tertiò, nullos in domum suam famulandi gratiâ admittere, nisi cum pacto, vt singulis minimùm mensibus confiteantur ac communicent. Idem valere potest in operis adlegendis, in militum delectu.

Quartò, beneficia corporalia homini conferre, vt aliquid spirituale impetres ab eodẽ. Sic S. Ignatius ad lusum inuitatus quẽ ignorabat, ea conditione lusit, vt victoris arbitrio victus aliquot dies viueret: itaque hominem ad exercitia spiritualia, & viâ bonam perduxit. Sic alibi nõ prius eleemosynam

*Aduerte
quæ sine
occasionibus
pietatis.*

mosynā dari vidimus, nisi post auditā Christianæ fidei explicationem. Alibi verò Sodales Deiparæ opulentiores singuli pauperem deligebant, quem donarent eleūmosynā post sacram synaxin perceptam.

Aduersitate utere ad Zelum.

Quintò, infirmos, afflictos, carceres & noscomia visitare, iisque pietatem commendare, nunquam enim paratiores sunt ad haurienda salutis monita, quam cum aduersis premuntur, & re iuuantur. Neque existimandū hoc dedecere Christianum; qui pauperum solorum suffragio, vt ita dicam, in iudicio extremo sciat sese absoluentum.

Sextò, libellos pios donare, & imagines & rosaria: nam & diuites, in aliis ptofusi, hīc negligentes sunt.

Septimò, catechismum, vt suprà dictum est, curare, & scholas ac domos pias pupillorum, viduarum, atq; in iis maiorem pietatis & animæ quàm corporis habere rationem.

Matt. 10. Cur pecuniā animas non emis?

Octauò, animarum zelatores alere: qui enim recipit & alit Prophetam in nomine Prophetæ, mercedem Prophetę accipiet. Sic Lusitaniæ Regina à S. Xauerio persuasa est, vt pecuniā in sandalia dari solitam, animarum auxiliis applicaret. quippe hāc ratione qui concionatori, docere, catechismum tradere per se nequit, per alium sæpè fructuosius præstat. Et quemadmodum qui ministrū hæreticū aleret ac fundaret, reus esset blasphemiarū & perditionis animarū, quę inde sequeretur, ita è contrario fieri omnino certū est.

Pij viri in militiam & Magistratum adlegendi.

Nondò, si quis in republica constitutus ad clauum à Deo est, vt Magistratum creet, militum delectum faciat; pietatis sciat primam sibi in se atq; aliis habendam esse rationem. Quis enim nescit ad Magistratum mores atq; exemplum alios sese componere? Et si nemo tam improbus ferè reperitur, qui populum ac subditos ad impietate adhortari, vel cogere velit, suaque ad flagitia simul verto, & exemplo inuitare; certè non minùs conuenit euitare scandalū, publicumque peccatū. Si enim, quòd verissimū est, exempla trahunt, mouent verba; seridò cogitandum, quantū sit flagitiū, quod plurimos pertrahit in lapsum, vnāque ruinā inuoluit. Atq; hinc est, quod Scriptura dicat: Exiguò conceditur misericordia, potentes autem potenter tormenta patientur; cum non rarò contingat eos pietate minimè cæteris antecedere, quos dignitate præire videmus.

Sep. 6.

Daniel 4. Miles bonus quanti sit.

Decimò, quod in Magistratū valet, & eius electione, multò magis in militia, siue de ducibus agatur, siue de militibus. Si enim, præter militare licentiā, trahat ad crimen ducis exemplum, fieri nequit, quin certum sit pietatis exitiū. Cum autem omne regnum in manu Dei sit, & cui voluerit, der

det illud; atq; ab illo solo victoria speranda fit. perspicuum est, ducis crimen, aut virtutem plurimum ad hanc momenti conferre. Si enim propter furtum vnus Acham, castra Israel fusa fuerunt; quid, quæso, futurum si dux furtis, rapinis, sacrilegiis, luxuriâ atque superbiâ iram Dei in se suosque prouocet? Beniamitis castigandis, eduxerant castra Israëlita: at quia fortitudine & numero confidebant, bis fusi fugatiq; sunt. Quid futurum, si non præfidentiâ tantum laborer miles, sed omni propè vitio disfluat! Certè ex ducibus percunctari liberet, an à Deo putent victoriam impetrare improbos milites magis, quàm probos. Si hos; videre equidem debent, vt tales deligant, atq; quoad possunt, efficiant. nam cum illi victoriâ suâ insoleant, & propagent impietatis regnum; quid interest Dei, hæresis, an vniuersa impietas latè dominetur? Corpus spectas in milite, nōne pluris animus? ignauo hominem corpore recusas, ac debili, cur improbum animo, Deoq; perduellem assumis? reipublicæ putas vtilem qui sibi inutilis? tibi fidum, qui Deo infidus? vitium vitio, igne ignem restinguere paras, pietatem propagare flagitio; virtutis regnum, per illius aduersarios, Dei amicitiam, per inimicos eius; honorem illius, per hos qui eum crucifigunt, templaque animæ suæ & aliorum profanant? In sacris Literis Rex Iuda victus est, quodd copias cum impio iunxisset: quid si ex improbis eas collegisset? Omitto, aut milites securâ ac rectâ conscientia esse fortes. Deumq; cum illis pugnare; aut temerarios calcato Deo, eiusq; præceptis non sibi, non reipublicæ, sed ei cui seruiunt dæmoni, militare. Obseruent igitur duces, quales sint ipsi, quas habeant zeli occasiones, & præclare iis vtantur; ne latius pietate regnet impietas: sciantq; paucos bonos plurimis malis Dei gratiâ ac fauore longè præstare. Exempla ubiq; obuia: quis ambigat? nisi qui Deum negarit vltorem esse malorum, bonorum remuneratorem? *Dignatus es, vt sup. pag. 10.*

Iosue 7.

Iudic. 20.

Milites
boni deli-
gendi.3 Reg. 22.
Improbis
miles exi-
tium rei-
pub.

JACVLATORIÆ.

TV autem, Domine, ne elongaueris auxilium tuum à me, ad defensionem meam conspice. Psal. 21.

Erue à frameâ Deus animam meam, & de manu canis unicam meam. Ibid.

Vsquequo, Domine, auertis in sinē te xard s. et ve' ut ignis ira tua? Psal. 88.
Domine, quando respicies? restitue animam meam a malignitatē eorum, à leonibus unicam meam. Psal. 34.

CAPVT XVIII.

*De exercitiis ad quæ proficientes stimulantur:
quorum primum est Mortificatio.*

*Quid mor-
tificatio.*

Primo aspectu horridum nomen est, vt sectio, vstulatio: sed si consideratur vt medicina, quemadmodum verè est, gravior futura. Mortificatio enim nihil aliud est quàm ea exercitatio, quâ per Dei gratiam (absque illâ enim nihil) quod in nobis ægrum est, sanum fit; quod prauum ac obliquum, rectum; quod obscurum, perspicuum, quod in viâ virtutis, amarum, suaue & iucundum, denique, quâ passionibus animi & corpori (quæ suâ violentiâ post peccatum originale eam perturbant & euertunt) ratione coëcentur; homo satisfacit pro peccatis, omnes tentationes vincit, ædificat proximos, orationes suas efficaces facit, ac tandem ad primæuam pacem & integritatem reuertitur. *Hæcine vera*, vt sup. pag. 7.

*Quæ eius
diuisio.*

1. Cor. 9.

Duplex est mortificatio: alia exterior corporalis, alia spiritualis. Exterior est, quâ corpus ieiuniis, & aliis austeritatibus cõhibetur, & sensus quinque iuxta rationis regulas componuntur: de quâ Apostolus, Castigo corpus meum, & in seruitutem redigo, ne fortè, cum aliis prædicauero, ipse reprobus efficiat. Spiritualis verò, quâ affectiones animi & spiritus circumciduntur.

*Quæ neces-
sitas.
Rom. 8.*

Et si autem oratio summopere commendetur, & velut prima virtus ab Asceticis habeatur, tamen mortificatio non minùs collaudatur, adeò vt Apost. dicat: Si enim secundum carnem vixeritis, moriemini; si autem spiritu facta carnis mortificaueritis, viuëtis: qui enim Christi sũt, carnem suâ crucifixerunt cum vitiis & concupiscentiis suis. Quemadmodum autem mortificatio ad orationem optima via est, ita oratio non tantum ad mortificationem ducit, sed impellit, & eam suauem efficit. Ascende itaq; cum sponsâ ad montem myrrhæ, seu mortificationis, & collem thuris, siue orationis, & exue veterem ho-

Gal. 5.

Cant. 4.

mi-

minem, & indue nouum, qui secundum Deum creatus est: ac quemadmodum serpentes pellem veterem inter angustias sibi detrahunt, ita nos exuere mores veteres, idque sponte nostrâ facere oportet. Ita tamen, vt ab aliis etiam oblata mortificatio, velut de manu Dei sit acceptanda eo animo, quo medicina à medici manu; quo subsidium ad hostem superandum à fideli amico. *Credo tibi*, vt suprâ pag. 7.

Mortificandus autem imprimis est amor proprius, id est, quo quis suis nimium studet commodis; qui etiam potest obiectum habere res spirituales, quatenus vtilitatem & iucunditatem aliquam habent, isque non minus sæpè noxius, quàm ille, qui circa sensuum oblectamenta, honores, opes, & alia bona temporalia versatur. nam cum perfectio nostra sit diuinâ voluntatem in omnibus sequi: si quis affectu illo in obedientiâ difficilior sit, & suorum exercitiorum ac iudicii tenacior, æquè ac magis est noxius atque alius.

Effectus huius amoris narrantur ab Apostolo: In notissimis, ait, diebus erunt homines seipso amantes, cupidi, elati, superbi, blasphemi, parentibus non obedientes ingrati, scelesti, sine affectione, sine pace, criminatores, incontinentes, immites, sine benignitate, proditores proterui, tumidi, & voluptatum amatores magis quàm Dei. Itè effectus eius, pudor ob naturales defectus, vilipendium parentum (nam de Dei offensa solum pude fieri oportet) excusare defectum, tractare, quæ ad laudem nostram spectant; de aliis contemptim, de se magnificè sentire ac loqui; ea solum quæ dignitatem, quæque auctoritatem pariunt ac alunt, affectare; studium adhibere, ac se coercere in publicis, non priuatis; terrena curare, æterna negligere; honorificè habere, omittèrè opera pia ob iudicia hominum, &c.

Contraria autem in remedium adhibenda, vt sunt honorem fugere, defectus discretè aperire, non se excusare de se suisque, nisi necesse; nunquam loqui, in iis quæ

Que præcipue mortificanda. Amor proprius.

Que effectus amoris proprii. 2. Tim. 3.

Que remedia.

ad

ad corpus, voluptuosa & superuacanea non expetere, sed necessaria, & in iis (quod in se est) optare voluntate carere. Denique optimum remedium bonâ ac purâ intentione actuali aut virtuali omnia facere non propter proprium commodum, sed Deivoluntatem, & proximi vtilitatem, &c. *Dignatus es*, vt sup. pag. 20.

Item mortificanda propria voluntas. Isaie 58.

Alter defectus mortificatione superandus est, propria voluntas, lepra pessima animæ nostræ, quæ etiam bona opera vitiat ac corrumpit. Quare, aiebant Iudæi, ieiunauimus, & non asperxisti; humiliauimus animas nostras, & nescisti? responditque Dominus: Ecce in die ieiunij vestri inuenitur voluntas vestra.

Quid ea.

Voluntas autem propria est, quæ non est nobis communis cum Deo & hominibus, sed nostra tantum: quando quod volumus non ad honorem Dei, non ad vtilitatem fratrum, sed propter nosmetipsos facimus; non intendentes placere Deo, & prodesse fratribus; sed satisfacere propriis motibus animorum.

Qui eius effectus.

Varij autem huius effectus: si quidem, vt D. August. ostendit, omnia peccata ex eo ortum habent. Est enim homo voluntatis proprię seruus, curiosus, instabilis, contentiosus, correctionis impatiens, plenus excusatione & promptus ad eam, tenax iudicij proprij, & voluntatis, aliena imperia detrectans, in cõmunibus segnis, priuatis cõmodis sedulus. Credishæc? *Credo tibi*, vt sup. pag. 7.

Quæ remedia.

Remedium est Primò curiositatem refrænare, stabilitatem colere, deniq; verbo vno contraria contrariis curare, & alterius sequi voluntatem; etiam si Superior non sit. Nunquid enim dicit omnibus Apostolus: Subiecti estote omni creaturæ propter Deum? Hoc enim voluntatem propriam necat, ambitionemq; laudis ac honoris (prolem pessimam propriæ voluntatis) excindit.

1. Pet. 2.

Item mortificandus ambitionis affectus. Ioan. 5.

Tertiò, igitur extirpandus est ambitionis affectus, virus longè grauissimum, quod etiâ fidem labefactat. Quomodo, aiebat veritas, vos potestis credere, qui gloriam ab

ab inuicem accipitis? Nulla enim pestis latius grassata est, hodieq; grassatur: ob laudem enim & honorem & famam fiunt pleraque ab hominibus, ab Ethnicis omnia: siquidem scientia, honores, opes, species, vestium luxus, nisi spectator & laudator sit, contemnuntur.

Statuendum igitur nullum honorē ac dignitatē, nisi *Quæ remedia.* maiorum iussio interueniat, aut spirituali Patri videatur, admittere: at verò illius affectum, nunquam. Dignitas (si obedientia, necessitas, aut vberior animæ nostræ aliorumque profectus, & diuinæ gloriæ amplificatio ita requirat) aliquando acceptanda: verum ita vt nullo pacto ei animus adhærescat. Quemadmodum enim de diuitiis dicitur, ita de honoribus iudicandum. Diuitiæ ergo & honores si affluant, noli cor apponere: imò honorifica aliis, in officiis, nominibus, locis, vltro ad imitationem Domini, defer; humilia elige: virtutes occule, quantum licet: iis operibus tua impende, quæ alios habent auctores: de rebus tuis ne loquere. Causæ honorem fugiendi sunt infirmitas nostrā, & periculum vanitatis. si quis *Honoris in fugiendi.* enim quos non habet appetit ardentem, quomodo eos quos habebit fortiter animo abnegabit? si priuatus & in humili stare aduersum vanitatis ventum nequit, quomodo in excelso locatus? vnde Bernardus verè paucos ait esse, qui alios regant cum profectu; pauciores qui cum humilitate. Imò Gregorius, impossibile ait imperfectos locum honori dare pro subditorum fructu, & non animo extolli. Ideoque omnes omnino Sancti honorem defugerunt, Gregorius, Chrysostomus, Martinus, Augustinus, Fulgentius, Nicolaus. Vide P. Ariam *Bern. ser. 2. in Cant.* lib. de mortificatione, Quis verò tu censes? *Greg. in l. 1. Reg.*

Quartum malum mortificatione sanandum, est proprium iudicium, altera lepra, vt Bernardus ait, animæ nostræ. Quod autem est proprium iudicium? quando verum certumque illud esse iudicas quod Superiori, vel (si Superior non sit, aut sententiam & voluntatem non declaret) aliis viris prudentibus minimè videtur. Arrogantia.

*Basil in
Reg. breu.
9. 123.
Bern. ser. 2.
de resur-
rect.
Quæ reme-
ditur*

gantiæ enim est, vt Basilii, nolle maioris partis sententiæ acquiescere. & Bernardus : Quæ maior superbia esse potest, quàm si vnus suum iudicium præferat vniuersæ congregationis iudicio, quasi solus haberet spiritû Dei?

Ad hoc iuuat aduertere ignorantiam nostram, cuius magnum verè pelagus est; opinionum varietates & passionibus quibus excæcatur ratio, & quoties experientiâ compererimus, nos falsos & errore delusos fuisse. Sicut autem in Ecclesiâ, Republicâ, omni congregatione, hoc vitium omnium est malorum dissensionumque origo; ita etiam gratissimum est Deo abnegationis huius sacrificium. Itaque aliorum voluntati & iudicio tuum libens accommoda: vt sis filius pacis, & Dei optimi Patris tui. Delige verò Patrem spiritualem, cuius prudentiâ te regi permittas; neque tamen omitte propterea aliorum consilia humiliter exquirere, etiam inferiorum; imò & monita libens admitte: nescis enim, vt Iob loquitur, vnde tibi oriatur lux in tantis ignorantie tenebris. *Credo tibi, &c. vt sup. pag. 7.*

Meditatio de Mortificatione.

COMPOSITIO LOCI. Considera coram te Christum Dominum in cruce omnibus membris vulneratum.

PUNCTVM I. Considera Primò in Adamo statum naturæ integræ, quomodo tum corpus animæ subiacebat, passionibus rationi; ipsa Deo: ita vt homo liberè contempleretur, Deiq; voluntati in omnibus conformis esset, &c. Secundò, per peccatû omnia inuersa esse: neque id

Per peccatum corrupta natura est.

minùs fœdum, quàm si membra sursum deorsum essent locata. Tertiò, quòd si homo viuere iam velit secundum rationē, id est, vt homo (quod eius vnicum est & summum bonum) non vt bestia, mortificatione vti debere: multò magis si Christianè, si Religiosè: neq; in sæculum relabi. Aduerte itaque, per mortificationem hominem

restitu

restitui statui primæuo, cùm per eam rationi pareat, le- *Mortifica-*
gibus & Deo: & contrà, fugiendo eam, ægrum manere *tione in-*
ac instar bruti, &c. proinde eam diligenter quærere, & *stauratur.*
amplecti constitue. *Aspira*, vt suprà pag. 8. *Hæcine firmâ*
fide, ibid.

PVNCTVM II. Considera Primò, mortificationem,
voluntatem, intellectum, aliasque potentias facere sanas,
integras, perfectas; ita vt rationi pareant, & vetus homo
crucifixus in seruitutem redigatur. Secundò, quòd via-
tor nemo possit perfectè desiderio cælestium bonorum
inflammari, nisi diligens sit in reprimendis cupiditatibus
corporis, etiam licitis & necessariis. Tertiò, quod tota iu- *Tota sapi-*
dicio sapientium, philosophia, sapientia & felicitas ho- *entia in*
minis in mortificatione posita sit: nã homo immortifi- *mortifica-*
catus semper plenus est pœnitentiâ, semper vt mare, aut *tione.*
velut in cibo, vt ait Macarius, agitur: mortificatus
verò in pace summâ est, atque cælesti vitâ fruitur, huma-
nis rebus superior: neque prosperis, neque aduersis fran-
gitur. Quartò, considera Sanctorum solatia, quietem,
etiam in magnâ austeritate, & perpetuâ mortificatione.
Quintò, considera quæ passionibus te magis fatigent, qui-
bus faciliùs valeas corrumpi, & proponas examine par-
ticulari eas tollere. *Credo tibi*, vt sup. pag. 7.

PVNCTVM III. Considera quàm gratum sit Deo mor-
tificationis sacrificium; ideò namque Dominus IESVS,
etiãsi gloriosus esset, coërcuit gloriam, quæ ex animâ
in corpus redundasset, idque vt tolerare pro nobis acer-
bissima tormenta & mortem posset; cui proinde hu- *Christi Ie-*
mani generis tribuitur redemptio. Secundò, B. Mater *su & San-*
illius, & Joannes Baptista, atque Apostoli plurimis ad- *ctorum ex-*
uersitatibus exerciti fuerunt; quorum vnus sic loqui- *emplum.*
tur: Vsq̃ue in hanc horam & esurimus, & sitimus, & co- *I. Cor. 4.*
laphis cædimur. Martyres verò quo amore & ardore
patienter tyrannos vserunt, vt sese quibus possent
modis affligerent? Tertiò, omnibus Sanctis Domi-
nus hunc spiritum mortificationis etiam in minimis
V 2. *in spi-*

inspirauit, vt patet in B. Aloysio & aliis: adeò vt Deo fit
 2. Reg. 23. gratius negligere florem, condimentum, cibum, aquam,
 vt Daud, Deoque offerre, quàm mortuum suscitare.
Hæcine vera, vt sup. pag. 7.

PVNCTVM IV. Considera, quàm gloriosum nobis sit
 per hoc exercitium imitari Christum Dominum tanta
 Eccli. 23. passum toto vitæ suæ tempore: gloria enim magna est se-
 Matth. 16 qui Dominum, & præceptum eius est; Qui vult venire
 post me, abneget semetipsum, & tollat crucem suam,
 Gloria no- & sequatur me. Neque vllum certius signum est amicitie
 stra morti- cum Christo Iesu, quàm crucem cum eo ferre, qui est
 ficatio est. Rex noster, & Dominus, ac caput nostrum. Sic Dauide
 2. Reg. 15. nudis pedibus egrediente, nullus equum conscendere
 Matth. 16 voluit. Vrias noluit diuertere in domum suam, cum Ioab
 3. Reg. 21. & arca essent sub pellibus: & quomodo Christianum
 Greg. hom. non pudebit sub cruce militare, & eam horrere? ducem
 34. in ac caput habere spinosum, & se esse delicatum?
 Euang.

PVNCTVM V. Considera mortificationem esse satis-
 factionem pro peccatis. Sic Achab, Dauidem, aliosque
 Greg. Domino satisfecisse Scriptura commemorat. Hinc Gre-
 gorius: Cogitandum summopere est, vt qui se illicita
 meminit quæsisse, quibusdam etiam licitis studeat absti-
 nere, quatenus per hoc conditori satisfaciatur. Sic B. Mag-
 Luc. 7. dalena, & omnes poenitentes fecerunt. Sciebant enim
 Deum omne peccatum punire vel hîc, vel in futuro, nisi
 Ione 4. nos ipsi puniamus. atque ita, vt in Niniuitis monstratū,
 per mortificationem tum à malis huius vitæ, tum futu-
 ræ liberamur.

Exercitium pro spiritu mortificationis impetrando.

Q Vis mihi tribuat, benignissime IESV, vt sequar te, & ve-
 stigia pedū tuorum? Video te in laboribus à iuuentute
 tua, & vulpes habere foueas, & volucres calinidos, te autem,
 Psal. 87. Domine mi, nō habere vbi caput reclines: & quorsū hæc, nisi
 Matth. 8. vt doceas me exemplo tuo, carnis delicias nō amare, sed morti-
 Coloss. 3. ficari.

scire membra mea quæ sunt super terram? Et quem non inuitabit amor tui, & suauiss. ma illa vox, Exemplū dedi vobis, vt, quemadmodum ego feci, ita & vos faciatis? O suauitatē! o gratiam! o amoris vim! Tu summus omnium, imus factus es omnium: quæ hoc fecit? amor dignitatis nescius, dignatione diues, affectu potens, suasu efficax. quid violentius? triumphat de Deo amor; & me superare non poterit? amorem mei non poterit extinguere amor Dei mei.

Ioan. 13.

Bern. sup.
Cant. ser.
64.

Scio quoddam qui non odit patrem & matrē, insuper & animam suam, non potest tuus esse discipulus. Si igitur te sequi volo, ecce odisse me debeo, & perdere animam meam, vt inueniam eam. Et quid est odisse me propter te, nisi amare te? quid est perdere me, nisi te inuenire, id est omne bonum? si abnegauero vanitatem, dabis veritatem: si stultitiā repulero, sapientiam; si mundi & hominum fallacem fauorem, tuam gratiā, vt diuine fiam consors naturæ; & maximè quoties ad me venire dignaris, & pascere me, & quiescere in me; si mundi flores respuero, regni tui sempiterni haeres ero; si delicias, gaudio quoddam nec oculus vidit, neq. auris audiuit, neq. in cor hominis ascendit, fruor in te. Da vt gustare illud nunc incipiam, & desipiant mihi omnia, quæ tu non es, da vt in te pane Angelorū omne delectamentum inueniam, & sic detester omne creatum solatium ex corde, ita inueniam te omne bonum.

Luc. 14.

Applica-
tio ad
Communi-
onem.

O quā dulcis est fructus, quē de Cruce tuā, & imitatione colligere nos iubes? Ascendam igitur in montē myrrha & in collē thuris, & pro amore tuo faciam, vt manus meæ distillent myrrham primā; cupio enim tuus esse ex toto corde meo. Qui autē tui sunt, carnem suā crucifixerunt cum vitiis, & concupiscentiis suis. Crucifige igitur, Domine, carnē, circūcide præputiū cordis mei, vt in numero filiorum tuorū esse possim. Tu, Domine IESU, Saluatoris nomē suscipere noluiisti nisi circūcisus: ego salutis recipere non possum, nisi signaculo iustitiæ, fidei, & imitationis tuæ, verā mortificatione à filiis seculi separatus. Da mihi, quaeso, gratiā, Deus meus, vt pro te alligari & proiori paratus sim; & gaudere, si quādo dignus fuero pro nomine tuo contumeliā pati. Da semper circumferre mortifi-

Cant. 4.

Gal. 5.
Mortifi-
catio facit
filiū Dei.

2. Cor. 4.

cationem tuā, ō JESV, in corpore meo; si enim complantatus factus fuero similitudine mortis tuæ, spero quod misericordiā tuā similis etiam resurgam in gloriā per gratiā tuā. Amen.

Praxis mortificationis.

*Consecra
Deo morti-
ficationes
certas.*

PRIMA, præter eas quas suprà habes, erit, certo numero, v.g. quinario ad honorem vulnerum Christi, mortificationes offerre, præsertim in materiā illā, de quā examē particulare instituitur, neque cessare quoadusque illud præstiteris. Quemadmodum enim David amore Michol, donec centum capita Philistinorum collegisset, quibus ei desponsa fuerat à Saule, nō cessauit eos persequi; ita, vt anima nostra diuinæ amore digna sit, de passionibus, amore nostri, cæterisque hostibus aliquot victorias referre debemus.

*Vni tuas
Christi me-
ritis.*

Secunda est, omnes illas cum Christi passionibus vnire, & sic diuinæ Maiestati offerre, velut in compensationem, & vt membra capiti nostro, duci milites, ac filij parenti simus conformes.

Tertia, catalogum occasionum mortificationis colligere vtile est iis, qui Christi crucem in corpore suo semper & stigmata eius cupiunt circumferre.

*Certa corā
Deo, & cu-
riā celesti.*

Quarta, cogitet in difficili pugnā theatrum esse mundū, & coram Deo, vt generosus miles ardua habeat in votis, & gloriosum putet commissum se potius cum forti armato, quā imbelli lixa.

*Creatura
venenum.
Prou. 23.*

Quinta, sæpè cogitet creaturam vinū esse, pincernā qui propinet dæmonem, in fundo cyathi colubrum, & fontem malorum omnium, iuxta illud Sapientis, ne intuearis vinū, cum splenderit in vitro color eius: ingreditur blandè, sed in nouissimo mordebit vt coluber, & sicut regulus venena diffundet. *Dignatus es, vt supr. pag. 10.*

JACVLATORIÆ

Psal. 30.

Viriliter agite, & confortetur cor vestrum, omnes qui speratis in Domino.

Psal. 49.

Immola Deo sacrificium laudis, & redde Altissimo vota tua; omnes qui in circuitu eius adfertis munera.

Psal. 2.

Apprehendite disciplinam, ne quando irascatur Dominus, & pe-reatis de viā iustā.

Psal. 43.

Propter te mortificamur totā die, facti sumus sicut oues occisio- nis.

Prou. 16.

Melior est patiens viro forti, & qui dominatur animo suo, expu- gnatore urbium.

CAP V T XIX.

De Passionibus edomandis.

Quemadmodum in parte superiori animæ omnis mali fons est voluntas & amor proprius, ac iudicium proprium; ita in inferiore passionum, quæ alioquin indifferentes sunt, immortificatio. Motus autem animi dicuntur passionēs, eò quòd appetitus sensitivus commotus imaginatione alicuius boni, vel mali, impressio- nem seu immutationem in corpore faciat. Duplex est autem ille appetitus, concupiscibilis & irascibilis. Concupiscibilis, qui circa bonum vel malum absolutè versatur, has sex passiones habet. Amorem boni repræsentati, ex quo desiderium si non adsit; & gaudium, si præsens sit, promanat: si malum sese menti offerat, mox odium illius; inde fuga, si absens sit; pòtè dolor, si præsens, exoritur. Irascibilis versatur circa bonum & malum, quatenus ardua sunt: cuius passiones sunt quinque. Spes de bono arduo: audacia contra malū, quod superatu difficile: desperatio de bono, quod acquiri nequit: timor à malo, quod vinci non potest, uti & ira. Passiones istę pro obiecto habent ea, quæ sensibus percipiuntur; bona inquam mundi huius, quæ aut utilitate, aut gloriā aut voluptate continentur. Si quis igitur affectum à temporalibus ad æterna transferat, passionum suarum dominium nanciscetur; hæc siquidem ab illo omnes commouentur. Qui enim non amat temporalia, non desiderat, non diffluit gaudio, si affluant: rursus, si contraria accidant, id est mala, ea non odit, sed, ut Christi servus, crucem amat, ut verè utilem, salutarem, gloriosam ac iucundam: non fugit, sed sequitur; non tristatur immodicè, sed cum Apostolo in cruce Domini gloriatur, per quam ipsi mundus crucifixus est, & ipse mundo. Similiter spem suam cum in bono æterno totam collocarit, bona mundi huius aspernatur: malum arduum vitat quidē, quatenus ratio dicat, non tamen audacia perturbatur: nihil desperat, aut timor

*Quid passio.**Vbi inueniatur.**Sex passionēs appetitus concupiscibilis.**Quinque passionēs appetitus irascibilis.**Quæ passionum obiecta**Quæ remedia.**Galat. 6.*

*Amorum-
di eicien-
dus ex ani-
ma.*

Lucæ 16.

*Curiosita-
tis mala.*

*1. Thessal.
1.*

*Mortifica-
tio in par-
uis laudata*

2. Reg. 23.

Lucæ 16.

met, quia nihil concupiscit. Vides remedium omnium passionum, esse proprii amoris ac creaturæ euacuatio- nem, quā amor Dei consequitur? Fac igitur ante omnia, vt temperatus in te omnino sit omnium huius mundi bonorum amor: idq; fiet si æterna cogites, & hæc fluxa esse multis permixta doloribus, ac fieri nō posse, vt quis hic illis fruatur, & postmodum æternis. vnde dictū Epuloni; Fili recordare quia recepisti bona in vitā tuā. Difficile id quidem, maximè in initio, sed Christi exē- plo carnem crucifigere oportet, sensuumque volupta- tes spe cælestium abnegare: ipsoq; vsu mortificatio ita dulcescet, vt non mors, sed vita esse credatur. Obserua quod dictum est, amorem temporalium, seu voluptatis aut commodi alicuius, causam esse perturbationum: trahit enim vnumquemque sua voluptas, atque vti in saporibus & cibus, eorumque gustu euenit: ita in aliis, varij variis oblectantur.

Curiositas autē inprimis refrænāda in visu, auditu, &c. vt Guilielmus Parisiēsis rectè docet. quātū enim eius sit violentia, patet in omnibus, seu tristibus seu alijs specta- culis, quibus quantum homo inescetur, docet Alipius apud D. Augustinum: etenim cū semel in theatro spe- ctasset, postea vix auerti potuit. Beatus verò Hugo Lin- colniensis Episcopus totos annos quinquaginta mulie- rem non aspexit: nec S. Franciscus vllam de vultu nōrat.

Quòd si metuebant viri sancti induti lorica[m] fidei, ga- leam salutis, & omnem armaturam Dei, quid nos pu- miliones inermes, de quibus toties hostis triumphauit, formidare nō debeamus? Sic & auditus coërcēdus à sa- bulis, inutilibus, nouis; sic odoratus, cæteri que sensus sancto sui odio, & Christi amore mortificandi. Neque tantū in magnis, sed etiam paruis; quid enim magnū à turpis rei aspectu abstinere? sed à licitis & paruis se continere plurimum est. Sic David haustum è cisternā Bethlehem aquam effudit, & Deo sacrauit; qui enim in modico fidelis non est, & se superare nequit, neque et- iam

iā in maiori id poterit. Anima autē sic mortificata, velut pluma sicca, cēlū petit; aliās madida terreno vapore deorsum tendit. Fitque demum animæ, in hac ablaetatione, conuiuium grande, vti fecit olim Abraham in filij ablaetatione, id est spiritali mortificatione. Non enim inuenitur Deus in terra suauiter viuentium. Vt verò ea quæ dicta sunt altius imprimantur, meditationes de his subnexas vide. *Aspira*, vt suprā pag. 8. *Haccine firmā, &c.*

Genes. 21.

Meditatio prior de passionibus edomandis.

COMPOSITIO LOCI. Statue te coram Deo, & imaginare velut te circumdari canibus; vel belluas plurimas in corpore tuo pugnantes, & æternam perniciem minitantes.

ORATIO, vt suprā.

PUNCTVM I. Considera Primò, hominem à Deo sic creatum esse, & donatum omnibus suis membris, potentiis & passionibus, vt ad Dei gloriam, & ex eius voluntate, omnibus iis (quia omnia illius sunt) vtatur, nisi æternum, non in illo solū membro, &c. sed toto corpore malit cruciari. itaque præteritam vitam, quando exhibuisti membra tua seruire iniquitati, detestare, & te omniaq; Deo offer. Considera Secundò, solas has passionibus ferè æternæ damnationis causam, & omnium esse peccatorum fontem, si malè domitæ sint; imò etiam morborum corporis, & malorum temporalium. pauci enim bonis & mansuetis sunt infesti. Tertiò, vide quas perturbationes faciant, nimirum omnes easque maximas, vt patet discurrenti per singulas; ita vt sicut corpori morbos, & mortem humorum adfert perturbatio, ita animæ passionum. Quare te ad eas edomandas excita, quantum tibi vita & salus sempiterna curæ & cordi est. *Haccine vera, &c.* vt suprā pag. 7.

*Passionum
violentia
omnium
morborum
causa.*

PUNCTVM II. Considera Primò, quàm suavis sit pax & quies in eius animâ, qui illas domitas habet; vt patet in Adamo. nihil hic timet, sperat; perpetuâ animæ, & sæpè

*Omnes
quietē ani-
mi ubique
querunt.*

sæpè corporis suauitate, quiete, serenitate fruitur; quem tanti sapientes omnes fecerunt, vt omnia, etiam Ethnici, præ hæc contempserint; quam tanti omnes mortales, vt omni studio ad eam contendant. Quorsum enim mortales implere ventrem, cupiditatem, ambitionis desideria explere, curiosis opplere rebus intellectum exoptant, nisi vt dicere possint animæ suæ: Quiesce hæc? Sed frustra; cùm saturari anima his nequeat: & quamuis omnia possideret, nullius tamen certam ac diuturnam scit esse possessionem, vsum, aut fructum, tantumque proinde in humano pectore timoris, quantus fluxæ rei est amor atque cupiditas. Secundò, considera quòd nullus tam sit dirus hostis, tortor crudelis, qui te cruciare ita assiduè possit, atque hæc passiones, cùm intrinsecæ sint, perpetuæ atque peruigiles: immò nihil ferè nocere potest tibi dæmon, nisi harum velut ministerio vtatur.

*Dæmon
passionibus
nostris nos
oppugnat.
Genes. 4.*

Tertiò considera, hominem ad hoc creatum, vt omnibus creatis dominetur, & subter eum sit appetitus eius; per has verò passiones, cuius illum rei etiam vilissimæ subiici, si videlicet ei non secundum voluntatem Dei afficiatur. vnde talis quasi amens Deum sæpè, & animæ pacem, æternam gloriam, & omne bonum abiicit, vt illam consequatur; & si petatur, cur ita insaniat, se sponte cruciet? reipsa ait, Aliter res ista quam cupio, agere me non permittit, illi pareo, aliter non possum: consequi illam debeo. Per sæpè autem vilissima ea res est, à qua si prohibeatur aut vi, aut lege, aut mandato, manus tradit hosti, murmurationi se substernit, ac bonorum omnium suorum oblitus, miseram trahit vitam; fortunatissimus, si voluisset, futurus. O infelicissimum & abiectissimum, qui tot tortoribus se dedit in rei vilissimæ gratiam, & gloriam æternam perdit! quamuis autem non semper damnatur, tamen gloriam quam haberet, si in eo se vicisset, perdit æternam. *Aspira. vt s. p. 8. Hæcine firma fide. ibid.*

PUNCTVM III. Considera Primò creaturas omnes,
& vide

& vide quomodo si vni per amorem adhærescas, mox desideria, spes, timores, feruor, zelus, audacia, ira, si quis obsistat, in te impetum faciant; & rursus odium contrarij, tristitia cum desperatione boni. quòd si habeatur bonum optatum, amor, zelus, extasis, vnio, inhæsiō. nam prius amatur res aliqua, quæ amorem sui quasi formam imprimit amanti, velut ignis alij calorem. hunc sequitur desiderium, cum ardore & feruore & languore, si frui optatis non liceat; dehinc spes, timor ac desperatio, ne bonum consequatur, interueniunt; item ira & zelus & audacia, si quis obstet; & rursus odium, fuga mali, & tristitia ex carentiâ boni. si autem consequatur, nascitur delectatio valdè trahens, feruor, languor, extasis quâ est amans in re amatâ, liquefactio cordis, vt bonum subintret, viua inhæsiō & zelus, timor perdendi, spes & desperatio retinendi, odium, fuga & tristitia de malo contratio. & sic perpetuò agitur passionibus sex concupiscibilis, quæ sunt amor, desiderium, gaudium, item odium, fuga, tristitia; & rursus irascibilis, quæ quinque numerantur, nempe spes, desperatio, timor, audacia, ira. Cùm igitur quæuis res, etiam vilissima, tot te modis agitare possit, abnega omnem creaturæ inordinatum affectum, & in vno Deo omnem amorem colloca, fonte omnium bonorum. *Domine Iesu Christe, vt inf. pag. 324.*

*Quanta
perturbatio
ex amore
res creatæ.*

*Amor om-
nis in deū
conuertendus.*

Meditatio posterior de iisdem.

COMPOSITIO LOCI, vt suprâ.

CPUNCTVM I. Considera Primò, Deum vt summum bonum & omnis boni fontem, vbique tibi adesse, ubiq; operari, in quo sit summa quies tua, & vide an res vlla ab eo te abstrahere possit, quam optes habere aut iam habes, & retinere; an verò cū Apostolo dicere queas: Quis nos separabit à charitate Christi? Vt verò cognoscas cui rei afficiaris, vide quid sæpius verles animo tuo, eaque quâ sit vilis, amara, turpis, fugax, agnosce. Secundò, quomodo non satiet, sed irriter magis & torqueat, attende.

*Deus ubiq;
adeft.*

*Creatura
non satiet.
Rom. 8.*

Tertiò,

Tertiò, quàm turpe illi se subdere, & ob eam sic velle agitari. Quartò, quòd, sicut nemo ab orbe condito in vllà re hactenus quieuit, neque vnquam quiescere in creaturâ vllâ potuit, ita etiam tu non possis in istâ, quod-que certè neque in morte voles hanc ita dilexisse, neque in iudicio *Aspira*, vt sup. pag. 7. *Hæcine firmâ fide*, &c. ibidem.

*Dæmon
amore cre-
aturæ nos
vincit.*

Quintò, quomodo dæmon velut aranea sedeat in omnibus creaturis, vt sagittet amore earum rectos corde, vt patet in Euâ parente nostrâ à serpente delusâ. Cogita verò te primò à dæmone, postea ab omnibus supradictis passionibus, desideriis, spebus, desperationibus, auersionibus, timoribus, irâ, antequam habeas, & postquam habueris, agitandum; si dæmon vllius rei amore te vulnerit, & similem sibi effecerit. Similes enim, ait Propheta, illis fiant qui faciunt ea. Neque refert parua, an magna res sit. multi enim pereunt & opprimuntur arcanâ, vt ait Gregorius, qui grandia vitarunt. Sextò, considera quid ab ista re tibi desideres; voluptatem? atqui nōne animus passionibus perturbatus verè eam non gustabit, sicut ægro cibi non sapiunt? & ecce meliorem in Deo ad manum habes ac paratam. Cur eâ non frueris sine noxâ? *Credo tibi*, vt suprà pag. 7.

Psal. 113.

Gregor.

Nosa.

*Beneficia
Dei atten-
de.*

*Stulticia
filiorum
saeculi.*

PUNCTVM II. Considera Primò, quo modo Deus fons omnis boni, in te hactenus continuò misericordiæ suæ riuos per beneficia innumera siuerit & sinat fluere: itaque in eo omnes passionēs merge, sit ille timor tuus, vt Jacob aiebat, sit ille spes tua, cùm solus iuuare possit: sit amor tuus & desiderium cùm sit omne bonum? nihil oderis, nisi quod ei repugnat, qui omnia continet, & solus bonus est: cùm neque quidquam nocere possit, sine eo; neque quidquam te extra eum beare. Considera Secundò, quid sit quòd hæc tu & plerique omnino homines non apprehendant. Fascinatio oculorum & intellectus, & insania maxima: cùm enim pacem & quietem in creatis habere nequeas, & nihil hio

per-

perfectè, vel diu habere possis, quæ dementia te nolle habere, vilissimis rebus abnegatis, omnia, id est, Deum possidere per amorem, hîc & in æternum! Tertiò, etsi habere posses, & frui omnibus creatis aliquamdiu; tamen si pacem quæras, nōne omnino aliquando ea abnegare oporteret? Cum enim omnibus creaturarum desiderii id solū agatur, vt animus quietus sit, idq; fieri omnino nequeat; tum quia extrema gaudij semper luctus occupat; tum quod vnâ re habitâ, crescat alterius desiderium; vt in hydropico; tum quod innumeræ sint creaturæ, & frustraneus idcirco omnino labor; abnegare omnia, etiam seipsum necesse est, vt tranquillitas & pax animi inueniatur: si tamen ea tibi, vti omnibus propostita est. Accedit, quod dum habetur, vnâ cum possessione eiusdem timor nascitur, eoq; maior, quo res carior. quare igitur omnibus abnegatis, per compendium pacem nō quæris cum Deo & in illo? Cur non erubescis, aut detrectas scædam ac turpem mendicitatem à creatis cum opprobrio & molestiâ summâ exercere? *Aspira*, vt sup. pag. 8. *Hæcine firmâ*, &c. ibid.

*Abnegatio
necessaria*

PVNCTVM III. Considera quæ opus sint ad passionem animi tui superandas, id est, hostes tuos crudelissimos. Primò, certè necessarius est generosus animus, qui istis rebus terrenis & vanis subdi nolit. Secundò, sensuum custodia diligentissima; per hos enim, vt portas hostes intrant, qui longè facilius repelluntur, quàm expelluntur. Tertiò, cogitare Deum, omne bonum, sibi adesse, & in eum omnes affectus conuertere. Quartò, vanitatem & vilitatem rerum omnium assiduè expendere. Vide deinde quorsum in Baptismo mundo renunciaueris; certè vt sæcularia fugeres, non tam corpore quàm desiderio, firmæque voluntate seruiendo Domino, omnibus diebus vitæ tuæ. *Dignatus es*, vt sup. pag. 10. vel *Domine Jesu*, vt inf. pag. 324.

*Remedia
passionum*

Medi-

Meditatio prima de Odio sui.

COMPOSITIO LOCUS erit, cogitare teterrimam voraginem, velut puteum abyssi, omnia mala eructantem, talis nempe est amor sui.

ORATIO, vt suprà.

Luc. 14.

*Amandi
qui nos ex-
ercent.*

Senec. ep.

66.

Amor sui.

PUNCTVM I. Considera Primò illa verba: Qui non odit patrem & matrem, insuper & animam suam, non potest meus esse discipulus. Secundò, quomodo is qui aliquem odit, erga eum afficiatur, & quòd ita etiam qui se odit, erga se affectus sit. nam in malis illatis sibi gaudet, & inferentes amat, vt contra hostem suum conspicientes: alios sibi blandos, vt hostem fouentes, non magnopere amplectitur. Tertiò, vide quàm innumera desideria amor hic gignat in te, & quàm ampla sit seges odium hoc exercendi, ac detestare hunc amorem tui, dicens cum Seneca: Maior sum, & ad maiora genitus, quàm vt mancipium sim mei corporis. His te excita, ô viator, & aspera amplectere, eosque qui ea tibi offerunt; & contrà suauia aspernare. *Haccine vera*, vt suprà, pag. 7.

*Origo ma-
torum.*

PUNCTVM II. Considera Primò omnia peccata, & per consequens omnia mala mundi, nasci ex sui amore. Nemo enim honoris ambitione, aut luxuriâ peccat, nisi quia commodum suum amat: vnde qui perfectum odium sui habet, liber est ab omnibus peccatis. Secundò, attende & appende, ô Christiane, eundem amorem tui Christum tuum crucifixisse. Nónne verè Apostolus dixit, peccator sibi metipsi filium Dei crucifigit? quare odio tui satisfac Deo, & Christo IESU pro te ex infinità charitate crucifixo. Nónne satis est semel eum pro te mortuum, vt ei viuas, & beatus sis? Tertiò considera amorem sui, velut teterrimam lepram, & diaboli characterem; odium verò sui Christi discipuli notam, vt in Sanctis, eorumque gestis apparet. *Credo tibi*, vt suprà, pag. 7.

PVNCTVM III. Considera, cui irasci soleant homines, scilicet hosti capitali: talis est voluntas tua, & amor tui. Est enim proditor venenū propinans, superbissimus & truculentissimus miserorum oppressor, bellorum omniū in animā tuā & seditionis auctor, spoliator bonorum, Dei & animæ interfector. hæc omnia amorī sui tribuere quiuis potest, ac sic eum detestari.

COLLOQVIVM cum Christo crucifixo, qui nos sic dilexit, vt à planta pedis vsque ad verticem non esset in eo sanitas. *Domine Iesu Christe, vt inf. pag. 324.* *Isaia 1.*

Meditatio II. de Odio sui.

COMPOSITIO LOCI, vt suprà.

PVNCTVM I. Considera Christum IESVM, conculcatum ab impiis in domo Caiphæ, quamque hoc longè peius faciat amor sui; & quàm indignum, vilissimum mancipium, id est carnē, Deum, Regem regum pessumdare; & tu eum amas, & non succuris? tu hæc vides, & aut rides, aut non lacrymaris? Secundò, tuum hostem crudelissimum esse carnem, & quàm turpe, eam velle præ amico, qui sanguinem suum nobis dedit, diligere; insidiatorem admittere, Dominum excludere; vilissimæ rei, vtpote vermi foetido, carni tuæ, plus honoris & fauoris tribuere, quàm summæ Maiestati. *Aspira, vt sup. pag. 8. Hæcine firma, &c. ibid.* *Amor sui Christum pessumdat.*

PVNCTVM II. Considera, Regem sapientissimum Christum IESVM, qui cū possit alijs mille modis saluare mancipium, tamen ad ostendendam immensam charitatem, voluisse pro mancipio, & quidem sibi iniurio, mori, & omnia quæ homo pati potest, tolerare, vitam humilem & pauperem agere. Tūc hæc credis, & intelligis? Secundò considera, mancipium illud contrà querere vbique sua commoda, vt possit Regi & Patri insultare. Tertiò, etiam filios ex Rege conceptos id est pia desideria, in gratiam hostis adulteri trucidare.

Quartò

Heb. 6.

Quartò , amantissimum tui Regem quasi abs te opem poscere , ad vlciscendum hostem suum , & tuum ; te verò , non tantum eam non prestare , sed hostem fouere , in deliciis habere , cum eo Regis tui cædem (crucifigit enim sibi Deum , vt dixi , peccator) tractare . hæc omnia amor tui , ac sensualitati applica , & detestare , ac vehementi amore complectere Deum omne bonum tuum .
Domine IESV , vt inf. pag. 324 .

*O quam
turpe spi-
ritu seruire
carni!*

PVNCTVM III. Considera Primò , te constare animam pretiosissimam , & corpore vilissimo . Secundò , quam turpe saccum vermium , corpus inquam tuum , quod est velut brutum , dominari animæ tuæ : & quanta stultitia , pro æterna animæ ruinâ , hostem momento recreare , & corpus simul cum animâ , perdere in gehennæ ardoribus perpetuò cruciandum ! *Hæcine vera , &c. vt sup. p. 7.*

COLLOQVIUM , vt suprà .

Meditatio III. de odio sui.

*Amer sui
demoni
peior.*

COMPOSITIO LOCI , vt suprà .

PVNCTVM I. Considera Primò , quot demones nobis insidientur , quæque mala hominibus passim inferant . Secundò , nullum tamen adeò potentem & infensum quam amorem tui , neque quidquam tibi in mundo magis nocere . Tertiò , omnes alios vinci , si amorem tui viceris . Detestare cum igitur , & recreationes , voluptatis illecebras , carnisque blanditias , ac simul attende quam bonus Israël Deus his qui recto sunt corde . *Credo tibi , &c. vt suprà pag. 7.*

*Animæ vo-
luptas pro-
pria quæ-
renda.*

PVNCTVM II. Considera Primò , breuissimam esse sensuum voluptatem , & quanto diuturnior & potior ea , quâ animâ de Deo & virtute percipere potest : præsertim cum anima tantopere afficiatur eâ recreatione , quæ iumentis suis est . Secundò , attende impossibile utraque frui ; hîc ventrem , & ibi implere mentem . Tertiò , etiamsi omnia concedas , tamen tantum irritamentum fore ,

fore non satiandos appetitus, sed plura petituros; & quæ dementia hosti tribuere, vt plura tribuas, & seruitutem indies duriozem sibi facere? *Hæcine vera*, vt s. p. 7.

Quartò, quòd si voluptatem hanc momentaneâ reiicias, eternam te habiturum, & in præsentì etiam ex rectè factò maiorem, quàm ex voluptate iucunditatem.

PVNCTVM III. Considera Primò, quàm cæcus sit *Carnis affectus cæcus:* carnis affectus, quàm turpis, & quanto cum discrimine quis se cæcæ & furiosæ carni mancipet, eius ductum sequatur, cùm lumen rationis homo habeat. Secundò, expende carnem, & eius amorem omni virtuti repugnare, cùm ea ardua sit, ac radix illius, vt vulgò dicitur, amara; illa verò semper commoda sectetur. Tertio, considera quantum in amore Dei crescere cupias, tantum in hoc decrescendum; nec posse vtrumque in animâ consistere. Quartò, considera quomodo Christus Iesus carnem suam odio habuerit, & expende hæc *Matth. 16.* verba: Qui vult venire post me, abneget semetipsum, & tollat crucem suam, & sequatur me: & videbis adeò necessarium esse odium sui, vt Religiosi ac verè pij nomen non mereatur, qui non imitetur. Vide iam an dicere possis, Christo confixus sum cruci; & excita te ad *Galat. 26.* amorem Domini tui.

Domine Iesu, vt infra pag. 324.

Meditatio prior de Curiositate, insigni progressus in viâ Domini impedimento.

COMPOSITIO LOCI erit considerare animam nostram velut arcem, habentem portas quinque, quibus plurimi hostes insidientur.

PVNCTVM I. Considera Primò, qui actus curiositatis sint ex S. Bonaventura. Curiosus, ait, non curanda curat, necessaria negligit, & sui oblitus aliena considerat, notat & explorat: si quod insonuerit verbum, anhelat sollicitus ad sciendum, & honestate postposita id

*Bonauespe.
d sci. p. 5.
Signa curiositatis.*

ab inuitis, & celare forsan volentibus inuerecundè requirit; locis sibi non concessis, congregationi, & collocationibus Fratrum se ingerit non vocatus; cum eum abesse putaueris, adest impudens lateri, adest auri, vt nec secretum valeas occultare sermonem: obseruat angulos, vagis circumspicit oculis, hæret ad singula quæ occurrunt, communes obsidet transitus, superuenientium & forensium gaudet occurfu; rumoribus & sæcularibus verbis hauriendis & referendis intendit; res sibi non deputatas curiosè reuoluere non quiescit. Secundò, quàm turpia hæc sint attende.

DOMINE IESV CHRISTE, vt inf. pag. 324.

PUNCTVM II. Considera signa domitæ curiositatis esse, nec domi nec foris oculos inconsideratè coniectere, nisi vel ob necessitatem, vel honestam recreationem (numquam tamen in mulieres figendus est aspectus) aliena non explorare, ex obiectis piam aliquam considerationem capere. Secundò, finge te Christum Dominum, vel beatam Virginem videre per omnia continentem: & vide quàm illis moribus dissimilis sis, & ad imitandum te accende.

Credo tibi, &c. vt sup. pag. 7.

*Sensus cur
datus à Deo*

PUNCTVM III. Considera Primò, hanc vitam, & sensus datos, vt Deum cognoscamus, & ea conquiramus quæ nobis necessaria sunt ad salutem; vnde colligendum, quantum erret qui animam affectibus fœdis, & noxiis imaginibus rerum deturpat. Secundò, considera hostes nullâ ratione ingredi in nos posse, seu arcem animæ nostræ, nisi per curiositatem sensus nostri indubitè pateant. Tertiò, quòd, sicuti facile est, contra hostes extrà positos sese tueri, ita sensibus custoditis omnia intus fore secura. Quartò, breuissimum est tempus vitæ nostræ. Vnde seriis & vtilibus quibus cælum comparatur danda opera; & quàm turpe malle de nominibus disputare, noua inquirere, videre velle; &c. quàm animam inferno eripere, & se nosse. *Hæcine vera*, vt su. p. 7.

*Temporis
habenda
ratio.*

Medi-

Meditatio posterior de eadem.

COMPOSITIO LOCI, & ORATIO, vt suprà.

*Frustrum
curiositatis*

PUNCTVM I. Considera Primò, quid ex omnibus curiosis hactenus visis vel auditis habeas. Secundò, quid haberes si longè plura & omnia nosses, si te ignores & Deum ac viam ad illum. Tertiò, attende perfectè nihil ab hominibus percipi posse, sed omnia velut per transfennam videri. vnde nullius animalculi naturam omnino capimus. Quartò, cogita inquietudinem summam curiosi, pericula & molestiam: & contrà quietem eius qui in Deo vno omnia habet, & studet curiositati coërcendæ. Audi Sapientem: Proposui in animo meo quærere & inuestigare sapienter omnia, quæ fiunt sub sole. hanc occupationem pessimam dedit Deus filiis hominum, vt occupentur in eâ: & agnoui quòd in his quoque esset labor & afflictio spiritus, eò quòd in multâ sapientiâ multa sit indignatio: & qui addit scientiam, addit & laborem.

*Ecclef. xi**Aspira, vt sup. p. 8. Hæcine firma, &c. ibid.**Aliena
stultè curat
curiosus, sua negligit.*

PUNCTVM II. Considera Primò, quàm stultum, te aliena friuola curare, dum de vitâ tuâ agitur, eaquæ sempiternâ. Credis & intelligis, & sapis? Secundò, eum sapientissimum in cælo fore, qui cùm S. Benedicto sapienter indoctus fuerit, rerum, scilicet, curiosarum. Considera Tertiò, omnem delectationem, quam ex creatis haurire potes, in Deo plenissimè te reperire, & purissimè. Quartò, frustra te conari satiare animam insatrabilem visis & auditis, cùm nec satietur oculus visu, nec auris auditu. Quintò, considera vt curiositatem Bethsamitarum Dominus punierit mortè, in omnibus qui arcam adspexerant. Sextò, in Paradiso Euam curiositate tentatam ac victam, nos in hoc miseriarum pelagus deturbasse.

*1. Reg. 6.**Hæcine vera, vt sup pag. 7.**Sensu morificandi.*

PUNCTVM III. Considera Primò, frustra aliquem

X 2

corari

Cant. 6.

Prou. 25.
Ratio mā-
dati nō est
inquirenda

Isai. 2.

conari ad contemplationem ascendere, nisi refrænet sensus suos, ideoque dictum sponsæ: Auerte oculos tuos: illi enim me auolare fecerunt, & quantum id damnum sit, attende. Secundò, numquam curiosè perfectionis Dei, eiusque iudicia & facta scrutanda. Scrutator enim maiestatis opprimetur à gloriâ: nunquam, vt in fide sit, rationes quærendas esse præcepti, vt propter eas operemur. Dæmonis hæc est vox & inuestigatio: Quare præcipit vobis? At verò silet Abraham, nihil inquit, nec quò eat, cùm abire iussus è terrâ suâ; nec de filij stirpe, cùm eum sacrificare iuberetur; neque Isaias, cùm nudus incedere; nec Jeremias, cùm catenis grauatus; nec Ezechiel, cùm vt in latus incumberet, mandatum accepisset.

COLLOQVIUM fiat ad Deum, in quo omnes Sancti omnia vident, cum affectu magno amoris & abnegationis omnis affectus erga res curiosas.

EXERCITIUM.

Eccli. 3.

DOMINE JESV CHRISTE, in quo omnes thesauri sciē-
tia & sapientia absconditi sunt; vtinā nouerim te, nouerim me, & nouerim voluntatem tuam: illa enim sola scientia sufficit mihi, quā in æternum sapientissimus esse possum, & cognoscere te, videre te, ac possidere in te omnia; eo plura ac perfectius, quo minus me hīc vana curiositas in diuersa distraxerit: vnum enim est necessarium, & hæc est vita æterna, vt vnū te cognoscamus. Hæcine vera sunt? hæcine viuā fide credo? & quasi credere, sic viuo, cogito, loquor, & operor corā te, & in te spero, ô spes vnica, & te amo, ô infinita bonitas hīc mihi præsentissima? Credo, Domine, adiuuā incredulitatē meā, spero in te solo, & scio, non confundar, vanitas enim vanitatum, & omnia vanitas, & sicut amore tui super omnia doleo, quòd offenderim te, ita toto corde amo te super omnia. Et an aliquid N. ultra me separare poterit à te, ô JESV, ô vita, ô amabilissima charitas, ô omne bonum Deus meus, Deus cordis mei & omnia! Quid nūc, anima mea, quero altiora & fortiora me
scruta-

scrutari? cur oculos conuertam ad vanitatē, & nō ad te o JE-
sv, vnde solūm veniet auxiliū mihi? Sed, eheu! dum per negli-
gentiā terra cordis inculta spinas & tribulos germinat, quia
in seipsā non inuenit requie, foris cogitur euagari anima no-
stra; & dū à sui circumspēctione torpescit, incuria sui curiosā
in alios facit. Et verò spectacula vana & scientia, quid corpori
prestant, quidue anima? Satiari enim nō potest, neq; in vllā
creaturā quiescere, sed in te solo, in quo omnia sūt. O felix ani-
ma, cui tu vnus es omnia, & quæ in te videt omnia, & à te
accipit, & ad te dirigit omnia Deus cordis mei, & omnia.

Bernad.
ferm. de 7
donis.
Idem.
erm.
Cler.

Praxis.

SCRUTARI quisque debet primò, quo maximè oblectetur, & trahatur, vt mortificationē adhibeat. Deinde ob-
seruare voluptatē, vti notum est, per sensuū portas ingredi:
itaq; ad eas maximè excubandum, vt in limine primo ho-
stis repellatur, v.g. offert sese visui aliquod obiectum dele-
ctabile, mox amor, ac deinde concupiscentia seu desiderium
inardescit: & luctā magnā opus vt superetur: si autem de-
siderium seu ignis iste, seu serpentis caput non admissum, si
inimicus clausis ostiis ab accessu prohibitus fuisset; in pace
anima permanisset: sed cū fieri nequeat, quin in vsu re-
rum humanarū, maximè si portæ illæ nō custodiantur, sub-
repat hostis; explora illum, an amandus sit: vide dolonē, quo
te, vt Joab Amasā, perimere cupit, aspice sub veste, sub spe-
cie creaturæ sagittantem hostē. sic enim moderaberis facilè
affectum; neq; species te decipiet, neque in obiectum la-
queum, seu muscipulā trahet: sed si eā re sit vtendum, sepa-
rabis preciosum à vili, aculeum, siue quod noxiū est, à mel-
le: quodq; tibi non libet solūm, sed etiā licet, ex creaturā
vsurpabis. Magnum verò discrimē inter iustum & impium
in eiisdē rei vsu: ille temperatè atq; inuitè eā vtitur, & æ-
terna habet in desiderio: hic fertur vt equus & mulus absq;
intellectu, æternaque sunt illi in fastidio.

Explora
quodelecte-
ris, & cu-
stodi por-
tus sensuū.

Hostis latet
sub creatu-
rā.

Vsus rerum
varius.

Postquā ergo sic quis restitit amori inordinato creaturæ,
suosq; euasit etiam periculo cautior; reuocare licet & iuuat
illud in memoriā, sibiq; repræsentare, ac rursus generosè
repellere id quod malum est. Et quanquā hæc pugna cogi-
tationum vtilis sit, quā quis se disponit ac parat ad futura,
animo suo corā Deo repræsentando præterita; quod ex a-
ctibus his nascatur virtutis habitus; longè ramen vtilius in
occasione sese exercere, v.g. quando se offert vel quæritur
X3 occasio

Mortifica-
tionis quæ-
renda occa-
sio.

occafio iniuriæ, contemptus, inedia, incommoditatis, mortificandi guftus, cupiditatis &c. Neq; illud quod dictū est de cogitatione renocāda, valet in re carnali, aut graui odio, aut fimili affectu vehementi : in illis siquidē victoria fuga est, seu auertere cogitationē & omnē illius admonitionem.

*Meditatio
vtilis.*

Praxis alia mortificationis passionū hæc est. Primò, meditatione frequenti animum à voluptate & sensuum oblectamentis, tanquā iis quæ infra hominis dignitatem sunt, alienum reddere. Huc spectant meditationes de vitijs capitalibus.

Oratio crebra.

Secundò, habere considerationes certas in promptu, & exempla, quibus se, vna cum prece, in occasione sustentet, animumque lapsantem ac nutantem roboret & confirmet.

*Affectum
suspendere.*

Tertiò occasione se offerente suspēdere primò affectū, seu pedem aut manum, ne statim iniiciatur, & explorare an bonū, an vtile quod offertur. Quis prudens in tenebris manum aut pedem temerè ponet, vbi spinæ, vbi sordes, vbi contagionis multa pericula?

Quartò, implorato Dei auxilio ex eius amore & odio nostri, contrarios actus virtutis facere: si verò res necessaria sit, aut vtilis, bona intentione eam admittere, non sola voluptate.

Quintò, reuocare post victoriam cogitationē præteritā, & lustrare vnde periculum & lapsus; ac prudenter aliquoties coram Deo & curia eius (vt dixi.) refutare; vnā occasionē, vel plures quærere, & aliquo numero Domino consecrare, ac sic capitibus Philisthinorum [id est, mortificationis actibus] amorem Dei promereri.

Dignatus es, vt sup. pag. 10.

C A P V T XX.

Deliberatio de mediocritate tenendā, auxilio primo in viâ Dei.

ANIMA. O Sapientia æterna, ô via, veritas & vita, IESV Christe, dirige gressus meos in semitis tuis, & errantem ouem reduc ad ouile tuum. Ecce velut in biuio hæreo : illinc sese aperit ad honores via; hinc ad tutam & quietam vitam semita : illuc mundus & amici, aut protrudunt aut prouocant, huc mea me felicitas & exemplum tuum inuitat, & verò, aspirante gratiâ tuâ, sequendum esse mihi propono. Nōne enim serui
tui

tui sumus & filij? atque idcirco æquum, vt hoc tantum spectemus quid in tuâ familiâ, id est Ecclesia, à nobis fieri velis, quia tua voluntas sola sancta, beneplacens & perfecta. Tu siquidem pro munere, ad quod vocas, solus potes largiri vires & gratiam; eamque tum largiri soles, quando quis non sumit sibi honorem, sed à te, si quando vocatur tanquã Aaron, eum suscipit. Hæc enim vna beatitudo nostra ex voluntate tuâ viuere, & operari. Quis enim homo est, qui sciat viam suam, quam tenere debeat? Nescit, nescit homo finem suum, nescit viam in quã ambulet. Ergo doce me facere voluntatem tuã, & vias tuas edoce me, & gratiam largire, vt sequar, & perseuerem vsque in finem, & saluus fiam.

Rom. 12.
Deus dat
gratiam se-
cundum
munus.

Eccles. 9.
Psal. 142.

CHRISTVS. Verumtamen considerare te oportet, & cum signatum sit super te lumen vultus mei, rationis trutinã expendere, quam viam eligas: sic enim accedes ad me, & illuminabere; sic ascendes ad montem Domini tui, & docebo te vias meas, & ambulare disces in semitis meis. Attende verò primò, quid sit honor & dignitas, fama & nominis celebritas, ob quam multi, Ethnicici potissimum, vitam etiam libenter prodegerunt; certè nihil aliud, quàm testimonium excellentiæ, quod quibusdam cærimoniis externis exhibetur, sicut laus verbis. quæ autem excellentia est vera nisi virtutis?

Ratio au-
dienda &
homini.

Quid ho-
nor.

Quid laus.

Aspira, vt sup. p. 8. Hæcine firma, ibid.

HOMO. Nulla alia, quin & ea sola nobilitas, etiam Ethnicis, & solæ veræ opes: nam opes per se non esse honore dignas, neque nobilitatem, patet: sicut nec hastæ, nec arma sunt honor militis; sed obiectum sunt & instrumentum. si autem miles neque hastam ferre, neque vibrare, nisi in suum & cognatum sanguinẽ nequit, dedecori illi est potiùs & damno; honori verò si iis bene uti nouerit & utatur.

Quæ vera
nobilitas.

CHRISTVS. Idem vides de omnibus bonis externis dicendum. quis enim perduellem, improbum, diuitem

seu nobilem non iudicat honore indignum? illis igitur neque honor verus opibus aut splendore, neque famulorum, etiam si bonorum, agmine paratur. Imò verò non magis his tales illustrantur, quàm si gemma in se malè colorata inter alias pulcras, aut inter pulcerrimas aues noctua collocetur, aut inter opulentos & splendidos pannosus: hæc enim omnia æstimanda sunt, non prout oculis patent hominum, sed vt oculis meis, quibus omnia patent.

*Externar. ò
reddunt ho-
minem me-
liorem.*

HOMO. Video perspicuè: quæ rei alicui, aut homini non insunt, eum meliorem reddere non posse, neque ventiliorem; sed verâ sapientiâ (quâ viri in omni republicâ illustres euasêre) verâ pietate, iustitiâ, fortitudine, honoris contemptu, honor meritò paratur: ab illis etiam suos Ethnici celebrârunt Scipiones, Alexandros, Catones, Cæsares. Qualiter verò tu æstimes, qui pauperes dicis beatos, & persecutionem patientibus regnum tribuis, & contemptibilia mundi eligis vt confundas fortia, & cùm in formâ Dei esses, temetipsum eximanisti formam serui accipiens: Tu, inquam, æterna sapientia & verbo & exemplo nos miseros & cæcos mortales docuisti.

Nota bene.

CHRISTVS. Vides igitur, honorem, dignitatem, non esse nisi vanam alterius imperiti æstimatoris æstimationem, quam an habeas, scire nunquam possis, quamque indies millies, si velit, alter deponere possit. Dixi imperiti æstimatoris: nam prudentior homini nihil tribuit, sed mihi cuius sunt bona omnia: dignitates verò per se despicit, etsi tamen iure meritoque omnem potestatem in aliis veneretur, maximè si virtutum illi videat coniunctam.

*Vanitas ho-
noris mun-
dani.*

HOMO. Si verò ea desit, cùm virtuti honor defertur, cærimonia illa illusio potiùs esse videtur, perinde ac si nigro dicatur quòd sit albus, & claudus rectus prædicetur. Sæpè autem fit (quæ maxima calamitas est) vt virtus parto honore deperdatur; cùm honores mu-
tent

tent mores, vt dici solet, sed rarò in meliores, vt in Saule, Salomone, & omnibus ferè Regibus Juda apparet : atque adeò bonis hisce ferè mali gaudent, iisque potiuntur. Existimo sanctâ tuâ prouidentiâ id fieri ne moueantur pedes iustorum dum pacem & gloriam peccatorum vident; de quibus Propheta tuus dixit: Existima-
bam vt cognoscerem hoc, & labor est ante me, donec intrem in sanctuarium tuum, & intelligam in nouissimis eorum. *Aspira*, vt sup. *Hæcine firmâ*, &c. pag. 8.

CHRISTVS. Sanè, si homines dignitatum onera expenderent, non facilè eas alicui inuiderent; quid enim illi qui iis honorantur, aut onerantur potiùs, præstare non debent? sanè id quod dux militi, præire scilicet virtute, & robore, sæpè protegere, fortè etiam alere, vt pastor, imò & animam pro ouibus exponere. Nónne enim periculo pastoris oues pereunt & rapiuntur? Adde ingritudines, murmuraciones, æmulationes, eoque maiores, quò sæpè magis integrè munus geritur, ita vt millena beneficia etiam à parente collata, vno negato omnia obliterentur. Sollicitudines vide, quibus etiam se grauari meus Apostolus aiebat, & neminem scandalizari, quin etiam vreretur; neminem infirmari, quin etiam infirmaretur. Jam considera, suaderésne alteri vt ad honores hos graderetur? Nónne diceres dementiam, honoris, id est incertissimæ rei, causâ, se aliis mancipare, obnoxium facere vt omnibus iis satisfiat; cùm tamen impossibile sit, vnum aliquem omnibus, aut per omnia vel vnifatisfacere? Nónne ergo egregia tibi insipientia videtur, cùm possit homo quietus & tranquillu vitam agere, tempestati se committere? clauum etiam suscipere imperitum in tempestuoso mari, & gratis pro omnium capitibus vadem se statuere, cum securus in naui ludere possit? Quis in acie attolli supra omnes vult, vt ab hostibus appetatur? Quis pro aliis (quod omnes in dignitate, quiq; aliorum curam gerunt, patres familias, aliiq; faciunt) sponde-

*Dignitatũ
onera.*

*Incommo-
da.*

2. Cor. II.

*Nemo pla-
cere potest
omnibus.*

*Pericula
ambitionis
& vanitas*

*Nota simi-
le.*

re, qui ipse soluendo non sit? alterius sarcinam ferre, qui suam nequit? me Deum suum pro aliis placare vel-
le, cum pro se non possit? alium ignotâ sibi viâ ducere,
& quæ ignorat sæpè docere? alium è luto extrahere, cui
ipse non rarò altiùs inhæreat? *Hæcine vera*, vt sup. p. 7.

HOMO. Hæc video omnia omni dignitati commu-
nia, seu sæculari seu Ecclesiasticæ, huic tamen magis:
ideoque longè ampliùs ab eo qui te Dominum timet,
fugiendam esse. O dementiam! ô insaniam mortalium,
hæc scire, & palpare, & non sapere!

*Qui hono-
res ambien-
di.*

Mat. 6. 19

*In iudicio
nō quid, sed
qualiter
gestum sit
attenditur.*

Sap. 5.

*Honores
breues hu-
ius vitæ.*

CHRISTVS. Porro si in horâ mortis jam te esse fingas,
& hæc enarrata consideres; nōne obstupefces, posse
fieri, vt aliquis ad dignitates & honores adspiret, nisi
sit insipiens? Et si in iudicio te statuas, quem sensum ho-
rum habiturus es? ibi veri honores humilibus decer-
nentur, & qui reliquerunt omnia, sedebunt super sedes
duodecim, iudicantes duodecim tribus Israël: de qui-
bus Bernardus seruus meus dixit: Hæ sedes sunt am-
biendæ, hæc pulpita toto conatu exquirenda; at huma-
na ambitio humi tantùm locatas sedes quærit, in cælo
constitutas non nouit. Infelix ambitio quæ magna am-
bire non nouit! O quàm perspicuè toti orbi tum vani-
tas ambitiosorum, & honorum etiam non ambitiosè
quæsitorem apparebit; neque petetur in illo theatro,
quis quid gesserit muneris, sed qualiter gesserit quod
sibi impositum fuerat: ibi pauper & inglorius honora-
bitur à me, superbus & opulentus despicietur, & eiula-
bit dicens: Ecce hi sunt, quos habuimus in derisum, ec-
ce quomodo computati sunt inter filios Dei. Et verò, si
honores quærendi, cur non potiùs momentaneum con-
temnendo, æternos amplecteris & certos?

Credo tibi, vt sup. pag. 7.

HOMO. O quoties hîc honores adepti, vix eos ad-
spexerunt, & perierunt! spreuerunt alij, & æternos à te
nacti fuerunt! Sic narratur de viro religios., qui cognō-
uit se damnandum grauiter fuisse, si Episcopatum sus-
cepisset,

cepisset, & te audio dicentem : Potentes potenter tormenta patientur. Quanto potius esset, nomen scriptum esse in vitæ libro, in fastis æternis, quàm in mundo hoc, mortis theatro, perituris mox vocibus resonare ? Quid verò est, quòd Sancti omnes tam sollicitè refugerunt honores, adeoq; etiam mori petierunt potius quàm susciperent ? Aut illi errarunt, aut ego si secùs facio.

Credo tibi &c. vt sup. pag. 7.

CHRISTVS. Expendebant illud, rapinam esse, Deo soli honorem & gloriam debitam ambire; atque altè illud imbiberant : Qui hominibus placent, confusi sunt, Deus spreuit eos.

Honores ambire rapina.

Psal. 52.

HOMO. Imò tuus Chrysost. Mirum, ait, si aliquis rectorum potest saluari, etiamsi necessitate compulsus officium suscepit, vt Saul, vt Aaron : de quo illud : Nemo sumit sibi honorem, nisi qui vocatur à Deo tamquam Aaron. Et verò si appetat, eo ipso videtur indignus dignitate, quo ipsam ambit: insuper gratiâ tuâ, ô Deus, & auxilio, cùm tamen illo maximè indigeat; tu enim superbis resistis, & humilibus das gratiam. atque ita omnes secum periculo subditos exponit.

Chrysost. super ep. ad Hebræos. c. 12. hom. 34. Hebr. 5.

CHRISTVS. Hoc est quod metuebant tantoperè Sancti, & amici mei maximè, dum se in hoc sæculo velut exilio, aut carcere, aut pœnitentiæ loco esse considerabant, ideoque cum timore & tremore salutem suam operabantur: vbi ambitiosus non suam tantummodo graui periculo, sed etiam exponit alienam.

Hæcine vera, vt sup. p. 7.

HOMO. Imò Ethnici prudentiores, me confundunt, honorum culmina fugientes, & priuatam vitam eligentes, beatum illum appellantes, qui procul negotiis & publico foret. Quot enim casus, ruinæ, strages magnorum? vt verè stare in excelsis diu vix quisquam posse videatur. Pax certè, vt video, suauissimum bonum animæ nostræ, nunquam ab ambitioso, rarò etiam ab honoribus pleno possidetur; serui sunt omnium,

Pace caret ambitiosus

omnium

*Vide Greg.
4. Moral.*

*Ambitionis
mala.*

*Bern. 3. l. de
Considera-
tione.*

Matth. XI

Luc. II.

*Gregor.
Ambitio
apostasia.*

omnium iudicia metuunt, inuidiâ & cupiditate torquentur. Cùm verò omni Christiano ad quietem internam & publicam quoad potest, & veram libertatem tendendum sit, quantum status permittit; planè ambitio maximè detestanda, vt video, & fugienda est. vnde enim in consiliis etsi prauis, pertinacia? vnde detractiones, adulationes? ferè omnia ex ambitione nascuntur, aut honorum, aut vanæ opinionis; & grauissimo scelere, sæpè ob punctum, vt dicitur, honoris, res publica tota, multorumque salus periclitatur, boni impediuntur, fouentur mali, Dei que gloria & honor despicitur. O ambitio, exclamauit rectè Bernardus, ambientium crux! quomodo omnes torquens, omnibus places? nihil acerbius cruciat, nihil molestius inquinat, nihil tamen apud miseros mortales maius est ac celebrius. *Credo tibi, &c.* vt sup. pag. 7.

CHRISTVS. Sed quid magis valet quàm quod ego præbui humilitatis exemplum? Discite, dixi, à me, quia mitis sum & humilis corde. vis tu meus discipulus esse? ergo audi & sequere; audi, Væ vobis hypocritæ, qui amatis primas cathedras, & vocari ab hominibus Rabbi.

Homo. Imò audio ambitionem à sapientibus etiam apostasiæ speciem vocari, & aestimari: sic sanè tuus Gregorius: Toties in apostasiæ crimen Prælatus labitur, quoties præesse delectatur. & rursus: Quoties hominibus præesse desidero, toties Deum præire affecto: humiliavit enim semetipsum Dominus, factus obediens vsque ad mortem. & fieri potest, vbi tu Deus te humilias, homo se exaltet?

Hæcine vera, vt sup. pag. 7.

CHRISTVS. Si iam commemorem beneficia quæ largior homini, vt humilis sit & obediens mandatis meis; quid magis æquum, quàm vt me imitetur? quid magis rationi consonum? sed, quod indignissimum est, qui non habet nisi propositam sibi vanitatem, beneficiis

neficiis meis eam accendit, illisque in odium mei vtitur.

HOMO. O vanitas vanitatum! quæruntur, cheu! frustra aquæ istæ, neque enim sitim explent; tu verò sola satietas, tu solus sufficis. vtinam, ô fons vitæ, sic saperent homines, vt potius sitim à te tolli omninò & esuriem optarent, quàm illius fomenta, id est, res desideratas postularent!

CHRISTVS. Porro quàm indignum hominem aliis præesse velle, ex hoc discite: quid si enim in aulâ Regis vile mancipium coram eo vellent munia distribuere, sibi potiora deligere, an æquum, an gratum foret? *Turpe seruum velle dominari.*

HOMO. Tuum certè est, ô Sapientia, quæ attingis à fine ad finem fortiter, omnia suauiter disponere. Tuum est familiam tuam regere; summi architecti, lapides ordinare; per te Reges regnant, & legum conditores iusta decernunt. Et quæ impudentia, vilissimum hominonem hîc tantum sibi assumere, vel præsumere, vt audeat familiam tuam ordinare? certè aut derogare sapientiæ tuæ ambitiosum, aut bonitati dissidere planè video. Tu nosti quos elegeris, & in manu tuâ corda Regum & Principum. Fiet semper, & fiat in omnibus sanctissima voluntas tua.

CHRISTVS. Nónne & tibi mea in Iosepho prouidentia manifesta euasit? attende vt illum è carcere euexi ad regnum, & Dauidem de pòst foetantes assumpsi? Te itaque mihi committe, & omnem sollicitudinem proice in me: neque te deferam in æternum.

EXERCITIUM.

Non est consilium contra te, Domine, tibi ergo me totum committo, omnemq; sollicitudinem in te proicio, tu scis quos elegeris; sufficit mihi inuenire gratiam in oculis tuis; neq; quidquã de manu tuâ requiro, sed iacto in te cogitatum meum, & cum sollicitus sis mei, omnem mei curam in te proicio. Tu nosti quid expediat gloria tua, nolo quidquam aliud, quàm

Resignatio.

quàm fieri sanctissimam voluntatem tuam; sed in vocatione quâ vocatus sum permanebo, & recumbam in nouissimo tecum loco. donec dixeris mihi: Ascende superius. O vtinam hic latere possim, & fulgere in celo; hic esse paruus, & ibi magnus? imò etiamsi magnus non forem, nunc melius mihi est tecum humilem vitam agere, quàm habitare in tabernaculis peccatorum; melius tibi notum esse, quàm vulgo; tibi simile, quàm mundo; vestigia tua sequi, quàm Luciferum imitari, in humili stare, quàm ex alto ruere; tibi assimilari, quàm omnem mundi gloriam possidere. Peream potius, quàm ego ambitione meâ impediam sana consilia, excludam fortiores, prudentiores & meliores, aut iis detrahā, aut primas deposcā.

Pium propositum.

Psal. 115.

Protestor corā te, Domine, & caria tuā celesti, seruus tuus sum ego, & filius ancillæ tuæ; meliusq; esse noui seruire tibi, quàm vanitati; perire, quàm peccare in conspectu tuo. Fiat igitur in omnibus sanctissima voluntas tua, & concede mihi gratiā, vt portare possim improperium tuum, & eligere abiectus esse in domo tuā, neq; ulli velle placere nisi tibi. Ambitio enim subtile malum, secretū virus, pestis occulta, doli artifex, mater hypocrisis, liuoris parens, vitiorum origo, criminum fomes, virtutū arugo, tinea sanctitatis excacatrix cordiū, ex remediis morbos creans, generans ex medicina languorē. Quantos hac pestis nequiter supplantatos, turpiter deiecit, vt ceteri quique, quos latuit occultus effossor, subito expauescerent ad ruinā! quantos trudi fecit in tenebras exteriores, veste spoliāns nuptialī, & virtutum exercitio, & fructu pietatis euacuans!

Bernard.
ferm 6. u.
per Psal.
Qui habitat.

Applicatio ad Communionē.

Gloria certē in confusione eorū, qui sic terrena sapiunt. Nō veniat anima mea in consilium eorū, quid despiciunt consiliū tuum, o Sapientia eterna. In nidulo meo moriar, & ascendā in palmam, & apprehendam fructus eius. Quæ autem illa, nisi tu arbor vitæ, & vita mea? Inclinaisti enim te à summo calorū, & inclinas brachia tua, vt amplectar te; & ego, ego miser, accedā ad cor altū vt exalteris à me? non permittas dominari mihi superbiam, Domine mi, cui seruire toto corde desidero, & cum ex intimo corde tibi dedicē hoc templum cordis, oculi tui sint die ac nocte aperti super locum istum habitationis tuæ,

rel

vel melius vilissimi hospitij tui, quod nō dedignaris, etsi calorū te nō capiāt; neq; despicias, o ter maximē Deus, etsi angustum; neq; auersaris etsi per superbiam immundum, tu qui mitis es & humilis corde. Eheu quid magis indignum? quid detestandū ampliūs? quid grauiūs puniendum, quā vt videns te Deum cali, paruulum factum, vltērā apponat homo magnificare se super terram? Intolerabilis impudentiæ est, vt vbi sese exinaniuit maiestas, vermiculus insletur & intumescat.

Credo tibi, vt sup, pag. 7

Bernad.
serm. i. de
Natal.
Domini.

C A P V T XXI.

Meditatio de Superbiā.

COMPOSITIO LOCI. Considera & imaginare coram te barathrum inferni, omnesque inferorum cruciatus ab vnā superbiā esse profectos.

ORATIO, vt suprà.

PUNCTVM I. Considera Primò, superbiam esse appetitum inordinatum excellentiæ in temporalibus aut spiritualibus, quo quis maiorem se facit, & fieri vult quā re ipsā sit: id verò tam stolidum, quā si pumilio indignetur, quòd gigas esse negetur, aut vestis humilis sibi non aptetur. Ideoque apte Chrysostomus homil. 59. in Matth. Nihil certē arrogantia atque superbiā peius, quæ mentis quoque vires naturā hominibus concessas ita deiiciat, vt amētes ex prudentiā ac animo stolidos efficere videatur. Nam si quis, cū staturā cubitum non superat, instar montium, imò altiore se putet, ac ideò se quasi montes excessurus erigat, nullum aliud argumentum suæ insanix quæremus: sic cū inflatum videris hominem, qui meliorem se cæteris arbitretur, contemniq; opinetur, si cæteris hominibus conferatur, nullum iam aliud signum vecordix hominis exquiras: tanto quippe ridiculosior illis est, qui naturā insaniunt, quanto ipse sibi sponte hunc morbum iniecit. Et post pauca: Certè quasi vile mancipium & miserum captiuum diabolus eum abduxit, agit-

Quid sit superbia.

*Chrysost.
hom 59. in
Matth.*

*Dementia
superbi.*

*Superbus
diaboli
mancipiū.*

agitatq; verberibus, & mille contumeliis quocumque velit. *Aspira*, vt sup. pag. 8. *Hæcine firma*. ibid.

Secundò, cogita oriri illam ex sui ignorantia, & verâ stultitiâ, vt ex allato exemplo patet. Hinc fit vt multa sibi deberi falsò existimet, multa licere, atque ita nec legibus paret, neque beneficiis gratitudinem reddit; quia nemini se debere existimat, cum tamen debeat omnibus; imperia excutit, leges ac regulas parui pendit, aliis imperare affectat, imperiosè agit. Considera igitur pro remedio qui hæc legis, quid tibi arroges, quid ambias, quid tibi post tot peccata deberi existimes. Vt autem id noueris, vide etiam atque etiam quid fueris, quid sis, & eris.

Cuius omnia mala accidere possunt.

Contritio.

Tertiò, considera, nullum esse in mûdo malum animi, aut corporis, quod tibi contingere non possit; imò, si rectè iudices, non debeatur. nònne enim æquum est, vt Creatori à te illatam contumeliam omnis vlciscatur creatura? Admirare igitur Angelos, ac Deum inprimis, te tolerare, quem factis ipsis blasphemias, & contendere Christum etiam Dominum, qui talem abs te moribusq; tuis sustinet contradictionem, & in suâ scholâ humilitatis ignauiam, & illiberalitatem, accòdis duritiem, quòd ipsi pulsanti renuas aperire. Sic ad creaturas cæteras digredere.

Credo tibi, vt sup. pag. 7.

Vide quantum sis coram Deo sis.

PUNCTVM II. Considera te, vt creaturam, Deo parere debere; vt Christianum, Ecclesiæ, vt ciuem, Reipublicæ: imò, si rectè iudicas, omnibus obstrictus es. nam qui Deo per peccatum est iniurius, omni etiam creaturæ consequenter est contumeliosus; vnde etgo gloriari potes? Secundò, cogita talem te verè esse, qualem æstimat Deus. Expende igitur, qualis coram eo sis, ob opera mala plurima, bona pauca, eaque imperfecta, vt meritò te vlceri comparare possis. Tertiò, compara te cum bestiis quoad corporis qualitates; nònne reperiēs te iis longè inferiorem? ingenio verò non solum

lūm dæmonibus inferior es, imò etiam peior, ob frequētem post tot ac talia beneficia recidiuam. Quid ergo futurum, si damnatis ob pauciora longè quàm tua sint crimina, te comparaueris? quid, si Ethnicis tam sedulis in virtutis studio ac dæmonum profundo cultu? *Haccine vera*, vt sup. pag. 7.

PUNCTVM III. Considera quàm Deo sit odiosa superbia. Primò, ex Scripturæ testimonio, quæ ubique superbos ac oculos sublimes detestatur. Odibilis enim coram Deo est & hominibus, & initium omnis peccati superbia: qui hâc infecti sunt, despicit eos Dominus mente cordis sui. Neque tantum Deo odiosa est, sed omnibus: adeò vt Scriptura dicat melius esse humiliari cum mitibus, quàm diuidere spolia cum superbis. Certè, vt August. nulla ferè est pagina sanctorum librorum, in quâ non sonet quod Deus superbis resistit.

Haccine vera, vt sup. pag. 7.

Secundò, considera supplicia superborum hîc & in futuro. O quàm terribile exemplum Luciferi, Adami, Amani, Nabuchodonosor, &c. Tertiò considera seruitutem duram superborum, vitamque angoribus & sollicitudine plenam, timoribus & spebus variè conturbatam, eamque penitus detestare. *Credo tibi*, vt sup. p. 7.

Quartò, considera ob grauissimum peccatum superbiæ, iusto iudicio hominem tradi in seruitutem luxuriæ, ac aliorum vitiorum omnium. siquidem bonorum spoliatrix est superbia; atque, vt Gregorius, vitiorum regina superbia; cum deuinctum planè cor ceperit, mox illud septem principalibus vitiis, quasi quibusdam suis ducibus deuastandum tradit; estque euidentissimum signum reproborum, vt humilitas electorum. Considera postremò ignominiam superbi in die nouissimo: iudicium enim durissimum his qui præsunt, fiet, exiguo autem conceditur misericordia, quando potentes potenter tormenta patiuntur. O quàm dura erit subfannatio, quâ dæmones superbo insultabunt, dicentes.

*Deo odiosa
superbia.
Eccli. 10.*

*Aug. doct.
Christ. l. 3.
cap. 13.*

*Esther. 7.
Dan. 4.*

*Basil.
Const. mon.
s. 10.
Lib. 31.
Mor. c. 17.
Greg. l. 34.
Mor. c. 18.*

*Superbia
ignomini-
se, signum-
que repro-
bationis.*

dicētes; Tu vulneratus es sicut & nos, nostri similis effectus, detracta est ad inferos superbia tua! O JESV, p. 343.

Meditatio de Humilitate.

COMPOSITIO LOCI. Imaginare te velut recens ex nihilo creatum, nudum atque inermem, omnibusque destitutum, coram Deo ac curiâ eius, & ante te plurima peccatorum præcipitia, post te & vndique plurimos hostes impellentes, subtus infernum apertum, supra cælum & cælestem curiam te spectantem.

ORA Dominum, vt tibi veram humilitatem cordis largiatur.

PUNCTVM I. Imaginare te, vt in loci compositione iam dictum, & diù insiste, & demum aspira dicens: *Hæcine firma fide*, vt sup. p. 8.

*Humilitas
quid sit.*

Deinde, considera humilitatem esse virtutem, quâ homo ex sui cognitione sibi vilescit, humilemque verè sese existimat, ex eo quod est ex se; quid verò illud? vtique nihil: ex nihilo enim homo est, & in illud relaberetur, nisi nos sustentaret Dominus, qui portat omnia verbo virtutis suæ; imò in longè peius quàm nihilum volueretur, id est, peccatum, omnium malorum grauissimum. Nunc vide, an sic te æstimes; si enim aliquid existimes te esse, cùm nihil sis, ipse te, vt loquitur Apostolus, seducis. Credis hoc & verè? Secundò, cogita, cùm tu nihil à te, quid ab alio habeas, à Deo, hominibus, cæterisque creaturis. detrahe illa & separa à te aliena, esse, tuum viuere, & intelligere; redde ea: & quid supererit tibi? nihil sanè. ibi igitur siste, vt te ipsum noveris, & discas humiliare te sub potenti manu Dei. Tertiò, considera te ipsum vt aliquid es, diem ortus tui, vitam & exitum illius, & cognosces verè vilissimum ac miserrimum esse in omni ætate. Quid enim fuisti? nihil. Age verò, quid nunc es? inspicere corpus, quid nisi saccus stercoreum, scatutigo sordium & vermium? inspicere animam; secundùm intellectum, plenam erroribus & multa igno-

Galat. 6.

Homo nihil habet à se.

1 Per. 5.

*Humane
miserie.*

tâ igno-

tā ignorantia, vt penē de nullā re bonā rectē iudicare possit; secundū voluntatem, ad omnia bona segnem, ad praua verò plurimū prouam & inclinatam. Nōne enim omnium peccatorum capitalium in te fomitem habes, ac radicem sapiūs pullulātem, & concupiscibilis passiones ardentēs experiris? irascibilis verò in bono segnes? Quid dicam de memoria? cheu! quā multā vanitate fœdatur? Quartò, aspice, quāso, iterum iterumque mala quæ te circumstant; vt in Loci compositione dictum est, præcipitia peccatorum in quæ hodie incidere potes, præterita verò sicut onus graue grauata super te, dæmones vndique te oppugnantes, infernum subtus te hiantem, cælum apertum, ac iudicem expectantem. *Haccine vera*, vt f. p. 7. Pericula

Quintò, considera quid futurus sis: certē secundū corpus post tempus breue, morbosque, & miseras exhaustas plurimas, esca vermium, vsque ad diem nouissimum. Subsiste paulisper, ô lector, & descende in sepulcrum viueris. Quid tunc proderit superbia, gula, luxuria, &c? Deinde quid secundū animam futurus sis, nempe post errores & longam spiritus afflictionem, & peccata, morte multaberis, & reus ad Iudicem traheris, salutis incertus, eiusque sententiā cremandus, vt minimū (pauci enim plenē hîc purgantur) in Purgatorii ignibus. Et fieri potest vt extollas in altū cornu tuum, ac loquaris aduersus Deum iniquitatem, tu vapor ad modicum parens, qui hodie es, & cras non comparebis? *Aspira*, vt sup. p. 8. *Haccine firmâ fide*, &c. ibid. Quid futurum post mortem.

PUNCTVM II. Cogita te ex te nec posse, nec scire quidquam, sed Deum omnia operari in omnibus; te verò instar pueri, qui nec se attollere, tueri, stare, nutrire, neque hæc ab alio postulare possit. Credis hoc & adhuc superbis? & vnde? disce ab amantissimo IESU mitis esse, & humilis corde, omnia illi, tibi verò nihil adscribere. ille enim lux est illuminans omnia, tu velut latera in quā si lumen ponatur, non lucet ipsa, sed lumen: imò Hominum ignorantia.

*Aug. de S.
virginitate.*

verò hoc ipsum obscurat, quòd arbitrio Domini vbiuis locari potest. Disce ergo esse humilis corde, ab humilimo IESV. Huccine redacti sunt omnes thesauri sapientiæ & scientiæ absconditi in te, Domine mi, vt hoc pro magno discamus à te, quoniam mitis es & humilis corde? Itane magnum est, esse paruum, vt nisi à te qui magnus es fieret, disci omnino non posset? ita planè; non enim aliter inuenitur requies animæ, nisi inquieto timore digesto, quo magna sibi erat, quando sana tibi non erat. *Credo tibi, vt sup. p. 7.*

Imperfectio hominum.

PVNCTVM III. Considera aliarum perfectiones creaturarum, quodque præ cæteris nihil habeas, sed plurima tibi quæ alij habent desint, & in multis ab iis supereris, etiamsi forsitan in vno superes. Quid igitur in victu, vestitu, (quem nemo preciosum petit nisi vt videatur) officio, loco tibi conueniat, attende; ne, si iam plus tibi tribuas, digniori quid præripias in bonis, in honore, munere, in iudicio confundaris, & iubearis nouissimum locum tenere. Inuenies certè, si rectè attendas, omnia infima tibi conuenire.

Hæcine vera, &c. vt suprà pag. 7.

Itaque sicut rideremus, si vilissimus rusticus præ Rege sese extolleret, aut si quis magnum se putaret, quòd in monte staret; sic nōne meritò ridebere si altiora te quæsieris, si te propter dona Dei extuleris, Christo se humiliante & ministrante? Gaude igitur, vti Sancti omnes, tui contemptu; fateare eum tibi deberi, aliis honores, priuilegia, omniaque officia: tu de nullo querere, de quo omnis creatura meritò, sed inprimis Deus gravissimè queri potest. Et tu si te velim æstimes, nōne foret indignum, si talis nolis haberi, dici, tractari? hypocrisis ista foret & iniquitas; si enim alios meliores & sapientiores iudicas, nōne eos honore præuenire, non contristare, non iudicare, sed de omnibus bene te sentire ac loqui oportet, & iis optima quæque deferre? tibi deteriora eligere, nulla priuilegia vendicare, numquam dolere

dolere si alius tibi præferatur, de te sentiat malè.

Credo tibi, &c. vt sup. pag. 7. O JESV, vt inf. 343.

Secunda Pars.

PVNCTVM IV. Considera multitudinem peccatorum tuorum quæ in contumeliam Domini perpetrasti, & disce esse paruus in oculis tuis. Si oppugnet & eleuet vanitas, horum memoriâ te libra, & recale grauiissima quæque, ob quæ æterna supplicia promeritus es; de quibus etsi fortè reconciliatus, nunquam potes esse sine metu, cum nescias amore an odio dignus sis.

Credo tibi, &c. vt sup. pag. 7.

Secundò considera in quanta peccata adhuc cadere possis, non est enim peccatum quod facit homo, quod non faceret alter homo, nisi creator hominis ruentem in præceptis sustentaret. in lubrico enim stamus, & præcipiti monte, & eheu! vndique impellimur; at vel maxime pondere nostro. *Hæcine vera, vt sup. pag. 7.*

*Peccatorum
multitudo*

Eccle. 9.

*Aug. hom.
25. d. 50.
homil.*

Tertiò considera quòd certus non sis an vllum Deo gratum opus feceris. quis enim nouit sensum Domini? & ecce iustitiæ nostræ sunt velut pannus menstruatus, & cum omnia fecerimus, serui inutiles sumus. An forsitan donis Dei extolleris? audi, quantum crescunt in te dona, tantum crescit donorum ratio. Tunc eam dignè reddere potes? Quid ais? Quartò, considera nihil te posse boni præstare per te, sed esse velut terram proferentem spinas, nisi semen in te sit gratiæ Dei; age verò, quoties illud suffocasti, & cum centesimum reddere deberes, minimū tulisti? Quintò, actiones tuas percurre, & nullam deprehendes, in quâ te arguere non queas, aut non queat ille qui scrutatur corda & renes.

*Nescimus
an vllum
opus Deo
gratum.
Rom. 11.
Ijaia. 64.
Lucæ 17.*

Aspirat, vt sup. p. 8. Hæcine firmâ fide, &c. ibid.

PVNCTVM V. Considera tantam esse necessitatem huius virtutis, vt absque illâ nulla alia Deo accepta sit; Nisi enim efficiamini sicut paruuli, ait Veritas, non intrabitis in regnum cælorum. Fundamentum siquidem

*Humilitatis
necessitas.*

Matth. 18

est turris spiritualis, & per humilitatem ad sublimitatem ascendere oportet; quia hæc est via, & non alia præter ipsam: qui aliter vadit, cadit potius quam ascendit; quia sola est humilitas, quæ exaltat; sola quæ ducit ad vitam. ita Bernardus. Chrysostomus verò ait, Ipsa mater est, & radix, & alitrix, & fulcimentum, & vinculum bonorum, sicut superbia malorum; nihil humilitate potentius, fortior est petra, solidior adamante. Quid verò tu sentis, & reipse ostendis te sentire? Secundò, considera humiliantis se orationem semper exaudiri. Respexit, ait David, in orationem humilium, & non spreuit precem eorum. Imò ad nullum alium respicit. Ad quem enim, ait, respiciam, nisi ad pauperculum, & contritum spiritu, & trementem sermones meos? Deus autem superbis resistit.

Hæcine vera, vt sup. pag. 7.

PUNCTVM VI. Considera te stare in theatro vniuersi, & coram cælesti curiâ; iam tu decerne, an verè æternum ab ea, an à verme falsò & ridiculè ad momentum laudari malis. Secundò, considera omnem Christianæ vitæ perfectionem in humilitate consistere; hæc est hominis sublimitas, hæc gloria & magnificentia, verè cognoscere hoc quod magnum est, & illi conglutinari, & gloriam à Domino gloriæ quærere: hoc tu credis, & de honore es sollicitus? Tertiò, attende Christi exempla, qui humiliavit semetipsum vsque ad mortem, vt tu viueres in æternum. *Credo tibi. &c. vt sup. p. 7.*

Quartò, perpende veritatem huius sententiæ, Omnis qui se humiliat, exaltabitur; & qui se exaltat, humiliabitur. Quintò, percurrere exempla Sanctorum qui gloriabantur in cruce Domini: exultabant, quia digni erant pro nomine eius contumeliam pati. Eligebant affligi, sicut Moyses, cum populo Dei magis, quam temporalis regni habere iucunditatem. Postremò, considera magnum Dominum non nisi ab humilibus honorari, quodque cum simplicibus sit sermocinatio eius;

*Bern. ser. 2.
de ascens.
Domini.
Chrysost.
hom. 20. in
Acta.
Psal. 101.
Isaie 66.*

1. Pe. 5.

Philip. 2.

Luc. 14. 18

Act. 5.

Hebr. 11.

Pro. 3.

elius, nihilque illi esse tam amicum, quàm si quis se minimis annumeret.

EXERCITIUM.

OIESV humillime, Creator & Redemptor mi, nonne ex nihilo creasti me, & redemisti me in sanguine tuo, ac proinde totus tuus sum ego: memoria, intellectus, voluntas, & omnia tua sunt opus manuum tuarum, & quodcumq; his bonum gratia tua operor, tuum est; sed mihi hac data à liberali manu tua, ut iis utar ratione stricta redditurus. Si ergo hac omnia acceperim, & verè sim villicus malus, quid gloriari possū, nisi in infirmitatibus meis, aut quomodo aliis me preferre! Eheu! poterōne tibi respondere vnum pro mille talentis & gratis tuis? An de vno peccato velut propitiato possum esse sine metu? scio me reū aeternae mortis fuisse, sed de verā poenitentia ignoro. & num amore an odio dignus sim. Video etiam innumeras miseras & casus ac peccata. in quae hodie sic N. labi possum. nō est enim peccatū, quod facit homo, quod non faceret alter homo, si tu deesses Deus meus Ecce velut infans, nec stare, nec lapsus surgere, nec edere, nec tueri me possum in medio hostium deprehensus & inter angustias plurimas. Verè, Domine, iure ac merito agnoscere me debeo ob ista viliissimum; sic de me sentire, loqui, me tractare, & velle ab aliis censi tractari; illos verò ut meliores sapientioresq; habere & existimare.

Sed ecce, Domine, doleo vehementer, quòd cum talis sim, tã infirmus, tã miser, prae me alios vitupero. praferriis me meūq; sensum volo, peccata excuso, celo, aestimari cupio, ac facta mea laudari, vituperari horreo, de publicis vehementer corā verminibus terra sollicitus, de priuatis coram te securus. Nonne si sic egero, merito erubescā corā toto orbe terrarum supremo die, & abominabilis tibi ero, de peccatis & contemptus, fur gloriae tuae deprehensus, cum aeternā ignominia mea? O Domine, ecce ego pulvis & cinis, quomodo audeo coram te attollere in altū cornu meum? vnde mihi hac insania, ut audeam hominū laudem captare, tuam spernere qui me in gehennam hoc momento perdere potes? An ignoro vtra verior, melior si?

Contemptus sui.

Eccli. 5.

Ecclesi. 9.

Contritio

Superbia. & cur, quaeso, superbio, aut quid vñquam superbia mihi profuit, aut gloria vana mundi huius? An meliorem me faciet alterius error aut fucus, ac simulatio mea? imò deteriorem facile, cum veram aeternamque laudem Sirenes ista si audiantur, eripiant, & aeternum reponant in iudicio vituperium.

Lucæ 14. O insaniam filiorum Adam! curritur, laboratur, studetur, suadetur, vt sumus acquiratur, vt à vanitate quis illudatur. Nōne firmā fide credo, quod qui se exaltat, humiliabitur? Si honorē igitur peto; certē humiliationē flagito & vituperium; nōne solus honor is est, quē tua bonitas, & Sancti, in quorū conspectu sto, habent & habebunt in die illo iudicij? aeternus hic, momentaneus ille; verus hic, falsus ille; magnus hic, verē minimus est ille; deniq; ad salutē hic, ille verò ad interitum, velut venenū melle illitum, propinatum ab hoste vero, aut hostiliter amico. Ergōne venabor vltra amorem & fauorem hominum, id est vermium terræ, de quo numquam certus esse queo? quem vt summum nequeo retinere? Et tuas laudes spernam, ob vanitatem illam sub diaboli regnō me constituā, & discipulus tuus, o humillime IESV, esse renuam, & gratiam quam humilibus dare soles, & conuersationem tuam quam simplicibus & humilibus nequis negare, aspernabor?

Ecce infra, supra, intra me pericula sunt; imò anima mea malorum omnium fons & origo, vti corpus est morborū, quod vt video de sordibus natum, sordibus plenum, in sordes abibit.

Psal. 39. Quò verò anima mea? Tu scis Domine: multiplicata enim sūt iniquitates meae super capillos capitis mei, & bona si quae feci, omnia, vereor, infecit aut amor mei, aut voluntas mea.

Contritio Doleo vehementer, o infinita bonitas, maxime quia retribuī mala pro bonis; quòd pro gratiā tuā & donis iniurias reposui, quoties vana gloria seruus sui, nihil est tibi carius humilitate, nihil acceptius modestiā, nihil perosius gloriā & studio hominibus placendi. Hæc est enim præcipua conseruatric, & quasi custos quædā virtutū omnium, nihilq; est, quod nos ita hominibus gratos ac tibi Deo meo benignissimo faciat, quā si vite merito magni, humilitate infini finis. Humillime IESV, qui humilitatem meam ab ortu vsq; ad mortem tuam docuisti, qui

Sama-

Samaritanus & opprobrium hominū pro me factus, & ad me abyssum miseriatum tā amanter quotidie dignaris venire, & me tibi vnire vt muter in te, & crescā in te; quia cibus es gradium. Tu sic recumbes in nouissimo, & ego optabo in summo? Tu descendere vis ad vilitatē meā, & ego recedam à Maiestate tuā? Non ita Domine mi, nō ita Redemptor mi, sed vilissimus vermis vilior ero posthac coram te, humilis per gratiam tuā in oculis meis, tu enim despicis superbos mente cordis tui, & exaltas humiles amicos tuos. Talis esse volo, & gratiā tuā opto voluntatem istam sanguine meo signare, vt in pace fiat hodie locus tuus in corde meo in aeternum. Amen.

Praxis humilitatis exercenda.

PRIMA erit, aliquando gradus ac signa humilitatis, inferius ponenda percurrere, & ad ea se examinare.

Secunda. Sese, vt in Meditatione dictū, considerare vndique cinctum periculis: quæ consideratio admodum fructuosa, & vbique in tentatione obuia.

Tertia. Idē fieri poterit, considerando sese velut puerū, infantē, omnibus expositum ærumnis, & nudum præsidii; aut velut laternā, vt in Meditatione exposui. Hæc consideratione in omni vanæ gloriæ occasione vtendum est, & habendus iis qui te laudat quasi qui aut errore, aut dolo, Deo frustra detrahat quod tibi tribuere velle videtur, & te participē sui sacrilegij efficere in cōspectu eius; aut certē qui boni operis æternā tibi gloriā nitatur odio aut ignorantia eripere, & velut coronā de capite tuo, vt falsam & merē imaginariā reponat, tibiq; miserrimē imponat atq; illudat.

Quarta. Habere in numerato suas imperfectiones, earūque alphabetum, quod percurrat, vbi vanitatum aura blanditur. Quodd enim aduersus præcipitē irā Imperatori cuidā suggestum, vt alphabetum recenseret, priusquā sententiā ferret; id hūc imitari non erit inutile, idemque vel leuiter aliquoties in die inspicere.

Modus vanæ gloriæ superandis

Habere alphabetum imperfectionum tuarum.

Quinta. Confessio sincera & frequēs optima praxis erit.

Sexta. Cōsiderare se vbique esse velut in theatro, & de cælo spectantē Deum ac Beatos; hūc ranunculum aliquē coaxare vanitatis. Hoc valebit aduersus vanā gloriā, animiq; tumore ex recte factis aut donis Dei nascentē. quēadmodum & illud, quā sit indignū acceptis à Deo beneficiis, eisdē illi contumeliā facere; si honorem det, eum inhonorare;

Nota vanæ hominis impietate.

rare; si soletur, Spiritū Sanctū contristare; si liberalitatem erga nos exerceat, etiam quod illius est, nobis vindicare; quid enim aliud superbus agere videtur, quam accipere à Deo dona, & mox eadem per vanitatem hosti tribuere in Dei despectum, aut eisdē Deum impetere; exaltari à Deo, & illum deprimere? ideoque per Isaiam queritur: *Filios enutriui & exaltaui, illi autem spreuerunt me?*

Aspira, vt sup. pag. 8. Hæcine firmā, ibid.

*Modus hu-
militer lo-
quendi.*

1. Cor. 15.

Iuuerit etiā non mediocriter, si nunquam inter loquen- dū quis sibi aliquid tribuat, sed diuinæ bonitati adscribat, à qua omne donū; fiatq; id quod monet Apostolus: si quis loquitur, quasi sermones Dei: si quis ministrat, tanquam ex virtute quam administrat Deus, idēd nunquā vsurpet, Ego hoc feci, sed Dei gratiā hoc factum est: sic Apostolus, *Non ego, sed gratia Dei mecum.*

*Septuplex
ruina tibi
impenaet.*

Septima In iis quæ obuia sunt, obserua ubiq; humilitatis documēta; quid enim vallis abundans frumento, quid ariditas & sterilitas in monte, aliud docent quā humilitatē, & c. Octaua. Aliquando contemplari septiformem ruinam; Prima est, tui similitum qui fœdē lapsi sunt; Secunda, Gentiliū; Tertia, infantium ante Baptismum; Quarta, desperariū; Quinta, præfidentium; Sexta, perfectorum; Septima, penē perseuerantium. *Hæcine vera, vt sup. pag. 7.*

*Admonito-
rem habe.*

Nona. In aliis aliquas virtutes notare, easque sibi imitandas proponere, nulli se antepondere.

Decima. Admonitorem habere amicū & fidelem, qui non seruiat auribus, sed veritati.

Vndecima. Humilitatis opera ac obedientiæ, exemplo Christi Domini exercere. neq; quisquam est tam magnus, quin sæpē debeat alienæ parere seruientium sibi voluntati; faciet cum fructu, si libenter virtutum occasione vtatur.

Duodecima. Libenter in viā comitis & socij, in negotiis consilio & voluntati acquiescere, nunquam de se suisque rebus ad ostentationem loqui.

*Homil. 22.
Modestia
& humil-
tati quo-
modo stu-
dendum.*

Accipe alias è S. Basilio homilia de Humilitate. Quonā pacto, inquit, ad salutarē hanc animi humilitatē, pernicio- sa superbiæ elatione relicta, descendemus? si perpetuo stu- dium modestiæ exerceamus, & c. Vide ne in sermone arro- gantiā vsurpes sophisticā, neq; dictionē ostentes superbā, sed in omnibus splendori ac magnificentiæ detrahas; comis erga amicū, mansuetus erga domesticū; patiens erga teme- rarios, humilis erga humiles; patronus afflictis, inuisens in dolore constitutos, in summa neminē contemnens: suavis in appellatione, alacer in responsione, dexter & expositus vniuersis, neq; tua ipsius celebrans encomia, neq; alios qui hoc

hoc faciant subornans, neque inhonestā de proximo famā admittens, & virtutes tuas ac prærogatiuas, quantum fieri potest, obtegens, peccatorū verò gratiā te ipsum accusans, nec expectans vt ab aliis reprehendere: vt idē facias quod iustus, qui in principio sermonis se ipsum accusat, & sis qualis erat Iob, quem non puduit vrbis tumultuationem, propriam contra se deprædicare ruinam. Ne sis increpando molestus ac seuerus, neque statim aut cum animi commotione quemquā reprehendas, [respicit enim hoc contumaciam quandā.] Neque propter modica delicta condēnes aliquem, quali rigidus iuris exactor: sed eos qui deliquerunt complectare, & spiritualiter instruas, quemadmodum admonet Apostolus: considerans te ipsum, ne & tu tēteris. Et tantum studij impendas, ne apud homines gloriosus habere, quantum impendunt alij, vt glorificentur, siquidem Christi memor fueris. At prælatus es alijs, & homines te glorificant; par esto subiectis, non tanquam dominans in cleris, vt Apostolus inquit, neque sæcularibus Principibus te conformes. qui namq; primus esse cupit, omnium hominum seruum esse iubet Christus.

Nota.

Aduerte gradus superbix, & ad hoc te examina, & singulos detestare Primus, nolle puniri ob peccatum; Secundus, ferre impatienter punitionem; Tertius, nō ferre si errasse dicaris; Quartus, agere vt alij credant te non errasse; Quintus, nolle fateri; Sextus, non dolere; Septimus, defendere peccatum.

Gradus superbix.

Gradus ex D. Bernardo. Primus, curiositas: Secundus, leuitas animi: Tertius, inepta lætitia: Quartus, iactantia: Quintus, singularitas: Sextus, arrogantia: Septimus, præsumptio: Octauus, defensio peccati: Nonus, simulata confessio: Decimus, rebellio: Vndecimus, libertas peccandi: Duodecimus, consuetudo peccandi.

Idē ex D. Bernard.

Actus. Primus, magni pendere se: Secundus, ad alta se dignum profiteri: Tertius, alta appetere; Quartus, velle ab alijs magni fieri: Quintus, dolere si non: Sextus, præferre se alijs, & meliorem putare: Septimus, Superioribus non parere: Octauus, nec Deo quidem obedire. Explora an hæc in te sunt, & detestare.

Eiusdem actus.

Nota gradus humilitatis.

Primus, cognoscere vilitatē: Secundus, dolere: Tertius, fateri: Quartus, facere vt credant alij: Quintus, pati vt dicant: Sextus, pati vt velut viles tractemur: Septimus, optare vt sic fiat. Statue te coram Deo, & hos conscende sanctis desideriis.

Humilitatis gradus.

*A.S. Benedicto hi assignantur.**Idē ex D.
Benedicto.*

Primus, timor Domini; Secundus, resignatio; Tertius, obedientia; Quartus, obedientia etiā in arduis; Quintus, mala & alia aperire Superiori; Sextus, ad omnia se indignum æstimare; Septimus, omnibus se inferiorem ex animo existimare; Octauus, communia seruare, non esse singularem; Nonus, tacere donec rogetur; Decimus, non esse ad risum promptū; Vndecimus, pauca & rationabilia modestè loqui; Duodecimus, corde & corpore præ se ferre humilitatem. Horum occasiones attende & propone.

*Eiusdem
actus.*

ACTVS Primus. Vilipensio sui; Secundus, putare se ineptum ad omnia; Tertius, nolle æstimari; Quartus, vilem vel se se haberi; Quintus, dolere magni fieri; Sextus, aliis se cōferendo inferiorē reputare; Septimus, resignare se totum; Octauus, subiicere se hominibus omnibus propter Deum; Nonus, amplecti quod humilius est. Vel sic; Primò, nihil dicere vnde laudē consequatur; Secundò, non gaudere cū laudatur; Tertiò, non facere quidquam ob respectum humanum; Quartò, non se excusare; Quintò, vanas cogitationes procul pellere; Sextò, omnes sibi ducere superiores; Septimò, benè accipere humilitatis occasiones. *Hæcine vera, vt sup. pag. 7.*

*Signa humilitatis ex Cassiano.**Signa.*

Primò, mortificatum esse; Secundò, aperire omnia Superiori; Tertiò, omnia eius arbitrio facere; Quartò, obedientia in omnibus & mansuetudo; Quintò, non inferre malum, & illatū pati; Sextò, nihil agere sine exemplo aut regulā; Septimò, omni vilitate contentum esse, & inutilem operarium se existimare; Octauò, se ex corde putare omnibus inferiorem; Nonò, cohibere linguam, & modestè loqui; Decimò, non facile ridere.

Alia.

Vel hæc. Primò, nolle laudari; Secundò, simplicè in moribus esse; Tertiò, bona de se dicta non agnoscere, aut, ne ea perdat, quia cognita timere; Quartò, minus putare de se quàm dicantur; Quintò, in proximo videre quòd plus habeat sese; Sextò, accusare se; non negare; Septimò, non excusare, & correctionem admittere libenti animo; Octauo, nescire virtutes suas; Nonò, humana contemnere; Decimò, pro persequentibus orare & iis benefacere.

Praxis pro sui cognitione R.P. Roberti Sotrvelli.

Quid fui, Domine? quid sum? & quid ero? fui nihil, nihil sū, & ero fortè nihilo peius. Fui cōceptus in originali peccato, sum plenus peccato actuali, & quis scit an ero condēnatus pœnā gehennali? fui miserabilis in ingressu, sū miserabilior in progressu, miserrimus ero in egressu. fui sperma foetidum, sum laccus stercorū, ero esca vermiū. Cū nihil essē, fui sine periculo damnationis, & sine spe salutis: & iā sū in spe dubiā & graui periculo: ero aut ex re speratā felix, aut ex periculi successu infelicissimus: sic fui, vt damnari non possem; sic sum, vt saluari vix possim; sic ero, vt in æternū damnatus, aut in æternum saluus. Quid fuerim scio, quodd fui pessimus: quid sim nescio, quia de gratiā incertus: quid ero ignoro, quia de salute dubius. Quod fui, Domine, ignosce; quod sum, corrige; quod ero, dirige: dirige, inquam à malo præterito, in bono præsentī, ad præmiū futurum. Amen.

Aspira, vt sup. pag. 8. Hæccine firmâ fide, &c. ibid.

IACVLATORIÆ.

Nouerim me, nouerim te; vt amem te, & contemnam me.

Tua est, Domine, magnificentia, & gloria, & victoria, tua sunt omnia: & quæ de manu tua accepimus, dedimus tibi.

Quis sum ego, Domine Deus, & quæ domus patris mei, vt præstares mihi talia?

Quid est homo, quia magnificas eum, & apponis erga eū cor tuū?

Quis sicut Dominus Deus noster, qui in altis habitat, & humilia respicit in cælo & in terra?

Quid tibi sum ipse, vt amari te iubeas à me, & mihi faciam, irascaris mihi, & mineris ingentes miseras? O quàm excelsus es Domine! sed humiles corde sunt domus tuæ.

Non veniat mihi, Domine, pes superbia; ibi enim ceciderunt omnes qui operantur iniquitatem.

Aug. l. 2^a.

Soliloq.

cap. x.

1. Part. 29.

2. Reg. 7.

Iob. 7.

Psal. 112.

Aug. lib. 1.

Conf. c. 5.

Psal. 35.

CAPVT XXII.

Meditatio I. de obedientiâ humilitatis filiæ.

COMPOSITIO LOCI. videre vniuersum; Christum Dominum, B. Virginem, & Angelos, & creaturas omnes Dei autui parentes, & tu audes repugnare?

PVN.

*Quàm ne-
cessaria sit
in omnibus
subordina-
tio.*

*Deo maior
certè cura
communi-
tatis quàm
singulorū.*

*Rom. 13.
Deut. 17.*

*Obedientiæ
perfectio
& dignitas*

PUNCTVM I. Considera, diuinam Maiestatem, et ubique præfens sit, tamen noluisse gubernare hæc inferiora, nisi per superiora, vt patet in cælis, Angelis & hominibus. Considera Secundò, subordinationem illam adeò necessariam, vt, quemadmodum in cælestibus orbibus contingit, inferiorem à supremo non nisi per immediatum moueri, ita neque homo à Deo eiusq; voluntate gubernetur, nisi ille cum Superiore suo eiusque voluntate coniunctus sit. Primus enim orbis, siue supremus hac in re est diuina voluntas, regula omnium bonarum voluntatum: huic proxima illius quam ipse delegit, Superioris scilicet, omnis enim potestas à Deo est, & à Deo singulari curâ gubernatur, cum per Superiores cõmunitas regatur, cuius meritò cura maior est Deo quàm singulorum. *Hæcine vera, vt sup. pag. 7.*

Considera Tertiò, omnia creata Deo parere; atque erubescere esse solum te rebellem, cui tamen omnia data sunt à liberalissimo Domino, vt pareant tibi, & tu vni vicissim pareas Deo. Considera Quartò, quàm sit indignum hominem voluntati diuinæ, id est Superioris, non parere: siquidem talis, vt equus, non fræno, sed sessorii resistit. qui enim potestati resistit, Dei ordinationi resistit, atque ideo Scriptura dicit, Qui superbierit nolens obedire sacerdotis imperio, morte morietur.

Aspira, vt sup. pag. 8. Hæcine firmâ, &c.

PUNCTVM II. Considera dignitatem & perfectionem obedientiæ. Primò, quia coniungit nos optimè Dei voluntati, vt quasi errare homo nequeat; quid tibi optatius esse potest? Secundò, nos totos Deo tradit in holocaustum, veluti si arbor, non fructus tantum, daretur; quippe executionem, voluntatem & iudicium, quod difficillimum est, tradit. vide an talis sis, scilicet vt cadauer, baculus senis in manu Superiorum tuorum quisquis sis, & quocumque in statu, & vide vt vel coactè hanc expleant milites in omnia pericula omni horâ parati. Tertiò, scito quòd obedientia sola virtus est, quæ

que virtutes ceteras(iuxta id quod S. Gregorius) menti inferit insertasque custodit. idque tum quod omnes actus virtutum iubeantur, tum quod ipsa humilitatis, patientiæ, fidei & charitatis actus virtute contineat; imò per ipsam vt notam, omnes aliæ virtutes in Sanctis, etiam extaticis probentur. Quartò, considera locum illum Scripturæ, Melior est obedientia quàm victimæ; & auscultare magis quàm offerre adipem arietum. quoniam quasi peccatum ariolandi est, repugnare; & quasi scelus idololatriæ, nolle acquiescere. Victimam Gregorius corporis castigationem & deuotionem interpretatur; Et obedientia, inquit, victimis verè præponitur, quia per victimas aliena corpora, per obedientiam verò voluntas propria mactatur.

Hæcine vera, vt sup. pag. 7.

Expende item illa verba Saluatoris nostri: Qui vos audit, me audit; qui vos spernit, me spernit. Siue enim Deus, vt Bernardus, siue homo vicarius Dei mandatum quodcumque tradiderit, pari profectò obsequendum est curâ, pari reuerentiâ deferendum. ideoq; hortatur Apostolus: Quodcumque facitis, ex animo operamini, sicut Domino, & non hominibus.

Credo tibi, &c. vt supra pag. 7.

Considera Quintò, obedientiâ omnes tentationes & pericula superari; iuxta illud, vir obediens loquetur victoriâs; operaque insuper nostra valdè nobilitari, & meritoria fieri, ac nostras orationes efficaces. Obediet enim Deus orationibus nostris, si obedientes fuerimus Præpositis nostris. Sextò, obedientia, vt Climachus, est abnegatio animæ, corporis proprii voluntaria mors, vita sine sollicitudine, nauigatio sine damno, sepultura voluntatis, vita humilitatis, & quasi si quis dormiendo iter faciat: securus enim est. siue faciat, siue omittat, quandoquidem Deo se tradiderit.

Creator meus, vt inf. p. 356.

PUNCTVM III. Considera quantæ tenebræ sint hominum,

Greg. l. 35.
Mor. c. 16.

Obedien-
tia notâ
vera san-
ctitatis.

1. Reg. 15.

Luc. 10.

Bernard. de
præcept. 3
disp.

Coloss. 3.

Prou. 21.

Gregor.

Gradu. 4.

Obedien-
tia com-
munis.

*August. l. 5.
Conf. c. 11.
Psal. 22.*

Exod. 25.

*Grad. 4.
Obedien-
tia tenta-
tiones vi-
cit.*

Hebr. 13.

minum, quanta cæcitas, quàm incertæ prouidentia nostræ, vt nemo sciat quid expediat, ideoque verè beneficium esse magnum, bonum ducem nancisci, & potissimum Deum, qui ita intendit nobis, perinde ac si soli essemus, vt verè dicere liceat: Dominus regit me, & nihil mihi deerit, in loco pascuæ ibi me collocauit. Nam vt Deus per Sacramenta sanctificat, ita per homines homines regit, & per internuntios suos suam voluntatem indicat: habes non solum tu Religiose, sed omnis subditus, Arcam Domini Superiores suos, quam in omni re interroget. Secundò attendo nullam artem sine magistro facile addisci, ita neque artem Deo seruiendi. Aduerte autem multo magis vitam spiritua-lem peritum ducem requirere, magnamque esse stultitiam scito, rerum incognitarum facere experimentum tuo periculo, cum aliter possis: ideoque Climachus ait, rudem hac duce perfectionem attingere, sine oâ peritissimum facile errare. Quartò, considera vtilitatem sinceræ obedientia: si quis enim sincerus & obediens sit, statim etiam grauissimas tentationes, potissimum carnis, euanescere sentiet, atque per eam sanari. Quintò, quanto amore & obseruantia Superiores colendi, cum sint patres nostri, vicarii Dei, rationem reddituri pro animabus nostris. Obedite, ait Apostolus, præpositis vestris, & subiaceite eis. ipsi enim peruigilant, quasi rationem pro animabus vestris reddituri; vt cum gaudio hoc faciant, & non gementes: hoc enim non expedit vobis.

Haccine vera, vt sup. pag. 7. vel Creator meus, vt infra p. 356.

Meditatio II. De Obedientia.

COMPOSITIO LOCI. Considera, Deum omnia creatantem, & suæ voluntatis exequendæ dantem præceptum.

*Obedien-
tia.*

PVNCTVM I. Considera, ô viator, Dei voluntatem sequi.

sequi vt regulam perfectissimam, esse beatitudinem nostram; imò esse beatius quàm esse matrem Dei; vt B. August. vnde Dominus, cùm mulier illa dixisset, Beatus venter, qui te portauit; ait, Quin imò beati qui audiunt verbum Dei, & custodiunt illud. Secundò, Christum aspice promptissimè venisse vt faceret voluntatem Patris sui; factum obedientem vsque ad mortem, non solùm Deo Patri, matrique suæ, sed & hominibus impiis, Augusto scilicet, imò immanibus etiam tormentibus, & tu negas ipsi & Superioribus parere? Ita verò eam dilexit, vt diceret cibum suum esse facere voluntatem Patris. Vide an Domino IESV similis sis, itaque audire atque si cibum quæras, in omnibus optes fieri Dei ac Superioris voluntatem. Tertiò, considera hæc verba, Quicumque enim fecerit voluntatem Patris mei, ipse meus frater & soror & mater est. *Aspira*, vt sup. pag. 8. *Hæcine firmâ.*

Luc. 11.

Ioan. 4.

Matth. 12.

Quartò, considera vt B. Virgo filium sit imitata, vt Apostoli, quos omnes Dominus per Bethaniam, id est domum obedientiæ, ad montem Oliueti duxit, cùm ascensurus esset in cælum. Est enim obedientia perfectissima dependentia à prouidentia diuina; quam per Superiores experimur. Quintò, attende veri obedientis esse; non spectare quis sit Superior, an doctus, an indoctus; quandoquidem ipsa Sapientia æterna nos regat. Sextò, eiusdem esse id omne velle, & optimum id iudicare quod statuit Superior, sicut fit in rebus fidei, quasi ipsum mandatum ab ore Domini proficisceretur. Vnde Hieronymus, Credas tibi salutare quidquid Superior præceperit, nec de maiorum sententiâ iudices; tuum officium est obedire; & implere quæ iussa sunt, dicente Moyse: Audi Israël & tace. qui enim propter rationem obedit, sibi obedit & rationi, non Superiori, neque obediens est; quemadmodum qui ob rationem solam credit, fidelis esse non potest. Septimò, incommoda quæ ex huius defectu oriuntur. Primò, homo ni-

Obediens à Deo dependet.

Hier. epist. ad Rust.

Vide incommoda.

Prou. 12.
Incommo-
da propria
prudētia.
Bern. serm.
3. de cir-
cumcis.
Inobedien-
tia concor-
diam tollit.

Obedien-
tiae fructus
Bern. vo-
luntas pro-
pria lepra-
est.
Cass. coll.
Abb. Moy-
sis.

Basil.

titur propriâ suâ prudentiâ, quod stultum est: via verò stulti, vt Sapiens ait, recta est in oculis eius; qui autem sapiens est, audit consilia. Iudicio certè repugnante nemo obedire diu potest; talis enim murmurat, temerè Superiorem iudicat, se illi præfert: ideoque obedientia illa non est virtus patientiæ, sed velamentum malitiæ. Accedit Secundò, concordiam perire, pro quâ æquum est membrum capiti potiùs, quàm contrà caput membris consentire. Considera vt aduersus hæc preces, quamque graue sit hominem & maximè Religiosum, qui vt baculum & cadauer se fore obtulit, & obedientiâ pro regulâ vitæ habet, hîc deficere; quantaque superbia sit vllum hominem se in suâ re sapientiorē Deo aut meliorem putare. Si enim secûs arbitratur inobediens, cùm sciat Deum mandare, cur obedientiæ refragatur? *Creator meus*, vt infra pag. 356.

PUNCTVM II. Considera Primò, quòd obedientia voluntatem propriam lepram pessimam animæ destruat: lepra quippe est, facitque vt bona bona non sint, Deumque oppugnat, ac vniuersi ordinem à Deo constitutum perturbat. Secundò, quòd hæc portam aperiat grauissimis tentationibus & perturbationibus: neque vllò certè vitio tam præcipitem diabolus monachum pertrahit ad mortem, quàm si suo iudicio suaserit definitionique confidere: idem valet in aliis. Obediens verò, propriaque voluntate carens, tranquillissimo in portu nauigat. Considera Tertiò, quàm sit graue, maximè si vouisti, non parere, cùm ratio, creatio ac redemptio, vocatio & conseruatio nos obstringat. Idèò Basilius, Quicquid eo (Superiore) nesciente facis, furtum ac sacrilegium est, tibi que exitium, nullam autem vtilitatem apportat, esto, tu id bonum iudices: nam si bonum, cur non in aperto? Considera Quartò, si non obedias, necessariò aut carni aut dæmoni parendum esse; & vide quàm stultum, suaue Christi iugum cum tam dirâ seruitute commutare. *Credo tibi*, vt s. p. 7.

PVN

PUNCTVM III. Considera Primò conditiones obedientiæ, & an eæ in te sint. Primò, debet esse integra, etiam in minimis; turpe enim pro tantillo detrudere holocausto. Secundò, prompta, vt simus sicut Angeli veloces & ad nutum parati; siue enim Deus, siue homo mandatum aliquod tradiderit, pari profectò obsequendum est curâ, pari reuerentiâ deferendum. Tertiò, simplex, purè propter Deum, non ob commoditatem. Hinc perfectè obediens nullum in præceptis discrimen facit, fortisque est in arduis tolerandis, patrandis, appetendis. Quartò, perseverans; Quintò, alacris; Sextò, humilis; Septimò, ex amore & deuotione; Octauò, cum gaudio spirituali. Considera Secundò exempla Sanctorum verè obedientium; vt magni Abrahami, eiusque præmium; Joannis Monachi, &c. & pudeat nos prudentiæ nostræ: etenim si quis etiam minùs spirituali obediat, tamen, vt Climachus, non iniustus est Deus vt eas animas fallat, quæ cum fide & humilitate alterius iudicio se submitunt. Tertiò vide pœnas inobedientis Adami, Saulis, Prophetæ illius in Bethel; & contremisce. Aduerte autem Sanctorum omnium summum bonum & solatium esse in omnibus scire & exequi posse diuinam voluntatem, eiusque obedientem verè participem esse. An verò tibi dulce est parere? an murmuras si quis petita neget, & voluntati tuæ repugnet? considera sine obedientiâ nullum meritum esse, quis enim remunerat seruum non operantem pro se, nec secundum voluntatem suam? Obedientia verò opera etiam indifferentia veluti virgula Midæ inaurat. Postremò vide, cum tot nominibus Dei ac Domini tui sis, quàm graue sit murmurare, nolle obedire, vt patet in Core, Israëlitis, Maria sorore Moyfis: vt verè à Basilio dictum sit, Præmium maius debetur obedientiæ, quàm rectè facto cum continentia.

*Conditio-
nes obedi-
tiæ.*

*Bernard. in
tract. 2. de
præcep. &
dispens. fere
initio.*

*Obediens
non fallitur
Gradu 35.*

*Gen. 3.
1. Reg. 15.
3. Reg. 13.*

*Num. 26.
Num. 12.*

EXERCITIVM.

Creator meus, & Redemptor meus, Dominus meus, & Deus meus, ecce ego creatura, seruus, filius, infinitis titulis tuus sum, vt obediam Maieſtati tue. ſed eheu! etſi omnia tibi obediant, & hac mihi dederis vt obediam tibi; tamen inſtar prodigi ſubſtantia accipio & parere reſuſo; quaſi prudentior te ſim, & iis quos vt me regerent conſtituiſti. Hinc vagor incertus conſilij, & ſollicitus viuo, qui poſſum ſecurus, ſi in te tractare cogitatum meum. Quid enim ſcio quid expediat mihi? certe noui hoc vnu vt obedia tibi & Superioribus meis, & inſtar Abraham offeram voluntate meam primogenitum meum, & libertatem; id certe hodie facio in conſpectu tuo, & curia tua, ac in omnibus obedire volo: Superiores ſiue ſeculares, ſiue ſpirituales agnoſcere pro vicariis tuis, eoſq; amore omni ſincero & reuerentia colere, non iudicare iuſſa eorum. neſcit enim iudicare, quiſquis perfecte didicit obedire.

Philip. 2. Bone IESV, qui ex amore mei factus es obediens vſque ad mortem crucis, atq; ex iis qua paſſus es, obedientiam didiciſti, & docuiſti exemplo & verbo tuo, dicis: Non mea voluntas fiat, ſed tua. Ego ne igitur dicam, etſi dura, etſi aduerſarios mihi ini-miſeris, Non tua, o Deus, ſed mea fiat? repugnando, excuſando, & murmurando, quoties ſenſualitas & proprium iudiciu aliud ab obedientia ſuaſerunt? Tu dicis: Non quero voluntate meam, ſed eius qui miſit me, & anima tuam ponis pro me; ego vero niſi ſenſui, niſi palato meo placeat quod iubetur, vt placeam tibi repugnabo, & ubiq; queram toto corde & animo voluntate meam: Non ita, ſed ecce iam tibi offero eam in victimam & holocauſtam. In aeternum nec in paruo, nec in magno ea vtar abſq; ſanctiſſima voluntate tua. Nemo enim ſibi viuit, ſed tibi, qui pro nobis viuere & mori dignatus es, vtinam vero ego iam ſincere dicere poſſim, Viuo ego, iam non ego, viuit vero in me Chriſtus.

Galat. 2.

Applica-
tio ad
Commu-
nionem.

Quid enim iuſtius, quam vt tibi viuiam, o vita mea, & qui manduco te, viuiam propter te? Et vere ſi hoc credo, te eſſe, & viuere in me, cupere mecum eſſe aeternum, quantum exultare de-
& ama-

& amare te, cum tu Deus meus charitas in medio mei es, & cibus & potus meus. Vtinam viam in te, & spiritu tuo agar, & filius tuus sim, & tu hereditas mea! Dicebat Boor, Ruth, Ruth. 2. ut cum messoribus intingeret buccellam suam in aceto, & ut colligeret liberè spicas, & illa mox adorauit eum super terrā. Tu verò iubes in sanguine tuo nō buccellam, sed animā meam lauē, & in aceto memorialis passionis tuæ, & frumentum toto pectore colligam Electorum. Et quoties? quoties quispiam etsi improbus Sacerdos te vocat; toties enim obedis voci hominis, & tibi non erit paratum cor meum, ut faciam voluntatem tuā, & patiar quod tibi visum fuerit? Et verò quid mihi beatius, quā prauam voluntatē meā, quæ me toties perdidit, & perdit quoties eam sequor, exuere, & tuam induere, quæ regula est omnis bonæ voluntatis? O Sapientia aeterna, dirige me in semitam mandatorum tuorum, & doce me facere unicam voluntatem tuam: neq; enim alias mercedem expectare poterò à te, ô Pater familias, qui me vocasti in vineam tuam, cum operarios es vocaturus, si secundum meam, & non tuam voluntatem operatus fuero. Da mihi Domine gratiam, ut cognoscam & faciam eam toto corde Amen.

Psal. 26.

Matth. 20

Praxis obedientia exercenda.

NOTA hæc quæ de obedientia dicta sunt, videri magis ad religiosos, quā ad sæculares pertinere. verum ad utroq; instruendos eadem valent. Neque minùs sæculari quam religioso vtilia sunt.

Prima verò praxis est, considerare diligenter, quos quilibet in re tibi Deus dederit ductores ac Superiores; deinde eorum mandata ac præcepta, legesq; inuestigare & obseruare. Nulla virtus latius pater, nulla vtilius exercetur.

Secunda. Parentum, Maiorum, Præceptorum iussis studiosè parere, etiā in minimis. Hinc B. Catharina Senensis domi in patre Christum, in matre B. Virginem intuebatur, eisq; pientissimè obediebat.

Tertia. Manè dum actiones nostras disponimus, eas omnes ad normam legum ac voluntatis Superioris, id est Dei, componere.

Quarta. In omnibus dubiis primò Deum supplici prece, deinde Superiorem adire cum magnā resignatione.

Quinta. Ad mandata quæ grauiora accidere possent, animum præparare.

Sexta. Frequenter illud in corde reuoluere: Qui vos audit, me audit; id est, sapientiam, bonitatem & potentiam infinitam, cui resistere nemo potest.

Septima. Numquam conari Superiores in suam sententiam pertrahere, sed rationes exponere cum resignatione.

Dignatus es, vt sup. pag. 10.

JACULATORIÆ.

1. Reg. 2. **L** Oquere, Domine, quia audit seruus tuus.

Act. 9. **L** Domine quid vis me facere?

Psal. 118. *Leuaui manus meas ad mandata tua, que dilexi: & exercebar in iustificationibus tuis.*

Psal. 115. *O Domine, quia ego seruus tuus: ego seruus tuus, & filius ancillæ tuæ.*

Psal. 110. *Fidelia omnia mandata eius, confirmata in sæculum sæculi, facta in veritate & æquitate.*

Psal. 118. *Pax multa diligentibus legem tuam, & non est illis scandalum.*

CAPVT XXIII.

*Deliberatio de moderandâ cupiditate bonorum, secundo
in viâ perfectionis auxilio.*

1. Tim. 6. **H**OMO. Nihil intulimus in hunc mundum, haud dubium quod nec auferre quid possumus: Nudus egressus sum de ventre matris meæ, & nudus reuertar illuc in matrem omnium. Interea, cheu! luctamur hic inter desideriorum vndas, spinæque diuitiarum vrunt & trahunt. Felicitas putatur multa possidere; sed quanta infelicitas Deus meus, pro felicitate amplecti infelicitatē. Diuitiarum enim amor insatiabilis, longeque amplius desiderio torquet animam, quam refrigeret vsu suo; utpote quarum acquisitio laboris, possessio timoris, amissio plena doloris inuenitur.

Hæcine vera, vt sup. p. 7.

Paupertas verò grauis est, multaque secum incommoda, multa impedimenta virtutis adferre videtur, & beata quidem esse dicitur, sed omnibus odiosa, quid eligam

eligam ignoro: Dirige me CHRISTE IESV Redemptor
 mi dux vię, & vitę meę, ne radix malorum omnium cu-
 piditas errare me faciat à viâ æternitatis & fine creatio-
 nis meę. Scio opes parandas esse ad vitam sustentandam
 mortalem, sed vereor ne sollicitudo huius sæculi virtu-
 tis opprimat semina, & diuitiis si potiar, apponam cor
 meum. 1. Tim. 6.

CHRISTVS. Ideò vide quem terminum constitueris
 desiderio quærendi & augendi opes. Nónne enim fa-
 tigat se superuacuo labore viator, qui terminum vię
 nullum sibi proponit? Quòd si cupiditatem solam au-
 dias, certè terminum nullum inuenies: illa enim san-
 guisuga semper dicit, affer, affer: impletur autem num-
 quam. Cupiditas
refrenanda.
Prou. 30.

HOMO. Sic vulgò video cupiditati laxari fræna, & si
 multas opes congerere potuerint, multas largiri decer-
 nunt; iuxta illud Tobię monitum: si multum tibi fue-
 rit, abundanter tribue; si exiguum tibi fuerit, etiam exi-
 guum libenter impertire. Tob. 4.

CHRISTVS. Nónne hoc est ad incertum portum na-
 uigare, cupiditati vela pandere, & fœdi sese periculo nau-
 fragij exponere? definias ergo desideria, neque plus opū
 postula, quàm vt necessitati subuenias tuę, ac Christia-
 nam in proximo exerceas charitatem, idque secundum
 statum ac vocationem tuam. Cur tu togam staturę tuę
 non aptam, cur onus humeris tuis impar quæris? & cu-
 ius gratiã? si nihil hinc auferes, hîc verò vltra victum &
 amictum nihil habere sit necesse, quid frustra te torques?
 an vt cum damno animę tuę moriturus pascas alienum
 corpus?

Credo tibi, vt sup. pag. 7.

HOMO. Sed nescio, quomodo perpetuò desiderio tor-
 queamur, crescatque illud semper, & amor diuitiarum
 quantum ipsę augescunt.

CHRISTVS. Credis hoc, & demens augere vis opes?
 si vis te diuitem facere & contentum, non pecunię est
 adiicien-

adiiciendum, sed cupiditati detrahendum, sitis enim restinguenda, non verò dolia illam fouentia quærenda: neque mirum tamen diuitiis auctis augeri earum protinus desiderium. nam si crescant opes, familia ferè augetur, & sic nōne tantum paupertas crescit, quantum opes? perinde enim est, ac si quò vas aquæ magis impleas; eò plura facias epistomia. quia quo quis plus acquirit, in plures id abit, & proinde eo etiam pluribus eget. hinc quī volunt fieri diuites in hoc sæculo, incidunt in tentationem, & laqueum diaboli, & desideria multa inutilia & noxia, quæ mergunt homines in interitum & perditionem. Credis hæc, & diues fieri optas? credis inquam, hæc, & cupiditatem omnium malorum radicem non tantum non extinguere, sed & accendere quotidie conaris? Quis miserebitur tui? Nōne qui amat periculum, peribit in eo? Tūc Salomone meo sapientior, qui me sic rogabat: Mendicitatem, & diuitias ne dederis mihi; tribue tantum victui meo necessaria, ne fortè satiatus illiciar ad negandum, & dicam: Quis est Dominus? aut egestate compulsus furer, & periurem nomen Dei mei? Itaque etiam tu statue cupiditati tuæ modum, & prouentum tibi necessarium bonis artibus non anxie, sed moderatâ sollicitudine quære, & à me postula. nōne ego solus sum bonorum omnium fons, & origo, & hæc credis?

Homo. Equidem si nos mortales opes propriis inspicceremus, & fulgor earum non perfringeret oculos nostros, non tanti perituras opes tuâ gratiâ faceremus.

CHRISTVS. Rectè: Quid enim sunt opes? an agri? & hi terra; dignumne vt cælestem animum ea occupet? & Quid vestræ opes? pecunia? Fulua certè terra vel alba, quâ si cælum mercari possis, beatus es; si verò illis apponas cor tuum, vtique de terrâ es, quia terram amas: & utilitatem ex opibus non capies, nisi illis superior dispergas, & des pauperibus, & iustitia tua maneat in sæculum sæculi. Hunc scopum tibi propone, & velut prudens

1. Tim. 6.

Cupiditas
radix ma-
lorum.

Eccles. 3.
Prou. 30.

Vide quid
sint opes.

Psal. III.
Æternæ o-
pes quæren-
de.

prudens negotiator vende omnia quæ habes, & eme *Matth. 13.*
 agrum illum, quo perpetuò frui possis. Victus, vestitus,
 & habitatio necessaria terminos angustos habent; intra
 eos concludere desideria tua; quæ si naturalia, finita sunt,
 & hæc ipsa dixi fore vt adiiciantur quærenti primùm *Matth. 6.*
 regnum Dei. Credis hoc?

Credo tibi, vt sup. p. 7.

Quòd si adiecero tibi longè amplius quàm opus ha- *Diues dis-*
 bes, caue in primis cor apponere: etenim dispensator à me *pensator est*
 constitutus es: & paratum te esse oportet omni horâ
 non opes tantùm erogare, sed & vitam abnegare si iusse-
 ro; potiùs quàm me, qui tibi vitam & omnia largitus
 sum, offendas.

Homo. Sanè libenter id præstare nos oporteret; cui e-
 nim vestis, aut res alia commodatò data est, æquum vt *Turpe red-*
 domino repetenti promptè restituat, si gratus esse volue- *dere nolle*
 rit. Nos verò nōne hoc pacto à largâ manu tuâ omnia *commoda-*
 accepimus? Tu enim solus Dominus, nos serui, & tua *tum.*
 sunt omnia, Dominus vniuersorum tu es.

CHRISTVS. Sic Job affectus erat cùm diceret: Si pu- *Iob. 31.*
 tau aurum robur meum, & obrizo dixi, fiducia mea, si *Cor à diui-*
 lætatus sum super multis diuitiis meis, & quia pluri- *tiis abstra-*
 mum repetit manus mea. Disce ergo cor tuum cælesti- *bendum.*
 bus apponere: disce quid sint terrenæ opes, quàm verè
 à me spinæ dictæ sint, quæ tantoperè vrunt & pungunt,
 etsi procul positæ, soloque affectu & oculo vel leuiter
 attingantur.

Homo. O quantum, Deus bone, necessaria nobis est
 tua gratia, vt communem illam maledictionem euade-
 re possimus: omnes enim quæ sua sunt quærunt. Aufer *Philip. 2.*
 quæso à me concupiscentiam prauam, & ab auaritiæ pe-
 ste me libera; tu enim es spes mea à iuuentute meâ, in te
 proiectus sum ex vtero, de ventre matris meæ tu es pro- *Psal. 21.*
 tector meus: adiuuâ me, & saluus ero.

CHRISTVS. Scis quo fine creatus sis, quo fine creatæ *Finem*
 sint opes, & quidquid in orbe terrarum est? vtique vt *tuū & di-*
 te-

ditiarum
intuere.

te adiuuent ad finem tuum consequendum, ideoque opes, nonne hæcenus quærendæ sunt tibi quantum ad finem consequendum vtilis futuræ?

Luc. 6.

Marc. 10.

Homo. Eheu! Domine, quæ utilitas ex illis esse potest, cum dixeris, ô æterna Veritas; Væ vobis diuitibus. & rursum: O quàm difficile est diuitem intrare in regnum cælorum! imò facilius esse camelum transire per foramen acus, quàm diuitem ad illud peruenire.

Hæcine vera, vt sup. p. 7.

Tobie 4.

CHRISTVS. Vtilis tamen esse possunt si benè dispenses, & cælum tibi nummo emas: sed aliena Primò restitue: Deinde illis largire quibus charitatis lege teneris; Tertiò, pia opera promoue, vt templa, hospitalia, Religiosas domos, quibus rebus optimè diuites æternum nomen suum efficiunt. Quartò, pauperes quotidie ale, atque ex substantiâ tuâ fac eleëmofynam, & noli auertere faciem tuam ab vilo paupere; ita fiet, vt nec à te auertatur facies mea. & iterum dico: Ab inopie auertas oculos tuos, propter iram; & non relinquo quærentibus tibi retrò maledicere. Maledicentis enim tibi in amaritudine animæ, exaudietur deprecatio illius: exaudiet autem illum qui fecit illum. Conclude ergo eleëmofynam tuam in corde pauperis, & hæc pro te exorabit ab omni malo, honora me Dominum tuum de tuâ substantiâ & de primitiis omnium frugum tuarum da pauperi, id est mihi: & implebuntur horrea tua saturitate, & vino torcularia tua redundabunt. Quis sapiens, & intelligit hæc? Tunc credis, & primitias frugum tuarum negas mihi? Nescis viduam Eliæ eleëmofynam contulisse, & farinam simul & oleum toto famis tempore non defecisse? Sanè nisi pauperibus meis, id est mihi, opum tuarum partem sic credas, nihil magis noxium est opibus, quia ærugine suâ inficiunt hominem, & grauant ascensuros in montem Domini, & lucentes cum hoste nudo vehementer impediunt. Imò nihil honestum, benignum, liberale avarus cogitat; nec

Eccl. 29.

Prouerb. 3.

sibi

sibi ex pecuniâ , neque aliis vtilitatem ex eâ capit. aua-
 ro enim nihil est scelestius , nullusque seruus infelicior. *Eccli. 10.
 Diuitum
 summa in-
 felicitas.*
 Cur ita? quia pecuniæ obedit per omnia , omnesq; eius
 sentit affectus , pro eâ se vendit , & omni vitio se de-
 turpat , torquet , &c. Quid? hoc cine ergo alteri suadere
 posses , vt opibus , quibus ad breue spatium vti potest ,
 totus incumbat , animo oculisque in terrâ versetur ?
 Quemadmodum enim is qui multis sarcinis oneratus
 est , difficilimè iter arduum facit ; ita diues. diuitiæ enim
 verè onus sunt. *Aspira*, vt sup. p. 8. *Hæc cine firmâ*, &c.

Homo. O quanto potius longè est modestè viuere
 & lætari , quàm immodico opum amore æstuarè , &
 perpetuò laborare , ac infirmari languore pessimo , qui
 non senescit , neque vllâ ætate sanantur !

CHRISTVS Quid tibi proderunt opes in horâ mor-
 tis? quid tunc auferes , quando omnia relinquenda erunt?
 quæ nunc paraueris cuius tunc erunt? vides quanto la-
 bore quærat , & quàm paruo , vel nullo tempore iis
 frui liceat? Age quanto prudentiores qui certò scientes *Opes in cæ-
 lum præ-
 mittendæ.*
 ciuitatem diripiendam esse , opes suas in æternam cæli
 mansionem per manus pauperum præmittunt , vt , cùm
 hinc expulsi , nudi & egeni fuerint , ibi reperiant æterna
 tabernacula! & tu hæc credis , neque sapis? appende igi-
 tur quomodo in iudicio iniquitas auaritiæ maximè
 declarabitur. Quis , precor , diues ibi laudabitur ? nōne
 qui animo pauper fuerit , plurima tribuerit , omnia relin-
 quere paratus , si ita mihi visum ac placitum fuisse intel-
 lexisset? Quis ibi nisi liberalis in egenos & afflictos lau-
 dabitur? quis ibi nisi auarus damnabitur , & in res vanas
 prodigus? Tu verò quibus annumerari optas. *Hæc cine ve-
 ra*, vt sup. p. 7.

Homo. Dum hæc recogito mecum , tremore con-
 tutior ad vocem hanc tuam , ô Saluator mi. O quàm
 erit ergo acerbum audire , Esuriui , & vt deliciosè viue-
 res , noluisti me pascere ; sitiui , & vt inebriareris , sitim
 meam leuare detrectasti ; nudus eram , & vt multifariâ
 veste

*Bernard.
Eleemosy-
narū com-
mendatio.*

Matth. 19

veste splenderes, tegere me recusasti, multisque rebus in membris meis indigui, sed quia tibi libebat ludere & illudere opibus, non valuit deprecatio pauperis, quam ego tamen verè ore eius pronuntiaui: credis hoc? Clamant nudi, clamant famelici, & conqueruntur. Nobis, inquit fame & frigore miserabiliter laborantibus quid conferunt tot mutatoria, vel extensa in perticis, vel plicata in manicis? nostrum est quod effunditis, nobis crudeliter subtrahitur quod inutiliter expenditis; inueniunt otiosi quo delectentur, non inueniunt miseri quo sustententur. Nec ferè se solos, sed posteros diuites eodem malo inuoluunt, quos in exempla trahunt maiorū; & difficillimè suadeas malè parita dimittere. Audite cupidi, Amen dico vobis, ait Veritas ipsa, quia diues difficilè intrabit in regnum cælorum; imò & facilius est camelum transire per foramen acus. Et quis non contremiscat? *Aspira*, vt sup. p. 8.

Hæcine firmâ, &c.

*Aug. serm.
9. in Nou.*

CHRISTVS. Verè miserrimus hominum est, qui quantumcumque crescat opibus, numquam satiatur, neque fortunâ suâ contentus est, ô quanta vanitas! ô quanta insania! ô quanto satius esset æternas parare opes! nonne momento hîc viuitur, momentoque transit omnis mundi gloria, & quæ parasti cuius erunt? Diues & pauper occurrerunt sibi. in quâ viâ? nisi in istâ vitâ? natus est diues, natus est pauper, occurristis vobis, pariter ambulatis viam. Tu noli premere: tu noli fraudare. Ille eger, tu habes: feci autem ambos ego Dominus, per eum qui habet iuuo egentem: per eum qui non habet probo habentem.

*Diues non
videtur
credere.*

HOMO. Nescio verè, ô IESV, æterna veritas, nescio, an dici possit eos verè credere, qui hæccogitant: & tamen per omnem vitam de opibus terrenis, & vix de cælestibus tractant: sudant & laborant à diluculo in seram noctem pro terrenis, & vt æternas opes, gloriam, præmia habeant, vix vilem extorquere pauper nummum potest? Quis hunc auarum dicat, qui regnum

numma

nummo emere potest, & negligit?

CHRISTVS. Verè infania omnium hæc maxima est. Nónne enim certa mors est? nónne hîc momento, ibi in omnem æternitatem te viuere oportet? nónne mil-
lies ampliùs tamen laboras, vt hîc laxè habites, lautè viuas, fundos & domicilia habeas? Age verò, dic: tan-
tùmne, vt in æternâ habitatione commodè tibi sit, in-
dustriæ & studij ponis? Dic mihi quem hîc ad momen-
tum-censum habeas? quem ibi, expende: & si te, vt de-
bes, dementiæ summæ & incredibilis damnas, resipisce
tandem. Hoc verò magis attendere debes, quòd nihil
hæc terrena contempseris, fieri non possit vt æterna re-
gna & gaudia emas.

HOMO. Credo tibi, vt sup. p. 7.

CHRISTVS. Eme illa vili nummo, & simul redime
æternas pœnas, aspice, & audi, quomodo insipientiam
suam auari in inferno testentur eiulatu perpetuo. Verè
dixit Ecclesiastes: Contra sanguinem suum insidiantur,
& moliuntur fraudes contra animam suam. Hoc est
quòd omnes Sancti mei opes contempserunt, profusi
in pauperes, in loca sacra, & Deo sacras personas; im-
piorum verò viscera iis vbi possunt detrahunt, contra
id quod scriptum est, Noli prohibere benefacere; si po-
tes, & ipse benefac.

HOMO. Hæc & infideles credunt, & ego quid dicam,
qui video quòd etiam Philosophi multi opes contem-
pserunt, quòd intelligerent sapientiæ studio eas incom-
modas esse, atq; animi quietem ad illud necessariam pror-
fus tollere. Nam, vt Bernardus, non onerosa modò, sed
limosa quoque ac glutinosa nimis substantia nostra vi-
detur, & facilè cor humanum omnibus quæ frequentat
adhæret.

CHRISTVS. Quid ego Sapiencia æterna fecerim,
ignoras? nónne ego pauper esse volui, cùm diues es-
sem? beatos pauperes prædicaui, Matrem & Apostolos
tales elegi, pauperes in hoc mundo, diuites in fide?
Quid

*Curandum
vt in celo
diuites si-
mus.*

Proverb. i.

Prou. 27.

Bernard.

Iacob. 2.

*Promissio
pauperi facta
Est à Deo.*

*Auarus
Deo non
credit.*

*Religiosus
adhaerens
terrenis,
quā miser.*

*Thesaurus
diuine pro-
videntiae.
Matth. 6.*

*Auari ani-
mus non
satiatur.*

Quid verò videtur? egone Sapientia æterna errare potui? si non potui, errat certe mundus, qui ita querit opes, ac si præcepissem; ita auaritiæ studet, ac si paupertas omnium malorum grauissimum foret. Erras verè si anxie proponis opes coaceruare, iisque non parere te existimas, cum famelicos exsatiare abnuis, & mihi tribuere. Ego promitto omnibus, qui propter me reliquerint domum aut agrum, centuplum in hac vitâ, & vitam æternam. Quis autem credit mihi? Tunc? quis mihi scenerari optat? sanè arguere me falsi debet, qui non credit, aut fateri quorumcumque hominum fidem & ab iis lucellum minimum potius esse, quàm id quod ego promitto. Sed & Religiosos hæc tangit parabola, qui amore mei omnia deseruisse videntur, & re culis paruis ita aliquando adhærent, vt difficulter ab iis auellantur, tanto filiis sæculi miseres, quòd his velut crepundiis illudat diabolus, illis mundus maioribus insultet. O vtinam meminissent diei quâ egressi sunt de terrâ Ægypti! illinc à me regnum petere poterunt mercedem, dicentes, Ecce nos reliquimus omnia, & secuti sumus te?

Et quidem si ego meis non prospicerem, esset quòd de se solliciti forent mortales: verumtamen eis asserui dicens: Nolite solliciti esse dicentes; Quid manducabimus, aut quid bibemus, aut quo operiemur? hæc enim omnia Gentes inquirunt: scit enim Pater vester, quia his omnibus indigetis. Quærite ergò primùm regnum Dei, & iustitiam eius, & hæc omnia adicientur vobis; nolite solliciti esse in crastinum. Sed quæ multorum est diffidentia, quo plus illis tribuo, eo minùs mihi confidunt, magisque solliciti sunt: neque tantùm, quod vetui, in crastinum anxie sunt solliciti, sed in annos, quibus victuri non sunt.

Hæcine vera, vt sup. p. 7.

HOMO. Sic illudit nobis, Domine Iesv, & imponit præstigiis suis dæmon, quasi satiari auarus animus, qui

qui spiritus est, pecuniâ, & terrâ ista possit, aut conquiescere. Ignis fateor ille numquâ dicit, Sufficit; tam enim ei deest quod habet, quàm quod non habet. O quanto erant prudentiores Sancti de tuo obsequio solliciti, vbique securi, tranquilli, omnia in te habentes, qui hîc beatam vitam, & post hanc tecum æternam consecuti sunt!

CHRISTVS. Quos tu imitaris? quorum exitus placet? quorum præmium?

HOMO. Sequar te, Domine JESV, quocumque ieris; tu Rex meus & Deus meus. Tu veritas, tu bonitas, tu Sapientia es & omne bonum meum.

CHRISTVS. Et quamuis illorum nihil esset, neque opes, onus, & spinæ; neque paupertas, beatitudo; nōne sufficit quod hæc mihi placeat? nōne expedit magis meum, Dei ac Domini tui consilium sequi, quàm hostis fallaciis, technis & spinis, quo nomine verè opes appellauim, implicari & irretiri, & animam suam pro tantillo venalem habere? nōne mea sunt omnia, & vos dispensatores omnes? cuius verò arbitrio dispensari ea oportet, nōne meo? Verùm, vbi quis auaritiæ semel *Gal. 5.* mancipatus est, me proiicit. est enim illa idolorum seruitus, plusque valet imperium nummi quàm meum, plus ille me honoratur; quod si verò illum aut creatum quid eripiâ, sèpe idolum, in quo homo animo fornicatur, quærimoniis omnia plena sunt; & iniuriam facere videor. *Aspira*, vt sup. p. 8. *Haccine firmâ*, ibid.

HOMO. O potentissime Deus, cùm per gratiam tuam cupiditatis mala cognouerim, detestor eam in conspectu tuo; ac primò statuo iuxta vocationem meam: sic meum cor ab omni affectu immodico terrenarum rerum abducere, vt te sequar; deinde moderatè ea quæ mihi necessaria, quærere, & piè viuere, ac fiduciam in te collocare; non ita insanire, quin te, Domine, honorem de substantiâ meâ, seu potiùs tuâ. Tua enim verè *Deo redditur quod suum est.* petis per pauperem, dicisque mihi, Da mihi ex eo, quod dedi

*Consilium
Dei audit.*

*Propositum
pium.*

dedi tibi; de meo quæro, & mihi donas? da mihi, & reddo: habuisti me largitorem, fac me debitorem, habeam te fœneratorem: pauca mihi das, plura reddam; temporalia mihi das, æternam restituam. Itaque quantum de bonis à te largè concessis potero, iudicio prudentis tibi in paupere restituam, & in æternum mihi conseruabo; numquam differam debita dissoluere, aut defraudare mercedem operarii, libens in pia opera, & ad tuum cultum largus ero; omnia enim tua sunt. Denique cùm dispensator fidelis esse debeam, numquam aliud agam quàm secundum sanctissimam tuam voluntatem & beneplacitum tuum. Amen.

Orationem vide infra: O Rex regum, &c. p. 374.

Meditatio de Auaritiâ.

COMPOSITIO LOC I. Considera omnes homines velut montem conscendere, & Christum Regem præire pauperibus, pauperes Christum facile sequi, alios dæmonem vel etiam CHRISTVM IESVM nudum, sed si fœrcinatos relabi.

ORA, vt Dominus aperiat cor, vt intelligas paupertatis pretium, quam Dominus coluit ab vtero vsque ad mortem.

*Quid sit
auaritia.*

Galat. 5.

PVNCTVM I. Considera quid sit auaritia, nempe pecuniæ & rerum huius mundi inordinata cupiditas, quâ homo ita afficitur illis, vt impotenter ferat iis priuari, quærit superflua & curiosa, etiam aliquando cum damno alterius, & anxie seruat. Secundò, quàm fœda sit. Primò, ratione obiecti, & quomodo homo pecuniæ, id est terræ metallo vili se tradat, aded vt idolorum seruitus appelletur: Et tamen quis pecuniâ melior est, quis beatior, cùm extra nos sit? Quid ergo? quòd vanitatis aliquid nanciscatur, & dicatur opulentus, hoc habet auarus, præter victum enim & amictum, & hoc vanitatis ludibrium habet nihil.

Hæcine vera, vt sup. p. 7.

Secun-

Secundò, dignitatem hominis attende, qui ad hoc natus ut amore suo Deum omne bonum complecteretur, & quàm turpe, si ille per avaritiam in caduca & peritura se abiiciat, & vilissima corpora suæ animæ præferat. Tertiò, turpis avaritia ratione modi acquirendi, *Avaritiâ fœdâ & indignâ homine,* cum hominem adigat ad vilissima lucra sectanda, etiam cum infamiâ, per lites, mortis discrimina, & curas inexplicabiles, ut nullum tempus, nullus locus vacuus iis sit, inque mille partes animus distrahatur. Quartò, quia æquali curâ & anxietate conservare parta necesse est. Quintò, quod omnium, etiam Ethnicorum, iudicio avarus abiectissimus habeatur, utpote qui frui bonis nequeat, & acquirendò se oneret.

Hæcine vera, ut sup. pag. 7.

PUNCTUM II. Considera; quis tandem finis acquisitionis. Primò, sibi proponit avarus pacem, & ecce quantum crescit nummus, (& idem est in ceteris terrenis) tantum crescit amor, ut in hydrope; non est enim pax impiis. Secundò, sperat commoda carnis; ut bene vestiatur, splendide epuletur, & dic, quæso, nonne ob ista dives sepultus dicitur in inferno? Et verò quid conferunt diuiti opes, nisi victum & vestitum? nihil enim aliud præstant; verùm & pauperes hæc habent. Quid ergo præ illo dives? vnum ille habet, quòd ubi multæ sunt opes, sint multi qui deuorent eas, quodque præterea ex deliciis morbos plurimos nutriet; quos frugales non nôrunt, & insuper (quod dolendum maximè) instrumenta gulæ, luxuriæ, & omnium malorum, id est, mille furcas habeat ad æternam calamitatem, nullumque ferè in lubrico habeat retinaculum. Quid ergo superest diuiti, vnde inaniter intumescat de opibus?

Credo tibi, &c. ut sup. pag. 7.

Attende verò opes veros honores non parere, cum sint homine inferiores, & nihil in se habeant dignitatis. Considera deinde, in quàm multos diaboli laqueos *i. Tim. 6.* incidant, qui volunt diuites fieri in hoc sæculo: radix

A a

enim

Matth. 21 enim omnium malorum cupiditas. Primò, orare nequeunt, ibi enim est cor eorum, vbi thesaurus eorum, Secundò, ab operibus pietatis alieni sunt, cùm semper egeant. & satiari numquam possint. Tertiò, per fas & nefas acquirunt, & iniquè acquisitis ita afficiuntur, vt prope impossibile sit ad restitutionem cogere. Quartò, morientes, ob rationem reddendam, pauperes defraudatos, opes deferendas, velut in desperationem aguntur. Itaque, ô homo, veluti si in summâ tempestate esses periturus, nisi abiiceres opes, iam proice; & diuitiæ si affluent, noli cor apponere, vt ad æternum portum peruenias. Noli ergo, cùm alteri omnia relinquenda, illi gaudium creare, tibi tormentum, non restituendo; & si saltem in morte aliquid abnegandum aut restituendum, noli tam enormi tuo dâmnno differre.

*Auari
stultitia.*

PUNCTVM III. Considera stultitiam auari & conquisitoris huius sæculi, qui Deo in paupere, æternæ inquam Veritati, centuplum promittenti & vitam æternam, ea quæ certò alioquin ei sunt peritura dare recusat, & contrà mundo fallaci, & hominibus credit exiguo & momentaneo lucro. Secundò, quanta stultitia, quòd cùm tantùm dispensator sit, Domino recuset reddere, & dilapidet alterius bona, redditurus strictam rationem. Tertiò, mirum certè quod quispiam hic eligat esse momento diues cùm tot miseris, & in futuro perpetuò pauper, potiùs quàm in æternum cum gloriâ maximâ diues, & hîc tecum, benignissime IESV egenus. Quartò, quòd res viles tanti faciat, vt puer crepundia, cùm Christus & omnes sapientissimi nihil fecerint. Quintò, quòd animam toto mundo preciosiorem pro quâ mortuus est Christus, tantillo vendat, vel saltem imperfectam relinquat, & pauperem in alterâ vitâ; & sic opes longè pluris quàm se æstimet. Sextò, quàm stultum, quòd Domino promittente omnia adiicienda, si quæ- ratur primò regnum cælorum, hoc negligat & prorsus contra faciat, & quasi dissidat eius bonitati. Considera, quomodò

*Cur ô di-
ues non vis
esse cum
Christo
pauper.*

quomodo Dominus punierit hîc auaros, & quidem Achan iusserit ob furtum lapidibus obrui, Jefabelem vineam Naboth concupiscentem, Ananiam & Saphiram de precio oblato detrahentes, & Judam proditorem dirâ morte multârît.

Iosue 7.
4. Reg. 9.
Actor. 5.
Matth. 27

O Rex Regum, vt inf. pag. 374. vel *Aspira*, vt sup. pag. 3.
Hæcine firmâ fide credo, &c. ibid.

*Meditatio de Paupertate, cuius affectus
omnibus necessarius.*

COMPOSITIO LOCI, erit Christum videre cum Discipulis miserè vestitum, famelicû, pauperculum pagos & villas obeuntem, & nos velut peregrinos eum sequentes.

ORATIO. Pete vt possis cognoscere dignitatem paupertatis, & eam in tuo statu complecti.

PUNCTVM I. Considera I. paupertatem esse duplicem, vna est quâ homo et si opulentissimus ita animo comparatus est, vt potiùs, quam Deum offendant, paratus sit: vitam degere pauperem, opes partas omnes relinquere. Hæc verò, ô Lector attende, tibi, & omnibus ad salutem necessaria; cuius defectu multi egeni reipsâ pauperes, sed animo diuites valdè, & auari ad malas consurgunt artes, furta, vsuras, iniustias, quia paupertatem ferre nequeunt, vel diuites ne in eam incidunt, easdem sectantur, imò naufragium fidei faciunt potiùs quàm bonorum. Alia paupertas, quæ reipsa abdicat omnia, & à Domino suadetur, non verò præcipitur. Nunc ergo expende paupertatem esse rerum omnium externarum saltem in animo abdicationem, quæ hominem totum ordinat exterius & interiùs circa illas. Primò, in intellectu ponit veram, qualem Deus habet, illarum estimationem; ostenditque verè esse caducas, viles, noxias. Secundò, in affectu contemptum & fastidium, denique in opere plenam, si Dominus ad perfe-

*Quid sit
paupertas.*

ctionem vocauerit, abdicationem. Vide an hæc in te sentias, quanti tu eam facias, an sis etiam hodie paratus omnibus carere, si salus animæ id posceret, aut necessitas flagitaret. O *Rex Regum*, vt infrà pag. 374.

*Aug. lib.
2. de civ.
Dei. c. 13.*

Considera Secundo, quod sicuti cupiditas est radix malorum, & fundamentum Babylonis, vt August. ita paupertas spiritus ac contemptus diuitiarum radix bonorum, & parens quædam generatioque virtutum, fundamentum cælestis Ierusalem, & prima beatitudo, maximè tamen si reipsa quis eam sequatur. Ratio est, quia remouet instrumentum vitiorum diuitias, quæ superbiam, gulam & alunt & tuentur, & bene viuendi adfert quandam necessitatem ac facilitatem: cùm iudicio Sapientiæ æternæ facilius sit camelum per foramen acus transire, quàm diuitem intrare in regnum cælorum. Credis hæc ô pauper & non exultas? ô diues, auare, & non horrescis? attende præterea paupertatem expiare peccata, iuxta illud, Elige te in camino paupertatis, & liberum reddere ab occupatione rerum terrenarum, vt soli Deo vacare quis possit. O felicitas magna Christianorum, quibus datum est, vt paupertatem precium faciant regni cælorum! non tibi displiceat paupertas tua, nihil eâ potest ditius inueniri.

*Ambr. in
5. in Luc.*

Matth. 19

Isai. 48.

*Aug. serm.
28 de ver-
bis apost.*

Hæcine vera, vt sup. pag. 7.

*Paupertas
Deo gratis-
sima.*

*2. Cor. 5.
Luc. 9.*

Phil. 3.

PUNCTVM II. Considera gratissimos Deo esse spiritu & re pauperes, cùm paupertatem sibi IESVS copulârît, & in se tantopere dilexerit, diuitias verò vt quisquiliæ, splendidaque omnia nascens, viuens & moriens sit auersatus: qui cùm diues esset, factus est pro nobis egenus, vt non haberet vbi caput reclinaret, matremque elegit & discipulos pauperes. Et sanè nonne credendum tibi videtur eum dignum se statum elegerisse? cur ergo tu in tuo gemis, aut eum times? Sic & Sancti, qui cum D. Paulo omnia arbitrabantur vt stercora, gaudebant fame, siti, & nihil habere, adeò vt B. Franciscus sanctè pauperioribus inuideret. Tu ergo vide ne ditioribus, vti mundani &

molles

molles Dei serui, qui omnes conatus & studia ad opes referunt, vt splendide, carè, curiosè, commodè sint in victu, vestitu, habitatione, vnde amicis & diuitibus libenter adherescunt; loca & munia refugiunt, in quibus paupertatem possent experiri. Contemne ista, vt vir crepundia, & æternum animum & cor in æternis habeto; noli miles Christi aspera horrere, quæ dux amplectitur.

Credo tibi, vt sup. pag. 7.

Considera Secundò, excelsum verè spiritu pauperis animum, quo super omnia hæc terrena eminet, vt ne verbo quidem vix suum quid dicere velit, cùm aliena sciat & fluxa, cauetque ne fortè iis ipse adhærescat. Tertiò, quàm sit gloriosum in quouis statu paupertatem ferre posse, cùm omnes ferè mortales, quæ sua sunt quærant, ob innatam cupiditatem, & commoditatem rerum ac speciem; vnde exclamat Sapiens: Beatus vir qui post aurum non abiit; quis est hic, & laudabimus eum? quanta itaque gloria, eum affectum, quo omnes abripiuntur, laici, Ecclesiastici, & tepidi Religiosi, superare? Vnde Chrysost. Anima pauperis fulget vt aurum, splendet vt gemmæ, sicut Angelus ita conuersatur, non subiaceret dæmonibus, assistit Deo. Quartò, quòd, vt Paulus ait, verè pauperes nihil habentes, omnia sint possidentes; & vt olim Climach. monachus nudus est mundi dominus, viroque forti totus mundus diuitiarum est. Credis hoc, & adhuc concupiscis? Quintò, considera quod is qui reliquerit reipsa omnia, & secutus fuerit Dominum, centuplum in hac vitâ accipiet, & sedebit super sedes duodecim; iudicans duodecim tribus Israël, cùm Reges stabunt, & Monarchæ trepidabunt. Vide, ô Religiose, an verè dicere possis, Ecce nos reliquimus omnia neque animus tuus reculis adhæserit, qui magnanimiter antea omnia despexerat.

Aspira, vt sup. p. 8. Hæcine firmâ, &c. ibid.

Eccli. 31.

Chrysost.

Homil. 47.

Matth.

Emolu-

menta

paupertatis

Euangeli-

cæ.

2. Cor. 6.

Matth. 19.

*Diuina
prouiden-
tia erga
pauperes.
Psal. 33.
Psal. 143.*

PUNCTVM III. Considera prouidentiam Dei erga pauperes secundum illud Psalmistæ, Diuites egerunt & esurierunt, inquirentes autem Dominum non inuentur omni bono. non pauperibus vt nobilibus de suo prouidet Dominus in tempore, illum habent cœconomum, vt beatus populus, cuius Dominus Deus eius. Secundò, quòd ipsi sciunt certò iubilationes, nihil metuunt, nihil sperant, curis vacui, paucis contenti, in quo etiam Epicurus felicitatem posuit; non nausabundi, vt diuites, sed ex petrâ melle saturantur, & cùm tam gaudeant nihil vel parum habendo, quàm omnia possidendo, nucleum sine cortice habent: nam quærentibus Deum hæc omnia adiiciuntur, vt Paulo, Danieli, Eliæ, & infinitis viris bonis, ac omnibus Religiosis, vnde hi fiduciâ pleni vtramque sortem securi expectant, neque bonâ frustrari, neque aduersâ grauari metuunt. O beatos! quouis ire etiam sine viatico parati sunt, de nullâ re solliciti quàm de Dei gloriâ, animarumque lucro, quia Dominus sollicitus est eorum.

Exercitium paupertatis omnibus vtile.

*1. Cor. 8.
Eccli. 31.*

O Rex regum, & Domine dominantium, ô Saluator mi, qui cùm diues esses, pro me egenus factus es, vt tuâ inopiâ nos diuites effemus; concede mihi, vt nunquam post aurum abeam, nec sperem in pecuniæ thesauris, in incerto diuitiarum, neque anxie diues fieri queram, cùm desideria ista nociua & inutilia mergant homines in interitum & perditionem. Vbi sunt enim qui argentum thesaurizant & aurum, in quo confidunt homines? exterminati sunt, & ad inferos descenderunt. Idcirco ego, Domine IESV, pro honore & amore paupertatis tuæ, cuius voluisti me per Prophetam tuum recordari, offero diuinæ Maiestati tuæ quæcumque de manu tuâ accepi: neque retinere volo, aut detrabere quidquam cum

*1. Tim. 6.
Bar. 3.*

Matt 1.

Ananiâ de hoc holocausto nec sollicitus esse animæ meæ, quid manducem; neque corpori meo, quo induar. Pater enim meus es tu, & nosti quia his omnibus indigemus: queram igitur primum

primum regnum tuum, & scio ô bonitas, ô veritas, quia ea omnia adicies mihi. Quî enim posses non adicere mihi tua, cum digneris quotidie te tradere mihi? & quid ego negare possim tibi ex omnibus qua dedisti mihi, si tu illa ipsa & te mihi tribuis? O Deus, ô Deus, & Abyſſe bonorum, fac, obsecro, vt tu vnicum sis desiderium meum! Absit à me vt apponam cor meum terræ frustis, imò replere coner illud terrâ, quando hodie Rex celi & terræ paratus es me replere gratiâ & diuinitate tuâ, & diuine consortē facere naturæ. Cur adhærebit in terrâ venter meus, quando à te, benignissime IESU mi, & corde tuo & voce dulci, & sanguine & morte ad caelestia tua regna vocatus sum? Ecce, video, vt iis fruam, & te ipso pascam, tu Rex celi & terræ omnia reliquisti amore mei, & non habuisti, ô dulcissime Redemptor, cui celum sedes est, & terra scabellum pedum tuorum, vbi caput reclinares. Reclina igitur ô IESU spes mea, obsecro in corde meo, paratū enim cor meum, & declina precor ad manendū, quoniam ecce adueſperascit dies ista mortalitatis, & suspirat anima mea ad diem illū aternitatis tuæ.

Applica-
tio ad
Communi-
onem.

Isaia 68.
Matth. 8.

Ecce, ecce illa N. abnego, & coram te renuntio omnibus, quæ possideo, aut possidere possum potius quàm vel in minimo displiceam tibi. In te enim habeo omnia, & extrate nihil volo. Quomodo ergo deinceps ego aliquid iniuste ad momentum retinebo, vnde aeternum crucier? quomodo preciosis vtar, quando tu, Rex meus, amore mei vilibus? vbi esset frons mea, si videns te amore mei pauperem & nudum, ego vestiri appetam splendidiùs quàm status exigat meus? congregare argentum, & te inopem non imitari? scio enim quia satiari cupiditas non potest, sed, quò plus adicitur, plus eam irritari. Pudet me vehementer, cum audio Philosophos sua proieciſſe, & me sollicitum viuere, filium tuum, cui prouidus parens sollicitè, & perpetuò inuigilat.

Da mihi, quaeso, gratiam, vt omnem sollicitudinem meam proiicam in te, & animo verè pauper sim. Beatos enim dixisti pauperes, & eorum esse regnum calorum, diuites autem dimittis inanes. Cur ergo nolim esse beatus, & euadere tristissimum illud V a vobis diuitibus? Qui enim verè serui tui sunt, sunt sicut egentes, multos autē locupletantes, tanquam nihil

Matth. 5.
Lucæ 1.
Lucæ 6.
2. Cor. 6.

Num. 18. habentes, & omnia possidentes. Interea nihil cum Leuitis possident, nec habent partem in terrâ: sed dixisti eis: Ego pars, & hereditas tua. Ideo etiam venis quotidie, & mihi te das & pacisceris reipsâ, vt sim tuus: & cuius ero, si non tuus? qui creasti me, & sic emisti, & sic pascis, & sic tibi coniungis? & poterit me quicquam separare à te? quidquid id est, mors est quæ me separaret à te vitâ meâ. Et posset id fieri? Eheu! potest, scio, si me respicio. Attamen dico, & volo, & cupio vnus esse tecum; mihi enim pauperi & misero, & esurienti, & sitienti, tibi, ô omne bonum, ô salus, ô panis vita, & fons aquarum viuentium, tibi adherere verè mihi bonum est, & ponere in Domino Deo meo spem meam in æternum, in æternum, & vltra. Amen.

Desiderium vnionis cum Deo.
Plal. 72.

Praxis ad paupertatem amandam.

Quid sæculares præstare debeant.

Quid Religiosi.
Praxis pro sæculari.

PRIMA. Siue sæcularis, siue Religiosus, recenscat & enumerata habeat quæcumque possidet, videatque an quid iniuste retineat, aut Superiore inscio, si Religiosus est, aut superfluum, vel nimis curiosum, idque quotannis semel & iterum, omniaque Superioris potestati resignet ac tradat. Triste certè est & commiseratione dignissimum, Religiosum, qui orbem spesque omnes suas deseruit, rosario, libello, scalpello adhærescere. eoque turpius illud, quod gloriosius de mundo triumphat. Ideo nonnullis in more positum, vt catalogum rerum suarum habeant; eumque non nisi bonâ consideratione præmissâ adaugeant.

Secunda. Modestiam in habitu seruet, ceteraque supellectile: quidquid verò splendori suo detrahit, si sæcularis est, aut commoditati, id tribuat Christo pauperi, & nuda membra Christi eo tegat, quo parietes velarentur.

Alia.

Tertia. Quemadmodum Thomas Morus fecisse fertur, potest quiuis alterius curæ se committere, vt sibi prospiciatur, & datis contentus esse: quod filiis familias, ac filiabus, ac maximè Religiosis conuenit, qui gaudere debent, si paupertatem experiri digni sint. neque ferendum certè vt conquerantur, pauperesque se velint, ac sibi nihil deesse, cum diuitibus etiam desint plurima.

Alterà.

Quarta. Cum status & dignitas vestem splendidiorem requirunt, potest paupertatis & perfectionis amans interiora vilia amare, vt de S. Carolo Borromæo memoratur, & plurimis aliis etiam sæcularibus.

Nota.

Quinta est, exemplo Christi pauperes non auersari, sed libenter præ diuitibus, qui suam consolationem habent, eis opem

opem ferre, ad colloquium admittere, per se vel suos solari. Et certè quamuis hoc diuitibus omnibus, etiam Principibus, usu venire potest; maximè tamen Religiosos decet. In-
 tolerabile siquidem est, paupertatem profitentes, & eius in se amorem, ac pauperis Christi sequelam, pauperes fastidire, diuitibus adulari. Venit enim Dominus pauper, & pauperes elegit, & missum se pauperibus euangelizare testatus est. & tu, Religiose, Christi imitator, eos minus complecti, aut etiam quandoque spernere audes? immemorèm certè te declaras instituti & professionis tuæ, quodque paupertati alimenta, & beatitudinem tuam debeas.

Sexta, Examinare te quo in gradu quisque sit. Sunt autè secundum Bonauenturam; Primò, relinquere temporalia; Secundò, amicos sæculares & tēporales; Tertiò, seipsum. Vel Primò, pro transitoriis non laborare; Secundò, non appetere; Tertiò, respuere, & tantum coactum admittere. Vel Primò, omnibus contentum esse; Secundò, necessaria tantum admittere; Tertiò, iis etiam velle carere. Vel Primò, nil sine licentiâ accipere prærogatâ; Secundò, dare; Tertiò, nihil superflui habere; Quartò, in iis quæ vtenda sunt, pauperrima optare; Quintò, gaudere cum necessaria defunt. *Dignatus es, vt sup. pag. 10.*

Examen quo defectus Paupertatis Religiosis potissimum explorari potest.

Hi autem sunt Primò, necessariis nolle carere; quòd verè pauperis; Secundò, commoda amare; Tertiò, sua non custodire; Quartò, superflua coaceruare, & petacem esse, nec dare libenter; Quintò, viliora respuere, & parcatatē odisse; Sextò, preciosa & affabrè facta in iis quibus vtitur exquirere; Septimò, vti re aliquâ affectu proprietario, ita vt grauatè pateretur auferri; Octauò, per cuniculos agere vt iis vti possit; Nonò, contra Superioris voluntatem abscondere, obseruare aliqua, vel habere apud alium quidpiam; Decimò, transferre sine venia, dispensare, accipere, aut dare, vel vsurpare ex domo per epicias.

Septima Praxis. Considerare sæpe iuuat insatiabile esse cor hominis, & auaritiam nunquam dicere, Sufficit. frustra itaque hominem opibus; honoribus augendis insudare; numquam enim cupiditati magis satisfaciet: cur igitur frustra se fatigabit? cum, si voluerit eam moderari, ex nunc contentus esse possit, quod omnia bona (vt vulgo verè dicitur) superat: O quàm vtile hoc esset multis, quibus res domi angusta, animi verò amplius quibus quia cum paupertate

Pauperes non negligendi, minime à Religiosis.

Gradus paupertatis. De gradu virtutis.

Examen Defectuum circa paupertatem, vtile etiam seculari.

Quomodo paupertas diuitibus amplectenda.

Sap. 5.

non bene conuenit, inquieti alienis inuidet, sordide quæ-
runt quæ postea prodigant, alieno se grauant ære credito-
ribus atque amicis graues; & cum omnia fecerint, inde
colligunt vituperium & dolorem, unde famam, quietem &
honorem sperarant. Verè enim spes impij tamquam lanu-
go, & tamquam spuma gracilis, quæ à procellâ dispergitur.

IACVLATORIÆ.

Psal. 61.

Diuitiæ si affluant, nolite cor apponere.

Eccli. 31.

Beatus diues, qui post aurum non abiit; nec sperauit in pe-
cuniæ thesauris.

Matth. 16

Quarite primum regnum Dei, & hæc omnia adiicientur vobis.

Prov. 30.

Mendicitatem & diuitias ne dederis mihi, tribue tantum victui
meo necessaria.

1. Tim. 6.

Nihil intulimus in hunc mundum, haud dubium quod nec au-
ferre quid possumus.

Matth. 19

Si vis perfectus esse, vade, & vende omnia quæ habes, & da pau-
peribus.

2. Cor. 8.

Propter vos egenus factus est IESUS, cum esset diues, ut eius ino-
piâ vos diuites essetis.

Matth. 8.

Vulpes foueas habeant, & volucres celi nidos; filius autem ho-
minis non habet ubi caput suum reclinet. (bis)

Matth. 19

Ecce nos reliquimus omnia, & secuti sumus te, quid ergo, erit no-

Luc. 14.

Qui non renunciat omnibus quæ possidet, non potest meus esse
discipulus.

Exercitium seu consideratio de Bonorum Vsu,
& dispensatione pro diuitibus, &c.

Iob 1.

Vnde ha-
beantur
bona.

Quæ eorū
reddenda
ratio.

CONSIDERA Primò, vnde, cum nudus in hunc
mundum veneris, tibi hæc bona accesserint: &
cognosce à Deo tibi data, non ut dominus sis, sed ut
dispensator: rationem enim redditurus es villicationis
& negotiationis, & talentorum vsque ad nouissimum
quadrantem. An paratus es? hodie enim forte omnium
erit tibi reddenda ratio, an iuste, an vtiliter, an ad Dei
gloriam illius bona dispensaueris.

Secundò, an obstrictus ad rationem sic reddendam
sub poenâ non tantum capitis, sed æternæ damnatio-
nis, non debeat esse sollicitus pro bonâ administratio-
ne? quæ autem bona est? nōne ea sola, quæ fit secun-
dum

dum voluntatem Domini? quæ autem eius voluntas, & quo fine hæc cum tibi dedisse putas? certè vt iis salutem æternam acquireret, alios ad eandem perduceret, & ad Domini tui obsequium & laudem, si quis verò bonis ad luxum & voluntatem, & animæ graue detrimentum vtatur, Dei quæ contemptum, quâ fronte ad Dominum veniet, & rationem reddet? Attende iam qualis sis dispensator, an fidelis, an verò & tuam & aliorum salutem bonis his perdidideris, Domino contumeliam feceris, & quasi tua essent, iis vsus sis: imò eo deterius forsitan vixisti quo plura tibi contulit bona bonus Deus. Quid ergo? nõne tibi dicet: An oculus tuus, & cor tuum nequam est, quia ego bonus sum? cur mihi retribuis pro bonis mala, & odium pro dilectione, *Aspira*, vt suprâ pag. 8. *Hæcine firmâ*, ibid.

Matth. 20

Confidera Tertiò, vnde contingat hæc in sæculi diuitibus infania, vt sibi quid vis libere & licere putent: & verum sit illud Augustini, sæculi potentiam esse impunitam nequitiam. & videbis id accidere ex obsecratione, quâ præcipitia non vident, sed velut equi effrænes in ca ruunt, vel in angustâ trabe ambulantes se iactant, & ruunt. auri enim fulgor & adulatio, quæ opes consequitur, fascinat diuitem, & tumidum reddit. Vnde Apostolus diuitibus præcipiendum aiebat, ne altum saperent, præstantiores enim sibi videntur propter opes: quasi verò equum strigosum & claudum phaleræ aureæ præstantiorem redderent. Nõne autem præstantia hominis vera in anima est? Quid si enim stultus auro splendeat, & niteat margaritis? sanè non eo melior vel præstantior. Age an quisquam prudens mallet esse minus prudens aut sapiens, & magis diues? Imò verò diuites cæteris ferè deteriores sunt. Vnde Sapiens: Beatus diues, qui inuentus est sine maculâ, quis est hic, & laudabimus eum? quia propter & Salomon petebat à Domino: Diuitias & paupertatem ne dederis mihi. Et si Sapientia æterna pauperes beatos dixit, esuriētes lugentes,

Diuitum infania.
August. de verb. Domini. ser. 37

1. Tim. 6.

Eccli. 31.

Prov. 30.
Matth. 5.

patientes

*Diuitum
arrogantia.
Iob. 21.*

Luc. 14.

Luc. 6.

Matth. 19

*Diuitie
spinæ.
Eccli. 31.*

*Eccli. 41.
Diuitum
mors.*

Iob. 27.

patientes propter iustitiam; cur diuites se propter diuitias beatos dicunt, tenentque tympanum & cytharam, crapulam & ebrietate se onerant, largi in ludo & conuiuio usque ad insaniam? cur vos in pauperes auari, & ut eos iuuetis, inopes estis, aut videri vultis? cur, si suadet Dominus, cum facis conuiuium, voca pauperes, vos eos despicitis? Si humilitatem commendat, cur verbo læsi, verberare, immo alterius morte, vos vindicare vultis? si pacificos laudat Dominus, cur fastu pleni ad duella pro-uolatis, & propter iustitiam pati nihil vultis? Vide quanta diuiti humiliandi se sit causa. Inter victos, qui de suspendio certior, humilior est alio de veniâ prope certo: at qui diues de gehennâ quò certior est, eò magis superbit. Quid enim dicit Veritas? Væ vobis diuitibus, væ qui habetis consolationem vestram: væ vobis qui saturati estis! Amen dico vobis, quia diues difficile intrabit in regnum cælorum. Iterum dico vobis, facilius est camelum per foramen acus transire, quàm diuitem intrare in regnum cælorum. Vide an hæc vera putes; an ita viuas, ac si putares esse certissima. Aspira ut sup. pag. 8. *Hæcne firmâ fide, &c. ibid.*

Confidera innumeras spinas diuitias gignere: non enim frustra à Domino spinæ appellantur. Vnde Sapiens: Multi dati sunt in auro casus: & facta est in specie ipsius perditio illorum. væ illis qui sectantur illud, & omnis insipiens in eo capietur. Hæcne credis, & vltro in laqueos te abiicis?

Iam vide quis exitus & mors sit diuitum. O mors, ait ille, quàm amara est memoria tua homini habenti pacem in substantiis suis! quid verò post mortem? reuertitur in terram communem matrem omnium, ut nudus egressus erat. vnde Iob: Si comportauerit impius argentum ut puluerem, & sicut lutum præparauerit vestimenta; præparabit quidem, sed iustus vestietur illis, & innocens argentum diuidet. Quæ ergo habes, cuius erunt? at familiæ erit splendor. cheu, & animæ tuæ inde tormen-

tum. Lautius viuent amici : & tu fortè ideò bibes calicem furoris Domini. O stulte, an tibi familia non est in cælo? quamdiu, vt speras, ibi habitabis, qui tam sollicitus eras vt splendidè hîc viueres? quamdiu hîc tua familia stabit, immemor tui, aut si memor, frustrà, & quo splendidior, eò sæpè deterior.

Confidera Quartò, quomodo deinceps diuitiis ad salutem vteris, & audi Dominum, qui tibi eas dedit; qui id suadet, imò mandat, vt primò animæ tuæ consulas :

*Diuitiæ
ad quæ
vtilis.*

Facite vobis amicos de Mammonâ iniquitatis, vt recipiant vos in æterna tabernacula : honora Dominum de substantiâ tuâ : peccata tua eleëmofynis redime. Ecce

*Luc. 16.
Prov. 3.
Dan. 4.*

quomodo Deum placare possis. imò & septuplum & centuplum promissit, sed, eheu! in ludum, in conuiuia & luxum pecunia non deest; pro animæ salute, pro eius victu, pro Dei cultu quoties deficit! Quanto satiùs, cùm momentum tantùm sit vita vestra, æternos sibi facere thesauros in cælo, quò fur non appropriat, neque tinea corrumpit. Statue ergo honorare Dominum de substantiâ tuâ : ante omnia tamen iustitiæ & creditoribus fac satis. Ô quàm triste, quàm turpe te, ô diues, alieno splendore vestiri, & pauperum creditorum audiri gemitus in cælo, cùm exultas illorum bonis & sanguine in terrâ. Confidera, an in horâ mortis, & in iudicio ista non sint tibi futura in singultum. Deinde, prouide familiæ tuæ secundùm rectam rationem; non secundùm leges sæculi : Christianus es, Christi lege, non sæculi iurasti viuere.

Postremò, honestæ etiam licet recreationi aliquid tribuas. Vbi hæc legeris, & intellexeris te bonorum tuorum non esse dominum, sed dispensatorem, vide quomodo hætenus dispensaueris, & an talem tu dispensatorem habere velles. Attende, quantum ludo & luxu, cum magno animæ detrimento, absumpseris, & Dei iniuriâ. Secundò, quot quantaque bona opera illis fecisses si voluisses; quantumque ex iis thesaurum moriturus

*Diuites
bonorum
tantum
sunt di-
spensatores.
Aleorum
detestatio.*

in

in cælis haberes. Atqui non tenebaris. An forsitan ludere & prodigere debebas cùm scires talem reddendam rationem? Tertiò, vide quàm securè & quietè, viuat bonus dispensator: non illum sollicitum creditor agit, non anxium habet rei familiaris angustia, ab omnibus colitur, & gratus est, vbi alius plurimis vti obiectus est, ita iis supplex esse cogitur.

Haccine vera, vt sup. pag. 7.

*Eccli. 12.
Vide o di-
ues vbi &
quomodo
expendas.
Hieron.
Nota.
Genes. 25.*

Confidera, vnde contingat hæc stultitia, vt plus quisque gratis expendat, quàm habeat in bonis: vnde ista inquam prodigalitas? causa est Primò, quòd patet sese bonis pro arbitrio posse vti; quod falsum. vnde monet Sapiens, Benefac humili, & ne dederis impio: si benefeceris, scito cui benefeceris. Diues autem hoc non considerat, & malè beneficia & opes collocat. Parii autem sunt, ait Hieronymus, dare histrionibus, & sacrificare dæmonibus. Secunda causa est gula, propter quam Esau primogenita sua dedit pro lenticulâ, & abiit parui pendens quod primogenita sua vendidisset. Ita multi in conuiujs prodigi, stultè vno die multo parta tempore distribuunt, & se exhauriunt. Et cùm dicat Scriptura: Si multum tibi fuerit, abundanter tribue; tales de modico multum tribuere volunt, sed non Deo. Tertia est superbia, quâ se maiorem & ditiozem, quàm sit, haberi cupit, & (vt ita dicam) plus vult ferre quàm potest, etiam si se disrumperet. Vide quanta sit infania. Vide precor, quàm vanum sit à parasitis hodie laudari, & cras rideri; hodie largiri, & cras animam debere; posse Deo seruire securè, & in omnibus gratificari, & inquietam tamen vitam ducere, & sepè perditam, dum loculi vacui pessima suggerunt consilia, & amici ollares ea fouent.

*Qui que
ratione
subducere
debet.*

Remedium in promptu est, quod monet Sapientia æterna; Primò, sedere nimirum, & computare sumptus, ne censum superent; Secundò, generoso esse animo, & scire vbi vera gloria, quæ non famulorum turbâ; sed

bonâ vitâ; non sumptu, sed prudenti dispensatione metienda est. O Deus, vt infr. pag. 387.

Meditatio seu consideratio de Bonorum dispensatione.

PVNCTVM I. Considera, quorsum bona hæc à Deo sint data, nempe vt iis non aliter quàm ad eius gloriam & tuam salutem vtaris. Expende an ita feceris. Secundo, scias non licere ociosa relinquere, &, vt ille Matth. 25. talentum abscondere, sed mandatum nobis esse, vt negotiemur dum veniat Dominus; idque ad maximam eius utilitatem, si serui fideles esse velimus & collaudari, vt ille Matth. 25. qui quinque talentis acceptis, alia quinque superlucratus fuerat. Cogita, quæso, an non tu sic velles tua bona administrari; an non semen, quod iacis, fructum adferre centuplum; atque ita collige, meritò Dominum præcipere, vt sic bonis tuis vtaris, vt fidelis dispensator inueniaris. Aduerte deindè, illa tua quæ appellas, tua non esse, sed Domini, ac proinde disce tuo arbitratu & commodo de iis nefas esse disponere: neque te esse fidelem, si, cum possis centum annuè (vt ita dicam) lucrari, octoginta tantùm Domino reddas; viginti verò in proprios vsus & vanitatem expendas: vt seruus ille Lucæ 16. idem autem facit quisquis ad Dei gloriam non purè bonis suis vtitur, sed suam etiam quærit, aut certè vanitatem.

Aspira, vt supr. pag. 8. Hæcine firmâ, ibid.

PVNCTVM II. Considera tres classes hominum, seu seruorum, seu mauis filiorum. Prima eorum est, qui bona domini, vel patris, expendunt ad eius contumeliam, vtque bellum illi inferant. eiusmodi sunt, qui bonis ad luxuriam & fastum abutuntur, & sodales & amicos exemplo & aliter ad huiusmodi inuitant, vel iis illa largiantur qui id faciunt, vt commodiùs faciant, & sic ære suo hostes Dei fouent. Nónne enim illos comparare aptè possumus his qui à patre vel domino pecuniâ

Cur bona hominibus à Deo data.

Matth. 25

Dispensator es, vide vt fidelis.

Lucæ 16.

Tres classes videntur bonis.

niam accipiunt, vt eis seruiant, eosque tueantur: quæque eâ acceptâ, sicarios & latrones in necem patris, seu domini conducunt, quorum etiam se duces constituunt?

Matth. 6. Alia classis est eorum qui Deo seruire volunt & mammonæ, vti Samaritæ Deo & idolis, Domino & sibi negotiantur. Hi, vbi herus ponit insignia sua, illic etiam propria collocant: si hero duodecim debeantur, sex sibi capiunt; gloriæ, inquam, vel vtilitatis partem. Hi sunt, qui in conspectu Dei dicunt ei, se velle partim eius voluntatem, partim suam adimplere in bonorum vsu. Tertia classis est eorum, qui sciunt ea, quæ possident, prorsus aliena esse, eaque Domino offerunt, vt iis ad arbitrium vtatur, & sollicitè quærunt, quomodo iis maximam voluptatem, honorem & gloriam consequi Dominus possit. Hi sunt verè resignati, & qui inuenti sine maculâ, post aurum non abeunt: hi sunt, qui, vt Christi sint discipuli, renuntiant omnibus quæ possident, vt *Luc. 14.* præcipitur. Vide in quâ classe hactenus fueris & esse velis. *Haccine vera*, vt sup. pag. 7.

*Stricta
bonorum
ratio dan-
da in die
iudicij.*

PVNCTVM III. Considera, rationem bonorum maximam habendam & reddendam esse in die iudicij: de eorum enim dispensatione ita *Matth. 25.* agitur, quasi aliarum ibi rerum ratio nulla haberetur. Secundò, considera quomodo cupiditas humana in hoc mundo ad summa tendat, & pecuniam in cibum, vestem, domum, agros, non nisi optimè collocari optet, & quæ dementia in æternitate, neque de optimâ mansione, nec de victu aut vestitu, magnoperè curare? Nónne stultus putaretur mercator, qui cùm posset endem pretio comparare preciosam margaritam, multò deteriorem sciens sibi vel hero emeret? Aliter Sapiencia æterna docet, dicens: Simile est regnum cælorum homini negotiatori, quærenti bonas margaritas: & inuentâ vnâ pretiosâ dedit omnia sua, & comparauit eam. Expende hæc coram Deo, & ab eo lumen & gratiam pete, & dole, quòd tu filius lucis non tam fueris prudens in

Matth. 13

Luce 16.

gene-

generatione tuâ, atq; filij huius sæculi, qui assidue quæ-
runt quomodo plus fructus & honoris & commodi ex
pecuniâ colligere, ex agro, ex arte suâ, &c. queant, & ad
hoc mare & terram obeant; tu verò vide an exemplo,
vel nescio quo motu actus, vbi possis centuplum acci-
pere, octoginta cupias; vbi possis certò collocare, pluri-
mis periculis tua & te exponas.

*Imitari se-
culi filios.*

COLLOQUIVM erit, quo te tuæque diuinæ Maiestati
offeras, hoc vel simili modo: O fons bonorum omnium,
à quo omnia mihi bona venerunt, quorum ego me fa-
teor solum dispensatorem, offero ea, id est tua tibi: tua
enim sunt, & vehementer opto ea ad honorem nomi-
nis tui impendere. vtinam scirem quo pacto id melius
præstare possem! certè vt fidelis seruus promptè id fa-
cerem, per gratiam tuam ad maximam gloriam tuam.
Amen. O Deus meus, vt inf. pag. 387.

Meditatio secunda de eadem.

PVNCTVM I. Considera in dispositione bonorum
primò quærendam Domini voluntatem; quidquid
enim contra, vel præter illam impenderis, te reddere
cum vsuris oportebit. quocirca vt in aliis rebus Deum
suppliciter roga, vt tibi voluntatem suam aperiat: ita
Joannes Patricius Romanus sollicitè quæsiuit in quod
opus pium Deipara erogari suam vellet hæreditatem:
quæ ei ostendit sibi fore gratum, si in ecclesiam suas fa-
cultates expenderet, & noc insigni miraculo declara-
uit. Vt autem voluntas Dei tibi cognita sit, resignato
animo esse oportet; neque enim reuelat illis Deus vo-
luntatem suam, quibus decretum est propriam sectari.
Hoc est quod per Prophetam queritur Deus: Me ete-
nim de die in diem quærun, & scire vias meas volunt;
quasi gens, quæ iustitiam fecerit, & iudicium Dei non
dereliquerit; rogant me iudicia iustitiæ; appropinquare
Deo volunt. Quare ieiunauimus, & non aspexisti; hu-
milauimus animas nostras, & nescisti? ecce in die iei-

*In disposi-
tione bono-
rum diui-
na volun-
tas inuesti-
ganda.
Vide bre-
uiarum 15.
Augusti.*

Isaia 58.

*Quæ ele-
mosyna o-
prima.*

*Diuites
procurato-
res sunt.*

*Qui paupe-
res præ a-
liis alendi*

nii vestri inuenitur voluntas vestra. *Crede tibi, vt. f. p. 73*

PVNCTVM II: Vt autem ratiocinando quænam sit voluntas Dei assequaris: Considera, quæ eleëmosyna melior sit. Est verò illa, quæ Dei honor maximè propagatur, vnde hæc sunt piorum vota, vt optent suis facultatibus & aliis modis efficere, vt omnes Deum agnoscant & ament; atque adeò, si cælos novos creare possent, & Angelorum hierarchias in Dei laudem perpetuam, id sanè præstarent. Cùm verò Deus à iustis & bonis maximè honoretur, si quis, vt id illi commodè præstent, sua conferat, id Deo acceptissimum esse apparet. Bonorum verò duo genera sunt: vnum eorum, qui vt Christum sequi possint, & melius illi seruire, sponte suâ abdicant. Et quantopere Rex huiusmodi sibi deuotos milites à subditis suis aliè desideret, manifestum est. Aliud genus bonorum est eorum, qui aut sorte, aut vitio suo, aut coactè siue ex necessitate pauperes sunt: quibus si tua conferas, omninò rectè etiam feceris, quanto tamen gratior Deo sit eleëmosyna cæteris paribus illis potius, quàm his collata, liquet. Inter hos duo item alia genera reperies; vnum, quod sibi viuet, & Domino seruit: aliud, quod insuper complures ad Domini obsequium adducit, nomen eius celebrat, imperium propagat & tuetur. Et huiusmodi Religiosos nonnullos esse, omnibus notum. diuites autem procuratores esse videntur, opibus ad hoc donati, vt operarios eiusmodi ad obsequiũ Domini adducant. quo verò illi aptiores & perfectiores, eò melius rem Domini agunt; magis certè quàm iis, qui incerto euentu erudiendos ad ministerium multo labore adsciscunt. Id ex militiâ sumpto exemplo clarius euadet. Quis enim Rex non mallet exercitatos milites, quàm prorsus tirones? quis non mallet ascriptis à se in militiam annonam præberi, quàm tirones legi, qui incertũ an futuri militiæ apti? denique quos sapientissimus dux magno studio delegisset è millibus, hos meritò quouis aptiores militiæ eius, & gloriæ propagandæ iudicaret.

Applica

Applica hæc Christo Regi, clero & Religiosis, & aliis qui proximi salutis vacant: his enim tessera militiæ vocatio est, alij quicumque aluntur, hoc fine aluntur, vt tales, vel similes aliquando euadant. sic etiam gratus esset Regi, naucleros pro suâ classe alij & conquiri, quàm epibatas & sentinarios; siue architectos potius quàm viles operas. Quàm verò gloriosum sit Deo & homini, laudatores Dei, propugnatores fidei, complures architectos & naucleros in dubio hoc mari & naufrago vndique colligere, luce clarius existit: sic enim eleëmofyna latissimè diffunditur, eiusque fructus, cum vni corporalia præbentur, vt multis spiritualia tribuantur; imò etiam corporalia. denique hoc certum sit, eleëmofynam ex omnium Theologorum consensu potius ac prius meliori tribuendam. Vnde Hieronymus contra Vigilantium explicans illa verba: Facite vobis amicos de Mammonâ iniquinatis. Num, inquit, isti pauperes, inter quorum pannos & illuuiem corporis flagrans libido dominatur? non, ait, simpliciter pauperes; sed, pauperes spiritu beati appellantur: in vulgi pauperibus sustentandis nequaquam intellectu, sed eleëmofynâ opus est; in sanctis pauperibus, beatitudinis intelligentiâ, sic vt scriptum est: Beatus, qui intelligit super egenum & pauperem: in die malâ liberabit eum Dominus.

*Hier. contra
Vigilantium. c. 5.
Luc. 16.*

Psal. 40.

Oblatio quâ diues verè fit pauper & beatus, & illud, va dicitur, vultibus, euadit.

O DEVS meus ecce hac bona mihi largitus es, & infinita bonitas; sed verène bona sunt? O bone IESV, tu aeterna veritas dic mihi, obsecro; quia audit seruus tuus; & ecce va-
as, vobis diuitibus qui habetis hanc consolationem vestram; va vobis & bona sunt hac? eheu infelix ego homo, cui tu ob ista va-
minaris, ô fons bonorû, imò addis: Amen dico vobis, quia di-
ues difficile intrabit in regnû calorû; & rursus: Facilius est camelum transire per foramen acus, quàm deuitè intrare in regnû tuû, haccine ergò bona, haccine vera sunt, ô aeterna ve-

Marth. 19

ritas! & illa bona sunt, ô aterna bonitas! quomodo bona: an quia tibi summo bono acceptos nos reddunt? sed elegisti, vt ait Apostolus tuus, pauperes in hoc mundo. & num fortè iis meliores sumus diuites? Eben si diues fueris inquis, non eris immunis à delicto: omnes qui volunt diuites fieri in hoc seculo, incidunt in tentationes & laqueos diaboli; & multos perdit aurum & argentū, sed fortè diuites meliùs seruiemus tibi? **I. Iac. 6.** Verùm audio, Non potestis Deo seruire & mammona; nō potestis? nō possumus? & bona sunt hæc? veruntamen aliquando conuerteres nos ad te: quid? nōne asseris quod qui amat aurū, **Eccli. 31.** non iustificabitur? nihil enim est iniquius quàm amare pecuniā & beatus v. r. qui post aurū nō abiit, nec sperauit in pecunia thesauris; & Beatos ais pauperes spiritu, & meritò, quoniam ipsoꝝ dixisti esse regnum calorū. O vox Domini confingentis cedros! vox Domini reuelantis condensa! An huic credo Deus meus? verène credo tibi ô aterna veritas? verène credo sapientia aterna? si vera sunt, si certa, si indubiata responsa tua, nōne va mihi misero, quē bona fluxa, ad vitæ huius momentum retinenda separare possunt à te ô omne bonum! Quid faciam tibi ô custos hominum, quare posuisti me contrarium tibi? scio quid faciā, honorabo te de substantiā meā, quid aio? tua, inquā. Quid enim intuli in hunc mundū? dispensator quidē tuus sum sed eben! si ponas rationes cum seruis tuis, quis fidelis inuenietur? Scio quid faciā: angustie mihi sunt vndiq; & iactor in naufrago mari. Potiùs quā pereā aternū, proiciā omnia, & tu mihi restitues hereditatē tuam. Angusta est via, potiùs quàm excludar à te, in aeternum libentissimè exuam omnia, & scio, scio inueniam omnia.

Lucæ 14. Sequi te nemo omninò seu secularis seu Religiosus potest, nisi qui renuntiauerit, saltē animo, omnibus quæ possidet. nemo? Renuntio ergo omnibus, & volo & rogo, & humillimè rogo & obsecro te per viscera misericordie, vt possim esse discipulus tuus. O Domine, ô salus nostrā, ô vita nostrā, tu nō delectaris in perditione & morte nostrā, aufer ergo à me concupiscentiā, & suscipe hoc desiderium meū quo animo meo omnibus renuntio, re ipsā etiā paratus facere potiùs quā te offendam, & pauper esse potiùs cum Lazaro, quàm cum Epulone diues

Renuntio re-
rum tem-
poralium.

diues, itaq; cor meū & omnia mea, id est, tibi tua offero, dispo-
ne de iis vt tibi placet; si enim tua sunt vti sunt, iniquus sum
si velim arbitrio meo, de tuis disponere, O Domine dominan-
tium. Si igitur tollas per vim hominū & iniuriam, aut aliter
à me bona, sustinebo, & humiliter dicam cum Iobo, Dominus
dedit, Dominus abstulit; sit nomen Domini benedictum. Si pe-
tas à me tua per pauperem, reddam libens, nam tuū repetis, &
pro tuā charitate infinita promittis centuplum, & non credā
tibi? & potero vnquā à me vllū tristē dimittere? nequaquam;
ita propono coram te, & curiā tuā. Quidquid cognouero ra-
tione, aut prudentiū consilio, aut sanctā inspiratione, fore pro
maiori tuā gloriā (nō meā) id faciam, deferenda semel iā asse-
ctu per gratiā tuā desero, perdenda iam perdo, vt ea inueniā,
iam abrenuntio omnibus vt tuus sim discipulus. Mundus hæc
non nouit, cuius est hic congregare, familias ornare, & domos
multiplicare. Ego verò seruus tuus sum, & dispensator fidelis
esse cupio: Quod pro maiori gloriā tuā, pro salute meā pro a-
nimarū lucro magis esse cōspexero, magisq; ex voluntate tuā,
faciā; reddenda enim erit ratio, & à me petes cur nō dederim
ad vsurā talenta tua, neq; enim fallere te possū, & scio quid
à seruo meo vellē; scio quid à me tu velis; dixisti enim oportere
pecuniā meā dare ad vsuram, & si dederō tibi, etiā centu-
plū reddes, ergo me & omnia toto corde do tibi, & ecce iā as-
fectu pauper sum; Ecce reliqui omnia & sequor te, quid ergo
erit mihi? Tu mihi Deus meus & omne bonū: tu mihi eris om-
nia, qui dedisti mihi vitā tuā, corpus & sanguinem tuum, &
omnia. Reddo tibi me, & hæc omnia, credo enim & firmā fide,
quod à te accipiā centuplū, & vitā aternā possidebo. Credo
tibi quia veritas es, potiùs quàm homini mendaci. Credo tibi
quia bonitas es, & vinci nō potes liberalitate; etenim quæ verè
tua sunt, ea reddimus tibi. O Deus cordis mei, suscipe ea, sicut
corde sincero offero: vt quando placebit tibi, re diuitem, sed
affectu pauperem, recipias in aterna tua tabernacula. Amen.

Praxis.

Hæc facile colligi potest ex iis quæ suprā dicta, pauca
tamen accipe, &

*Cauendum
ne aliena
quis possi-
deat.*

Primò, recense bona tua, & vide num quæ mixta sint a-
lienæ; ne hæc, velut tineæ, tua consumant, ne verò tuis fur
appropriet, trans mitte crebrò manu pauperis in cælum, ibi
domum, ibi agros compara æternos.

Secundò, delibera cum prudentibus, quomodo impen-
dere tua maximo lucro possis pro tuâ tuorumque salute.

*Æmulare
filios sagu-
li.*

Tertiò, sæcularium mercatorum industriam non tantum
æmulare, sed, si potes, cum de æternitate agatur, supera.

Quartò, vt illi rationes subducunt lucri temporalis, sic tu
spiritualis.

Quintò, vt illi certos institutores habent, fictu pauperes,
quibus compares tibi æterna tabernacula. Vt illi nō vno in
loco, sed vbicunque possunt, colligunt pecunię fructum, sic
& tu collige vndecunque liberalitatis thesauros.

Dignatus es. & c. vt sup. pag. 10.

IACULATORIÆ.

Psal. 72.

Psal. 5.

Psal. 8.

Psal. 141.

Matth. 16

Quid mihi est in cælo, & à te quid volui super terram?
Dominus pars hereditatis meæ & calicis mei.

Et quæ est expectatio mea? nōne Dominus?

Portio mea Dominus sit in terra viuentium.

Quid prodest homini, si vniuersum mundum lucretur, animæ ve-
rò suæ detrimentum patiat?r?

CAPVT XXIV.

*Deliberatio de delectationum appetitu moderando, tertio
auxilio in viâ Dei.*

Sap. 4.

HOMO. O quàm pulcra est casta generatio cum
claritatè! immortalis est enim memoria illius,
quoniam apud Deum nota est, & apud homines: cum
præsens est, imitantur illam; & desiderant eam cum se
eduxerit, & in perpetuum coronata triumphat incoin-
quinatorum certaminum præmium vincens. Sic sonat
in auribus vox tua dulcissima, Christe IESV, & afficit
intima cordis mei; verumtamen cum in omni vitæ ge-
nere dederis, ô Bonitas infinita, vnde gaudeat cor ho-
minis, & rursus intonet Apostolus tuus: Qui Christi
sunt, carnem suam crucifixerunt cum vitis & concu-
piscenciis suis; quid faciam, ô magni consilij Angele, ô

Galat. 5.

Sapien,

Sapientia eterna? trahit me voluptas periculosa esca, quâ multos aduersarius inescat & in interitum rapit.

CHRISTVS. Fili, dixi ego veritas: Qui non odit patrem & matrem, insuper & animam suam, non potest meus esse discipulus. Credis hoc? Nónne vides, quia transit mundus & concupiscentia eius, & transit velut vmbra? ô si amaritudines quibus condiuntur mundana gaudia, degustares? clamares vtique mortem in ollâ esse, neque edere ex eâ, neque bibere posses de calice hoc, cuius sâx non est exinanita, ex quo bibunt omnes peccatores terræ. Quid enim sunt voluptates corporis & sensuum, videre, audire, sentire? nihil aliud quàm momentaneum aliquod gaudium, idque de re extra vos longè posita, quæ vobis tantummodo per solam sensuum cognitionem coniungitur, neque tamen vnquam verè possidetur. Imò attende, & vide quàm vana sit voluptas & omnia. Ecce licet Rex esses, & tamen regnum te possidere ignorares; nihilo felicior esses, quàm si eo careres. Vel è contrario, si fingeres te Regem esse, vel regnum habuisse, eodem modo te fictio, sicut res ipsa vera afficeret. Hinc qui se beatum putat, etiamsi verè miser sit, gaudet, vti beatus: Qui verò se miserum putat, miser est, etiamsi bonis omnibus affluat: vt auaro inter opes accidere solet, & ambitioso inter honores, & delizioso inter delicias, quarum extrema maior amaritudo semper occupat. Vbi verò sis si attenderes, in valle scilicet lacrymarum, exilio, carcere, putas liberet deliciari tibi, quem lictor ad portam, vt ducat, expectat? *Aspira*, vt sup. pag. 8. *Haccine firmâ*, &c.

Homo. Magnam omnino sentio vim esse voluptatis: eheu per eam video columnas cæli & stellas cecidisse, & totus contremisco. Adamum vnus pomi voluptas, Esauum pultis cepit, & perdidit: & quos non libido supplantauit? Dauidem sanctissimum, sapientissimum vicit Salomonem, & fortissimum Samsonem superauit. Video, Domine, nemo continens esse potest,

Luc. 14.
Voluptates
amaritudi-
ne condi-
untur

1. Ioan. 2.

4. Reg. 4.

Psal. 74.

Gen. 25.

nemo deliciis, nemo vitiis abstinere, nisi tu dederis.

Hæcine vera, vt sup. p. 7.

*Voluptatis
& abstinen-
tiæ effectus
2. Cor. 3.*

Iob. 28.

Psal. 31.

CHRISTVS, Hoc est sapientiæ initium & salutis, sci-
re & cognoscere quòd non sitis sufficientes aliquid ex
vobis tanquam ex vobis cogitare. Sufficientia enim
omnis vestra ex me est. Vide tamen quid ad salutis op-
tatum finem conferat voluptas, quid abstinencia. illa
hominem eneruat, mollem facit, & velut in viâ viato-
rem quidem momento reficit, sed sæpè tardantem cæ-
lesti patriâ excludit. quis enim facilè modum voluptati
ponit? in tam lubrico loco quis consistit? & vt possit,
non inuenitur sapientia in terrâ suauiter viuendum.
Finge hominem qui cum Salomone nihil deneget ocu-
lis suis, & abeat in viam concupiscentiarum suarum;
quid in illo, nisi imaginem prodigi reperies? Videre
omnia ardet, & sitim non restinguit; audire, & semper
plura auet cognoscere; vult gustare, & rursus gustata
desipiunt; trahitur in omnem patrem, & vt Euripus a-
gitatur: modò videre vult, modò audire, modò ambu-
lare: vicissitudo in omnibus placet, non tamen placat
appetitum, sed accendit vt oleum camino additum,
nulla ibi virtus, non modestiæ decor, non temperantiæ
splendor, non tranquillitatis cælestis inago, sed multis
dominis seruitutem seruiens, in partes trahitur, nulli-
que satisfacit, nusquam quiescit, sibi grauis, sibi ipsi di-
splicet & fastidio est. hoc vnum agit, & nihil agit, quan-
do inutilibus se onerat & exonerat. Et quemadmodum
turpe foret vni colori & saporì omnem intendere sol-
licitudinem; ita etiam variis: varias etenim cupidita-
tes induere non est laudabile; sed magis vituperio di-
gnum. Ille autem id agit, & variis sese subdit, ac quasi
brutorum formam induit, qui gaudet vt canis de lu-
xuriâ, de voracitate & voluptate vt porcus exultat.
Nónne id monebat Propheta meus dicens, Nolite fieri
sicut equus & mulus?

Hæcine vera, &c. vt sup. pag. 71

HOMO

HOMO. O quanto melius esset generosè seipso esse maiorem, & terrenis his excelsiorem animum gèrere ! *Voluptates, vincula.*
 Quis libero amico eam perpetuam seruitutem suaserit, tot vincula, tot compedes, quibus si non in interitum, in mille molestias trahatur? At verò qui in his temperatus est, nullius nisi tui Domine JESV indiget, liber est libertate sanctâ, & tibi propiùs accedit, qui nullius omnino indiges : & quemadmodum si quis omnia in se haberet, felix esset ; ita proximè ad felicitatem accedit, qui gratiâ tuâ paucissimis indiget, eaque accipit de manu tuâ, cùm de nullis, non cibo ventris sui, non potu, non recreatione sollicitus sit ; sed quomodo placeat tibi. ille quouis ire, & in cælum cogitatione cùm libet, abire potest, non istis illigatus quæ aggrauant & depri-
 munt animam nostram.

CHRISTVS. Cùm verò ad mortem venerit homo, quantam putas abstinuissè etiam licitis iucunditatem, summamque pariet in eius mente fiduciam ? & capiet dulcissimum ex eo solatium, eò quòd sponte pridem amore mei dimissum sit, quod tum necessariò dimittere oportebit. Quàm gaudet tunc, qui multa negauit o- *Iob .31.*
 culis suis, qui pepigit cum iis foedus ne cogitarent de virgine ! tum enim clarè videt nihil esse omnia mundi gaudia, & ludibria, & pro nihilo ferè omnes homines insanire & perire.

HOMO. Sed tamen, nónne licita multa in hoc genere sunt, ò æterna Sapientia?

CHRISTVS. Sunt vtique, sed diligenter cauendum est, ne, dum relaxare animum vultis, soluatis omnem harmoniam, & quasi concentum quendam bonorum. Sa-
 nè necesse est recreari corpus, & animi arcum non per-
 petuò tendere, verùm eæ recreationes eligendæ, quæ
 ab illicitis longiùs dissident : ne qui in confinio peccati
 ambulat, & periculum amat, pereat in eo. Vide etiam vt
 qui illicitia multa commisisti, etiam à licitis aliquibus
 abstineas, cuius enim sub vexillo militare te profiteris? *Animus interdū res laxandus. Amb. 1. 10. Officiosa. Eccli. 3.*

nónne meo Domini tui crucifixi ? Et tu mundo talem te probare poteris, si indulgeas cupiditatibus tuis ?

Galat. 4. Homo. O dulcissime IESU, & quidē, si voluptas placet; nónne magis debet æterna? nam, ecce, si hanc visus vel auditus vitauero, æternam mihi promittit. Et quomodo, si hæc credimus, non libentes mortificamus carnem cum vitiis ac concupiscentiis suis ?

Credo tibi, &c. ut sup. p. 7.

*Sanctorum
solatia.*

CHRISTVS. Nónne hoc Sanctos meos in eremo solitarios, consortio & solatio hominum ut sponte se priuarent effecit? sæpè toto vitæ tempore, sæpè annis multis austeritatis & silentii obseruantissimos, seueros sensuum custodes ? quod iam multis sæpè cohortationibus, regulis ac statutis à Religiosis aliquando aut vix, aut non potest impetrari. Quid causæ est ?

Homo. Tu nosti, Domine, imperfectum & tepiditatem nostram, odibilem quidem tibi, sed & sanabilem. O quàm rectè ad hoc quidam per te dixit: Si spectaculis interioribus non careres, nunquam ad exteriora exires, siue vacares, aut voluptate abstraheris, quæ quantumcumque foeda, tamen trahit. Nónne ideò vix, ô IESU, vix potest videri in multis detractionis & maledicentiæ emendatio, eò quòd solùm pruritus, eheu, quispiam sit, & delectatio in alterius vlcere, sordibusq; fodicare? Qui verò viri virtutum fuerunt, carnem suam crucifixerunt cum concupiscentiis suis. Ideò Dauid aquam effundens olim sacrificauit toto corde tibi, & Moyfes grandis factus elegit magis affligi cum populo Dei, quàm temporalis regni habere iucunditatem. Paulus verò tuus castigabat corpus suum, & in seruitutem redigebat, ne fortè, cùm aliis prædicasset, ipse reprobus efficeretur. Similiter & omnes Sancti tui quo Spiritu ducti ? quo impulsii ? Quid verò magis pudere Christianos debet, quàm quod Ethnici etiam oculos à formâ præstantiore, & aures à petulanti sermone, & manus sæpè ab auaritiâ abstinebant, qui paulò plus cordis habebant?

*Ethnicorū
modestia.*

bant? Jam verò, Domine IESV, quasi cum Epicuro laxasses habenas omni voluptati, sic multi passim pro-
ruunt in sensuum curiositates & oblectationes: & eheu,
si negentur, grauis illis afflictio, & tamen discipuli tui
dici & haberi volunt. Ethnici voluptatis regnum cum
virtute consistere non posse asseriebant; neque in Re-
publicâ voluptuosos, qui ei seruirent idoneos, sed pro-
brosos. Quid verò de Christianis multis dicemus? Do-
mine IESV, ô Sapientia æterna, an confiteri fratres po-
teris coram Patre tuo, quos adeò degeneres vides ab
exemplo tuo? quid enim nos aliud totâ vitâ docuisti,
quàm deliciarum affectum moderari? eligisti enim
quod carni molestius est: id ergo melius, id vtilius, id
magis eligendum, & quisquis aliud docet, vel suadet, ab
eo tamquam seductore cauendum est.

Credo tibi, &c. vt s. p. 7.

Nónne etiam idcirco tot innoxias voluptates & ob-
lectationes in pulcerrimo cælorum aspectu dedisti no-
bis, totque quotidie producis liberalissimâ manu tuâ
herbarum & fructuum genera? vt saltem velut in Para-
diso Adamum oportuit, abstinentiam à paucis & paruis
libentes tibi dicarem. Sed ô insaniam! quærit homo
gaudium & quietem, vbi certò inueniri non potest, in
fœdo lacu scilicet vanitatis: an enim satiatur vnquam
oculus visu, vel auris auditu impletur? Et certò scitur,
quod qui biberit ex lacu voluptatis, sitiet iterum, & ma-
gis sitiet, ita vt ipsamet in tormenta oblectamenta ver-
tantur, desideriumque nascatur bibendi, & habendi in-
tolerabile & insatiabile. Quando, ait gulosus, euigilabo,
& rursus vina reperiam? & licet voluptas, vt ait Bernar-
dus, videatur esse medicamentum, tamen facit ad infir-
mitatis augmentum, ipsumque medicamentum in vul-
nus vertitur.

Aspira, vt sup. p. 8. Hæcine firmâ fide credo, ibid.

CHRISTVS. Vnde Sapiens meus meritò aiebat: In-
ueni amariorē mortē mulierem. quod ad omnem
meritū

*Voluptas
Christi ex-
emplo su-
gienda.*

*Bern. serm.
1. de Nat.
Quare tam
pulcer cæ-
lorum a-
spectus.*

Eccles. 1.

Bernard.

Eccles. 7.

*Job. 20.**Seneca.**Oratio.**Job. 21.*

meritò voluptatem transſerre potes, in quâ pereunt robusti Iſraël, & cùm ſatiati fuerint, arctantur, & omnis dolor irruit ſuper eos. Ebrietas enim vnius horę hilarem infaniam nōne longi temporis tædio penſat?

HOMO. Itaque ſi delectari libet, delectari in te, Domine, cupio, & ſcio dabis mihi petitiones cordis mei: & ſi medico præcipiente ob valetudinem aliquibus abſtineo, quanto magis propter te, Deus meus, qui tam ſeverè eam voluptatem in parente noſtro caſtigaviſti, & in nobis filiis eius etiamnum poſt tot ſæcula caſtigas? Teneant alij tympanum, & citharam, & gaudeant ad ſonitum organi; ego verò delectabor in te, Domine, & replebis me lætitiâ cum vultu tuo. Viuant licet ſæculi filij in deliciis: meliùs longè mihi adharere Deo meo, & voluptas mihi maxima erit propter te carere voluptate, vt guſtare poſſim & videre, quàm ſuauiſ ſis, Domine Deus meus, & diligere te ex toto corde meo, quod totâ animâ meâ in æternum deſidero, ô gaudium noſtrum, ô pax & requies mea ſola & vnica, Amen.

Meditatio I. De Caſtitate.

COMPOSITIO LOCI. Erit ſpectare Chriſtum Dominum, quem B. Virgo, & tot myriades virginum in cæleſti palatio ſequuntur.

*Præſtantia
caſtitalis.*

1. Cor. 7.

PUNCTVM I. Conſidera præſtantiam huius virtutis, quantam animo pariat tranquillitatem & felicitatem: adeò vt Philoſophus Plato diceret hominum vitam fore inſtar deorum, ſi abſque vxoribus homines eſſe poſſent. Secundò, contrarij vitij moleſtias: nam verè omnino experiuntur tribulationem carnis voluptatum amatores. Tertiò, collige dignitatem illius ex precio quod pro ea ſapientiſſimi dederunt. Quot enim virgines & Sancti, pro hac ex Chriſti amore vitam prodegerunt? Aſpice Agnetes, Catharinas, Barbaras, & totum virginum chorum. An hos, an mundum falli putas? Quod ſi martyrium iis deſuit, domesticum quæſierunt,

id eſt:

id est mortificatione durâ, & asperâ vitâ seruare puritatem studuerunt. Collige Quartò precium eius ex difficultate, quâ totus ferè mundus superatur: vnde etiam cùm tanta foret ac supra naturam, consilij Deus opt. max. non præcepti esse voluit. Considera Quintò, quòd sit signum prædestinationis, ideoque castos vasa honoris appellari. *Hæcine vera*, vt sup. p. 7

*Castitas est
signum ele-
ctionis.*

1. Thess. 4.

PVNCTVM II. Considera priuilegia castitatis. Primò homines Angelis similes facit, imò, quia hi sine corpore sunt & lucet, casti superiores iis sunt, iuxta S. Bernardi sententiam. Secundò, ab Angelis castus cingitur & custoditur; vt pueri illi in camino, & percipiunt quasi ventum roris flantem, ac restinguentem ardorem libidinis. Tertiò, Deo gratissimus est castus, eiusque deliciae, vt Basilii ait, sunt, esse cū castis. hinc B. Virgo electa è milibus, B. Joannes præ cæteris dilectus. Quartò, anima casta desponsatur à Christo in fide & misericordiâ, & suauitate spiritali pro carnali perfunditur; vt centuplum verè in hac vitâ accipiat, cùm innumeris miseriis liberetur, & plurimis bonis cumuletur, ideò eunuchis Dominus promittit nomen melius filiis & filiabus, & quòd fors illorum erit in templo Dei acceptissima.

*Priuilegia
castitatis.*

*Basil. l. de
vera virgi-
nitate.*

Osee. 2,

Isaia 56.

Aspira, vt sup. p. 8. *Hæcine firmâ fide*, ibid.

PVNCTVM III. Considera castitatem aptissimum facere hominem amoris Dei, ob libertatem quâ fruitur; alligatum verò vxori corporis sui potestatem non habere: qui enim sine vxore est, cogitat quæ Domini sunt, quomodo placeat Deo; qui cum vxore est, diuisus est. Secundò, quia anima casta Christum sponsum habet in cælo, Verbum Dei in ipso sinu Patris; ipse enim virgo virginem elegit. Tertiò, attende quòd similes Deo faciat: incorruptio enim facit proximum Deo, & speculū mundum. Credis hoc & adhuc te trahit vana voluptas, & à Deo retrahit? Quartò, quod sacrificium sit, quo, vt dicit Origenes, nihil Deo est gratius, nihilque ad illum nobis conciliandum aptius. Quintò, quòd vt D. Hier.

*Effectus
castitatis.*

*1. Cor. 7.
Casta ani-
ma Christi
sponsa.*

*Amb. l. 1.
de virgin.*

marty -

*Lib. I. de
virgin.*

Apoc. I 4.

*Magnâ cu-
râ seruan-
da castitas.
Bern. serm.
I. in fest.
SS.*

martyrio castitas comparetur, immò Martyres faciat. Sextò, quòd præmium virginibus summum tribuat in cælo, vt sequantur agnum quocumque ierit, & cantent ei canticum nouum. Considera deinde, quantâ curâ ea gemma seruanda sit ob innumera ferè pericula; quam fugienda propterea omnis occasio, & familiaritas cum dispari sexu. Attende verò humilitatis tibi custodiâ esse adhibendam, & vide quo pacto id facias. Præterea obserua sedulò, & diligenter cole obedientiam, qui talem inuenit anima inferiorem suam, vt Bernard. qualem se exhibuerit Superiori, & rebellionem carnis dicit arguere inobedientiam. Quartò, voti crebra renouatio etiam iuuerit plurimùm eos qui illud nuncupârunt.

O Beatissima, vt inf. p. 400.

Meditatio II. de Castitate.

COMPOSITIO LOCI, Considera Beatissimam Virginem stipatam virginibus, in cælo coruscantem.

*Quomodo
peccetur
contra ca-
stitatem.
Signa ca-
stitatis.*

*Greg. II.
Mor. c. 8.*

*Folia lilij
castitatis.
Immundi-
tiæ scdi-
tas.*

PVNCTVM I. Considera peccata contra hanc puritatem Angelicam; Primò, cogitatione impura; Secundò, verbo quocumq; modo huc vergente; Tertio, quinque sensuum blanditiis. Signa autem castitatis sunt: Primum, oculos, linguam & aures habere benè custodita. Secundum, magnâ parcitate iis uti, quæ sensibus delectabilia, & reiicere mollia. Tertiũ, puritas in ore. Quartum, puritas in amicitiiis, vitando mulierum familiaritatem, colloquia & munuscula. Quintũ, fuga omnium quæ huic virtuti aduersantur, vt iræ, superbiæ, consortiorũ. Sextum, puritas in cogitationibus & motibus, in somno & vigiliâ. hæc folia sunt lilij castitatis.

PVNCTVM II. Considera vitij turpitudinem, videndo corporis nostri originem, quod est sceditatum & mille morborum seminarium sceditissimum, & vermium denique pabulum. Fige ibi oculos, & colliges vitij sceditatem, adedò magnam, vt natura ipsa semper latebras quærere docuerit. Attende contrà, animæ dignitatem,

& cre-

& crede certò eius delicias longè puriores : & detestare corporales vt illis fruaris, & ad cælestes animum transferas. Secundò, considera effectus huius. Hi sunt cæcitas mentis, inconsideratio, inconstantia, præcipitatio, amor sui, odium Dei, affectus præsentis sæculi, & horror ac desperatio futuri. Denique præ cæteris omnibus hominem ad omnia indigna cogit hoc vitium, & est, vt B. Job, ignis vsque ad perditionem deuorans. Tertiò, vide in quot mala ruant homines hoc igne succensi, in quot famæ, virium animæ & corporis detrimenta. Bestiis illos omnino similes facit, etiam iudicio Ethnicorum: estque inexplebilis prorsus libido, & inextricabilis. Considera Christum Dominum quasi coram te oculis & toto habitu corporis spirantem hanc virtutem, & deinde Sanctos eius: vide vt oculos seruârint, curiositatem oderint, occasiones omnes vitârint, tentationes vicerint, vt S. Bernardus, Benedictus, Thomas, Edmundus, Xauerus; & contrà, quàm graues ruinæ fuerint eorum, qui minùs circumspècti fuerint, etiamsi sancti, vt Dauidis, Salomonis, Samsonis, & aliorum de quibus Augustinus, Credos Libani, duces gregum sub hac peste luxuriæ cecidisse reperi; de quorum casu non magis suspicabar quàm de Ambrosij vel Hieronymi impudicâ turpitudine: & tu audes in ætatis flore, pleno ventre, corpore benè curato, in mediis periculis castum & pnrum te sperare?

Hæcine vera, vt sup. p. 7.

PVNCTVM III. Considera, quomodo Deus in hoc mundo punierit istud vitium. Primò, diluuiò vniuersali; Secundò, Sodomæ euerfione; Tertiò, viginti quatuor millium Israëlitarum deletionem, filiorum Heli perditionem, Salomonis exitio, Dauidis persecutione à filio institutâ, Samsonis ruinâ, &c. Considera deinde poenas, quibus ob momentaneum quod delectat, æternum crucientur impuri in inferno. Cogita, luxuriose, cogita, obsecro, frater, poenas illas & flammâs, & his turpes

cum

*Greg. l. 3.
Mor. c. 27.
Luxuria
effectus.*

Iob. 31.

*Ruina
multorū in
luxuriâ.
De verb.
Domini.*

*Impudicitia
pœna.
Gen. 7. 23.
19.
Num. 22.
1. Reg. 4.
3. Reg. 11.
2. Reg. 15.
Iudic. 16.*

cum gratiâ Dei extingue; descende in stagnum ardens, & animum refrigera ardoribus sempiternis. Aspice, & dic obsecro, hæc credis? & tamen præ Christo eligis diabolum, præ vitâ mortem, pro momentaneo gaudio æternum luctum? Credis? credis? & non stupes? & non liquefcit anima tua amore eius, qui pro te mortuus est, vt in æternis deliciis viueres in æternum?

EXERCITIUM.

O Beatissima Virgo, & omnium Regina, spes nostra post filium tuum vnica, respice quaeso benignissimo oculo tuo luctas nostras, & praelia filiorum Adâ: tu vides quomodo mediis in fluctibus & hostibus viuamus, imò nobiscum hostem portemus, & nutrire ac fouere cogamur carnem nostram, cum nemo carnem suam odio habeat. Et quis euadere poterit tyrannidē illius? Ecce Dauidem sancti israhel nū virum, & secundum cor Dei, sapientissimum Salomonem, fortissimū Samsonem superauit. Quis igitur vincere poterit? O quot millia bellua ista vorauit, & in infernū hac etiam horâ precipitauit! O quot in iudicij die secreta hominum patefient flagitia, quorum pietas videbatur esse conspicua! hæc enim est vniuersitas iniquitatis, quæ inflammât rotam natiuitatis nostræ, inflammata à gehennâ. O infelices nos! Anima mea, quam tam dirus premit hostis, & nullo vmquâ tempore deserit, descende in infernū, & si libet torreri æternū, vt momento corpori indulgeatur amarissima voluptas, perge, neque occasiones vita, ama periculū, & peri in eo.

Prou. 8.
Applica-
tio ad
Commu-
nionem.

Verum freno potiùs illud compesce, & erige te ad sponsum tuum, cuius deliciae sunt esse cum filiis hominum. Qui & hodie paratus est cænare tecum, & præbere tibi cor suū. Et poterit fieri, ô amator hominum, ô Saluator mi, vt potiùs libeat mihi volutari in porcorū volutabro, quā amplexibus tuis, & gaudiis frui Angelorum, quā similem esse illorum? Recordare, ô anima, Creatoris tui, & nobilitatis tuæ, & noli degeneri animo, vt corpori seruias, crudeliter te iugulare, sed. si ge, si ge: in fugâ salus est, & victoria; in asperis dulcedo, in duris suauissimū solatiū. O Angele Custos, qui me dignaris custodire tuâ, ô celestis

testis paranymphe anima mea, auerte quasô semper oculos, ne videant vanitatem, ne oculus meus deprædetur animam meam; percutiat me timor Dei mei, & trahat me funiculus charitatis eius, & fac semper reuerear oculos eius, & præsentiam tuam, ne vnquam irrideant me inimici mei. O JESU dilectissime, amore tui millies mori malo, quàm tibi fidem in Baptismo datam, & toties reuouatam vel leui peccato violare.

O Redemptor mi, ô dulcissime IESU, castissime sponse animarum nostrarum, cuius frumentum electorum & vinum germinat virgines; tu nosti, quia nemo, nemo potest esse castus, nisi tu dederis. Concède igitur mihi gratiam per caritatem tuam, quâ ab æterno dilexisti me, vt occasiones diligentissimè vitem, & amore amoris tui libidinis ardorè extinguere possim. Monuisti enim nos: Qui amat periculum, peribit in eo: ego verò amare illud nolo, & amari non cupio, nisi abs te, nec amare aliquid extra te. si fecero, tu mihi testis eris, & conscientia mea, neque erit quod excusem: quia scio, scio, ibi ceciderunt fortes Israël, & fugerunt absq; robore ante faciem persequentis, cum ignominia sempiterna. Nōne mihi amor tuus omni melle dulcior, & morte fortior, & flammis omnibus potentior, quæ aquæ nulla possunt extinguere, nec flumina obruere? Ecce amantiſsimè IESU, Deus meus, protestor coram te hodie, quia thorū animæ meæ immaculatū seruare volo, neq; templū tuū animā meā vnquā profanare, sed te quotidie in eo suscipere. Vtinā non dimittas me, neque ego te, donec benedixeris mihi, & emarcuerit neruus concupiscentiæ meæ! Absit, absit vt corpus meum membrū tuū, faciā membrū meretricis, & peccem in illud, & in te amantiſsimū Dominū meū. Tu enim pro me toto corpore vulneratus es, & ego corpori meo delicias quaeram? Tu mihi cor & animā tuā dedisti in mortem ex amore mei, & ego ob voluptatem æternū doliturus te mihi crucifigā, & contristabo? In æternū, Domine, non declinabo à mandatis tuis, per te, Saluator mi, spes mea, fortitudo mea. Pone te vt signaculū super cor meum, vt nullum præter te diligam: annulo tuo subarrha me, & sanguine tuo orna genas animæ meæ, quia tibi soli seruo fidem, tibi me totā deuotione committo. Amen.

Zachr. 9.

Eccli. 3.

I. Cor. 6.

Ambros.

*Praxis castitatis conseruandæ.**Optimum
remedium**fuga.**Eccli. 3.**Cyprian.**de sing.**Cler. Basil**in constit**Monast.**cap. 4.*

PRIMA. Fuga occasionum: si enim vspiam, verum hîc est, Qui amat periculum, peribit in eo. ideoque S. Cyprianus aiebat, gustandum cum mulieribus, non continuandam esse præsentiam. Basilus verò, Danda est opera, vt si fieri possit, mulierum colloquia funditus fugiamus, si id non possit, in eo enitendum est, vt quàm rarissima illa, & quàm breuissima fiant. Neque existiment sæculares, Religiosis hæc tantum conuenire, nòrunt enim an ipsi in periculis magis sint tuti, quàm ii quos assidua armat pietatis exercitatio. Certè de R. P. Francisco Borgia refert Ribadeneira, eum, cùm in sæculo versaretur, & feminæ essent visitandæ, id non nisi postquam cilicio se armasset, facere solitum.

Secunda. Prauas suborientes cogitationes confestim expellere & auertere, numerando aut fenestras rhombos, aut tabulati rigilla, aut syllabas versus alicuius, aut eiusmodi animo versando, casusue tristes aut admirandos.

1. Cor. 9.

Tertia. Castigare corpus, maxime ieiuniis: his enim materia ignis illius subtrahitur. Castigo, aiebat Apostolus, corpus meum, & in seruitutem redigo.

*Familia-
ritas vi-
tanda.*

Quarta. Nolle peculiariter à sexu dispari diligere, aut coli, imò nec aspici; familiaritatemque omnem rescindere, & visitationem etiam Confessarij, nisi necessitas aliud postulet, vti Sancti facere consueuerunt. ideoque non absque discrimine aliâ inceditur viâ, sermones longi feruntur & crebri, atque adhærescit animus sensim sine sensu, Licet enim vno eodem vti confessario, Sanctorum sit consilium, affici tamen illi, absentem multum requirere, periculo non caret, & plurimum in viâ spiritali nocet.

*Eccli. 33.**Otium vi-**tandum.**Ezech. 16.*

Quinta. Otium diligentissimè vitare. Multam enim malitiam docuit otiositas. Hæc fuit iniquitas Sodomæ fororis tuæ, ait Propheta, superbia, saturitas panis, & abundantia, & otium ipsius, & filiarum eius.

*D. Bonav.**lib. 2. de**Prophet.**cap. 27.**Signa**amoris**carualis.*

Sexta, Attende ad signa carnalis amoris, quæ S. Bonauentura collegit. Primum est, otiosas fabulas & inutiles confabulationes miscere, cùm spiritalis dilectio edificatoriis collationibus pasci soleat. Secundum, insolentia gestuum & morum: spiritalis amor sedatus, cautus oculos seruat, & membra omnia sub norma disciplinæ. Tertium, inquietudo cordis, nata ex absentia eius quem diligit, cogitando quid agat, vbi sit: spiritalis dilectio hæc non curat. Quartum, impatientia condilecti; zelare, si alteri loquatur, eiusque exquirat consilia. Quintum, ira & conturbatio ex leui causa. Sextum, crebra inunuscula, & fasciolas, & zonas, &

prægu-

præguſtatos cibos, & dulces ac ſuaues amoris litteras ſanctus amor non habet. Septimum, inordinata diſſimulatio vitiorum, vt etiam mutua vitia diligant. Hæc ille.

Septima praxis & cautela optima; multorum probata experientia eſt, alium non temerè iudicare de hoc vitio, familiarè enim eſt; vt qui de eo alium iudicat, iuxta illud Apoſtoli, in eo ſeipſum condemnet: hoc enim non niſi ex ſuperbiâ manat, quæ ſæpè non aliter ſanatur quàm lapſu in luxuriam. Exempla huius moniti vide in vitis Patris.

Octaua eſt, diligentiffima ſenſuum cuſtodia: ab illorum incuria omne malum in animam illabitur. Huc pertinet turpes omnes & nudas imagines ex domo ſua eliminare: ſi enim quod turpe eſt, iuxta Apoſtolum, non debet nominari inter Chriſtianos, quanto minùs ſpectari ab iis? ſed vbique ferè, eheu! videas eiufmodi irritamenta proponi. Si eſca, ait Paulus, ſcandalizat fratrem meum, non comedam carnes in æternum: ſi oculus, ſi pes ſcandalizet, iubet Dominus abſcindere eum, & proiicere abſ ſe. Quis verò iſtis perſuadeat, Veneris inſtrumentum, elegantem, ſed nudam picturam vt proiciant: non vis artem perire, & ſanguine Chriſti emptas animas perdere non formidas: doles imagines corrumpi eximij artificis, & Dei imagines fœdari ac gehennæ addici non vereris? O Jeſu quàm fructuà his dixiſti, Quid prodeſt homini ſi vniuerſum mundum lucretur, & animæ ſuæ detrimentum patiatur! Tunc, tunc, o dulciſſima Domina, benignis intueri oculis cum filio potes domum illam, in quâ luxuriæ pabulum omnibus inſtrantibus, & inuitamenta nequitix, perditioniſque illecebra proponitur? Quorſum enim fœda imago Chriſtiana atria deformat? num vt herus fit menior flagitij patrandi; & ſpectator aduena cupiendi? an vt artem ſpectet & ſalutem perdat? Dubio procul his aſtare dæmonem crediderim, inſtrantiū oculos huc conuertentē, vt animas venetur incautas, & ſub dolci melle ingerat venenū. Quid de pictoribus ſentiā, hæc tacitè loquuntur: non ſunt hæc idola opera veſtra, ſed ingenioſam pedicam animatum per vos earum hoſtis effecit. ſi hic genius veſter magis fauet, ingenium profitemini veſtrum. illi in quauis animā ſæpè turpia pingere non licet, ſed à vobis in tabulâ perpetuā & præſtanti ſuæ cupit exſtare monumenta nequitix, & de animis victorias, quibus effecit vt membra Chriſti membra fierent meretricis. Si doceres & pingeres, quâ patria arte expugnari poſſet, quâ fiſcus expilari, nonne proditionis eſſes reus, & ſacrilegij ſi in templo talia proponeres? Quid igitur ne-

S. Hier.

ep. 2. ad

Nepotia-

num.

Temera-

rium iudi-

cium ſed-

id caue.

Rom. 2.

Cuſtodia

ſenſuum

habe.

1. Cor. 8.

Matth. 5.

Marc. 9.

Imagines

turpes

quàm

noxie.

Matth. 16

Quo ſine

turpes ha-

bes ima-

gines.

Dæmoni

adſtat

turpibus v-

venator

eſca.

Pictores

quid pec-

cent.

ſcis

*Dæmonis
vices obe-
unt.*

*Lectio
lasciuia
pestilens &
sermo.*

scis animam arcem esse, & Christi domicilium, & eā maximè parte infirmam quā carni coniungitur? nescis templum esse Dei, cui tu tales infers imagines? Si tentator desit, tu vices eius obis, quā potes, artificii manu & studio. Omittere etiam nequeo, quin moneam lasciuam omnem lectionem esse vitandam, & curiositatem moderandam. Quid quæris scire quod facere est nefas? vix Ethnici cultores Veneris hæc probabant, & laudabit Christianus? At venaris linguarum peritiā: & scilicet mores perdis atque animam. Discere vis bene loqui, & malè viuere? imò malè loqui, & malè viuere? Ex abundantia enim cordis os loquitur in amore, & quorsum ista leguntur, nisi vt narrentur; & disertus esse videatur in amore, & sæpè etiam versatus in officinā nequitiae, vt fallatur tempus preciosissimū, & pereant animæ, vt sit in medio earum puritatis hostis, quando illius amator, filius Virginis, per inepta & obscœna verba facessere iussus est.

Dignatus es, vt sup. pag. 10.

IACVLATORIE.

Psal. 118.

Psal. 37.

Ibidem.

COnfige timore tuo carnes meas, à iudicijs enim tuis timui.
Non est sanitas in carne meā, à facie iræ tuę: non est pax ossibus meis, à facie peccatorum meorum.
Domine, ante te omne desiderium meum, & gemitus meus à te nō est absconditus.

CAPVT XXV.

Meditatio de Modestia.

*Modestie
bona.*

MODESTIA corporis ad animi tranquillitatem & ordinationem mirè omnium sapientum iudicio conducit: de eā igitur, qui proficere desideras, seriò cogita, eamque omni cum diligentia complectere ac sæpè de eā meditare.

COMPOSITIO LOCII erit, coram Domino te aspice, ac si recens creatus esses, & corpus cum membris accepisses, vt iis ad gloriam Domini vtereris, & arma essent iustitiæ, non iniquitatis, vt Apostolus loquitur.

*Roman. 6.
Quid sit
modestia,
& quomo-
do contra
eam peccetur.*

PVNCTVM I. Confidera modestiam virtutem esse, quæ decorum in moribus & gestibus, potissimū nutibus oculorum seruat, habitū ratione personæ, loci & temporis. Peccatur contra hanc rusticitate, mollitie, pueriliā & affectatione: attende percurrendo actiones

tuas,

tuas, an per eam & regulas eius ordinati sint motus tui; an maturitas, humilitas & pietas in eis eluceant; an oculi benigni, non torui, non vagi, non sublimes, quos detestatur Dominus; caput rectum sit, modicè inclinatum, non leuiter mobile, labia modicè clausa; tota facies denique hilaris, gressus, in quo secundum Ambrosium sit species auctoritatis, tranquillitatisque vestigiū cum simplicitate; vestes mundæ, manus quietæ; vox non remissa, fracta, agrestis, sed suavis, succum virilem referuans; sermo non cum perturbatione, sed placidus, beneuolentiæ plenus & gratiæ: verbum enim dulce multiplicat amicos, & verbum melius sæpè quàm datum. Appende & vtere hoc salutari monito: & alibi, Oratio, ait Ambrosius, sit pura, simplex, dilucida, manifesta, plena grauitatis, non affectata; disceptatio sine irâ, monitio sine asperitate, hortatio sine offensione. Et verò dici nequit quantum iuuent hæc, ad virtutem & collectionem animi, nimirum compositi mores, & quies corporis, nullumque absque causa, neq; tum quidem cum leuitate mouere membrum. Huc etiam spectat eutrapelia, quæ iocis modum ponit, de quibus Seneca: Urbanitas tua sine dente sit, ioci tui sine vilitate: nam & illi utpote animi remissio, nonnumquam sunt necessarij, sicut & ludus. Hîc cauendum tamen ait Ambrosius ne soluamus omnem harmoniam, quasi per quemdā contemptum operum honorum. Ridere verò, ô Religiose, & rideri, sæcularibus relinque, grauitas personam tuam decet, non puerilitas, non scurrilitas. Tobiam imitare, qui etsi esset iunior, laudatur à Deo quòd nihil puerile gesserit. O IESV suauissime, vt inf. pag. 411.

Prou. 6.

Lib. I. Offic. cap. I.
19. & 20.

Cap. 19.

Eccl. 6.
cap. 20.Seneca.
Urbanitas
quæ laudata.Hieron. ep.
8. cap. 7.
Tob. 1.

Immodestia turpitudine.

Isaie 3.

PUNCTVM II. Considera, quantopere hæc virtus colenda sit. Primò, ex immodestiæ turpitudine, quæ oculos omnium intuentium offendit, sicut è contrà modestia omnes ad amorem trahit. Secundò, quia valdè à Spiritu sancto redarguitur. Pro eo, ait Propheta, quòd elevatae sunt filiae Sion, & ambulauerunt extento col-

lo decaluabit Dominus verticem earum. Sapiens verò :
Prou. 6. Homo apostata, qui non consentit cum Deo, vir inu-
 lis graditur ore peruerso, annuit oculis, terit pede, digi-
 to loquitur. Commendatur autem crebrò modestia,
1. Cor. 4. utque omnia honestè & secundùm ordinem fiant in
Philp. 4. nobis, Modestia, ait Apostolus, vestra nota sit omnibus
 hominibus. & Dominus J E S U S; Sic luceat lux vestra
Matth. 5. coram hominibus, ut videant opera vestra bona, & glo-
 rificent Patrem vestrum qui in cælis est.

Aspira, ut sup. pag. 8. Hæcine firmâ fide, ibid.

Tertiò, considera hinc fieri à prudente iudicium de
Eccli. 19. interioribus; ex visu siquidem cognoscitur vir, & ami-
L. I. Offi. ctus corporis, & risus dentium, & ingressus hominis
 enunciant de eo. si enim, ut Ambrosius, vox quædam
Nazianz. animi est motus corporis, membra indomita animum
 significant indomitum. vnde etiam Nazianzenus præ-
 dixit, Iulianum exitio orbi fore, hinc collige modestiam
 non fictam esse oportere, sed ut S. Thomas, ab interiori
2. 2. q. 168 procedere, considerando Deum ut patrem & magistrum
a. 1. ad 3. ubique præsentem,

PVNCTVM III. Considera quòd vti nihil magis of-
Modestia fendit homines quàm immodestia, ita contra nihil ma-
allicit mi- gis modestiâ allicere ad pietatem, cùm exempla tra-
rificè ad hant, verba vix moueant. O quanto præstat sic cum B.
pietatem. Francisco concionari! adeoque ut frustra verbo dicat,
 qui factò longè potentiùs & immodestiâ contradicit.
1. Pet. 3. Ideò hortatur mulieres Apostolus modestiâ (quæ lo-
 cuples est in conspectu Dei) viros qui verbo non cre-
 dunt, conuertere. Sanè cùm Thaumaturgum homi-
 nes viderent tam modestum & humilem, magis se ob
 mores ac modestiam quàm miracula credere professi
 fuerunt, atque eum diligere: sine quâ nullâ amicitia,
 maximum hominis bonum, durare potest. vnde disce
 ad omnes omnino hæc monita pertinere. Tertiò, con-
Ser. de hu- sidera mores leues animum corrumpere, ut colloquia
mil. praua. vnde Basilius: Studeamus modestiæ: nam studiis
 & exer-

& exercitiis assimilatur anima & qualia facis, talis formatur & figuratur. Quartò, quod passiones etiam omnes, si exteriores actus comprimuntur, velut ignis suffocentur, idque facile. Quintò, considera sine hac omnem deuotionem perire, atque velut è rimoso vase omnem effluere. Sextò, immodestiam saltem maculosum hominem, etsi alioquin bonum, facere. quod autem maculas habet, hoc in sacrificium Deo acceptum offerri nequit. morum leuitas potest quidem aliquando esse in bono ad horam, sed in deuoto numquam, dummodo, ait Bonauent. sit deuotus.

Hæcine vera, vt sup. pag. 7.

Denique attende, si Religiosus es, multorum sæcularium modestiam, qui de his vix monentur, vix instruntur: quodque ex te vno omnes iudicentur, ac quanta hinc incommoda nascantur.

*Bonav. de
profect. Reg.
lig. c. 5.*

PUNCTVM IV. Considera Domini nostri IESV verè humilem & modestam domi & foris conuersationem, & B. Virginis & aliorum sanctorum. De S. P. Ignatio, quemadmodum de S. Malachiâ, refertur, quòd nullum sine ratione membrum moueret; de S. Luciano Martyre, quòd multi solo eius aspectu conuersi fuerint. hos imitare quisquis es, & plus exemplo Christum prædicabis quàm multi verbo, dum illi ab eo moribus discrepant. D. Chrysostomus asserit; Apostolos non tam miraculis, quàm morum sanctitate orbem conuertisse, quàm utique morum modestiâ præ se ferebant; sicut & S. Joannes, qui nullum fecit signum; tantus propheta, tantus apud Deum, vt præcursor illius fuerit, uti nec Abraham credentium Pater, & tamen latissimè fidem propagauit. O IESV *suauiissime. vt inf. p. 411.*

*Christi
Domini
modestia.*

PUNCTVM V. Considera te esse templum Domini, & quasi sepulchrum, quod utiq; an oporteat esse gloriosum, tu iudica, cùm toties S. Eucharistiæ particeps fias. Secundò, expende membra omnia tua Deo dicata esse, ita vt vt potestaté eorū nō habeas, unde August. ad suos

Isaia II.

*Aug. serm.
ad frat. in
Erem.
Membra
nostra Deo
sacra.*

Psal. 34.

loquens ait, Carnes ergo vestras cum timore eius crucifigite, & vobis diligenter prouidete, ne lingua loquendo, quæ vocat de cælo filium Dei, contra Dominum loquatur; & ne manus quæ tinguntur sanguine Christi, polluantur sanguine peccati. Postremò vide, vt non solum anima Deo seruire debeat, eumque imitari, sed etiam corpus per modestiam mortificationem Domine IESV circumferre, vt in populo graui Dominus laudetur, Denique animo quieto statue te coram Crucifixo, contemplare omnia IESV Christi membra pro te vulnerata, & alloquere Dominum, & percunctare, quid eum ad hoc impulit? nempe vt singulis tuis eum laudares, qui sic te redemit, te prouocauit ad imitationem, & amorem.

Credo tibi, vt sup. p. 7. vel O IESV suauissime, vt inf. p. 411.

*Meditatio de ratione conuersandi cum
proximo.*

COMPOSITIO LOCI, Statue te coram Deo, & vide orbem laqueis plenum.

ORATIO, vt suprà.

*Pericula in
agendo cū
proximo.*

Iac. 1.

*1. Pet. 4.
Matth. 12*

PVNCTVM I. Considera primò pericula quæ sunt in conuersatione, tum quia verè totus mundus sit in maligno positus; tum ex parte tuâ. Difficile enim est in multiloquio vitare peccatum, ac refrænare linguam suam. Hoc verò quanti fiat à Spiritu S. audi, vt illius vanam esse dicat Religionem, qui id non potest: collige ergò certò magni periculi esse improvidam conuersationem: cui vt occurras, statue materiam sermonis vt non sit nisi pia, vel saltem utilis & honesta, nam vt in lubrico & periculoso itinere tutior hîc via deligenda est. Religiosus certè vir, & quisquis pietatis amans, de pietate frequenter sermonem inferre debet. Seruum Dei, inquit Bonauent. de Deo loqui decet; vt fiat quod scriptum est: Si quis loquitur quasi sermones Dei. Quid enim potius? cum notum sit ex abundantia cordis os loqui?

loqui? Si igitur vana quis, si turpia proferat, cordis ar- *Sermo est*
cana eiusmodi esse proficitur. Quemadmodum au- *mentis in-*
tem nolles habitu profiteri spurcitiam, aut vanitatem, *dex-*
nolles eam alio ore tibi aspergi aut affingi; ita magis
conuenit te cauere, ne illam apud alios proprio ore fa-
cias testatam. *Hæcine vera &c.* vt sup. pag. 7.

PUNCTVM II. Considera præterea, omnes Dei seruos *Sermonem*
occasione datâ eniti debere, vt proximum ad meliora *pium serere*
promoueant. Cur enim quisquis est seruus Dei id ve- *oportet.*
reatur, aut pudeat illum pro Deo loqui & eius hono-
re, cum tot serui diaboli strenuè pro domino suo labo-
rent? Sic certè quiuis, etiam qui ad alios iuuandos pro-
priè vocatus non est, maximè dùm ægri visuntur aut af-
flicti, veri serui Dei partibus fungi potest, eoquè cre-
brius, quo facilius & magis obuium omnibusque per-
missum familiariter loqui, non concionari. Sanè Philo-
sophi profitebantur suo se consortio homines efficere
meliores. Ad quod R. P. Balthasar Aluarez, vir omni
memoriâ dignus dicere solitus, debere homines à Re-
ligiosis abire percutientes pectora sua, dicentes, Verè
filij Dei sunt isti.

Certè quod attinet ad Religiosos, eo fine adire eos *Conuersa-*
sæpè ab externis certum est, vt spiritualibus pascantur: *tio viri pij,*
& proinde illi sæpè existimare deberent illum N. & il- *& maxime*
lum ad se missum à Deo, vt per eum instruatur, eam- *Religiosi*
que fortè vnicam horam salutis illius esse. Considera *qualis esse*
ad hæc dulcissima illa Christi IESV verba. Vbi duo, vel *debeat.*
tres fuerint congregati in nomine meo, ibi sum in me- *Matth. 18.*
dio eorum. O felicitas, ô beatitudo, habere in medio
sui Deum, & quidem advocatum verbo pio! ô quanto
putas, Lector, tibi & sociis dulcius eum esse præsentem,
quàm principes tenebrarum? Aduerte similiter hanc
fuisse Christi Domini consuetudinem ex omnibus bo-
næ instructionis captare occasionem, siue regiones al- *Ioan. 4.*
bæ ad messem occurrerent, siue lapides templi osten- *Lucæ 21.*
derentur, siue obtritos esse aliquos ruinâ narraretur.

*Conspira
cum bono
de hoc ex-
ercitio.*

*Turpe est
fastidiosè
de Deo lo-
qui.*

*Ioan. 8.
Ioan. 3.*

O quantâ cum voluptate & cum vtilitate conuenirent homines, & maximè Religiosi, si quisque velut ad charistia veniens, symbolum conferret; alius ex veteri, alius è noua, sacra profanaque historia, aut litteris sanctisq; Patribus. O quàm suaue illud foret menti epulum, postquam corpus curatum est? uti enim cibi corpus replent ac nutriunt, ita eiusmodi colloquia animum pascunt. Optandum certè foret conspirare ad hoc exercitium probos, non minùs atque improbi aut saltem minùs religiosi solent in vaniloquio constanter perseuerare. *Aspira*, vt sup. p. 8. *Hæccine firmâ.*

PUNCTVM II. Considera postremo, quid sit quod te retrahat à tam pio, tam obuiò charitatis erga proximum & pietatis exercitio. an tædium? quòd si illud, erubescè & horresce. neque enim de amato amantem loqui piget, sed facundum facit amor seu mundi, seu Dei. Appende illud: Qui ex Deo est, verba Dei audit: & iterum: Quid de terrâ est, de terrâ loquitur. vnde ergo es tu? ex ore tuo te iudica. *Hæccine vera*, vt suprà p. 7.

An forsitan piget, quia fructum non speras? At nouit Dominus tempora, tu verò ignoras, & vt dicitur, Quo minimè credis gurgite piscis erit, referesq; mercedem iuxta laborem ac studium tuum. Sed pudet forsitan coram de Deo loqui, & non pudet aliena à vitæ instituto, ac Christianæ pietatis professione effutire vel audire? Cur cùm vides alios de mundo & pro eo loqui, tu zelum non exeris pro Deo tuo, qui debes id miles Regi tuo, seruus Domino, filius amantissimo Patri? Considera ergo diligenter occasionem pietatis, neque eius negligas opportunitatem. Non excludo tamen vtilia colloquia, sed pietatem in oculis semper esse oportere admoneo. A silentio autem opportuno inchoandum illi est, qui rectè loqui velit. Secundò, pauca loquatur oportet. Tertiò, circumstantiarum habeat rationem, eoq; magis quòd linguæ lapsus ferè irreuocabilis sit. idcirco etiam Philosophi, in primis Pythagori-

ci,

ci, silentij maximam curam habuere, & nihil certè est quod adeò commendetur in sacris Literis, vt linguæ moderatio; atq; adeò Spiritus sanctus per S. Iacobum *Iacob. 3.* pronuntiauit eum perfectum esse virum, qui linguâ non offenderet. *Hæcine vera &c.* vt sup. pag. 7.

Exercitium pro modestiâ & sanctâ conuer- satione impetranda.

O IESV suauissime, vel mitissime Agne, qui pro inordinatis motibus meis, & immodestiâ meâ in omnibus membris grauissimè sponte tuâ cruciatus fuisti; da mihi hodie gratiâ per modestiam tuam, vt memor vbique sim professionis meæ, & discipulatus tui: ne propter me blasphemetur nomen tuum. Inuenio quidem aliam legem in membris meis, repugnantem legi mentis meæ: sed qui feci membra mea seruire iniquitati, cur non faciam eadem seruire iustitiæ & æquitati? si oculus meus scandalizet me, si manus, iubes abscindere eâ, & proiicere, & meritò: quanto magis coërcere membra mea debeo legibus modestiæ, ne scandalizem vllum ex pusillis istis minimis qui in te credunt? nolo igitur cibo aut gestu aut motu illum perdere, pro quo mortuus es, ô vita mea, sed cum Apostolo tua dicâ corâ te: Si esca, si incessus, si habitus, si conuersatio scandalizat fratrem meum abstinebo ab his in æternum, vt nulli dem offensionem, vt nō vituperetur ministerium nostrum; sed omnes qui vident me, benedicant nomini tuo, quod tota corde desidero, & dicant, Ecce semen cui benedixit Dominus.

Ecce ego semen, bone IESV, cui benedixisti misericorditer supra omne meritum, cui dixisti per Apostolū, Induimini Dominum IESVM Christum. Induite nouum hominem, qui secundum Deum creatus est. Itaque te rogo humillimè, indue me virtutibus tuis, vt honorificem te humilitate, & charitate, & modestiâ, vt omnes qui me vident, glorificent te, & ament, & dicant de filiis tuis: En populus sapiens & intelligens, gens magna. Et verè quæ est alia natio tam grandis, quæ habeat Deos appropinquantes sibi sicut tu Deus noster ades cunctis obsecrationibus nostris? Ecce etenim venis, erubescō dñi cogito,

Rom. 7.

Matth. 5.

Rom. 14.

1. Cor. 8.

Applica-
tio ad
Communi-
onem.

Deut. 4.

cogito venis ad me nouissimum seruorum à summo calorū, vt pascas me, & mecum sis, & mecum labores. Custodi ergo me Domine IESV, & animam meam sollicitè pro immensa charitate tua. Custodi, & visita vineam istam, cor meum, habitationem tuam, & perpetuam mansionem in eo fac. Quis mihi det, quis mihi tribuat, vt nunquam auertas faciem tuam à me? Ita spero, & toto corde te diligo, & tota anima mea.

- Philip. 2. Recordare, quaeso, Domine, quod constituisti nos, vt simus si-
 1. Tim. 4. ne querela, & simplices filij Dei, sine reprehensione in medio nationis prauae & peruersae: vt exemplum simus fidelium in verbo & conuersatione, in charitate, in fide, in castitate, vt profectus noster manifestus sit omnibus, ac conuersatio bona, vt in eo quod detractant de nobis, ex bonis operibus nos considerantes, glorificent te Deum nostrum in die visitationis. Neque satis esse scio si grauiora devitem. quis enim inquit Iacobus Apostolus tuus, sapiens & disciplinatus inter vos? ostendat ex bona conuersatione operationem suam in mansuetudine sapientiae. Sic enim est voluntas tua, vt bene facientes obmutescere faciamus hominum ignorantiam; & sic luceat lux nostra coram hominibus, vt videant opera nostra bona & glorificent te Patrem nostrum qui in caelis es, & benedictus in saecula saeculorum. Amen.
- Iacob. 3.
 1. Pet. 2.
 Matth. 5.

Praxis.

PRima est, obseruare defectus cuiusque membri, & aliorum iudicium supra hoc exquirere, vix enim fieri potest, vt quis se ad normam modestiae componat, nisi ab aliis obseruetur. Itaque fieri videmus, vt in publico magis modestiae memores simus & obseruantes, quàm alibi: hoc tamen D. Bonauent. diligenter commendat, vt quisque sic se gerat in priuato suoque cubiculo, vti solitus est in publico. Præterquam enim, quòd hac ratione facilius habitus acquiratur modestiae, eiusmodi facilius ad orationem perfectam, atque animi quietem peruenit, quòd non sinunt immodesti mores ullum pertingere.

Secunda. Legere libros de hac re conscriptos, tum à D. Bonauentura ad Nouitios, tum aliis. Quamuis autem exterius illa modestia, nisi à virtutum omnium concentu proficiscatur, diuturna futura non sit; magnum tamen ipsa ad

*Priuatim
 agendū vt
 publicè.*

vir-

virtutē est præsidium, ac quod primò difficili ac quasi reluctanti sit naturā, vsu atque consuetudine fit iucundum.

Tertia. Memoriali aliquo memorem te fac huius vel illius defectus, & monitorem adscisce.

Monita quædam S.P. Ignatii circa conuersationem, vtilissima & sapientiæ plena.

PRIMO, vir sanctissimus suadebat contentionem omnem vitare, ac profitebatur malle se vnum gradum profectus in proximo absque eā, quàm cū eā plurimos.

Contentio vitanda.

Secundò: omnibus satisfacere: nihil enim tam esse preciosum quod læsæ caritatis damnum possit reparare. idè patienter tolerandas contradictiones, longos atque infusos sermones.

Charitas omnibus præstat.

Tertiò, in negotiis postulari tempus volebat, atque illud præstitutum sedulitate præueniri.

Quartò, omnia quæ quisque diceret, ita dicenda esse aiebat, atque si publicanda forent.

Quintò, pauca, eaque tardè proferenda esse, & longos aliorum discursus esse audiendos.

Sextò, hortabatur vt quisque se genio proximi propter Deum accommodaret, ac læto non se tristem exhiberet, tristi verò gratiosum, cum iracundo celerius etiam loqueretur. Denique quemadmodum, ait, hostis cum eo quod alienum est ingreditur, egreditur cum eo quod suum est: intrat enim non contradicendo moribus eius quem adoriri vult, immò etiam bonas inserit cogitationes, deinde in speciem bonas, ac sic egreditur cum suo, id est, finem optatum consequitur. Sic & nos oportere bona in aliis primùm collaudare, postea suaviter mala emendare.

Omnibus omnia fiat.

Septimò, numquam, inquebat, recedatur ab eo quem ad bonum reducere volumus, afflictio, aut male contento.

Nunquam aliquis afflictus est deferendus

Octavò, condescendant aliis, quantum per institutum

stitutum licet, vt omnibus omnia fiat.

Nonò, nec statim ad summa veniat, sed gradatim ac suauiter ad vltiora promoueat.

Decimò, capacitati hominis multum se attemperet.

*Vianda in conuer-
satione.* Si quis enim in guttur multa simul infundere nitatur, effundet potiùs quàm infundat.

Vndecimò, cauendum esse dicebat, ne vitia in nobis deprehendantur: vt sunt excessus in cibo, potu, hyperbolæ, vanitates, rixæ, motus inconcinni ac gestus: hæc enim vti existimationi non parùm detrahunt, ita minuunt amorem. In exteriori itaque homine concentum & compositionem magnam (signum animi compositi) requirebat. *Dignatus es*, vt sup. pag. 10.

JACVLATORIÆ.

1. Cor. 4. *S*ic nos existimet homo vt ministros Christi, & dispensatores mysteriorum Dei.

Philip. 4. *M*odestia vestra nota sit omnibus hominibus.

Matth. 5. *S*ic luceat lux vestra coram hominibus, vt videant opera vestra bona, & glorificent Patrem vestrum qui in celis est.

CAPVT XXVI.

Meditatio de Temporis ratione habendâ, & eiusdem accuratâ distributione.

QUÆMADMODVM vides in vniuerso, suis temporibus, pondere, numero & mensurâ definita esse omnia, & accuratissimè, ita & in te microcosmo fieri conuenit, temporisque maximam haberi rationem, ac te vitam eiusque partes ad illud dimetiri. estque hoc præsidium ad pietatem minimè vulgare.

COMPOSITIO LOCI, considerare velut in solitudine cælorum ordinatissimos motus, & vt omnia velocissimè transeant, itaque vt post momenta singula nihil sit recuperabile eorum quæ fuerunt in æternum.

PUNCTVM I. Considera primò ordinationem Dei, & voluntatem, quâ suo tempore creata hîc oriri & occidere voluit, & accuratissimè tempora esse definita, & signa

signa eorum, & imitare quantum potes. Secundò, quàm sit tempus vitæ nostræ incertum, quàm breue, si comparetur ad longissimam æternitatem. Tertiò, per singula momenta æternum gloriæ pondus, aut pœnam tibi accedere. merita enim coronabuntur æternum, & peccata etiam leuia æternum punientur in iis qui reprobi fuerint. Quintò, vide quanta habeatur ratio à sæculi filiis mercatus, occasionis lucri alicuius; quomodo manè euigilent, diem in laboribus consumant homines, maria traiciant, vitamque prodigant, tu verò quid agis? Considera Quintò, omnium rerum tempus preciosissimum esse, & irrecuperabile: sed, cheu! vt Bernardus ait, nihil pretiosius tempore, & tamen nihil hodie vilius reperitur. Transcunt dies, menses, anni salutis; & nemo recogitat, nemo sibi perire diem, & numquam rediturum causatur. Attende verò quare ita sit preciosum; quia nempe omnia illo lucrari, absque illo nihil possumus. Immò quamuis vniuersum mundum daret homo, pro prorogando vitæ tempore in morte vel ad momentum, nequaquam illud posset comparare. quod serio expende. Quanti æstimarent, putas, damnati & beati vnâ horâ posse viuere; illi vt salutem, hi vt gloriam maiorem consequerentur! Ideoque exclamat Sapientia æterna: O si cognouisses & tu, & quidem in hac die tuâ, quæ ad pacem tibi! O si cognosceret homo quantum hoc vitæ tempore possit animæ suæ bona augere! Quid, quòd de tempore etiam Philosophi sic philosophati sunt & senserunt: inter quos Zeno aiebat, hominibus nihil magis deesse quàm tempus; Democritus preciosissimum impendium esse tempus. Seneca: Ita fac ergo, mi Lucili, vindica te tibi, & tempus collige, & serua. Quem enim mihi dabis qui aliquod pretium tempori ponat, qui diem æstimet? Expende igitur quomodo tempore tuo utaris, cui rei pretiosissimum omnium impendas, quâ cum re commutes, fortè cum fabulis, otio, lusu, cum pos-

*Temporâ
breuitas,
incertitu-
do, pretiū.*

*Serm. ad
schol.
Mercatus
est vita.*

*Damnati
pretium
temporis
docent.
Lucæ 19.*

*Zeno.
Democrit.
Seneca.*

posses regna acquirere, Dei gratiam augere, iuuare proximam, vocationē tuam certam per bona opera facere.

Aspira, vt sup. p. 8. Hæccine firmâ fide, ibid.

*Seneca
epist. 102.*

Ephes. 5.

*Tempus
quomodo
impenden-
di. m.*

Nota bene.

*Vita est dies
mercatus,
& optima
en. e.*

*Temporis
inuenta
ratio.*

PVNCTVM II. Attende, ô mi frater, ante omnia, quàm parum temporis supersit, quantumque tibi hætenus perierit. Secundo, quomodo illud impendendum. Monet certe Seneca eleganter: Formemus, inquit, animuū, tanquam ad extremum ventum sit; nihil differamus: qui quotidie vitæ suæ manum imponit, non indiget tempore. Videte verò, ait Apostolus, quomodo cautè ambuletis, non quasi insipientes, sed vt sapientes redimentes tempus, quoniam dies mali sunt. Impendere autem oportet ad salutem: ad hoc enim concessit illud Deus; atque, si hoc non fecerimus, seueræ eius ratio reddenda erit. Aduerte igitur quantum quotidie pietatis exercitiis tribuas temporis; an plene quod debetur illis ac diuino obsequio tempus imperiariis; an his stultissimè tantum succisuum, alijs optimum Præterea, an non meliùs impendere posses. Quis obsecro mercator stramen vile emet in die mercatus, cùm possit aurum, gemmas preciosas; imò regnum? Tertiò, attentè considera, quid vnâ hora boni, quid vno die, quid constanter agere paucis hebdomadis posses in virtutis studio, & erubescere; maximè si attendas mundanorum in rebus vilissimis incredibilem diligentiam.

Hæccine vera &c. vt sup. pag. 7.

PVNCTVM III. Considera quantæ dementiæ sit, omnia (vade, si lubet, per singula) bene supputare quæ ad rem familiarem spectant, & tempus negligere omnium rerum preciosissimum, turpibusque & inanibus rebus impendere. Secundò, quanta ex otio isto incommoda expertus sis, & experiantur multi, qui numquam quid certi agunt, sed fortuitò, velut cymbâ, quæ nullum certum portum habet, feruntur.

Exercitium pro temporis habendâ ratione.

EHEU quid est homo, ô Creator mi? quid vita hominis? quod tempus illius? quâ breuē ac pretiosum sapienti, quâ vile insipienti! & tamen à momento hoc vel illo aeterna, aeterna mea pendet felicitas vel calamitas. Nunc propior est nostra salus, quâ cum credidimus. Ecce enim mediâ nocte clamor factus est, & audio à te & de te, JESV bone: Ecce spūs venit, exite obuiam ei. Egredior, & exeo de terrâ meâ, & terrenorum amore, de cognatione meâ, & sensualitate, de domo patris mei, vt inueniā te, & deosculer te foris, & in medio cordis mei te amplectar, Fratrē meum sugentem vbera matris mei, &c. Abnego meipsū vt sequar te iā nunc toto corde meo.

Applica
tio ad
Commu
nionem.

Cant. 8.

Obsecro te, trahē me post te, & da te mihi, & suscipe me. Ecce enim reliqui iam omnia, & sequor te. quid ergo erit mihi, aut quid quero? Te, Domine JESV, te solum, dum inueniri potes, & amarissimē doleo de peccatis, & amantissimē sequor & deosculor vestigia pedum tuorum. Vtinam, vtinam dicere queam, verē Dominus est in loco isto, corde meo, & ego nesciebam. vel cum Petro: Nunc scio verē quia nūsit Dominus Angelum suum, & liberauit me de manu Herodis, & de omni expectatione inimicorum meorum! Vtinā intelligere possim, Domine Deus meus, quod non sunt condignæ passionēs huius temporis ad futuram gloriam quæ reuelabitur in nobis. Nam expectatio creaturæ reuelationē filiorum Dei expectat: vanitati enim subiecta est creatura non volens; sed propter eum qui subiecit eam in spe, id est, in te Domine. Id enim quod in presenti est momentaneum, & leue tribulationis nostræ, supra modum in sublimitate, aeternum gloriæ pondus operatur in nobis, propter quod omnis creatura ingemiscit, & parturit vsq; adhuc; non solum autem ipsi, sed & nos ipsi primitiæ spiritus habentes; & ipsi intra nos gemimus, adoptionē filiorum tuorum expectantes, redemptionem corporis nostri, & aduentum tuum optatissimum & desideratissimum. Quando venies & consolaberis me, lux mea, spes mea?

Act. 18.

Rom. 8.

2. Cor. 17.

Rom. 8.

O quando apparebit illa dies aternitatis, in quâ momenta singula hac aternitatē fecisse videbimus! quando exultabimus

- I. Pet. I.** in te modicum si nunc oportet contristari, vt tribulatio nostra multo preciosior auro inueniatur in gloriam & laudē tuā, & omne bonum! O quā apparebit tunc preciosum tempus, quo eternitas potuit & tu omne bonū comparari; quā brevis hora vite nostre, quā brevis labor, quā preciosus hora quadrans, qui iam sēpe abit in otia, in malitiam, in fabulas! volat verbum irrenocabile, volat tempus irremeabile: nec aduertit insipiens quid amittat; libet fabulari, dicit, donec hora pratereat. O donec pratereat hora, quā tibi ad agendā pœnitentiam, ad obtinendā veniam, ad acquirendā gratiam, ad promerendā gloriā miseratio Conditoris indulget! donec transeat tempus, quo diuinam propitiare debueras pietatē, properare ad Angelicā societātē, suspirare ad amissam hereditatē, excitare remissam voluntatem, flere admissam iniquitatē. Omnia tempus habent, & suis spatiis transeunt vniuersa sub calo; nunc tempus fletū, post erit tempus ridendi; nunc tempus plangendi, post erit tempus saltandi; nunc tempus belli, post erit tempus pacis; nūc tempus odii (nisi enim qui oderit animā suā, tuus esse, & dulcissime IESV, nō potest) sed post erit tempus dilectionis. Imō iam est, à summo enim calo egressio amoris tui, & nō est qui se abscondat à calore eius. Vtinam ergo ab hoc momento in æternum te amem toto corde, & me oderim! vtinam nihil amē extra te! vtinam sis mihi omnia in omnibus, & laudem nomen tuum magnum in sæculum, & in sæculum sæculi. Amen.
- Bern. serm. ad schol.**
- Temporis iactura quanta.**
- Eccles. 3.**

Praxis pro temporis ratione habendā.

*Salutū est
prima cura*

Primò considera, quæ tēpora tibi cōmodiora rebus gerendis, & ante omnia salutis negotio procurando, atque attende ne rebus nihili tēpus optimum, orationi & salutis negotio id tribuas, quod illis incōmodū. Ita, eheu! quotidie fieri videmus, optimā vitæ partē mundo ac vanitati tribui, optimā diei; effœtū, corpus, deteriora tempora senectutis pietati adscribi. Res pub. geritur in flore ætatis, negotiū salutis in declinū. Quid verò tibi potius, saluum, an bonū esse ciuē? Distribuat ergo sibi quisq; annos, dies, horas, nec fortuitò vitā agat, sed decreto. Ille inter otiosos ac inertes numeratur, qui si fortē se benē gerendæ rei occasio obtulerit, rectē faciat. Diuidendū autē ita tēpus est, vt Primò ea ad quæ obligamur, id est, quæ ad salutē spectāt, tractemus, de

*Vita ordi-
nanda est
& quomo-
do.*

diuino

diuino cultu, oratione, Missæ sacrificio, lectione piâ, examine conscientia. Secundo, quæ his proxima sunt curemus, qualia ea quæ ad statum & officium nostrum pertinent, artificium & laborem: natus est enim homo ad laborem, sicut avis ad volandum; Tercio, quæ ad familiam; Quarto, quæ ad honestam recreationem. quod enim caret alterna requie, durable non est.

Secundo, singulis mensibus rationem temporis subducas; & considera, an meliori, an fructuosiori occupationi illud impendere non possis. occupationes enim variae; aliae animæ, ut sunt oratio, studium varium, lectio; aliae corporis, ut sunt artificiorum exercitatio, ite equitatio, venatio, luctatio, & recreatio; aliae rei familiaris, ut sunt plantatio, edificatio inoderata, instauratio; aliae rei publicæ; alia denique omnium grauissima, præparatio ad mortem. huc enim omnia diriguntur, dies, anni, lustra, & omnis exercitatio.

Dignatus es, ut sup. p. 10.

Iob. 5.

Ratio temporis subducenda singulis mensibus.

Præparatio ad mortem.

JACULATORIA.

Ecce nunc tempus acceptabile, ecce nunc dies salutis: abiciamus ergo opera tenebrarum.

Fratres, hora est iam nos de somno surgere: nunc enim propior est nostra salus, quam cum credidimus.

Quocumque potest facere manus tua, instanter operare; quia nec opus, nec ratio, nec sapientia, nec scientia erunt apud inferos, quod tu properas.

Operamini dum lucem habetis: venit enim nox, quando nemo potest operari.

Ambulate dum lucem habetis, ut non vos tenebre comprehendant.

2. Cor. 6.

Rom. 11.

Eccl. 9.

Ioan. 9.

Ioan. 12.

CAPVT XXVII.

Meditatio de Monitore aliquo eligendo, auxilio magno in via Dei.

Ita à Domino comparatum est in hac vitâ & viâ, ut nemo sibi dux esse possit, nemo inniti prudentiæ suæ: ideoque nullum subsidium suauius, ac vtilius ab iis quæ foris sunt accipi potest, quam amicus fidelis & monitor.

Monitoria vtilitas.

COMPOSITIO LOC. I. est, speculari mundum plenum erroribus, & erronibus, ac vanitate, coram Deo nostro.

Oratio, ut sup.

D d 2

PVN-

*Dux viæ
quantum
exoptatur.*

Eccles. 9.

*Res parua
sæpe magni
mali fons.*

*Sapientes
quoties la-
psi, & fœ-
dè!*

Rom. I.

PUNCTVM I. Considera coram Deo te in viâ multâ viâ, vel ad flumen aliquâ tantum parte vadofum, sed nescire quâ, neque quâ viam capias. Dic rogo, eo casu quantum optares ducem seu monitorem? si verò scires hinc vitam & salutem certò pendere, quàm diligenter scrutarere an aliquis index esset viæ quàm gratus esses, si quis errantem etiam asperè reuocaret, aliàs ad præcipitium venturum? Imò si iumentum tuum, de quo in veteri lege præceptum erat, erraret, reuocari velles. Applica viæ æternitatis irremcabili, & cogita tibi necessariò de duce & monitore aliquo prospiciendum. Nescit enim homo finem suum, neque vllius negotij, ob plurimos & varios casus in rebus humanis, & sæpè quod minoris æstimas, causa tibi est omnium malorum, vel esse potest; & quanta dementia tentare spreto duce, vias ignotas, vada periculosissima? & vide an alicui hoc suaderes. Secundò considera, sapientissimos omnium sæculo primùm in iis quæ ad animam, deinde etiam in aliis quæ ad res humanas pertinent, turpissimè errasse, quia suo iudicio præfidentes, monita bona spreuerunt. Quis enim sapientior Salomone? & quomodo infatuatum est cor eius? Secundò, optimos etiam in propria causâ cæcutire. Quis Dauide prudentior? & ecce nouem mensibus excacatus in adulterio hæsit, donec Nathan eum moneret. Huc referri possunt varij eximij viri, qui tandè in hæreses & errores lapsi sunt, quia innitebantur prudentiæ suæ. Denique vide errores mundi, tum in sæcularibus hominibus, auaritiâ, aut amore, aut ambitione, se in multa pericula præcipitantibus quotidie; tū in Ethnicis prudentissimis alioquin, lapides adorantibus, &c. Postremò in variis viris bonis, & Religiosis, qui defectu admissæ monitionis dati fuerunt in reprobum sensum. Tunc collige quàm auidè monitorem in viâ hac & ducem quærere oporteat.

Aspira, vt sup. p. 8. Hæcine firmâ, &c. ibid.

PUNCTVM II. Considera quomodo in omnibus rebus

bus monitores velit esse Deus, & adeò necessarios iudi- *Correptio*
cârî, vt ad id obligârît omnes Superiores, imò etiam *& monitia*
pares, vt si quem peccantem viderint, monerent. vnde *sapè præ-*
Prophetas vt speculatores in Israël positos aiebat, *cepti.*
quodque, nisi monerent, sanguinem de manibus eorum *Ezech. 33.*

requireret. Vnde aliqui, potiùs quàm monere omitte-
rent, vitam perdidere, vt S. Joannes Baptista, S. Stanis-
laus Polonus; & patriam & omnia, vt D. Chrysosto-
mus. Heli verò se suosque omnes, quia monere negle-
xit, euertit. Secundò, in omnibus rebus, operibus, stru-
cturis publicis syndici sunt, & qui detegunt errores; &

1. Reg. 2.
Monitor
in omni re
necessarius

magno sumptu emitur moneri de hostium insidiis, de
machinatione aduersus bona nostra, vel honorem no-
strum. Applicemus hoc nobis, & hostibus animæ no-
stræ, & detestemur imprudentiam nostram. Tertiò
confidera, quomodo in pluribus rebus, quas pruden-
tissimè gerere nos putabamus, errauerimus. Quartò

Vide quo-
ties erraue-
ris.

confidera, quàm indignè ferremus si amicus sciens alium
nobis machinari mortem aut dedecus, taceret & dissi-
mularet; quàm illam verecundiam in discrimine con-
stituti damnaremus, & eum hostiliter egisse iudicare-
mus? vel, si frustrà monuisset, quàm stultos nos fuisse
serò videremus, vt Cræsus, qui à Solone in secundâ for-
tunâ monitus ex eâ in miserrimam lapsus, vnum Solo-
nem inclamabat. Imò si næuus in facie turpis, si adhæ-
sisset vesti, vel ganeo aliquis affixisset probum, & per-
mitteret famulus herum rideri, quomodo id ferret?

Quintò, vide quàm sollicitè in speculo se contemplan-
tur homines, & eheu! næuum in animâ grauissimum
admonitoris indicio detergere nolumus. Sextò, si quis
medicus nuntiaret tibi certis indiciiis discrimen vitæ,
quàm illum amares? si dissimularet, quàm offendereris?
Applica ad morbos animi.

In iis quæ
corpus spe-
ctant, mo-
neri vo-
lumus, non
quæ ani-
mam.

Aspira, vt sup. pag. 8. Hæcine firmâ fide, & c. ibid.

PUNCTVM III. Confidera quare moneri nolumus.

Primò, quia (quod insani est) putamus nos errare non
posse,

3. Reg. 8.

Seneca e-
pist. 94.Seneca.
Amicus
deligendus.

2. Reg. 12.

Valer.

Max. l. 9.

c. 5.

Reges
habent

monitores.

posse ; omnia laudari nostra volumus, aliorum graues censores ; cū tamen (vt suprà ostendimus) sapientissimi & prudentissimi errauerint , & non sit homo qui non peccet. Secundò , quia putamus nos per nos errores videre posse ; sed , vt prouerbiū , non videmus mantice quod in tergo est. Et vt nemo in facie sua videt neuum nisi in speculo ; ita neque errori occurrere quis potest , nisi monitus. & sic de aliis. Itaque superbiam , malorum radicem , hoc remedium pellit. Vnde Seneca : sit aliquis custos , & aurem subinde peruellat , abigatque rumores , & reclamet populis laudantibus , &c. Negcessarium est admoneri , & habere aliquem aduocatū bonæ mentis in tanto strepitu tumultuque falsorum , vnā denique audire vocem. Quæ erit illa vox ? ea scilicet quæ tibi tantis clamoribus ambitiosis exsurdato salubria infusurret verba. Tertiò , quia alios diiudicare nostra non posse putamus. & hæc dementia , quasi nostra aut sint supra captum hominum , vel sanè arcana patefacere amicis verè nolimus ; quod quā sit noxium , patet : si enim quis foret , qui medico morbum aperire nollit , & remedium tamen peteret , certè is demens esset ; & arcana nolle aperire , est consilium nolle petere , aut perperam petere. Cogita an tibi in amicitiam aliquis recipiendus sit ; cumque placuerit fieri , toto illum pectore admitte , tam audacter cum illo loquere , quā tecum : post amicitiam credendum , ante amicitiam iudicandum. Quartò , quia omnino perire volumus , vt is qui erroris in viā seu præcipitiū monetur , & contemnit : imò quærimus eos qui ad interitū ruentes fistulis & sambucis eò nos propellant ; adulatōres scilicet : qui verò obstare possent reuicimus. Sic Roboam senioribus consiliariis patris sui dimissis , iuniores adlegit , & periit. Xerxes vocatis ad se Asiæ Principibus , viris prudentibus , ait , Venisse se scirent , vt parerent , non suaderent. Prudentes verò Principes longè aliter fecēre : atq; ad eò rumores de se auidè captare soliti , vt Fredericus

dericus III. Carolus V. & Franciscus I. Gallie Rex. Imò *Matth. 16*
 & ipse Dominus ad exemplum nostrum petiit, Quem
 dicunt homines esse filium hominis? Quinta causa
 spernendi monitorem est, quia dedecus putamus
 moneri priuatim, quod publicè audire aliàs cogere-
 mur. Plutarchus ad hoc scitè ait, Telephum vulnera- *Plutarch.*
 tum, coactum fuisse ab hostibus vulneri remedium pe-
 tere; atque ita eum qui non habet amicum, sæpè ab ini-
 micis sua vitia audire. Persarum Reges quotidie à mo-
 nitore sic excitabantur: Surge Rex, ac negotia cura, quæ
 Mesoromasdes te curare iussit. Philippus Rex cùm in
 causis audiendis negligentior esset, & vacare se mulieri
 cuipiam non posse diceret, publicè audiit: Noli ergo *Adulator*
 Regem agere. Denique monitorem respuimus, quia *querit qui*
 parum amicum putamus eum, qui non adulatur; in re *non vult*
 familiari tamen, si quis vitium, discrimen nostrum, al- *moneri.*
 terius circumuentionem indicet, amicum factum puta-
 mus. Et hæc est insipientia filiorum Adam, qui de iu-
 mento aliisq; rebus omnibus magis solliciti sunt, quàm
 de anima. Vnde Sapiens, Noli arguere derisorem, ne
 oderit te, &c. vir prudens & disciplinatus non murmu-
 rabit correptus. Sanè qui corripit, si amicus non est, of-
 ficiam amici facit, aut facere voluit; quod nemo respu-
 ere solet: si est, meliora sunt vulnera diligentis, ait Scri-
 ptura, quàm fraudulenta oscula blandientis. Stultitia
 certè magna est monentem auersari. Qui odit increpa-
 tiones, ait Sapiens, insipiens est. & rursus: Noli arguere
 derisorem, ne oderit te; argue sapientem, & diligit te. Il-
 le, vt phreneticus, curantem se mordet, monstranti
 viam irascitur, & errare pergit. vel bonam medicinam
 sibi datam, odio medici, sponte sibi in venenum vertit
 & haurit, fitque vt viiuga Moysis (id est correptio) in co-
 labrum vertatur.

Hæcine vera, &c. vt sup. p. 7.

PUNCTVM IV. Considera aliquè quem nemo mone-
 re audeat, nōne is similis tibi videtur ei equo quem

Adulator
querit qui
non vult
moneri.

Prou. 9.
Eccli. 10.
Corripiens
facit amicū
officiū.

Prou. 27.
Prou. 9.

Monitionē
respuens
stultus est.

*Corripere
excusans
quanto in
pericula.*

*Nota simili-
lia.*

*Seneca de
benef. l. 6.
cap. 10.*

*Pauca mo-
neri volunt*

*Psal. 140.
Excusatio
mala.*

Eccli. 19.

Leuit. 13.

*Genes. 27.
Serm. 16.
Excusans
repellit me-
dicinam.*

Genes. 3.

Ibid.

in præceps ruentem & calcitrantem nemo retinere po-
test; vel quem nemo velit, quod eum contemnat? nō-
ne tibi is miser videtur, & in crepidine montis prærupti
ambulare; aut ponte angusto & excelsō admodum,
absque vllō præsidio & retinaculo? nōne comparan-
dus ei viatori, quem proximum vt incidat in manus
hostium, speculator admonere negligit aut horret? ita
omnino est, quare aptè Seneca: Monstrabo tibi cuius
rei inopiā laborent magna fastigia, quid omnia possi-
dentibus desit: scilicet ille qui verum dicat. nemo ex a-
nimi sui sententiā suadet dissuadetque, sed adulandi
certamen est, & vnum amicorum omnium officium ac
contentio, quis blandissimè fallat. Hæc pestis est sæcu-
larium, hæc multorum etiam piorum, quos si moneas,
exasperas; quosque proinde melius sinere iacere, quàm
erigere. *Hæcine vera*, vt sup. p. 7.

PUNCTVM V. Considera, quàm sit turpe declinare
cor suum in verba malitiæ ad excusandas excusationes
in peccatis: qui enim iustificat seipsum, hostem suum
excusat & Dei; cumque sit æger, sanus haberi vult; &
cæcus, videns; imperitus, peritus; & qui iniustus est, iu-
stus censeri. Peccator enim homo vitabit correptionem,
& secundum voluntatem suam inueniet comparatio-
nem: iustus autem accusator est sui. Hinc iubetur le-
prosus vestimenta dissuta habere, & caput detectum;
id est, peccator se aperire. At Jacob extrema pellibus
tegit, & peccator haberi vult. De eo Bernard. super Cā-
tica: In animam peccat suam, qui excusat dum arguitur,
repellit proinde à se medicinam, & sic vitam sibi inter-
cludit æternam. Excusat, ait, quis dicendo: Non feci,
aut benè feci. aut si male: Non multum malè. aut si
multum malè: Non malà intentione: si autem de illà
velut Adam & Eva conuincitur, alienā suasionē excu-
sare se nititur. & Gregorius: Superbiæ vitium est, vt
quod quisque de se fateri dignatur, hoc sibi ab aliis di-
ci dedignetur. Considera Secundò, Adamum, Cain, &
Saulen,

Saulem, excusantes se, à Deo proiectos; Dauidem, Petrum & Latronem susceptos. Tertiò, considera Christum Dominum circumcidi, baptizari, damnari, de quo illud, Sicut agnus ad occisionem ductus est, coram ton-
dente se obmutuit, factus tanquam homo non audiens, & non habens in ore suo redargutiones. Christum verò secuti sunt, de quibus Gregorius: Piarum mentium est, illic culpam agnoscere ubi culpa non est. Dixi ergo: Confitebor aduersum me iniustitiam meam Domino, & tu, Deus meus, remisisti impietatem peccati mei, non declines, quæso, vnquam cor meum in verba malitiæ, ad excusandas excusationes in peccatis: sed in misericordiâ tuâ viuifica me.

*Excusantes
à Deo pro-
iecti.*

Genes. 4.

1. Reg. 15.

2. Reg. 12.

Isaie 53.

Psal. 37.

Regist.

epist. 1. 12.

indict. 7.

epist. 31.

Psal. 31.

Psal. 140.

Exercitium pro monitore & correptione libenter suscipiendâ.

CORRIPE me, Deus, in misericordiâ tuâ, oleum autem peccatoris non impinguet caput meum; corripe me, dum tempus miserendi, vt absolvas me, dum tempus erit iudicandi. Ecce enim protestor, quod spiritu tuo agi volo, & filius tuus esse; & hodie si vocem tuâ audiero, nolo obdurare cor meum. Audiam quid loquaris in me, Domine, quoniam loquæris, spero, hodie pacem in plebem tuam, in derelictam animam meam. Exspecto enim te hodie, expectans exspecto, quando facies de persequentibus me. N. passionibus istis iudicium, & sicut fluit cera à facie ignis, sic peribunt peccatores à facie tuâ. Ne permittas, rogo, vt peccem in te, vt errem à te, velut cæcus in viâ, ignarus in siluâ, & moneri nolim, vt viam teneam rectam, vt videam pericula, vt declinem damna anima mea, vt conuertar ad te, & salua sit anima mea: nam qui odit correptionem, vestigium est peccatoris, siue diaboli, eiusq; mancipium, venundatus sub peccato, ligatus non ferro, sed ferreâ voluntate, vt abstrahi à malo nolit, & nequeat, quia vix est qui faciat misericordiâ cum illo, dum pauci sanare volunt, & dum sanant, aut vulnerari linguâ, aut ad vulnus in secreto postulari. Concede etiam vt timore humano errantē monere, agrum curare

*Applica-
tio ad
Communi-
onem.*

*Corripi
nolens
vinculus
est.*

August.

non desinā. Verē enim dicebat seruus tuus Augustinus. Si peccauerit in te frater tuus, corripe illum inter te & ipsum solū; si neglexeris, peior es. ille iniuriam fecit, & iniuriam faciendo graui seipsum vulnere percussit: tu vulnus fratris tui contemnis? tu eum vides perire, & negligis? Peior es tacendo, quā ille conuiciando. Sed plures qui alios libenter censeant & iudicent, reperiri video, paucos qui optent moneri. veritas hoc odium parit. Iusti esse nolumus, & dici volumus; cūm corripere nos audeat nemo, etsi perire propē videat; quia ex superbiā medicamentum viderit esse factum venenum.

Moneri
pauci vo-
lunt.

O infelices, quibus à bonitate tuā ad salutē nobis data auxilia, fiunt ex militiā, recta mentis impedimenta! Aufer à me, Domine IESV, qui tot calumnias pro me passus fuisti, hanc superbiam, quā defectus meos agnoscere detrecto, & aperire nolo, malens in iudicio perire forsitan, & malus iudicari à te, dum bonus ab homine haberi possim, & malus esse. Si corpus curari opto, negligi indignè fero; cur mihi anima mea sic viluit, ut irascar, si quis eam curare velit, si sanare? si laqueus pedi meo ostēdatur positus gratus sū; si vulnus aperitur anima, ingratus, immō furiosus sum, quia perire libet potiūs, quā de periculo moneri; miserū esse, quā vbi opes & felicitas sunt, reuelari. Proditio vulgō censetur, occultare, & nutrire hostē amici sui; amicitia verò sepe reputatur, graues animorum (vitia inquam) aduersarios fouere. Ea est, Domine, infelicitas nostra, cū iustus in principio sermonis accusator sit sui; hoc est imperfectū nostrū, quod viderunt oculi tui, & sanare potest vnica manus tua, quæ omnia fecit, & fecit bene, & me infinitā misericordiā refecit. Sunt qui se nequiter humiliāt, & arguunt, sed si, velut vasa figuli probat fornax, hos etiā exerceat aliqua tribulatio; cuius est simulata confessio, vnā vel leui cōtumeliā, aut exiguā pœnā interrogatus, iā humilitatē simulare, iam simulationem dissimulare nō potest: murmurat, frendet, irascitur, nec in gradu stare humilitatis, sed in nouū superbiæ gradū corruisse probatur. Scio, nō veniet in conspectu tuo omnis hypocrita, & si ascenderit vsque ad calum superbia eius, & caput eius nubes tetigerit, quasi sterquilinum in fine perdetur.

Prou 18.

Psal. 138.

Bern de
grad. Hu-
mil.Iob. 3.
Iob. 20.

perdetur. Aufer itaq; de medio mei magniloquos superbiam, & Sophon. 3
non adiciant exaltari in corde meo; quia tu scio, Domine,
magnus & terribilis, non respicis nisi ad humiles & tremen- Isaia 66.
tes sermones tuos. Amen.

Praxis in monitore adhibendo.

PRIMA Vide, quas conditiones monitor habere debeat. *Qualis esse*
Et quidem Primò, debet esse amicus: moneri & mone- *debeat Mo-*
re proprium est verè amicitiae, inquit Cicero. Secundò, de- *monitor.*
bet esse pietate, virtute & prudentiâ præditus. nam vt do- *Cicero.*
geri ab indocto nemo cupit; ita se moneri ab illo pauci pa-
tiantur, quem eadē aut similis culpa redarguit. Tertiò, de-
bet velle id facere: multi enim sunt, qui scientes obsequiū
amicos, veritatem odium parere, monere detrectant. Acce-
dit autem hoc ferè, quia non sincerè diligunt, sed sua quæ-
runt, & tales non in amicorū numero collocandi, sed adula-
torū. at verò adulatione, blanditiâ, assentatione in amicitia
nullam esse pestem maiorem aptè Cicero dicit. Vel certè
eò accidit, quòd ex veritate odium nasci videant, cuius au-
tē aures veritati clausæ sunt, ait idem, vt ab amico audire
verum nequeant, huius salus desperanda est. Vel deniq; eò
quòd ii qui monentur eam molestiâ quam debent capere
non capiunt, cum emendare negligunt, monita spernunt.

Secunda. Vt ergo aliquis monitore vtiliter vtatur. Primò *Amico sin-*
aperiendum pectus: alias enim nec amicum agnoscis, cum *cero fami-*
diffidas; nec consilium expectare potes, cum de re incogni- *liariter*
tâ alter sententiam ob dissimulationem tuam dicturus sit. *utendum.*
Vnde Sapiens: Causam tuam tracta cum amico tuo, & se- *Prou. 25.*
cretum extraneo ne reueles, ne fortè insultet tibi cum au-
dierit, & exprobrare nō cesser. Secundò, cogendus amicus
vt moneat liberè, & ferid allaborandum, vt corrigat quis
quod à prudente & amico homine suggeritur. Ex his faci-
lè colligitur, sæpè eos qui paris tecum conditionis sunt, nō
ita aptos esse monitores, cum inter eos sæpè æmulatio sit;
neq; subditos, cū sæpè libertate abutantur, aut timore pro-
hibeantur: neq; eos, quorū si amicitia diffuenda sit, timeas,
ne, quòd parum probi, noceant (multi enim nisi viri omninò
probi sint, sæpè vitiis amicorum offenduntur;) sed alium
quempiâ, qui in Deum respiciens, nihil timeat, aut speret,
& salutis tuæ ac felicitatis nō sit æmulus, sed amans. Talis
vñs deligendus est atque alter, & statuendum quoties, si
ita res poscat, eum auditurus sis, & cum eo de tuis rebus a-
cturus.

*Quales non
sint apti
monitores.*

Tertia

*Quomodo
sit facienda
monitio.*

Gal. 6.

2. Tim. 2.

Ambr. l. 8.

in Lucam.

Tertia. Correctio fiat non de re incertâ vel leui, vel in-
tempstiuâ, dum perturbatus est animus errantis: modusque
sit lenis, iuxta Apostolum: Si præoccupatus fuerit homo in
aliquo delicto, vos, qui spirituales estis, instruite eiusmodi
in spiritu lenitatis. Seruum enim Domini non oportet liti-
gare, sed mansuetum esse; & verè, vt Ambrosius, Plus pro-
fuit amica correptio, quàm acculatio turbulenta. *Dignatus*
es, vt sup. p. 10.

IACVLATORIE.

Psal. 6.

Domine ne in furore tuo arguas me, neque in ira tua corri-
pias me.

Psal. 38.

Propter iniquitatem corripuisti hominem, & tabescere fecisti
sicut araneam animam eius.

Prou. 3.

Quem diligis, Domine, corripis, & quasi pater in filio compla-
ces tibi: fac de me secundum diuinum beneplacitum tuum.

Psal. 40.

Corripe me, Domine, in misericordia tua: oleum autem peccatoris
non impinguet caput meum.

CAPVT XXVIII.

Meditatio de amicorum delectu.

*Amicitiae
effectus.
Super
Matth.*

INTER externa pietatis praesidia est amicitia: bonus
enim sic malo connectitur, vt Chrysost. ait, vt aut pa-
res reddantur, aut citò ab inuicem separentur. Amici-
tiae enim pares aut quaerunt, aut faciunt, & sicut multa
bona habet communis vita sanctorum, sic plurima mala
societas malorum.

COMPOSITIO LOCI, erit se constituere in Dei prae-
sentia, ORATIO, vt suprâ.

PVNCTVM I. Considera quid sit amicitia. Est verò, vt
Cicero loquitur, diuinarum humanarumque rerum
summâ cum beneuolentiâ consensio. Duplex illa est,
falsa & vera. vera autem hæc est & Christi glutino co-
pulata, quam non utilitas rei familiaris, non corporis
praesentia tantum, subdola & palpans adulatio, sed
Dei timor & diuinarum Scripturarum conciliant studia,
vt Ambrosius. Hinc collige qualis tua amicitia sit.
2. Considera quorsum amicitia Deus instituerit; & do-
num illud largiatur (qui timet enim Deum, habebit
ami-

*Ambr. de
amicis. c. 7.*

li. 6.

amicitiā bonā, vti Sapiens) nempe vt cū viatores & peregrini simus super terram, tendamusque in cælum patriam nostrā viā difficili ac periculosa, latronibus obstita, Comites & viā bonos socios, id est amicos nobis esse voluit. Considera 3. Quales vitandi & fugiendi primò vitandi improbi; hi enim cū hoste tuo, id est dæmone conspiranti, mellito sermone venenum tibi instillant, in præcipitia ducunt, dum hostis premit. Et verò tūne eum putas tibi amicum, qui Deo sit inimicus, cui tot nominibus obstringitur? tūne eum tibi, qui nec sibi? qui enim facit iniquitatem, odit animam suā, & omne bonum Deum suum. Hoc ergo pacto quem amicum velis explora. Et certò scias sperare eum tibi fore amicum, qui Patri & Deo & Redemptori suo infidelis est, meram esse insaniam. Cogita verò quam turpe tibi sit, iam coram Deo & curiā eius cum perduelli & infami consuetudinem & amicitiā habere, quamque horrendum id futurum in iudicio, & amicos Regis Dei tui iam tibi concilia. *Aspira, vt sup. p. Hæcine firmā, &c. ibid.*

PUNCTVM II. Hæc quidem in genere dicta sunt: nūc considera quos maximè vitare debeas Dauidis monito dicentis: Oculi mei ad fideles terræ: superbo oculo & insatiabili corde cum hoc non edebam, detrahentem secretò proximo, hunc persequabar. primo igitur superbum vitā; inter superbos enim semper iurgia, quæ ergò amicitiā? 2. hominem avarum, & sui valdè amantem. Hic enim erit amicus secundum tempus, & non permanebit in die tribulationis. Orientem solem tales spectant, de quibus Sapiens: O præsumptio nequissima, vnde creata es cooperire aridam malitiā & dolositate illius? 3. Caue à detractore, imò eum persequere cum Dauide, de quo scriptum: Si mordeat serpens in silentio, nihil eo minus habet, qui occultè detrahit; talis enim detractor vt serpens repit per terram, & eam comedit, estque velut sanguisuga, & canis macelli, rictu, sanguine, id est peccato proximi fœdato. Et quæ cōmu-

Cur amantia à Deo instituta.

Malinum quam veri amici.
Psal. 10.

Psal. 100.
Qui maximè vitandi nempe superbus & sui amans.
Prou. 13.
Eccli. 6.
Eccle 17.
Detractor fugiendus.
Eccles. 10.

nica;

*Eccli. 13.
Deut. 12.*

*Detra-
cto-
ris malitia
Prou. 30.*

*DetraCTOR
nulli iudus.*

Eccli. 28.

Eccli. 28.

*Eccli. 20.
DetraCTOR
vix corri-
gitur.
2. Reg. 1.*

*Quales
mora deli-
gendi.
Psal. 17.
Seneca.*

nicatio sancti hominis ad canē? vnde monetur; caue ne sanguinem comedas, vel quod idem, carnes proximi. Ideo quidam sanctus aiebat: Melius est comedere carnes & vinum bibere, quā detrahere. Persequere ergo detractorem, cuius dentes arma & sagittæ, & gladius in labiis eius, & venenum aspidum sub iisdem: hi enim sunt de quibus Sapiens: Est generatio quæ pro dentibus gladios habet, quibus auditores percutit, & se & proximū. Ne permittes vt alienas sordes in cor tuum ingerat, & aures, sic de te certò cras loquitur, vt iā de proximo tuo: & fistucam in oculo tuo videbit vt trabem, & te iudicabit. Dic, quæso, putas plus amicitia tuæ tribuet, & fidelior erit tibi quā Deo, & eius legi quæ ita charitatem præcipit, & susurrone & bilinguem maledictum appellat? Si ille arbitretur se tibi gratificari, similē tē sibi æstimat, & velut porcum qui volutari velis in sordibus. sepi ergo aures tuas spinis, & noli audire linguam nequam; scriptum est, Non maledices surdo, nec coram cæco pones offendiculum: ille enim se excusare nequit aduersus hunc testem iniquum. Neq; ab hoc speres correctionem; homo enim assuetus verbis improprij omni diebus vitæ suæ non eruditur. vide vt David Amalechitē, & eos qui Isboset occiderant, peremit, illi dicens: Quare non timuisti mittere manū tuam vt occideres Christū Domini? Idem dicito detractori, & similem crede Ozæ percusso & arcam tangenti, si superioribus detrahat.

Hæcine vera, &c. vi. f. p. 7.

PUNCTVM III. Nunc considera quales tibi diligendi sint, & ad hoc simul attende qualis sis, quibusq; obnoxius vitiis, & qualis esse velis, cū bono enim bonus eris, serpuntque, vt ait Seneca, vitia, & in proximis quemque transiliunt, & contactu nocēt: conuictor enim delicatus paulatim emollit, & enervat. Necesse est aut imiteris, aut oderis. Igitur optimum quemque delige, vel potius cū quisque suos habeat natos, quā minime inquinatos. Ratio manifesta est, amicitia enim nos alteri cō-

ii. n. it,

iungit, vti & familiaritas, imò facit idem velle & nolle. (ea enim amicitia sola est) atq; adeò anima quæ amat, magis in eo est quem amat, quàm vbi animat. An ergò mirum sit talem esse quemque, quales ii cū quibus versatur? Vnde veteri prouerbio: Pares. cū paribus ferè sociantur. Vti enim similitudo morum amicitiam parit, ita vicissim morum similitudinem amicitia facit, & ad hoc attende, quæ vitia in animo, immò etiam corpore habeas, ne consuetudine eius qui eodem malo laborat, tuū augeatur, & si diligenter obserues, iisdem aspersos videbis, quibuscum aut consuetudinem habuisti, aut etiamnum habes. Statue proinde si bonus esse velis, bonos amicos & familiares eligere; nihil enim stultius, ait Cicero, quàm equum, famulos, domum, optima, parare, & nō amicos à quibus salus nostra pendet vniuersa, ideoq; idē Cicero toto prope libro disputat, amicitiam non nisi inter bonos esse posse, nec amicum alterum ab altero nisi honestum petere debere, virtutum enim amicitia adiutrix data est, non vitiū comites: vt quoniam solitaria non possit virtus ad ea quæ summa sunt, peruenire, cōiuncta & sociata cum altera perueniret. Quare cū amicitia hoc spectet, vnum, vt amici auxilio ad virtutē perueniamus, illius in delectu amicorum primū est habenda ratio, considerandi mores, quid ex hoc, quid ex illo virtutis discere, quod tibi maximè vsui sit, quid sapientiæ possis. *Hecine vera, &c. vt sup. p. 7.*

PUNCTVM IV. Considera quā suauis sit amicitie boni, quā dulce eius solatium, idcirco hortatur Ambr. dicens: habeas amicum cui pectus aperias, cui arcana communices, cui secreta tui pectoris committas, vt colloces tibi fidelē virū, qui in prosperis gratuletur, tibi in tribulibus compatiatur, in persecutionibus adhortetur. Secundò cōsidera nihil potentius esse amore: itaq; etsi amicitia vtilitatē nō spectet, nihilominus vtilissimā esse cū omnia bona cōmunia facit, & perpetuā & iucundā eorū possessionem, vsum, ac fructum. Itaq; si desideras alienis bonis

*Amicitia
est ob vir-
tutem.
Cicero.*

*Ambr. l. 3.
offic
Solutiū ex
amicitia
magnum.*

*Amicitia
vtilitas.*

*Amicitia
omnibus
proponenda.*

*Amicitia
amore ac
quiritur.*

Seneca.

2. Cor. 6.

Eccli. 6.

Prou. 8.

bonis frui, si optas fauorem, stude omnes amore præuenire, ac deuincire concertatione beneuolentiæ, nullo enim nummò commodius amorem etheris, atq; amore. Eum si obtinueris, & cor hominis possideris, quid erit amici tui, quod tuum etiam non erit? attamen amicitia ac beneuolentiæ stude, non tua quærendo, sed ut proximo tuo placeas in bonum, ut cum eo propter Deum coniunctus sis, & certò possidebis illum. O quanta industria charitatis! quàm utilis mortalibus, quàm grata, quàm iucunda, quàm Deo accepta! Tertio considera, hinc sequi, omnium iacturam esse libenti animo facientem, ut charitas cōseruetur, quia si illius integritas seruatur, omnia salua sunt apud Deum & homines. Quartò considera, quanta insania eorū, qui per simultatē verbo vno, repulsā vnā amicitias violant, se ipsos enim ob hoc priuant maximo humani generis bono, quod certè naturæ instituto omnes vehementer desiderant, id est, amari etiam ab hoste. Et verò qui se vleisci cupit, si spectes finem, quid aliud petit quàm amari? iniuriā illatam non esse? id est, amatum perpetuò amicum etiam fuisse, vel amicitiam reparatam? scilicet, per amorem. Nam dona, officia, obsequia delata, si animus eius qui præstat sit aduersus, officiunt, non placent. Illud verò attende, nullo amorem imperio aut vi extorqueri, nullo etiam pretio, nullā arte comparari, quàm beneuolentiā, & amore. Monstrabo tibi, ait Seneca, amatorium sine medicamento, sine herbā, sine vilius veneficæ carmine; si vis amari, ama. Huc omnia à Deo & naturā directā, ab hominibus ordinata, vrbes, vici, familiæ, leges. Itaque statue inuiolatam in omnibus seruare, cum omnibus quoad fieri potest pacem habere, nemini dare vllam offensionem, insuper omnes deuincire propter Deum, serioq; vias ac modos accommodos ad hoc inuenire, omniaque præ amicitia vilia habere. Amico enim fideli nulla est cōparatio, & non est digna cōparatio auri atque argenti contra bonitatem fidei illius. Nam frater qui

qui adiuuatur à fratre, quasi ciuitas firma. Væ autem soli, quia cùm ceciderit, non habebit subleuantem se. Amicus verò fidelis protectio fortis; qui autem inuenit illum, inuenit thesaurum. Et rursum: Amicus fidelis medicamentum vitæ & immortalitatis: qui metuunt Dominum inuenient eum. Fatuo autem, vt ait scriptura, non erit amicus, & non erit gratia in bonis illius: qui enim edunt panem illius, falsæ linguæ sunt; quoties & quantum irridebunt eum? Nemo enim potest, ait Augustinus, veraciter amicus esse hominis. nisi fuerit ipsius primitus veritatis; quòd si gratis non fiat, nullo fieri pacto potest. *Aspira*, vt sup. p. 8. *Hæcine firmâ fide*, &c. ibid.

Eccles. 4.
Quanti sit
amicus sincerus.
Eccli 6.

PVNCTVM V. Considera suauissima illa verba bonitatis infinitæ loquentis ad cor tuum: Iam non dicam vos seruos, vos autem dixi amicos, quia omnia quæ accepi à Patre meo, nota feci vobis. Pro hoc ergò, & eius amicitia zela in te & proximo tuo. Eructauit ille tibi abscondita à constitutione mundi, sapientiam, inquam, suam communiuicavit nobis, de quâ Sapiēs: Infinitus est thesaurus hominibus nempe sapientia, quâ qui vsi sunt, participes facti sunt amicitiae Dei propter disciplinæ dona commendati. Vide igitur, quomodo hunc amicum præ omnibus conseruare debeas, & caue obsecro, amicus esse huius sæculi: amicitia enim huius mundi inimica est Deo. Caue vllius hominis gratiâ Deum offendere, legem aut regulam prætergredi, & illius beneuolentiam perdere. Ille enim solus verè amicus & medicamentum animæ, & immortalitatis: amicitia autem hæc inter omnem animam piam & IESVM, conciliatur, at maximè religiosam, hæc enim cum eo communia habet omnia, huius cum eo conuersatio in cælis est, cùm iam sit facta ciuis sanctorum, & inter domesticos Dei annumerata. Angelum item custodem fidelissimum, aliosque patronos sincerissimâ charitate prosequere, & imprimis beatissimam matrem, quæ non

Ioan. 15.

Sap. 7.
Amicitia
Christi
quarenda
præ omni-
bus.

Iac. 4.

Amicitia
sæculi mala.

dedignatur nos amicitia suâ, quando filius eius amore nostri dignatus est mori.

Exercitium pro amicitia fideli & verâ consequenda.

Ioan. 13

Dixisti, Domine, quod in hoc cognoscet omnes discipulos tuos si dilectionem habuerint ad inuicem. Habeo ne illâ?

Ioan. 3.

Estne ullus, quē auersor, & non diligō in te corde sincero? Absit, absit, vt oderim quemquā, & non viuā tibi, qui enim non diligit, manet in morte, & qui fratrē suum odit, in eo charitas tua non est, sed odit te; quod abominor, & detestor, & eiuro. Veniat mihi mors, ô vita mea Iesu, veniat potius quàm non diligā te in te, & in omnibus, cū sis mihi omnia in omnibus. Amo te, ô amor, diligo te omne bonū. Quero te salus mea, & placere volo tibi, & gratus offerre tibi sacrificiū hodie laudum & cordis, & mentis meæ, & reddere tibi altissimo vota mea. Audi Domine de profundis clamantē ad te, & exaudi vocem

Marc. 12.

meam, & fac vt diligā te; diligere enim te, & proximū, maius est omnibus holocaustis, & sacrificiis. Nihil vtilius homini, nihil gratius tibi, quàm si simus in charitate radicati, & fundati, vt possimus comprehendere cum omnibus sanctis, quæ sit latitudo, longitudo, sublimitas, & profundū, vtque tibi seruire possimus humero vno; omnis enim amicitia nostra ad hoc dirigi debet, vt seruiamus & placeamus tibi, & amici tui simus. Si quis aliud à me poscat, anathema mihi est: tuus enim sum ego, & justificationes tuas quasiui, & quero, quero ex nunc in toto corde meo.

Magna certē foret, & ter maxima dementia, amicum fieri hominis & mundi huius, & inimicum tuū constitui: quid enim tribuere, aut veri solatiū, aut subsidii potest quispiā, nisi tu dederis ei? Ideoq; iusto tuo iudicio, Deus meus, fieri videmus, vt quos charitas non coniungit, sed vanitas; non tui amor sed mundi; perseverare in amicitia nequeant; immo nullos magis experiatur aduersarios, quàm illos, quos non propter te dilexerunt: vt omnino attendere oporteat eos admonitū illud Prophetæ tui, Vnusquisque se à proximo suo custodiat, & in omni

Ierem. 9.

fratre

fratre suo non habeat fiduciam; quia omnis frater supplantās supplantabit, & omnis amicus fraudulenter incedet, & vir fratrem suū deridebit, & veritatē non loquetur. Sed, tu Domine, fidelis es, & amicus in tempore obductionis, & quāvis videas hoc imperfectum meū N. me tamen amas, & visitas me, & panis Angelorum dignaris fieri cibus viatorum. Viator enim sum, & peregrinus & aduena, sicut omnes patres mei. Quādo veniā & apparebō ante faciem tuam? fuerunt mihi lacrymæ meæ paves die ac nocte, dum dicitur mihi quotidie, ubi est Deus tuus? Hæc recordatus sum, & effudi in me animam meā, quoniam transibo in locū tabernaculi admirabilis vsque ad domum Dei, & tu habitabis in medio mei. Verūm exclamat illa: Filii matris meæ pugnaverunt contra me. monet alter: noli credere amico, noli confidere in duce. Dum ergo transeo, dum propero ad te hodie, cōcede mihi, Deus meus, in viā hāc, vt tales peregrinationis socios acquirā, qui non retardent iter meū ad te; sed quī, si cecidero, fulcire me possint; si ager fuero, recreare. Amicus enim fidelis medicamentū vitæ & immortalitatis; & qui metuent te, Domine, inueniēt illū. Da mihi ut inueniā, vt inuentum seruare possim, omnibus placere in bonū, omnes beneuolentiā sic coniungere mihi, vt unum simus tecū, sit nobis cor vnum, & anima vna, & spiritus vnus, quod idem sentiamus, dicamus, idem velimus. velle enim & nolle idē, amicitia est: id autē erit, si nihil velimus, nisi vt fiat sancta voluntas tua, beneplacens, & perfectā, & amici optemus fieri tui, in quo vno omnia habentes, ad aliud suspirare poterimus, aliud amare? quid enim nobis est in celo, a te quid velle possumus super terram? O IESV, ō IESV, tu spes, tu solatium, tu refugium, amicus meus in æternum & omnia, Amen.

Applicatio ad Communionem.

Psalm. 42.

Cant. 1.

Ecclesi. 4.
Eccli. 6.

Rom. 12.

Psalm. 72.

Praxis in amicis deligendis.

Prima Seriō circūspicere qui in amicos tibi deligēdi sint, ac primò quidē, ut dixi, probi sint oportet. Secūdo, firmi ac stabiles; viriosi autē eiusmodi numquā esse possūt: stultus enim, & peccator, vt luna mutantur. Sustine itaq; ait Cicero, consilio cursum beneuolentiæ, & amicos tentā priusquam in amicitiam recipias perfectam. Si possides

Probi amici eligendi

Eccli 27.
Cicero.

- Eccli. 6.* amicum, ait Sapiens, in tentatione posside eum, & ne facile credas ei. Tertiò, eligendi fideles: cum illis enim uti nobis loquendum, ita & agendū sapientes censent. Mulierosi igitur, & ebriosi, & detractores idonei non sunt: horū enim multiplex ingenium, & tortuosum fidum esse non solet. Quartò, eligendi qui utilitatis suæ causā amicitiam non ambiunt, sed honestatis: illi enim instabiles fortunam sequuntur; quæ si fauerit, multi numerantur. Quintò, eligendi humiles, non fastuosi, non detractores, nam inter superbos semper iurgia & æmulatione: maledicus verò, & grauis aliorum censor, præterquā quòd manifeste arrogantiam fateatur, mordebit te ut coluber in occulto. Quid enim? illū qui pro proximo debet auimam ponere, & multis plurimū debet, ac nihilominus detrahit, eosque contēnit: tu eum fidū putabis? Canis macello assuetus, ubi occasio datur, ad ingenium redit, nec parcat heri sui catnibus; nec maledicus & iussurro amico suo. Ad quod appositè Bernard: Ego, inquit, in hoc sensu puto appositū, Recti diligunt te. Nec absurde, ut æstimo, cum ubiq; poenē in choro adolescentularum tales inueniā, quæ acta sponsæ curiosè obseruent, derogandi nō imitandi causa; torquentur in bonis seniorum suorum, malis pascuntur. Videas ambulare seorsum, conuenire sibi & sedere pariter, moxq; laxare procaes linguas in detestandū susurrum. Una vni coniungitur, nec spiraculum incedit in eis: tanta est libido detrahendi, audiendū detrahentem. Ineunt familiaritatem ad maledicendū, concordēs ad discordiā: conciliant inter se inimicissimas amicitias, & pari cōsentaneę malignitatis affectu celebratur odiosa collatio. Haud secus egēre quondā Herodes & Pilatus, de quibus narrat Euangelium, quia facti sunt amici in illā die, hoc est, in die Dominicę passionis. Conuenientibus sic in vnum nō est Dominicā coenā manducare sed magis propinare & bibere calicē demoniorū: dum importantibus linguis alienæ perditionis virus, aliorum aures intrantē mortē libenter excipiunt. Sic quippe, iuxta Prophetā, intrat mors per fenestras nostras, cum prurientes auribus & oribus, lethale poculū detractionis inuicē nobis ministrare contendimus.
- Rom. i.* Non veniat anima mea in concilio detrahentium, quoniā Deus odit eos, dicēte Apostolo, Detractores Deo odibiles.
- Diffuenda quandoq; e amicitia.* Secunda. Obserua, quòd si iam aliquos habeas amicos non bonos, diffuendā potiùs, quā discindendam amicitia, ad omnes quidē beneuolos semper esse licet, & conuenit; sed in familiaritatem, & crebrum colloquium, nō nisi bonos admittere, qui secus facit, nec animę suę cōsultat, nec famę, cū quisque talis meritò habeatur, quales ii quorum con-

consuetudine delectatur. Qui timet Deum, ait Sapiens, *Eccli. 6.*
 æquè habebit amicitiam bonam: quoniam secundum illum
 erit amicus illius. Aduerte tamen, vitia ac defectus; sine *Vita amici*
 quibus nemo viuit, esse dissimulandos. Amici, dicitur, vitia *dissimulā-*
 noueris, nō oderis. Et quæ viderunt oculi tui, ne proferas in *da.*
 iurgio, ne postea emendare non possis, cum de honestaueris
 amicum tuum. à suspitione maximè caue; illa enim ami- *Prou. 26.*
 citiæ venenum est.

Tertia. Aduerte etiam, amicitiam exigere, vt proximi
 quis bona, quibus potest & licet modis, promoueat; proin- *Officia*
 de serio stude illius commodis ac profectui. Deinde verbis *amici.*
 dulcedinē præfer. Verbum enim dulce multiplicat amicos, *Eccli. 6.*
 & mitigat inimicos. Et sicut mittens lapidē in volatilia, de- *Eccli. 22.*
 iecit illa: sic & qui conuiuiatur amico, dissoluit amicitia. Ad *Quæ vitia*
 amicum etsi produxeris gladium, non desperes: est enim *in amicitia*
 regressus. Ad amicū, si aperueris os triste, ne timeas: est enim *cauenda.*
 concordatio, excepto conuitio & improprio, & superbiā, *Eccli. 22.*
 & mysterij reuelatione, & plagā dolosā; in his omnibus
 effugiet amicus. Quis infert plagam dolosā, nisi qui denu-
 dat arcana, & amici fidē perdit? & nō inueniet amicum ad
 animum suum. Denudare amici mysteria, desperatio est
 animæ infelicitis. Audisti ergo verbum aduersus proximum
 tuum? commoriatur in te, fidens quoniam non te dirumpet. *Eccli. 19.*
 Præterea corripe amicum, ne fortè non intelligat te, & di- *Secretum*
 cat, Non feci; aut si fecerit, ne iterum addat facere. Postre- *seruandū.*
 mō, in angustiis eum ne deseras, sed fidem posside cum a- *Eccli. 22.*
 mico in paupertate illius, vt in bonis illius lateris. In tem-
 pore tribulationis illius permane illi fidelis, vt in hæredita-
 te illius cohæres sis. Multi colunt personam potentis, & est
 amicus secundum tempus suum, & non permanebit in die
 tribulationis. tu autem ne derelinquas amicum antiquum;
 nouus enim non erit similis illi. *Dignatus es, &c. vt sup. p. 10*

JACVLATORIE.

Eripe me Domine ab homine malo, & ab iniquo & doloso *Psal. 139.*
 eripe me.
 Eripe me de operantibus iniquitatem, & de viris sanguinum sal- *Psal. 58.*
 ua me.
 Eripe me de inimicis meis, Deus meus, & ab insurgentibus in me, *Ibid.*
 libera me.
 Non adhasit mihi cor prauum, declinantē a me malignū non co- *Psal. 100*
 gnoscebam. Detrahentem secretò proximo suo, hunc persequē-
 bar superbo oculo, & insatiabili corde, cum hoc non edebam.

CAPVT XXIX.

Meditatio de Familiae delectu, atq; eius gubernatione, magno in viâ Dei præsidio.

COMPOSITIO LOCI erit, considerare se stantem coram Deo, cui ille committat aliquot conseruos, ad hoc tamen, vt soli seruiant sibi. ORATIO, vt suprà.

Omnis potestas a Deo.

PVNCTVM I. Considera Primò, omnem potestatem esse à Deo : nihil enim fortuitum in hoc mundo, sed ex certâ scientiâ, potentia, opes, scientia (ob hæc enim alii aliis subjiuntur) ab illo tributa sunt ; quo vero fine ? eo scilicet , quo Princeps committit cohortes ducibus suis, non vt contra se militent, sed vt pro se, etiam sacramento adacti; vtque sanguine in pro imperio, pro honore suo generosè profundant, & ad hoc instituantur. vel eo, quo pater filiis pædagogos dat, qui eos instituant, & corrigant , ac ducant ; hoc enim dominorum, hoc patrum-familias, hoc eorum qui alios docent. Secundò, quomodo generosi viri suis cohortibus studeant, præclara facinora facere quanta gloria illis sit , ciuitates intercipere, hostes subigere, id applica familiæ, scholæ, &c. Considera verò quos subditos habeas , & quantum, si velles, ad Dei gloriam iis præstare posses. Quis nescit, aliquando vnum ludimagistrum corrumpere posse non vnâ ciuitatem, sed prouinciam? similiter & iuuare, discipulis vt pietatis incentoribus submissis ? quis nescit è famulis dominos, è mancipiis Reges non semel factos, è discipulis ad omnes dignitates materiam præparari ? Instituire ordinem , & formulam rectè viuendi tradere, multos eâ ad virtutis perfectionem adducere , opus est grande: sed & per eum quasi ordinem instituit Deus, per quem seu dominum , seu herum, seu magistrum, plurimo ad pietatem promouet, spargitque in Republ. optima semina. Tertiò , quanta necessitas domino incumbat familiam sic ordinandi atque instituendi , vt Deo ac Domino nostro accepta sit, & militet, non hosti : etenim fi-

deiussor

O quantum boni præstare superior potest.

deiusor est profuis herus; & vñ, si negligentia tuã, si exemplo, pereat filius tuus, seruus tuus & discipulus tuus, idemque discipulus Christi, seruus Christi, filius Dei: etsi ipse cætero quin bonus sis, innocens non eris; sed damnaberis alienã vitã, qui absoluendus propria fueras. Nõne tibi potestas, domus, opes concessæ, vt stipendium à Principe, vt tu Deo tuique seruiant? *Hæcine vera, &c.* vt suprà pag. 7.

PUNCTVM II. Considera esse necessarium, vt probi sint subditi, discipuli, delectum (qui in filios non cadit) vt boni eligantur, aut minimè mali. quis enim cum perduellibus ad bellum tendet? quis cum epibatis vitiiosis & infirmis tempestuosum conscendet mare? Equid in famuli, discipuli, eidem naui tuæ impositi sunt, quasi in cohorte tua sunt, quã aggrediendus tibi est hostis grauissimus diabolus: nõne enim militia est vita hominis super terram? vt Job ait, qui verò commilitones, nisi famuli, discipuli, subditi? Vide ergo quã utile ac necessarium sit delectum hunc facere. Omnem enim sæpè industriam ac robur vnus in militia Achan, qui turbauit tota castra Israël, inertem & inanem facit: propter vnum Ionam fugientem à facie Domini naufragium fit nisi ejiciatur: vnus improbus sæpè familiam perdit, pietatem omnem ac vigilantiam heri eludit. Quantum in discrimen venit familia Iacob, ob deos alienos quos Rachel occultarat? Secundò, quia certissimum est; eum solum fidelem atq; obsequiosum heri minori, qui magno sit Deo; domino conseruo, qui summo Regi; se pascenti, qui se creanti; se hinc remuneranti, qui largissimo remuneratori fidelis est. Tunc putares filium viri optimi tibi fore fidelem, qui patri esset infidelis & iniurius? Tunc putares tibi soluturum debitorem mille, cui minimo titulo obligatur ac spontaneo; qui ei, cui infinitis titulis obligatur, ne rem minimã restituere quidem velit? Tu in præceptis grauibus pariturus, qui Dei mandatis, quæ grauiora non sunt, ipsius Veritatis ore,

Iosue 7.

Ion. i.

Gen. 35.

Ille solus
Domino
suo fidus
qui Deo.

Matt. xi.

*Quomodo
famuli
conducen-
di.*

*Seruus bo-
nus est sa-
lus fami-
liae.*

*Gen. 30.
Exod. 2.*

*Qualis he-
rus & pa-
ter famili-
as esse de-
beat.*

Isaia 32.

*1. 2. Confid.
ad Eugen.*

1. Reg. 15.

non obedit? Tertiò, quàm turpe te conseruum pacisci de obsequio tuo, dum seruum conducis, & de communis Domini seruitio minimè sollicitum esse? Tu dux cohortis es, exempli causâ, vis in verba tua iurare militem, & non Principis? Tu seruus Domini exercituum, missus vt operarios in vineam eius eligas, quorum præstes noxas; vide igitur an illi utiles sint Domino. Procurator es; vide negotium geras non tuum, sed Domini tui. Vides viros in Repub. principes familias suas suo insignire colore, & gaudent ac volunt colore suo signari seruos suos, & pudet eos obligare, vt gerant signa summi Regis? Quartò, aduerte sæpè vnum verè bonum toti familiae salutem adferre: nòne propter Jacob domui Laban benedixit Dominus? propter Moysen domui Iethro? *Aspira*, vt supr. pag. 8. *Haccine firmâ*, ibid.

PUNCTVM III. Quomodo præterea ad familiam ordinandam necessarium sit eum qui præest, præluere exemplo ac præire. quâ enim fronte hortabitur seruum ad Dei obsequium, qui efficaciter exemplo suo trahit ad dæmonis seruitium? Hinc Saul cùm electus est, dicitur non fuisse vir de filiis Israël melior illo: ab humero & sursum eminebat super omnem populû. humerus fortitudinẽ, collû & guttur efficacitatẽ iubendi notat. Hinc Isaias ait: Princeps ea quæ digna sunt Principe cogitabit. Caput in statuâ Nabuchodonosoris erat aureum, ita familiae sit oportet. Móstrosa certè res, vt Bern. gradus summus, & animus infimus; sedes prima, & vita ima; lingua magniloqua, & vita otiosa; sermo multus, & fructus nullus; vultus grauis, & actus leuis; ingens auctoritas, & nutans stabilitas. Et certè tristes res & lacrymis digna, quo maior aliquando quispiam est, eo minus bonû; quo diuitiis potentior, eo vitiis infirmior, quo honore ac gloriâ apud homines illustrior, eo magis apud Deum vitâ ac moribus dedecoris esse plenû. Ecce, cùm paruulus esset in oculis suis Saul, caput in tribubus Israël factus est; exaltatus autẽ, incrassatus & dilatatus, recalcitrauit.

Secund

dò, sollicitudo Superioris magna requiritur ac vigilan-
tia, nam velut speculator constitutus est in turri quis-
quis præest, & velut nauarchus ad clauum prospicere de-
bet pericula. Si itaque claudis diligenter arcam pecunię
aut arcem; longè potior tibi esse debet anima famuli,
discipuli, subditi, pro quâ rationem redditurus es. ne Galat. 6.
que ita te excusa, Vnusquisque onus suum portabit;
hoc onus tuum est.

EXERCITIUM.

DEus Patrum meorum, & Domine misericordia, qui fe-
cisti omnia verbo tuo; & sapientiã tuã cõstituisi homi- Sap. 2.
nẽ, vt dominaretur creaturæ quæ à te facta est, vt disponat orbẽ
terrarũ in equitate & iustitiã, & in directione cordis iudiciũ
iudicet; da mihi sedium tuarum aſſiſtricem sapientiam, & noli
me reprobare à pueris tuis. Eia quaſo reſpice ad orationẽ ſer-
ui tui, & preces eius; tu enim dedisti mihi has animas, ego au-
tem ſum puer paruulus ignorans egreſſũ & introitum meũ :
da ergo ſeruo tuo cor docile, vt diſcernere poſſit inter bonũ &
malum. Da mihi ſapientiã & intelligentiam vt ingrediar &
egrediar coram populo tuo. Quis enim poteſt populum tuum
dignẽ iudicare niſi tu faueas ipſumq; adiuues? vtinam omnia
oſſa mea dicant: Domine, quis ſimilis tui! Vtinam omnes quos
commiſiſti mihi, ſeruiant tibi in toto corde ſuo!

Etenim ſi neglexero, ſi perierint exemplo meo, ſanguinem
eorum de manu mea requires, & ſeueram rationem exiges in
die furoris tui. Sunt enim filij tui, ſunt pretium ſanguinis tui,
ſerui vel ſubditi, ſed & conſerui mei; & forſitan quia humilia-
res, in æternũ ipſi Domini futuri, & ego ſeruus, ipſi primi, &
ego nouiſſimus; ipſi Principes in accubitu ad menſam tuam. &
ego iubebor cum rubore nouiſſimum locum tenere. Peruiſilo
nunc ego quaſi rationẽ pro animã redditurus; ſi lapſus quis
fuerit, erit anima mea pro animã illius. Maiorẽ charitatẽ ne-
mo habet, quàm vt animã ſuam ponat pro amicis ſuis. Ergo
cũ ita velis, & quia vis, ego nõ ambitioſe, ſed ſolũ quia iu-
bes, animã meã pono pro ouibus meis, & magis pro te aman-
tiſſimo Paſtore meo, quia animam tuam poſuiſti pro me, &

venisti, & ecce iterum & iterum venis, & accurris quotidie in sacrificio Missæ, vt vitam habeam & abundantius habeam. Eia Pastor bone, cognosce oves perditas, & cognoscant te tua, ego gratiâ tuâ tuus sum, sonet vox tua in auribus meis, & suscipe animam meam, imò omnes; pro omnibus enim paratus sum meam ponere gratiâ tuâ, & propter te. Nónne enim vita mea abscondita tecum est, Christe IESV, in Deo? Serua eam, Seruator nri, & non intres in iudicium cum seruo tuo, quia verè sincero corde eligo abiectus esse potius in domo tuâ. Concede ergò mihi, mihi quem ita præuenisti benignitate tuâ & amplexu tuo, concede Domine Dominantium stare super custodiam meam, vt te latus venientē excipiam; vineam meam sic custodire, vt bibas vinum in letitiâ ex eâ, & sic aliis præesse, vt prodesse queam, & eos ad te perducam, vt cantent tibi canticum letitiæ, & exultationis, & laudent te mecum.

Da mihi verò vt sicut minimus sum seruorum tuorum, ita verè parvus sim in oculis meis, & inueniam quod vnum quero & cupio, gratiam in oculis tuis. Scio & contremisco, dum
 1. Tim. 5. te in Apostolo audio dicentem: Si quis suorum, & maxime domesticorum curam non habet, fidem negauit, & infidelis est deterior; & tu visitabis super omnem qui arroganter ingreditur. Hac igitur, dulcissime IESV, subtilissima ars viuendi est, culmen tenere, & gloriam premere; esse quidem in potentiâ, sed potentem se nescire; ad largienda bona potentem se cognoscere, ad rependenda noxia omne, quod potenter valet, ignorare. Sed, tu, Domine, cuius solius magna potentia est, & à quo est omnis potestas, & omnis paternitas in celo & in terrâ nominatur, conserua me, quoniam Deus meus es tu: conuertere eos quos dedisti mihi, vt non perdam ex iis quemquam, sed querant nomen tuum & gloriam tuam, & sciant, quia tu es Dominus, & non est alius. Da in mansuetudine perficere opera mea, vtque alter alterius onera portemus. Monuisti me, dicens, Diligenter agnosce vultū pecoris tui, tuosque greges considera. Vtinam, Domine, fructum omnem, quem facere possunt, sedulo colligam! vtinam omne quod eis nocere potest, studiosè auertam! vtinam etiam anathema esse possem pro
 Eccli. 3.
 Galat. 6.
 Prou 27.
 Rom 9.
 fratribus

fratribus meis, vt agnoscant & diligant te! Venite, filij, audite me, timorem Domini docebo vos. Sperate in eo omnis congregatio populi, effundite coram illo corda vestra. Deus adiutor noster in aeternum. Accedite ad eum, & illuminamini, & facies vestrae non confundentur; apprehendite disciplinam, ne quando irascatur Dominus, & pereatis de viâ iusta. Sed tu, Domine Deus, obsecro te per viscera misericordiae tuae, operi manuum tuarum porrige dexteram tuam, vt seruiamus tibi corde perfecto atque verissimo, omnibus diebus vitae nostrae. Amen.

Psal. 33.

Psal. 61.

Psal. 33.

Praxis ad familiam ritè ordinandam.

PRima est, diligenter considerare & sæpè, quanti sit anima vna, & quibus modis domesticorum, & nobis commissorum animas iuuare possimus, atque à Domino humiliter petere pro iis gratiam necessariam.

Considera
quanti vna
anima.

Secunda. Quoties in familiam aliquis admittendus est, pacisci cum illo de Dei obsequio perinde ac nostro. nimirum vt cõfiteatur & cõmunicet saltem quolibet mense, ne nostri amantiores esse quàm Domini nostri deprehendamus: quod si dyscolus euadat, aliisque noxius sit, eliminandus est. Exemplum illustre tibi dabit S. Elzearius, de quo Surius in vita eius 27. Septēbris: qui velut nouus paterfamilias, nouo quodam modo coepit suae familiae praesidere, nouasque

Nota &
paciscere
de Dei
obsequio.

Surius.

morum plantulas inferere, & transgressoribus poenas proponere. Primò constituit, vt omnes e sua domo tam mares quàm feminæ quotidie vt minimum Missam vnâ integrè audiant. Secundò, vt viuant castè & purè: qui secus facerent, eos suâ domo expellebat: nolebat enim vt quisquam pane suo vesceretur, què sciret peccato mortifero implicatū, ne alios inficeret. & ne illius peccatū ipse fouere videretur. Tertiò, vt nobiles, & milites itemque virgines & matrone, qualibet hebdomadâ semel cõfiteantur peccata sua, & singulis mensibus deuotè percipiant Eucharistiae Sacramentū. Quartò, vt eedē virgines & matrone manè vsque ad prandium precibus & piis exercitiis vacent: à prandio manuariis operibus sese occupent. Quintò, vt nemo ausus sit blasphemare Deū, sacrosanctā Virgine, vel aliquē Sanctorum: nec quisquā falsò iuret, aut viriosè & leuiter absque causa, nec impudica vel inhonesta verba proferat. Sciebat enim ex Sapiente mortē & vitam esse in manibus linguae: & ex Apostolo, corrumpere bonos mores colloquia praua. Huius constitutionis violatores hâc ratione puniri voluit,

Exemplū.
S. Elzeary.

Prou. 18.

1. Cor. 15.

vt

vt vel toto prandio coram aliis sederent in terra, solo pane & aqua contenti, vel toto die in cubiculo manerēt iclusi, communi cibo vescētes. Sextò, vt nulli fas sit ludere tessēris, aut alio vti lusu illicito, turpi ac inhonesto, si quis contra fecisset, grauis illum pœna manebat. Septimò, vt omnes à sua familia, pace, amicitia & concordia inter se fruuantur, alius aliū nō offendat, neq; verbo neq; facto: si quid à quouam aliter sit attentatum, mox cum offenso redeat in gratia. atq; vt id fieret, nō mediocriter ipse dabat operā: reos autem pro ratione culpæ puniebat. Octauò, vt quotidie à prandio, vel alia hora vespertina, nisi legitimū impedimentum inciderit, fiat aliqua collatio inter illos, ipso præsente, de verbis Domini pro animarū informatione. In eo autem colloquio, dū vnus aliquis loquitur, cæteri orēt pro illo in cordibus suis, vt Deus illi subministret sermonē, ex quo omnes proficiāt: nec quisquā audeat sic loquētis verba interrūpere, aut aliter impedire. id si quis nō obseruet; à tā pio colloquio excludatur, donec emendatus ab aliis reuocetur.

*Lectio pia
fiat in
familia.*

Tertia. Ad orationem aliquam saltem vespertinā curare vt conueniant. quod S. Carolus Borromæus per totā diœcesim suā introduxit. idem est de lectione aliqua libri pij, vesperi, maximè dum familia conuenit, quod à multis vsurpatur.

*Pietati
dandum
præmium.*

Quarta. Curare vt libri pij in manibus sint, & ad manum, & ad conciones, aliaque pietatis exercitia mittantur.

Quinta. Ut præmia pietati ac probitati tribuantur, atq; adeò nihil quoad fieri potest, nisi eo fine cōcedatur, vt melior fiat qui accipit, ac corporalia accipiendo ad spiritualia inuiteretur: idque quantum valeat in pueris, vix credi potest.

*Tob. 4.
Educatio
filiorum
quanti sit.*

Sexta. In familia sunt liberi, sunt serui: liberorum verò habenda ratio maxima, vt benè educantur, videte, nōne qualis furculus, talis arbor? Educationis formam dedit Tobias: Honorem, ait, habebis matri tuæ omnibus diebus vite eius; memor enim esse debes, quæ & quanta pericula passa sit propter te in vtero suo. Cum autē ipsa compleuerit tempus vitæ suæ, sepelias eam circa me. Omnibus autem diebus vitæ tuæ in mente habeto Deum, & caue ne aliquando peccato consentias, & prætermittas præcepta Domini Dei nostri. Ex substantiâ tuâ fac eleëmofynam, & noli auertere faciē tuā ab vilo paupere; ita enim fiet, vt nec à te auertatur facies Domini. Quomodo potueris, ita esto misericors. Si multū tibi fuerit, abundanter tribue; si exiguū tibi fuerit, etiā exiguum libenter impertiri stude. præmiū enim bonum tibi thesaurizas in die necessitatis, quoniā eleëmofyna ab omni peccato, & à morte liberat, & non patietur

*Tobie
exemplum
& monita.*

animam

anim ire in tenebras. Fiducia magna erit corā summo Deo eleēmofyna omnibus facientibus eam. Attende tibi, fili mi, ab omni fornicatione, & præter vxorem tuam numquam patiaris crimē scire. Superbiam nunquam in tuo sensu, aut in tuo verbo dominari permittas : in ipsā enim initium sumpsit omnis perditio. Quicumque tibi aliquid operatus fuerit, statim ei mercedem restitue, & merces mercenarij tui apud te omnino nō remaneat. Quod ab alio oderis fieri tibi, vide ne tu aliquando alteri facias. Panem tuum cum esurientibus & egenis comede, & de vestimentis tuis nudos tege. Panem tuum & vinum tuū super sepulturam iusti constitue, & noli ex eo manducare & bibere cum peccatoribus. Consiliū semper à sapiente perquire. Omni tempore benedic Deū, & pete ab eo, vt vias tuas dirigat, & omnia consilia tua in ipso permaneat. Noli timere, fili mi; pauperem quidē vitam gerimus, sed multa bona habebimus si timuerimus Deum, & recesserimus ab omni peccato, & fecerimus bene.

Cauendum autem Primò vehementer, ne videant aut audiant domestici, quod castimonix aduersetur. Quid? quod Iuuenalis poëta etiam hoc monet dicens:

Nel dictus sedum visusq hæc limina tangat

Intra quæ puer est: procul hinc, procul inde puellæ

Lenonum, & cantus pernoctantis parafiti.

Maxima debetur puero reuerentia.

A primâ pueritiâ instillanda vita Christi & Sapientix æternæ dicta, de charitate, humilitate, paciētia, liberalitate in pauperes. Absit verò vt anilibus (quod Plato vetabat) fabellis memoria prauulorum impleatur; Quartò satius vitæ Christi historia, maximè infantix! Beatus Hieronymus optabat posse primam formare pueritiam, quem de hac egregiè differentē lege. Secundò, obseruandæ sunt puero- rum inclinationes, & quibus recreentur, ac suauiter corrigendæ præmio proposito. Baleares pueros suos, nisi fundâ suâ dextrè vsi fuissent, cibo priuabant; ita omnia, etiâ necessaria, parentes pueri largiri possent, præmiumque virtutis alicuius aut honestatis statuere, vnaque quod dicitur, fidelâ duos dealbare parietes. Tertiò, quanta sit iam cura adhibenda in nutricum corporis & animi, seu magistrorū delectu, omnino omnibus in confesso est. Vitia enim illorū in pueros certò deriuantur: Alexander, vt fertur, in Leonidâ præceptore incessum non sat commodū est imitatus. Nero à nutrice crudelis esse didicit. Videāt omnes qui præsumunt aliis, & maximè magistri, quæ incumbat illis necessitas formandi suos mores ex virtute. Nō poterit certè ebrietati de-
ditus,

*Quid pueris instil-
landum.*

*Hier.ep.ad
Letam.*

*Præmia
pueris pro-
ponenda.*

*Magistri
& nutrices
bonæ salus
filiorum.*

Otium vi-
tandum
pue is.

ditus, luxuriæq; atque ambitionis mancipium magister esse
humilitatis & temperantiæ. Videant sibi se non viuere,
sed multis: vnoque suo defectu ac labe tot animas interire,
quot habent sibi commissas. Nullæ charybdes aut sytres
iuuentuti maiores, quàm pædagogus vel magister, si inge-
nio magno sint & moribus improbis. Otium omnino à pue-
ris arcendum est. idcirco ante omnia diuidere illis oportet
tempus, ita vt in pietatis, ciuilis vitæ exercitia, & recrea-
tiones dispertiatur, *Dignatus es*, vt sup. pag. 10.

IACVLATORIÆ.

Psal. 100.

Psal. 30.

Ibidem.

Psal. 21.

Psal. 33.

Tob. 4.

Psal. 100.

Ibidem.

Non habitabit in medio domus meæ, qui facit superbiam: qui
loquitur iniqua, non direxit in conspectu oculorū meorū.
Diligite Dominum omnes sancti eius, quoniam veritatem requi-
ret Dominus, & retribue, abundanter facientibus superbiam.
Viriliter agite, & confortetur cor vestrum, omnes qui speratis in
Domino.

Et anima mea illi viuet, & semen meum seruiet ipsi.

Timete Dominam omnes sancti eius, quoniam non est inopia ti-
mentibus eum.

Pauperem quidam vitam gerimus, sed multa bona habebimus, si
timuerimus Deum.

Oculi mei ad fideles terræ, vt sedeant mecum: ambulans in via
immaculata hic mihi ministrabat.

Non proponebam ante oculos meos rem iniustam, facientes præ-
uaricationes odiui.

CAPVT XXX.

Meditatio de Solitudinis bono.

PRÆLVDIVM I. Constitue te velut in deserto
cum Domino IESV ieiunante & orante.

PRAELVDIVM II. ORATIO pro subiectâ materiâ.

Solitudo
duplex.

Seneca.

PVNCTVM I. Considera duplicem esse solitudinem
animi, & corporis. Animi (quæ ab omnibus haberi po-
test) solitudo ea vocatur, quâ homo mentē auocat sub-
inde à rebus externis, & secū habitat, vt vulgò dici so-
let. Secessi, aiebat quidā, non tantum ab hominibus, sed
à rebus. Omnes enim vacant, qui volunt: neminē res se-
quuntur, ipsi illas amplectuntur, & argumentū felicitatis,
occupationem esse putant. hâc frui, etiam in turbâ
quis potest. Ita videmus aliquos ea quæ præsentia sunt
nec videre, nec audire, nec gustare. Alia est corporis, quâ
etiam corpore quis sese ab hominū separat consortio,
idque

idq; vt animi sanctam solitudinem consequatur, eum-
 que à terrenis ad cœlestia eleuet: iuxta illud, Sedebit so- *Thren. 3.*
 litarius & tacebit, quia leuauit super se. vide an hanc at-
 que illam ames, & quantum de vtraque consecutus sis.
 Qui enim solus esse nequit, vix vnquam spiritualis eu-
 uadet. Considera Secundò, quanti hanc mentis, vel a- *Quanti sic*
 nimi Sancti fecerint. Quid enim aliud Joannes Baptista *solitudo.*
 in deserto, Pauli, Antonij & tot Anachoretarum mil-
 lia, fuga mundi, & solitudinis amore testantur? Quis ad
 hoc eos impulit? Spiritus certè sanctus, cuius vocem
 aure cordis audierant, quam Arsenius etiam corporis
 acceperat clamantem: Fuge, late, tace. Imò vix vllus
 Sanctorum reperitur, qui non huius amans fuerit. Sed
 ante omnia intuere exemplum IESV Christi, qui ductus
 fuit à Spiritu Sancto in desertum post baptismum, & *Matth. 4.*
 quadraginta dies in eo permansit; præterea pernocta-
 bat in oratione, secedebat in montem ipse solus, & o-
 rabat, persèpè autem in montem Oliueti: sciebat enim,
 vt ait Ioannes, Iudas locum, quia frequenter IESVS *Ioan. 18.*
 conuenerat illuc cum discipulis suis. Sequere, imitare
 Dominum, & Sapientiam æternam. *Aspira*, vt sup. pag.
 8. *Hæcine firmâ*, &c. ibid.

PUNCTVM II. Considera quanta necessitas huius
 sit: etenim vti nulla negotia rectè in turba tractantur; *Solitudo in*
 ita minimè omnium quæ ad salutem pertinent. Si enim *re feriâ*
 nemo scribit sapientiam, nisi in otio: nemo rem tractat *queritur.*
 grauem, nisi secretum petat, seque interpellari, aut stre-
 pitum fieri prohibeat, immò etiam in mensa, in ludo,
 in somno optata quies est: quid non debet facere in
 salutis negotio is, qui eam amat? quid non pericu-
 la plurima efficere, & admonitio, & exemplum, &
 doctrina Domini IESV à te impetrare? Audi eum *Matth. 6.*
 monentem: Tu autem cùm orare vis, intra in cubi-
 culum tuum, & clauso ostio ora Patrem tuum in abs-
 condito. Audi per Prophetam loquentem: Ducam eam *Osee 2.*
 in solitudinem, & loquar ei ad cor; quasi in turbâ loqui
 non

4. Reg. 4.
Vidua de-
bitanequit
soluere: nisi
solitudine.

non sit solitus, aut certè non ad cor, vt conuertatur. neque profectum etiam largitur, nisi ei qui secessu captato, & clauso ostio considerat semitas domus suæ. Non poterat mulier illa Elisæi alūna debita dissoluere, nisi domo clausa oleum in vasa vacua infunderet. ac sæpè ob-
rui necesse est peccatis & debitis grauissimis hominem, nisi receptui aliquando canat. Nōne hoc Dominus, innuere visus Marci c. 6. cū discipulis in prædicatione occupatoribus dixit: Venite seorsum in desertum locum, & requiescite pusillum. *Hæcine vera*, vt sup. pag. 7.

Idcirco sanctus Franciscus in montem Aluernum, S. P. Ignatius in Cassinum montem secedebat, S. Martinus quotannis mensem vnum, exclusis omnibus, ab urbe insolitatio loco animum viresque colligebat: idem S. Carolus Borromæus factitabat, aliisque Sanctis ferè omnibus commune est & fuit. Hic expende iterum quo spiritu impulsī illi solitudinem ita amārint & que-
sierint, tantoque eam tempore incoluerint: nōne sancto? proinde solitudinis horrorem maximè in pio aut religioso ferè à spiritu maligno esse scias. Vis igitur Deū tibi ad cor loqui? vis legem viuendi ac normam certam cum Moyse accipere? solitudinem pete. vis IESVM trās-
æguratum videre? vis sponsum inuenire cum sponsa? egredere in agrum, relinque turbas, non tam corpore, quàm animo; corpore tamen etiam fuge, quantum vitæ tuæ ratio permittit. *Hæcine vera*, vt sup. pag. 7.

Dei vox nō
auditur in
turbâ.

PUNCTVM III. Considera attentius, vnde tam laudata solitudo corporis. Nempe quia animum extra se positum, reuocat ad se; & obsurdescentem diuinis vocibus obaudientem facit: ita vt quem antea non audierat, huius vocem audire incipiat, & virtutis dulcedinem in fonte degustare. E contrario vt musicæ in strepitu harmonia percipi nequit, nec loquentis vox: ita neq; Sancti Spiritus inspiratio, neque mentis gaudium absque solitudine potest degustari: imò nec homo consi-

consideratè aliquid facere potest, nisi in eâ. Quis pingere, scribere, discere valet in boario ac strepitoso foro? atque adeò nullum serium opus absque solitudine fieri potest; neque corpus commoda, neq; anima quietem capere. amâ igitur illam; & statue audire Deum loquentem ad cor tuum. Considera præterea quæ solitudinis sint ad salutem præsidia. Primò, is qui intra eâ se abdit, quia solatio hominum se priuat, diuinum meretur; quãti autem illud meritò æstimetur, per se manifestum est.

Deinde omnem ferè peccandi illecebrâ solitarius euadit. Imò quemadmodum curari peste infecti nequeunt, nisi à morbidis separentur; ita animus valere non potest, nisi separetur ab iis qui animò pestes circumferunt. Ideoque de se ait Propheta: Ecce elongaui fugiens, & mansi in solitudine. Solitudinem, aiebat Seneca, quærit, qui vult cū innocentibus viuere. Quid ita? inprimis, quia ibi linguâ offendere non potest: qui autem linguâ non offendit, hic perfectus est vir. quid? quòd etiã Philosophi illum proximum Deo putarunt, qui silere nosset, & ad summam perfectionis, breuiloquum, & rariloquum, & submissâ voce loquentem requirunt. Quoties, asserit quidam, inter homines fui, minor homo reddi. Silendi, ait Ambrosius, patientia, opportunitas loquendi, & cõtemptus diuitiarum, sunt maxima fundamenta virtutum. Adde, hominem ferè creaturæ amore in solitudine non inescari (minùs enim irritant longè posita, quàm quæ oculis subiecta sunt) adque adeò nec exemplo deprauari. vnde dicebat S. Antonius: Qui sedet in solitudine, & quisquit, à tribus malis eripitur, id est, auditus, locutionis & visionis. Et Arsenio dictum est, vt iam monui, Fuge, tace, quiesce; hæ enim sunt radices nò peccandi. Ea de causa monasteria petuntur, solitudines, Spiritu sancto instigante, quærentur, ac licet sæculares non possint pari passu ambulare, sæpè tamen aliquod tempus pietati ac lectioni piæ tribuere possunt: imò primum argumentum, cum Seneca, compositæ mentis in

*Quid ei,
quæ solitudi-
nē amat,
ipsa conse-
rat.*

*Solitudo
vitiōrū re-
medium,
virtutum
plantariū.
Psal. 54.
Seneca.
Iacobi. 3.
Silenti cō-
moda.*

Seneca.

*Ambr. l. 1.
de Offic.
In solitu-
dine rara
tentatio.*

*Athan. in
vita eius.
Nota.*

*Prima bi-
næ menti
nota amare
solitudinē.*

iis existimo, posse secum consistere, secum morari. Certe conuersio, quam neque auditis concionibus atque adhortationibus impetrare à se homo potuit; diei aut horarum aliquot secessu, ac consideratione non raro ab eodem obtinetur. *Haccine vera*, vt sup. p. 7.

*Solitudo
auget pru-
dentiam.
Seneca ep.
8.*

PVNCTVM IV. Considera, quæ solitudo insuper bona secum adferat. In hac enim homo ad se redit atque ad cor, suæque expendit & disponit prudenter, oculo mentis depurato; atque ita, qui nihil videtur agere, maiora agit. Præterea hoc pacto aptus redditur. Dei colloquio, illoque fruitur. Quid ultra sperare, aut optare potes, ô anima? dic enim, nonne illud suauius quam humanum arbitraris? cum illo inquam amantissimo Patre ac Domino colloqui, totius beatitudinis & bonitatis fontem degustare, cui per orationem homo coniungitur, sed raro nisi in solitudine. Vbi enim Eliæ, vbi Moyse locutus Deus? nonne in deserto? vbi Christus manifestauit gloriam suam? nonne in solitudine? Quod per Isaiam dignatus est promittere, dicens: Ponet desertum eius quasi delicias, & solitudinem quasi hortum Domini, gaudium & lætitia inuenietur in eâ, gratiarum actio, & vox laudis. vnde vere, vt August. ait, dulciores sunt lacrymæ orantium, quam gaudia theatrorum *Aspira*, vt sup. p. 8. *Haccine firmâ*, & c. ibidem.

cap. 51.

*In Psal.
127.*

*Exercitia
solitudinis
quàm iu-
cunda.
Hier. sup.
illud. Psal.
147.
Et ad pe.*

PVNCTVM V. Considera alia solitudinis bona; quæque sit voluptatis Sanctorum Patrum lectio, & quæ ex studio vniuersim hauritur scientia & cognitio. quàm dulcis enim cum illis collocutio? Nunc etiam vide inter alia solitudinis bona, quàm in eâ liber cæli aspectus, quàm iucundus terræ & terrenarum rerum despectus, in quo crebrò se exercere solitum scimus S. P. Ignatium, & suauissima cæli gaudia libantem, erumpere in has voces, Quàm sordet mihi terra, dum cælum aspicio! At quanto dulcius in solitudine, ac sancto otio post orationem: prata inambulare Scripturarum? nam vt D. Hieron. pinguiissimus est sermo diuinus omnes in se habens deli-

delicias: quidquid volueris ex diuino sermone nascitur.
 & rursus: Si quidquam est, quod in hâc vitâ virum sa- *super ep. ad*
 pientem teneat; & inter pressuras & turbines mundi *Ephes. l. i.*
 æquo animo manere persuaदेat, id esse primum reor me-
 ditationem, ac scientiam Scripturarum, *Haccine vera, &c.*
 vt sup. p. 7.

Non igitur molestia solitudinis timenda est, maxi- *Contra*
 mē cūm Sapiens, vt idem Hieron. nunquam solus esse *Iouin.*
 possit: habet enim secum omnes qui sunt, & qui sunt
 boni; & animum liberum quocumque vult profert & *Bonus nun-*
 transfert, & quod corpore non potest, cogitatione com- *quam solus*
 plectitur; & si hominum inopia fuerit, loquitur cum
 Deo. Nunquam bonus solus erit. Denique videri certē
 potest; neminem in terram sanctam veræ perfectionis, *Solitudo*
 aut veræ beatitudinis peruenire, nisi per mare rubrum, *quā neces-*
 id est Christi merita, & desertum, solitudinem saltem *saria patet*
 animi, quæ ægrè nisi ea quæ corporis est aliquando co- *ex viâ de-*
 latur, acquiritur: hæc autem sine illâ, nullius pretij est. *ferti.*
 nam quid prodest, ait Seneca, totius regionis silentium, *Seneca ep.*
 si affectus fremant? Vtinam hæc consideraret amans *6.*
 pietatem, maximē Religiosus, & delectaretur, quiete
 potius, quàm concursatione; nisi quoties vrget charitas
 atque animarum zelus! Si enim SS. Patres, Pauli, An-
 tonij, conuersationem hominum detrimentum spiri-
 tus sentiebant; quid accidet nobis miseris, si non zelo,
 sed vt tædium leuetur, solatiola quærantur, otium san-
 ctum & quies deseratur? O si scirent quantum in so-
 litudine, silentio, colloquio cum sanctis Patribus, cum
 eruditissimis viris, cum Sapientiâ æterna capere possent
 solatium!

*Solitudo
externa so-
la parui est
pretij.*

Exercitium pro solitudinis ac silentij virtute impetranda.

O Amator hominum, qui lucem habitas inaccessibleē, olim
 nemo poterat te videre & vivere, sed jam quotidie ubiq;
 & maximē in V. Eucharistiâ quanta apparet humanitas &
 boni- *Applica-
tio ad
Communi-
onem.*

benignitas tuâ, quando nemo viuere potest, nisi te videat, neq;
tantū videat, sed, quod opto vehementer, te manducet & bibat.
Quid vltiā facere potes mihi? & quid ego iam reddā tibi, nisi
me totū toto corde, tota animā meā, & totā mente meā? Quid
olim, euentū spes esse poterat inueniendi te, cū tibi nō esset
cum hominibus conuersatio? nunc verò plurimum est, cū
nobis viuere tibi & nosse te dedisti, & cū dignatus es pro-
pter me descendere de throno regali, de caelesti palatio in de-
sertum istud animā meā. Ecce quale desertū & tu tamen di-
gnaris in illud descendere, & manna plueri, & in terrā seculi
huius, terrā horrois & vasta solitudinis venire. Cū enim
in eā nos vides errantes in montibus, sicut oues sine pastore,
quid facere potes cui natura bonitas? Quomodo possent nō cō-
moueri viscera misericordie tue, vt populus qui sedet in tene-
bris, te videat lucem magnam? Et quorsum hac? vt rediremus,
& conuerteremur ad te pastore animarum nostrarum, seque-
remur te itinere tridui in solitudinem, & ibi nos mannā pa-
sceres corporis ac sanguinis tui; vt habitaret in solitudine iu-
dicium, & esset opus iustitie pax, & cultus iustitie silentium,
& hoc pignore salutis accepto securitas vsq; in sempiternū.

Isaia 32.

Isaia 35.

Dixerat Propheta tuus, Latabitur deserta & inuia, & ex-
ultabit solitudo, & florebit quasi lilium, germinans germina-
bit, & exultabit letabunda & laudans: gloria Libani data
est: decor Carmeli & Saron, ipsi videbunt gloriam Domini, &
decorem Dei nostri. Tunc saliet sicut ceruus claudus, & aperta
erit lingua mutorum, quia scissæ sunt in deserto aquæ, & tor-
rentes in solitudine, & quæ erat arida, erit in stagnū, & si-
tiens in fontes aquarū: in cubilibus in quibus prius dracones
habitabant, orietur viror calami & iunci. Quid ista sibi vo-
lunt, Deus meus, nisi in solitudine & nō in turba exultare a-
nimam, & florere, germinare, & videre gloriam Domini sui?
bibere aquas de fontibus tuis, o Saluator mi, & aridam fieri
in stagnum, & sitientem in fontes aquarum? qui enim bibit
ex aqua quā dederis ei, flumina de ventre eius fluent aquæ
viuæ. Concede mihi ergo vt libenter de tot annis vita, tot
mensibus, tot diebus decimas aliquas dem tibi, vt te sequar in
solitudinem, & audiam quid loquaris in me: non enim habet

ama-

amaritudinem conuersatio tua, ô Sapiencia eterna, sed magna est multitudo dulcedinis tue, quam abscondisti timentibus te. vacare, & videre nos iubet, quoniam tu es Deus, id est, omne bonum, & abscondere diceris dilectos tuos in abscondito faciei tue à conturbatione hominum.

Psal. 45.

Psal. 30.

O vtinam delectet me abscondi propter te, & libenter de tot diebus vanitatis vitæ huius consecrem tibi, & saluti meæ pauculos in quiete & solitudine, vt audiã te loquentem ad cor meum: vt loquar tecum, & cum Sanctis tuis libentius quàm cum hominibus. Quis enim nouit sensum tuum, Domine, aut quis consiliarius tuus fuit? Incomprehensibilia sunt iudicia tua, & nescio quã in patriam ducere decreueris. sed quid? inquietudo cordis corpus quiescere non sinit, & fascinatio quædam mentis nostræ: liber ire, videre, audire, & redeo vacuus, quia non sunt ista, quæ valent satiare me, lassus redeo, quia nõ est quies anima, nisi in te. Egredere igitur anima mea de terra tua, de cognatione tua, de domo patris tui: obliuiscere populum tuum, & domum patris tui, & concupiscet Rex decorem tuum.

Scis quia
Deus te
ad regnũ
velit ducere.
Nihil faciat cor
hominis.
Psal. 44.

O anima mea sola esto, vt soli omnium serues teipsam quæ ex omnibus tibi elegisti. fuge publicum, fuge & ipsos domesticos, secede ab amicis & intimis, etiam ab illo qui tibi ministrat; secede, sed mente, nõ corpore; sed intentione, sed deuotione, sed spiritu. O quis mihi det vt inueniam te solum, amantissime IESV, dilecte anima mea, & quietem in te inueniam, & cesset turba cogitationum mearum, & in solitudine meâ viror calami & iunci oriatur, & sedeam tecum in pulcritudine pacis, & nihil me perturbat, mortuus sim, & vita mea abscondita tecum Christe IESV, in Deo meo, donec venias, & introducas me in amplissima cali spatia; vbi laudem te totã animã meã, & diligam te, & voces me ad te, voces in sortem Sanctorum, vbi erit gaudium, & exultatio in sacula seculorum. Amen.

Bern.
serm. 4.
super.
Caus.

Colos. 3.

Praxis ad solitudinis amorem ingenerandum.

PRIMA. Omni custodia, vt Scriptura monet, custodi cor tuum, & sēsus corporis tui. vide vt tibi excubet ratio, ne in penetralia in-

Prom. 4.

Custodia

sensu ne-

cessaria.

F f 3

*Linguosus
vt vrbis sine
muro.*

*Quantum
silentium
curæ erat
S.P. Ignat.*

*Quotidie
solitudini
vaca.*

*Seneca ep. 8
Temporis
quanta ha-
benda ra-
tio.*

*Solitudo in
re graui est
quærenda.*

*Amanda
ibi præci-
pua festa.*

*Decimam
da tempo-
ris Deo.*

lia intrent hostes, pacemq; turbent, & solitudinem cordis tui. Sicut enim vrbs patens, & absq; murorū ambitu; sic vir qui nō potest in loquendo, idē est in videndo, audiendo, cohibere spiritum suum. Meritō idē comparatur horto absq; sepe, de quo Eccles. Qui dissipat sepē, mordebit eum coluber, ille scilicet tortuosus, ac infernalis: vnde primum argumentum disciplinæ religiosæ, modestia ac solitudo, adeoq; in vsu tēpore S. P. Ignatij (vt ex iis qui cum eo erant intellexi) vt cum magna hominum turba domi esset, nullus ibi esse crederetur. imō si quis strepitū faceret, ipse Generalis egrediebatur, & monebat grauius transuentem: ita vt non nemo, quē noui, quoties ad cubiculum Beati viri transiturus accederet, manu prehenderet calceos, ne strepitū vel molestiā illi crearet. Hic est spiritus Sanctorum, qui aliter vadit, cadit potius quā vadit, vt verbis Bernardi vtat.

Secunda. Quotidie saltē aliquod tēpus tibi tribue, & saluti tuæ in remoto, quoad fieri potest, à strepitu loco. Sic scimus fecisse Thomam Morum, aliosq; illustres sanctitate viros. quōd si domi nequeas, in religiosā domo, velut asylo, perituræ vitæ partem aliquam decerpe, & otio tribue non otioso. Otium enim, vt Philosophus, sine litteris mors est, & viui hominis sepultura; additq; Nullus mihi per otium dies exit, partem noctis studiis vendico; non va co somno, sed succumbo. Ecce vbi Gentilis, & idolatra: vbi nos?

Tertia. Quoties tibi licet, negotia tua in otio disporre, & cōsidera in solitudine vias ac semitas domus tuę Nihil certē vtilius, quā meditatē sua agere, & nō fortuitō, vt etiā aliās monui. Idē negotiū graue, aut iter, aut munus suscepturus, secede ad dies aliquot, atq; imitare Dominum, qui priusquam prædicationem inchoaret, in deserto 40. dies in oratione ac ieiunio sese exercuit. Quin & Scipio Africanus dicere solitus erat, numquam se minus otiosum esse, quā cū esset otiosus; eō quōd in otio de negotiis cogitaret.

Quarta. Sub festa solemnia more multorū, aut domi frequentius solitudinem cole; aut si eam ibi nancisci nequis, in domum aliquā religiosam, si potes, te abde. Atqui, inquires, non hæc sola ad salutē via. fateor: at tu securiorē ad opes, ad honores, ad gloriam, ac faciliorem negligas?

Quinta. Quamuis omnes, maximē tamē Religiosos, crebrō, imō quotannis dies aliquot animo colligendo dare cōuenit; saltē ex mensibus singulis diē vnum, cū de Arsenio legamus, eum quot hebdomadis id facere solitum. Illud tamen suadendum imprimis ei, qui de re graui, statu vitæ, vel simili diliberationem vult inire, vt Spiritus sancti instinctū audiat, & ab eo dirigatur, qui solus nouit vias hominum, &

omnes

omnes incertas prudentias eorum suâ ac paternâ prudentiâ gubernare.

Sexta, quod si solitudini plures dies tribuere nequis, v- *Saltē bre-*
num, vt dixi, saltē tibi sume, & animæ tuæ: qui tot corpori *ue tempus*
curando, eiusq; exercitationibus impendis & mundi nego- *solitudini.*
tiis, ynum cum Christo, exemplo Apostolorum maneto, ta- *tribue.*

mē præparatione antea præmissâ. Attende verò maximè, quot per Religionis ingressum mundum fugiant, & tamquā vnica salutis viam illam amplectantur. Cur te nō mouent etiam pericula tua, vt saltē breui tēpore eum fugias? vide etiam atq; etiam, ne occasione huius negligas; ne serò æternūm pœniteat. Ecce quot reos ad solitudinē carceres cogunt: quot Principes, auctoritas: quot infirmos, necessitas. Attende etiam tu morbum tuum, exilium, carcerē, & solitudine te cura ac libera. Multis certè ea ita profuit, vt totam vitā emendarint, molestissimis scrupulorum vexationibus, imò tormentis se liberarint, de seipsis, quod antea numquā potuerant, triumpharint, odium superarint, cū inimicis in gratiâ redierint, ac singularia à Deo beneficia cōsecuti sint, &c. Sed quid hæc prosequor; toto orbe notissima Exercitia S. P. Ignatii, & fructus eorum, quos annales nostri diligenter enarrant. Vt autē ad solitudinē istā Exercitiorum Religiosos inuitaret Summus Pontifex Paulus V. Indulgentiā plenariā illis qui in eā se exercerēt, cōcessit.

Breui tempore mundū descendere.

Nota autē eorū vniuersū hunc secessum à populo sex capitula, seu fines continere; 1. Confessionē generalē. 2. Consultationem de rerum suarum dispositione. 3. Pœnitentiam de præterito. 4. Decretum de instauratione crebra vitæ per re-collectionē aliquam quot hebdomadis. 5. Similiter de statu finali, seu in quo statu, ac virtutis gradu mori velis; 6. Ordinationē vitæ. Primò, quoad orationē; Secundò, mortificationē; Tertiò, temporis distributionē; Quartò, actionum quoad modum reformationem, & maximè quoad intentionē; Quintò, occasiones virtutis; Sextò, perfectionis studium. Neque enim solitudinem, aut Exercitia initurus, proponere sibi debet altam contemplationē, sed sui cognitionē, & vitæ emendationē, ideoq; ad ea præparatio optima, videre quis nos defectus magis remoretur, quæ pssio perturber, & ad hæc omnia dirigenda sunt. Huc pertinet quodd S. Bernard. ait: & primum quidem ipsum fontē suum, id est mentem de quâ oritur, purificat consideratio, deinde regit affectus, dirigit actus, corrigit excessus, componit mores, vitam honestat & ordinat, postremò diuinarum pariter & humanarum rerum scientiam confert, hæc est quæ confusa determinat, hiantia cogit, sparsa colligit, secreta rimatur,

Fructus solitudinis & exercitioris S. P. Ignatii.

Fines eorū utiles & varij.

l. i. de Confid.

vera vestigat, verosimilia examinat, ficta & fucata explorat. Hæc est quæ agenda præordinat, acta recogitat, vt nihil in mente resideat, aut correctione egens. Hæc est quæ in prosperis aduersa præsentit, in aduersis quali non sentit: quorum alterum fortitudinis, alterum prudentiæ est, tam pio otio, tamq; vtili, nullam in vitâ operam dare, nonne vitam perdere est?

Quod sit solitudo aliquæ quærenda vel vnius horæ quotidie

Nota,

Bern de triplici custodia. Fabula vitanda.

Seneca.

Sensim assuesce solitudini.

Variæ sunt exercitia assumenda.

Septima. Quod si neque oratione, neque lectione, neque concionibus audiendis iuuari te sentias, percunctare quæso ex te, an iuuari velis: nã si corpus frustra aliquibus remediis tentasses curare, & præstans suggereretur, idq; sine noxâ sumendum, plurimaque experienciâ probatum, nonne amplectereris? Applicâ simile istud animæ tuæ, & tenta hoc saluberrimum eius remedium. Secede, si potes, ad hebdomadas aliquot; si nō potes, ad dies; si neque hoc, ad vnū: quod si nec istud saluti animæ tuę, tibi, Deo tribuere velis, horam continuis diebus aliquot, non audiendo professori, non mimo, non ludo, sed concede Deo loquenti in solitudine ad cor. Audi eū, & noli auertere aurē, obdurare cor: sed erubescere quod libeat sæpe fabulis horas optimas tribuere; confabulari, donec hora, vt Bernard. ait: prætereat, quā tibi ad pœnitentiā agendam, ad obtinendam veniam, ad quærendam gratiam, ad promerendam gloriam, misericordia conditoris indulerat; & non libeat horam vnā aut alterā quieti, solitudini, taciturnitati dare, è quā tot tantaq; bona omnium sapientium iudicio, omnibus quidem, sed maxime Clerico, & Religioso proueniunt. Certū est sæpē vnā horā attentē & in quietē considerasse, plus profuisse, quā plurimas conciones in turba audiuisse. Vt appositē dixerit Seneca: Quid, ait, tibi præcipuē vitandum existimem, quæris? turbam: numquam illi tute commiseris: numquam à turbā mores, quos extuli, refero.

Octaua. Quemadmodū autē in omni virtute gradatim ascendendum est, ita & in hac. Assuesce igitur sensim, & coge te exiguo tempore in solitudine permanere, deinde illud protrahe, variaq; præbe, sed sancta in quiete solatia: protrahe, inquam, v.g. ad honorē B. Virginis ad quadrantē vnum atq; alterum, vt solitudinis capiaris vsu & amore.

Nona. Solet in solitudine tædium nasci, quod magnum Antoniū in suo tirocinio cœpit tentare: verū Angeli monitu edoctus est quā ratione illud leuaret, orationem cum manū opere alternando: sic etiam & tu poteris variis exercitiis te occupare, tædiumq; leuare. Sunt autem illa Primum, oratio vocalis dispositis etiā subinde v.g. stationibus Urbis Romanæ. Secundum, mentalis, siue meditatio; Ter-

tium

tium, studium sacræ Scripturæ, quod D. Chrysoſt. etiã ſæ-
 cularibus familiare eſſe cupit. Magna certè vtilitas ex eo
 vt ſuprà declaratum eſt. Experietur autè qui quotidie ſaltè
 vnum atque alterum caput, cum aliquo commentario per-
 legerit. Quartum, memoriæ exercitatio. Eius ſiquidem the-
 ſaurum quotidie augere vehementer expedit, maximè ſa-
 cræ Scripturæ ſententiis, & Sanctorum, ſunt enim & vi-
 tiorum antidota, & ſincera mentis oblectatio. Quintum, le-
 ctio SS. Patrum; Sextum, ſtudium Caſuum conſcientiæ; vt
 ſuis quis, ac deinde alienis vulneribus poſſit mederi: ad
 quod, compendium eorum colligere iuuat. Septimū, lectio
 librorum piorum, qui de virtutibus & vitiis tractant; Octa-
 uum, ſtudium ſacræ ac profanæ hiftoriæ; vnà cum chartis
 geographicis, atq; ex his colligere exempla ad vitam bene
 instituendam; Nonum, Politicorū ſcriptorum cognitio, quæ
 ſi Chriſtianâ pietate nitantur, magnum ſunt ad gubernatio-
 nem præſidium Quemadmodum Machiaueli institutione
 certam eſſe reipub. perniciem omnibus manifeſtum eſt, qui
 Deum eſſe, ac mundum gubernare crediderint. Decimum,
 ſtudiū quo quis diligenter quærit praxes proximi iuuandi,
 diffidentes conciliandi, afflictoſ ſolandi, ac maximè omniū
 iuuandi morientes: tum enim de ſumma rei agitur, & de æ-
 ternitate iacitur, vt ita dicam, alea. Sic ſeſe ad conuerſatio-
 nē præparare, eſt magna parte bona opera in ſecreto infor-
 mare, qui autè ſecus facit, magno labore, ac fructu exiguo
 operatur: vt is qui ſerram ad opus non parat, ſecurim non
 acuit faber, viam viator priuſquā in eam ſedet, nō inquit,
 at fortuito aggreditur. Vndecimū, Philoſophicam aliquam
 quæſtionē, aut Theologicam excutere. Duodecimum, na-
 turalis hiftoriæ, plantarum atq; animalium perueſtigatio: itē
 Mathēſios & Aſtronomiæ. Lectio itē Poëtarum, aut ſcri-
 ptio aliqua. Poſtremò ad recreationē animi, pingere, ſinge-
 re, tornare, fundere, vel ſimile aliquod exercitium elegan-
 tioris ingenij moderatè aſſumere, ita vt ſeria ac grauiora
 negotia non impendantur: ne Virgilij illo monito opus ſit:

*Scripturæ
lectio quā
utilis.*

*Machia-
uellica pe-
ſtis.*

*Morientes.
iuuandi ſe-
dulò.*

*Conuerſa-
tio præme-
ditanda.*

*Excudent alij ſpirantia mollius ara,
 Orabunt cauſſas melius, cæliq; meatus
 Deſcribent radio, & ſurgentia ſidera dicent.
 Tu regere imperio populos, Romane, memento.
 Hæ tibi erunt artes, paciſq; imponere morem.*

Quibus indicatur quemque muneri ſuo attendere in o-
 tio oportere, ac ſemper aliquid agere. Rectè enim ait En-
 nius in Iphigen.

Otiū fu-
giendum.

Otio qui nescit vti, plus negotii habet,
Quàm cū est negotium in negotio.
Nam cui quod agat, institutum est nullo negotio
Id agit studet sibi, mentem atque animum oblectat suum.
Dignatus es, vt sup. p. 10.

JACVLATORIÆ

Psal. 54.

IN terra deserta, inuia & inaquosa: sic in sancto apparui tibi
vt viderem virtutem tuam & gloriam tuam.

Cant. 7.

Veni, dilecte mi, egrediamur in agrum, commoremur in villis.

Cant. 8.

Quis mihi det te fratrem meum, vt inueniam te foris, & deoscu-
ler, & iam me nemo despiciat?

Psal. 54.

Ecce elongaui fugiens, & mansi in solitudine.

Osee 2.

Duc me in solitudinem, Deus meus, & loquere ad cor meum.

CAPVT XXXI.

Meditatio prima de studiis, & præcipuâ hominum oc-
cupatione.

PRÆLVDIVM I. Compositio loci est statuere se co-
ram Deo patre luminum, velut cæcum & inopem,
&c.

Secundum. Orare vt Dominus te illuminare & ac-
cendere dignetur.

Socrates.

Homo ni-
hil perfecte
cognoscit.

PVNCTVM I. Considera Primò quanta sit in homi-
ne ignorantia: quod in pueris & plerisque mortalium
patet. Sed & sapientissimus Socrates hoc magnum pu-
tabat, quòd sciret se nihil scire: & vix quidquam in Phi-
losophiâ, etsi maximè obuium, plenè cognoscitur, &
multò plura ignoramus quàm scimus. quòd si quis, vti
debet, credit, se vilipendet, alios libenter audiet, non
interpellabit; Dei gratiæ, si quid perceperit, animo &
ore tribuet. Et quid hæc profunt si nos ipsos ignora-
mus, si te, ô sapientia æterna? Considera Secundò, in
scientiis, artibus & opibus velut vilissimis rebus, Do-
minum Ethnicis principatum dedisse, adeò vt nullus
ad eos iam accedat: omnes verò eos cum plerisque do-
ctissimis

ctissimis damnatos, vt fidem etiam facere fortè Salomon sapientissimus, potest. eheu! ex quo vanitatem scientiæ agnosce. Tertiò, attende & nisi demens sis, teipsum despice & confunde, Deum cum simplicibus sermocinari, & contemptibilia mundi semper solere eligere; scribas & sapientes sæculi ferè proiecisse: & modo mulierculis familiaris (vt B. Tereas dixit) vti quàm doctis, ob superbiam illorum: quid ergo habet sapiens vnde gloriatur? Quartò, omnia creata esse ad Dei gloriam, & salutem nostram consequendam; vtq; ex cognitione creaturarum, ad Creatoris perueniremus cognitionem & amorem. Detestare igitur studium, quo à Deo receditur, à verâ sapientiâ, & insaniam istam, quâ, vt scientia vana habeatur, charitas destruitur; vt lumen tenue habeatur, sol excluditur Christus Iesus ab animis nostris. *Aspira*, vt suprâ pag. 7. *Hæcine firmâ fide, &c.* ibid.

*Deus docet
simplices
& pios.*

*Insania de,
Et qui Deo
oblitus est.*

PUNCTVM II. Attende cur iam in scientiâ prouectiores, sæpè, eheu! arrogantiores, sibi plus tribui velint, difficiliùs regantur, priuilegia vindicent: in disputando alacres, in piâ vel regulari vita remissi: & videbis primâ causam esse superbiam, & ambitionem tacitam. Sed attendite miseri: si linguis hominum loquamini & Angelorum charitatè autè non habeatis, nihil vobis prodest. Et videte Secundò, quid profit homini, si vniuersum mundum non dico sciat, sed lucretur, & animæ suæ detrimentum patiatur, ac se ignoret? Hæcine credis, ô Lector? Age quod in morte optabis viaticum? quod in iudicio? an à scientiâ malis, quàm à virtute magis te ornatum, illic vbi plagis multis seruus sciens voluntatè Domini vapulabit; & tanto grauiùs vapulabit, & damnabitur, quanto plus sciuerit. Facito ergo murænulas primò aureas bonæ vitæ: deinde vermiculatas argento doctrinæ. *Credo tibi, &c.* vt s. p. 7.

*Cur aliqui
eruditi sint
arrogante.*

I. Cor. 13.

Matth 16

*Doctrina
& pietas
iungenda.*

PUNCTVM III. Considera homines eiusmodi vmbra, folia, & pictam pro verâ sapientiâ colligere: hinc tales

*Vmbra e-
ligit vanus
præ carnare*

*Vide disputa-
tationum in
charitate
tepidorum
insaniam.*

tales dum intellectum implent scientiâ, gratiam & Deum tandem eiciunt, & vocationem sæpè perdunt post orationes & vitam distractionibus plenam. Considera Secundò, insaniam huius, qui de Deo & virtutibus bene differit, vt contra se sententiam pronuntiet mortis; aliis ostendit iter, & ipse deuiat, alios pascit, & ipse esurit: luctet aliis, & ipse in tenebris est. Tristatur, si de nugis, vel etiam virtute differendo alteri cedat; si virtute cedat, non curat; dum pecunias alteri numerat, ipse pauper solo sono recreatur; hinc clamoribus omnia complet, quibus, & impatientiæ signis dum studet, vt post aliquando, si viuat, homines ad Deum trahat. iam illos ab eo, vti & à doctrinâ suâ (cum ex patientia viri cognoscatur de doctrina eius) auertit; neque quisquam hortanti vt bene faciat, credat, nisi ille sibi fidem habeat, & ipsemet intelligat (secundum Psalmistam) vt bene agat. Considera Tertiò, talem vti furem gloriam Dei sibi tribuere, & sicut iniuste eam acquirit, etiam verisimile, quod ea sic utetur.

COLLOQVIUM.

Meditatio secunda, de studio Christianè instituendo.

Vnde oriatur indocti in deuotio.

COMPOSITIO LOCI, vt suprâ, & Oratio.
PUNCTVM I. Considera illum neglectum spiritus oriri ex nimio affectu in studia; quod putent se per ea postea, Primò, gloriâ Dei; & Secundò, salutem proximi promoturos, & quod ad ea plurimum iuuat, auctoritatem se comparaturos. Et ad primum errorem, considera beatitudinem nostram hinc, & in cælo, in Dei contemplatione consistere, etiam Philosophorum iudicio. Quam ergo stultum, velle variarum rerum imagines contemplari, & sic studere, vt Dei imaginem recipere, & ei inhærere, & beatus esse non possis? Deinde attende Spiritum Dei nunquam sibi contrarium. Cum ergo eos qui virtute & doctrinâ maximè claruerunt, vt D. Bonauenturam, & S. Thomam, & plurimos alios docuerit,

*Studetur vt
Deus melius
videatur.*

tuerit, vt scirent plus esse ab oratione, quàm studio, lumen & sapientiæ expectandum; certè qui Spiritu Dei agitur, idem sentiet. Considera Secundò, nunquam Spiritum Dei esse inordinatum. *Hæcine vera, &c.* vt sup. pag. 7.

Tertiò, eum qui priuato studio ex affectu nimio capitur, vanitate aut delectatione trahi, plusquam oportet; neque verisimiliter postea malè partis benè vsurum.

Quartò, studia omnia & opera ad orationem perfectam, vt scopum dirigi; ergo cauendum ne huic officiant.

Quintò, si religiosus es, Religionem non scholam literarum esse, sed maximè, & ferè vnius virtutis. Sextò quòd

ea ob quæ Religiosi aptiores studiis habentur, sint oratio, & puritas animi: itaque primò hæc quærenda. Septimò, eum qui tanto affectu & impetu tanto tempore in

propriam laudem, vel ex sui amore in studia fertur, egerimè posse postea habitu iam contracto, Dei purè gloriā

quærere, vel salutem proximi curare: quia qui à Deo remotior, id est causā primā, eo minùs operari potest;

cùm Deus trahere debeat: imò talis verè furari videtur, vt dein holocaustum faciat. Quòd si spectes auctorita-

tem, nōne pietas & virtus ad pietatem & virtutem commendandam magis valent: Deusque humilibus dat

os & sapientiam, cui omnes aduersarij resistere nequeunt, qui si intus non trahat, frustra vox exterius sonat?

Postremò, non est inter Christianos tam scientiæ, quàm bonæ voluntatis defectus: imò & Ethnicorum facilis

ferè conuersio, nisi vitio alicui affecti sint: atque ita virtute magis, quàm scientiā conuertendi: & vide in utrā

excellas, & magis excellere studeas. *Aspira*, vt sup. pag. 8.

Hæcine firmâ fide, ibid.

PUNCTVM II. Considera nunc coram Deo, & primò, quis ex omnibus in omnem eternitatem doctior sit futurus: nōne qui humilior? melius enim ille omnia in lumine videbit. Itaque vide, vt eò tua sic dirigas studia, vt virtus non patiatur detrimentum. Ad hoc imprimis,

Oratione plus quam studio proficitur.

Vanitas difficulter euacuatur.

Zelo officit vanitas.

*Auctoritas unde veniat & fru-
itur.*

Nota non tam scientiæ quam virtutis penuriam esse.

*Intentio
recta in
studio ma-
ximè ne-
cessaria.*

*Quomodo
studium in-
choandum.*

*Pax animi
quarenda.*

*Vanus stu-
dioſus ad-
verſarius
Dei & ſui.
Nota.*

primis intentio recta habenda, & quidem super omnia in studiis, cum potissimâ parte vitæ nostræ tractentur. & sicut nemo prudens pergere incipit, nisi sit in viâ; ita nemo studere debet; nisi amore Dei & proximi se sentiat, id est purissimâ intentione, impelli. Secundò, puritas & tranquillitas animi quærenda; ut velut purum speculum, radios plenæ lucis melius percipiat: nam perturbatio oculos obfuscet, &c. Considera Secundò, signa, quibus cognoscere possis, an purâ intentione feraris ad studia: ea sunt, si non intempestivè, non nimis feruidè, sed devotè ea aggrediaris; nullam orationem omittas; nullam regulam vitæ negligas; immò si inter studendum sæpè ad lumen æternum, fontem sapientiæ præsentem confugas; Deum, Angelum & Sanctos innoces, & consulas; ad Deum à creatis ascendas. Tertiò, si post studia oratio & colloquium de Deo sapiant; si, quando Dei gloriam, & propriam salutem per hæc quæ iam didicisti promovere possis, attendas, Deo gratias agas: mox enim talentum dandum ad usuram & fructum. Cur enim differs? memento enim ut humiliter de te loquaris; Deo totum tribuas: non te de ingenio, facilitate & plausu iactes. Considera Tertiò, eum qui contrà facit, & non impellitur solâ voluntate Dei ad studendum; Primò, prævaricari eius voluntati, & studere ut illi aduersetur: hîc enim postea scientiâ aduersus Deum inflatur, & velut gladio suo se iungulat & interficit. Secundò, operam perdere, & scopum: cum Deus tunc non misericorditer, etsi naturaliter concurrat, & talem tendendo ad Deum, auerti ab eo, & vilissimæ rei cognitionem numquam perfectam, Deo, eiusque cognitioni & amoris præponere. O sapientia aeterna, ut inf. p. 463.

PUNCTVM III. Considera Primò, quantâ diligentiam homo, maximè Clericus & Religiosus, studere debeat. Primò ex parte Dei, qui id ab iis postulat. Secundò ex parte proximorum, qui eos alunt suis cibis, ut se doceant

teant & præluceant factis & verbo. Vide an hoc præstes: alioqui quisquis es, otiosus panem pauperum edis. Tertiò, quia tantam Clerus commoditatem habet, & in Religionem qui vocatus est, vt bonitatem & disciplinam, & scientiam discat. Quartò, quia plurimum ad Dei gloriam promouendam pius ac doctus præstat. Postremò, quia felicitas humana aliquo modo in scientiâ consistit. Preciosior enim est sapientia cunctis opibus; & omnia quæ desiderantur, huic non valent comparari. Ideoque Cytillus ait: Semper oportet addiscere, & in extremis hortis, fundum sapientiæ intestigare. Considera præterea, vnde contingat id non fieri; & aduerte id fortè contingere, quia dum vnum agere deberet, ad futura, quæ destinat animo, se stolidè (cùm ea fortè numquam sit consecuturus) præparat, contra Dei voluntatem; & sic numquam perfectè alicuius rei scientiam consequitur: vel, quia velox ad loquendum, curiosus, vagus, solitudinis non amans, sed in familiaritates & recreationes pronus, parum de scientiæ veræ magno thesauro augendo, est sollicitus. Vel denique otia- tur, vt puer, & tempus omnium pretiosissimum illi vilissimum est. Attende quæso quot pro gloriâ, & vili nummo Iurisperiti, litterati in Vniuersitatibus, & sæpè totos propè dies & noctes absument cum voluptate (quam P. Platus propriam in Religiosis, & vt eximiâ voluptatem commendat) & tu verè miser sic hanc non percipis, sed ad recreationes anhelas. Statue igitur exemplo eorum, & omnium mercatorum, scientiæ secundū Deum vacare, & videre per illam, quàm suavis sit Dominus. *Hæcine vera, &c.* vt sup. p. 7.

Exercitium.

O Sapientia aterna, ô lux quæ illuminas omnē hominem venientē in hunc mundum, te quæro, te desidero; respice in me, & ostende mihi lucem miserationi tuarum, vt videā te, & amem toto corde meo & sufficit mihi. O sol iustitiæ, illucesce

Ecclesi. 36.

Applica-
tio ad
Communi-
onem.

Sap. 9.

Rom. I.

Iacob. I.

cese mihi, vt amen lucem, & bonitatem tuam hoc enim querō in nocte hāc, donec illucescat dies; optata dies, desiderata mel-
lies, quā te videbo, & cognoscā sicut cognitus sum, & vltra non erit nox, neq; mors, neq; clamor, neq; dolor. Nunc vero dolor est quod vix cupio nō amen te, & clamor, quia in hoc nō exaudis; & nox, quia angustia mihi vndiq; & mors, quia à te peregrinor vitamea. Solatio tamē mihi est, quod infinita pietate visitas seruum tuū, sed eheu ponis nubes descensum tuū, & tenebras latibulum tuum. Hoc tamen vtcunq; sustento vitā meā, & spēs & desiderium meum. Qui enim manducat te, ipse viuet propter te, & ego viuere volo & mori pro te, tu scis.

O IESV, ecce in quantis tenebris sumus, & difficile aestimamus, quae in terra sunt, & quae in prospectu sunt, inuenimus cum labore; quae autē in calis sunt, quis inuestigabit? Nemo, Domine, nisi cui tu dederis, vt nouerit se, & nouerit te; nisi simplex & rectus, quocum est sermocinatio tua. Utinam igitur sim cū multis seruis tuis potius sapienter indoctus, quā cum seculi filiis insipienter doctus! qui dicunt se esse sapientes, & stulti facti sunt; qui existimant se scire aliquid non tamē cognoscunt quomodo oporteat eos scire. Quid ergo? gloriari poterit sapiens in astutia ac sapientia sua, nisi non erit te; in quo cognoscet humilis & modestus sapē in aeternū co plura, quo pauciora hīc intellexerit? Sed quanta vanitas hīc etiam nobis illudit? Scire quid calū sit studemus, & ad inferna vanitate tendimus. Scire quid sit creatura inanis vapor & umbra & nihil; & te & nos ipsos ignoramus: quoties disputamus & asserimus humilitatē, charitatē, patientiā, & verbis quasi pro iis digladiamur acriter, & factis eas eliminamus, & conculcamus. Sententias quisq; suas tueretur, & praecepta tua negliguntur. O vanitas o vanitas! triumphare quasi de scientia, & damnare sese de malitia, quid, o sapientia aeterna. o Chrisle IESV, quid prodest homini, si vniuersū mundū nō sciat, sed lucretur, & animae suae detrimentum. si nō exitiū patiatur? nōne omnis scientia ad virtutem accommodanda est? cur igitur nunc mihi seruiet ad contentionem, ad emulationē? quae de sursum est sapientia. primū quidem pudica est, modesta, suadibilis, bonis consentiens; & qui per eam sapiens, ostendit ex bonae conuer-

conuersatione operationem suam, in mansuetudine sapientia. Quod si, ait Apostolus tuus, zelum amarum habetis, & contentiones sint in cordibus vestris: nolite gloriari, & mendaces esse aduersus veritatem. An potest, ô dulcissimè IESV, spiritus tuus dulcis & humilis. spiritus veritatis simul esse cum spiritu vanitatis? an in maleuolam animam introibis, ô Sapientia æterna? Bonitatem itaq; pro amore tuo, & disciplinâ & scientiam doce me. Ostendè mihi viam, quâ ad te ambulem, hanc enim solum quero, & te solum crucifixum scire cupio dulcissime IESV. Tolle à me Deus meus scientiam, quâ insler; da mihi sapientiam, qua mitis sim & humilis corde; vt non pigeat me, sicubi hesito, quarere; nec pudeat, sicubi erro, discere. Da disputare de veritate, & factis ei non contradicere; concupiscere sapientiam, & iustitiam conseruare, & charitatem proximi, & tuam. Amen.

Sap. r.
Psal. 118.

Praxis studendi.

PRima est, initio studiorum gratiam Dei inuocare, & intentionē renouare. Secunda, inter studendum sæpè, maxime in dubiis, cor ad Deum eleuare. Tertia, vt humilitate contra vanitatem scientiæ se muniat, sæpè alios consulere. Quarta, pauca legere, & bene intelligere, & euoluere auctore (Fastidientis enim, ait Seneca, stomachi est, multa degustare) eiusq; gnomas, velut gemmas colligere, & memoriæ commendare: tantum enim quisque scit, quantum memoriâ tenet. Quinta, post studiū gratias Deo agere, & videre, quis vsus esse possit eorum quæ didicit, Deoq; offerre, & vt ait S. Bonauentura, de iisdem quasi in orationē reductis (vt in psalmis factum videmus) cum Deo colloqui, vesperi autē aptè distributa omnia memoriæ commendare. Exemplum habes in Confessionibus S. Augustini libro 2. c. 12. Sexta, interponere aliquando studiis lectionem librorū piorum ac simpliciorum, vt in more habuit D. Thomas.

Humilitas
necessaria.

Nota vsus
scientiæ.

Lectio lib.
bri pj.

Oratio ante studia.

O Aeterna Sapientia, lumen mentis, loquere quia audit seruus tuus, & gratiā tuā paratum cor eius: inflamma illud: obscura explica. Propter te enim, & tecum, & coram te cupio legere.

legere, quæ tua Maiestas inspirauit, & dedit : & quæ agnouero, facere ad gloriam tuam, & salutem animarum, non ut doctus sim, vel habear, sed ut te amem. Quid enim scire in iudicio proderit? Suscipe hoc opus, in vnione omnium operum tuorum, Deus cordis mei, & omnia.

Oratio post studium.

Scio, Domine, hanc esse voluntatem tuam N. (hic lecta breuiter repete) & gratias ago. Da mihi gratiam, ut faciam illam, & amem te; neque enim aliter possum, sed eâ fretus hæc propono N. scienti enim, & non facienti peccatum est illi. O vtinam his omnibus N. vtar ad gloriam tuam! Amen.

Quid qui
docet fa-
cere de-
beat.

Secunda. Quod si docendum tibi est: postquam benè paratus es, ingressurus scholam, Deum supplex roga, & intentionem renoua, ac statue captare occasionem pietatem insinuandis; eaq; inter docendum vtare. Cùm autem discipuli, quorum affectum tibi conciliare debes, plurimum etiam præceptoris debeant, & tribuere, si boni, soliti sint; vide, vt auctoritate & scientiâ vtaris ad omnes, sed eos magis in spiritu iuuandos, quos Dei obsequio & reipublicæ iudicas esse vtiliores. Plures industrias vnctio docebit.

Oratio, antequam ad scholam docturus eas.

O potentissime IESV, qui me ab æterno dilexisti, & de me optimè ordinasti, pro tua sapientia & bonitate: ecce mittis me ut doceam, eamq; scio esse voluntatem tuam, & licet ob malitiam meam destruere, quàm adificare magis paratus sim, tamen quia iubes, ad tuam solius gloriâ hoc aggredior, & offero hunc laborem in vnione doctrinæ tuæ in præsentia tua, & has animas seminatum Ecclesiæ tuæ, sponsas & filios tuos; fac vt zelo honoris tui ductus, rationis reddendæ memor, eos, vt oportet, instruam, pietateq; semper informem. Et vos Angeli sancti præsentés adeste, vt exemplo præeam, N. defectus hos vitæ, hæc vltima forsân hora, & viscera charitatis impetrate, per Christum Dominum nostrum.

Postquam docuisti, lauda Dominum. roga vt semini det incrementum, & Angelis id commenda. Laudate Dominum omnes gentes, &c.

ORATIO

O R A T I O.

Gratias ago tibi, IESV, Sapientia aeterna, cui hæc per me operari placuit. Da, Domine, incrementum; ignosce defectus illos meos. N. Et quod rite egi, suscipe in unione actionum tuarum, ad gloriam tuam. Et vos Angeli sancti, irrigate semen; ut fructum afferant clientes vestri, Et fructus maneat; Et Dominus noster glorificetur, Et ametur, Et delectetur in operibus manuum mearum. Amen.

Quomodo disputandum.

Tertia. Quod si disputandum, præparatione præmissa atque oratione, cogita te velut in theatro stare, & ab omnibus iudicandum, sed maximè à Deo, primò de vitâ, deinde de doctrinâ. Secundò, cogita utrum præstet, alium doctrinâ an virtute superare, alios contentione auertere, an charitate deuincire. Tertiò, caue censeas, arguas alios, aut interpellès. Hæc aut arrogantis, aut impudentis, aut fatui signa habentur, qui non potest in loquendo cohibere spiritum suum. Dignatus es, ut sup. pag. 10.

JACULATORIA.

Confiteor tibi Domine cæli & terræ, quia abscondisti tua à Matth. 13. sapientibus & prudentibus, & reuelasti ea paruulis. Ecce timor Domini, ipsa est sapientia; & recedere à malo, intelligentia. Prou. 3.

Mitte sapientiam de cælis sanctis tuis, & à sede magnitudinis tue, ut mecum sit & meum laboret. Sap. 9.

C A P V T XXXII.

De officio eius qui alium docet, Patris familias, Præceptoris, Concionatoris, &c.

PRÆLVDIVM I. Constitue te coram Domino & eius maiestatem intueri.

Gg 2

PRÆ-

PRAELVDIVM II. Pete , vt sicut labia Isaïæ Prophetæ , ita etiam tua mundet calculo ignito amoris sui.

1. Cor. i.

Gregor.

*Omnium est
proximum
promouere*

*Quid re-
quiratur
in eo qui
aliu docet.*

PVNCTVM I. Considera, ignorantes docere, omnibus incumbere Christianis, & eos Apostolorum atque Episcoporum munus obire, qui id agunt: imò Angelo similes esse, qui filios Israel cum Moyse per desertum duxit. Vnusquisque vestrum in tantum sufficit, quantum gratiam supernæ adspirationis accepit, si à prauitate proximum reuocat; si exhortari ad benè operandum curat; si æternum regnum vel supplicium denuntiat; cùm sanctæ deuotionis verba impendit, profectò Angelus est: vide igitur an Angelica vita tua sit; an cum Abrahamo, Moyse, cum Apostolis, cum (si Ecclesiasticus es) Vincentiis, Xaueriis, contemplatione & oratione cum Deo sis coniunctus; an virtutibus ad exemplum ornatus. Dic enim, quo pacto amore virtutis, humilitatis & caritatis accendes alios. si ipse eo non ardeas? Qui sibi nequam, cui bonus erit? Quomodo fidelis dispensator multiformis gratiæ Dei, qui eam negligit? Quomodo tepidus illuminare per noctem poterit, esse fermentum bonum, & columna in templo Dei? Quomodo instrumentum atque organum fieri gratiæ ac gloriæ Dei? *Aspira, vt sup. pag. 8. Hæcine firmâ fidē, &c. ibidem.*

*Legatus
Dei qui a-
lium docet.*

PVNCTVM II. Considera, eum qui alium docet, legatione fungi pro Deo; vt populos rebelles conciliet; quid ergo si eiusmodi legatus pacis à Rege missus, belli incensor foret? negotium Regis agere iussus, suum ageret, gloriam quæreret suam? si, cùm conuertere ad Deum animas deberet, auerteret manu, ore simulatè aduocaret? si, cùm quærere deberet sponsam Domino suo, ipse exemplo eam corrumperet? si, cùm pascere verbo, ipse vanitatis vento eius famem accenderet? nōne magni criminis reus foret? Qui alium docet, id agere videtur, qui, dum aliis benedicit, agit sibi malè.

Docere

Docere ait Gregor. & non facere, non solùm nihil lucrari, sed etiam damni plurimum confert. Grandis enim condemnatio est, componenti quidem sermonem suum, at opere negligenti. Immo Aristoteles ait, ab his, qui non perinde viuunt, vt loquuntur, tolli & interimiri veritatem. Seneca verò, Nullos, inquit, peius mereri de omnibus mortalibus iudico; quàm qui Philosophiam, velut aliquod venale artificium didicerunt: qui aliter viuunt, quàm viuendum esse præcipiunt. Exempla enim inutilis disciplinæ circumferunt. Hi enim duplici modo animas perdunt. Primò, quia alios magis idoneos, ambitione suâ officiis aut pulpitis v.g. excludunt. Secundò, quia exemplo retrahunt à Deo, quem verbo solo sequendum denuntiant: laudant humilitatem, obedientiam, resignationem, charitatem vt utilem, facilem, iucundam; sed factis contrarium, longeque potentiùs testantur. Litteram habent, & non spiritum; littera autem occidit, spiritus viuificat. Prædicatio eorū in persuasibilibus humanæ sapientiæ verbis; non in ostensione spiritus & virtutis. Si applaudentium multitudinem habent, quasi regnum adepti, ait Chrysost. exultant gaudio; si autem silentio sermo eorum claudatur, maior illis ex silentio, quàm ex gehenna mœror. Obserua autem vocationem Dei ad hoc munus, & missionem præcedere debere, qui alios quidem dat Prophetas, alios Apostolos, alios doctores, & mittit dicente Apostolo, Quomodo prædicabunt, nisi mittantur? Quod si missi non fuerint; exprobrabit illud eis Dominus: Non misi eos, neque præcepi, neque locutus sum ad eos, & ipsi currebant; non vocabam eos, & ipsi respondebant. Signum autem vocationis est, non ambitione propriâ, sed superiorum voluntate hoc munus suscipere, fructum facere, animas conuertere, & in se humilitatem experiri ac charitatem. Neque enim in maleuolam animam introibit sapientia; neque Satanæ Satanam eiicit, superbiam superbus, auaritiâ cupidus.

Greg. hom.
l. 10. Moral. c. 1.

Lucrum
nullum do-
ctor malus
facit.
Seneca.

Nota.

1. Cor. 2.
Concionator
vanus
torquetur.

Chrysost.
hom. 50.

Vocatio ad
concionan-
dum neces-
saria,
Ephes. 4.

Jerem. 23.

Signū eius.

Et, vt Gregorius, inflammare auditores suos nequeunt verba, quæ frigido corpore proferuntur, *Dominus Deus*, vt infra p. 471.

PVNCTVM III. Considera Primò IESVM, exemplar doctorum & concionatorum, & eorum qui alios erudiunt, quomodo & quando ad conciones processerit: nōne post baptismum, & ad annum vsque trigessimum in humilibus exercitatus, post ieiunium atque orationem quadraginta dierum? Cœpit enim IESVS facere, & docere. Humilitas enim maximè necessaria est, ne fiat quod Gregor. deflet: Ossa ieiuniis atterimus, & mente turgenus; corpus despectis vestibus tegimus, & elatione cordis purpuram superamus; iacemus in cinere, & excelsa suscipimus, doctores humilitatis, duces superbiæ; ouinâ facie, lupinos dentes abscondimus. Considera Secundò, quàm seuerum erit eorum iudiciũ in die nouissimo, qui tot, perperam viuentes, protulerunt sententias contra se. Toties enim ex ore suo iudicabuntur, quoties alios ad humilitatem & charitatem hortati fuerint. Propter quod, ait Apostolus: inexcusabilis es, ô homo omnis qui iudicas: in quo enim iudicas alterum, te ipsum condemnas. Quare, inquit Dominus, enarrasti iustitias meas, & assumpsisti testamentum meum per os tuum: tu verò oderas disciplinam, & cum adulteris portionem tuam ponebas? Hos enim adulterare verbum Dei dicit Apostolus, quia, vt Gregor. non Deo filios gignere, sed suam scientiam desiderant ostentare; plurima cum Phariseis onera aliis imponunt, quæ digito nolunt attingere. Considera Tertiò, quantam gloriã verus verbi Dei prædicator consecuturus sit, iuxta illud Matth. 5. Qui fecerit, & docuerit, magnus vocabitur in regno cælorum: fulgebit certè vt splendor firmamenti, & qui ad iustitiam erudiunt multos, quasi stellæ in perpetuas æternitates.

Actor. 1.

Gregor.

*Turpe vestem habere
humilem
& animũ
superbum.*

*Rom. 1.
Iudicium
temerariũ
periculosũ.
Psal. 42.*

*2. Cor. 2.
Greg. 1. 8.
Moral. c.
25.
Adulter est
doctor vanus.*

Daniel. 3.

Exercitium.

Domine Deus, in cuius manu sunt omnes fines terra, in cuius conspectu totus mundus, quasi gutta roris antelucani, priusquam me formares in utero, nosti me. Me nosti? imò amasti, & vocasti, ut annuntiarē nomen tuum fratribus meis. Me vocasti? nōne vir pollutus labiis ego sum, & in peccatis concepit me mater mea? Quis igitur sum ut enarrem iustitias tuas, qui eheu! nō, facio eas? imò cuius peccatis, & exemplo plures in interitum deturbari potuerunt! Quis ego sum ego, ut annuntiet omnes laudationes tuas in portis filie Sion? Et magis quis sū ego, ut toties venias ad me, & potestatem mihi tribuas filium tuū fieri? repleatur os meum laude, ut cantē gloriam tuam, totā die magnitudinē tuā. Certē vniuersum orbē, quod B Catharina Senensis de se, sanctissima inquam, virgo fatebatur; mea malitia nata est velut pestis, inspicere. Quomodo ergo assumam testamentum tuum per os meum? quis sum ego, canis mortuus, ut respicias ad me, & loquaris mihi? & per me ducantur ad te anime istae. N. qui eheu longē sum à te? Sed hodie, spero, de longē venies ad me, ut propē sis, & viuam in te, & qui surdos facis audire, & mutos loqui, solues vinculum linguae meae, ut non loquatur os meum opera hominum: nihil enim nisi de cogitare, & loqui volo aeternum.

Audito infelix ego homo, IESU bone, per seruum tuū sic te loquentē: Feci ego caelum & terram; eā conditionis facultate te dono, ut terram facias caelum: accendi ego luminaria; accende & tu clariora illis: namq; potes his, qui in errore sunt, lumen veritatis accendere maius istud beneficium est, quā solē intrueri. hominem facere non vales. at iustum gratumq; mihi potes efficere: ego substantiam feci; tu exorna propositum: vide quam te diligam, qui maiora tibi faciendi potestatem tribuo. Video, Domine, & gratias tibi ago toto corde, sed, ut nouit diuina bonitas tua, nescio loqui, & scio certissimē, quod nihil possim sine te. nullū verbum proferre, quia puer sum ego, & miserabilis absq; te: & verē sine te peccator grauissimus, pestis certissima futurus, ut non sit. vnde me extollam, sine te enim verē nihil possumus, & nemo potest venire ad te, etiam si

Applicatio ad Communionem.

Psal. 70.

Nota dignitatem eius qui aliū docet

Humiliatio sui.

omnia adhibeantur, nisi gratia tua traxerit illum. Mitte ergo, Domine, manum tuam, & tange labia mea, vt auferatur iniquitas mea; tange os meum, & pone verba tua, sicut gladium acutum, in eo. Sis tu, Domine, in ore meo, doce me quid loquar, vt euellam, destruam, disperdam, dissipem, adificem & plantem, nō asperè aut superbè, sed in visceribus charitatis & amoris.

Ierem. 1. Ecce bone pastor, IESV dulcissime, mittis me ante faciē tuā, ad oues, quæ perierunt, domus Israël: concede mihi gratiam coram populo isto, vt eundo fructum adferam, & fructus maneat, & semen centuplum afferat in virtute tuā.

Pater sancte, sanctifica nos in nomine dilecti Filij tui, vt simus vnus, sicut & vos. Sanctifica nos in veritate, quia pro nobis Dominus IESVS sanctificauit semetipsum, vt simus & ipsi sanctificati in veritate. Zelus honoris tui comedat me, vt te conculeantes, vel eò properantes amouere studeam; caroq; sanguine redemptas sponsas, tuosq; filios de hostium captiuitate educam in brachio tuo, qui sceleribus meis eos perdere, & exemplo potui & conuersatione. Ecce video stantes in crepidine abyssi, & audio te, Domine, vocantem, vt succurrā, hoc sitis, Domine IESV: pro hoc mortuus es, & ego eo fine vocatus. Da ergo mihi Domine, in iis tuum sanguinem intueri, tuam imaginem, non autē accipere personam hominum, sed te, dulcissime Redemptor mi; te, qui ubiq; es, cui fieri scio, quod vni ex minimis factum fuerit. Da mihi gloriam tuam spectare, non meam querere. Absit, vt ego videri velim, vel laudari, & esse Luciferi mancipium, à curia caelesti, & ab ipsis hominibus in die iudicij condemnandus. Propter te igitur, & tuā solius gloriam, quia ita placitum est tibi per obedientiam iubere, clementissime, amantissime misericordissime, hoc aggredior, in conspectu tuo: adiuua me protector meus, & tu beatissima Virgo Maria, refugium meum. & vos Angeli Custodes, & sancti loci Patroni quotquot adestis, date veniam mihi peccatori enarranti iustitias Domini mei; benedicite mihi, & vestris orationibus succurrite. Amen. Aue Maria. Veni Creator. Benedictionem pete à Domino, & B. Virgine. Nos cum prole pia, &c. Angeli sancti Dei, &c.

Exercit.

Exercitium post concionem,

Magnificat anima mea Dominū. Tua enim bone IESU, Lucæ 1.
 manus fecit omnia; neq; enim verbum possumus sine te,
 neq; sufficientes sumus aliquid ex nobis facere, tanquā ex no-
 bis, sed sufficientia nostra à te est. In quo ergo infelix gloria-
 bor? Dixi, fateor; sed si non habueris opera, dixit mihi seruus
 tuus Chrysoſt. non tantū loquens non profuiſti, ſed & po-
 tius laſiſti. melius eſt tacere. Quare? quoniam opus mihi reddis
 impoſſibile. cogito namq; quod ſi tu tanta diſſerens nō efficiſ,
 multo magis ego veritā dignus. In quo ergo gloriabor infelix
 homo? an quod homuncioni placeā, quod incertiſſimum eſt; &
 tibi, ac curiæ tuæ & omnibus Sanctis diſpliceam in æternū,
 & mercedem perdiderim ſempiternā? Tibi gloria, Deus meus;
 tibi gratias ago, Domine, qui dignatus eſ me vti ad miniſteriū
 tuum, indigniſſimo ſeruo tuo, ore ſuperbo, & impuris labiis,
 ad annuntiandum in populo veritatem tuam.

Chryſoſt.
 homil. 38.
 ad pop.

Ecce enim video defectus illos N. commiſſos, neque zelo tuo
 unico ſatis me moueri ſentio, neq; huic miniſterio dignè me
 parauī. O quot ſententias in tremendo iudicio recitandas, hic
 contra me tuli! Etenim eheu aliud facio, aliud dico, ſepulcrum
 dealbatum. Impono grauia onera aliis, quæ digito nolo attin-
 gere. Et vt Hypocrita, trabem in meo oculo negligens, de alie-
 no feſtucam eruere nitor: & quam aliis viam oſtendo, ipſe mi-
 ſer negl go. Quomodo ergo poterit, Domine, arbor hæc mala
 bonos fructus facere, non niſi per te, qui radix eſ, qui me por-
 tas, qui iuſiſti vt facerē? Obſecro te, ne propter me affligatur,
 aut impediatur in bono populus iſte: ſed errata mea emendet
 bonitas tua. ſi autem per eos ſtat, nec audiunt me, ſcio quia nō
 eſt ſeruus maior Domino ſuo, neque diſcipulus maior illo qui Matth. 10
 miſit illum: ſi te perſecuti, demoniacum vocarunt; quid
 quarar ego? potens eſ tamen, Domine, de lapidibus his Matth. 3.
 ſuſcitare filios Abrahæ. Benedic igitur, Domine, & da be-
 nignitatem, vt hæc terra afferat fructum ſuum; & ſuſcipe
 obſequium meum manibus & meritis B. Virginis, & omnium

Sanctorum, maximè Angelorum Custodum huius loci, & Patronorum; & in vnione prædicationis & passionis, & laborũ Christi IESV: & à tentatione me libera protector meus, cui me totum, vsq; ad extremam sanguinis guttam confecto & deuoneo, licet indignum Maiestate tua holocaustum, Amen.

Oratio breuior ante concionem.

Dignus es, Domine, accipere omnem gloriam & honorem, vtinam omnes ad te creatorem suum conuertam! Eia, Domine, video vt infiniti pereant, tuo sanguine & laboribus empti: & nemo potest venire ad te, nisi tu traxeris eum: quid ergo pollutis labiis & corde præstare potero sine te? da igitur mihi gratiam ad hoc, ad quod vocasti me, & adsint mihi Angeli tui, vt ad tuam vnus gloriam fiant vniuersa, Amen.

Oratio breuior post concionem.

LUC. I.

Magnificat anima mea Dominũ Tuũ est o IESV, à quo omnis sufficientia nostra. Ignosce imperfectionibus meis, ne & conuertendis obsint, & repetas eos de manu meã. Benedic, Domine, vt terra hac afferat fructum suum, & vos Angeli sancti Dei intercedite pro nobis. Amen.

Praxis ad ritè concionandum.

*Ambitia
ad pulpita
turpis &
noxia.*

Prima. Numquam ambi locum, pulpitum, aut cathedrã; sed humillimè admitte; minùs frequentes opta ex humilitate; aliis maiores cede, quòd alios te meliores æstimes, ac proinde Dei instrumenta aptiora. Vehementissimè autem abhorreat Dei seruus impedire, quo minùs gloria Dei per alium promoueat.

*Affectus
induendus
virtutis à
conciona-
tore.*

2. Cor. 9.]

Secunda. Nullam vnquam concionem habe, quin prius ipse imbiberis affectum erga illam virtutem, quam aliis commendatam esse desideras. maximè zelum exacue, & charitatem excita erga proximum & humilitatem: vt dicere possis cum Apostolo: Testis mihi est Deus, quomodo cupiam vos omnes in visceribus IESV Christi.

Tertia. Pœnitentiis atque mortificatione Dei gratiã ante concionẽ implora: grauissimam enim rem tractas, salutẽ pluris

plurimarum animarum, quam oratione multâ & lachrymis a Domino impetrare debes, non dictione tuâ. stulto itaque labore consumeris, si multum dictioni, parum orationi tribuas. Hinc videmus concionatores multos aliquando annos multos studere & concionari fructu paruo; qui si spiritum orationis haberent, magnum facerent. Quis vt Gregorius, afferre soliti, quæ auditorum corda ad rependendas laudes excitent, non autem ad lachrymas accendant. Munus suum vt præstet, ait Augustinus, magis pietatē orationū opus est, quā orationis facultate. Gregorius verò imitandum Christum Dominum proponit, qui nocte orabat, per diē docebat, vt quieti contemplantes sorbeant, quod occupati erga proximos loquentes refundant appositū; ipsi enim haurire assiduū debent de fontibus Saluatoris, quod in pectora auditorum transfundant. Accedit, frustra concionatorē dicere, nisi Spiritus sanctus cor præparet, & in te loquatur. & ad illud: Proponere quidem potest, sed non aptē, neque quod exdedit, nisi per gratiam illius, qui omnium corda videt, & omnium corda habet in manu suâ. Ad hoc statas habeat preces; quotannis, vt minimū semel, in solitudine exercitiis vacet. Deniq; semper oret, & non deficiat; & maiorem sciat curam in oratione, quam in præparatione ponendam. Etenim dicit Chrysostomus: Cū videō quempiā non amantem orationis studium, neq; huius rei feruidā vehementiq; curā teneri; continuū mihi palam est, eum nihil egregiæ dotis in anima possidere. Rursum: vbi quem conspexero insatiabiliter adhærentem cultui diuino, idque in summis damnis numerantem, si non continenter orauerit; coniecto talem omnis virtutis esse meditatorem, ac Dei amicum. D. Bernardus septem requirit quasi gradus ad fugestum. Primus est, contritio; Secundus, deuotio; Tertius, pœnitentiæ labor; Quartus, pietatis opus; Quintus, orationis studium; Sextus, contemplationis orium; Septimus, plenitudo dilectionis.

Quarta. Primò, oratione præmissâ, & intentione innouata, materiam diligenter conquire & distribue, scopo seu intentione destinata, ac deinde de illa meditationē institue. Obserua, eo pacto vtilem fore concionē, si formam meditando supra positam secutus, ex aliquo loco stimulum petieris ad excitandos auditorum animos; certū enim est, si in præsentia Dei, & compositione loci facta dixeris, ad Deū iapè etiā inter dicendum oculos & animum attuleris, efficaciter te dicturum Præparatione igitur præmissâ, cū tempus instat, ad orationem confuge: & Primò, considera Dei Maiestatem, & intentionem rectam. Secundò, peccata tua,

& ine-

*Vanitas
multorū.*

Greg. l. 8.

Moral. c.

26.

*Aug. l. 4. de
doct.*

Christ. c. 5.

Greg. l. 6.

Moral. c.

17.

*Dei est mo-
uere cor.*

*Chrysost. l. 1.
de orando
Deo.*

*Orationis
vñ & ei
instandū.*

*Septē gra-
dus ad sug-
gestum.*

*Serm. 18. in
Cant.*

*Praxis va-
ria anie in,
& post con-
cionem.
Quomodo
quis dicere
queat effi-
caciter.*

Gregor. l. 3.
Moral. c.
12.
Arrogan-
tia concio-
natorum
noxia.

& ineptitudinem tuam, & te humilia sub omni creaturâ, omnes te æstima meliores; tibi quæ prorsus diffide, Deo quæ confide. Habet, inquit Gregorius, doctrina arrogantiam, ut humiliter nequeat inferre quod docet; in verbis enim eorû proditur, quod cum docent, quasi in quodam sibi videntur sanctitatis culmine residere. Tertiò, considera miseras hominum, & peccata plurima, & numerum innumerum propè pereuntium, & dolores ac labores Christi Iesv, & zelum excita. Conscensurus suggestum, iterum te humilia; Secundò, intentionem ardentè renoua, dicendo: *Munda cor meum, ac labia mea, &c.* Tertiò, inuoca omnes Angelos præsentis auditorum. Inter dicendum, Dei præsentiam, quo ad potes, habes; ad eum sæpè animos attolle.

Nunquam
sine fructu
concio di-
mittenda.

Nunquam concionem deseras, quin efficias, ut auditores aliqua proponant, & ipse pro iis, quasi Deo offeras; qui unus est & perpetuus fructus concionis, sicut eleëmolyña, & oratio. Verbi gratiâ, dixisti de charitate inimicorum, offer Deo aliquos actus virtutis illius ex parte auditorij, quia legatione fungeris pro eo, obiectiones dilue corâ Domino, per apostrophem, vel aliter. Post concionem, gratias age Deo, ei quæ totum tribue, & roga, ut dignetur benedicere opera manuum tuarum. Diligenter autem vita plausum, eius quæ locum, & tempus. Ad omnem laudem cogita, *Non ego, sed gratia Dei mecum*: vel similem aliquam sententiam. Certe qui se laudat, ferè ex ignorantia Deo detrahit, & quasi calamo tribuit, quod scriptori debetur. Secundò, ad vituperia, si causam non dederis, gaude: illud enim certum signum est profectus tui, & alieni. Numquã de tuis loquere. Tota Christianæ sapientiæ disciplina nõ in abundantia verbi, nõ in astutia disputandi, neque in appetitu laudis & gloriæ, sed in vera & voluntaria humilitate cõsistit. Superbum enim Deus & homines despiciunt. Huc pertinet, gratulationes non admittere, quoad licet. Tertiò, paupertatē colas, particularia ne admittas: Gratis accepistis, gratis date, ait Dominus: & sic libertatē serua Christianam, & contrētus esto paucis, paucis quæ indigebis, viues quæ nulli obnoxius, & omnibus carus. Nescio enim, ait Hieron. quomodo etiam ipse qui deprecatur ut tribuat, cum acceperis, viliorē te iudicat, & mirum in modum, si eum rogantem contempseris, plus te postea veneratur. Et sic faciendo omnino, plus opere, quàm verbo; tacendo, quàm loquendo proficies; sicut plus confert virtutis, quàm doctrinæ opinio. latronem de iustitia dicentē spernimus: ita quemuis ea patrantem, vel appetentem, quæ vitanda proclamant. conuiuia, spectacula, secularia negotia, per se patet quàm sint vitanda.

Hieron.
epist. 2. ad
Nepot.
Facta oportet loquantur.

Videro

Videre complura poteris in instructione B. P. Francisci Borgia; item in oratione R. P. Caroli Regii. *Dignatus es*, vt supra pag. 10.

JACVLATORIE.

Seruus qui scit voluntatem domini sui, & non facit, plagis va- Luca 12.
pularit multis.

Ego non quero gloriam meam sed eius qui misit me. Ioan. 8.

Si ego gloriam meam quero, gloria mea nihil est. Ibidem.

In verbo tuo Domine laxabo rete. Luc. 5.

Si quis loquitur, quasi sermones Dei: si quis ministrat, tanquam 1. Petri. 4.
ex virtute quam administrat Deus.

Non nobis Domine, non nobis, sed nomini tuo da gloriam. Psal. 113.

Et si tentatio surrepat:

Vade retro Satana: Dominum Deum tuum adorabis, & illi so- Matth. 4.
li seruies.

C A P V T XXXIII.

*Meditatio de Lectione pia, magno ad medita-
tionem & perfectionem auxilio.*

COMPOSITIO LOCI erit, considerare Deum præ-
sentem, & in mundi creatione thesauros potentia
& sapientia, ac bonitatis suæ explicantem pro salute
nostrâ.

ORATIO: pete à Deo, vt det tibi intellectum de le-
ge suâ.

PVNCTVM I. Considera quanta multitudo librorum
toto orbe terrarum fuerit, videlicet propè infinita, &
etiamnum sit: quid verò illis continetur, & conten-
tum fuit, nisi artium & scientiarum explicatio, & hu-
manæ industriæ, potentia & iustitiæ monumenta.
Quorsum hæc? inspicere. Nōne cū omnia Deus o-
peretur in omnibus, ipse instinctus illos dedit, & ad la-
bores suffecit animos eis ac vires, vt illa salutis auxilia
tibi, & singulis hominibus per scriptores illos tribue-
ret

ret, præteritarum inquam rerum memoriæ tibi & omnibus viuentibus præsentēs res eas facerent, & magnalia eius enarrarent. gratias ergo illi age toto corde, & donis vtere. Deinde cū loco paruo, ergastulo huius corporis inclusi simus, & neque oculis, neque cogitatione longè prospicere possimus: vt ea quæ longè absunt coram essent, iisque pasci in alienis scriptis posses, & malis simul ac bonis euentis ad salutem, quo spectant omnia, iuuari: cū diligentibus Deum omnia cooperentur in bonum. Adde, vt quæ singulis Deus communicauit non ex vanitate, sed societatis humanæ iure, communia ea essent; & quidem non temerè pronuntiata, sed labore & meditatione multâ expolita. Vides quanta sit prouidentia Domini in librorum scriptione, quàm suauis, quàm benigna? vtere igitur, & statue tantum beneficium non negligere. Quid enim hoc esset? præsidium certè ad salutem non exiguum contemnere, idque aut quia homo per se solum sapere se putat, quod extremæ est arrogantia, aut, quod non minoris dementiæ, quia sapientiam ac prudentiam discere, parui facit; aut certè quia tempus illi tribuere piget: enimuero, si considerares, quanto suauius cū mortuis, quàm cum viuis esset colloquium, nec fabulas, nec ludum lectioni præponeres. illi enim iucundam tibi omnium temporum (& simul ferè) feriæ repræsentarent, illi naturæ seu potiùs auctoris eius arcana patefacerent, illi gratiæ portentis in admirabilem diuinæ potentiæ abyssum considerationem deducerent. *Hæcine vera, &c. vt sup. pag. 7.*

*Neglectus
lectionis
vnde.*

*Suauitas
ex lectione*

*Lectionis
piæ utilitates.*

PUNCTVM II. Considera quæ bona, quas piæ lectio utilitates habeat. Primò, intellectum illuminat; Secundò, voluntatem accendit; Tertiò, memoriam optimis imaginibus, id est, templum animæ nostræ exornat, vereque diuitem hominem facit. Nōne enim præstantiores opes rerum cognitio, quàm terræ,

lapi-

lapidum, &c. possessio? Intellectum dixi illuminare: videbis enim in eâ, ex præteritis quæ tibi futura, quæ tibi prouidâ mente cauenda, te tibi in alio, velut speculo, intuebere: te nosces, vt Gregor. libro 1. Moral. Hieron. verò epist. 143. ad virg. Demetr. dicit, Optimè vteris lectione diuinâ, si tibi eam adhibeas speculi vice. Erit tibi etiam pro concionatore, consiliario bono, admonitore qui liberè moneat, quod alij non audent. Denique poteris ex omnibus ad Dei cognitionem ascendere. Expende hæc, & non mirabere, si dæmon tanto conatu à bonorum librorum lectione adolescentes, viros, feminas, magnates diuertat, ne scilicet in bono opere se inspiciant, ad cor redeant, & ad Deum suum. Omnis enim scriptura diuinitus inspirata, utilis est ad docendum, ad arguendum, ad corripiendum, ad erudiendum in iustitia, vt perfectus sit homo Dei, ad omne opus bonum instructus. Illud fateor quidem de sacrâ dictum esse, sed ad aliam etiam, quando bona est, potest transferri: nemo enim bonus, nisi solus Deus, & quæcumque bona & vtilia, ab eo sunt. Considera igitur illa verba, & vtilitates sacræ Scripturæ expende, & quantum studium sit ponendum in ea. Est enim sacra Scriptura, Primò, lux & lucerna pedibus nostris. Lucerna, ait Dauid, pedibus meis verbum tuum. & Apostolus Petrus: Habemus firmiorem propheticum sermonem, cui benè facitis attendentes, quasi lucernæ lucenti in caliginoso loco, donec dies elucescat, & lucifer oriatur in cordibus vestris. Secundò, est hæreditas à Deo nobis relicta; vnde dicebat Dauid: Hæreditate acquisiui testimonia tua, & diligebat ea super aurum & topazion. Tertiò, est via: quis autem peregrinus de ea sollicitus non est? Hæc est via, ait Isaias, ambulate in eâ, & non declinetis neque ad dextram, neque ad sinistram. Quartò, quia spiritus & vita est in iis (sic enim Dominus Joannis 6. Verba mea, spiritus & vita sunt) & amoris

Gregor.
Hieron.

Dæmon le-
gionis stu-
dium odit.

2. Tim. 3.

S. Scripturæ
laudes.

Psal. II.

2. Petri 1.
Est lux, &
spiritus, &
vita.

Psal. 118.

Isaia 30.

Luc. 24. ris incentiua. nōne, aiebant illi, cor nostrum ardens
erat in nobis, dum loqueretur nobis in viâ, & aperiret
nobis scripturas? Vis igitur viuere? vis spiritum dute-
Deus vult
Scriptu-
ram legi. re, attrahere salutarem? lege Scripturam. Lege, in-
quam, quia Deus ita mandauit. Primò enim iussit
Prophetas, & viros Sanctos scribere: illos expresse,
hos sanctâ inspiratione: cū non alio fine, quàm stu-
dio proximum iuuandi, ad id animum appulerint. Sic
Exod. 17: Moyſi dixit: Scribe hoc ob monumentum in libro.
Jerem. 30. Jeremiae: Tolle volumen libri, & scribes in eo omnia
Apoc. 1. verba quæ locutus sum. S. Ioanni: Scribe ergo quæ
vidisti. & alibi sæpè. Secundò, mandauit legi publi-
cè: Conuenientibus cunctis ex Israël leges verba le-
Deut. 31. gis huius coram omni populo Israël congregato, tam
viris, quàm mulieribus, paruulis, & aduenis. sed no-
uissimè mandauit per Filium, Scrutamini, ait, Scriptu-
Ioan. 5. ras. Nec solū communiter, sed etiam priuatim lectio
Deut. 17. commendata: & Primò, Regibus ac Principibus.
Postquam, ait Dominus, federit in folio regni sui, de-
In mani-
bus superio-
rum Scri-
ptura esse
debet.
Iosue 1. scribet sibi Deuteronomium legis huius in volumine,
accipiens exemplar à sacerdotibus Leuiticæ tribus; &
habebit secum, legetque illud omnibus diebus vitæ
sue, vt discat timere Dominum Deum suum, & custo-
dire verba, & cærimonias eius. Et Iosue 1. Non re-
cedet volumen legis huius ab ore tuo, sed meditaberis
in eo cunctis diebus ac noctibus, vt custodias, & fa-
cias omnia quæ scripta sunt in eo: tunc diriges viam
tuam, & intelliges eam. Et rursus: Ponite hæc verba
in cordibus, & in animis vestris, & suspendite ea pro
signis in manibus, & inter oculos vestros collocate.
Vides quo studio Dominus legi Scripturas velit.
Scriptura
est Dei epi-
stola, & pi-
get legere? Nunc attende: si tu magno studio, & amore ac labo-
re dictasses epistolam ad amicum, vt eum moneres de
periculis maximis, & ille negligeret: quid si filio, si ser-
uo mandata scripsisses, & ipse legere contemneret, &
simul tuam negligeret curare hæreditatem; quàm ægè
id fer-

id ferres? At Deus, Rex regum per filium suum tibi misit sacras Litteras: dictavit, eructavit abscondita à constitutione mundi; & vix aspicere libet? Audi igitur quisquis es: & si libet epistolas legere amici, procuratoris, & vilissimorum hominum, non pigeat legere Dei, sed accuratè lege, quoniam jota vnum, aut vnus apex non præteribit, donec omnia fiant. Libet legere gesta hominum? ecce Dei hîc sunt. verba eorum? hîc Dei sunt. prudentiam eorum? hîc Dei sapientia est. bella eorum? hîc de tuis cum dæmone instrueris. remedia malorum temporalium? hîc habes & simul æternorum. *Aspira, vt sup. p. 8. Haccine firmâ fide, &c. ibid.*

PUNCTVM III. Considera Primò illa verba: Non in solo pane viuit homo, sed in omni verbo, quod procedit de ore Dei; & lectionem cibum esse animæ disce. *Math. 4. Lectio est animæ cibus. Deut. 8. Sap. 16.* Secundò, esse velut manna, omne delectamentum & omnis saporis suauitatem in se habens, deseruiens vniuscuiusque voluptati: quanto igitur studio manè illud colligere deberemus, eoquæ vesci! Verè enim dixit Hugo: Sacra Scriptura est liber vitæ, cuius origo æterna, cuius incorporalis essentia, cuius cognitio vita, cuius scriptura indelebilis, cuius inspectus desiderabilis, cuius doctrina facilis, cuius scientia dulcis, cuius profunditas inscrutabilis, cuius verba innumerabilia, & vnum tantum verbum omnia. Nihil in hac vita dulcius sentitur, nihil auidius sumitur, nihil ita mentem ab amore mundi separat, nihil sic animum contra tentationes roborat, nihil ita excitat & adiuuat ad omne opus, & ad omnem laborem, sicut studium sacræ Scripturæ. Etenim in ea quidquid docetur, veritas; quidquid præcipitur, bonitas; quidquid promittitur, felicitas est. Nam Deus veritas est sine fallacia, bonitas sine malitia, felicitas sine miseria. Idcirco quod Aristoteles de Philosophiâ, de hac vna verè dici potest: Qui voluptate, ait, frui, & tristitiâ carere velit, nullum aliud esse remedium quàm Philosophiam: eius enim mul-

*Hugo de
arca Noë,
S. Scriptu-
re præ-
stantia.*

*Idem lib.
de anima.*

*S. Scriptu-
ra magnâ
solatur.*

*August. l. 8
Conf. c. 12.*

*Exempla
eorum qui
conuersi per
lectionem.
Actor. 8.*

*Deus adest
pia legenti.*

*August.
ser. 56.
ad Fratres*

Hieron.

*Ambros. l.
1. Offic.
c. 20.
Lectio est
colloquiū
cum Deo.*

tas & magnas esse delectationes, certum est. Quid igitur iuuat, quid prodest, in mundanis proficere doctrinis, & inanescere in diuinis? caduca sequi figmenta, & cælestia fastidire mysteria? Considera Tertio, hoc esse vnum, inter præcipua salutis media. Sic Augustino ut conuerteretur cælitus inclamatum: Tolle, lege; tolle, lege; legit, & intellexit viam mandatorum Domini. Sic illi, apud eundem, Nobiles cum B. Antónij vitam legerent, conuersi, à sponsis, à sæculo ad Religionem perducti fuere: sic S. Pater Ignatius. Sic Eunuchus legit Isaiam, missusque ei Philippus interpretes. Considera igitur, Deum quasi carmine, ut sic loquar, inuitari, quoties de eo sermonem legimus, aut facimus. Aduolat ille amator hominum, benignissimus. Iesus, ubi duo congregati sunt in nomine ipsius: saltem corpus & anima. Quarto, præterea est velut epistola amatoria Dei ad animam; & quomodo poteris despiciere eam? Augustinus ait, Diuinæ Scripturæ, quasi litteræ, de patriâ nostrâ sunt. Immo verò, quotquot libri, veræ sunt epistolæ: quibus innumeris modis suam Deus tibi, ut eum ames declarat potentiam, sapientiam & bonitatem. O quanta dignatio! quantus amor Dei nostri! O Domine, quid est homo, quod memor es eius; aut filius hominis, quoniam reputas eum? Tenenti ergo codicem, ait Hieron. somnus obrepat, & cadentem faciem pagina sancta suscipiat. Quinto, est etiam cum Deo colloquium. Cur non, ait, Ambros. illa tempora, quibus ab Ecclesiâ vacas, lectioni impendas? cur non Christum reuisas? Christum alloquaris? Christum audias? Illum alloquimur, cum oramus; illum audimus, cum diuina legimus oracula.

Oratio post lectionem.

IN capite libri huius scriptum est de me, vt facerem voluntatem tuam; Deus meus volui, & legem tuam in medio cordis mei. Concupiuit anima mea desiderare iustificationes tuas in omni tempore, cognoui enim Domine, quia equitas iudicia tua: sed cum non simus sufficientes aliquid facere vt oportet ex nobis, da mihi gratiam, vt quod scio & desidero, faciam ad gloriam magni nominis tui. Amen.

Psal. 39.

Psal. 118.

Praxis ad librum spiritualem legendum.

PRI^{MA}. Cura pios ac bonos libros, & libellos comparari, immo pro munusculis distribue. De Alexandro legitur, quod Darii myrothecium preciosissimum dederit Homero seruando, eumque secum tulerit semper, sub ceruice habuerit dormiens, vt euigilans ad manum eundem haberet. O quantum confundit huius diligentia in re vanâ, nostram in salutis negotio inertiam! Sanctus Chrysostomus verò de Eunuchò Candacis Reginæ, quod ad rem nostram facit, loquens: Ecce, ait, hic Eunuchus, & Barbarus erat: quæ vtræque ad legendum negligentiores vt redderent sufficiebant, & ad hæc dignitatis amplitudo, & opum abundantia: adde, quod & in itinere erat, & curru ferebatur: attamen desiderium & ingens studium, omnia obstacula è medio auferens, in lectione retinebat.

Exemplum
Alexandri
& Eunuchi
legentis.

Chrysost.
35 hom. in
Gen.

Secunda. Statue tibi certum tempus quocumque in statu sis, legendi quotidie aliquid ad salutem tuam: neque perisse illud arbitrare, si quæ dicta sunt, expenderit. Hoc in omni ordine benè ordinato seruatur. Immo etiam si paterfamilias es, cura communiter familiæ commodo tempore aliquid legi. Poteris etiam facere, vt ex lectione priuata, quilibet aliquid in commune post mensam proferat, vt in Galliâ à viris etiam principibus fieri solet. Utinam, & in omni Religione, in quibus Scripturæ ferculū ferè super mensam proponitur, imò & eius explicatio; utinam, inquam, de parte aliquâ sermo post eam institueretur! sanè suauissimus fructus atque vtilissimus illius exercitationis foret.

Statue le-
ctioni
tempus vt
cibo.

*Bern.in ep.
ad Fratres.
Eleva
mentem
dum legis.
Vincent.
de vita
spirituali.*

Tertia. Inter legendum fac quod monet S. Bernardus. Hauriendus est sapiens, ait, lectionis seriae affectus, & formanda oratio, quæ lectionem interrumpat, & non tam impediatur interruptendo, quam puriorē continuū animum ad intelligentiam lectionis restituat. Idem monet D. Vincent. & quod vulgò dici solet, faciendū est ut columbæ, ut gallinæ, quæ post singula propè grana sursum respiciunt. Imò ei qui meditari, aut orare nequit, vtilissima hæc occupatio est.

*Pij libri in
carcere,
etiam cu-
randi.*

Quarta. Nō solum pii libri ut domi suæ sint curare, verum etiam noxios ab eâ proscribere. Huc pertinet in locis ubi morari multi debent, v.g. ubi statio militaris, libros aliquos, ut instrumentum certum loci illius, affixos habere, & in atrio Religiosorum sæpe hâc occasione curiositas adduxit ad legendum, & pietas etiam sese in animam insinuauit.

*Quæ obser-
uanda in
lectione.*

Quinta, Aduerte autem nonnulla in lectione tibi obseruanda: Primò, ut præpares animum tuum ad illam breui mentis elevatione, quâ roges Dominum ut dignetur tibi loqui ad cor, cum proposito faciendi quod te docuerit, ut suprâ obiter l. i. dictum est. Secundò, tractim lege, neque te hoc cibo spirituali obrue; sed attende quasi audias Deū; Tertiò, interrompe oratione jaculatoriâ saltem dicendo, *Da Domine quod iubes, & iube quod vis*; Quartò, postquam plura legisti, ut D. Bonauent. bene monet, ea ipsa in modū orationis redige, & compendium, ut sic quod Bernard. monet, commodè præstare possis. Sic enim ille ad Fratres de monte. Sed & de quotidiana lectione aliquid quotidie in ventrem memoriæ demittendum est, quod fidelius digeratur, & rursus reuocatum crebrius ruminetur, quod proposito conueniat, quod detineat animum, ut aliena cogitare non libeat.

Bernard.

*Fortuita
lectio
quando
vsui.
Rom. 13.
Lucæ 4.*

Sexta. Fortuita lectio in tristitia, tentatione, dubitatione sæpè opportuna fuit. Sic S. Augustinus aperiendo librū, legit aptum sibi locum; Non in comessationibus & ebrietatibus, non in cubilibus, & impudiciis, non in contentione & æmulatione, sed induimini Dominum Iesum Christum. Sic Saluator noster librum quasi fortuitò aperuit, & locum de se inuentum explicauit. Consultantes autē sic consulere Deum solitos refert Illustriss. Cardinalis Baronius ex Cedreno, dicens, Heraclium post triduanum ieiuniū nesciū an in Albania maneret, aperuisse librū, & lectis illis verbis: Apud vos autē forsitā manebō, vel etiā hiemabō, ambiguum animum firmasse. Sic Moroneus dū regnandi audius Chilperico patri insidias parat, Greg. Turonensi

*Baron. to.
8. a 622.
2. Cor. 16.
Consultitur
Dominus
lectione
fortunâ.*

cum

cum eo colloquente, eoque instructionem petente, aperuit hic librum, & opportunus occurrit locus: Oculum qui subsannat patrem, effodiant eum corui de torrentibus; atq; ita eius vulnere tacito medicina proposita diuina ac suaui prouidentia. Quâ etiam D. Antonius, audito hoc verbo: Si vis perfectus esse, vade, & vende omnia quæ habes, & da pauperibus; jecit primum fundamentum illius fastigij, & turris perfectionis, quam deinde ædificauit.

Septima. Quemadmodum autem talis quisque est, tales amici: ita talis, quales libri, quos legit: vide ergo qualem teipsum velis, qualem vxorem, filios, & ea lege, quæ pietatem spirant, non vanitatem; castitatem, humilitatem, non verò his aduersantia. Si enim corrumpunt bonos mores colloquia praua, decuplo magis persæpè lectio, quia vbique obuia, quia verecundia eam non prohibet, comit industria, condiuit & condit diaboli versutia.

Dignatus es, &c. vi sup. pag. 10.

JACULATORIE.

DA mihi intellectum, & scrutabor legem tuam, & custodiam illam in toto corde meo.

Psal. 118.

Viam iustificationum tuarum instrue me, & exercebor in mirabilibus tuis.

Ibidem.

Dirige me in veritate tuâ: doce me, quia tu es Deus Saluator meus, & te sustinui totâ die.

Psal. 24.

CAPVT XXXIV.

Meditatio prima de Perseuerantiâ, singulari auxilio in viâ virtutis.

COMPOSITIO LOCI, est, constituere se coram Christo crucifixo, qui vt omnia consummauit, ita illustre illic perseuerantiæ dedit exemplum.

ORATIO, vt suprà.

Quid sit perseuerantia.
Thom. à Kempis, l. 1. cap. 21.
Cuique gratiæ dantæ coope- randum.
1. Cor. 12.

PVNCTVM I. Considera, quòd perseuerantia sit in ratione bene consideratâ stabilis, ac perpetua perman- sio, non obstante difficultate diuturnitatis. Percutre hic proposita sancta tua, & vide quantâ, & quàm fre- quenti consideratione ea decreueris; quàm verò in- constanter ea profecutus sis; & si vel vnum vitium constanter quotannis conatus fuisses extirpare, quan- tus modò fores! Secundò scias Deum vnumquemque vocare non tantum ad statum certum, sed certam viam, & semitam & gradum in hoc vel illo statu: quæ sunt exercitia aliqua, quibus si homo insisteret, ad per- fectionem venire posset, & non aliter. (varia enim do- na sunt, & diuisiones gratiarum; etsi vnus Spiritus.) Hinc verò ferè esse principium apostasiæ, à fine & religiosa vocatione, quòd parua in speciem propria statui; re ve- rò magna negligantur & interrumpantur exercitia, at- que fluxus diuinæ gratiæ retardetur. vide igitur ad quæ bona propensus, quæ tibi magis necessaria.

Haccine vera, vt sup. pag. 7.

Matt. 24.
Laur. Iust, de ligno vi- tæ tract. de obed. c. ultim.

PVNCTVM II. Considera necessitatem huius virtu- tis, etiam in paruis: qui enim perseuerauerit usque in fi- nem, hic saluus erit. Quod, etsi de finali in bono perse- uerantiâ dictum, tamen ad alia pertinet exercitia: in qui- bus si inconstans fueris, finalem aliquâ etiam ratione perseuerantiam labefactas, cui vt calcaneo diabolus insidiatur. Deinde, vt Laurentius Justinianus, virtus laudem non meretur, nisi in eâ vtiliter perseueretur. Sicut non satisfacit partem debiti soluens, nec qui par- tem

rem itineris conficit, peruenit; nec qui partem stadii decurrit, brauium capit. Quid ergo hi faciunt? Labore sese fatigant prorsus inani, ac pleno insuper ignominiâ, defectu perseverantiæ. Bonum enim inchoare, & malo sine concludere, quid aliud est quàm monstrosas res conficere? Illa enim actio quasi chimæra est, quæ initium quidem habet à ratione, sed finem à sensualitate. Prorsus absque perseverantia, nec qui pugnat, victoriam, nec palmam victor consequitur. Vigor virium, virtutum consummatio est (vt Bernard.) nutritrix ad meritum, mediatrix ad præmium. soror est patientiæ, constantiæ filia, amica pacis, amicitiarum nodus, vnanimitatis vinculum, propugnaculû sanctitatis. Tolle perseverantiam, nec obsequium mercedem habet, nec beneficium gratiam, nec laudem fortitudo.

Perseuerantia necessaria in omni re. Aug ser 8. ad fratres Eremitæ.

Bern epist. 10. ad Ianuenses.

Credo tibi, vt sup. pag. 7.

PUNCTVM III. Considera Primò, quàm turpe sit, instar arundinis vento agitata multa inchoare, nihil perficere: vt patet ex simili, si quis in vniuerso omnia inchoata videret. Secundò, quòd omnis labor irritus sit, & vt ita dicam, impensa gratiæ perdita, dum semper struimus, & mox destruimus. Tertiò, attende relabentem facere perinde, ac si proditor post veniam à Rege adoptatus, iterum incipiat rebellionem moliri, & Regis cædem: etenim peccator, culpâ mortali Christum subimet crucifigere dicitur. Quamuis autem venialibus peccatis atque imperfectionibus Dominus Iesus non crucifigatur; tamen quia per illa ad mortale disponitur homo, eò quòd charitatis vigor sensim imminuatur, etiam ad illud facinus tendere videtur. Quartò, considera, optimam vitæ rationem, constantiâ & consuetudine valde facilem fieri; at contrà semper inchoantem, semper esse discenti similem, omniaque difficilia experiri. Igitur sic statue: Ecce stadium ingressus sum: quid ergo? cupiõne rapere brauium? si volo; vrũ præstat? vno mense vel altero strenuè laborare,

Labor omnis inanis absque perseverantiâ.

Inconstans proditiõnem moliri videtur.

2. Tim. 3.
Quàm mi-
serum sem-
per ire, &
non perue-
nire.

& postea in summâ quiete viuere; an semper in schola Christi discere, & numquam ad scientiam peruenire; semper serere, & non metere: fodere, & aquam non inuenire: ædificare, & numquam consummare, vt domo frui possim, sed iniuriis aëris expositum manere? Quintò, considera perpetuum, & sibi similem cælorum motum, anni tempestates; & cætera à creatore nostro, perpetuo quodam ordine ac modo gubernari; omnia in pondere, numero & mensurâ, etiam minutissima quæque esse facta, vt nos etiam accurati esse discamus, & ab omnibus creatis ad id inuitemur. talia commoda & incommoda constantiæ & inconstantiae percurrere.

Aspira, vt sup. pag. 8. Haccine firmâ fide, vel, O Rex Regum, vt infra 492.

Meditatio Secunda.

Inconstans
duplisciter
laborat.

Iudicia
hominum
contemne.

Eccli. 19.

PVNCTVM I. Considera, quid sit, quod in exercitio virtutis te inconstantem efficiat. Primò, fortè est laboris fuga; sed si inspicias, illum hoc pacto eo plus augeas, quo facilius domum conseruare, quàm ædificare; seruare sanitatem, quàm recuperare; cauere lapsum, quàm surgerè. ergo vide, an præstet declinare paruum laborem, & grauem admodum, ac intolerabilem propè subire, vt inconstans facit. Vel Secundò, fit ob iudicia hominum, & sermones. O quæ clementia! aduerte eum, qui suadet vel cogit interrompere, grauissimè tibi nocere, quacumque specie id faciat. seu amici, seu aduersarii. quòd si verè talis non est, saltem ab aduersario tuo capitali diabolo subornatus est, vt in viâ deficias, ne ducem IESVM constanter sequaris, ac tandem, fractus molestiâ, ex paruo profectò nasci solitâ, ab eius sequela. nauseabundus abscedas; nam qui contemnit modica, verè (vt Scriptura loquitur) paulatim decidit. Videtur huiusmodi perinde facere, ac si cataractam diu retentam, molæ verbi gratiâ vertendæ, sinat elabi. O quanto

quanto tempore ac labore opus est, vt cessatio parua compenſetur! Simile idem habes in aliquibus opificibus, qui ignem perpetuum alere debent, quibus remissio parua, maxima iactura est, quos imitari diligentiam debemus, atque ignem semel accensum in altari animæ nostræ, vt olim præceptum fuit, semper fovere.

Hæcine vera, vt sup. pag. 7.

PUNCTVM II. Considera stultitiam eorum, qui perinde, vt Scripturæ verbis vtar, ac luna mutantur, instabiles sunt, ac crebrò exercitia mutant. frustra enim hi ex præsumptione omnia ambiunt; sæpe quæ audiunt, neque considerant vocationes esse varias, quodque vnusquisque donum habeat ex Deo, alius verò sic. Laudet, ait Cassian. aliorum virtutes, ipse in sua pergat, etiamsi vaccæ mugiant sensualitatis, improbitate laboris omnia superanda.

Credo tibi, &c. vt sup. pag. 7.

PUNCTVM III. Considera Primò, quàm difficilis perseuerantia, ac proinde verè gloriosa; multi enim vocati, pauci verò electi. Ex Saule exemplum pete, Salomone, Iuda, Nicolao Diacono, Tertulliano, & Origene, & tot quotidie Religiosis. Secundò, quàm studiosè eam Sancti coluerint, in eodem loco manentes, (nam,) vt Climachus, qui faciles sunt ad mutationes locorum, improbi iudicantur) in magna austeritate diutissimè viuentes, castitate summâ ac pietate. Dic verò tibi cum Augustino. Tu non poteris quod isti, & istæ? Tertiò, quomodo CHRISTVS IESVS in finem perseuerauerit propter te dicens, Baptismo habeo baptizari, & quomodo coarctor, vsque dum perficiatur? Et rursus in cruce tibi dixit: Consummatum est. Quartò, considera aduersus pusillanimitatem prouidentiam Dei, & amorem erga nos; quodque in illo omni apossimus qui nos confortat. Attende verò in vitiis recidiuam, vt in febre pessimam, fierique hominis illius nouissima deteriora prioribus, iuxta Euangelicam

*Diligentia
opificum
est imitan-
da.*

Leuit. 6. 1

Eccli. 27.

*1. Cor. 7.
Col. 14.
c. 5.*

Matth. 22.

*Climach.
grad. 3.*

*Aug. lib. 8.
Confessio-
num.
Luca 12.*

Philip. 4.

*Matt. 12.**Hebr. 6.*

licam parabolam. Namque ob ingratitudinem ex parte Dei, emendatio fit difficilior; & ex parte dæmonis, quia ille potentior; & ex parte peccatoris, quia debili-
 or. vnde Paulus, Impossibile est eos, qui semel sunt illuminati, gustauerunt etiam donum cæleste, & prolapsi sunt, rursus renouari ad pœnitentiam.

Aspira, vt sup. p. 8. Hæcine firmâ fide, &c. ibid.

Meditatio tertia.

*Remedia
 efficacia
 sunt quæ-
 renda.*

*Non vult
 sanari qui
 remedia
 efficaciora
 non quæ-
 rit.*

PVNCTVM I. Considera, quæ remedia hætenus adhibueris ad superandum te, vel virtutem acquirendam, quemque profectum feceris; si exiguum, cogita an illud per se remedium satis sit efficax, nec ne: si non, & nihilominus aliud pigeat adhibere, ex te percontare num velis illam imperfectionem expugnare, aut perfectionem acquirere. Volo, ais; Quare tibi ergo illudis? Quid enim? velle tibi is videretur sanari qui remedia adhibita nouit minùs sufficere, neque tamen alia quæ in manu habet vsurpare vult, aut applicari permittit? cui talis imponit, nisi sibi, quasi velit, & imperitis? Dicitur verò mihi, si videres aliquem crebrò tentasse leuare graue pondus, aut promouere manu vnâ currum, vel boue vno aratrum trahere, neque posse; nollet tamen conatum maiorem, aut auxilia adhibere, illumne vellet diceres? Adde, si quis foret, qui vellet quidem extructum ædificium, neque tamen materiam aut operas conquirere, manumque admouere studeret, nõne stultè eum agere meritò diceres? id applica tibi, volenti turrim perfectionis ædificare. quâ in re certè perinde est, aut nulla adferre, aut efficacia nolle media adhibere: immò præstaret omnino nihil tentare, quàm se frustra fatigare, vanaque sui complacentiâ, maiori periculo se exponere, ac lento labore velut igne frustra consumi. *Hæcine vera, vt sup. p. 7.*

PUNCTVM II. Cogita, Vel ego in hoc nunc superare me volo, vel numquam. Si volo, potiùs iam pergere constanter debeo, priusquam intepescat amor ac voluntas, & dum vita datur, & occasio, dum vires animi corporisq; magis integræ, minùs per torpedinem ac inconstantiam labefactatæ, minùs Deus à me offensus per eam, à quo mihi omne auxilium meum. quorsum dissero? nōne crescit passio dum negligitur? dilatione & interruptione feruor charitatis minuitur? morbus grauior animi quo diutiùs in tepiditate manetur? Denique quid ex mora vtilitatis?

Aspira, vt suprà pag. 8. Haccine firmâ fide.

PUNCTVM III. Considera, in omnibus difficilibus virtutum exercitiis esse tria, quæ permouere te debeant. Primum est necessitas durissimum telum; quæ hîc sine dubio inuenitur, cùm salui omnino esse velimus. certum autem multos, eò quòd initio sese non superent, deficere primò à vocatione, deinde etiam salutis facere naufragium. Secundum, iucunditas, quæ partam sequitur victoriam: qui verò remissè agit, est frater opera sua dissipantis, semperq; laborat, ac de fructu manuum suarum minimè comedit; contrà qui semel virtutis molestiam vicit, perpetuò felix & beatus. Tertius stimulus, est æterna gloria virtuti debita: ecce quàm multi, quàm fortiter in bello & aliis se gerant filii sæculi pro vana gloria, te verò cur obsecro non excitat æterna? quid non fecerunt Martyres cum Christo iam in Cælis triumphantes? quomodo audebis cum illis & coram illis comparere, quos fortissima facta, durissima tolerata gloriosos efficiunt & coronant?

Obsecro te, & moneo, qui hæc legis, vt qui Sodomam reliquisti, ad montana festinans, post tergum ne respicias, ne aratri stiuam, ne simbriam Saluatoris, ne cincinnos eius noctis rore madefactos, quos semel tenere coepisti, aliquando dimittas: ne de recto virtutum pristina quæsiturus vestimenta descendas, ne de agro reuer-

Vendum occasione & tempore.

Necessitas nos impellat, oportet.

Prou. 18. Iucunditas ex feruore & felicitas.

Hier. ep. 28. ad Lucinum. Nota similia.

reuertaris, domum : ne campeſtria cum Loth, & amœna hortorum diligas, quæ non irrigantur de cælo, vt terra ſancta, ſed de turbido flumine Jordanis, poſtquam dulces aquas, maris mortui commixtione mutauit. Cœpiſſe, multorum eſt, ad culmen perueniſſe, paucorum.

*Aug. ſerm.
8. ad fra-
tres in
Eremo.*

O fratres mei, non tædeat incipere magna, nec faſtidio ſit retinere inchoata, ſcientes quòd perſeuerantia informat meritum, colorat bonum propoſitum, remunerat currentem, coronat pugnantem, ducit ad brauium, conducit cunctos ad portum : hæc eſt tunica talaris S. Ioseph, vſque ad finem contingens : hæc eſt tunica ſacerdotalis, vſque ad pedes perueniens : hæc eſt cauda hoſtiæ, quam tenemur reddere Deo, & offerre : hæc eſt calcaneum bonæ operationis, quod contra ſerpentis morſum debemus obſeruare : hæc eſt virtus, quæ Deum ligat, hæc eſt quæ omne bonum informat.

Exercitium pro perſeuerantia in via virtutis.

*Epist ad
Roman.
& refer-
tur à Hie-
ron. I. de
Scriptori-
bus Ec-
cleſiaſti-
cis.
Rom. 8.*

O Rex regum, & Domine dominantium, verè tibi ſeruire regnare eſt; quis mihi det, vt ſincere tibi ac perſeueranter ſeruiam, & oſtendam me verè ac ſincere ſeruum tuum, fortia agendo, & dura tolerando? Ignis, crux, beſtia, confractio oſium, membrorum diuiſio, & totius corporis contritio, & tota tormenta diaboli in me veniant, tantum Chriſto fruor, inſonat generoſus Martyr tuus Ignatius. Inclamat verò Apoſtolus: Quis nos ſeparabit à charitate Chriſti, tribulatio, an anguſtia, an nuditas, an periculum, an perſecutio, an gladius? certus ſum, qui a neque mors, neque vita, neque Angelus, neque principatus, neque virtutes, neque inſtantia, neque futura, neque fortitudo, neque altitudo, neque profundum, neque creatura alia, poterit nos ſeparare à charitate Dei, quæ eſt in Chriſto IESU Domino noſtro. Me verò theu! quæ non retardant, non propè ſeparant

Parāt à te Deus meus? Ecce N. nuga nugarū, & vanitas vanitātū ne perueniā ad te: pudet me ignauia mea pristina, & frigoris mei, ò ignis qui semper ardes, & nunquā deficiis. at ex nunc opto te, & maximos Martyres in rebus saltem paruis sic N. imitari, ego imbecillis seruus tuus per gratiam tuam, vt placeam tibi Deo meo. Eruntne constantiores, fortiores ac prudentiores filij saculi, mancipia diaboli, quā serui tui? tolerabunt illi omnia pro supplicio, & ego nihil pro aeterno premio? Sedulò illi facient omnia pro leone rugiente in suā perniciē, & ego pro te, amantiſſimo Patre, benigniſſimo Rege, Redemptore meo, durum quid arbitrabor, & retrò respiciā?

O quā vilis facta es anima mea, iterans vias tuas! Ecce, si quæ destruxi, iterum hīc readifico, prauaricatorem me constituo; & si immundus spiritus exierit à te, & reuersus fuerit, erunt nouissima tua peiora prioribus. Teneamus ergo viam nostram, & si spiritus potestatem habens ascenderit super nos, ne dimittamus locum nostrum, ne deseramus IESVM Dominū nostrum. Va enim his qui perdiderunt sustententiam, & qui dereliquerunt vias rectas & diuerterunt in vias prauas. Quid facietis cū inspiciere cœperit Deus, & ponere rationē cū seruis suis de tot gratiis & donis? Quid faciam, cū scrutari me incipies, & renes meos, an sincerè amem te, qui sic me amasti? an queram te, qui sic quaesisti me? an sic delecter me esse tecum, & suscipere te quotidie sicut tibi infinitā dignatione delicia sunt, esse mecum & participem me facere corporis & sanguinis tui? Confusio operuit faciem meam, & dixi: Ecce nunc cœpi, & dilgo te toto corde meo, & strenuè te sequi volo. An ad hoc veni, ò bone IESV, vt ignauus sim miles in castris tuis? Ecce te presentem vbique ac semper habeo; & à cruce hac N. per te missā aut virtutis molestiā fugitiuus & impatiens ero: tēve derelinquam fontem aqua viua, & quaram cisternas quæ non valent continere aquas? seruiamne creatura potius quā creatori: alterutrum eorū, & vel aeterna: vel momentanea eligere hodie debeo: nemo enim potiri vtriusque potest, nemo duobus seruire dominis. Elegisti vero me in seruum misericorditer, ideoq; per tuam gratiam

Matth. 12

Eccli. 2. 1

Applicatio ad Communionem.

Spes in Deo.

ad-

adherere tibi nunc, & seruire volo perseveranter, non dæmoni ac creaturæ.

Tolle me super altitudinem terræ, sublimen super omnia creata, in vertice quodam me statue iuxta te, & nihil timebo, nihil cupiam, nihil detrectabo. Tu enim, ô IESV, vnica es virtus mea, & in te omnia collocata scio, & omne bonum esse meum; ego propter te, & in te transgrediar murum; in te omnia potero, quando me confortare dignaberis, attendam ad patrem qui genuit me, attendam ad passionē tuam durissimam, & amoris plenissimam, quæ redemit me. quid est quod recusare possum dum hæc cogito? quid appeteres? vanum honorem, frustum terræ, vilem voluptatem, ex creaturâ solatium? & quid difficile arbitrari pro te, mi bone IESV potero? Anne vsque ad sanguinem restiti? aut vitæ periculo me pro amore tuo exposui, vt facit omnis miles, & mercator plurimus? Et verò nonne sanguini tuo debetur meus? Quod si ita est, quomodo recusabo quamcumque, Domine IESV, propter iustitiam & pietatis studium, persecutionem pati? absit vt nullum opus difficile existimem, ullum munus, officium, accusationem, contemptum. Ecce despicio libentissimè omnes vanissimos mundi honores, vt te constanter sequar, & aternos consequar. Utinam haberem omnia, & contemnere possem omnia, per gratiam tuam, pro te! Utinam possem omnis creaturæ affectu, diligere te super omnia, momento vitæ huius! exemplo Martyrum N. dura pati constanter, & constantiâ Confessorum perseverare in exercitio virtutum iugitur, donec venias & assumes me ad te ipsum, donec sis omnia in omnibus! O quando hoc erit.

Adesto Beatissima Virgo. Adeste mihi fortissimi athletæ Christi IESV Martyres. Adeste Angeli, coram quibus hæc propono. Adiuua me, ô IESV, fortitudo mea, virtus mea, & gaudium meum, & timor meus, & omne bonum meum. Amen.

Praxis ad perseverandum in benè cœptis.

PRIMA. A pravis incipere, & mordicus, vt sic loquar, Inchoan-
 seruare. Incredibile est, quanti hoc interfit; non multa, dum à par-
 quod vulgò dici solet, amplecti; sed stringere pauca. Me- us con-
 lior est enim pugillus cum requie, & certa eius possessio- stanter.
 ne, quàm manipuli. Eccles. 4.

Secunda. Diarium aliquod habere, & temporis distribu- Tempus est
 tionē; etiam scriptam (de quo infra) seu vitæ legem, quam ordinandā
 tibi dicas ac statuas, quamque sequi velis.

Tertia. Vti alias dictum, triplici modo constantia in hu-
 manis acquiritur. Primò, ex amore rei alicuius quam pro-
 sequimur; idèd magna opinio æstimatioque esse debet vir-
 tutis ac perfectionis. Secundò, ex obligatione adiectā, vel
 promisso, vel voto, vel iuramento. Promittere Superiori
 possumus tot de hoste animæ victorias, vel familiari, &
 certare quasi cum illo; vti & votum aliquod pœnale face- Variapra-
 re; vel certè seruenter sibi si deliquerit statuere spontaneā xes perse-
 aliquam pœnitentiam. Tertiò, offerendo Deo coram Ven. ueratiæ.
 Eucharistiā propositum aliquod quotidie.

Quarta. Offerre Angelo Custodi, vel sanctis patronis, Constante
 victoriarum sui certum numerum. neque quiescere, donec pœnitentiā
 eundem acquisueris. Sunt qui gerant sacrum habitum etiam am-
 certo tempore, & piè quidem; vtinam non vestem solūm plectenda.
 corporis, sed animæ quoque conarentur acquirere, pœni-
 tentiā susceptā, donec in hoc vel illo se superassent. Cap-
 tiui alunt capillitum, obsessi continuant ieiunium, donec
 liberentur: quodd si & nos assiduā mortificatione imitare-
 mur, euaderemus vitiorum tyrannidem atque captiuitatē.

Quinta. Perfectorum exempla sibi proponere, ac mag-
 nanimitatē induere.

Sexta. Si quis aliquod exercitium angustia temporis Habitus
 prohibeatur facere vt decreuerat, saltem breuiter id faci- querendus
 at; si verò omiserit, repetat, vt habitus retineatur; immò
 superaddat aliquid vt defectus compensetur, etiamsi nulla
 culpa intercesserit. Dignatus es, vt sup, pag. 10.

JACULATORIÆ.

- Psal. 67.** **C**onfirma hoc Deus, quod operatus es in nobis, à templo sancto tuo.
- Matth. 11** Dixisti, Domine, Regnum celorum vim patitur, & violenti rapiunt illud: dereliquerunt me vires meæ, adiuua me.
- Philip. 3.** Fratres, ego me non arbitror comprehendisse: unum autem, quæ quidem retrò sunt obliuiscens, ad ea quæ priora sunt extendens meipsum, ad destitutum persequor, ad brauium supernæ vocationis Dei, in Christo IESU.
- Ibid.** Non quòd iam acceperim, aut iam perfectus sim: sequor autem si quo modo comprehendam, in quo & comprehensus sum à Christo IESU.
- Psal. 79.** Deus virtutum conuertere, respice de celo, & visita vineam istam, & perfice eam quam plantauit dextera tua,

FINIS PRIMÆ PARTIS.

